

Lang.
PM
874
B55
1913
50A

THE
NEW TESTAMENT

OF

OUR LORD AND SAVIOUR JESUS CHRIST,

TRANSLATED INTO

21261

THE CHOCTAW LANGUAGE.

117

BUREAU OF
AMERICAN ETHNOLOGY

JUN 2 1916

PIN

LIBRARY

CHITOKAKA PI OKCHALINCHI CHISUS KLAIST

IN TESTAMENT HIMONA,

CHAHTA ANUMPA ATOSHOWA HOKE.

NEW YORK:

AMERICAN BIBLE SOCIETY

INSTITUTED IN THE YEAR MDCCCXVI

1913.

PM 874
B55
1913

CONTENTS.

Mahlu	Page. 5
Mak	109
Luk	174
Chan	286
Apostel isht Anumpa	369
Loman	467
I. Kolinhljan.	513
II. Kolinhljan.	557
Kaleshan	586
Efeshan	601
Filippiar	615
Koloshan	625
I. Hlessalonian	635
II. Hlessalonian	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	760
Chute	762
Nan Otzni	766

10th Edition.

UBANUMPA MAHLU

VT HOLISSOCHI TOK.

CHAPTA I.

Chisvs Klaist a haknip imma isht ai in tikba vhleha, 1. 18 Shulon bish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli hohchifo makō im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok;

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok ; atuk o Abivt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Elivt a tobachi tok ;

15. Atuk o Elivt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yummak o Chisvs vt a tobtvttta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kv̄t Lewi a ant ai vhli kv̄t moma kv̄t it ai unchululi auah ushta hoke : yohmikma Lewi a ai vhlit mihinti kv̄t okla ha Babulon ishtia tok a ant ai vhli kv̄t it ai unchululi auah ushta hoke ; yohmikma okla ha Babulon ishtona tok a ai vhlit mihinti kv̄t Klaist a ant ai vhli kv̄t it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vlhpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vlhpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yvmmak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yvmmak osh im okla talaia ai im ashv chika puta ma ai i hlakoficha hi oka, achi tok.

22, 23. Chihowa hvt hopaii ya isht ai anumpulit, Ohoyo himita hatak haleli keyu hosh chakalit vlla nakni o shola he; mikma hohchifo ha Immanuel, yvmmtv toshowak mvt, Chihowa hvt piba foka, achi mak o okla hochifa hi oke, achi tok mak o ont ai ahla chi ho, ilvppa moma kvv yvm mohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yvmohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvt hvshi akochaka imma mintit Chelusalem a vla cha, 11; vlovi Chisvs a aiokpvchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bvna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tmaha ha ai vta ma hatak hopoyuksa vhleha hvt hvshi akochaka imma mintit Chelusalem a ai vla mvt,

2. Chu okla i miko vta tuk mvto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvv komunta tok.

4. Micha na holitompā isht aśha pehlichī putā, micha okla nan ī holissochi v̄hleha moma ka itahobit taiyahli mvt, kanima yō Klaist vt ai v̄tta hinla hatuk ā im a ponaklo tok.

5, 6. Mihma Chutea yakni Behlehem ak oke; hopaii holissochi kv̄t, Behlehem chia Chuta yakni ish talaia hokv̄t Chutea ī mīko v̄hleha aiasha ka moma chik a lauwo hō ke-yushke; chishno ak ō mīko vt chi atoba hosh v̄m okla Is̄lael oka ish pehlichā he mak oke, achi tok oka, okla im achi tok.

7. Yohmi ma Hel̄et vt hatak hopoyuksa v̄hleha hā lumv̄t pit hoyo cha, kaniohmi fehna kash ō fochik vt haiaka tuk ā achukmalit im a ponaklo tok.

8. Micha Behlehem ā pit tihleli mvt, Oh ia cha, v̄lōsi atukma achukmalit hv̄sh hoyashke; atuk osh hv̄sh ahayuchikmvt, anonti ant hv̄s sv̄m anoli na v̄no mvt ivt ont ai okpv̄chi li ak inlashke, achi tok.

9. Mihma mīko ā haklot in taha mvt, okla ilhkoli tok: yohmi ma fochik hv̄shi akochaka imma a pīh̄isa tuk ash ō itikba takalit mah̄aya mvt, v̄lōsi ai itola ka paknaka yā ont takali tok.

10. Fochik ā okla pisa mvt, nayukpa aiāhli fehna mak osh okla na yukpa tok.

11. Micha aboha okla ont abeha mvt, v̄lōsi, micha ishki Meli aiena ka pisa mvt, aka hlipkv̄chit, yvm̄mak ash ō okla aiokpv̄chi tok; micha im v̄lbihpo ā tiwichi mvt, yvm̄mak ash ō tv̄li-holisso-lakna, micha fil̄akinsen, mikmvt mv̄h aiena hō okla habenv̄chi tok.

12. Mihmvt holhpokuna hō falamvt Hel̄et ā okla ik im ono ka hi ā, Chihowa hv̄t ī miha hatuk ō, hina inla hō v̄lh̄tot ī yakni atuk akinli hō okla ilhkoli tok.

13. Mihma ai ilhkolit taha ma, Chosef vt holhpokuna hō, Chihowa im enchil vt ant ī haiaka mvt, Tani cha, v̄lōsi mikmvt ishki aiena ka ishit malelit Echip ā ish ona cha, yvm̄mak ō ish ahanta tuk ō, anumpa ishit chim āya lashke; Hel̄ot vt v̄lōsi ā v̄bi b̄v̄nmvt hoyā chi hoka, achi tok.

14. Mihma tani mvt, v̄lōsi micha ishki aiena kash ninak ō pehlichī cha, Echip ā ia tok.

15. Chihowa hv̄t hopaii isht ai anumpulit, Echip ak ō

svso ha a hoyo li tuk, achi tok a ont ai ahla chi ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha nvt ik ahobalo ho pisa mvt, anukhobela fehna cha, pit on tihlelit, vlla chipunta Behlehem, micha auet a bilika maya kvf afvmmi tuklo ai vhlit ola minti, hatak hopoyuksa vhleha ha achukmalit im aponaklo tok vt pit ai it vlhpesa ka, moninchit vbit tahli tok.

17, 18. Yvmohmi hoka Chelemaias hopaii vt anumpohonlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hvt iiksho hatuk oka ishit yahaya mvt, hopohla hi a ik ahno ka, takali na haiyaklo tok oke, achi tok a ont ai ahli tok.

19, 20. Yohmi tok kia Helot vt illi haya, Chihowa im enchil vt, Chosef vt holhpokuna ho Echip a im a haiaka mvt, Tani cha, vloshi micha ishki aiena ka pehlichy cha, Israel okla i yakni a ish iashke; vloshi im ilhfiopak a hoyo tok vt illi hoka, achi tok.

21. Yohmi ma tani mvt, vloshi micha ishki aiena kash pehlichy cha, Israel okla i yakni a vla tok.

22. Yohmi kia Akelavs vt iki vlhtobvt Chutea ya i miko na haklo mvt, yvmma ona nukshopa tok: yohmi nana kia holhpokuna ka Chihowa hvt nana i miha hatuk oka, fullotvt Kalili i kaniohmi ho ona tok.

23. Yohmi ka hopaii vhleha hvt anumpulit, Yvmmak okvt Nasalet hatak vtta hohchifa hi oke, achi tok a ont ai ahla chi ka, vmaha Nasalet hohchifo ho ona cha, ahanta tok.

CHAPTER III.

Chan Baptist vt vba anumpa ha Chutea yakni haiaka isht anumpohonli, mihmvt baptismohonchi, 1. 13 Chisvs vt Chan ak o im a baptismo; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea yakni haiaka ya vbanumpa isht ai anumpohonlit aya tok;

2. Mihmvt, Uba apehlichika yvt olanlosi vla hoka, hvsh ilekostoninchashke, ahanchi tok.

3. Ilvppak o hopaii Esaias vt isht anumpulit, Achufa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlehashke, ahancha hi oke, achi tok mak oka.

4. Mihmvt Chan yvmmak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiya-chi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a koh-chvt ivt;

6. Yvmmak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yvmmak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Mich a, Eblaham ak osh piki oka, acha hi okvno hvch ik il anukfillo kashke; Chihowa hvv tvli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtvla ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Vno yokvto hvsh ilekostinincha chi mak o, oka ya ishit hvchi baptismochi li ho mvhlishe; yohmi kia auet siakayvt mihinti hokvto vno a shaiyahli, yvma i shulush a isht im aya hi o si ahoba keyu hoke; yvmmak osh Shilombish Holitopa, micha luak aiena mak o ishit hvchi baptismocha hi oke.

12. Yvmmak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit tahli cha, onush atuk ma kanchak a pit ashacha hi oke;

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a. baptisma chi hosh Chatan a ai im ona tok.

14. Yohmi kia Chan vt yvmmak ash o im alvmmi mvt, Uno ak osh chishno a chim a baptismo la he si vlhpiesa ka, anonti vno ak o is svm vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlhpiesa puta ka mominchit il aiahlicha he pim vlhpiesa hoke, im achi tok. Yohmi ma vlhpiesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik a auet ai anuhumpa kv, Ilvp-pak osh svso a holitopa yo ilvppak o nan isht a sai yukpa mak oke, achi tok.

CHAPTA IV.

Shilomish osh Chisvs a ilauelit yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhleha hv ant nan isht im anta, 1. 12 Kapenavm a Chisvs vt ai anta: mihmvt ile kostininha he isht anumpohonli tok. 18 Pita, Antilu, Chemis, Chan aiena kv nan im aiithvna ya chi ho, Chisvs vt atokolechi. 23 Chisvs vt Kalili yakni a nan im avrchit a hlopullit, abeka puta atuk ma hlakofihinchi.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kv pvska toba chi ka i mihá, im achi tok.

4. Yohmi kia yvmmak ash osh afalaminchi mvt, Hatak vt pvska yak bano ho ai okchaya he keyu; amba anumpa

moyuma kv̄t Chihowa itih akohoncha kak a hi ɔ, holisso tok oke, achi tok.

5. Yohmi ma Setan ash osh ilaue^{lit} tvmaha holitopa ya ont isht chukowa cha, tempel wishakchi yɔ ont ɔ hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha ch̄i ka im enchil v̄hleha h̄a atohno na ibbak a isht vba takalihinchit chisht aya na nitak kaniohmi kia chiyi ya tvli isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaue^{lit} nv̄nih chaha fehna h̄o isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipivt is si aiokpv̄chi hokma, ilvppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak ɔ ish ai okpahanchikmvt, yvmmak illa h̄o ish im antiashke, achi kv̄t holisso hoka, im achi tok.

11. Yohmi ma Setan ash osh i filvmmi ma, enchil osh ai vla cha, okla ant nan isht im anta tok.

12. Yvmohmi tuk ɔ Chisvs vt, Chan vt aboha kv̄llo foka na haklo mvt, Kalili a ia tok.

13. Atuk osh Nasalet a issvt ia mvt, Kapenavm yvmmv̄t Sabulon yakni, micha Neftalim yakni aiena ont ai v̄hli okhv̄ta lapalika ak ɔ ont ahanta tok.

14, 15, 16. Yakohmi kv̄t hopaii Esaias anumpulit, Sabulon yakni, micha Neftalim yakni okhv̄ta lapalika, Chatan misha, Chentail okla i Kalili vt aiokhlileka asha tuk vt tohwikeli ehinto pisa tuk; mihma isht aiilli yakni, micha isht-aiilli i ho-shontika maya tuk a tohwikeli hv̄t i kohchvt takalishke, achi tok a ont aiahla he mak a tok.

17. Yvmma foka aiv̄hlit mihinti ma, Chisvs vt vba isht anumpulit, Oh ilekostininchi; vba apelichika yvt olanlosi vla hoka, ahanchit ishtia tok.

18. Atuk osh Chisvs vt Kalili okhuta lapalika nowvt aya tuk osh, itibapishi tuklo, Saimon Pita hohchifo, anonti nakfish Antilu itatuklot nvni-hckli atuk osh nvni-isht-hokli a okhuta pit okvchi hosh ashwa na pisa tok.

19. Mihmvt yvmmak ash o, Hvs siakaiyashke, mikma hatuk hokli o hvch ikbi lashke, im achi tok.

20. Yohmi ma mih makinli ho i nvni-isht-hokli a issa cha, yvmmak ash o iakaiyvt okla tok.

21. Mihma yvmmak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kv iki Sebete a apihvt nvni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yvmmak o iakaiyvt okla tok.

23. Mihma Chisvs vt Kalili a mominchit ayvt, i sinakak puta ka nan ai im avrchit, apelhlichika isht anumpa hanta ya isht anumpohonli; micha okla hv abeka, micha haknip ik in chukmo im asha tuk a mominchit hlakofihinchit tok.

24. Mihma isht annoa kv Silia moma ka ont hlopulli tok; mihma okla hv abeka ilaiyuka puta isht issikkopa hatuk; micha nan isht-ahullo okpulo ai i foka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yvmmak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kv iakaiya tok.

CHAPTA V.

Chisvs vt nvni chaha ya ai anumpuli. Yohmi kv kvna hosh nan isht ilaiyukpa anoli, 11. 13. Klaist i yimmi vheha hv yakni i hvpi: 14 yakni a im a tohwikelika; tmaha yosh nvni ai o talaia ka chohmi; 15 pva ha chohmi. 17 Chihowa i nanvlhpisa ya Chisvs vt aighlichia chi hosh vla. Kaniohmi hosh nanvlhpisa isht hannali ka kobrfi ka anoli. 27 Kaniohmi hosh nanvlhpisa isht untuklo ka kobrfi ka anoli. 33 Anumpa kvlo isht ile onochi im olvbbi. 38 Nukchintot nana ik achukmo ka a pim ahleka he pi miha. 43, pin tvnvp puta ka il i hulla he; 45 mikmvt nan ai ahla he pim anukfila he aiena ka pi miha.

1. **YOHMI** ma okla chito ka pisut, nuni chaha y_o pit oiya tok ; atuk osh ont binili ma, nan im ai ithvna vhleha hvt im ai ona tok.

2. Mihma itih h_a wakummi cha, yummak ash im abvchi mvt,

3. Chukvsh ilbvsha vhleha yokvto vba apehlichika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vll-pesa hokvt nayukpvshke.

6. Ahopoyuksaka aiahni vhleha hvt hochah_afo, itukshibin-la aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chukvsh kashofa vhleha yokvto Chihowa ya pisa hi okvt nayukpvshke.

9. It i nanaiyvchi vhleha, yummak okvto Chihowa ushi hohchifa hi okvt, nayukpvshke.

10. Ahopoyuksaka pulla hatuk mak o isht i palummi vhleha yokvto, vba apehlichika yvt immi hokvt nayukpvshke.

11. U_o atuk pulla mak o hatak puta kv_t isht hvchi yopulvt, hvchi ilbvshachit, ahli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvt hvchi yukpa fenashke : isht hvchim vlhtoba hi vt chinto hosh vba ya a_sha hoka ; hopaii vhleha hvchin tikba aiasha ka yakohmichit ilbvshachi tok mak oka.

13. Yakni i hvpi hvchia hoke ; yohmi kia hvpi hvt homi kv_t i kvnia hokmvt, nanta hak o isht a homa hinla cho ? yummak okvt himmakma nana h_o isht ai vllhpiesa he keyu ; amba kocha pit hl_aya na hatak puta iyi yosh ahvhlhinch_a he ak o pulla hoke.

14. Yakni in tohwikeli hvchia hoke. Tvmaha chito yosh nuni chaha ai on talaia hokvt luma he keyushke.

15. Mikma hatak vt p_ula h_a pulalikmvt, tanchi isht vllhpisa nutaka y_o talali chatuk keyu ; amba p_ula ai-o-hikia y_o ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pva hvv hatak puta itikba ya ik a tommi pulla na inla asha kvv nana hvsh akaniohmi hochukma puta ka pisa cha, Iki vba binili ka holioblashke.

17. Nan vlvhvisa, micha hopaii puta im anumpa aiena ha tok a okpvnit aya lituk a, ik hvchim ahobo kashke; okpvni la hi osh aya lituk keyu; amba aiahlichichi la he mak a tok.

18. Ahli mak o hvchi miha lishke, Yakni, mikmvv vba shutik aiena hokvto ont ik ai iksho kia, vba nan vlvhvisa yvt moma ont ik a lauwo achvfona nana kia a kaniohmit aiokpuloka iksho mak osh, momvvt ont aiahla he mak oke.

19. Yohmi hoka kvna hosh vba nan vlvhvisa ik a lauwo ilvpa puta ka achvfona ka kovvffi cha, hatak puta kvv ai yvmihcha chi ho im avvchi hokmvv, vba apvehlichika aiasha ka moma ik a lauwo hohchifa he; amba kvna hosh mihma holiobli cha, inla ma isht im avvchi hokvto, mihi yosh vba apvehlichika ya chito ont a hohchifa hi oke.

20. Hvchi aivlvhvisa kvv na-holissochi vvhleha, micha Falisi vvhleha aiena ka i shahli ho keyukmvv, nana hosh a kaniohmi kak o vba apvehlichika ya ont hvsh chukowa he keyu hoke, hvchim achi lishke.

21. Nitak tikba aiasha kvv, Kvna kia ish bi na: kvna hosh inla vbi hokvvt nan vlvhvisa yo isht im ahlekashke; achi tok a hvsh haklo chatuk.

22. Amba vno vto, Kvna hosh nana hosh a kaniohmi keyu ho, itibapishi ha i nukkilli hokmvv, nan vlvhvisa yo isht im ahlekashke: mikma kvna hosh itibapishi ha, Ik chi ahobo, im achi hokmvv, nan vlvhvisa kvv i shahli ho isht im ahleka he: amba kvna hosh, Im anukfila iksho chia hoka, im achi hokvto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpvchi ya ieszit alta ya ish ona kvv, ish itibapishi ha nana ish i kaniohmi tuk a asha ka ish ithaiyana hokmvv;

24. Vba chi nan-isht-aiokpvchi ash alta itikba yo ish bohli cha, ivt tikba ish itibapishi ak o ont ish it i nanaiya ha yosh, vlvv, vba chi nan-isht-aiokpvchi ash pit isht ish aiokpvchashke.

25. Nan v_lhpisa chi onochi yatuk ma a_pehvt ish maya takla kak osh, t_ushpvt ish it ibai achvfashke ; keyukma nitak kaniohmi kash inli h_o nan v_lhpisa chi onochi yash osh chisht nan apesa ibbak a chi fohkikma, anonti nan-apesa yash osh nanv_lhtoka ibbak a chi fohki na aboha kullo y_a ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi h_o keyukmvt, kaniohmi kak osh y_um-mak atuk a ish kohcha he keyu mak a hi oke.

27. Nitak tikba aiasha kv_t, Hvsh it in lumaka ná ; achi tok a hvsh haklo chatuk.

28. Amba vno vto, Kvna hosh ohoyo ha i nukpvli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

31. Kvna hosh tekchi a kanchikmvt, it i kvnia holisso ha imashke ; achi tok a takalishke.

32. Amba vno vto, Kvna hosh tekchi vt lumaka tuk o keyu h_o kanchikmvt, hau i kbicha he : yohmikma kanchi haya kvna hosh itauwayakmvt, haui toba mak a hi oke, hvchim achi lishke.

33. Micha anonti, nitak tikba aiasha kv_t, Anumpa kullo ish ile onochi tuk vt chik kobvffo kashke : amba anumpa kullo ish ile onochi tuk okvt Chitokaka ya ish im aiahlicha hi oke ; achi tok a hvsh haklo chatuk.

34. Amba vno vto, Anumpa kullo chik ile onochi kv_mohmashke ; vba shutik ak kia pit isht chik ai a miho kashke ; yvmmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvmma isht chik ai a miho kashke ; anonti Chelusalem a isht chik ai a

miho kashke; yummak okvt Miko chito in tumaha chto yoka :

36. Micha chi noshkobo ak kia isht chik ai a miho kashke; chi pashi achufa kia ish tohbiehikmá, ish lusachikmá, nana he keyu hokvt :

37. Amba chim anumpa hvt Ome, ome; Keyu, keyu; achi aiena kak ashke : ilvppak o nana kv^t ont atampa hokvt o nana ik vlhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke; achi tok a hvsh haklo chatuk :

39. Amba vno vto, Nan ik vlhpeso ka chik i sanalo kashke; amba kvna hosh chitisopi isht impakimma ya issokma, in tvnnvp ma pit ish i weli makinlashke.

40. Micha hatak nana kia nan vlhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kvna kia awant ivt kowi achufa ka ish ona pulla hi a chim ahnikma, awant ivt tuklo ho ish onashke.

42. Nana chim asilhhakma, ish imashke : mikmvt chim a pota bunna hoka, chik i shanaiyo kashke.

43. Chin chukapanta hatak a ish i hullo cha, chin tvnvp okvno ish i nukkillashke; achi tok a hvsh haklo chatuk.

44. Amba vno vto, Hvchin tvnvp vhleha ha hvsh i hullo cha, nana okpuloka hvchim anukfillit miha aiena ka, nana achukma ho im ahnit hvsh mihashke; hvchi nukkilli ma ai achukma hi o isht hvsh i yvmohmikmvt, hvchi kanimachit, hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia hi oke : yummak okvt i hvshi atuk ma nan ik vlhpeso, micha na-hochukma aiena ka i kohchihinchikmvt, kocha umba ka nan-ai^{ah}li hochukma, mikmvt nan ik ahlo aiena ka auet i pihinla chatuk oka.

46. Hvchishno a hvch i hullo ho hvsh i hullo hokvt, nanta hosh isht hvchim vlhtoba ho? publikan vhleha ak kia yummak okvno yohmi akinli chatuk keyu ?

47. Micha hvsh itibapishi vhleha ak bano ho hvsh aiokpvchi hokmvt, inla asha ka nantak o isht i shahlichⁱ hosh

huchi yvmohmi hō ? publikan vhleha ak kia yohmi ak inli chatuk keyu ?

48. Yohmi hoka aiahli huchi achukma kv̄t, hvch Iki vba binili kv̄t aiahli achukma kak inli hō hvsh chiyuhmashke, hvchim achi lishke.

CHAPTER VI.

Chisvs vt nv̄nih chaha ai anumpuli tuk vt a moma. Yohmi kv̄t na habenv̄chi, 1, 5 anumpa ilbv̄shvt asilhha, 14 nan ai-ashv̄chi puta ka i kashofa he, 16 na hollochi aiena ka isht anumpuli, na pim ilayak kanima yō il a boyula hi a pim anoli, 24 i shahli ha tuklochit il ai okpv̄cha he keyu ka miha, 25 yakni paknaka nana a kaniohmi ka ai isht im anukfilvt isht ik ilbv̄sho hosh, 33 amba Chihowa apelhichika yak o na tikba e hoyā hi a miha.

1. **AHAH!** hvsh aiahnit na hvsh habenv̄chi kv̄t, hvchi p̄isa ch̄i ka, hatak puta itikba yō hvch ik a yvmiheho kashke ; yvmmak keyukmvt hvch Iki vba binili ka im a hvchim vlhtoba hi o keyu hoke.

2. Yohmi ka na hvsh habenv̄chi kv̄t, isht-pufa yā ch̄i tikba yō ai olachit, nan-ilahobi vhleha hokvto hatak puta kak o im a holitopa ch̄i hosh sinakak anukaka, micha ai itvnova puta ka a yvmohmi chatuk oka, hvch ik chohmo kashke : ahli mak o hvchim achi lishke, yvmmak okvto im vlhtomba chatuk oke.

3. Amba nana ish habenv̄chi hokmvt, chibbak isht impak-imma yvt nana kaniohmi ka, chibbak vlhfv̄beka yvt akostin-icha hi a chik im ahno kashke.

4. Yohmi na nan ish habenv̄chi ka a lumakashke ; yohmikna Ch̄iki alumaka a p̄isa yvt ilap inli hosh otvnichi achukma hosh chim atobba hi oke.

5. Micha vba pit ish anumpuli hokvt, nan-ilahobi vhleha hokvno chik chohmo kashke ; yvmmak okvto, hatak vt p̄isa ch̄i ka, sinakak anukaka, ai itvnova ai itai okhvnkv̄chi aiena kak o hiohm̄ayvt vba pit anumpuli kak osh im achukma chatuk oka ; ahli mak o hvchim achi lishke, yvmmak okvto im vlhtomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-hashke; yohmikma Chiki alumaka apisa yvt otvnichi achukma hosh chim atobba hi oke.

7. Yohmi kia vba pit hvsh anumpuli hokvt it vlbillit mih-
iha kv, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, hakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi bvnna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpu-lashke: Piki vba ish binili ma! Chi hohchifo hvv holito-pashke.

10. Ish apehlichika yvt vlashke. Nana ish ai ahni ka yakni pakna ya a yohmi kv, vba yakni a yohmi mak o chiyuhmashke.

11. Himak nitak ilhpak pim ai vlhpesa kako ish pi ipetashke.

12. Mikmvt nana il aheka puta ish pi kashofi kv, pish-no vt nana pim aheka puta il i kashofi chatuk a ish chiyuh-michashke.

13. Mikmvt anukpvlika yoka ik ia chik pim aiahno hosh, amba nan-okpulo a ish pi a hlakofihinchashke: Apehli-chika, mikmvt nan-isht-aiahli, micha isht aholitopa aiena kv chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kv hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu hoke.

16. Yohmikmvt anonti, nana hvsh hullochi kv nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kv hatak puta im otvna chi

kvt, nashuka ya ilapissachi chatuk oka. Ahli mak o hvchi miha lishke, yvmmak okvto im vlhtomba hoke.

17. Amba chishno vto nan ish hullochikmvt, chi noshkobo ish ahvmmi cha, chi nashuka ma ish achifashke.

18. Yohmi cha hatak puta kano na hullochi ho chik i holbo hosh, amba ai alumaka ai ahanta Chiki ak illa ho ish im otvnashke; yohmikma Chiki ai alumaka a pisa yatuk mvt, otvnichi achukma hosh chim atobba he mak oke.

19. Hvchim ilayak puta ka yakni paknaka nanilayak shushi, micha na-lakna aiena kvt ai okpvi chatuk, micha hukopa puta yvt tiwit isht chukowvt a hukopa ya hvchik ai atahlo kashke.

20. Amba hvchim ilayak puta ka vba yakni nanilayak shushi, micha na-lakna aiena kia ai okpvi keyu, mikma hukopa puta kia tiwit isht chukowvt a hukopa keyu ak o hvsh ai atahlashke.

21. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla ak inli hoka.

22. Haknip a i pula hvt nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli chi foyuka, yvmmak atuk vt ont okhlieli hokma, okhlili yvmvt chinto fehna nana mak ahinla keyu?

24. Hatak nana kia i shahli ha tuklochit holitobla he keyu; achvfalit i nukkilli cha, achvfa yak o holitobla hinla; keyukmvt achvfalit pit halanli cha, achvfa yak o kanimancha hinla hoke. Chihowa micha Mammon it aieninchit hvsh holitobla he keyushke.

25. Yohmi hoka hvchi ai okchaya hi a nana ho hvsh pa he, micha nana ho hvsh ishka he aiena; mikmvt hvchi haknip ma nana ho hvsh fohka hi a anukfillit isht hvch ik ilbvsho kashke, hvchim achi lishke. Ilhfiopak vt ilhpak a i shahlikma, anonti haknip vt nafohka ya i shahli ho keyu cho?

26. Hushi vba itvnova ho ho pesa: yvmmak okvt nana

h_o hokechi keyu, anonti vmot, kanchak kia pit ashachi h_o keyu; yohmi kia vba hvch Iki vt ymma ipehinta hoke. Holitopa kvt ymma hvsh i shahli fehna h_o keyu?

27. Hvsh katima kak osh anukfihinlit isht ilbvsha kvt hvchi chaha ka kubit achvfa kia hvsh il achakala hinla cho?

28. Micha nanta katiohmi h_o na fohka ya anukfihinlit isht hvsh ilbvsha cho? Na pakanli hochukma lilli oktak aiasha kvt kaniohmit offo hoka anukfihinlit ho pesá: yummak okvt toksvilit a hoyvbi keyu, anonti nana h_o shvnni keyushke.

29. Yohmi ak inli kia Solomon ak kia nan-isht im a holitopa moma isht a shema kvt ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlhpita ch_i kia, Chihowa hv she-mvchi kvt yvmihchi kvto, hvchishno a i shahlich_i hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa ch_i? mikmvt nantak o iloh ishka ch_i h_o? micha nantak o eho fohka ch_i cho? hvch ik acho kashke.

32. Ilvppa puta kak o okla nan ik ithano vhleha hv hoyo chatuk oka; ilvppa moma ka a hvchi bvna hokvno vba hvch Iki vt ithana hoka.

33. Amba Chihowa apelihika, micha nan isht im ai vlhpiesa aiena kak o tikba hvsh hoyashke; yohmikma ilvppa moyuma kvt hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokvto ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII.

Nvni_h chaha Chisvs vt anumpuli tok osh a moma; yohmi kvt himakfokalechit inla ya na mihacha ch_i ka imolvbi, 1; 6 micha nana kvt holitopa hokvto ofi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskvtnosi, micha hina ik pvttho, mikmvt okhissa chito, micha hina pvttha isht anumpuli. 15 Hopaii ilahobi ya ahah! im ahna he, 21 vbanumpa haklo illa he keyu, amba im antia he; 24 tvli chito chuka yvt ai itvbana chatuk a chohmi; mikma kvna hoh kia i yimmi keyu hokvt chuka yvt shinuk o ai itvbana chatuk a chohma hi a miha.

1. HUCHISHNO a nana ik hvch i mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch i mihacha he; mikmvt isht vllhpisa nana ho isht hvsh apesa tuk mvt, hvchishno mvt isht hvchim vllhpisa he akinli hoka.

3. Micha nanta katiahmi ho na hishonluk iskvtnosi kvv ish itibapishi nishkin a foka na ish pisa ho kak osh, anonti iti chito yvt chi nishkin ak inli foka kano chik akostinicho cho?

4. Micha katiahmi ho iti chito yvt chishno chi nishkin ak inli ho foka ka, ish itibapishi ha, Na-hishonluk iskvtnosi ka chi nishkin a ai ishit ak kohchi, ish im acha hinla cho?

5. Nan ilahobi chia hoka, chishno chi nishkin ak o tikba iti chito a ish a kohchashke; yohmikmak osh ish pisa achukma cha na hishonluk iskvtnosi ka ish itibapishi nishkin a foka tuk a ish a kohcha hinla hoke.

6. Nana kvv holitompa hokvno ofi puta ma pit hvch ik imokmvt, anonti hvch i na holitopa puta hatuk ma shukha itikba ya hvch ik ashacho kashke; yvmmak keyukma yvmmak ash o iyi isht a hvhlichu cha, anonti filemvt hvchishno ash o hvchi okpvna hinla hoke.

7. Hvsh asilhhakma, hvch ima he; hvsh hoyokmvt, hvsh ahayucha he; hvsh sokohakma, hvchin tiwa he oke.

8. Asilhha aiyyuka hokvto ishi bano hoke: mikma kvna hosh hoyo hokvto, ahayuchi hoke; mikma kvna hosh sokoha hokvno, in tiwa pulla hi oke.

9. Yohmi ka hatak hvsh katima kak osh, ushi osh pvska im asilhha ka, tvli yo isht ima hinla ho?

10. Keyukmvt nuni yo asilhhakma, sinti yo isht ima hinla cho?

11. Yohmi ka nan ik ai vlhpeso hvchia kia hvchim vlla ya na hochukma isht ima kv̄t hvchimponna chatuk a, im asilhha hoka hvch Iki vba binili kv̄t na hochukma isht ima kv̄t i shahlichei ik fehno ka hinla ho?

12. Yohmi hoka nan-okluha ka hatak puta kv̄t hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: ilvppak o nan vlhpisa, micha hopaii puta aiena kv̄t miha hoka.

13. Okhissa iskvtinosi ak o hvsh ai abehashke; okhissa yvt chito cha, hina mv̄t p̄tha hosh aiokpuloka ya ona hatuk o, yvmma ai abeha kv̄t laua hoke.

14. Okhissa yvt iskvtinosi cha, hina mv̄t ik p̄tho hosh ai okchaya ya ona hatuk o, ik lauwo hosh yvmmak oka aha-yuchi hoke.

15. Hopaii ilahobi vhleha chukfv̄lh̄poba i na fohka fohka hosh hvchim ai vla kia, anukaka yokv̄to nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kv̄ti hak o p̄aki a ai vmo chatuk o? micha fik a shumvti ak o ai vmo chatuk oh cho?

17. Yvmmak inli ho chohmit iti hochukma moma kv̄t vni hochukma ho vni chatuk; amba iti okpulo yokv̄to vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokv̄to momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yvmma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna lawa ka isht il a yvmihchi tok keyu cho? vm achi kv̄t laua hi oke.

23. Yohmikma otvnichit, Nitak nana ashq huch ithana li tuk keyu, nan ik vlhpeso yohmi huchia hvt a filvmmi misha oh ia chá, im achi la hi oke.

24. Yohmi hoka kvna hosh vm anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yo in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ka, tvli paknaka yo ai itvbana hatuk okvt, ik akamo ki tok.

26. Yohmikma kvna hosh vm anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka ya shinuk paknaka yo a talali tok a it vlhpisashke.

27. Yvmohmi tuk o umba hatuk mvt aka ituyula na okchitot vla ma, anonti mahli hvt mahli cha, chuka yvmmak ash ai ihiso ma, akama tok ; micha okpuloka kv ai ahli tok oke, ahanchi tok.

28. Atuk o yakohmi tok ; Chisvs vt ilvppa ahanchit ont in taiyaha ma, nan isht im avuchi tuk a okla hvt anukhla-kancha tok.

29. Im ai vlhpesa mak osh nana im avuchi tok ; amba na holissochi vhleha hokvno ik chohmo ki tok.

CHAPTA VIII.

Chisvs vt leposi vbi ya hlakofichi, 1. 5 Mikmvt sintuliyv in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokopvchi. 23 Michi kaniohmi hosh il iakaya he pim anoli : 28, nan isht ahullo okpulo vhleha ha Chisvs vt kocha weli ma ; nan isht ahullo okpulo vhleha hash osh shukha laua ya iba chukowa.

1. ATUK osh nvni chaha ya vttvt akowa ma, okla chinto kv iakaiya tok.

2. Mihma leposi vbi yosh vlt ant aiokpvchi mvt, Chito-kaka ma ! vlhpesa ish ahni hokmvt, is sa kashofa hinlvshke, achi tok.

3. Mihma Chisvs vt ibbak a pit weli cha, potoli mvt, Uhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokprchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyv vt mintit im vla tok.

6. Micha im asilhhvt, Chitokaka ma! an tishu hvt palsi isht abeka hosh issikkopa fehna kvv chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyv ash osh afalaminchi mvt, Chitokaka ma! vm aboha ya ant ish chukowa he si vhpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kvv ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvma haklo kvv nukhlakancha mvt, apihvt aya kash o, Ahli mak o hvchi miha lishke; Israel okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvv laua hosh vba apehlichika ya ai vlvv Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyv ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlvpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, yemma tekchi a ishki vt yvnhvt abeka hosh itonla na pisa tok.

15. Mihmvt ibbak a pit potoli ma, yvnha kvv shipvchi tok: mihma yemma ash osh wakaya mvt, nan isht im vttta tok.

16. Atuk o opivt taha ma nan isht ahullo okpulo ai i foka puta kvv lau a ho isht im ai ona tok; yohmi ma shilom-bish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Yvmmvt hopaii Esaias vt anumpulit, Ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ahla chi mak a tok.

18. Yohmi ma okla chito fehna kvv ahevvt ai asha na Chisvs vt pisa mvt, misha in tvnnvp ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvv chiluk vt im ashakma, vba hushi puta kvv vlvhpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvvt, Chitokaka ma! vmmona kano ivt, aki a ont hohpi la hi a, vlvhesa is svv ahnashke, im achi tok.

22. Yohmi kia Chisvs ash osh, Is siakaiyashke; yohmik-ma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvv iakaiya tok.

24. Atuk o mahli kvvll o fehna kvv okhvta ha a tovvv kocha ma, peni ash o oka banvtha kvv isht ompohomo tok; yohmi kia yemma ashot nusi hosh itonla tok.

25. Mihma nan im ai ithvna vhleha hvv im ai vlvv ant okchvli mvt Chitokaka ma! ish pi okchalinehashke; pilli mak oke, achi tok.

26. Mihma yvmmak ash o, Na-yimmi fehna keyu hvehia ma! na katihmi ho hvechi nukshopa cho? im achi tok. Micha tani mvt, mahli mikmvt okhvta aiena kash im alvm-mi tok; mihma yokopa ai ahlit talaia tok.

27. Yohmi ma hatak ash osh okla nukhlakancha mvt, ilvppvt hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnnvp Kekesenes yakni a ona ma, nan isht ahullo okpulo ai i foka kvt tuklo hosh anuksho-munta fehna hatuk o, hatak nana kia yvmma imma ka ont ia he keyu chatuk o, hatak illi aiasha ya ashwt kohchvt minti hosh ont afama tok.

29. Mihmvt tahpvlvt okla mvt, Chisvs, Chihowa Ushi chia hvv nanta ho isht ish pi ahalaia cho? ik ai ono kisha ho, ish pilbvshacha chi hosh ilvppa ish la hoh cho? achit okla tok.

30. Yohmi ma shukha laua kvt impa hosh auet i hopaki ka ai asha tok.

31. Yohmi hatuk o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehvt okhvta sakti chaha yo pit ai oka kahvt ok ai illit taha tok.

33. Mihma apesvchi vhleha hatuk vt yihlepvt, ilhkolit tmaha ona cha, nana ka mominchit anoli tok; micha nan isht ahullo okpulo ai i foka tuk vt nana im a kaniohmi tuk a aieninchit anoli tok.

34. Yohmi ma tmaha hash osh momvt Chisvs a afamvt ilhkoli tok; atuk osh yvmmak ash o okla pisa mvt, i yakni a a kohchvt ya hinla ka okla im asilhha tok.

CHAPTA IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha ha Mahlu im ai impa asha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichu ushetik vt illi tuk a okchalinchit tanichi: micha ohoyo hvt issish umbokafa isht abeka tuk a hlakofichi. 27 Michu hatak nishkin lva tuklo ho i fatummi. 32 Chisvs vt hatak ik anumpolo nan-isht ahullo okpulo ai i foka yatuk a im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvbli cha, ilap in tvmaha ak inli ho ona tok.

2. Mihma hatak vt palsi isht abeka hosh potvlhpo pakna itonla ho okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvv chi kashofa hoke, im achi tok.

3. Yohmi ma na holissochi vhleha kaniohmi kvv, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila ha ithana hatuk osh, Nanta katiohmi ho hvchi chukvsh a nan okpulo ishit hvsh anukfilli cho?

5. Na chim ai ashvchika puta kvv chi kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvv ik lauwo cho?

6. Yohmi kia Hatak Ushi yvt yakni paknaka anta kvv nan ai ashvchika puta ka kashofa hi vt im ai vlhpesa hatuk a, hvsh akostinineha chi kak oka, palsi isht abeka ash o, Tanit chi potvlhpo ishi cha, chi chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvv pisa mvt, nukhlakanchvt, hatak a nan-isht im ai ahli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ash o vttvt ia mvt, hatak vt Mahlu hohchifo hosh, tvli holisso ai itahoba ya binili ho ont

pisa tok; mihmvt yvmmak ash o, Is siakaiyashke, im achi tok; mihma wakaya mvt iakaiya tok.

10. Atuk o yakohmi tok; Chisvs vt impa hosh aboha anuka asha ma, publikan vhleha, mihmvt nan ashvchi vhleha aiena kvt laua hosh ai vlt yvmmak ash, micha nan im ai ithvna aiena ka ant takla binohli tok.

11. Mihma Falisi vhleha hvt pisa mvt, yvmma nan im ai ithvna vhleha hash o, Katiohmi ho nan hvch ithvnanchi vt publikan, micha nan ashvchi vhleha aiena ka it ibai impa cho? im achi tok.

12. Yohmi kia Chisvs vt yvmma haklo mvt, Haknip im achukma hokano alikehi a ai im ai vllpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno; amba nan i nukhaklo ak o aiokpanchi li hoke, achi yvmmak osh nana hokma, ont oh ithvna; hopoyuksa vhleha ak o hoyot aya li ha tok keyu; amba nan ashvchi vhleha hvt ile kostininha chi mak a tok oke, im achi tok.

14. Yohmi ma Chan nan im ai ithvna vhleha hvt im ai vla mvt, Katiohmi ho pishno, micha Falisi vhleha il aiena kvt nukhaklot nan e hullochi fehna ma, amba nan chim ai ithvna vhleha hvt nukhaklot nan ik hullocho cho? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi vhleha hvt nukhakla hinla cho? yohmi kia hatak himona ohoyo itauwaya tuk ash ant im ai isha he nitak vt ai ona he; yohmikmak o okla hvt nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu; vllkvta lapali kash osh anchi ash hlilvfit ishikma, i shahlit hlilavt okpulo chatuk oke.

17. Mikma hatak puta kvt oka-paki himona ya shukcha sipokni yo apitta chatuk keyu; yvmmak keyukma shukcha yvt mitahli na oka-paki yvt hlayakma, shukcha yvto okpulo chatuk; amba oka paki himona ya shukcha himona yo apit-takmak o, tuklot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichí achvfa hosh vla cha, ant aiokpveli mvt, Himonasí ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvna vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mavvt ona cha, im anchi aposhokvchi a pit potoli tok.

21. Im anchi ak illa ho ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt, Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvvisa yvmma fehna ho ohoyo yvmmak ash osh hlakofi tok.

23. Mihma Chisvs vt hatak na-pehlichí in chuka yash ona cha, oskula olachi vhleha, micha okla yaiya aiena ka ont pisa mvt,

24. Oh iti kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla i yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma mo-ma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kvv iakaiyvt avvt, tahpahanlvv, Lewi ushi chia ma! ish pi nukhaklashke, ahanchi tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt i fatumvt okla tok: yohmi ma

Chisvs vt kvlochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvma mominchit ai im annowachi tok.

32. Yvmmvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Islael okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, lrvpvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tmahushi puta aiena ka mominchit ayvt, i sinakak puta kak o nan im ai abahanchi, mihmvt vba apehlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im asha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukvrlhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwashke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auct tihlela chi ka, hvsh im asilhashke, im achi tok.

CHAPTA X.

Chisvs vt nan im ai ithvna auah tuklo kvv vbanumpa ha isht anumpohonla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobi kvv nan isht il ai yukpa he miha.

1. YUMOHI tuk osh nan im ai ithvna auah tuklo kash o itahobit tahl mvt, nana im ai ahlit, nan-isht ahullo

okpulo puta imaiyvt, yummak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kv̄t ya-kohmi kak oke: vmmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pvblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yv̄mma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hv̄ch ik aiyo kashke, mikmvt Samalia okla in tmaha h̄a ont hv̄ch ik chukowo kashke.

6. Amba Islael in chuka-chvfa chukv̄lvhpoba tvmoa pulla kak o hv̄sh im ai onashke.

7. Micha ia hosh hv̄sh itvnowa kv̄t, vba isht anumpo-honlit, Ūba apehlichika yvt olanlosi vlvshke, hv̄sh ahan-chashke.

8. Mikmvt abeka ya hlakofichit, leplosi vbi puta ka kashofit, illi puta ka tanichit, nan-isht ahullo okpulo puta ma hv̄sh kocha welashke: pilla h̄o hv̄sh habena hatuk okvt, pilla h̄o hv̄sh imashke.

9. Hv̄chi shukcha atuk ma tv̄li holisso lakna, micha tv̄li hv̄ta, mikmvt tv̄li lakna nana kia fohkit hv̄ch ik ieshokmvt;

10. Anonti nowvt hv̄sh aya hokvt bahta kia, ilefoka lumbo tuklochit, shulush aiena ma tuklochit, tv̄bi nana kia hv̄ch ik iesho kashke; hatak toksvli yvt ilhpita he ak o vlvpesa hoka.

11. Micha tvmaha, keyukmvt tvmaha chito yokm̄a nana h̄o ont hv̄sh chukowa chi kv̄t, kv̄na hosh vlvpesa kv̄t yv̄mma anta ka, hv̄sh ponaklashke; micha yummak o hv̄sh asha tuk osh a kohchvt hv̄sh iashke.

12. Micha chuka yo ont hv̄sh chukowakmvt, hv̄sh ai okpv̄chashke.

13. Yohmikma chuka yatuk mvt vlhpesa hokma, na yukpa he hvsh im ahni tuk a onvtulashke: amba vlhpesa keyu hokmvno, na yukpa. he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokmá, tmaha hokmá, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvt im ahleka hoh kia, pit im vlhpisa kvt tmaha yvmmak a tok a i shahla hi oke.

16. Inta! chukfulhpoba yo chohmichi hosh nashoba itintakla pit tihleli lishke; yohmi hoka kostini kvt sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichí vhleha, mikmvt miko puta, Chen-tail okla aiena ka, na hvsh im ai atokola chi ka, vno pulla hatuk mak o yvma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvt hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch Iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvt iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mahayvt ai vhli ka ona hok mak osh okchaya hi oke.

23. Yohmi kia tmaha chito ilvppa a hvch issikko

palikma, yihlept inla y_o hvsh onashke. Ahli mak o hvchi miha lishke, Islael okla in tumaha puta ka hvch ik hlopullo kisha h_o, Hatak Ushi yvt vla hi oke.

24. Nan-ithvna yvt nan-ithvnanchi ya imaiya keyukma, anonti tishu hvt i shahli ha imaiya h_o keyu chatuk.

25. Nan-ithvna yvt nan-ithvnanchi ya itila_uikma, anonti tishu hvt i shahli hatuk ma itila_uikmak osh im vlhpesa hoke. Chuka-chvfa pehlichika ya Beelsevrb okla hochifo tuk vt in chuka-chvfa ya i shahlichi kv_t katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kv_t ompoholmo tuk osh ik otano ka hi vt iksho ma, anonti nana kv_t luma tuk osh ik annowo ka hi vt iksho hoka.

27. Nana ka okhlilika y_o a hvchim anoli li ka a tohwi-kelika y_o hvsh ai anolashke: micha nana ka haksobish tikelichi hosh hvsh haklo kv_t, yvmmak ash aboha pakna y_o hvsh ai anolashke.

28. Mikmvt haknip a vbi kia, shilombish a illicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbv-shala hinla kak pulla h_o hvsh i nukshopashke.

29. Hushi chipunta yvt tuklokmvt sint achvfa iklvna itatuklo vlhtoba chatuk keyu? mikma yvmvt, hvch lki vt ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinv_t taha yoke.

31. Yohmi hoka ik hvchi nukshopo kashke; holitopa kv_t hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninch_i tuk ma, vno ak kia ilapa Aki vba binili ka itikba ya ai ahninch_i la hi oke.

33. Amba kvna hosh hatak puta itikba ya ik si ai ahnincho tuk ma, vno ak kia ilapa Aki vba binili ka itikba ya ak ai ahnincho ka hi oke.

34. Yakni pakna ya nanaiya y_o bohli_t aya li tok ik

huchim ahobo kashke: nanaiya yo a bohlit aya li tok
keyu, amba bvshpo falaia ak a tok.

35. Hatak a iki ik it im vllpesachot, ushetik a ishki ik it
im a vllpesachot, ipok atuk ma ipokni a ik it im vllpesa-
chot aya li ha tok.

36. Mikma hatak in tenvi puta ket ilap in chukachufa
ash inla hi oke.

37. Kuna hosh iki yokmá, keyukmvt ishki yokmá, nana hq i hullo kvv vno a im i shahli hokvt, vmmi ha he vlvpesa keyu hoke: mikmvt ushi yokmá, keyukmvt ushetik okmá, nana hq holitobli kvv vno a im i shahli hokvt, vmmi ha he vlvpesa keyu mak inli hoke.

38. Yohmikma kuna hosh im iti-taiyukhuna ya sholi
cha, siakaiya keyu hokvt, ummi ha he vhpesa keyu mak
oke.

39. Kva hosh im ilhfiopak a ahayuchi tuk mvt i kvenia
he : mikma kva hosh vno pulla hatuk mak o im ilhfiopak
vt i kvenia hokmvt, ahayucha he mak oke.

40. Kuna hosh huchi aiokpuchi hokvt, vno a si aiokpuchi kma; anonti kuna hosh vno a si aiokpuchi kv, auct sa kanchi tok ma aiokpuchi hoke.

41. Kuna hosh hopaii ya hopaii atuk mak o aiokpvehi hokvt, hopaii im ai vltoba mak o isha he : yohmikma kuna hosh hatak ahli achukma ka, ahli achukma atuk mak o, aiokpvehi hokvt, hatak ahli achukma im ai vltoba mak o isha hi oke.

42. Mihma kva hosh chipota vhleha iluppa achvona kia, nan ithuna yatuk mak o ishka chi ka oka kapvssa isht-ishko achvfa illa ho ipeta kia, yummvt kaniohmit nan-vlhtoba hvt i hlakofa he keyu, ahli mak o hvchim achi lishke, achi tok.

CHAPTER XI.

Chisvs vt vba isht anumpohonli kv̄t a moma; Chan a pit ponaklo
tuk a Chisvs vt afalaminchit im anoli, 1, 7 micha, Chan Baptist a
aighlit isht anumpuli. 20 Chisvs vt tomaha kanimi ka na palvm
mi kv̄t onvtula chi ka anoli, yvmmak oka na fehna laua ka ai yv-

mihinchi tuk kia, okla ik ile kostinincho hoka. 25 Chisvs vt Chiho wa pit aiokpvchi mvt, Iki vt nan okluha ka ibbak ifoyuki tuk a achi: 28 mikmvt a foha chi kvt hoyvbi puta kvt im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in tumaha puta ka nan ai ithvnanchi, micha vba isht anumpuli aiena chi hosh yvmma vtvt ia tok.

2. Atuk o Klaist vt nan-isht-anta puta ka Chan vt aboha kvlllo anukaka ya a haklo mvt, nan im ai ithvna vhlcha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia cha nana ka hvsh haklo, micha hvsh pisa aiena tuk vt Chan a ont hvsh im anolashke.

5. Lupa yvt hopokoyo ma, imomokpulo yvt nowa; leplosi vbi okla hv i kashofa; mikma ik haponaklo yvt haponaklo; illi tuk vt tani, mihma ilbvsha puta ka vbanumpa hv isht im anuhumpvshke.

6. Yohmi ka kvna hosh vno a ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkv chi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Um anumpeshi ya chi tikba chevichi li hoka, mihi vosh chi hina ya tikbanli apoksiacha chi hoke, achit isht holisso tok a ilvpak osh mih mak oke.

11. Ahli mak o hvchim achi lishke, Ohoyo ho a tobt

aiasha ka itintakla hikia kv̄t Chan Baptist a imaiya chatuk keyushke : yohmi nana kia moma ik lauwo hosh v̄ba apehlichika ȳa anta kv̄t, yv̄mma imaiya hoke.

12. Yohmi ma Chan Baptist vt ahanta nitak atuk a ai v̄hli mihinti ka, v̄ba apehlichika ȳa ishi b̄v̄nna kv̄t achilita fehna. yohmikma achilita puta kv̄t onvtulvt ih̄ishi na himakv̄shke.

13. Hopaii v̄hleha moma micha v̄ba nan v̄lhpisa aiena kv̄t na tikbanli anoli kv̄t, Chan ak o ant im ai v̄hli hoka.

14. Micha hv̄chi yimma hinla hokma, ilv̄ppak osh v̄la he tok Elias mak oke.

15. Kv̄na hosh isht haponakla he haksobish vt i hinlik-mvt, haklashke.

16. Amba himak okla aiasha ilv̄ppak okv̄no nantak o it-apesa la ch̄i cho ? Ulla yosh ilhpak a kanchi yo binohmaya hosh ilap b̄ika it̄i howvt,

17. Oskula h̄a e hv̄chim olachi ka, hv̄ch ik hehloshke ; e hv̄ch̄i yaiya ka, hv̄ch ik yaiyoshke, achi h̄o itilauishke.

18. Chan vt ik impo, micha nan ik ishko aiena hosh aya ma, Yv̄mma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ih̄ishko aienvt aya ma, Yakeh ! hatak isikopa, oka-p̄aki ishko shahli, p̄v̄blikan micha nan ashv̄chi v̄hleha aiena ka i kana yoke, achishke : yohmi kia Ahopoyuksa yokv̄to im v̄lla v̄hleha h̄a isht im a holitopa hoke, im achi tok.

20. Yohmi mvt tv̄maha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma ! na ch̄i palv̄mmi mak oke : Betsaita ma ! na ch̄i palv̄mmi mak oke ; na-fehna puta kv̄t hv̄chishno ȳa hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli h̄o na pashi tv̄nna anchit hituk chubbi banot mayvt ilekostinincha he a tok oke.

22. Yohmi kia nan v̄lhpisa chinto nitak okv̄no Taia micha Saiton aiena kv̄t im ahleka hoh kia pit im v̄lhpisa kv̄t hv̄chishno yokv̄no i shahla hi oke, hv̄chim achi lishke.

23. Yohmikma Kapenav̄m chia shutik ak o ont ish talia

tuk vt, akitv ai okpulo^{ka} mak o ish ona hi oke: na-fehna puta kv^t chishno ya chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan vlhpisa nitak okvno Sotom yakni vt im ahleka hoh kia, pit im vlhpisa kv^t, chishno yokvno i shahla hi oke, hvchim achi lishke, achi tok.

25. Nitak ymma fehna ma Chisvs vt anumpuli mvt, Aki, shutik micha yakni aiena in Chitokaka ma! na yakohmi puta ka na kostini, micha nan ithana aiena kvno ish in luhmi tuk osh, vlo^{si} puta ho ish im otvnichi hoka, yak oke, chim aiahni lishke.

26. Vlhpesashke, Aki ma! yvmmak osh chim vlhpiesa hatuk oka, achi tok.

27. Aki vt nan okluha ka svbbak fohkishke: yohmi ka Ushi ya hatak nana kia ik ithano ho, amba Iki ak banoshke; mikma Iki a hatak nana kia ik ithano ho, Ushi ak illa, micha Ushi ak osh kvna ho im otvnichi hok mak bano hoke.

28. Toksvlit ahantvt hoyvbli, micha shapoh i weki puta hvchia mvt, momvt hvs sv^m ai vla na hvchi fohvchi lashke.

29. Um ikonla abana yak o isht hvsh il abanali cha, vno ak o hvs sv^m ai ithvnashke: vno ak osh chukvsh yohbi, micha chukvsh akanlosi aiena sia hoka: yohmik mak osh hvchi shilombish puta a foha hi a hvsh ahayucha he mak oke.

30. Um ikonla abana ya il abanali ka im vlhpiesa, micha a shapoh hv^t shohvla hoke, im achi tok.

CHAPTER XII.

Nan im ai ithvna vhleha hash osh nitak hullo yo onush a hlehlit vpa tuk a, vlhpesa, Chisvs vt im ahni, 1. 9 Chisvs vt ibbak bvshi yatuk a achukmali tuk o, Falisi vhleha hv^t vbi bnna. 22 Shilombish okpulo ai i foka tuk a Chisvs vt hlakofichi; 31 mihmvt Shilombish Holitopa ya ik ahobalot anumpuli kv^t i kashofa he keyu miha. 38 Falasi vhleha hv^t Klaist a nan-isht-atokowa im a hoyo. 46 Kvna hosh Klaist a i kanomi hoka isht annoa.

1. NITAK ymma foka ma Chisvs vt nitak hullo nitak o osapa hlopullit aya ma, nan im ai ithvna vhleha hvt hohchvfo hatuk osh, onush a hlehli cha, vpvv ishtia tok.

2. Yohmi kia Falisi vhleha hvt pisa mvt, Yakeh! nana ka nitak hullo nitak a a yohma he vlhpesa keyu ka, na chim ai ithvna vhleha hvt yohmishke, im achi tok.

3. Yohmi kia ymmak ash osh, Lewi micha apehvt aya tok aiena kvv hohchvfo mvt, kaniohmi tok,

4. Chihowa im aboha hatuk a ont chukowa cha, pska otvni ymmak oka ilap vt, micha apehvt aya tok aiena kvv vpa he ai im vlhpesa keyu, amba naholitompa isht asha ak illa hatuk a vpa tok a, holisso ha hvch ik ai it im anumpulo chatuk oh cho?

5. Ymmak keyukmvt na-holitompa isht asha vhleha hvt nitak hullo nitak puta ma tempel anukaka ya nitak hullo a kobahafi kvv ashvchi ha tok keyu ka vba nan vlhpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Uba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvt, ashvchi keyu ka anumpa hvsh onocha he tuk keyu chishke.

8. Hatak Ushi yvt nitak hullo ak kia in Chitokaka ak inli hoka, im achi tok.

9. Michi ymmak ash vttvt ia mvt, ymma i sinakak ak o ont chukowa tok.

10. Yohmi ma hatak vt ibbak shulla yosh asha tok. Yohmi ma ilvppak ash o nan vlhpisa onocha chi hosh okla im ponaklot, Nitak hullo nitak a na hlakoficha he vlhpesa cho? achi tok.

11. Yohmi ma ymmak ash osh, Hatak hvchi katima kak osh chukvvlhpoba yvt achvfa hosh im anta tuk vt, nitak hullo nitak o yakni kula pit itula ka, pit halvllit ik kohecho ka hinla cho?

12. Yohmi ka hatak vt holitopa kvv chukvvlhpoba ya katiohmi ho isht i shahli ho? Yohmi hoka nitak hullo

nitak a nana achukma ka yohma he vlhpesa hoke, im achi tok.

13. Yohmi mvt hatak ash o, Chibbak a chisemochí, im achi tok. Mihma chisemochi tok: yohmi ma falamvt achuk-mvt taha mvt, in tnnvp akinli hō chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt knia tok: mihma okla chito hvt iakai-ya ma, yvmmak ash o mominchit hlakofichi tok.

16. Yohmi mvt ilap a okla ik otvnincho ka hi a kvllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesá: ilvppak o vmi Shilombish o onochi likma, yvmmak osh Chentail okla hā vba nan vlh-pisa ya im otvnicha hi oke.

19. Yvmmak okvt ik it im paknokmvt, anonti ik tahpulo ka he; mikma tmaha ai itahoba puta ka im anumpa hā hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pula i honnula lua shobulli ka ik mosholicho hosh, vba nan vlh-pisa ya fihimit isht imaiyacha he.

21. Yohmikma Chentail vhleha hvt yvma hohchifo hō anukhieta he, achi tok a ont ai aiahli tok mak oke.

22. Yvma foka ma achvfa hosh nan-isht ahullo okpulo ai i foka hosh lvpa, micha ik anumpolo aiena hō isht im vla tok: yohmi ma yvmmak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt momvt nukhlakancha mvt, Ilvppvt Lewi ushi ash keyu hō? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli hō keyu, amba nanisht-ahullo okpulo i miko Beelsebvak o isht kohchi hoke, achi tok.

25. Mihma okla im anukfila hā Chisvs vt akostininchi hatuk osh, Apehlichika puta kvv it a kashapvt ilap bika it i sanali hokvt, ont ai okpulo kvv taha chatuk: anonti tmaha

chito, keyukmvt chuka puta kvt it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmvt, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebvb ak o nan-isht-ahullo okpulo a ishit kocha weli li hokma, kuta hak o hvchim vlla vt yvmma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vla mak oke.

29. Keyukmvt katiohmi hosh achvfa kvt hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmvt; amba yvmmak okmvt in chuka ya wehpula hinla hoke.

30. Kuna hosh vno a svbafohka keyu kvt, a sanali hoke; mikma kuna hosh svba hoyo keyukmvt, na fimmi yoke.

31. Yohmi hoka, Hatak vt nan im ai ashvehika il aiyuka moma, micha Chihowa ik ahobalot anumpuli moma kvt i kashofa he; amba Shilombish Holitopa yo ik ahobalot anum-puli tuk okvto hatak vt ik i kashofa ka hi oke.

32. Micha kuna hosh Hatak Ushi ak o na mihachit anum-puli tuk okvto i kashofa he: amba Shilombish Holitopa ak o na mihachit anum-puli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmvt iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vlhpiesa keyu hvchia kvt, katiohmi hosh nana achukma puta ka hvsh anum-pula hinla cho? chukvsh a alotowak mak o, itih hv kohchit miha chatuk oka.

35. Chukvsh anukaka ya na holitopa kvt asha kak o, hatak achukma kvt nana achukma puta ka a yvmohmi chatuk: mikma chukvsh anukaka ya nana ik achukmo kvt asha

kak o, hatak ik vlhpeso kut nana ik achukmo puta ka a yvmohmi chatuk oke.

36. Yohmi kia anumpa ik vlhpeso puta hatak vt anum-puli tuk okmvt, nan vlhpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vlhpiesa he: mikmvt chishno chim anumpa atuk ak o nan isht chim vlhpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kut anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminchu mvt, Nan ik vlhpieso, mi-cha havi aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena ho nuni chito ikfoka anukaka ya foka tok a; yvmmak inli ho chohmit Hatak Ushi vt nitak tuchina micha ninak tuchi-na aiena ho yakni chukvsh anukaka yatuk ma foyuka hi oke.

41. Nana vlhpisa chinto nitak okvno Ninefeh hatak vt okla ilvppa ai apihvt hieli cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostininchu tok okvt; atuk o Chonas a imaiya mak osh ilvppa ahantvshke.

42. Nana vlhpisa chinto nitak okvno oka mahli ohoyo miko vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kut Solomon isht im a hopoyuksaka ya haklot aya tok okvt: yohmi tok o himak a Solomon a imaiya mak osh ilvppa ahan-tvshke.

43. Shilombish okpulo yvt hatak a akohchakmvt, afoha he hoyo kut oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vta kohchvt a minti li kash osh falamvt ia lashke; achi tuk osh onakmvt, yvmmak

ash kva iksho h_o, pashpovt, shemvt taiyaha cha hikia h_o, ont pisa hoke.

45. Yohmikmt shilombish okpulo untuklo inla yvt ilap a i shahli h_o ivt ont pehlichit vla ma, yvmmak ash okla pit abeha cha ai asha chatuk; yohmikma hatak yvmmt ont ishtaiyopi kak o okpulo kvv vmona tuk a i shahli chatuk oke. Yohmi ka yvmmak inli h_o okla nan ik vhpeso ilvp-pet chiyuhma chi hoke.

46. Okla ha im anumpuli kvv moma h_o, ishki micha itibapishi vhleha aiena kvv it im anumpuli bvna hosh kocha ya hinli tok.

47. Yohmi ma achvvt, Yakeh! chishki micha ish itibapishi vhleha aiena kvv chit im anumpuli bvna hosh kocha ya hiohmayvshke, im achi tok.

48. Yohmi kia afalaminci mvv, nan im anoli yash o, Hvshki ak osh kvta h_o? mikma itibapishi li vhleha ak osh kvta hoh cho? im achi tok.

49. Mihmvv nan im aiithva vhleha aiasha ka imma yo ibbak a pit weli mvv, Hvshki, micha itibapishi li vhleha ha pisá;

50. Kva hosh Aki vba binili nan aiahni ka yvmohmik-mvv, yvmmak osh itibapishi li, micha an tek, mikmvv hvshki aiena mak oke, achi tok.

CHAPTA XIII.

Na hokchi nan isht vhpisa; mikma nana a kaniohmi kak o Chisvs vt nan isht vhpisa h_o isht ithvnanchi, 1. 18 Na hokchi nan isht vhpisa h_o otvnichi; 24 onush micha haiyukpulo ita tuklo ka isht vhpisa, 31 mvstvt nihi; 33 micha nan isht shatvmmichi ita tuklo ka nan isht vhpisa: micha na kaniohmi h_o Chisvs vt nan isht vhpisa bano h_o isht anumpohonli. 36 Onush micha haiyukpulo ita tuklo nan-isht vhpisa h_o otvnichi; 44 na holitopa luma kvv itu-yula, 45 micha nan chumpa, 47 mikmvv nni isht hokli aiena ka nan isht vhpisa; 53 Chisvs vt falamvt i yakni ak inli h_o ona tuk o, okla hvv kanimanchi.

1. MIHMVT Chisvs vt nitak yvmmak inli ka aboha ya a kohchvt ia mvv, okhvta lapalika yo ont binili tok.

2. Yohmi ma okla laua fehna kv̄t ant im ai itahoba, yohmi ma peni yō pit chukowa cha binili tok; mihma okla laua yash osh momvt oka v̄hli h̄a hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kv̄t hina lapalika yō kaha tok; atuk o hushi puta kv̄t ant v̄pvt tahli tok.

5. Kanimi kv̄t tv̄li foka yakni āsha fehna keyu hō kaha tok; atuk osh yakni vt i suko keyu hatuk okvt, chekosi fehna offo tok;

6. Atuk o hv̄shi vt kohcha ma, anakshua tok; yohmi kv̄t hakshish vt ik im iksho hatuk okvt, bv̄shit taha tok.

7. Yohmi ma kanimi kv̄t kv̄ti foka yō kaha tok; atuk o kv̄ti vt offo mvt, olvbbit ishi tok.

8. Amba inla ka yvt o yakni achukma hō kaha: yohmi tuk mvt achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena hō vnit waya tok oke.

9. Kv̄na hosh isht haponakla he haksobish vt i hinlikmvt, haklashke, achi tok.

10. Mihma nan im ai ithv̄na v̄hleha hv̄t im ai ona mvt, Nanta katiohmi hō nan isht v̄lh̄pisa hō isht ish im anum-puli cho? im achi tok.

11. Mihma afalaminchi mvt, Hv̄chishno yokv̄to nan ik otano v̄ba ap̄ehlichika ahalaya puta ka hv̄sh ithana hi okvt hv̄chim v̄lh̄pisa ha tok; amba yvm̄mak okv̄to im v̄lh̄pisa keyu hoka.

12. Kv̄na hosh īshikma, mihi yō ima he; mikma in laua kv̄t i shahla hi oke: amba kv̄na hosh īshi keyuk mv̄no, īshi tuk ash kia im ai isha hi oka.

13. Okla pih̄isa hokak osh, pisa keyu; mikmvt hah̄aklo hokak osh, haklo keyu; micha akostininchi keyu aiena hatuk; yohmi kak o nan isht v̄lh̄pisa hō isht im anum-puli li hoke.

14. Mihma Esaias vt nana tikb̄anli anoli kv̄t, Hah̄aklo hokv̄no hv̄sh haklo kia, hv̄ch ik akostinincho ka he; mikmvt pih̄isa hokv̄no hv̄sh pisa kia, hv̄ch ik ithano ka ne

15. Okla ilvppa chukvsh atuk mvt ni vt taiyaha, mihma haksobish a isht haponahaklo kv in takobi mvt, nishkin atuk ma okla okhishtvshke ; yvmmak keyukmvt nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok a okla ilvppak o ont isht aighli hoke.

16. Amba hvchi nishkin okvto pisa ; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lawa, micha hatak hochukma aiena kv nana hvsh pisa ka pisa bvna tok kia, okla ik peso tok ; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlhpisa hatuk ma hvsh haklashke.

19. Kvna kia apehlichika isht anumpa ha haklo cha, ik akostinincho, yohmik ma nan okpulo yosh vlv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa ha haklo mvt, na yukpvt ashalika ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk ; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbi chatuk.

22. Mikma kvti foka yo na nihi ai ishi kak kia vbanumpa ha haklo kak oke ; yohmi tuk o yakni ilvppak inli nana ai anushkunna, micha nan in laua bvna kv isht ashvchi aiena kv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke : micha yvmmak ash osh vnikmvt, achvfa tuk kia kanimi kv tahlepa achvfa, kanimi kv pokoli hannali, kanimi kv pokoli tuchina, yohmi hosh isht waya hoke, achi tok.

24. Mihmvt nan-isht vlhpisa inla yo in takalichit yak

ahanchi mvt, Ūba apelhichi ka yvt hatak ash im osapa ya na nihi achukma hō hokchi tok a holba hoke.

25. Yohmi tuk kia hatak puta kv̄t nusi hosh maya takla ma, in t̄nvp vt vla cha, onush ash haiyukpulo yō ant a hokchichi cha, kv̄nia tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichī in tishu v̄hleha hash osh ona cha, Pī shahli ma! na nihi achukma yō chim osapa ya ish a hokchi tok keyu hō? katiohmi hō anonti haiyukpulo vt aśha cho? im achi tok.

28. Mihma, T̄nvp osh ilvppa yvmihchi tok, im achi ma; tishu v̄hleha hash osh, Yohmi ka ivt yvmmak atuk ma ont aiov̄t il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmnak keyukma haiyukpulo a aiov̄t hv̄sh itahobi takla kv̄t, onush a aieninchit hv̄sh lobba hinla hoke.

30. Itapihvt hiohm̄yvt av̄sha onashke: atuk o av̄sha onak mak o na-bv̄shli v̄hleha hā, Haiyukpulo ak o tikba aiov̄t itahobit hv̄sh sitohli cha, hv̄sh hukmashke; yohmik-mvt onush ak okv̄no a kanchak ak o pit hv̄sh ai itahobashke, im achi lashke, achi tok.

31. Nan-isht v̄lhpisa inla yō in takalichi mvt, Ūba apelhichika yvt mv̄stv̄t nihi achvfa hō hatak vt ishi cha, im osapa ya hokchi tok a holba;

32. Yvmmak okv̄t iskitini kv̄t na nihi moma ka ik lauwo ho mv̄hli; yohmi kia offot hofantikmvt, haiyukpulo puta ka moma imaiya cha, iti o toba; yohmi na v̄ba hushi puta kv̄t naksish atuk ma ant a binohli chatuk oke, achi tok.

33. Anonti nan isht v̄lhpisa inla yō isht im anumpuli mvt, Ūba apelhichika yvt p̄ska shatv̄mmichi yō ohoyo hv̄t ishi cha, tanchi pushi v̄lhpisa tuchina hō ibafohki tuk o, momvt shatv̄mmi tuk a, holba hoke, achi tok.

34. Ilvppa puta ka nan isht v̄lhpisa bano hō Chisvs vt okla laua yatuk ma isht im anumpohonli tok.

35. Hopaī vt anumpuli mvt, Nan-isht v̄lhpisa hō sv̄tih hā isht anumpohonli lashke; yakni toba tok taiyakla ka na lu-

ma a₂sha chatuk puta ka anohonli lashke, achi tok a₂ ont aia₂hla chi ka, nan-isht v₂h₂pisa h₂ keyukma im anumpuli tok keyushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna v₂hleha hvt im ai ona mvt, Haiy₂ukpulo osapa an₂uka a₂sha tok nan-isht v₂h₂pisa ka achukmalit ish pim anolashke.

37. Mihma afalamинchi mvt, Na nihi achukma y₂o hokchi ktv Hatak Ushi ak oke.

38. Osapa vt yakni moma kak oke: nihi achukma yvt vba ap₂ehlichika im vlla ak oke; amba haiy₂ukpulo vto nan okpulo im vlla ak oke.

39. T₂nv₂p vt yv₂mma hokchi tok vt Setan ak oke: av₂sha ona ktv yakni ont im ishtaiyopi kak a he; mikma na b₂ushli v₂hleha hvt enchil v₂hleha ak oke.

40. Yohmi ka haiy₂ukpulo yvt itahoba cha, luak isht hollokmi chatuk a, yakni ilv₂ppvt ont im ishtaiyopikmvt, yv₂mak inli h₂o chiyuhma hi oke.

41. Hatak Ushi vt im enchil v₂hleha h₂a atohonokma, na yoshubi, micha nan ik v₂h₂peso yohmi v₂hleha aiena ka mominchit im ap₂ehlichika atuk ma ai ishit kocha wela he;

42. Mikmvt yv₂mmak atuk ma tvli a bila luak chinto h₂o pit ai ashacha he: yohmikma yaiya micha noti ahampa aiena hosh yv₂mmak oka aiasha hi oke.

43. Yohmikma hopoyuksa v₂hleha hokvt shohpakali ktv, h₂vshi ak o chiyuhmi hosh Iki im ap₂ehlichika atuk ma aiasha hi oke. Kvna hosh isht haponakla he haksobish vt i hinlikmvt, haklashke.

44. Anonti, Vba ap₂ehlichika yvt na holitompa luma hosh osapa an₂uka itonla tuk o, hatak vt yv₂mmak ash o ahayuchi cha, luhmi mvt, na yukpa fehna hatuk osh ia mvt, nana im a₂sha tuk vt mominchit kanchi cha, osapa yv₂mmak ash o chumpa kak o chohmi hoke.

45, 46. Anonti, Vba ap₂ehlichika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achufa ktv v₂h₂toba chinto ahayuchi mvt, ivt

nana im asha tuk vt mominchit ont kanchi cha, chumpa kak o chohmi hoke.

47. Anonti, Ūba apehlichika yvt nuni-isht hokli yo okhvta okvchi na ilaiyuka puta pehli;

48. Atuk o alota ma, okla halvllit oka vhli isht ona mvt, aka binohli cha, hochukma ka aiovvt nan aivlbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chiyuhma he; enchil vhleha hvv kohchvt ayakmvt, hatak haksi vhleha hvv hopoyuksa vhleha ha ibvlhto tuk a filamohlichea he:

50. Mikmvt yvmmak ash o tvli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisvs ash osh, Ilvppa puta ka mominchit hvsh akostininchi cho? im achi ma, Yau, Chitokaka ma! okla im achi tok.

52. Yohmi ma, Na holissochi aiyyuka vba apehlichika isht im vlvchi kvv, hatak chuka-chvfa pehliche yosh nan im aia-sha ya nana kvv himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisvs vt nan isht vlvhvisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka vla mvt, i sinakak a nan ai im abahanchi; yohmi ma okla nukhlakanacha mvt, Hatak ilvppvt nan ithana, micha na fehna aiena ka yvmihchi kvv, katimak o ai im vlhtaha tok oh cho?

55. Ilvppvt chuka ikbi ya ushi keyu? ishki vt Meli hohchifo keyu? mikma itibapishi vhleha mvt Chemis, micha Choses, mikmvt Saimon micha Chutas aiena kak keyu?

56. Mihma in tek vhleha hvv momvt hvpi takla maya keyu? Yohmi ka hatak ilvppvt katimak o nan ilvppa moma ka ai im vlhtaha tok oh cho? achi tok.

57. Mihmvt yvmmak ash o okla isht ai ibetvbli tok. Yohmi kia Chisvs vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa koh chatuk oke, im achi tok.

58. Yohmi mvt okla nan ik i yimmu hatuk mak o yvm-mak atuk ma na fehna ka lauachit a yvmihchi tok keyushke.

CHAPTA XIV

Chan Baptist vt nan ai ahli fehna hatuk osh Helot a nan i miha hosh aboha kvllo pit fohka, 1, 3 micha noshkobo tupa tok. 13 Chisvs vt pvska lumbo tahlapi, micha nvti tuklo aiena ho hatak tahlepa sipokni tahlapi ho ipeta tok. 22 Chisvs vt vba pit anumpula chi hosh nvni chaha pit oiya; atuk osh ninak a mahli fehna ma ok-hvta paknaka a nowvt nan im ai ithvna vhleha ha im ia; micha Pita yvt oka kvnia he tuk a okchalinihi. 34 Chisvs vt Kenesalet ona mvt, abeka puta tuk a hlakofichi.

1. YOHMI ma nitak yvmmu foka ma, miko Helot vt Chisvs vt annohova ka, haklo tok.

2. Mihmvt in tishu vhleha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvv yvmmak atuk ma ai isht il otvnihinichishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvllo ya fohki tuk a tok.

4. Chan vt, Yvmmak oka ish itauwaya he chim vhpesa keyushke, im achi hatuk o.

5. Yohmi kak o yvmmu vbi bvna kia, okla laua yak o i nukshopa tok: yvmmak oka hopaii, okla ahni hatuk oka.

6. Yohmi tuk kia Helot vt ai vta tok nitak a holitoblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvllo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphvta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anum pa kvllo atuk pulla, micha okla ibai-impvt maya tuk aiena hatuk mak o, yvmmak atuk ma ima hi a apesa tok.

10. Micha pit atohno na aboha kullo anukaka yak o Chau noshkobo ya a tvbli tok.

11. Mihma ymma noshkobo hvt amphvta chito fohka ho isht vla cha, ohoyo himita yash ima tok; mihma ymmak ash osh ishki a isht im ona tok.

12. Yohmi ma nan im ai ithvna vhleha hvt haknip a ont ishi cha, hohpi mvt, ivt Chisvs a ont im anoli tok.

13. Chisvs ash osh haklo mvt, nan im ai ithvna vhleha bano ho ai itapihvt ymma vttvt ia kvt, peni vltot yakni haiaka yo ilhkoli tok; atuk o okla hvt ymmak ash haklo mvt, aka itunowa hosh tmaha puta ka ashvt okla pit iakai-ya tok.

14. Atuk o Chisvs vt kohcha cha, okla laua ya pisa mvt, i nukhaklo fehna cha, abeka im asha tuk a hlakofichi tok.

15. Atuk o opivt taha ma, nan im ai ithvna vhleha hash osh im ai vla mvt, Ilvppak okvt yakni haiaka yoke; mikma himak a shoba hosit tashvshke; okla laua ya pit ish tihleli na tmahushi taloha ka ilhpak vpa chi kvt okla a chum-pashke, achi tok.

16. Yohmi kia Chisvs ash osh, Okla ik aiyo mak kia, impa chi ka hvsh ipetashke.

17. Yohmi ma, Pvska tahlapi, micha nvti tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmvt okla laua yvt aka hvshuk ai om binohla chi ka apesa tok; mihmvt pvska tahlapi cha nvti tuklo aiena kash o ishi cha, vba pit vba-chakali mvt, ai okpvehi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momvt impvt kaiya tok; mihma boshulli atampvt asha ka kishi alota auah-tuklo ho okla ishi tok.

21. Yohmi ka okla impa tuk vt, ohoyo vlla aiena kvte asha ho, hatak tahlepa sipokni tahlapi foka tok.

22. Yohmi ma mih mak inli ho Chisvs vt ilapvt okla laua ya tishelichi taklakma, nan im ai ithvna vhleha hvt peni pit abeha cha, tikba misha tvnvp a ilhkola chi ka i miha tok.

23. Micha okla laua yash tishelichit tahli mvt, vba pit anumpula chi hosh ilap illvt nvnih chaha yo pit oiya tok: atuk osh opivt taha ma ilap bano hosh yvmma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vllpisa ont isht ai ushtak fehna. Chisvs vt okhvta ha a nowvt ayvt im ona tok.

26. Mihma okhvta a nohowvt aya na nan im ai ithvna vhleha hv pit pisvt, komunta mvt, Shilup oke, achi tok; mihmvt nukshopa cha, tahpula tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hv kvllto fehna ho pisa mvt, nukshopa tok; micha oka kvnivt ishtia mvt, tahpvlvt, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvlli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlhto ma, mahli hv yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mvhlshke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma asha tuk vt yvmmak ash o akostininchi mvt, inla tohnot yakni yvmma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kv kaniohmi hosh potoli tuk okvt hlakofi aiahli tok.

CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli ī nan v̄lhpisa puta kak ō ahninchī kv̄t, Chihowa ī nan v̄lhpisa puta ka ī shahlichī ka nan ī miha tok, 1: 11 micha nana puta nana hosh hatak ā okpaiyani kv̄t asha ka anoli. 21 Chisvs vt Kenan ohoyo hō ushetik ā hlakofichi, 30 micha okla laua kv̄t im ona na hlakofihinchī tok; 32 micha pvska lumbo untuklo, micha nv̄ni chipunta kanomosi aiena hō hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs ā im ai vla mvt,

2. Nanta katiohmi hō na chim ai ithvna vhleha hv̄t hatak tikba vhleha anumpa kochanli isht ī nana v̄lhpisa ha tok ā kobvffi cho? okla ibbak achifa keyu hosh pvska vpa kv̄t, achi tok,

3. Yohmi kia yvmmak ash osh afalaminchi mvt, Nanta katiohmi hō hv̄chishno mvt, Chihowa ī nan v̄lhpisa ya anumpa kochanli chī nana v̄lhpisa ka isht hv̄sh kobvffi cho?

4. Chihowa yvt apihisa kv̄t, Chīki micha chishki aiena ka ish holitoblashke; yohmikma, Kv̄na hosh īki okmá, keyukmvt ishki okmá, nana hō na mihachikmvt, illi mak ō illashke, achi tok ōka.

5. Amba hv̄chishno vt, Kv̄na kia īki, keyukmvt ishki okma nana kash ō vm isht ish aiyukpa he tuk ā, Ūba-isht aiokpv̄chi oke, im achi: yohmi cha īki okmá, ishki okmá, nana ka ik holitoblo kia nan ik ī kanihmo ka hi oke, hv̄sh achi.

6. Yohmi hosh Chihowa ī nana v̄lhpisa ya anumpa kochanli chī nana v̄lhpisa ya isht hv̄sh ai okpunichishke.

7. Nan-ilahobi hv̄chia ma! Esaias vt tikbanli nan isht hv̄chi anohonli hosh,

8. Okla ilv̄ppvt itih hokv̄no ā bilikasi isht vla mvt, itiv̄lhi ma ishit sa holitoblishke; yohmi kia chukv̄sh okv̄to auct ā hopakishke.

9. Nana abvchi kv̄t hatak ī nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt okla laua yash ō itahobi cha, Haklot, hv̄sh ithaiyanashke;

11. Nana kv̄t itih h̄ pit chukowa kak osh hatak ā okpv̄ni hō keyu: amba nana hv̄t itih h̄ a kohcha, ilvppak osh hatak ā okpv̄ni hoke, im achi tok.

12. Yohmi ma nan im ai ithvna v̄hleha hash osh im ai ona cha, Falisi v̄hleha hv̄t anumpa ilvppa haklot issa mvt, ik im v̄lhpieso tuk ā ish akostininchi cho? achi tok.

13. Yohmi kia yvmmak ash osh afalaminchi mvt, Na holokchi moma kv̄t Āki v̄ba binili hosh hokchi tok keyu hokv̄no, tehvt taha hi oke.

14. Ant ik maya, l̄pa yosh l̄pa pehlichī okla hoke: yohmi ka l̄pa yosh l̄pa ȳa ilauei kv̄t t̄klot yakni kula ȳa pit kaha hi bano hoke, achi tok.

15. Yohmi ma Pita yvt afalaminchi mvt, Nan isht v̄lhpisa ilvppa achukmalit pim anoli, achi tok.

16. Mihma Chisvs ash osh, Hv̄chishno ak kia nana ik akostinincho kv̄t hv̄chi moma hato?

17. Nana kv̄t itih h̄ fohka cha ia kv̄t takoba ȳa ont fohka tuk osh, anonti ont kohcha chatuk ā, hv̄ch ik akostinincho moma cho?

18. Amba nana puta kv̄t itih h̄ akohcha hokv̄to ch̄kv̄sh ak ō a minti; micha yvmmak osh hatak ā okpv̄ni chatuk oke.

19. Ch̄kv̄sh ak ō im anukfila okpulo puta, hatak bika v̄bi, haui toba, ohoyo ik im iksho micha hatak ik im iksho it ī lum̄ka puta, h̄kopa, anumpa ik āhlo isht atokoli, Chihowa ik ahobalot anumpuli puta kv̄t a toba hoka.

20. Ilvppa puta kak osh hatak ā okpv̄ni hoke; amba ibbak ik ahchifo yō isht impa hokv̄no hatak ā okpv̄ni keyu hoke, achi tok.

21. Yohmi ma Chisvs vt yvmmak ash v̄ttvt ia mvt, Taia micha Saiton aiena yakni ī kaniohmi hō ona tok.

22. Mihma Kenan ohoyo hosh yvmmak inli hō v̄ttvt aya

tuk vt vla cha in tahpula mvt, Chitokaka Lewi ushi clia ma! is sa nukhaklashke; svso-tek vt nan-isht-ahullo okpule ai i foka isht issikkopa fehna hoke, achi tok.

23. Yohmi kia ilap vt anumpa achvfa kia isht ik im afalamicho ki tok. Yohmi ma nan im ai ithvna vhleha hash osh ona cha, Tahpult hvv iakaiya ka, kanompit ish chvffi-chashke, achit im asilhha tok.

24. Yohmi kia yvmmak ash osh afalamинchi mvt, Inla yokno im aya li ha tok keyu; amba chukfulhpoba tmoa Israel in chuka-chvfa ak a tok oke, achi tok.

25. Yohmi ma ohoyo hash osh mintit ant aiokpvchi mvt, Chitokaka ma! si apelvchi, achi tok.

26. Yohmi kia afalamинchi mvt, Ulla im puska ya ishi cha, ofi puta ka pit ipeta he vhpesa keyu hoke, achi tok.

27. Mihma yvmmak ash osh, Ahlishke, Chitokaka ma! yohmi kia ofi puta kvv boshulli osh im pushnayo im ai-impaa chilofa kvno vpa hoke, achi tok.

28. Yohmi ma Chisvs vt afalamинchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yvmohmashke, im achi tok. Mihma heshi kanvlli vhpisa yvmmak fehna hvv ushetik atuk vt hlakofi tok.

29. Yohmi ma Chisvs vt yvmmak ash vtvt ia mvt, Kalili okhvta bilika yv ona tok; mihmvt nvnih chaha yv pit oiya cha, yvmmak o binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua hvv il ai ishit im ai ona mvt, Chisvs iyi ituma ya ont ashachi tok; mihma yvmmak ash o hlakofichi tok.

31. Yohmi na okla laua kvv, ik anumpolo atuk vt anumpuli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena hvv okla pisa mvt, nukhlakancha tok; micha Israel in Chihowa ak o okla aiokpahanchi tok.

32. Yohmi ma Chisvs vt nan im ai ithvna vhleha hash o hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke; vohmi hatuk osh nan ik po moma hokvno tishelichi la he

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi hō hvsh ishi hō? im achi tok. Mihma, Untuklo, micha nvni chi-punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha nvni aiena kash o ishi cha, vba isht aiokpvchi mvt, tushtoli cha, nan im ai ithvna vhleha hā ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt asha ka kishi alota untuklo hō okla ishi tok.

38. Mihma okla impa tuk vt, ohoyo vlla aiena hokvto asha hō, hatak tahlepa sipokni ushta tok.

39. Mihma okla laua yash o tishelichi mvt, peni fohka cha, ivt Maktala yakni a ona tok.

CHAPTER XVI.

Falisi vhleha hvt, Chisvs vt nan isht atokowa ya vba ya ai im otvni cha hi a ahni, 1; 6 micha nan im ai ithvna vhleha hvt, Falisi vhleha hvt nana ithvnanchi ka i nuktahvt ahah! ahna he i miha tok. 13 Pita yvt Chisvs a Chihowa okchaya Ushi, aiahnit yimmi kv̄t miha. 21 Chisvs vt iti-taiyukhvna ai illa he, atuk mvt nitak ont atuchinakma falamvt tana he aiena kv̄t tikbanli anoli; 24 anonti Chisvs a im antia vhleha hvt okla ile kaiyanchi, mikmvt tikba na yukpa ai im vltoba he takanli kak o isht ai ilbvsha he mak o achi.

1. **F**ALISI vhleha micha Satusi okla aiena kv̄t ai vla cha, yummak ash o imomaka pisa hosh nan isht atokowa ya vba ya auct ai im otenicha hinla ka, im ahni tok.

2. Mihma afalamинchi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahninli yokma, Shutik vt humma cha hosb-

ontichi fehna hokvt, kocha yvt okpula chishke, hvsh achi Nan ilahobi hvchia ma! shutik pisa yosh kaniohmi hokvno hvsh akostininchi kv, anonti himak nitak isht ai vhlpisa kvno hvch ik akostinincho ka hinla cho?

4. Hatak haksi micha haui aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yummak ash o issvt ia tok.

5. Atuk o nan im ai ithvna vhleha hv misha in tvnnvp a ona mv, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nukthlvv ahah! hvsh aiahnashke, im achi tok.

7. Yohmi ma yummak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yummak ash o akostininchi mv, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit hvsh maya cho?

9, 10. Pvska tahlapi ho tahlepa sipokni tahlapi tuk a, kishi kanohmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanohmi ho hvsh ishi tok aiena kv; hvch ik ithanot hvch ik akostinincho moma ho?

11. Katiohmi ho Falisi vhleha, micha Satusi vhleha aien im pvska isht-shatvmmi ya ahah! hvsh aiahna he, yummv. pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmv Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mv, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma.

kanimi kvto, Elias ; mikma inlaka yvto Chelemaias ; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho ? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hv na chi yukpvshke : nipi micha issish aiena hosh ymma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tvli ilvpak o an chveh atuk ma ai ikbit hilechi la hi oke : yoh-mikma aiokpuloka okhissa puta kvv yvmak atuk ma ik imaiyacho ka he mak oke.

19. Michā vba apēhlichika ishit-tiwa puta ka chishno ak o chima lashke : mikma nana ho yakni paknaka ya ish a takchi hoka, vba yakni ma a talakcha he : mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvlochoit i miha tok.

21. Nitak ymma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitompā isht asha pēhlichī vhleha, na holissochi vhleha aiena ka nan isht im ai ilbvsha in laua he, micha illichī tuk ma, nitak ont atuchinakma falamvt tana he aiena ka nan im ai ithvna vhleha hā im anolit ishtia tok.

22. Yohmi ma Pita yvt ilaue lit ishi cha, im alvmminchit ishtia mvt, Na yakohmi kvv chī mishemashke, Chitokaka ma ! ilvpak okvt a chī yvmohma he keyu hoke, achi tok.

23. Yohmi kia yvmak ash osh filema mvt, Pita yash o, Setan chia hv vm ashaka yo ish hikiashke ; chishno ak osh is si ataklvmmichishke : nana kvv Chihowa ya ahalaya kak o ish ahnīnchi keyu, amba nana kvv hatak o ahalaya hok mak bano hoka, im achi tok.

24. Yohmi mut nitak yumma foka ma Chisus vt nan im ai ithuna vhleha hash o, Hatak nana hosh siakaiya bunna hokmut, ile kaiyanchi cha, im iti-taiyukhuna ya sholi hosh siakaiyashke.

25. Kuna kia ilap im ilhfiopak a okchalinchu bunna hokvto, i kunia hi oke: yohmikma kuna kia vno pulla hatuk mak o im ilhfiopak vt isht i kunia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kunia hokma, nanta ho ai-isht il aiyukpa hinla cho? yummak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichu cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kv kanimi kv ik illo hosh ahanta cha, Hatak Ushi vt im apehlichika il aieshit minti ka, pisa hi vt asha hoke, im achi tok.

CHAPTA XVII.

Chisus vt inlv toba, micha Moses Elias ita tuklo kv im vla na it im anumpuli, 1. 14 Chisus vt nvni chaha vttvt akowa mut, haiochichi tuk a hlakofichi; 22 micha illa he atuk mut falamvt tana he tikbanlit anoli. 24 Chisus vt tvli holisso holitopa ka tempel a nan isht im ai atahla chi ho ima tok.

1. YUMOHMI tuk o nitak hannali ont ia ma, Chisus vt Pita, Chemis, mikmut itibapishi Chan aiena ka ilap bano ho pehlichu cha, nvni chaha yo pit oiya tok.

2. Mihmut itikba ya ai inla tobtv hikia tok; mihma nashuka yvt shohpakali kv hvshi ak o chiyuhmi ma, im anchi vt tohbi kv tommi hak o itilauu tok.

3. Yohmi ma Moses micha Elias itatuklo hosh yummak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma! ilvppa il asha kv pim achukmvshke; vlvhesa ish ahni hok-

ma, ilvppa vlhtipo tuchina ka il ai ikbashke ; achvfa kv̄t chishno ak o chimmi hokma, anonti achvfa kv̄t Moses ak o immi hokma, anonti achvfa kv̄t Elias ak o immi hashke, Chisvs a im achi tok

5. Yvmmvt anumpohonli moma hō, hoshonti tohbi kv̄t ant o hoshontikachi tok ; mihma anumpa hoshontika auet a kocha kv̄t, Ilvppak osh Svso a holitopa yō, nan-isht a sai yukpa fehna hoke ; hvsh i haponaklashke, achi tok.

6. Mihma nan ithvna vhleha hash osh haklo mvt, hlipvt kaha cha, okla nukshopa fehna tok.

7. Mihma Chisvs vt vlt ant tebli mvt, Ho tani ; ik hvchi nukshopa kashke, achi tok.

8. Yohmi ma okla vba chakali mvt, hatak nana kia ik peso, amba Chisvs ak illa tok.

9. Yvmohmi tuk o nvni chaha ya asht akowvt okla minti ma, Chisvs vt yvmmak ash o nan i mihvt, Nana hvsh p̄isa tuk vt hatak nana kia hvch ik im anolo mak o, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv̄t im ponaklot, Yohmi ka katiohmi hō na holissochi vhleha hv̄t, Elias ak osh t̄ikba vla pulla he, okla achi cho ? achi tok.

11. Mihma Chisvs vt afalaminchi mvt, Elias ak osh t̄ikba vla cha, nan okluha ka falaminchit achukmalit taiyahla he tuk o mvhli :

12. Yohmi ka Elias vt himonasi ak kia vla mashko hoke ; mihma yvmma okla ik ithano cha, amba nana hō okla ahni tuk mvt, yvmmak atuk ma i yvmihchi tok ; yohmi ka Hatak Ushi ak kia mih mak o, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak o yvmmvt isht anumpuli hatuk a nan ithvna vhleha hv̄t akostininchi tok.

14. Atuk o okla laua aiasha kash vlt taha ma, hatak achvfa hosh im vla cha, ant i hvchukbihlept hikia mvt,

15. Chitokaka ma ! svso hā ish i nukhaklashke : yvmmak okvt haiochi atuk osh himonna luak a itatohonla fehna, mikmvt oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithēna vhleha hā isht im v̄la l̄ tuk a, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta l̄i katiohmi foka ch̄i cho? nana ka isht ak hvchi ahno hō katiohmi foka ch̄i cho? Ilvppak o isht hvs sv̄m vlashke, achi tok.

18. Mihmvt Chisvs vt nan-isht ahullo okpulo yā im alvm-mi ma, yvmmak ash a kohcha tok; yohmi ma vlla yash osh hvshi kanvlli v̄lhpisa mih makinli hō hlakofi tok.

19. Yvmohmi tuk o Chisvs vt ilap bano ma, nan ithēna vhleha hvt im ona cha, Katiohmi hō pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; ahli mak o hvchim achi lishke: Na yimmi kv̄t mv̄stvt nihi achēfa yak o chohmi hosh hvchi nukfoka hatuk okmvt, nv̄nih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmmv̄t kanvlla hinla hoke: mikma nana hosh hvch̄i na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili a okla maya hō, Hatak Ushi a ishit okla ibbak a fohka ch̄i hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenavm a okla ai v̄la ma, vba isht ai okpv̄chi tv̄li holisso a sholi vhleha hvt Pita yā im ona mvt, Na hvch ithvn̄nanchi vt vba isht aiokpv̄chi tv̄li holisso a bohli chatuk keyu hō? achi tok.

25. Mihma yvmmak ash osh, Ahli; achi tok. Michā aboha yā ont chukowa ma, Chisvs vt tikbanli. Saimon vt katiohmi ish ahni cho? m̄iko vhleha yakni pakna aiasha kv̄t ilap im vlla yak okmā, keyukmut hatak inla yak okmā, santa hō v̄lhpoyak i nan v̄lhpisa tv̄li holisso, micha nosh-

kobo chumpa tvi holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik aha-laiyo ho tumvshke.

27. Yohmi kia kil ibetvblecho ka chi ka, ivt okhvta ona cha, nuni isht-vlbi ya pit okvchi; atuk osh nuni tikba koh-cha ho ish ishashke: micha itakha ya ish wakkmmikmvt, tvi holisso tushafa kvf foka na ish pisa chi hoke; yvmmak o ish.ishi cha, vno, micha chishno, il ita tuklo isht vltoba mak o yvmma ont ish imashke, im achi tok.

CHAPTER XVIII.

Chisvs vt pim anukfila hvf akanlosa he, 1, 7 micha ilap i yimmi ahh vhleha hoka e shitelema he keyu ka pi miha: 12 anonti i yimmi vhleha ha i hullo kvf isht anoli mak osh chukvlpoba kvnia isht apesvt anumpuli: 15 micha itibapishi iksa ibafohka yatuk osh na-na ka pim okvni hokma, il i kaniohma hi oka pi miha: 20 anonti kvna hoh kia i hohchifo ha kanima yo ai it afama ka ai ibafoka hi vt achi. 21 Chisvs vt hatak okvt nana ka ai iti kaniohmi hokvt, peh iti kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhle-ha hvf Chisvs a im ai vla mvt, Kvta hosh vba apehlichika ya ibafoka kvf moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvf toba cha, vlla chipunta yo chiyuhmi ho keyukmvt, vba apehlichika ya hvsh chukowa he keyu hoke.

4. Yohmi hoka kvna hosh ile akanlosichi kvf vlla iskitini ilvppak o chiyuhmi hokmvt, mihi yosh vba apehlichika ya ibafoka kvf moma i shahla hi oke.

5. Mikma kvna hosh vno a hohchifo hatuk mak o vlla dvppa chohmi achvfa ka ahninchhi hokmvt, vno ak o ahnin-chi hoke.

6. Amba kvna hosh a yimmi chipunta yakohmi achvfona

kia ibetvblichi hokmut, yvmmak ash o ilap ak o tuli tanch. botoli osh ikunla ya atakanli ho, okhvta ahofobi fehna yo ai oka illi hok mak osh im vhlpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiyi yokma, nana hosh chi ibetvblichi hokma, hokofit ish kanchashke; hanali okpulo, keyukmut imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmut iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmut chi nishkin vt chi ibetvblichi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yvmmak oka im enchil vhleha vba yakni aiasha kv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalinea chi hosh aya hatuk oke.

12. Katiohmi hvsh ahni cho? Hatak vt chukvllhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmut, achvfa yvmma isht a na yukpa kv, yoshubvt ik tumoo ke tuk pokoli chakkali akocha chakkali ka im i shahli chatuk oke, ahli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch Iki vba binili kv ik ahno kv, yvmmak inli ho chiyuhmi hoka.

15. Yohmi ka ish itibapishi hvvt nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfá, keyukmvt tuklokma, nana ho pehlinchit ish ia na nan anoli tuklo, keyukmvt tuchinakmá nana itih ho anumpa puta mvt isht ai ahlashke.

17. Yohmikma yvmmak atuk ma i haponakla he keyuk ma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha pvblikan aiena mak o chim ai itilauashke.

18. Ahli mak o hvchim achi lishke, Nana ho yakni pakna ya hvsh a takchi hoka, vba yakni ma a talakcha he; mikmvt nana ho yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma ho yakni pakna ya hvsh ai it im achvfa hokma, Aki vba binili kvt ai im aiahlichha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo ha isht ai itvnaha hoka, yvmma ai iklvnna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apelhlichika yvt miko yosh in tishu vhleha ha aheka i hotihmvt pisa bvna ho chohmi hoke.

24. Atuk osh i hotihmvt ishtia ma, achvfa hosh talent tahlepa sipokni pokoli hosh aheka im asha tuk o, ilauelit im vla tok.

25. Yohmi kia isht atobba hi vt ik im iksho hatuk o, i shahli hash osh yvmmvvt, tekchi, micha im vlla vhleha, mikmvt nan im asha tuk moma aiena kvv kvnia na aheka yvt vhtoba hinla ka apesa tok.

26. Yohmi hatuk o tishu hash osh aka hlipia cha,

aiokpahanchi mvt, Chitokaka ma! is svm sulaha hokma, mominchit chim atobbi lashke, achi tok.

27. Yohmi ma tishu ymma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu ymmak ash inli kvt kohchvt ia mvt, tishu ilapa ai itila ni yvt achvfa hosh, aheka iskvli tahlepa achvfa hosh in takanli hatuk a ont pisa tok: mihmvt ymmak ash o hoklit ishi cha, nuktihliffi mvt, Aheka chin takali kvt is svm atobbashke, achi tok.

29. Mihma tishu itilaui yatuk ash osh iyi ituma aka ya hlipia cha, Is svm sulaha hokma, mominchit chim atobbi lashke, acbit im asilhha tok.

30. Yohmi kia vlhpesa ik ahno ki tok: amba aheka ya atobbi pulla chi mak o, ymmak ash o aboha kvlo pit fohki tok.

31. Yohmi ma tishu bika vhleha hvt nana kvt yvmohmi na pisa mvt, okla nukhaklo fehna cha, ivt nana a kaniohmi tuk a mominchit i shahli ha okla ont im anoli tok.

32. Yohmi tok a i shahli hatuk vt ymmak ash o pit hoyo cha, Tishu haksi chia ma! chishno vt is svm aiahni ma, aheka ymma mominchit chi kashofi li tuk.

33. Yohmi ka chishno ak kia tishu chi bika ya ish i nukhaklo kvt, vno vt chi nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla chi mak o, issikkopali vhleha ha im issa tok.

35. Yohmi ka hvchishno hvsh moma kvt hvsh itibapishi nana ai ashvchi ya hvchi chukvsh ak o isht hvsh i kashofi keyukma, ymmak inli ho ohmichit Aki vba binili kvt hvchi yvmihcha he akinli hoke, achi tok.

CHAPTER XIX.

Falisi vhleha hvt Chisvs a nan im ponaklo ma, Chisvs vt afalaminchi mvt, a hatak vt tekchi iti kvenia ka ik vlhpeso ka miha, 3. 15 Chisvs vt vlla chipunta hoka ibbak a onochi cha, vba isht anuu

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1. ATUK o yakohmi tok; Chisvs vt ilvppa puta ka ahanchit tahlí mvt, Kalili a vttvt ívt, Chatan misha Chutea yakni ai vhlí ho ona tok.

2. Mihma okla chito yvt iakaiya tuk o, yvmmak o a hlakofohlichí tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a kaniohmi mak inli ho hatak vt tekchi a kancha hi vt im ai vhlpesa hoh cho? im achi tok.

4. Mihma yvmmak ash osh afalamínchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yoh-mikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvllichí ha ya, hatak vt ik ití filvmmicho kashke, im achi tok.

7. Mihma okla hash osh, Yohmi ka katiohmi ho ití kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba vmmona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, hauí toba mak oke: mikma ohoyo kanchi tuk ash o kvna hosh itau-wayakmvt, hauí toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohmi ma yvmmak ash osh, Hatak moma kv̄t anum-pa ilv̄ppa aiokpv̄cha he keyu, amba kv̄na hō isht ai im v̄lhpe-sa ak illa hinla hoke.

12. Kanimi kv̄t ishki ikfoka anūka ak inli hō yohmi hosh atobvt v̄tta tuk yunvk vt aśha; mikma kanimi kv̄to hatak osh yunvk ikbi tok o, yunvk vt aśha: yohmi ma kanimi kv̄to ōba apēhlichika pulla hatuk mak o, ilap inli hosh yunvk il ikbi tok vt, yunvk vt aśha hoka. Kv̄na hosh ilv̄ppa aiokpv̄cha hinlakmvt aiokpv̄chi mak inlashke, im achi tok.

13. Yv̄mma foka ma yvmmak atukma ibbak a v̄lla chi punta yā isht umbitepa cha, v̄ba pit anumpula chī ka isht in ai v̄la tok: mihma nan ithv̄na v̄hleha hv̄t okla hā im alv̄mmin chi tok.

14. Yohmi kia Chisus vt, V̄lla chipunta yvt v̄m v̄la hi a hv̄sh im ahni cha, hv̄ch ik im alammo kashke: ilv̄ppa chiyuhmi kak osh v̄ba apēhlichika mak oka, achi tok.

15. Mihmvt yvmmak ash o ibbak a isht umbitepvt t̄hli mvt, yvmmak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nan-chi achukma ma! ai okchayvt bilia yoka pisa la hi v̄to nana achukma nanta hak o yvmohmi la hinla cho? im achi tok.

17. Mihma yvmmak ash osh, Katiohmi hō achukma is si achi cho? achukma kv̄t iksho hō amba achv̄fa illa, yvmmvt Chihowa ak oke: yohmi kia ai okchaya yoka ont ish chukowa he ish ahni hokmvt, nan v̄lhv̄pisa puta mak o ish holitoblashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlumako kashke, Chik hūkopo kashke, Anumpa ik āhlo isht atokolit chik anto kashke.

19. Chīki micha chishki aiena ka ish holitoblashke: mikmvt, Chin chukapanta hatak a ish holitobli kv̄t, chishno akinli ka chim itilauashke, achi tok.

20. Hatak himita yash osh, V̄lla sa tomba mak inli hosh nana ilv̄ppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.

21. Mihma Chisvs vt, Aiahli kak o ish ahni hokmvt, ia cha nan chim asha ka kampilvt, ilbvsha vhleha ha ish i hopelashke; yohmikmvt na holitompa kvv vba yakni ya chin tonla he mak oke: mikmvt ish la cha, ant is siakai-yashke, im achi tok.

22. Yohmi kia hatak himita yash osh anumpa yvmm haklo mvt, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisvs vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apehlichika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvv, hatak nan in laua yosh Chihowa apehlichika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvv okla haklo mvt, nukhlakanha fehna tok: mihmvt, Yohmikma kvta hosh okchaya hinla cho? achi tok.

26. Yohmi kia Chisvs vt yvmmak ash o atokolit pisa mvt, Hatak okmvno ilvppvt yohma he keyu, amba Chihowa hokmvno nan okluha kvv yohma he bano hoke, im achi tok.

27. Yohmi ma Pita yvt afalaminchi mvt, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisvs vt, Ahli mak o hvchi miha lishke; Si apehvt hvsh itvnowa tuk vt, nan okluha kvv himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chieyvt, Israel oklushi auah tuklo ka na hvchim apesa hi oke.

29. Yohmikma chuka puta, mikmvt itibapishi vhleha, micha in tek vhleha, keyukmvt iki okma, ishki okma, tekchi okma, keyukmvt vlla yokma, yakni okma, nana ho sa hoh-chifo pulla hatuk mak o issvt aya tuk vt momvt yvmmak atuk a ohmi tahlepa achvfa ka pisa tuk mvt, anonti ai okchayvt bilia ma iesha he mak oke.

30. Yohmi kia t̄ikba tuk vt ont ishtaiyopa hi vt lauakma, anonti ishtaiyopi atuk vt t̄ikba hi vt āsha hi oke.

CHAPTER XX.

Na pilesa vhleha hv̄t nitak ach̄vfa ka hv̄shi kanvlli v̄lhpisa ilaiyuka h̄o p̄akvpi a holokchi ilhkoli tok nan isht v̄lhpisa. Nan isht v̄lhpisa ilv̄ppak o Chisvs vt ilap im antia vhleha aiāhli ka ai ilaiyukachit im atobba hi vt ai isht apesa, 1. 17 Chisvs vt anonti illa ch̄i kv̄t tikbanlit anoli; 20 mihma Sebetē ushi ishki vt Chisvs a nan im asilhha, mihma afalaminchit i miha. 30 Chisvs vt hatak lv̄pa tuklo h̄o hopokoyochi.

1. ŪBA apēhlichika yvt, hatak chuka-ch̄vfa pēhlichī osh i p̄akvpi aholokchi a toksv̄la ch̄i ka, tohna ch̄i hosh onnahinli fehna ia h̄o, chohmi hoka.

2. Atuk osh yvm̄mak ash osh ilhtohno vhleha h̄a nitak ach̄vfa ka iskvli ach̄vfa ch̄i h̄o it im apesa cha, p̄akvpi aholokchi a pit tihleli tok.

3. Atuk osh hv̄shi kanvlli v̄lhpisa ont atuchina foka h̄o kohch̄vt aya mvt, inla yvt nan-isht vtta ik im iksho hosh ilhpak a kanchi a hiohm̄aya na pisa tok,

4. Mihm̄vt yvm̄mak ash o, Hv̄chishno ak kia p̄akvpi aholokchi a pit hv̄sh abēhashke; atukma kaniohmi kak osh ai v̄lhpēsakma, hv̄ch ima lashke, im achi na okla ilhkoli tok.

5. Atuk o anonti hv̄shi kanvlli v̄lhpisa isht hannali, mikm̄vt ont isht chakkali aiena ka kohch̄vt aya mvt, yvm̄mak ash inli h̄o chohmichi tok.

6. Atuk osh hv̄shi kanvlli v̄lhpisa isht auah ach̄vfa foka h̄o kohch̄vt ia mvt, anonti inla yvt nan-isht vtta ik im iksho hosh hiohm̄aya na pisa cha, Katiohmi h̄o nan isht vtta ik hv̄chim iksho hosh hv̄sh hiohm̄aya na shoyubi cho? im achi tok.

7. Mihma yvm̄mak ash osh, Amba hatak nana kia nan ik pi tohno kv̄no, im achi tok: mihma yvm̄mak ash o, Hv̄chishno ak kia p̄akvpi aholokchi a pit hv̄sh abēha ak inlashke; atuk ma kaniohmi kak osh ai v̄lhpēsakma, mih mak o hv̄sh ishashke, im achi tok.

8. Yvmohmi tuk o ont opivt taha ma, pakvpi aholokchi in talaia atuk ash osh nan im apesvchi asho, Na pilesa vhleha ha i howa cha, vlhtoba ha ima: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlpisa ont isht auah achvfa foka ho tohno tuk ash o okla ai vla mvt, hatak achvfa kvk iskvli achvfa aiyuca ho ishi tok.

10. Amba tikba tuk vto ai vla mvt, i shahli ho okla isha chi kvk im ahoba tok: atuk o yvmmak ash kia hatak achvfa kvk iskvli achvfa aiyuca ho ishi tok.

11. Micha yvmma okla ishit tahli mvt, chukachvfa pehlichu hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlpisa achvfa illa ho toksvli tuk a pishno nitak lvshpa ho toksvli kvk ka isht il ahanta tuk a, ish pi ai itilauechishke, achi tok.

13. Yohmi kia afalaminchi mvt, achvfa ho, A kana ma! nan ik vlpeso nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvpak kia chishno a it ilauechit ima la chi hoke.

15. Uno vmmi hatuk vt vno nana aiahni li hosh kanimihchi la hi vt vm vlpesa keyu? vno ak osh si achukma kak o, chi nishkin vt ik vlpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa hokvto laua; amba vlhtoka kak osh achafua hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitompa isht asha pehlichu vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvhllichit vbi aiena chi

mak o, Chentail okla ha ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebetē ushi vhleha ishki osh ushi a pehlinchit im ona cha, aiokpahanchi kv̄t, nana achvfa hō im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yvmmak ash osh, Svso tuklo ilvppvt ish apelihika ya achvft chibbak isht-impakimma ya ont a binilikma, anonti achvfa kv̄t vlfv̄bekimma ya asha hi a ish im apesashke, im achi tok.

22. Yohmi kia Chisvs vt afalaminchi mvt, Nana hō hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yvma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yvmmak ash osh, Pi yvmohma hinla hoke, im achi tok.

23. Mihma yvmmak ash o, Um isht-ishko yoka hvsh ai ishka chi ho mvhli; mikmvt baptismo isht a sa baptismo ka isht hvchi baptisma chi ho mvhli hoke; yohmi kia svbbak ishtimpakimma, micha vlfv̄bekimma aiena aiasha hokvno vno yosh ima la hi o keyu, amba Aki vt kvna hō im atahli tok mak illa hi oke, achi tok.

24. Yohmi ma pokoli kash osh haklo mvt, itibapishi tuklo kash o isht ik i yukpo fehna tok.

25. Yohmi kia Chisvs vt yvmmak ash o i howa mvt, Chentail miko vhleha hv̄t ai i shahlit pehlichī chatuk, mikma i hochitoka vhleha hv̄t nana im ai vlfpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh ai i shahlit hvch itintakla ya anta bvna hokmvt, yvmmak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmvt, yvmmak osh nan isht hvchim vta yashke.

28. Hatak Ushi vt ilapo ak o nan isht im vta chi hō aya ha tok keyu: amba nan isht vta chi, mikmvt laua hō ilap

im ilhfiopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kvt yummak ash o iakaiya tok.

30. Atuk o hatak lupa tuklo kvt hina lapalika yo chiya tuk osh, Chisvs vt ont ia ho haklo mvt, pit tahpvlvt, Chitokaka Lewi ushi chia ma! ish pi nukhaklashke, achi tok.

31. Yohmi ma okla laua yash osh, yummvt nukchinta chi ka, im alvmmi tok; yohmi kia yummak o i shahlichit tahpvlvt, Ish pi nukhaklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yvmmak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukhaklo cha, nishkin ash pit potoli tok: yohmi ma mih mak inli ho nishkin ashot falamvt pisa ma, yummak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti na-chumpa vhleha, micha na-kanchi vhleha aiena ka tempel a a kocha weli. 18 Micha iti vlpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aighli ka ya pim anoli. 23 Kanimi kvt nan isht ai vlpesa nana ho isht ai yvmohmi hatuk a a ponaklo tuk kia, yummak ash o Chisvs vt im a tvblich, 28 micha hatak ushi tuklo, 33 micha na-pilesa vhleha pakrpi a holokchi i pota tuk nan isht apesa hosh Chu okla nan im ai ashvchi a isht otvnichi.

1. YUMOHMI tuk o Chelusalem pit bilika okla onvt Alif nvni Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talaia ka hvsh onashke; yokmikmvt mih mak inli ho issuba hakso-bish falaia ushi ilauei kvt asinta ho hvsh pisa chi hoke: yvmma hvsh i hotofi cha, isht hvsvum vlashke.

3. Micha k^{na} kia nana ka h^{ve}him achi hokma, Chitoka ka yak osh bⁿⁿa hatuk oke, h^{sh} im achashke: yohmikma mih mak inli h^o auet pila chⁱ hoke, im achi tok.

4, 5. Hopaii vt anumpohonlit, Saion ushetik a, yakeh! chⁱ miko chuk^{vsh} yohbi achukma, issuba haksobish falaia a toba tok issubushi haksobish falaia y^o om binili hosh ayvt chim v^{lvsh}ke, h^{sh} im achashke, achi tok a ont aia^{hla} chⁱ mak o ilvppa moma kv^t a yakohmi tok.

6. Mihma nan ithvna yash osh itiachi mvt, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash o isht v^{la} ma, im ilefoka y^a om pullit tahli cha, yvmmak ash o okla om binilichi tok.

8. Yohmi ma okla chinto fehna hosh hina y^a im anchi a okla pulli tok; kanimi mvto iti naksish o vmot hina y^a pulli tok.

9. Yohmi ma okla chito tikba itvnowa tuk, mikmvt iakai-ya aiena kash osh, tahp^{lvrt}, Lewi Ushi a Hosanna im ahanchashke. Chitokaka i hohchifo h^o il ai eshi hosh aya hokvt holitopa mak oke. Shutik tvbokaka fehna ma, Hosanna ai ahanchashke, achi tok.

10. Atuk o Chelusalem a ant chukowa ma, tv^{maha} hash osh momvt nukhlakancha mvt, Ilvppvt kv^{ta} hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont chukowa mvt, tempel anukaka y^a nana a kanchi, micha a chumpa aiena m^{aya} tuk ash mominchit kocha pit tihleli mvt, ai impa tvli holisso ai itatoba puta, mikmvt pvchi v^{lh}-poba akanchi abinohli aiena kash halvllit filemohlit kinahlichⁱ tok.

13. Mihmvt, Um aboha hv^t vba pit ai anumpuli chuka y^o hohchifa he, achi hosh holisso tok; yohmi kia h^{ve}chish-no vto na-hukopa v^{hle}ha in chuka y^o h^{sh} ikbishke, im achi tok.

14. Mihma lvpa, micha hanali okpulo puta kv^t tempel anukaka y^a im ai v^{la} ma, yvmmak oka h^{lakofichi} tok.

15. Mihma na holitompa isht a^{sh} pehlichⁱ v^hleha, mi-
cha na holissochi okla aiena k^{vt}, y^{vm}mt na fehna puta ka
y^{vm}hichⁱ, mikma tempel anukaka y^a v^{ll}a vt Lewi Ushi a
Hosanna im ahanchashke, achi aiena ka pisa m^{vt}, okla isht
ik i yukpo fehna tok.

16. Mihm^{vt} y^{vm}mak ash o, ilvpp^{vt} nana achit m^aya ka
ish haklo cho? im achi tok; Mihma Chisvs vt, Yau, vlo^{si}
mikm^{vt} pⁱshi puta itih h^a Chihowa h^{vt} a holitopa he ish
apesa tok achi holisso ka, himonna kia hvch ik it im anum-
pulo chatuk oh cho? im achi tok.

17. Mihm^{vt} y^{vm}mak ash o issv^t tvmaha a kohch^{vt} ia
m^{vt}, Betani a ona cha, y^{vm}mak o ont nusi tok.

18. Atuk osh onnahinli ma falam^{vt} tvmaha ia hosh a^{ya}
m^{vt}, hohch^{vt}fo tok.

19. Micha fik v^{pi} vt tikba y^a hikia na pit pisa m^{vt}, y^{vm}-
mak ash o ona; yohmi kia nana kia takanli na ik ahayucho;
amba hishi ak illa tok; mihm^{vt}, Himak a pilla ma nitak na-
na vⁿⁱ y^{vt} ik chi a tobo kashke, im achi tok. Mihma che-
kosi mak inli h^o fik v^{pi} vt bvshit taha tok.

20. Yohmi ma nan ithvna y^{vt} pisa cha, okla okokko!
aiahni m^{vt}, Chekosi fehna h^o fik v^{pi} vt bvshit taha ch^a,
achi tok.

21. Mihma Chisvs vt afalaminchi m^{vt}, Ahli mak o hvchi
miha lishke, Na yimmi k^{vt} hvchi anukfoyuka, miha ik hv-
chi nukwiyo hokm^{vt}, fik v^{pi} nana a kanimihchi ilvppak bano
h^o hvsh y^{vm}hicha hi o keyu, amba, Nvni^h chaha ilvppa
kanvllit ivt okhvta hak o pit ish okvtulashke, hvsh im achi
aienakma, y^{vm}mohma hinla hoke.

22. Micha hvchi yimmi hosh nan okluha ka nana h^o
anumpa ilbvsha isht hvsh asilhha hokv^t, hvsh isha hi oke,
im achi tok.

23. Atuk osh tempel a ona cha, nan ithvnanchi hosh
ahanta ma, na holitompa isht a^{sh} pehlichⁱ v^hleha, mikm^{vt}
okla i hochitoka v^hleha aiena k^{vt} im ai v^{la} cha, Nan isht ai
vlhpesa nanta mak o ilvppa puta ka isht ish yakohmichi
cho? miha kvta hosh nan isht ai vlhpesa ilvppa chima tok
oh cho? achi tok.

24. Mihma Chisvs vt afalamинchi mvt, Ŭno ak kia nan achvfa ka a hvchim asilhvchi lashke; yvmmak o hvs svm anoli hokma, vno vt yvmmak inli hō chohmit nan isht ai vllpesa nana hō ilvppa puta ka ishit yakohmichi li hatuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Ŭba yak o minti ha tok: il achi hokma, Yohmi kak o katiahmi hō yvmma hvch ik i yimmo ke tok oh cho? pim acha hinlvshke.

26. Yohmi kia moma kvт Chan a hopaii o okla ahni hatuk oka, Hatak ak a tok: achi kvт okla hā il i nukshopvshke, achit ilap bika it im anumpulit maya tok.

27. Micha Chisvs ash o im afalamинchi mvt, Kil ithano shke, im achi tok. Mihma yvmmak ash osh, Yohmi ka vno ak osh nan isht ai vllpesa nana hō ilvppa puta ka isht yakohmichi li hatuk vt ak hvchim anoloshke, achi tok.

28. Yohmi kia katiahmi hō hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pākvpi a holokchi a ont ish toksvlashke, ont im achi tok.

29. Mihma afalamинchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalamинchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvт katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Abli mak o hvchim achi lishke, Pvblikan vhleha, micha haui puta kvт hvchi tikba Chihowa apchlichika ya pit abehiha hoke.

32. Chan vt ai vllpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha haui puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.

33. Nan isht v_lhpisa inla ka hvsh haklashke; Hatak chuka-chvfa pehlich_i achvfa hosh pakvpi a hokehit tahli cha, kvti apushi isht a holitvchit apakfobli mvt, oka-paki ai vlhto a yvmma anukaka ya a kulli cha, chuka chaha ya ikbit tahli mvt, hatak na pilesa vhleha h_o pota cha, yakni hopaki h_o ia tok.

34. Atuk osh nan vni waya ai ona hosi ma, yvmmak ash vni waya ka ont isha ch_i h_o, in tishu vhleha h_a hatak na pilesa vhleha hash pit in tihleli tok.

35. Atuk o hatak na pilesa vhleha hvt in tishu vhleha hash o hoklit ishi cha, achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kv_t tikba atuk a i shahli h_o pit tihleli tok: yvmmak ash kia yvmmak atuk mak inli h_o okla itilauechi tok.

37. Yohmi kia ont ishtaiyopi fehna ma, Svso h_a holitobla ch_i hoke, achi mvt, ushi ak o pit i pila tok.

38. Yohmi tuk kia hatak na pilesa vhleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla it_i hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onak-mvt, hatak na pilesa vhleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi vhleha yvmmak atuk ma issikkopalit tmoli cha, pakvpi a holokchi yash hatak na pilesa vhleha inla yvto ont ai v_lhpiesakma na waya ka ihima he fehna h_o, i pota he mak oke, im achi tok.

42. Mihma Chisvs vt, Tvli yvmma chuk-ikbi vhleha hvt shitilema yash o, yvmmak ash fehna hosh chukbika nutaka in tola holitopa i shahli h_o tobvshke: ilvppa Chihowa hosh yvmihchi h_o, pi nishkin a i na fehnvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa aephlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kuna hosh tvli ilvppa onvtulakmvt, litoa he, amba ilap ak osh kuna hq onvtula hokmvt, botolichit kan-cha hi oke, im achi tok.

45. Mihma na holitompa isht asha pehlichu vhleha micha Falisi vhleha aiena kvv, yvmmvt nan isht apesa ka haklot tahli mvt, yvmmvt ilap ak o isht anumpuli hatuk a okla akostininchi tok.

46. Yohmi kia yvmmak oka hopaii ak o okla ahni hatuk oka, yvmmak ash o iti hoklit ishi bvna tuk kia okla chito ak o i nukshopa tok.

CHAPTA XXII.

Itauwayachi ai impa he tok ik itvnaho ki tok nan isht vllhpisa, 1; 12 ai itauwaya aya he i nafohka ya ik fohko hosh i palvmma he im vllhpisa; 15 Chisvs vt Falisi vhleha, micha Helotian okla aiena kvv Sesa ya tvli holisso im itahobi ka vllhpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hvv illi yvt falamvt tana hi oka ik yimmo chatuk a isht anumpuli; 34 nan vllhpisa chinto moma i shahli, 41 kaniohmi kak osh Klaist vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht vllhpisa hq isht im anumpulit,

2. Uba apehlichika vt hatak miko yosh ushi ohoyo itauwaya chi hq, impa im atahli hq chohmi hoke.

3. Micha im annoa tuk vhleha ha ont i howvt itauwaya ai impa ka isht vla chi hq, in tishu vhleha ha pit tihleli tok; yohmi kia okla minta hi a ik ahno ki tok.

4. Mihma anonti tishu inla yo pit tihleli mvt, Inta! an tvbokoli impa ha atahli lishke; a wak-hobvk, micha nana vllhpitvt nia puta kvv illi ma, nan okluha kvv vllhtavshke; itauwaya ai impa ka hvsh mintashke, achit im annoa tuk vhleha ha hvsh im anolashke, im achi tok.

5. Yohmi tok kia yvmmak ash o nan-isht ik ahno hosh kanima pit ilhkolit, achvvt im osapa ia ma, anonti achvvt im ai itatoba ia tok.

6. Yohmi ma akashampa kuto in tishu vhleha hatuk ash it_i hoklit ishi cha, kanimanchi fehmt, polaka okla illich_i tok.

7. Atuk o miko vt yummak ash o haklo mvt, anukshomunta fehna tok: mihmt in tushka chipota laua ka pit tihlelit, hatak vbi vhleha yummak ash o vbit tahli mvt, in tmaha ha hukmit tahli tok.

8. Yohmi mvt in tishu vhleha hash o, Itauwaya ai impa hamo vlhtavshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itvnowvt, laua kv_t kaniohmi ho hvsh pisakmvt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mvt, hina ai itafamoa puta ka itvnowvt, okpulo, mikmvt hochukma aiena laua kv_t kaniohmi ho pisa mvt, mominchit hoyot itahobi tok: yohmi ma itauwaya ai impa yash osh im annoa tuk vhleha ha isht alotvt knia tok.

11. Atuk o im annoa tuk vhleha hash pisa chi hosh miko vt ant chukowa mvt, hatak vt ai itauwaya aya he i nafohka ya ik fohko hosh ymma asha na pisa tok.

12. Micha yummak ash o, A kana ma! katiohmi ho ai itauwaya aya he i nafohka vt iksho ho ilvppa ant ish chukowa tuk oh cho? im achi tok. Mihma yummak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmvt iyi aiena ka ho takehi cha, isht ivt kochea aiokhlilika ya ont hvsh kanchashke: yummak oka yahaya, mikmvt noti ahampa aiena mak osh aiasha hi oke, im achi tok.

14. Im annoa hokvto laua kia, amba vlhtoka kak osh achafoa hoka, achi tok.

15. Ymma foka ma Falisi vhleha hv_t ilhkoli mvt, kaniohmit yummak ash ilap im anumpa ho isht a yukacha hinla kv_t isht anumpulit maya tok.

16. Mihmt ilap nan im ai ithvna vhleha ha, Helotian iksa ai itapeha ho pit in tihleli mvt, Nan ithvnanchi ma!

chishno vt aiahli chia achukma chatuk; mikmut Chihowa i hina aiahli mak o ish ithvnanchi chatuk, hatak nana kia nan isht ik chim ahobo chatuk; mikmut hatak vt chim it i shashohli keyu chatuk a il ithaiyanvshke.

17. Yohmi hokvt kaniohmi ho chim anukfila hokmut ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yummvt im anukfila ai vlhpesa keyu atuk a, Chisvs vt akostininch i mut, Katiohmi ho nan ilahobi vhleha hvchia hvt imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yummak ash o, llvppvt kvt hak o holbvt toba ho, mikmut kvt ho a hohchifo ho? im achi ma,

21. Sesa yak oke, okla im achi tok. Yohmi ma yummak ash osh, Yohmi hoka nana kvt Sesa yak o immi hokma, Sesa yak o hvsh imashke: mikmut nana kvt Chihowa yak o immi hokmuno, Chihowa yak ashke, im achi tok.

22. Yohmi ma okla haklo mut nukhlakancha cha, yummak ash o issvt, okla ilhkoli tok.

23. Mih nitak mak inli ka Satusi vhleha hvt, illi yvt falamut tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hvt untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmut vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kvt mihinli ma, mahaya mut isht untuklo kash osh yohmi tok.

27. Atuk o ont ishtaiyopi fehna ma, ohoyo hash kia illi ak inli tok.

28. Yohmi ka yumma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chists vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vllhpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yummak okvno, Chihowa hv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yummak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achefa hosh yummvt vba nan vllhpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vllhpisa katima kak osh nan vllhpisa holitopa kvt moma i shahli cho? achi tok.

37. Mihma Chisvs vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vllhpisa in tikba, mikmvt moma i shahli mak oke.

39. Mikma atukla kvt yummak inli ho chohmi hoke; Chin chuka-panta hatak a ish holitobli kvt chishno ak inli chim itilauashke, achi kak oke.

40. Nan vllhpisa tuklo ilvppak o nan vllhpisa moma, micha hopaii holissochi tok aiena kvt a shaiyahli hoke, im achi tok.

41. Falisi vhleha hvt itmahvt chiya takla ma, Chisvs vt i ponaklot.

42. Klaist a katiohmi isht hvchim anukfila cho? yvmmvt kuta hak o ushi o? achi ma, Lewi ak o ushi oke, okla im achi tok.

43. Mihma yvmmak ash osh, Yohmi ka katiohmi ho Le wi vt Shilombish isht anukfoyuka mvt, yvmmak oka hochifo cha,

44. Chitokaka yvt an Chitokaka ya, Svbbak ishtimpak-imma ya ish binili na chin tenvp vhleha chiya ai o hikia yo ikbi lashke, im achi tok oh cho?

45. Yohmi ka Lewi vt yvmmak oka Chitokaka hochifo tok okma, anonti yvmmvt katiohmi hosh ushi ahinla cho? im achi tok.

46. Yohmi ma hatak nana hosh yvmmak ash o anumpa achufa kia im afalaminecha hinla kvt iksho ma, anonti nitak yvmma ai vhlit mihinti ka himmakma hatak nana kia ik nukwiyo hosh nan im ai asilhhvchi kvt iksho ki tok.

CHAPTA XXIII.

Chisvs vt nan im ai ithvna vhleha hvt na holissochi micha Falisi aie na kvt nana isht ithvnanchi kvno im antia he, amba nana a kani ohmi yokvno okla ik iakaiyo ka hi a im apesa, 1. 13 Chisvs vt na holissochi micha Falisi vhleha aiena kvt im a yvmohma he vhpesa hoka, na palvmmi kvt onvtula chi ka tikbanli anoli, 37 na palvmmi kvt ai imma tikeli ka ithana hatuk osh Chelusalem a Chisvs vt isht yaiya.

1. YUMMA foka ma Chisvs vt okla chinto, mikmvt ilap nan im ai ithvna vhleha aiena kash o im anumpuli mvt,

2. Na holissochi vhleha, micha Falisi vhleha aiena kvt Moses im aiasha ya chieyvshke.

3. Yohmi hoka nan okluha puta ka nana ho hvsh holitobla hi a hvchi miha hokma, yvmmak atuk ma holitoblit a hvchi yvmohmashke: amba okla nana a kaniohmi hokvno hvch ik holbo kashke: yvmmak okvt anumpuli tuk kia yohmi keyu hoka.

4. Shapoh weki shali ka palvmma hinla ho takehit tahli

cha, hatak puta tahchi ma onochi hoka : yohmi kia ilap ak inli kvto yvmmak oka ibbak ushi achvfona kia pit isht kanvllicha hi a okla ahni keyu hoke.

5. Amba nana a kaniohmi puta kv, hatak vt pisa chi kak o, yvmohmi hoke : i failaktili ya okla hopvkvelli mvt, anonti im anchi aposhokvchi ma hofalohli chatuk,

6. Mikmvt impa asha ka aiasha holitopa i shahli puta kak o im ai achukmakmvt, anonti sinikak puta anukaka ma ai-o-minili holitopa i shahli puta kak o im ai achukma chatuk,

7. Mikmvt ilhpak a kanchi ai it aiokpvchi, micha hatak puta kv Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmmt Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hohchifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmmt Klaist ak oke.

11. Amba kvna hosh moma i shahli kv hvch ibafoka hokmvt, hvchin tishu mak a hi oke.

12. Mikma kvna hosh ilefehnvchi hokmvt, aka ona he ; mikma ile akanlosechi hokmvt, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba ap ehlichika ya hatak inla puta ka hvsh im okhishta hokvt : mikmvt hvchishno vt yvmma pit hvch ik abeho mvt, anonti pit abeha he tuk a, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmvt peh ilahobi kv vba pit anumpuli hosh hvsh falaiachi hoka : yohmi hokvt na palvmmi chito i shahli hosh hvchim vlpisa hi oke.

15. Na holissochi vhleha, mikmvt Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achvfa kia ikbi hvchi hvnaa kv̄t, okhvta mi-
cha yakni aiena ka hvsh v̄lhfullihinchi hoka: atuk o yvm-
mak ash osh tobakma, anonti aiokpuloka im vlla fehna kv̄t
hvchishno a chohmi tuklo hō hvsh ikbi hoke.

16. Kvna hosh anumpa kv̄llo a tempel ak o isht ai a miha
hokvno nana keyu; amba kvna hosh tvli holisso lakna tem-
pel anukaka asha kak o anumpa kv̄llo isht ai a miha hok
mvt, nan il aiahlichia he v̄lhpesa, hvsh achi, na pehlichia
lvpa hvchia ma! na hvchi palvmma he mak oke.

17. Nan im anukfila iksho, micha lvpa aiena hvchia ho-
ka, tvli holisso lakna yak okmá, keyukmvt tempel a tvli ho-
lisso lakna yvt isht a holitopa kak okmá, nanta hosh i shahli
hō?

18. Micha kvna hosh anumpa kv̄llo a alta yak o isht ai
a miha hokvno nana keyu; amba kvna hosh vba pit isht
aiokpvchi vt yvmma pakna onvtonla kak o, nan il aiahlichia
he v̄lhpesa, hvsh achi.

19. Nan im anukfila iksho, micha lvpa aiena hvchia ma!
vba pit isht aiokpvchi ak okmá, keyukmvt alta ya vba pit
isht aiokpvchi vt isht a holitopa kak okmá, nanta hosh i
shahli hō?

20. Yohmi hoka kvna hosh anumpa kv̄llo a alta yak o
isht ai a miha hokmvt, yvmmak ash o, micha nana hosh
yvmma onvtonla ka mominchit anumpa kv̄llo a isht ai a
miha hoke.

21. Micha kvna hosh anumpa kv̄llo a tempel ak o isht ai
a miha hokmvt, yvmmak ash o, micha yvmma anukaka ai
asha aiena kak o anumpa kv̄llo a isht ai a miha hoke.

22. Yohmikma kvna hosh anumpa kv̄llo a vba yak o isht
ai a miha hokmvt, Chihowa im aiasha, micha yvmma om bi-
nili hatuk ma aieninchit anumpa kv̄llo a isht ai a miha hoke.

23. Na holissochi vhleha, micha Falisi vhleha, nan ilaho-
bi hvchia ma! na hvchi palvmma he mak oke: mint, mik-
mvt anise, micha kvminin aiena kv̄t ont isht pokoli kash osh
hvchi kvnia hoka; yohmi mvt nan v̄lhvisa kv̄llo i shahli,
nana ai v̄lhpiesa, micha nana i nukhaklo, mikmvt na yimmi
aiena hokvno hvsh a haksichishke: ilvppa puta hoka hvchi

yvmohma he vlhpesa hatuk, yohmikmvt yvmmak ash kia hvsh a haksicha he tuk keyu hoke.

24. Na pehlichi lpa ma! shushi ya hoiyvchit hvsh koh-chi tuk osh, kamel okvno ishit hvsh nanvbli hoke.

25. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: isht-ishko mi-cha ampo aiena ka paknaka yokvno hvsh kashofi hoka; yoh-mi kia anukaka yokvto na wehpuli micha nan ik vlhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anuka-ka yak o tikba ish kashofi ha yo, paknaka yokak heto kash-ofa mak inlashke.

27. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: sepvka toh-bit vlhtaha yak o hvsh chiyuhmi hoka; yvmmak okvt pak-naka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvt isht alotowa chatuk oke.

28. Yohmi ka hvchishno ak kia paknanli vt vlhpiesa ho hatak a hvsh im ahoba; yohmi kia anukaka yokvto nan ila-hobi, micha nan ik vlhpieso aiena bano hosh ishit hvchi alo-towa kv, yvmmak inli ho hvsh chiyuhmi hoke.

29. Na holissochi vhleha, micha Falisi vhleha, nan ilahobi hvchia ma! na hvchi palvmma he mak oke: hopaii vhle-ha, i sepvka ya hvsh im ikbi mvt, anonti hopoyuksa vhleha ha tok isht ithaiyana he sepvka ya hvsh aioklichi chatuk,

30. Mihmvt, Pin tikba vhleha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vhleha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vhleha nan isht im vlhpisa ya hvsh alotolashke.

33. Sinti hvchia, sinti chilita isht unchululi hvchia hvt, katiohmi kak osh aiokpuloka ai ilbvsha he vlhpisa ya hvsh i hlakofa hinla cho?

34. Yohrai hoka, Yakeh! hopaii vhleha, micha hatak hopoyuksa vhleha, mikmvt na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmvt, iti-taiyukhvna hvsh a honahlichy aiena he; mikmvt kanimi ma hvchy sinakak puta hvsh a fymmikmvt, hvsh ilbvshachi kvv tvnaha puta ma isht hvsh aya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel a im issish a tok ai vhlit mihintit, Sakalias, Balakias ushi, yvmma tempel, micha alta aiena itintakla ya hvsh ai vbi tok im issish ant ai vhli kvv, momvt hvchy onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa asha ka onvtula he mak oke.

37. Chelusalem, Chelusalem, hopaii vhleha vbi, micha auet chy kanchi tuk ma tvli ishit boli chia ma! akaka yosh ushi vhleha ha sinahchy nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vllpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak a pilla ma, Hvs sa pisa chy keyu; amba, Chitokaka i hohchifo ho mihnti hokvt holitopa mak oke, hvsh acha chy hok mak a hi oke, hvchim achi lishke, im achi tok.

CHAPTA XXIV.

Chisvs vt ishtaiyopi mak o tempel a a kohcha tuk osh, yvmmvt okpula he, tikbanli anoli: 3 micha ilap okvt mihintikma, nan isht atokowa kvv yvmahma he, micha na palvmmi kvv ibafoka he miha: 32 mikmvt nana a mihiha kvv ont aighla hi oka, iti vllpoba fik achi kvv hishi toba chy hosh bokobli chatuk a nan isht apesvt anumpuli: 42 micha ahah! ahnit im vlltaha he im apesa.

1. YUMOHMI mvt Chisvs vt kohcha mvt, tempel a issvt kanima ia tok: mihma nan im ai ithvna vhleha hvv, tempel vt toba kvv kaniohmi puta ka pisacha chy hosh im ai vla tok.

2. Mihma Chisvs vt, Na yakohmi puta moma ka hvch ik

peso cho? ahli mak o hvehim achi lishke, Ilvppak oka tvli vt achvfona kia aka ik itolo ke tuk osh, it on tvlkanchit itonla kvt iksho ka hi oke, im achi tok.

3. Yvmohmi tuk o yvmmak ash osh nvni chaha Alif paknaka ya asha ma, nan ithvna vhleha hvt lumvt im ai ona mvt, Nitak kaniohmikmak o nana kvt ai yakohma hi o, mi-cha ish minta he, mikmvt yakni vt ont ai vhli aiena chi isht atokowa kvt nanta hi o? ish pim anolashke, achi tok.

4. Mihma Chisvs vt afalaminchit mvt, Ahah! hvsh aiahni na hatak nana kia ik hvchi yoshublecho kashke.

5. Lawa hosh sa hohchifo ha ishit hohchifo kvt itvnowa cha, Klaist sia hoke, acha hi oka; mikmvt lauachit yoshub-licha he oka.

6. Yohmikma tvnvp asha, micha tvnvp asha he annoa aiena ka hvsh hakla hi oke: ahah! hvsh aiahni cha ik hvchi komunto kashke: ilvppa puta kvt moyumvt ont a yvmohmi pulla hi oka: yohmi kia ont ai ishtaiyopi kvno keyu kisha hi oke.

7. Okla achvfa kvt okla mak inli ka it amokvfa he, mikmvt apehlichika achvfa kvt apehlichika mak inli ka it amokvfa hi oka: yohmikma hohchvfo chinto, micha ililli puta, mikmvt yakni winakvchi aiena kvt yakni kaniohmi ka ai itulvt aya hi oke.

8. Ilvppa puta kak osh nanukhaklo ai ishtia vmmona mak oke.

9. Yohmikma hvch issikkopa chi ka hvch ishit okla ibbak hvchi fohki, mikmvt hvch illicha hi oke; micha sa hohchifo pulla hatuk mak o oklushi moyumvt hvchi nukkilli hi oke.

10. Yvmma fokakma ibetvbli kvt laua he, micha ilap bika atuk kia ishit okla ha im issa, micha ilap bika iti nukkilli hi oke.

11. Mikma hopai ilahobi vt hiohli kvt laua cha, laua o yoshublicha hi oke.

12. Mikma nan ik vhpeso bieka hatuk mak o i hullo atuk vt kapvsvt taha kvt laua hi oke.

13. Yohmi kia kvna hosh achunanchit mahayvt ai vhli ka ona hok mak osh mihi yosh okchaya hi oke.

14. Yohmi ka vba apehlichika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he : yvmohmi mak o ont ishtaiyopi kvv vla hi oke.

15. Yohmi hoka nan okpuni a i nukkilli vlhpesa ka hopaii Taniel vt isht anumpuli tok a, aholitopaka ya a hikia na hvsh pisa hokma, kvna hosh ilvppa it im anumpuli hokmvt, akostininchashke.

16. Yohmikma kvna hosh Chutea, ya maya tuk mvt, nvnih chaha puta ka pit ik o yihlepá ;

17. Aboha pakna yo anta tuk vt akowvt, im aboha ya nana kia ont kohchit ik esho kashke ;

18. Mikma osapa anuka yo anta tuk mvt, falamvt im ile-foka ya ont ik esho kashke.

19. Yohmikma nitak yvmma fehna ka kvna hosh vlla i foka hatuk, micha pishechi atuk aiena hokvto i palvmma he mak oke.

20. Yohmi kia hvsh yihlepa hi a hvstula yokmá, keyukmvt nitak hullo nitak okmá, ik nano ka hi a vba pit hvsh asihlashke.

21. Yvmma fehnakma na palvmmi kvv chinto fehna hosh takanla he, yakni vt toba vmmona tok ai vhlit mihintit himak a ai vla ka, yvmma chohmi kvv takali chatuk keyu, mikmvt himmakma nitak nana yvmma chohma he keyu ka hi oke.

22. Yohmi ka nitak yvmma chohmi ka ik falaiacho ho keyukma, hatak nana hosh okchaya he keyushke : yohmi kia nan vlhtoka vlheha ak pulla tuk mak o nitak yvmma puta kvv ik falaio ka hi oke.

23. Yvmohmikma hatak nana kia, Yakeh ! ilvppa Klaist vt antvshke, achi ; keyukmvt yvmma antvshke, hvchim achi hoh kia, ik hvchi yimmo kashke.

24. Klaist ilahobi vhleha, micha hopaii ilahobi vhleha aiena kvv hiohlit nan isht atokowa chinto puta, mikmvt na fehna puta aiena ka okla otvnicha he ; yvmohmi cha, yvmmvt yohma hinlakma, nan vlhtoka, vhleha fehna atuk kia yoshublichia hi oke.

25. Yakeh! tikbanli hvchim anoli lishke.

26. Yohmi hoka, yakeh! yvmmvt yakni haiaka ya anta hoke, hvchim achi hoh kia, kohchvt hvch ik aiyo kashke: micha, yakeh! vba potvlhpo a lumaka yak o yvmmvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yvmmak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palvmmi nitak yvmmak atuk a in chekosikma, hvshi vt okhlilikma, anonti hvshi ninak aya mvt ik tommo ka he: mikma fochik puta kvv vba ya asht aka fohopakma, nan isht aiahlika puta vba shutik ash osh faiokahancha hi oke.

30. Yvmma fokakma, Hatak Ushi a isht atokowa kvv vba ya auet a haiaka hi oke: yohmikma oklushi moma yakni paknaka aiasha kvv yahaya he, mikma Hatak Ushi vt nan isht aiahlika, micha isht a holiopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yvmmak ash osh im enchil vhleha ha isht-pufa ola chinto ieshi ho tihlinlikma, ilap atokoli tok vhleha ha a mahli ushta shutik ont ai vhli achvfa ka vhlit ivt in tvnvp pit a fullota ka a hoyot itahohomba hi oke.

32. Yohmi ka fik vpi nan isht vlhpisa ka hvsh ai ithv-nashke. Yvmmak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk:

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kvv ont aiahla chi hoke.

35. Vba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yvmmak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yvmmak inli hō chiyuhma hi oke.

38. Oka falama yvt ik aiyo kisha nitak foka ma, impa micha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yvmmak inli hō chiyuhma hi oke.

40. Yvma fokakma tuklo kvto osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvto nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa hā hvsh ithana keyu kvto, okchvt hvsh hoyashke.

43. Yohmi kvto hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtahashke: yvmmak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aiahli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chi ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chi ka, tishu yvmmt na yukpa hi oke.

47. Ahli mak o hvchi miha lishke, Yvmmak atuk ma nana im asha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hvt ai vla he tuk vt vbanvblichishke, achi ;

49. Yohmi cha tishu bika vhleha hash o bolit ishtia, yohmi mvt ishkot haksi vhleha ha it ibai impvt ibai ishkot ahanta hokmuno ;

50. Tishu yemma i shahli hatuk vt, yummak ash osh vla chi ik ahno nitak, mikmvt ik akostinincho i hvshi kanvlli vlpisa ho vla hi oke.

51. Yohmikmvt yummak ash o chanlit ita hokofi cha, nan ilahobi vhleha isht ai im vlhtoba mak o ibafohkit im apesa he : yummak oka yahaya micha noti ahampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kvv, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma vba apelihika yvt ohoyo himithoa hatak ik halelo pokoli hosh pula sholit, hatak himona itauwaya chi ka afamvt ilhkoli tok o chohma he.

2. Mihmvt tahlapi hosh hopoyuksa yokma, anonti tahlapi kvto ik hopoyukso ya tok.

3. Ik hopoyukso vhleha hatuk ash osh pula ha okla ishi kia, bila yano okla ik esho ki tok.

4. Amba hopoyuksa hatuk okvto bila yvt aivlhto a abeha ho pula ha aieninchit okla ishi tok.

5. Hatak himona ohoyo itauwaya chin tuk ash osh ile selahachit anta na nosilhhvt taha cha, okla nusi tok.

6. Atuk o ninak ont iklunna ma tahpahanla kvv, Inta ! hatak himona ohoyo itauwaya chin tuk ash osh mintishke, ivt ont oh afamá, achi tok.

7. Yohmi ma ohoyo himithoa yummak ash osh momvt tanit i pula ha okla aiiskiachi tok.

8. Mihma ik hopoyukso vhleha hash osh hopoyuksa

vhleha hash o, Pim pula hvt mosholi hoka, hvchi bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; yvmmak keyukma, pishno micha hvchishno aiena ka hvpm ona he keyu hoka: amba ivt kanchi vhleha hak o ont hvsh in chumpa he, hvsh ahna he vhpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh vla tok; mihma im vlhtaha tuk vhleha hash osh apihvt ai itauwaya ya pit abeha na okhissa yvt vlhkuma tok.

11. I himmak o anonti ohoyo himithoa kashapa kash osh ai vla mvt, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mvt, Ahli mak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai vla he nitak, mikmvt hvshi kanvlli vhpisa aiena hoka pit hvsh ithana keyu hokvt, okchvt hvsh hoyashke.

14. Uba ap ehlichika yvt, hatak osh yakni hopaki nowvt aya chi hosh in tishu vhleha ha itahobi cha, nana im asha tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyuka ka ai vlhtokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, yvmmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, yvmmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha ymma i shahli hash osh vla cha, yvmmak ash i hotinvt pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninehit isht vla mvt. Chitokaka ma! yakeh! talent tahlapi hō is soma tok: yummak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ūlhpiesvshke, tishu aiahli achukma chia ma! nana kanomosi ka aiahli chi achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is soma tok: yummak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ūlhpiesvshke, tishu aiahli achukma chia ma! nana kanomosi ka aiahli chia achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achufa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichī tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anuka yō luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminechi mvt, Tishu haksi nan intakobi chia hvv, vno ak osh hokchi li tuk keyu kia ai vmo likmvt, anonti vno ak osh a mvshlichī li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk ma minti li kvv vmmi atuk micha ushi atuk a aieninehit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. Kvna hosh ishi hok mak o ima na lauvv im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yummak oka yahaya micha notu ahampa aiena mak a hi oke, im achi tok.

31. Hatak Ushi vt, enchil vhleha moma kv̄t ap̄iha h̄o, ilap isht aholitopaka il ai ishit vla he, yohmikmvt im ai om binili holitopa yatuk ma om binila he oke.

32. Yohmikma itikba ya oklushi moma kv̄t ai itahoba he: yohmikma yummak ash osh yumma achafolichit iti filamohlichi kv̄t, chukfvlhpoba apesvchi vt chukfvlhpoba ya isi kosoma iti filamohlichi chatuk mak o chiyuhma he.

33. Mikmvt chukfvlhpoba ya im ibbak isht-impak imma yak o ashachikmvt, amba isi kosoma yokvno vlhfvbekimma yo ashacha he.

34. Yohmikmvt Miko ash osh im ibbak isht-impak-imma asha kash o, Aki i holitopa hvchia ma! ho minti, vba apelihika yakni vt ik tobo kisha mak o hvchim vlhtaha tok vt hvsh ai ahantashke.

35. Uno vt sa hohchvfo ma, ilhpak a hvs svpeta tok: sa tukshila ma, nana h̄o hvs svshkochechi tok: hatak ik ithano sia hatuk a, aboha ya ik chukowa, hvs sv̄m aiahni tok:

36. Sa nipi bano ma, nana hvs sa fohkichich tok: si abeka ma, ant hvs sa pesa tok: vno vt aboha kv̄llo foka li ma, ant hvs sa nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma! katiohmi kash o chishno vt chi hohchvfo tuk a, e chi pisa cha nana e chipeta tok o? micha chi tukshila tuk a, nana e chishkochechi tok o?

38. Katiohmi kash o hatak ik ithano chia hatuk a e chi pisa cha, aboha ya ik chukowa, e chim aiahni tok o? mihmvt chi nipi bano tuk a, nana e chi fohkichich tok o?

39. Michā katiohmi kash o chi abeka, mihmvt aboha kv̄llo ish foka aiena tuk a, e chi pisa cha, a chi nowa tok oh cho? acha he.

40. Mikma Miko vt afalaminchikmvt Ahli mak o hvchi miha lishke, Itibapishi li vhleha yakohmi ka moma ik lauwo achvfo ka katiohmi h̄o hvsh ai i yvmohmi tuk okvt, vno ak o hvs sa yvmohmi mak atuk oke, im acha hi oke.

41. Yohmikmvt ibbak vlhfvbeka imma asha tuk ash kia,

Issikkopa he vlhpesa hvchia hvt, a flummit luak ataha iksho, Setan micha imi shilombish okpulo vhleha aiena im vlhtaha tok mak o, hvsh ilhkolashke.

42. Ūno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk a, aboha ya ik chukowa hvch ik svm ahno tok : si abeka, micha aboha kullo foka li aiena ma, ant hvch ik sa nowo ki tok okvt, im acha he.

44. Yohmikma yvmak ash kia afalaminchi kvf, Chitokaka ma! katiohmi kash o chi hochaiyafo, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kullo ish foka aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmak ash osh afalaminchikmvt, Ahli mak o hvchi miha lishke, Yakohmi ka moma ik lauwo achvfona kia katiohmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilia yo ia hi oke.

CHAPTA XXVI.

Na pehlich i vhleha hvt it afama cha, Chisvs a vba chi kvf isht anum-puli. 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskaliot vt Chisvs a tvli hvta pokoli tuchina ho ishit kanchi. 17 Chisvs vt nan im ai ithvna vhleha ha nan vban-vblit ontia it ibai impa ; 26 mihmvt opiaka na holitopa impa isht vlhpisa ka apesa, 30 mihmvt kohchvt nvnih chaha Alif a ona ; mihmvt Pita yvt ik ithano miha chi ka tikbanlit anoli. 36 Chisvs vt Ketsemane osapushi ont chukowa cha, vba pit anum-puli. Chutas Iskaliot vt hatak na-halupa sholi bieka ho pehlich i cha, Chisvs a ont ishi. 57 Okla hvt Chisvs a ishi mvt na holitompa isht asha pehlich i in chuka holitompa isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il ahobi : yohmit ashvchi tok vt nukhaklo.

1. ATUK o yakohmi tok ; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hut asha chi, mikma Hatak Ushi vt iti-taiyukhena ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht asha pehlichi vhleha, mikmut na holissochi vhleha, mikmut okla ha i hochitoka vhleha aiena kv̄t na holitompa isht asha pehlichi Kaiafas hohchifo ho im aboha holitopa ya ai itvnaha tok.

4. Mihmut haksichi hosh Chisvs a okla ishi cha, vba hinla kv̄t it im anumpulit maya tok.

5. Yohmi kia, Impa chito asha nitak ak o keyu ho, yvmmak keyukma okla hut i sanali fehna hinla yoba ká achi tok.

6. Atuk o Chisvs vt Betani a Saimon leplosi vbi a tok in chuka ya asha ma,

7. Ohoyo pash-ahama holitompa fehna alabasta itombu shi achvfa ho ishi kv̄t im ona mut, impa hosh asha ma, nosh-kobo a ont o fohobli tok.

8. Yohmi kia nan im ai ithvna vhleha hash osh pisa kv̄t, okla ik im vlhpeso fehna mut, Katiohmi mak o ilvppvt yakohmit okpulo cho?

9. Pash-ahama ilvppvt lāwa kia isht vlhtoba cha, ilbrsha vhleha ha i holhpela hinla tuk oka, achi tok.

10. Chisvs vt akostininchī mut, Nanta katiohmi ho ohoyo ha hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbrsha yokvto hvchim asha bilia cha tuk : amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna yo vbanumpa ilvppvt isht ai anuhumpakma, nana ka ohoyo ilvppvt yakohmichi tuk a yvmmak ash o isht ithaiyana hi a, anohowa hi oke, im achi tok.

14. Yvmma foka ma auah tuklo tuk ash achvfv̄t Chutas Iskaliot hohchifo hosh ivt na holitompa isht asha pehlichi vhleha hash o im ona tok.

15. Mihmut, Yvmmak oka ishit hvchim issa la chi ka nanta ho hvs soma hinla cho? yvmmak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yvmma ai vhlit mahaya ka yvmmak ash o kaniohmichit ishit im issa he akostininchi bahana tok.

17. Yohmi tuk o pvska ik shatvmmo vpa nitak vmmona ho nan ithvna vhleha hv Chisvs a im ai ona mv, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yvmmak ash osh, Ivt tvnaha ha hvsh onak mv, hatak yvmmak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisvs vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichia cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshit okla ha hvsh im issa chi hoke, achi tok.

22. Mihma okla nukhaklo fehna mv, achvfaiyukvt momvt, Chitokaka ma! vno ak oh cho? im achi tok.

23. Mihma yvmmak ash osh afalaminchi mv, Kvna hosh ampo a ibbak a pit svb ai okvchikmv, mihi yosh svshit okla ha im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i palvmma chi mak oke; hatak yvmmak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mv, A shali ma! vno ak oh cho? achi ma, Ahli, ish mihvshke, achi tok.

26. Mihmut okla impa hosh maya ma, Chisvs vt pvska ya ishi cha, vba pit aiokpvchi mv, tushahlichia cha, nan ithvna

vhleha hash o pit ima mvt, Ilvppvt sa haknip mak oke ; ishit oh vpá, achi tok.

27. Mihmvt isht-ishko ya ishi cha vba pit aiokpvchi mvt, yvmmak ash o pit ima mvt, Hvsh moma kvv hvsh ish-kashke.

28. Ilvppak okvt svssish nan isht vlvhisa himona, laua kvv nan ai ashvchika puta isht i kashofa he mak o, hlatapa hatuk oka.

29. Yohmi kia himak a pilla ma pakvpi vnit waya ilvppa ak ishko mak atuk osh himonvchit Aki apehlichika ya a hvch ibai ishko la he nitak mak a hi oke, hvchim achi lishke, achi tok.

30. Mihma vba isht taloa ya okla talovt issa mvt, okla kohchvt nvni Alif a pit ilhkoli tok.

31. Yohmi ma Chisvs vt yvmmak ash o, Himak ninak a vno ak atuk mak o hvsh moma kvv hvch ibetvbla chi hoke. Chukfvlhpoba apesvchi a issot kanchi likma, chukfvlhpoba atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Kalili a ona la chi, im achi tok.

33. Pita yvt afalaminchi mvt, Moma kvv chishno ak atuk mak o isht ai ibetvbli kia, vno yokvto nitak nana si a ibetvbla he keyushke, im achi tok.

34. Mihma Chisvs vt, Ahli mak o chi miha lishke, Himak ninak a akaka yvt ik olo kisha ho, hituchina ha chik svthano ka ish miha chi hoke, im achi tok.

35. Pita yash osh, Chi awant svlla chi ik nana kia, ak chithano miha la he keyushke, im achi tok. Mihma nan ithvna vhleha hvv momvt yvmmak inli ho miha tok.

36. Yvmma foka ma Chisvs vt yvmmak ash o pehlichika, yakni Ketsemane hohchifo ho ona mvt, nan im ai ithvna vhleha hash o, yvmma ivt ont vba pit anumpvli li takla ka, ilvppak inli ho hvsh chiyashke, im achi tok.

37. Mihmvt Pita, micha Sebete ushi tuklo aiena kvno pehlichika ia tok ; mihmvt nukhaklo fehvvt i wekit kvnia tok.

38. Yohmi mvt yvmmak ash o, Sa shilombish vt nukhak

lo fehna, illa he ak kia chiyuhmishke : ilvppak inli hō chiyvt hvs svb ai okchashke, im achi tok.

39. Mihmvt achakalit ivt misha ituma ona mvt, hlipivt itula cha, vba pit anumpuli mvt, Aki ma ! yohma hinla yoba hokma, isht-ishko ilvppvt a kanvllashke : yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai okcha na hvshi kanvlli achvfa ka ona hinla keyu mak oh cho ?

41. Okchvt vba pit hvsh anumpohonli cha, ayoshuba ya hvch ik iba chukowo kashke : shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt, Aki ma ! isht-ishko ilvppa ai ishko li ha yo keyukma, a kanvlla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok : nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kvt, anumpa yvmmak ash inli hō miha tok.

45. Yohmi mvt nan im ai ithvna aiasha kash o vla mvt, Himmak mak o mayvt nusit hvsh fohashke ; inta ! hvshi kanvlli vlhpisa hvt ai ona mak oke ; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho taní, kiloh ilhkoli, yakeh ! sa haksichit okla ibbak sa fohka chi hokvt olanlosi vlvshke, im achi tok.

47. Mihma anumpohonli moma hō, auah tuklo atuk achvfa Chutas vt na holitompa isht asha pehlichí vhleha micha okla i hochitoka vhleha aiena im anumpa hō okla chinto bvshpo falaia puta, mikmvt iti tvptua aiena sholi hō, pehlichí cha vla tok.

48. Yohmi kvt haksichit okla ibbak fohka chi, yvmmak okvt isht akostinineha hi a im anoli kvt, Kvna hō ont i suksowa likma, yvmmak osh mih mak a chi hoke ; kvllochit hvsh ishashke, achi tok.

49. Mihmvt yvmmak ash osh Chisvs a im ona mvt, A shahli ma ! na chi yukpashke, achi mvt, i suksowa tok.

50. Mihma Chisvs vt, A kana hvt katiohmi hō ish la cho? im achi tok. Yohmi ma okla ai onvt Chisvs ash o iti hoklit ishi tok.

51. Yohmi ma Chisvs a apehvt aya tuk vt achvfa hosh ibbak atuk ma i bvshpo falaia ya pit ishit shufi mvt, na holitompā isht asha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke: kvna hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashalika enchil vhleha lechvn auah tuklo atampa ka auet vma hinla ka ik chim ahobo cho?

54. Yohmi hokma katiohmi hosh yakohma hi a tok vt Baibil vt ont aiahla hinla cho? im achi tok.

55. Chisvs vt hvshi kanvlli vhpisa yvmmak inli hō okla laua yash o, Hatak hukopa yo ayvt i kohcha hō chiyuhmit bvshpo falaia, mikmvt iti tvptua aiena sholi hosh hvs svsha chi kvt hvsh itvnova cho? tempel anykaka ya nana ai ithv-nanchit nitak moma hvch itintakla binili li ka iti hoklit hvch ik sasho chatuk oke, im achi tok.

56. Yohmi kia hopaii vhleha hvt holissophonchi tok a ont aiahla chi mak o, ilvppa moma kvv yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a iti hoklit ishi tuk vhleha hash osh yvmmak ash o ilauelit ivt na holitompā isht asha pehlichī i shahli Kaiafas a isht im ona tok; yvmmak o na holis-sochi vhleha, mikmvt hochitoka vhleha aiena kvv ai itvnahvt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitompā isht asha pehlichī i shahli im aboha holitopa hatuk ma ont chukowvt, ont ishtaiyopi ka pisa chi hosh tishu vhleha ha takla ont binili tok.

59. Mihma na holitompā isht asha pehlichī vhleha, micha hochitoka vhleha, mikmvt nan-apesa moyuma kvv Chisvs a

vba chi kv̄t, anumpa ik aḥlo isht atokola hi a hoyot aiasha tok.

60. Yohmi kia ik ahayucho tok. Anumpa ik aḥlo isht atokoli hokv̄to lauv̄t ai ahanla mv̄hli kia, ai v̄lhpesa hi a ik ahayucho tok. Ont ishtaiyopi ma anumpa ik aḥlo isht atokoli vt tuklo hosh vla tok;

61. Mihmv̄t, Ilv̄ppvt Chihowa in tempel a okpv̄ni li tuk mv̄t, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht aḥsha pehlich̄i i shahli vt wakaya mv̄t, afalaminchit, Afalaminchit nana kia chik acho cho? nanta mak o yakohmit isht chi atokoli cho? im achi tok.

63. Yohmi kia Chisvs vt nana ik acho ki tok. Mihma na holitompa isht aḥsha pehlich̄i i shahli vt anumpuli mv̄t, Chishno ak osh Klaist Chihowa Ushi chia hatuk okmv̄t, keyukma nana hatuk okmv̄t, ish pim anola he mak o Chihowa okchaya pulla ka isht a chim apesa lishke, im achi tok.

64. Mihma Chisvs vt, V̄lhpesa ish mihv̄shke: yohmi kia, Himak a pilla ma Hatak Ushi vt nan okluha im aiya im ibbak-ishtimpakimma ya binili, micha vba hoshonti anukaka minti aiena h̄o hv̄sh pisa hi oke, hv̄chim achi lishke, im achi tok.

65. Yohmi ma na holitompa isht aḥsha pehlich̄i i shahli ash osh im ilefoka, im anchi aieninchit ita hlilv̄ffi mv̄t, Chihowa ik ahobalot anumpa h̄a anumpulishke; himmakma nan-isht ai atokowa katiohmi h̄o iloh ahna hinla cho? inta! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho? achi ma, okla afalaminch̄i mv̄t, Illa he ak o v̄lhpesa hoke, achi tok.

67. Yohmi ma nashuka ya on tuftua ma, ibbak a bonulit isht isso tok, kanimi kv̄t ibbak a isht pasalich̄i mv̄t,

68. Klaist chia ma! kv̄na hosh chisso hokma, akostininchit pin anoli, achi tok.

69. Yohmi ma Pita yv̄t aboha holitompa kocha ya aḥsha

tok: mihma ohoyo himita yosh yummak ash o vla mvt, Chishno ak kia Chisvs Kalili vta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, ymma maya kash o, Ilvppak kia Chisvs Nasalet vta ya awant aya kamo, im achi tok.

72. Mihma anonti anumpa kullo isht il onochit ik ithano ilahobit, Hatak ymma ithana li keyushke, achi tok.

73. Atuk o in chekosi ma bilikasi hiohmaya tuk ash osh ai vla mvt, Pita yash o, Chishno ak kia okla ymma ish ib ai achvfa yatuk o pullushke; chim anumpa hvt chi otvnichi hoka, im achi tok.

74. Yohmi ma yummak ash osh, Hatak ymma ithana li keyushke, achit ik ahobalot anumpulit anumpa kullo isht il onochit ishtia tok. Mihma chekosi mak inli ho akaka yvt ola tok.

75. Yohmi ma Pita yash osh, Akaka yvt ik olo kisha ho, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII.

Na holitompa isht asha pehlich vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksiteli. 19 Pailat tekchi vt Chisvs a nana ik kanimihcho hok bano im ahni; yohmi kia na holitompa isht asha vhleha hvt nan ahni kak o vhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvti halupa yo noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyukhvna ahonvhlich ma; 50 Chisvs vt chitoli fehvt tahpula mvt, illit kvnia, illi ma na fehna kv ai yvmohmi. 57 Chosef Alimahlea vta yak osh, Chisvs vt iti-taiyukhvna takali tuk a ishit akvchi, mi-cha hatak illi ai asha himona ilap immi ak inli ho fohkit bohli.

62 Na holitompā isht āsha pehlichī vhleha hak osh asihīhla ma, Pailat vt tvshka chipota yā atoinchi na Chisvs ahollopi ā atoni.

1. **ONT** onnvt taha ma na holitompā isht āsha pehlichī vhleha hv̄t moma, micha okla ī hochitoka vhleha aiena kv̄t Chisvs ā vba chī kv̄t isht it im anumpulit maya tok.

2. Micha yvmmak ash ȳ okla takehi mvt, ilauehit isht ivt, nahullo miko Pantivs Pailat ibbak ā ont fohki tok.

3. Yvmma foka ma yvmma ishit okla hā im issa tuk Chutas ash osh yvmma illi issa na pisa mvt, inlv̄t im anukfla cha, tvli hv̄ta boshulli pokoli tuchina kash ȳ falaminchit na holitompā isht āsha pehlichī vhleha micha hochitoka vhleha aiena ka isht om ona mvt,

4. Nan ashvchi keyu issish ȳ ishit okla hā im issa li hokv̄t ashvchi lishke, achi tok. Mihma, Yvmmvt nanta isht pi ahalaiā cho? yvmmak okvno chishno ak inli hosh ish pisashke, achi tok.

5. Mihma tvli hv̄ta boshulli ā tempel anukaka yā pit fohobli cha, koche ia mvt, ont ile nuksiteli tok.

6. Yohmi ma na holitompā isht āsha pehlichī vhleha hash osh tvli hv̄ta boshulli ash ishi mvt, Tvli holisso ai itahoba holitopa yā pit fohka he vlhpesa keyu, issish ȳ isht vlhtoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka a hollopa hi vt shuti-tvna im osapa yȳ isht chumpa tok.

8. Yvmohmi hatuk ȳ osapa yvmmvt, Osapa issish hohchifo tok vt himak nitak ā moyuma hoke.

9. Yvmohmi ma hopaii Chelemaias vt anumpuli mvt, Is-lael ushi vhleha hv̄t ai vlhtoba he okla apesa tok mak ȳ ai vlhtoba he vlhpesa tuk vlhtoba tvli hv̄ta boshulli pokoli tuchina ka okla ishi tok.

10. Micha Chitokaka yvt vm apesa tok mak ȳ, shuti-tvna atuk im osapa yȳ isht atobbi tok; achi tok ā ont aiahli tok.

11. Mihma Chisvs vt nahullo miko itikba yā hikia tok; mihma nahullo miko vt yvmmak ash ȳ ī ponaklot, Chishno ak osh Chu okla hā ī miko chia mak oh cho? achi

tok. Mihma Chisvs vt, Vlhpesa h_o ish mihvshke, im achi tok.

12. Atuk o na holitompa isht asha pehlich i vhleha, mik-mvt hochitoka vhleha aiena kv_t nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana l_awa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo miko ash osh nukhlakancha fehna tok.

15. Micha vbanvblit ontia impa ashakma, kvna h_o okla ahnikma, nahullo miko vt yukvt talakchi atuk a okla h_a imi hotofi chatuk a tok.

16. Atuk o yvmma fehna ma annohowa fehna chatuk yukvt talakchit Balabas hohchifo hosh okla h_a im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla h_a im issa hatuk a, ithana hatuk osh, okla itv nahvt taiyaha ma, Kvta mak o hvchimi hotofi la he a hvsh aiahni cho? Balabas ak okmá, keyukmvt, Chisvs osh Klaist hohchifo kak okmá, katimampo kak a chi cho? im achi tok.

19. Mihmvt nan-apesa aiasha ya ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik svm ai achukmo kv_t an laua hatuk oka, hatak ahli achukma yvmma nana chik kanihcho kashke, achi tok.

20. Yohmi kia na holitompa isht asha pehlich i vhleha, micha hochitoka vhleha aiena hokvto Balabas ak o okla asilha cha, Chisvs ak o vba chi ka, okla laua ya atohnochi tok.

21. Nahullo miko ash osh afalaminchi mvt, Tuklo ka katimampo hvchim i hotofi la hi a hvsh aiahni cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo miko ash osh, Katiohmi h_o? nan okpulo nanta mak o yvmohmi tuk oh cho? achi tok, Yohmi

kia i shahlichit tahpvlvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba ya-hapa kak osh i shahlit toba pulla hi a akostininchi mvt, oka kapvssa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtirt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota peh lichy i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kvshak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yuk pashke, achi tok.

30. Mihmvt yvmmak ash o okla on tuftua, micha kvshak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvhlichy chi hosh ilaelit ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmvt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ish-kot pisa mvt, ishka he keyu ki tok.

35. Mihma yvmmak ash o iti-taiyukhvna okla ahonvhli-chi mvt, na shoeli o im ilefoka yatuk ash isht iti hopela tok; hopaii vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiahla chi mak a tok.

36. Micha okla hash osh yvmmak o aka binohli cha, yvmmak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISVS CHU OKLA I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititai-yukhvna ahonvhla tok; achvfa kvt ibbak isht impakimma yo takali ma, anonti achvvt vlfvbe kimma yo takali tok.

39. Mihma yvmma bilikasi ont ihiya kvt yvmmak ash o ik ahobalot pit i yuchunukli beka tok.

40. Mihmvt, Tempel a okpvni cha, anonti nitak tuchinak-ma ikbit tahli chia hvt, ish ile okchalinchashke, Chihowa a Ushi chia hokmvt, iti-taiyukhvna ya auet akowá, achi tok.

41. Na holitompa isht asha pehlichí vhleha ak kia na holissochi vhleha, micha hochitoka vhleha ai itapeha kvt yvmmak ash o ishit yopulvt,

42. Inla yokvno okchalínchi hatuk okak osh, ilap inli kvto ile okchalíncha he keyushke. Ilvppak osh Islael a i miko yatuk okmvt, himonasi ak o iti-taiyukhvna ya auet ik akowá, yohmikmak o iloh i yimmashke.

43. Chihowa ya anukcheto atuk oka, yvmmak osh i hullo hatuk okmvt, himonasi a ant ik hlakofichí; Chihowa Ushi sia hoke, achi hatuk oka achi tok.

44. Hatak hukopa tuklo yvmma apihvt iti-taiyukhvna ahonvhla tuk kak kia ik ahobalo kvt, yvmmak inli ho, choh-michi tok.

45. Yohmi ma hvshi kanvlli vlpisa ont isht hannalik fehna ai vhlit ivt, hvshi kanvlli vlpisa isht chakkali ona ka, yakni moma ka ai okhlilit kvnia tok.

46. Yohmi ma hvshi kanvlli vlpisa ont isht chakkali foka ma, Chisvs vt chitoli fehna hosh tahpvlvt, Eli, Eli, lama sabakhlani? achi tok; yvmmvt an Chihowa ma! an

Chihowa ma! nanta katiohmi hō is sã kanchi cho? achi hoke.

47. Mihma yemma hiohmaya tuk vt kanimi kv̄t haklo mvt, Hatak ilvppvt Elias a pit i howvshke, achi tok.

48. Mihma mih mak inli hō achv̄vt malelit ia mvt, na shatvmmi o ont ishi cha wineka alotoli mvt, kv̄shak o takalichi cha, yvmmak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalinchit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahpula mvt, fiopissa tok.

51. Yohmi ma nantv̄nna tempel anukaka takali tuk vt paknaka ak o a hlilav̄t ia mvt, aka ont taha cha tuklo tok: mihma yakni vt winakahanchi ma, tv̄li hochito puta kv̄t bakahli tok.

52. Mihma hatak ahollopi puta kv̄t tiwa ma, vbanumpuli puta haknip mayvt nusi tuk vt lãwa kv̄t tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tumaha holitopa ya onvt lãwa ka i haiaka tok.

54. Sintulion micha apihvt mayvt Chisvs a apesvchi tuk aiena kash osh yakni winakv̄chi, mihmvt nana kv̄t ai yakohmi puta na pisa mvt, okla nukshopa fehna mvt, Ilvppak okvt Chihowa hã Ushi yō mv̄hli tuk pullvshke, achi tok.

55. Yokmi ma ohoyo lãwa Chisvs a apēvt Kalili a asht, mintit yemma nan im atahli yatuk vt yemma maya cha, auet mishema hō pit pisa tok.

56. Yemma takla maya kv̄t, Meli Maktalene micha Meli, Chemis, mikmvt Choses aiena ishki, mikmvt Sebete ushi v̄hleha hã ishki ak osh aiena tok.

57. Ont opiv̄t taiyaha ma hatak nan in laua Alimahlea vtta Chosef hohchifo hosh, yvmmak kia Chisvs a nan im ai ithv̄na ak inli tuk osh v̄la tok.

58. Michã ia mvt, Chisvs haknip a Pailat a ont im asilhha tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, yvm-mak ash o nantvna kashofa linen achukma ho a bonulli tok.

60. Mihmvt yvmmak ash o ilap i sepvka himona tvli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vlhtaha nitak atuk auet achakaya nitak o na holitompa isht asha pehlich i vhleha, micha Falisi vhleha aiena kvv Pailat a ant im ai itvnaha cha,

63. Pi shahli ma! na haksichi yvmmvv okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvllot vlhkama na nitak atuchina ka onashke; yvmmak keyukma nan im ai ithvna vhleha hvv ninak a ai vlvv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlhpeso kvv vmmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvsh ke: oh ilhkoli cha, kanimihchit hvsh a kvllocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahinli fehna ohoyo tuklo kvv Chisvs ahollopi tuk a ona; yvma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai ithvna vhleha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tvamaha chito ya ona cha, ahollopi nana a kaniohmi tuk a na holitompa isht asha pehlich i vhleha ha im anoli. 15 Chisvs vt nan im ai ithvna auah achvfa ka Kalili ak o ai i haiaka, 19 micha vbanumpa ha oklushi puta ka isht im anumpohonlit itvnohowa he a im apesa.

1. Y^UMOHMI tuk o nitak hullo vt ont taha tuk wek nitak vmmona chi hosh onnvt mihinti ma, Meli Maktalene, micha Meli achvfa itatuklo kvt sepvka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malvtha ak o chiyuhmi ma, im ilefoka yvt tohbi kvt okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kvt vwnihinchi mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhvna ahonvhlvt illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilvppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesá.

7. Micha tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh sepvka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kvt tihlahaya tok.

9. Atuk o nan im ai ithvna vhleha ha im anolit ia hosh ayvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvlli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh ayvt okla ma, nan atoni vhleha hatuk kaniohmi kvt tvmaha ha ona cha, nana kvt kaniohmi tuk a mominchit na holitompa isht asha pehlichi vhleha ha im anoli tok.

12. Mihma yvmmak ash osh hochitoka vhleha ai itapihvt

itvnaha cha, it im anumpulit okla in taiyaha mvt, tvshka chipota vhleha hash o tvli holisso lawa ka ima cha,

13. Nan im ai ithvna vhleha hvt ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish a afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma tvli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annghoa hoke.

16. Yohmi ma nan ithvna auah achvfa kash osh Kalili a ilhkolit, nvnih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ahlika puta moma kvv vmmi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena ho isht a hochifochit hvsh baptismo honchashke:

20. Nan okluha ka nana ho hvchim apesa li tuk a holi-tobla he mak o hvsh im abahanchashke: yohmikma yakeh! vno vt hvchi awant aya li bilia ho, yakni vt ont ai vha hi oke, achi tok oke. Amen.

U BANUMPA MAK.

UT HOLISSOCHI TOK.

CHAPTA I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yvmmak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aiithvna toba chi ka i miha. 23 Nitak hullo ya Chisvs vt nan ithvnanchi, micha shilombish okpulo kohchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onnvt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leposi vbi yo hlakofichi.

1. CHISVS Klaist Chihowa Ushi im vbanumpa ai ishtia vmmona kvv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kvv, Chitokaka ataya hi a apoksiachit i hina puta ka oh apissvlichí, ahan-chishke, achit hopaii vhleha i holisso ha a holisso tok ak o ai itilauí tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kostoninchit baptisma hi a isht anumpohonli tok.

5. Yohmi ma Chutea yakni ai asha tuk, micha Chelusalem ai asha tuk aiena kvv, memvt yvmmak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofvchi yo vskofaiyachi tok: mihmvt hawa, mi-cha foi-bila kowi anuka asha yak o vpa beka tok.

7. Mihmvt vbanumpa isht anumpohonli mvt, Uno a a shahli fehna hosh auet siakaiyvt minti, yvmmak okvno vno vt i shulush isht-talakchi yak kia a hlipvt hotofi la he si ahoba keyu hoke.

8. Uno vto oka yo isht hvchi baptismochi li mvhli hatuk; amba yvmmak okvto Shilombish Holitopa yo isht hvchi baptismocha chi hoke, achi tok.

9. Atuk o nitak yvmma foka ka yakohmi tok: Chisvs vt Nasalet Kalili talaia ka vttvt mintit vla cha, Chatan ak o Chan a ai im a baptismo tok.

10. Micha oka ya ai vttvt kocha ia mak inli ho, vba shu-tik vt auet tiwa na Shilombish Holitopa yvt pvchi-yoshuba chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hv auet takali kv, Chishno ak osh Svso a holitopa chia hoke; chishno ak o nan-isht chi a sai yukpa hoke, achi tok.

12. Atuk o chekosi mak inli ho Shilombish Holitopa yvt yakni haiaka ya pit chvffichi tok.

13. Yohmi na yakni haiaka yvmma nitak pokoli ushta ho ahanta na Setan vt imomaka pihisa tok; mihma napoa ok-pulo puta ka itintakla ahanta tok; mihma enchil vhleha hosh nan-isht im anta tok.

14. Chan vt aboha kvlo fohka ha yo, Chisvs vt Kalili a vla cha, Chihowa ap ehlichika isht anumpa hanta ya isht anumpohonli tok.

15. Mihmvt, Nana kv ont aiahlit taha na Chihowa ap ehlichika yvt olanlosi vlvshke; ile kostininchit, vbanumpa ha ho yimm, ahanchi tok.

16. Atuk osh Kalili okhvta lapalika ya aya mvt, Saimon vt itibapishi Antilu itatuklot, nveni-hokli yatuk okvt, nveni-isht-hokli a okhvta pit okvchi hosh ahashwa na pisa tok.

17. Mihmvt Chisvs vt, Mintit vno ak o hv si apeha na hatak hokli yo hvch ikbi lashke, im achi tok.

18. Yohmi ma mih-makinli ho i nveni-isht-hokli yash issa cha, iakaiyvt okla tok.

19. Mihma yvmmak atuk a ivt mishema ona mvt, Sebeta ushi Chemis, micha itibapishi Chan itatuklo kak kia, peni anuka ya nuni-isht-hokli aiskiachi hosh chiya na pisa tok.

20. Mihmvt mih makinli hō yvmmak ash o pit i howa tok; mihma yvmmak ash osh iki Sebeta vt hatak ilthohno vhleha hō iba taklvt peni ash fōka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avchi ka okla anukhlakan-cha tok: yvmmak okvt nana kv̄t ai im v̄lhpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yvmma hatak vt shilombish okpulo ai i fōka hosh asha tuk osh, tahpvlvt,

24. Ikikke! Chisvs Nasalet ai vtta chia hā nanta hō isht e chi ahalaia cho? kvna hō chia hoka chithana li, Chihowa i na-holitopa chia mak oke, achi tok.

25. Mihma Chisvs vt yvmmak ash im olvbbit, Nukchintot yvmma ish a kohchashke, im achi tok.

26. Mihma shilombish okpulo ash osh yvmmak ash o haiochechi cha, chitolit tahpula mvt, yvmmak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nanisht avchi himona nanta mak oh cho? ai im v̄lhpiesa hosh yvmmak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli hō yvmmak ash isht annoa kv̄t Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apihvt Saimon, micha Antilu itatuklo in chuka yō okla ont abeha tok.

30. Mihma Saimon tekchi ishki yvt-yv̄nha hosh itonla tuk o, ashalika yvmmak ash im anoli tok.

31. Mihma ona cha ibbak a halvllit, tanichi tok ; mihma yvna hash osh ashalika shipa na nan isht im vta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tuk a, mominchit okla isht im ai vla tok.

33. Mihma tmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk a laua ho hlakofichi mvt, nan-isht-ahullo okpulo mvt laua ho kocha weli tok : mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tmaha maya kak o kil ohona na yvmmak ma vba isht ai anumpohonli lashke, yvmmak a he mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht a anumpohonlit, nan-isht-ahullo okpulo puta ka kocha wihinli tok.

40. Mihma leposi vbi yosh ayvt im ona cha, i hvchuk-bihlept im ilbvsha mvt, Vlhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak a pit welit, potoli mvt, Vlhpesa ahni lishke ; chi kashofashke, im achi tok.

42. Mihma anumpulit ont issa makinli ho, leposi ash ot ashalika i kvnia na yvmmak ash osh kashofa tok.

43. Mihma ik annoo ka hi a kvllochi fehna hosh yvmmak ash i mihvt taiyahli cha, ashalika kanima pit chvffichi ;

44. Yohmi mvt ahah ! aiahnit hatak kvna kia na chik im anolo kashke ; amba chi hlakofi hokvt okla ha nan im atokowa chi ka, ia cha, na-holitompa-isht vta yak o ont ish il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yvmmak ash osh ia mvt, anoli fehnvt, nana kash kanima moma ai im annoachi, yohmi na Chisvs vt himmakma ile haiakvchit ayvt tvmaha hā chukowa he keyu hosh, amba kochvt yakni haiaka yak o vttvt aya tok: yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yō hlakofichi, 1 : 13 Chisvs vt Mahlu vt nan im ai ithvna toba chī ka i miha; 15 micha p̄blikan v̄hleha mikmvt nan ashvchi v̄hleha aiena ibai impa ka nan isht mihachi ma kaniohmi hō yohmi hatuk vt anoli. 18 Mihmvt nan im aiithvna v̄hleha hā nan ik hullocho hoka nan isht mihachi; mihma yvmmak ash osh ik yohmo kv̄t im ai v̄lhpesa atuk a miha mvt; 23 nan im aiithvna v̄hleha hā nitak hullo kobvffi hō nan isht mihachit asha ma, yvmmak okvt nitak hullo kobvffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anuka asha ka annoa tok.

2. Yohmi ma ashalika lavrt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa hā isht im anumpohonli tok.

3. Yohmi ma hatak vt palsi isht abeka hō ushtvt it i shoyulit, isht im v̄la tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma! na chim aiashrvchika puta kv̄t chī ka-shofa mak oke, im achi tok.

6. Yohmi kia na-holissochi v̄hleha kanimi kv̄t yvmma binohmayā tuk vt, chukvsh anukaka isht anukfillit,

7. Na katihmi hō hatak ilvppvt yakohmichit Chihowa ik ahobalot anumpuli cho? Kv̄ta hosh nan ai aiashrvchika puta ka kashofa hinla hō? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchi mvt, ashalika, Na katih-

mi h_o ilvppa puta ka hvchi chukvsh anukaka isht hvchim. anukfila cho?

9. Palsi isht abeka atuk a, Na chim ai ashvchika puta kv_t ch_i kashofa hoke; im achi kak okmá, keyukmvt, Wakayvt, ch_i potvlhpo a sholi cha, nowá, achi kak okmá, kati-ma kak osh ahchiba kv_t ik lauwo cho?

10. Yohmi kia Hatak Ushi vt yakni paknaka nan aiashvchika puta ka kashofa hi vt ai im vlpiesa hatuk a hvsh akostinincha ch_i kak o.

11. Palsi isht abeka yash o im anumpulit, Tanit, ch_i potvlhpo a sholi cha, chin chuka ish iashke; chim achi lishke, im achi tok.

12. Mihma ashalika yvmmak ash ot tanit, potvlhpo ash sholi cha, okla momvt pisa na kohchvt ia tok: yohmi na momvt nukhlakancha mvt, Nitak nan ash ilvppa chohmi na e pisa chatuk keyushke, ahanchit Chihowa ya pit holitobli-chi tok,

13. Atuk o anonti kohchvt ia mvt, okhvta lapalika yo ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh aya mvt, Lefai Alfevs ushi vt tvli-holisso abohli a asha na pisa mvt, yvmmak ash o, Is siakaiyashke, im achi tok.

15. Atuk o yakohmi tok: Chisvs vt yvmma im aboha anuka ya impa hosh asha ma, pvblikan micha nan-ashvchi vhleha aiena kv_t laua hosh Chisvs, micha nan im ai ithvna vhleha aiena ka takla binohmaya akinli tok: yvmmak okvt laua hatuk osh, okla apihvt aya tuk a tok.

16. Mich a-na-holissochi vhleha, micha Falisi vhleha aiena kv_t, yvmmv_t pvblikan vhleha, micha nan ashvchi vhleha aiena ka it ibai-imp a na pisa mvt, nan im ai ithvna vhleha hash o, Katiahmi h_o pvblikan vhleha, micha nan-ashvchi vhleha aiena kvno it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi a bvnna keyu, amba abeka kak oke: nan-ashvchi ik im iksho vhleha h_o hohoyot aya li tok keyu,

amba, nan-ashvchi vhleha yosh ile kostinicha chi kak a tok, im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hinla cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakmuno okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht avlli chatuk keyu: yvmmak keyukma, na hlilafa himona vlvkvt atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlich na hlayakma; shukcha yash ot okpula hinvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kv hohchvfo mvt, nana ka bvna cha, a kanihmi tok:

26. Micha na holitompa isht vtta i shahli Abaiahla vt ahanta nitak a Chihowa im aboha ya pit chukowa cha, yvmma ai vpa he vlvpesa hatuk keyu, amba na-holitompa isht asha vhleha kak a he tuk a, pvka holitopa ya vpa mvt,

anonti apehvt aya tuk ma ipeta tok a himonna kia holisso hvch ik it im anumpulo chatuk oh cho ? im achi tok.

27. Mihmvt nitak-hullo vt hatak ak o im vlhpisa a tok : hatak ak osh nitak-hullo ak o im vlhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTER III

Chisvs vt hatak ibbak shila hlakofichi, mihma yvmmak o Falisi vhleha hvt vbi bnna hatuk o Chisvs vt kochvt kvnia, 1 ; 10 mihma okla laua apehvt ilhkoli na lauachit hlakofichi. 13 Mihmvt anum-peshi auah tuklo ho atokoli. 20 Chisvs a i kanomi vhleha hvt tasimbo ho im ahoba, 22 mihma Falisi vhleha hvt Chisvs a ik ahobalot anumpuli ; yohmi ma ymma okla miha ka ahli keyu ka atokolit im anoli. 31 Kyna hosh Chihowa nana aiahni puta ka yvmohmi hokvt Chisvs a i kanomi fehna mak oke.

1. ATUK osh anonti sinakak a ont chukowa ma, yvma hatak vt ibbak shilvt illi yosh asha tok.

2. Mihma nitak-hullo nitak a hlakofichikma, nanakma, nan-vlhpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya w McKayvt a hikiá, im achi tok.

4. Mihmvt, Nitak-hullo nitak a nan achukma ho yvmohmi, keyukmvt achukma keyu ho yohmi kak okma ; ilhfio-pak okchalínchi, keyukmvt vbi kak okma, nanta kak osh ai vlhpesa cho ? im achi tok. Yohmi kia nan ik acho hosh maya tok.

5. Mihma okla chukvsh kvlo ka isht nukhaklot, ik im vlhpiesot filemvt pisa mvt, hatak ash o, Chisemochi, im achi tok. Mihma chisemochi tok ; yohmi ma ibbak ash osh falamvt hlakofit in tennvp ak inli ho chohmi tok.

6. Mihma Falisi vhleha hvt kocha wiha mvt, ashalika Helotian vhleha aiena kv yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hash

pehlichí cha, filvmmít okhvta ía tok: mihma Kalíli, míchá Chutea aiena mínti,

8. Míchá Chelusalemi mínti, anónti Itúmea, míchá Chatan mísh-tvnnvp mínti, míchá Taia, míchá Saiton a fullota mínti aiena okla chinto kv́t nan aiyáka fehna ka yvmihchí hq okla haklo mvt, íakaiyv́t okla chinto fehnv́t im ai ona tok.

9. Mihma okla laua hokv́t ík atehlefo ka'chí kak' o, peni v́t im v́lhtaha chí kv́t, nan im ai íthvna v́hleha hq í miha tok.

10. Lauachít hlakofichí hatuk; yohmi hatuk oka, nan í palummit aiasha atuk v́t momv́t yvmmak ash haleli bvnv́t okla a hv́hlíhínchí tok.

11. Mihma shilombísh okpulo puta kv́t yvmmak ash pisa mvt, itíkba aka hlipkv́chi mvt, táhpahanlv́t, Chishno ak osh Chíhowa Ushí chia mak oke, áchí tok.

12. Mihma yvmmak ash ot ílap a ík otv́nníncho ka chí ka, yvmma kv́llochít im apesa tok.

13. Mihmv́t nv́nih chaha yq ont oíya cha, kv́na hq ílap aiahni hosh hoyo na, okla im ai ona tok.

14, 15. Mihma tohno na yvmmv́t ílapa apehv́t aya cha, vbanumpá ísht ahanta he; míchá abeka puta hlakofichít, nan-ísht-ahullo okpulo kocha wela he aiena kv́t, ai im v́lhpesa chí ka auah tuklo hq atokolí tok.

16. Mihmv́t Saimon atuk q Pita hochífo tok.

17. Mihmv́t Sebete Ushí Chemis ítibapíshí Chan ítatuklo, yvmmak ash q Boaneches hochífo, yvmmv́t Híloha ushí, áchí hoke.

18. Mikma Antílu, mikmv́t Fíllip, míchá Bahlolomu, mikmv́t Mahlu, míchá Tamas, míchá Alfevs ushí Chemis, mikmv́t Tatevs, míchá Kenan hatak Saimon aiena,

19. Mikmv́t yvmmak ash íshit ínla im íssa tok Chutas Iskaliót v́t aiena tok: mihma chuka chukowa tok.

20. Mihma okla laua yash osh anónti ant ai ítahoba na ílhpak ak kia okla vpa he keyu ka chohmi tok.

21. Yohmi ma í kanómi v́hleha hv́t haklo mvt, Tasímbo hoke, áchí cha, hókla chí hosh okla ílhkolí tok.

22. Atuk q na-holíssóchi v́hleha Chelusalemi mínti tuk

ash osh, Beelsebub ak o il ai ishi hosh, nan-isht-ahullo ok-pulo puta ka isht kocha weli hoke, achi tok.

23. Yvmmak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho?

24. Micha apehlichika achvfa kvit it a kashapvt ilap ash inli it im i sanali hokmvt, apehlichi achvfa yvmmak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yvmmvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kvllot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu: vmmona hak o hatak hlampko yak o takchi ho keyukmvt; amba yvmmak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvit i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yvmmvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvit ai vla cha, kocha ya ont hiohmayvt, inla atohnot yvmmak ash pit hoyo tok.

32. Mihma okla laua vt a fuloblit binohmaya tok; yvmmak ash osh, Yakeh! chishki micha chitibapishi vhleha aiena kvit kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahni ka yvmohmi hokmvt, yvmmak osh svtibapishi, micha an tek, mikmvt hvshki aiena mak oke, achi tok.

CHAPTA IV.

Na hokchi nan isht vllhpisa; micha kanihmi kak o Chisvs vt nan isht vllhpisa ho isht anumputi, 1; 14 na hokchi isht vllhpisa yvt atokovt annoa. 21 Kvna hosh Chihowa im anumpa ha ithana hokvto, ai ithana kvv inla asha ka im avvcha he tuk: 26 vbanumpa hanta hatak chukvsh a fohka hokvt na-nihi yakni a holokchi yvm mak oka yakohmi hosh ahni keyu kia, offot mahayvt waya cha, vmo ona chatuk a chiyuhmi hoke: 30 micha mvstvt nihi ak o it vllhpisa akinli. 35 Chisvs vt kocha umba, mahli kvllo ka im anumputit yukobli.

1. ATUK osh anonti okhvta lapalika ya nan ai im avv chit ahanta tok; yohmi ma okla chinto fehna kvv im ai itahoba: yohmi na yvmmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli ho maya tok.

2. Mihma nana ka lauachit nan-isht vllhpisa ho isht im abahanchi tok: mihmvt nan isht im avvchi kvv;

3. Inta! ho haponaklo; na-hokchi vt na-hokcha chi hosh ia tok oke.

4. Atuk o hokchi ma, yakohmi tok; kanimi kvv hina lapalika yo kaha tok; yohmi tuk o vba hushi puta kvv ant vpvv tahl tok.

5. Mihma kanimi kvv tvli foka yakni asha fehna keyu ho kaha tok; atuk osh yakni vt i suko keyu hatuk okvt, chekosi fehna offo tok.

6. Yohmi kia hvshi vt kohcha ma, anakshvvt hakshish vt iksho hatuk okvt, bvshit kvnia tok.

7. Mihma kanimi kvv kvv foka yo kaha tok: atuk o kvv vt offo cha, ai olvbi na ik wayo ki tok.

8. Mihma inlaka yvto yakni achukma yo kaha tuk osh, offot i shahlit mahayvt, vnit waya mvv, kanimi kvv pokoli tuchina ma, kanimi kvv pokoli hannali, anonti kanimi kvv tahlepa avvfa vnit waya tok.

9. Mihmvt, Kvna hosh haksobish isht haponakla hi vt i hinlikmvt, haklashke, im achi tok.

10. Atuk o ilap banot asha ma, yvma aiasha tuk vt.

auah tuklo kash it apeha cha, nan-isht vlhpisa hash im a ponaklo tok.

11, 12. Hvchishno ak okvto Chihowa apehlichika nan ik otano ka hvsh ithana hi vt a hvchim vlhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinincho ka he mak o, ilvppa puta kvv nan-isht vlhpisa hō ai im vlhtaha hoke: yvmmak keyukma nitak kanima ka chukvsh vt inlvv toba cha, nan im ai ashvchika puta kvv i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano cho? mih kvto katiahmi hosh nan-isht vlhpisa puta moma ka hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yō vbanumpa hvv a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli hō Setan vt vlvv chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tvli foka yakni a holokchi mak oke: yvmmak okvt vbanumpa hā haklo mvt, ashalika na-yukpvv ai okpvchi hoke.

17. Yohmi kia ilap hakshish vt ik im iksho, yohmi hokvt chekosi takla kak bano hō kvllot hiohmaya hoke: atuk mvt vbanumpa pulla hatuk mak o nan ilbvsha, keyukmvt na-palvmmi kvv ashakma, chekosi mak inli hō ibetvbli chatuk oke.

18. Mikma yakohmi kak osh kvv foka yō a holokchi mak oke.

19. Vbanumpa hā haklo; yohmi tukmvt yakni ilvppa nan isht im anukfila, micha nan in laua bvnna kvv isht ashvchi, mikmvt nana inla puta ai anushkunna aiena kvv ibai alota cha, vbanumpa hash ai olvbit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa hā haklo mvt, yvmmak ash yimmi cha, vnit wayvt, kanimi kvv achvfa tuk vt pokoli tuchinakma; kanimi kvv pokoli hannali; anonti kanimi kvv tahlepa achvfa ona hoke, im achi tok.

21. Mihmvt, Pula hā tanchi isht-vlhpisa nutaka, keyuk-

mtv topa nuta yokmá, nana hō talali cha, ai-ō hikia ik ō hi-
iecho ka hi ō toba hō?

22. Nana kv̄t ik otano ka hi osh luma kv̄t ikshokma,
anonti nana kv̄t ik haiako ka hi osh luma tuk vt iksho, amba
haiaka he ak ō bano hoke.

23. Hatak nana hosh haksobish isht haponakla hi vt i
hinlikmtv, haklashke, im achi tok.

24. Mikmtv, Nana hv̄sh haklo kv̄t ahah! hv̄sh aiahnash-
ke: nan-isht vlhpisa nana hō isht hv̄sh apesa tuk mvt, hv̄-
chishno vt isht hv̄chim vlhpisa hi oke; mikma na haponaklo
hv̄chia hoka i shahlit hv̄chim ibvlhta hi oke.

25. Kv̄na hosh ishi hokmtv, mihi yosh im ibvlhta he;
mikma kv̄na hosh ik im iksho tuk ma, mihi yō ishi tuk ash
kia im ai isha hi oke, im achi tok.

26. Mihmtv, Chihowa apehlichika yvt hatak osh na-nihi
ō yakni anuka pit hokchi:

27. Yohmi cha ninak a nusit, nitak ma tahanikma, na-
nihi ash ot offot hofantit taiyaha ka, yakohmi kak osh ik
aiahno;

28. Yakni ak osh ilap inlit wayachi hoka: vmmona ka
vpi atuk mvt, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vlmo ona hatuk
oka, ashalika isht-vlmo isht iba chukowa chatuk ak ō chi-
yuhmi hoke, achi tok.

30. Mihmtv Chihowa apehlichika ya nanta hak ō ohmi-
chit, nan-isht vlhpisa nanta mak ō il ai itilauecha chi
cho?

31. Mv̄stv̄t nihi yvmmak okvt yakni anuka a holokchi
kv̄t, na-nihi yakni paknaka moma ka iskitini kv̄t ik lauwo;

32. Yohmi kia holokchi mvt, offot isht mahayvt, chito
kv̄t haiyukpulo moma imaiya ma, naksish vt hochitot fila-
mohli: yvmohmi na vba hushi puta kv̄t hoshontika nutaka
a nusi ka chiyuhmi hoke.

33. Mihmtv ai akostininha hinla ka, anumpa hash nan-
isht vlhpisa yv̄mma chohmi ka lauachit isht ai anumapohonli
beka tok.

34. Amba nan-isht vlhpisa hō keyukmvno ik im anum-

pulo; micha ilapo banot maya hokma, nan im ai ithvna vhleha ha nana moma ka achukmalit im anoli beka tok.

35. Atuk osh nitak yvmmak atuk vt ont opivt taha ma, yvmmak ash o, Misha tvnnvp ak o pit keho hlopulli, im achi tok.

36. Mihma okla laua kash kanima pit yuhli mvt, yvmmak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvt kocha: yohmi na oka banvtha kvt peni ash ai-issot pit vlpiphinta ma, polaka alota tok.

38. Mihma yvmmak ash osh nusi hosh peni asha ka pilla ho vlpishi on itonla tok: atuk o okla ont okhvli mvt, Nan ithvnanchi ma! pilla chi ka nan-isht chik ahno cho? im achi tok.

39. Mihma wakaya cha, mahli hash im alvmmmit okhvta hash, Nuktanlv t lumvt ish talaiashke, im achi tok. Mihma mahli hv t issa na yokopa achukmvt talaia tok.

40. Mihma, Na katihmi ho hvchi nukshopa fehna cho? na katihmi ho na-yimmi kvt ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katihmi mak atuk a mahli, micha okhvta aiena kak kia im antia cho? im achit maya tok.

CHAPTER V.

Chisvs vt nan-isht-ahullo okpulo laua ho kohchichi, 1; 13 mikmvt shukha aya achvfa ho ont abeha chi ka im ahni. 25 Chisvs vt ia cha ushetik a ont hlakoficha chi ho Chailvs vt im asilhha: mihma ia tuk osh takla ya ohoyo issish ont ia isht abeka yo hlakofichi, 35 mihmvt Chailvs ushetik vt illi tuk a falaminchit tanichi.

1. **ATUK** osh okhvta hash mish tvnnvp pit tanvblit Katalenes yakni a okla ona tok.

2. Mihma yvmmak ash ot peni kohchvt ia kash o chekosē ma, hatak vt shilombish okpulo ai i foka hosh, yvmmak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvoli yoka isht takcha hi o keyu tok.

4. Yvmmak okvt iyi isht talakchi, micha tvli itatakvoli aiena ka isht talahakchi kv, tvli itatakvoli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostinicha he keyu ya tok.

5. Mihma ninak, nitak moma ka nvni hoka, micha hatak illi aiasha aiena kak o vttvt ayvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisa mvt, malelit ont aiokpvchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hv hatak yvma ish a kohchashke, im achi ha tok.

9. Mihmvt i ponaklot, Chi hohchifo hv nanta hoh cho? achi tok. Mihma afalaminchi mvt, Pi laua hoka, sa hohchifo hv Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvma nvni hoka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vhpesa im ahni tok. Yohmi ma nan-isht ahullo okpulo vhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmvt tahlepa sipokni tuklo foka tuk osh, yihlepa fehvt sakti chaha yo okhva ha pit ai oka kahvt oka ai illi tok.

14. Mihma shukha laua ya impvchit maya tuk ash ot yihlept, vmaha, micha haiaka asha tuk aiena ka ont okla

anoli tok : yohmi ma nana mak osh yvmohmi tuk okma pisa chi hosh ilhkoli tok.

15. Atuk osh Chisvs a okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh asha na, okla pisa tok ; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk ; mihma shukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yvmmak ash o okla im asihihla tok.

18. Yohmi na peni a ont chukowa ma, nan-isht-ahullo okpulo ai i foka tuk ash osh awant aya hinla kv t im asilhha tok.

19. Yohmi kia Chisvs vt vlhpesa ik im ahno hosh, amba, Chin chuka ia cha, Chitokaka yvt chi nukhaklo cha, na chinto fehna ka a chim ataiyahli tuk a chi kanomi vhleha ha ish im anolashke, im achi tok.

20. Mihma filvmmi ia mvt, na chinto nana mak o Chisvs vt im a tahli tuk a Tekapolis a ai anohonli tok. Yohmi ma okla momvt nukhlakanha tok.

21. Mihma Chisvs ash ot peni fohka cha okhvt a in tvn-vp ash inli ho pit tanvbi ma, okla laua hosh im itahoba tok ; mihma okhvt a pit bilika ho anta tok.

22. Mihma sinakak apesvchi vhleha achvfa Chailvs hoh-chifo hosh vla cha, yvmmak ash ant pisa mvt, iyi ituma ya hlipvt,

23. Im ilbahasha fehvt, Svso tek iskitini vt illi mak osh itonlvshke : ish ona cha, hlakofa he mak o chibbak a ont isht ish umbitepa hokbano chim ahni lishke : yohmikma okchaya he banoshke, im achi tok.

24. Mihma Chisvs vt awant ia tok : mihma okla laua kv t a hablihinchit apehvt aya tok.

25. Atuk o ohoyo achvfa hosh yvmmv t issish ont ia vbi tok a afvmmi auah tuklo ;

26. Yohmi hatuk o alikchi lava ka nan isht i palvmmi ai im a pisvt, nana im asha tuk vt moma kampilvt tahli ; yohmi

kvt achukma hi vt iksho, amba okpulo kvt i shaht ia bano tok.

27. Atuk osh Chisvs a haklo mvt, okla itakantvli ka asha ka imma y_o ont chukowvt, im anchi ya ont potoli tok.

28. Yohmi kvt im anchi ak illa h_o ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika shipa tok : mihma ililli yvmmak atuk a a hlakofi kvt ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a kohcha kvt mih-makinli h_o akostininchi hatuk osh, okla laua itintakla ash a filemvt, Kvta hosh vm anchi ya potoli cho ? achi tok.

31. Mihma nan im ai ithvna vlheha hvt, Okla laua hvt chi a kantvliit kvnia ka ish pisa kvt, Kvta hosh sa potoli cho ? ish achi há cha, im achi tok.

32. Mihma yvmma yvmihchi tuk ash o pisa bvna kvt filemoa tok.

33. Yohmi ma ohoyo hash osh nana kvt ai i kaniohmi tuk vt ithana hatuk osh, nukshopvt wvnihinchi hosh vlv_t, itikba ya ant hlipia mvt, ai ahli mak o im anoli tok.

34. Mihma yvmmak ash osh, Svso tek ma ! na chi yimmi yak osh chi hlakofichi hoke ; nuktaiyav_t, micha ililli hatuk a ai i hlakofit ish ayashke, im achi tok.

35. Anumpuli kvt isht anta moma na kaniohmi kvt sinakak apesvchi in chuka minti hosh ai vla mvt, Chiso tek vt illishke ; na katihmi h_o nan-ithvnanchi a ish im ahchibali na himak a cho ? achi tok.

36. Chisvs vt anumpa hvt anumpa na haklo makinli hosh, sinakak apesvchi ash o, Chi komunta ná ; amba na chi yimmi kak illashke, im achi tok.

37. Mihmvt hatak nana kia apehvt aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa ;

39. Yohmi cha pit chukowa mvt, Na katihmi ho yakohmit yahapvt, yaiyvt hvsh aiasha cho? ohoyo himita vt illi ho keyu, amba nusi hoke, im achi tok.

40. Mihma ishit yopulvt olvli tok. Yohmi kia yvmmak ash o mominchit kocha welit tahli mvt, ohoyo himita iki micha ishki itatuklo, mikmvt apehvt aya tuk ash aiena ho pehlichu cha, kanima ohoyo himita vt ai itola kash pit chukowa tok.

41. Mihmvt ohoyo himita yash ibbak a ont halvli mvt, Talihla kumi, im achi tok; yvmvt toshowa kv, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vta tok afvmmi auah-tuklo hatuk okvt. Yohmi ma nukhlakancha chinto fehna okla nukhlakancha tok.

43. Yohmi ma yvmmak oka hatak nana kia ik akostinincho ka hi a i miha tok; mihmvt nanasi kia i hoyo na impa hinla ka miha tok.

CHAPTA VI.

Chisvs vt vbanumpa isht anumpohonli: yohmi ma im ai okla achvfa yvt kanimanchi, 1. 7 Vbanumpa isht anumpula chi ka im anumpe-shi auah-tuklo ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan a aboha kvlllo fohki; atuk osh tekchi ash osh anukfohkichi ho, noshkobo tvbli tok. 30 Im anumpe-shi vhleha hv famvt Chisvs a im ai ona: 34 Chisvs vt hatak tablepa sipokni tahlapi ho nan im avchit ahanta mvt, pvska lumbo tahlapi, micha nvi tuklo aiena tuk a okla ha impvchi.

1. ATUK osh yvmmak ash vttvt ia mvt, ilap i yakni ash inli ho ona; yohmi ma nan im ai ithvna vhleha hv apihvt aya tok.

2 Atuk o nitak-hullo nitak ai ona ma, sinakak anukaka yo nana ai ithvnanchi tok; mihma yvma haklo mvt, lavt nukhlakancha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yvmvt anukfohka tuk o, nafehna yakohmi puta kv ibbak atuk ma isht ai yvmohmi cho?

3. Ilvppvt Meli ushi, Chemis micha Ghoses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yummak ash o okla isht ai ibetvbli tok.

4. Yohmi kia Chisus ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chvfa aiena takla ahantak mak bano chatuk oke.

5. Mihmvt yummak oka na-fehna nana ka ik ai yvmihecho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tvmahushi taloha ka fullokvehit ayvt nan-ithvnanchi tok.

7. Atuk osh auah-tuklo kash o hoyo cha, tuklo aiyyukachit kanima pit tihleli mvt, nan-isht-ahullo okpulo vhleha ha ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli holisso kia i shukecha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10. Mihmvt peh kanima yo aboha ya ont hvsh chukowakmvt, yummak o hvsh ai ahashwa tuk osh a kohchvt hvsh ayashke.

11. Mikma kana kia ik hvchi aiokpacho, micha ik hvchi haponaklo aienakma, yummak ash a kohchvt hvsh iakmvt, nan-isht im atokoli mak o hvchi iyi pvtha nuta hituk tohbi asha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tvmaha yummak atuk a i shabla hi oke im achi tok.

12. Mihma ilhkoli mvt, hatak puta kvv ile kostininha he ak o isht anumpohonli tok.

13. Michi nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yvmma pit haklo, (hohchifo kv̄t kanima annoa kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk ȳ nafehna puta kv̄t yvmmak ash ȳ ai isht il otvnihinichishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii v̄hleha ha tok achv̄fona ma chohmi hoka, achi tok.

16. Yohmi kia Helot ash ot yvmma haklo mvt, Chan noshkobo tvbli li chash oka: illi tuk vt tani hoke, achi tok.

17. Helot vt itibapishi Filip a tekchi, Helotias ak atuk pulla mak ȳ, ilap inlit pit on tihlelit, Chan a ishit takchi mvt, aboha kv̄llo fohki tok: yvmmak oka itauwaya tuk okvt.

18. Chan vt Helot a, Chitibapishi tekchi a ish itauawaya hi a chim v̄lhpesa keyu hoke, im achi tuk a tok.

19. Yohmi hatuk ȳ Helotias vt yvmmak ash ȳ i nukkilli cha, v̄bi ka ahni; yohmi kia na kanihma he keyu ki tok.

20. Helot vt Chan yvmmak okvt hatak ai v̄lhpiesa, micha ai ahli achukma hoka ithana hatuk osh, holitoblit nan ik i kanihmo ka hi a ahni tok; mihmvt yvmmak ash im a haponaklot, nana ka lauachit ai yvmohomi, mihmvt na yukpvt i haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai vtta tok nitak ȳ i hochitoka v̄hleha, kv̄pitvni hochito, mikmvt Kalili i holitompa v̄hleha aiena ka opiaka im pa im ikbi tok.

22. Atuk ȳ Helotias yvmmak ash ushitek vt ant chukowa cha, hihla ma, Helot micha apehvt binohmaya tuk aiena kash ot na-yukpa ma, miko yash ot ohoyo himita ash, Peh nana hȳ ish ahni cha is svm asilhhakma, chima lashke, im achi tok.

23. Mihmvt anumpa kv̄llo im isht il ai onochit peh nana hȳ is svm asilhhakma, apehliechi li iklv̄nna hatuk ik nana kia, chima lashke, im achi tok.

24. Mihma yvmmak ash ot kohchvt ia mvt, ishki ash ȳ,

Nanta hak o asilhha la chi cho? ont im achi ma, yvmmak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is suma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kvlllo ikbi tuk pulla, micha apehvt binohmaya hatuk pulla mak o ik im ai ahlo ka hi a ik ahno ki tok.

27. Mihmvt miko ash ot ashalika nan-atonni pit chvffichi mvt, noshkobo ya isht vla hi a im apesa tok; mihma ia mvt, aboha kvlllo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki a ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvvt illi haknvp ash ishit, hatak illi aiasha yo bohli tok.

30. Mihma anumpeshi vhleha hash ot Chisvs a ant im ai itahoba cha, nana ka a kaniohmi tuk, micha nan avvchi tuk puta ka mominchit im anoli tok.

31. Mihma yvmmak ash o, Hvchishno banot flvmmmit haiaka oh ia cha, chekosi takla ka mavvt ho fohá, im achi tok; lauvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lauau tok: micha tvmaha puta ka a kohchvt aka itvnowa hosh yvmmak ash pit yihlepa tuk osh, yvmmak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lauau fehna ho pisa mvt, chukvvlhpoba yosh apesvchi iksho ho itilauu hatuk o i nukhaklo tok: mihmvt himona nana ka lauachit im avvchit isht ia tok.

35. Atuk o nitak ash ot ont shohba hosi ma, nan im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanimā pit ish tihleli na yakni auet i bilika tvmahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminci mvt, Ilimpa ha oh ipetá, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katoimi h_o hvsh ishi ho? ont ho pe-sá, achi ma; okla pisa mvt, Tahlapi cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohliha chi ka, im apesa tok.

40. Mihma tahlepa achvfa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpvchi mvt, pvska yash tushalichi cha, okla ha in talohla chi h_o, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kv kishi auah-tuklo h_o ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tihlelit anta takla ma, nan im ai ithvna vhleha hash osh peni pit vlhto cha, tikba ivt mish tvnrvp Betsaita okla ona chi ka, mih makinli h_o i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha y_o pit oiya tok.

47. Atuk o ont opivt taha ma, peni ashot okhva iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kullo fehvt aiasha na pit pisa tok: atuk osh ninak isht vlhpisa

ont ai ushta foka hō okhvta paknaka ya a nohōwt, ayvt im ona, yohmi kvt ont ia hi a aiahni tok.

49. Yohmi kia yvmmt okhvta paknaka ya a nohōwt aya na okla pisa mvt, shilup atuk o okla im ahoba mvt, tah-pvla tok.

50. Momvt okla pisa hatuk osh komunta ha tok. Mihma ashalika pit im anumpulit, Hvchi nuktanla achukmashke. Uno ash sia hoke, hvchi nukshopa ná, im achi tok.

51. Mihmt peni ash ont ibachukowa ma, mahli hash osh issa tok: mihma okla nukhlakancha atampa fehna mvt, okokko! aiahni tok.

52. Yohmi kvt okla ak osh chukvsh kvllo hatuk osh, pvska yatuk ash okla pit ik anukfillo kak a tok.

53. Atuk osh yvmmak ash pit tanvblit Kenesalet yakni a okla ai vla mvt, vhlī hā ont ataiyvli tok.

54. Mihma peni ash okla a kocha wiha ma, mih makinli hō yvmmak ash okla pit ithana tok.

55. Mihmt yihlepvt yakni auct a bilika ka mominchit hlopullit ayvt, abeka puta tuk ash topa onochit sholit, yvm-mak ash osh kanima yō anta na haklo mvt, isht itvnova tok

56. Mihmt tmahushi, okmá, keyukmt, tmaha chito yokmá, yakni kocha yokmá nana peh kanima yō ona hoka, abeka ya okla ai itvnaha ya ashachi mvt, yvmmak ash o im ilefoka a aposhokuchi ak oh kia okla potola hinla ka, okla im asilhha tok: mihma yvmmak ash okla potonli aiyuka hokvto, momvt hlakofi tok.

CHAPTA VII.

Chisvs nan im ai ithvna vhleha hvtt ibbak ik ahchifo hosh isht impa ka.

Falisi vhleha hvtt nan isht mihachi, 1; 8 mihma ilap ak osh anum-pa kochanli nan vllhpisa tikba in toulā cha, Chihowa i nan vllhpisa hā isht kobvffi hatuk a Chisvs vt atokolit im anoli: 14 yohmi kvt nana hosh hatak chukvsh a a kocha ilvppak osh hatak a okpēni hoke, achi, 24 Chisvs vt Silofenisian ohoyo ushetk a hlakofichi mvt; 31 hatak vt ik haponaklo, micha anumpuli anuktuklot aiena tuk a, hlakofichi.

1. YOHMI ma Falisi vhleha, micha na-holissochi kanohmi Chelusalem minti tuk aiena kvt ant im ai itahoba tok.

2. Atuk osh nan im ai ithvna vhleha kanimi kvt, ibbak liteha yo, yvmmvt ibbak ik ahchifo kak o miha, pvska isht vpa hosh maya na pisa mvt, nan isht a mihachi tok.

3. Yohmi kvt Falisi vhleha, micha Chu okla moma aiena kvt in tikba vhleha nan im vlhpisa halanli fehna hatukosh, achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit vla kvt, ibbak achifa ha yo keyukmvt, impa keyu beka tok. Michi nana inla ishtishko, micha ampo, mikmvt asonak lakna, anonti aiimpa achifa aiena ka a puta chohmi nan-isht-a hullocha he im vlhpisa tok vt laurt asha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi ho na chim ai ithvna vhleha hvt pin tikba vhleha nan im vlhpisa ya ik halanlo hosh, amba ibbak vt achifa keyu ho pvska isht vpa cho? achi tok.

6. Mihma afalaminchi mvt, Nan ilahobi huchia ha vlhpisa ho tikbanli Esaias vt isht huchi anohonli tuk vt, okla ilvpppvt iti-vlbi yokvno isht sa holitobli kia, chukvsh okvto auct a hopakishke.

7. Yohmi kia nana avchi kvt hatak i nan-vlhpisa yo ithvnanchi hokvt, nana vlhpisa hi o keyu ho okla si aiokpachishke, achit holissochi tok.

8. Yohmi kvt Chihowa i nan-vlhpisa hoka naksika pit hvsh bohli cha, hatak i nan-vlhpisa, ampo, micha ishtishko aiena achifa ho hvsh halanlishke; yohmikmvt nana yvmma ai itilau ka hvsh a yvmohmi kvt lauvshke, im achi tok.

9. Mihmvt huchishno huchi nan vlhpisa ya hvsh ai ahlichia chi kvt, Chihowa i nan-vlhpisa ya aiahli hosh hvsh shitlemvshke.

10. Moses okvto, Chiki, micha chishki aiena ka ish holi-toblashke: yohmikma, Kvna hosh iki okma, keyukmvt ishki

okmá, nana hō shitlemvt na mihachikmvt, illi mak o illi pullashke, achi tok.

11. Yohmi kia hvchishno vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vllhpisa hoke, achi mak okvt nan ik i kanihmo kashke, hvsh achi;

12. Yohmikmvt himmakma iki, ishki ita tuklo ka nana kia isht im vtta hi a hvch ik im ahnot,

13. Hvchin tikba vhleha i nan-vllhpisa isht hvsh abvchi pulla hosh Chihowa im anumpa ha hvsh akshochishke; micha nana yvmma ai itilau ka a hvchi yvmohmi kv lau-vshke, im achi tok.

14. Micha okla hash mominchit hoyot itahobit taiyahli mvt, Hvsh moma kv hv sã haponaklot, hvsh akostinin-chashke.

15. Nana hak osh kocha mayvt hatak a itih fohka kv, okpvna hi vt ikshoshke: amba nana kv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vllhpisa kash isht im a ponaklo tok:

18, 19. Mihma, Hvchishno ak kia na hvch ik akostinincho fehna akinli hō? peh nana hosh kocha mayvt hatak a itih fohka kv okpvna he keyu, chukvsh ak o pit chukowa hō keyu hokvt, amba takoba yak o ont chukowa tuk mak osh, anonti a hlopulli kv ilhpak moma ka ai it im vllhpesvchi ka hvch ik akostinincho cho? achi tok.

20. Mihmvt, Nana kv hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfila okpulo, haui puta, ohoyo ik im iksho, micha hatak ik im iksho it in lumaka:

22. Hatak bika vbi, hukopa, inla nan im anushkunna, nan i nukkilli, haksichi, haui anukfohka, nishkin isht ik ai

vlhpeso, Chihowa ik ahobalo, ilefehnvchi, im anukfila iksho puta kvt a kohcha hoke.

23. Nan ik vlhpeso ilvppa puta moma kvt anukaka yak o asht kohcha hosh hatak a okpvni hoke, achi tok.

24. Mihmut yvmak ash asht wakaya mut, ivt Taia micha Saiton aiena yakni vhli ha ona cha, aboha ont chukowa mut, hatak nana kia ik akostinincho ka hi a ahni tok : yohmi kia kaniohmit luma he keyu ki tok.

25. Ohoyo hvt ushetik himita vt na shilombish okpulo ai i foka hatuk o, yvmak ash pit haklo mut, onvt iyi ituma ya hlipia tok oka.

26. Ohoyo hvt Klik osh Silofenisian im okla ai achvfa a tok: mihmut ushetik a na-shilombish okpulo a ai ishit i kohcha hinla ka yvmak ash o im asilhha tok.

27. Yohmi kia Chisvs vt, Ulla vhleha ak osh tikta kaiya ha yo ; vlla vhleha i pvka ya ishi cha ofi puta ka pit i pila he vlhpesa keyu hoka, im achi tok.

28. Mihma afalaminchi mut, Ahlishke Chitokaka ma ! yohmi kia ofi puta kvt ai impa nuta ya vlla vhleha im pvka boshulli yak o ai vpa chokvmo, im achi tok.

29. Mihma yvmak ash o, Anumpa ilvppa pulla hatuk mak o ish iashke ; chiso tek a nan-isht-ahullo okpulo vt a kohcha hoke, im achi tok.

30. Atuk o ilap in chuka yash ona mut, nan-isht-ahullo okpulo vt a kohcha tuk o, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mut, Tekapolis yakni a iklvnna hlopullit ayvt Kalili okhvta ha ona tok.

32. Mihma achvfa hosh ik haponaklo, micha anumpuli anuktuklo aiena hatuk o yvmak ash isht im vla ; yohmi mut yvmak ash o ibbak a isht umbitepa hinla ka, okla im asilhha tok.

33. Mihma yvmak ash o okla laua ya a kohchit nak-sika isht ona cha, haksobish a ibbak ushi pit hiohlichi mut, tofa cha, isunlvsh a pit halelichi tok.

34. Mihmvt, pit vba chakalit pisa mvt, hihvt, Effahlá, im achi tok: yvmmut ish tiwashke, achi hoke.

35. Mihma yvmmak ash osh ashalika haksobish vt wakama ma, anonti isunlvsh isht talakchi vt yuhapa na kohchi achukmvt anumpuli tok.

36. Yohmi ma hatak nana kia okla ik im anolo ka chí ka, im apesa tok. Yohmi kia i shahlichit im apesa kak o, anonti okla anoli kv̄t isht i shahli fehna tok.

37. Mihmvt nukhlakancha kv̄t atampa fehna mvt, Yvm-mak okvt nan okluha kv̄t vlhpesa bano hō yvmihchishke: ik haponaklo atuk a haponaklochi mvt, anonti ik anumpulo atuk a anumpuli ikbishke, achi tok.

CHAPTER VIII.

Chisvs vt pvska lumbo untuklo, micha nvni chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha ha nan isht ai atokowa ya i haiakvchi ik bvnno; 14 mihma nan im ai ithvna vhleha hv̄t Falisi vhleha, micha Helot aiena i na-pvska ishit-shatvmmi a ahah! okla im ahna chí ka i miha. 22 Betsaita ya hatak lvpa yvt anta tuk o, Chisvs vt hoponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi puta ma e pihisa chí hokvto ik pi nukwaiyo ka hi a, Chisvs vt pim abahanchi.

1. NITAK yvmma foka ma okla hv̄t laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mvt,

2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kv̄t okla ik impo hō in chuka ya pit yuhli li hokma, kanimi kv̄t mishema hō minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla hō? im achi tok.

5. Mihma i ponaklot, Pvska yvt katohmi hō hvsh ishi hō? im achi ma, Untuklo, achi tok.

6. Mihma okla hvt binohla chi ka apesa tok; micha pvska untuklo kash ishi cha, vba pit aiokpvchi cha boshullichi mvt, okla ha itikba in talohla chi ho nan im ai ithvna vhleha hash ima ma, yvmmak ash osh okla hash itikba in talohli tok.

7. Micha nuni chipunta kanomosi ka okla isht aya tok; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok: mihma ilhpak boshulli atampvt asha ka kishi untuklo ho okla ishi tok.

9. Mihma okla impa tuk vt tahlepa sipokni ushta foka tuk a tok; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi ho ona tok.

11. Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma ho hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kvt pvska achvfa ka ont ia keyu ho okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisvs vt akostininchi mvt, Na katihmi ho pvska vt ik hvchim iksho kak atuk a hvsh miha cho? hvch ik akostinincho, mikmvt hvch ik ithano aiena kvt moma ho? hvchi chukvsh vt kullo kvt moma ho tuma!

18. Hvchi nishkin vt asha kv_t hvch ik peso cho? micha hvchi haksobish vt hinli kv_t, hvch ik haponaklo h_o? mikmvt hvch ik ithano cho?

19. Pvska tahlapi h_o hatak tahlepa sipokni tahlapi ka in tushahlichy li ma, boshulli vt kishi alota katohmi h_o hvsh ishi ha tok o? im achi ma, Auah-tukló, okla achi tok.

20. Anonti tahlepa sipokni ushta ma, untuklo tuk a a boshulli vt kishi alota katohmi h_o hvsh ishi ha toko? achi ma, Untuklo, im achi tok.

21. Yohmi ma, Katiohmi h_o na hvch ik akostinincho hoh cho? im achi tok.

22. Atuk osh Betsaita v_{la}; yohmi ma hatak lvpa y_o okla isht im ona mvt, yvmmak ash potola ch_i ka im asilhha tok.

23. Mihma hatak lvpa yash o ibbak a halvli cha, tvmaha h_a ishit kohcha; yohmi mvt nishkin a im on tofa cha, ibbak a isht umbitepa mvt, Nanasi kia ish pisa cho? achit i ponaklo tok.

24. Mihma vba chakali mvt, Hatak vt iti yak o chohmi hokak osh itvnowa h_o pisa lishke, achi tok.

25. Yohmi ma anonti nishkin ash o ibbak isht umbitepa mvt, vba chakalichy tok: mihma hlakofi cha, hatak moma ka pisa achukma tok.

26. Mihma in chuka pit chevffichy mvt, Tvmaha h_a ont chik chukowokmvt, anonti tvmaha asha ka achvfona kia chik im anolo kashke, achi tok.

27. Mihmvt Chisvs vt nan im ai ithvna v_hleha h_a ai itapehvt kohchvt ivt, tvmaha Sesalea Filippi y_a ona tok: mihmvt takla y_a nan im ai ithvna v_hleha hash i ponaklot, Okla hvto kvta sia h_o miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kvto Hopaii v_hleha ha tok achvfona mak oka, achi hoke, achi tok.

29. Mihma, Amba hvchishno vto kvta h_o hvs si achi h_o? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yvmma hatak nana kia ik im anolo ka ch_i ka kvllechit i miha tok.

31. Mihmvt Hatak Ushi vt nan-isht ai ilbvsha in laua chi, micha hochitoka vhleha, mikmvt na-holitompa isht asha pehlich i vhleha, anonti na-holissochi vhleha aiena ka ai im a kvllakshit illa he ; atuk mvt nitak atuchinakma anonti tana hi a isht im avrchit isht ia tok.

32. Mihmvt anumpa yvmmak ash o haiakvchit anumpo honli tok. Mihma Pita yvt halvli cha, im alvmmi isht ia tok.

33. Yohmi ma yvmmak ash osh filemvt nan im ai ithvna vhleha hash pisa mvt, Pita yash im alvmmi, Setan chia hvv vm ashaka yo ish hikiashke : chishno vto Chihowa ai im anukfila hano ish ahninch i keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chikmvt, ik ile holitoblott im ititaiyukhvna ma sholi cha, siakaiyashke.

35. Kvna hosh ilap im ilhfiopak a okchalinch i ka ahni hokvt i kvnia he ; amba vno pulla, micha vbanumpa aiena pulla ho kvna hosh im ilhfiopak a kanchi hokvto, mihi yosh okchalinch a hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinla cho ?

37. Keyukmvt, hatak vt nanta hak o ilap shilombish a isht atobba hinla cho ?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholitopa il ai ishit, enchil holitopa vhleha aiena pehlichit ayvt vlakmvt, i hofahya ak inla hi oke, im achi tok.

CHAPTER IX.

Chisvs vt nvni chaha oiyvt pakna ont hikia mvt inlvv toba, 1
11 mikmvt Elias vt vla he achi chatuk a, Chan Baptist ak osh mikmak atuk o anoli ; 14 mihmvt hatak achvfa hosh shilombish ok-

pulo anukfohka kv̄t ik haponaklo, micha anumpula he keyu ka aiena tuk o hlakofichi; 30 mihmvt ititaiyukhvna a takalit illi tuk mvt, anonti falamvt tana hi vt atuklanchit anoli; 33 nan im ai ithvna v̄hleha hv̄t nafehna b̄vnnvt āsha ka, Chisvs vt nan isht i niha, 38 mihma kv̄na hosh nan isht ahullo okpulo ya ilap hohchifo ak o isht kocha weli hoka ik ataklvmo ka hi a i miha; 42 na yimmi im anukfila ik hochito puta yoshubli ka ai v̄lhpesa keyu ka miha.

1. **MIHMVT**, Ahli mak o hvchim achi lishke, Ilvppa hioh-maya ka kanimi kv̄t ik illo hosh Chihowa ap ehlichika yvt nan-isht ai ahlika ya ai it ish̄it v̄la na pisa ch̄i kv̄t, āsha hoke im achi tok.

2. Atuk osh yvmmak atuk a nitak hannali ma, Chisvs vt Pita, micha Chemis, mikmvt Chan aiena ka yvmmak bano h̄o pehlich̄i cha nvn̄ih chaha yo pit oiya tok: mihmvt inlv̄t tobtv̄t itikba hikia tok.

3. Mihma im ilefoka yvt shohmalali tohbit kv̄nia kv̄t, okti pushi ak o chiyuhmi tok: yohmi hatuk o nantenna tohbich̄i nana ak osh i shahlich̄it tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmvt yvmmak ash osh Chisvs a it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kv̄t pim achukmvshke: yohmi ka v̄lhtipo tuchina kak o il ikbi na achv̄vt chimmi hokma, anonti achv̄vt Moses ak o immi hokma, anonti achv̄fa kv̄t Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hv̄t ant im okhlilich̄i tok: mihma hoshonti anukaka ya auet anumpuli kv̄t, Ilvppak osh Sv̄so a holitopa mak oke, hv̄sh i haponaklashke, achi tok.

8. Mihma ashalika filemvt okla hopokoyo kv̄t, hatak inla nana kia ik peso; amba Chisvs ash bano h̄o ai it apiha tok.

9. Atuk o nvn̄ih asht okla akowvt minti ma, nana ka okla p̄isa tuk vt hatak nana kia ik im anolo mak o, Hatak Ushi vt illi tuk vt tani ha ya hi a, i miha tok.

10. Atuk o anumpa yummak ash o ilap illvt okla ithanvt, Illi tuk osh tani kvt nanta hak oh chishba? ahnit ilap bika it im a ponaklot itnowa tok.

11. Mihmvt im a ponaklot, Na katihmi ho na-holissochi vhleha hvt, Elias ak osh tikba vla pulla he, okla achi cho? achi tok.

12. Mihma afalaminchi mvt, Ahli, Elias ak osh tikba vla cha, nan-okluha ka ant falaminchit apoksiacha he; mikmvt Hatak Ushi vt kanihmit nana lawa ka isht ai ilbvsha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt vla ahli ho mvhli: yohmi na okla kanimihchi bvnna kvt yvm-mak ash o im ai yvmihchi tuk oke, hvchim achi lishke, im achi tok.

14. Atuk osh nan im ai ithvna vhleha aiasha ka ona mvt, okla chinto fehna kvt aiasha ma, anonti na-holissochi vhleha hvt yummak ash o nan im asilhhvchit maya na ont pisa tok.

15. Mihma okla hvt yummak ash o pisa mvt, mih makinli ho okla nukhlakancha fehnvt, yihleptv im ai onvt, okla aiok-pvchi tok.

16. Mihma na-holissochi vhleha hash o i ponaklot, Nanta mak o hvsh it im asilhhvchi hatuk o cho? achi tok.

17. Yohmi ma okla laua yash osh achvvt afalaminchi mvt, Nan-ithvnanchi ma! suso hvt na-shilombish ik anum-pulo yo il ai eshi hatuk o ishit chim vla lishke.

18. Yohmi ka kanima yo ai ilhkolicikhmvt, haiochichechi chatuk: mikma itukpokpokit noti ahampvt, chunnvt taha chatuk; yohmi ho na chim ai ithvna vhleha ha yvma kohcha chi ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hvchia ma! hvchi takla ahanta li katiohmi foka chi cho? nana ka isht ak hvchi ahno ho katiohmi foka chi cho? Isht hvs svn vlashke, achi tok.

20. Mihma yummak ash o okla isht im ona tok: mihma yvmmak ash pisa ma, na-shilombish ash osh mih mak-inli

h_o haiochichechi tok; mihma aka itula cha, shalali mvt itukpokpoki tok.

21. Mihma i_{ki} ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvnna kv_t luak, mikmvt oka aiena ka it a kanchi beka tuk oke: yohmi kia nana h_o ish kanimihcha hinlakmvt, ish pi nukka_klo cha, ish pi apelashe, achi tok.

23. Mihma Chisvs ash osh chi yimma hinla hok ma, nayimmi hokvno nan okluha kv_t ai i yvmohma hinla hoke, im achi tok.

24. Mihma vlla ya i_{ki} yash ot mih makinli n_o nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is sum apelvehashke, achi tok.

25. Mihma okla hv_t yihlepv_t ant ai itahoba ka, Chisvs vt pisa mvt, na-shilombish okpulo ash o im alvmm_tit, Na shilombish ik anumpulo, mikmvt ik haponaklo aiena chia hv_t ilvppa ish a kohcha cha, mikmvt himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpv_{lv}t, yvmmak ash o haiochichechi fehna cha, a kohcha tok: mihma yvmmak ash ot illi y_o chohmi tok: yohmi hatuk o, Illishke, achi kv_t laua tok.

27. Yokmi kia Chisvs ash osh ibbak a halv_{li} cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi h_o pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kv_t nana h_o isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mvt, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kv_t nan im ai ithvna vhleha ha nan im avchi kv_t, Hatak Ushi vt hatak puta ibbak a fohka hoka, okla

vba chi hoke: atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvma okla ik akostinincho; yohmi mvt i ponaklo nukshopa tok.

33. Atuk o yvma:ak ash ot Kapenavm a vla tok: mili-mvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auahtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwokmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla ilvppa chohmi achvfona ka holitoblikmvt, vno ak o sa holitobli hoke: mikma kvna hosh vno a sa holitoblik mvt, vno ak o sa holitobli ho keyu, amba auet sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafohkoshke: yohmi ma il im alvmmi kano, ik pibafohko hoka, achi tok.

39. Yohmi kia Chisvs ash osh, Hvch ik im alammo kashke: hatak vt sa hohchifo pulla hatuk mak o na fehna ka isht ai yvmihchi hokvt vno a yvmmak fokalechit na sa mi-hacha hi vt iksho hoka.

40. Mikma kvna hosh hvvishno a hvv i sanali keyu hokvto, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ahli mak o hvch im achi lishke.

42. Micha kvna hosh a yimmi vhleha chipunta ilvppa achvfona ma ibetvblichi hokmvt, ilapa ak o tanchi botoli tvli ak osh ikunla ya a takanli ho okhvta ha oka kvnia hokmak osh, im vlhpesa he tuk mak a hi oke.

43. Yohmi ka chibbak vt chi ibetvblichi hokma, chanlit ish hokofashke: imomokpulo yosh ai-okchaya ya ont ish chukowa hok mak osh, chim vlhpesa kvv chibbak vt tuklo hosh aiokpuloka, luak vt nitak nana moshola he keyu mak o, chi itvtula hi atuk a chim i shahli hoke.

44. Yvmmak oka i shushi yvt illi keyukma, anonti luak mvt nitak nana mosholi keyu hoke.

45. Mikmvt chiyi yvt chi ibetvblichi hokma, chanlit ish hokofashke: imomokpulo yosh ai-okchaya ya ont ish chukowa hok mak osh chim vlhpesa kvv, chiyi yvt tuklo hosh ai-okpuloka, luak vt nitak nana moshola he keyu mak o chi itvtula hi atuk a chim i shahli hoke.

46. Yvmmak oka i shushi yvt illi keyukma, anonti luak vt nitak nana mosholi keyu hoke.

47. Mikmvt chi nishkin vt chi ibetvblichi hokma, kohchit ish kanchashke: nishkin achvfa yosh Chihowa apchlichika ya ont ish chukowa hok mak osh chim vlhpesa kvv, chi nishkin vt tuklo hosh aiokpuloka luak a chi itvtula hi a chim i shahli hoke.

48. Yvmmak oka i shushi yvt illi keyukma, luak vt nitak nana mosholi keyu hoke.

49. Mikma moma kvv luak o isht ai yvmmi bano kvv, vba isht aiokpvchi vt hvpi isht ai yvmma hi a ohma hi oka.

50. Hvpi vt achukma; yohmi kia hvpi vt homi kvv i kvnia hokma, nanta hak o isht hvsh homincha hinla cho? Hvpi a hvchishno inli il anit hvsh ieszikmvt, hvchishno bika ma hvsh it i nanaiya achukmashke, achi tok.

CHAPTA X

Chisvs vt Chutea yak o nan im ai avchit anta, mihmvt it i kvnia holisso hak o Falisi vhleha ha isht it im anumpuli, 1; 13 vlla chipunta ya halvllit sholi. 17 Chisvs vt hatak himita nan in laua yo

aiokpvrchit imomaka pisa : 28 mikmvt kvna hosh ilap ak o holitobl pulla hosh nan okluha ka issvt aya tuk okvno im atobta hi vt miha : 32 ilap vt ititaiyukhvna a takalit illi tuk mvt anonti, falamvt tana hi vt himmakma Chisvs vt anoli : 35 Chemis Chan ita tuklo kvt Chisvs a nana im asilhha ; mihma Chisvs vt ilap ma nana ho im achi mvt ; 46 ik hoponayo Batimers a hoponayochi.

1. **MIHMA** yvmmak ash o asht wakayvt minti mvt, Chatan hlopullit mish-tvnnvp a ayvt Chutea yakni a vla tok : mihma okla hvv im ai italhoba na ai yakohmi yatuk okvt, anonti nan im avrchit ahanta tok

2. Mihma Falisi vhleha hvv im ai vla mvt, imomaka pisa hosh, Hatak vt tekchi a kancha he vllpesa hoh cho ? achit i ponaklo tok.

3. Mihma yvmmak ash osh afalaminchi mvt, Moses vt nanta hak o hvchim apesa tok o ? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvlllo pulla kak o nan vllhpisa ilvppa hvchim ikbi tok.

6. Amba nan okluha toba vmmona ka Chihowa hvv nani, tek ita tuklo ho ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yvmmak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvv nana ka it a halvllichi ha ya, hatak nana kia ik it i filvmmicho kashke, im achi tok.

10. Atuk o aboha anukaka maya ho nan im ai ithvna vhleha hash osh anonti na mihi yash inli ho i ponaklo tok.

11. Mihma kvna hosh tekchi a kanchi cha, inla yo it auawaya hokmvt, haui tobvvt yvmmak ash o isht ik vllhpisalo hoke.

12. Mikma ohoyo hvv i hatak a kanchi cha, inla yo auawaya hokmvt, haui toba hoke, im achi tok.

13. Mihma yvmmak ash ot potola chi ho vlla chipunta

ya okla isht im ai vla tok : atuk ak o nan im ai ithvna vhleha hvt nan isht ai vla yvmmak ash o im alvmmi tok.

14. Yohmi kia Chisvs vt yvmma pisa mvt, ik im vlhpieso fehna cha, Ulla chipunta yvt vm ai vla hi a hvsh ahni cha, hvch ik im alammo kashke : ilvppa chohmi kak osh Chiho wa apehlichika mak oka.

15. Ahli mak o hvchim achi lishke, Kvna hosh vlla iskitini ak o chiyuhmit Chihowa apehlichika ya aiokpvchi ho keyukmvt, yvmmak oka chukowa he keyu hoke, im achi tok.

16. Mihmvt yvmmak ash o ishit sholi cha, ibbak a isht umbitepa mvt, yukpali tok.

17. Mihmvt kohchvt ivt hina ont fohka ma, achvftv malilit mintit ant i hvchukbihlepa mvt, Nan-ithvnanchi achukma ma ! ai okchayvt bilia ya pisa la he vlhpesa kvto nanta hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si achi cho ? achukma vt iksho ; amba achvfa kak illa : yvm mvt Chihowa ak oke.

19. Anumpa vlhpisa, Haui chik tobo kashke : Kvna kia chik bo kashke : Nana kia chik hukopo kashke : Anumpa ik ahlo isht atokolit chik ahanto kashke : Kvna kia chik haksicho kashke : Chiki, chishki aiena ka ish holitoblashke, achi puta ka ish ithanvshke, im achi tok.

20. Mihma afalamlnchi mvt, Nan ithvnanchi ma ! vlla sa tomba kash inli hosh ilvppa puta ka holitoblit isht mihinti li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana achvfa hosh ik chim onoshke ; ish ia cha, nana hosh chim ashakmvt, ish kampila cha, ilbvsha puta ka ish imashke : yohmik mak osh na holitompa kvv vba yakni ya chin tonla he mak oke : mikmvt mintit ititaiyukhvna ant ish eshi cha, is siakaiyashke, im achi tok.

22. Mihma yvmmvv nan in laua fehna hatuk osh anumpa yvmma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai ithvna vhleha hash o, Na palvmmi nana kvv a fehna ho nan

in laua vhleha hv̄t Chihowa apehlichika yā chukowa hi oke, im achi tok.

24. Mihma nan ithvna vhleha hash osh anumpa yv̄mma achi ka okla nukhlakancha tok. Yohmi kia Chisvs ash ot anonti anumpuli mvt, Ūlla vhleha ma! im ilayak ai anukchieto hosh ahanta kv̄to Chihowa apehlichika yā chukowa kv̄no palv̄mmi kv̄t katiohmi fehna hoh chishba!

25. Kamel vt chofak ushi nishkin a hlopulli ka palv̄mmi kv̄t, hatak nan in laua yosh Chihowa apehlichika chukowa ka ik lauwashke, im achi tok.

26. Mihma okla nukhlakancha atampa fehna mvt, Yohmikma kv̄ta hosh okchaya hinla cho? ilap bika it im achit maya tok

27. Mihma Chisvs vt atokolit pisa mvt, Hatak okmv̄no yohma he keyu kia, amba Chihowa hokv̄no ai yohmi hoke. Chihowa yak okmv̄no nan okluha kv̄t aiahli chatuk oka, achi tok.

28. Yohmi ma Pita vt, Yakeh! pishno vto mominchit il issa cha, e chiakaiya tuk oke, im achi tok.

29. Mihma Chisvs vt afalamинchi mvt, Ahli mak o hv̄chim achi lishke, Hatak nana hosh vno pulla, micha vbanumpa aiena hatuk mak o, in chuka, keyukmvt itibapishi vhleha, in tek puta, iki, ishki, keyukmvt tekchi, mikmvt vlla, micha yakni aiena ka issv̄t aya hokv̄to,

30. Mihi yosh okchaya takla kv̄t chuka, itibapishi vhleha, micha in tek vhleha, mikmvt ishki, micha vlla, anonti yakni aiena kv̄t mihi atuk a ohmi tahlepa achv̄fa hō pisa he; mikmvt nan ishtai i palv̄mmi mvt im aiena tukmvt, anonti yakni inlakma aiokchayv̄t bilia yā pisa hi oke.

31. Yohmi kia tikba yatuk vt ont ishtaiyopa hi vt lawakma, anonti ishtaiyopi atuk vt tikba ya hi vt lauv̄t asha hi oke, achi tok.

32. Micha Chelusalem ilhkoli hosh hina vlhtot asht aya ma, Chisvs vt tikba hikv̄t ia ma, okokko! okla ahni mvt, iakaiya kv̄t nukshopv̄t okla itv̄nowa tok. Mihma auah-tuklo kash o i howa cha, ilap nana im a kaniohma chi kv̄t im anolit,

33. Inta! Chelusalem a iloh ilbkolishke; yohmi ka Hatak Ushi vt na-holitompa isht asha pehlichi vhleha, micha na-holissochi vhleha aiena ka ibbak fohka chi; mikma illa he anumpa onochi cha, Chentail okla ho ibbak fohka chi hoke.

34. Mikmvt yvmmak ash o okla ishit yopula, micha fvm-mi, mikmvt on tuftua aiena cha, okla vba chi hoke: atukma nitak ont atuchinakma falamvt tana hi oke, achi tok.

35. Mihma Sebate ushi Chemis, micha Chan ita tuklo kvv im ona mvt, Nan-ithvnanchi ma! nana ho il ahnikma, ish pim aiahlichi hokbano il ahnishke, achi tok.

36. Mihma, Nanta hak o hvchi yvmihchi la hi a hvsh ahni cho? im achi tok.

37. Chim a holitopa ya achvvt chibbak isht impak-imma ashakma, anonti achvvt vlhfvbekimma asha hosh, e chiya hi ak o ik yohmi ish ahnashke, im achi tok.

38. Yohmi kia Chisvs ash osh, Nana ho hvsh asilhha hokvt hvsh akostininchi keyushke: isht-ishko vno vt ai ishko la chi ka hvsh ai ishka hinla cho? mikmvt baptismo a vno vt isht baptismo li ka hvchishno vt isht a hvchi baptisma hinla cho? im achi tok.

39. Mihma, Pi yvmohma hinlvshke, im achi tok. Mihma Chisvs ash osh, Isht-ishko vno vt ai ishko li ka hvsh ai ishkokmvt, anonti baptismo vno vt isht a baptismo li aiena ka isht a hvchi baptisma chi ho mvhli hoke.

40. Amba sabbak ishtimpak imma, micha vlhfvbekimma aiena asha hi okvno ima la hi o keyu; amba kvna ho im vlhtaha mak a he oke.

41. Mihma pokoli kash ot haklo mvt, Chemis, Chan ita tuklo kash okla isht ik i yukpo fehna tok.

42. Yohmi kia Chisvs vt yvmmak ash o hoyo cha, Chentail okla i miko vhleha hvv ai i shahlit pehlichi chatuk: mikma i hochitoka vhleha hvv nana kvv im a vlhpiesa mak osh okla ha i yvmihchi chatuk a hvsh ithaiyanvshke.

43. Yohmi kia hvchishno yokvto hvchi yvmohma he keyushke: amba hvchi kanima mvt i shahli bvna hosh hvch ibafoka hokmvt, nan-isht hvchim vtta ya he.

44. Mikma hvchi kanima hosh moma i shahli hvchi bvn-nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya tok keyu : amba ilapo ak osh nan isht vtta he, anonti lawa kvv isht a hlakofa hi a ilap im ilhfiopak a isht atobba he mak a tok oke, im achi tok.

46. Mihma Cheliko a okla ai vla tok : atuk osh nan im ai ithvna vhleha, micha okla lawa fehna aiena ho pelichi cha Cheliko ash a kohchvt ia ma, Timevs ushi Batimevs lva yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti yatuk o haklo mvt, tahpvlvt, Chisvs Lewi ushi chia hvv is sa nuk-haklashke, ahanchi tok.

48. Mihma nukchinta chi ka, i miha kvv lauva tok : yohmi kia yvmmak o i shahlichu fehvvv tahpvlvt, Chisvs Lewi ushi ma ! is sa nukhakahshke, ahanchi tok.

49. Mihma Chisvs vt hikia cha, yvmmak ash o hoyva hi a miha tok. Mihma hatak lva yash o ont hoyot, Chi nuk-tanla achukmashke, auct chi hoyo hoke ; wakaya, im achi tok.

50. Mihma im anchi ash o kanima pit bohli mvt, waka-yvt, Chisvs a ima ona tok.

51. Mihma Chisvs vt afalaminchi mvt, Nanta mak o chi yvmihchi la hi a ish ahni cho ? im achi tok : mihma hatak lva yash osh, A shahli ma ! hoponayo la hi a, im achi tok.

52. Mihma Chisvs ash ot, Ish iashke ; na chi yimmi hvv chi hlakofichi hoke, im achi tok. Mihma ashalika hoponayo mvt, hina fohkvv Chisvs a iakaiya tok.

CHAPTA XI.

Chisvs vt issuba haksobish falaia himita om binili cha, Chelusalem ont chukova, 1. 12 Fik vpi yo nitak nana ik ano ka hi a, Chisvs vt im apesa : 15 mihmvt nan-itatoba vhleha tempel anukaka asha tuk a kocha pit tihleli. 27 Kanimi kvv nan isht ai vlhpesa nana ho isht ai yvmohmi hatuk a a ponaklo tuk kia, yvmmak ash o Chi svs vt im a tvblichu.

1. **ATUK** osh Chelusalem bilika Betfachi, micha Betani ita tuklo, Alif nvnih fehna hō ai vla ma, nan im ai ithvna vhleha hash tuklochit tihleli tok.

2. Mihmvt, Ivt tvmahushi hvchi chapaka auet talaia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chi hoke: yvmma i hotofit isht hvsh lashke.

3. Yohmi ka hatak nana kia, Na katihmi hō ilvppa hvsh yvmihchi hō? hvchim achi hokma, Chitokaka yak osh bvna hatuk oke, hvsh achashke: yohmikma mih makinli hō auet pila chi hoke, im achi tok.

4. Mihma it iachi mvt, hina tuklot ant ai it afama hō, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kv, Nanta mak o hvsh katiohmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.

7. Mihma issuba himita yash o Chisvs a isht im vla cha, im anchi puta ka om pvlli na yvmmak ash osh o minili tok.

8. Mihma hina ya im anchi puta ka pvlli kv laua ma, anonti kanimi kv iti naksish o vmot hina ya pvlli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv holitopa mak oke.

10. Piki Lewi apelihchi vt Chitokaka i hohchifo il ai eshi hosh aya kv, holitopashke; shutik tvbokaka fehna, Hosanna ai ahanchashke, achi tok.

11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opivt taha aiena hatuk o, auah-tuklo kash o pehlichy cha, pit kohchvt Betani a ia tok.

12. Atuk osh ont onna ho, Betani a asht okla minti na, yvmmak ash osh hohchvfo tok.

13. Micha fik vpi vt hishi asha hosh, mishema ka hikia

h_o pit pisa tok ; mihmvt ymma nana kia ahayuchi li yoba hinla ká, ahni cha, ona tok ; atuk osh ona mvt, fik vt a nuna ik ai ono kisha hatuk o, nana kia iksho h_o, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo h_o biliashke. Mihma nan im ai ithvna vhleha hvt haklo tok.

15. Atuk osh Chelusalem a okla ai vla tok : mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvi holisso a bohlt itatoba ai-impá, micha pvchi vlpoba kanchi vhleha im ai om-binili aiena tuk ash halvllit filemohlit kinahlichí tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im avchit, Um aboha ya oklushi moma kvvba pit ai anumpuli chuka hochifa hi oke, achi hosh holisso h_o keyu⁹ yohmi kia hvchishno yokvto na hukopa vhleha in chuka yo ish ikbishke, achi tok.

18. Mihma na-holissochi vhleha, micha na-holitompa isht asha pehlichí vhleha aiena kvv haklo mvt, okla ak osh momvt, ymmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tmaha hash a kohchvt ia tok.

20. Atuk o onnahnli ma, fik vpi ash ot ak-isht-vla pit vhlit bvshit kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh ! a shahli ma ! fik ik ano ka hi o ish im apesa kash bvshit kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla h_o hvchim achi lishke, Kvna kia nvni chaha ilvppa, Kanvllit, okvta hak o pit ish okvtulashke ; im achi cha, chukvsh mvt anuktuklochi ik im iksho, amba nana h_o miha tuk vt ont aiahla hi a yimmi hokmvt, im aiahla hi oke.

24. Yohmi hoka vba pit hvsh anumpulikmvt, hvsh asilhha

kvt hvsh isha hi vt hvchi yimmashke, yohmik mak osh hvchim aiahla hi oke.

25. Micha vba pit anumpulit hvsh hikiakmt, nana a hvchi kaniohmi tuk ashakma, hvsh i kashofashke: yohmi na hvchishno na hvchim aiashvchika puta ka Iki vba binili kvt hvchi kashofi makinlashke.

26. Amba hvsh i kashofi keyu hokmvno, hvch Iki vba binili kvt hvchishno a na hvchim aiashvchika puta ka hvchi kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma yvmak ash ot tempel anukaka ya nowvt hikikia ma, naholitompa isht-asha pehlichi vhleha, micha na-holissochi vhleha, mikmt hatak hochitoka vhleha aiena kvt im ai vla tok.

28. Mihmt, Nan isht ai vlhpesa mak o ilvppa puta ka ish yakohmichi cho? micha ilvppa puta ka ish yakomichi ka nan isht ai vlhpesa ka kvt hosh chim apesa tok oh cho? im achi tok.

29. Mihma Chisvs vt afalaminchi mt, Uno ak kia nana achvfa ka hvchi ponaklo likma, hvs sum anolashke; yohmikma, vno vt nan-isht-ai-vlhpesa kaniohmi ho ilvppa puta ka isht ai yakohmichi li hatuk vt hvchim anoli lashke.

30. Chan i baptismo vt vba yakni a minti hokma, keyukmt hatak akinli hokma, nanta tuk oh cho? oh vm anoli, im achi tok.

31. Mihma ilap bika it im anumpohonlit, Vba yak a tok: il achi hokma, Yohmik mak o katiahmi ho hvch ik i yimmo tuk oh cho? acha hinla.

32. Amba, Hatak ak a tok; il achi hokma, achi mt, okla moma kvt Chan a hopai fehna hoke, ahni hatuk o, okla hak o i nukshopa tok.

33. Mihmt afalaminchi mt, Chisvs ash o, Il anola he keyushke, im achi tok. Mihma Chisvs vt afalaminchi mt, Uno vt nan isht ai vlhpesa kaniohmi ho ilvppa puta ka isht ai yakohmichi li tuk vt ak hvchim anoloshke, achi tok.

CHAPTER XII.

Pak-vpi a holokchi yo hatak toksvli ai vllhpesa keyu vhleha i pota tok o isht vllhpisa, 1. 13 Falisi vhleha hvt Sesa tvli holisso im itahobi ak o Chisvs a isht i ponaklo ho, anumpa falama ima. 18 Satusi vhleha hvt hatak illi falamvt tana hi ak o, Chisvs a isht i a ponaklo ho, im anoli: 28 anumpa vllhpisa puta kvv kanima kak osh mema i shahli hatuk a Chisvs vt im anoli: 35 Klaist vt kana hak o ushi ahinla ka, ponaklo: micha nan im ai ithvna vhleha ha ahah! im ahna chi ka, i miha. 41 Ohoyo ilbvsha i hatak illi yosh mat tuklo ho tvli holisso abohli ya ont apitta ho, Chisvs vt im ahninch.

1. MIHMVT nan-isht-vllhpisa ho isht im anumpulit ahanta mvt, Hatak osh pak-vpi aiasha ya hokchi cha, kvv apushi isht a holihtvchit apakfobli cha, oka-paki ai vlbeha ya kulli cha, chuka chaha yo ikbi mvt, hatak toksvli vhleha ho i pota cha, yakni hopaki ho ia tok.

2. Atuk osh waya he ai vllhpesa ma, pak-vpi aholokchi nana waya ka, hatak toksvli vhleha hash ot ipeta chi ho, hatak toksvli vhleha hash o tishu ha pit in chvffichi tok.

3. Atuk ak o yvmmak ash o okla it i hoklit boli cha, nana kia iksho ho pit chvffichi tok.

4. Mihma anonti tishu inla ho pit in chvffichi tok: atuk o yvmmak ash o tvli isht bolit, noshkobo ha mitvffit hofahyalichi fehna cha, okla pit chvffichi tok.

5. Mihma anonti inla ho pit chvffichi tok: mihma yvmmak ash o okla vbi tok: mihma inla yvt laua ho pit yuhli kash kia, pit aieninchit kanimi ka boli mvt, anonti kanimi ma vbi tok.

6. Yohmi hatuk o iso achvfa, i holitopa fehna yosh im anta moma mvt, Svso hokvno okla holitobla chi hoke, achi mvt, ishtaiyopi mak o yvmmak ma pit chvffichi tok.

7. Yohmi tuk kia hatak toksvli vhleha hash ot Ilvppak osh immi mak oke; inta! kiloh vbi na immi hatuk vt hvvimmi hashke; it im achit maya tok.

8. Michi yvmmak ash o it i hoklit vbi cha, pakvpi a holokchi a ai ishit kocha pila tok oke.

9. Yohmi kvno, pak-vpi aholokehi immi atuk vto nanta hak o katiohma chi cho? Yvmmak ash ot vla cha, hatak toksvli vhleha hash o vbit tahlikmvt, pakvpi a holokehi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvt shiti-
lema chash o, yvmmtv chukbika nutaka in tola holitopa i shahli ho tobvshke. Ilvppa Chitokaka yvt yvmihchi ha tok o, hvpi nishkin a i na-fehvvshke, achi Holisso Holitopa ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli tuk a okla ithana hatuk osh, yvmmak ash o hoklit ishi bvna nokak osh, okla ak o i nukshopa tok: mihmvt yvmmak ash o issvt filamohlit taha tok.

13. Mihmvt ilap im anumpa akinli ho isht ai isht kanvpacha chi ka, Falisi vhleha kanimi, micha Helotian iksa aiena ho pit on tihleli tok.

14. Atuk o yvmmak ash ot ai vla mvt, Nan-ithvnanchi ma! chishno yokvt aiahli chia, mikmvt hatak nana kia nan isht ik chim ahobo; hatak nashuka yak o ish pisa ho keyu hatuk okvt; amba Chihowa nana aiahni ak o aiahlit ish ithvnanchi chatuk a il ithaiyanvshke. Noshkobo isht chumpa tvli holisso ya Sesa yak o ima he ai vhpesa hokma, keyukma, nanta cho?

15. Pi kvniakma, ik pi kvniokma nanta chi cho? im achi tok. Yohmi kia okla nan ilahobi ka ithvna hatuk osh, Na-katihmi ho vmomaka hvs sa pesa cho? iskvli isht hvs svm vla na pisa lashke, im achi tok.

16. Mihma okla isht im vla tok. Mihma, Ilvppvt kvta hak o holbvt toba ho, mikmvt kvta ho a hohchifo ho? im achi tok. Mihma Sesa yak oke, okla im achi tok.

17. Mihma Chisvs vt afalaminchi mvt, Nana puta kvv Sesa yak o immi hokma, Sesa yak o hvsh imashke; mikmvt nana puta kvv Chihowa ak o immi hokma Chihowa ak o hvsh imashke, im achi tok. Mihma okla i nukhlakancha tok.

18. Yohmi ma Satusi vhleha hvt, Illi yvt falamvt tana he keyu; achi mak osh im ai vla cha, i ponaklot,

19. Nan-ithvnanchi ma! Kena hoh kia itibapishi hvt tek chi asha hosh vlla vt iksho hō illikma, itibapishi ash osh tekchi atuk a itauwaya cha, itibapishi im vlla ai ikba hi 2, Moses vt holisso pim ikbi tok.

20. Atuk o itibapishi hvt untuklot asha tok; mihma akni ak osh tekchi asha tuk osh, vlla iksho hō illi tok.

21. Mihma iakaiya kash osh itauwaya tuk osh, anonti vlla vt iksho hō illi tok: mihma ont atuchina kv̄t mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok a yvmma katima aiyukali mak o tekchi mak a hi oh cho?

24. Mihma Chisvs vt afalaminchi mvt, Holisso Holitopa, micha Chihowa nan isht im aiahli ka aiena ka hvch ik ithano hatuk osh hvsh ashvckhi hō keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hō chiyuhma hi oke.

26. Mikma illi yvmmak okvto tana he ak o miha hosh Chihowa hvt bv̄faha anuka a kaniohmit im anumpuli mvt, Ūno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok a Moses i holisso ha a hvch ik peso chatnk oh cho?

27. Yvmmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvfv̄t vla cha, okla it im anumpulit maya ka haklot, yvmmak ash osh vlhpesa fehna isht i miha na akostininchi mvt, Nan-vlhpisa moma i shahli katima kak osh vmmona fehna hoh cho? achit i ponaklo tok.

29. Mihma Chisvs vt afalaminchit, Nan vlhpisa moma i shahli vmmona fehna kv̄t, Israel vhleha ma! ho hakló, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chukvsh a a

mominchit, chi shilombish a uhvlinchit, mikmvt chim anuk-fila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlh-pisa moma i shahli vmmona hoke.

31. Mikma atukla kvt yvmmak inli ho chohmi hoke, Chin chuka-panta hatak a ish holitobli kvt, chishno akinli ka chim itilauashke, achi hoke: nan vlhpisa inla vt ilvppa i shahli kvt ikshoshke, im achi tok.

32. Mihma na-holissochi ash ot, Vlhpesa nan-ithvnanchi ma! aiahli mak o ish mihvshke; Chihowa hvt achvfa; yohmi ka inla mvt iksho ho yvmmak illvshke;

33. Mikma yvmmak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmvt, in chuka-panta hatak a holitobli kvt ilapa ai itilauechi kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shahlishke, im achi tok.

34. Mihma yvmvt vlhpesa fehna miha na Chisvs vt pisa mvt, Chihowa apehlichika ya auet ish i hopaki ke-yushke, im achi tok. Mihma yvmmak ash i himmakma hatak nana kia ik nukwiyot nana ik im asilhho ki tok.

35. Mihma Chisvs vt tempel anukaka nan avchit ahanta mvt, anumpulit, Katiohmi ho na-holissochi vhleha hvt Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Subbak ishtimpak-imma ya ish binili na chin tvnnvp vhleha ha chiyi ai-o-hikia ya ikbi lashke, im achi kvno, achi tok.

37. Yohmi kvt Lewi vt ilapo akinli kvt yvmma Chitokaka hochifo tok; yohmi ka katiohmi kak osh yvmvt ushi yoh cho? achi tok. Mihma hatak holitompa keyu kvto momvt i haponaklo kvt na-yukpa tok.

38. Mihma nan isht ai im avchit ahanta kvt, Na-holissochi vhleha na-fohka hofaloha abehkvchit itvnowa kvt im achukma, micha ilhpak a kanchi ya ai it aiokpvchi aiena kak osh im achukma;

39. Mikmvt sinakak a aiasha holitopa i shahli, mikmvt impa chito asha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka a wehpuli, mikmvt peh vbanumpuli ilahobi kv̄t anumpa ilbvsha falaia-chit itvnowa yoka, ahah! hvsh im ahnashke; yvmmak okvto nana palvmmi kv̄t i shahli hosh im vlvhvisa hi oke, im achi tok.

41. Mihmvt Chisvs vt tvli holisso abohli i chapaka yo ashvt okla hv̄t tvli holisso tvli holisso a bohli pit apitta ka pisa tok. Mihma nan in laua atuk vt lauachit pit apitta kv̄t laua tok.

42. Mihma ohoyo i hatak illi ilbvsha achvfa hosh vla mv̄t, mait tuklo yvmmvt sint achvfa ik ono ho pit abehli tok.

43. Mihma nan im ai ithvna vhleha hash o hoyot, Ahli mak o hvchim achi lishke, Ohoyo i hatak illi ilbvsha ilvp-pak osh tvli holisso abohli pit apittvt aiasha ka moma i shahlichit fohkishke.

44. Moma kv̄to nan in laua im atampa hatuk osh okla bohli hatuk: amba yvmmvt ilbvsha yatuk vt ishi tuk vt mominchit pit bohli, isht okchaya he tuk ash kia mominchishke, im achi tok.

CHAPTA XIII.

Tempel, micha Chelusalem aiena kv̄t aiokpulokv̄t taha hi a Chisvs vt tikbanli anoli: micha nana kv̄t ont ik a yakohmo takla ka, nana kv̄t isht ahoba kv̄t kaniohma he, 1; 14 micha na-palvmmi kv̄t a kaniohma he aiena ka anoli: 24 mihmvt ilapvt aya chikma a kaniohma he puta ka anoli. 28 Fik vpi ak o nan isht it apesa hosh nana kv̄t ai yakohma chi ka, ai onvt mahaya hi a anoli: 32 nitak kaniohmi, hvshi kanvlli nana ho ai yakohma hi a, hatak nana hosh ithana keyu hatuk o, moma kv̄t il anuktahlvt vba pit anumpohonlit im vlvhtahvt maya chi ka, miha.

1. MIHMVT tempel a a kohchvt iak fehna, nan im ai ithvna vhleha hv̄t achvvt, Nan-ithvnanchi ma! tvli hochito

puta, micha chuka hochito puta aiena kvt a kaniohmi hosh yak aiasha ka, pisá, im achi tok.

2. Mihma Chisvs vt afalaminchi mvt, Chuka hochitoka yak hiohmaya ka ish pisa cho? tvli vt achufa kia aka ik itulo ka hi vt it on tvlkanchit itonla kvt iksho hoke, im achi tok.

3. Atuk osh tempel in chapaka Alif nvni paknaka ya asha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o ilvppa puta kvt yohma hi o, micha ilvppa puta kvt ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itvnowa cha, Klaist sia mak oke, achi kvt laua he, micha lauachit yoshublichia hi oke.

7. Yohmikma tvnvp asha, micha tvnvp asha he annoa puta aiena ka hvsh haklokmvt, ik hvchi komunto kashke: ilvppa puta kvt moyumvt ont a yemohmi pulla hi oke; yohmi kia ont ai-vhli kvt o ik ai ono kisha hoke.

8. Okla achufa kvt okla makinli ka it amokvfa he, mikmvt apehlichika achufa kvt apehlichika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhaklo ai ishtia vmmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohova he: micha atokowa hvsh im anola chi ka, vno pulla hatuk mak o na pehlichia vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba eklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana hō hvchi nukfoh-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso hā illi issa he; mikma vlla vhleha hvt iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kv̄t nv̄chi nukkilli hi oke: yohmi kia kv̄na hosh aiahlit mahayvt ai v̄hli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okp̄vni a i nukkilli v̄lhpesa kv̄t a hikia he keyu kv̄t hikia na hvsh pisakm̄vt, (kv̄na hosh ilv̄ppa it im anumpulikm̄vt akostininchashke,) yohmikma Chutea ya āsha tuk m̄vt nv̄nih chaha pit a yihlepashke.

15. Mikma kanima hosh aboha paknaka ahanta tuk m̄vt aboha ya akowa cha in chuka ya nana kia ai ishit kohcha ch̄i kv̄t, ont ik chukowo kashke.

16. Yohmikma osapa anukaka yo anta tuk m̄vt, i nafohka ya isha ch̄i kv̄t, falam̄vt ik aiyo kashke.

17. Yohmikma nitak yvmma foka ka kv̄na hosh vlla shanli hatuk, mikm̄vt vlla pishechi atuk aiena hokv̄to ai i palv̄mma he mak oke.

18. Micha hv̄shtula yo hvch ik yihlepo ka hi vt v̄ba pit hvsh anumpohonlashke.

19. Nitak yvmma foka na-palv̄mmi kv̄t nana toba v̄mmo-na Chihowa hvt nan ikbi tok ai v̄hlit mihinti ka yvmma chohmi kv̄t iksho chatuk: mikm̄vt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-v̄lhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilv̄ppak o antv̄shke, keyukm̄vt yakeh! yvmma antv̄shke, hv̄chim achi hoh kia, ik hv̄chi yimmo kashke.

22. Klaist ilahobi vhleha, micha hopaii ilahobi vhleha

aiena tobtv hiohli kv̄t nan isht atokowa puta, micha nafehna puta aiena ka otvnihinchit, yohma he yobakma, nan-vlhtoka vhleha nana kia yoshublichā hi oke.

23. Yohmi kia yakeh! nan okluha ka tikbanli hv̄chim anoli li tuk oke, ahah! hv̄sh aiahnashke.

24. Amba na-palvmmi yvm̄mak atuk a misha foka nitak okvno, hv̄shi vt okhlilikma, anonti hv̄shi ninak aya mvt ik tom̄mo ka he.

25. Mikma vba fochik puta kv̄t aka fohopakma, vba shutik nana aiasha puta kv̄t winakv̄cha hi oke.

26. Yv̄mma fokakma, Hatak Ushi vt nan-isht-aiāhlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yv̄mma fokakma yvm̄mak ash ot im enchil vhleha h̄a pit tihleli na ilap i nan-vlhtoka vhleha h̄a a mahli ushta yakni atahaka ya ai vhlit shutik ont ataha pit ai vhli ka a hoyot itahoba hi oke.

28. Inta! fik vpi nan isht vlhpisa ka hv̄sh ai ithvnashke; Yvm̄mak okvt hishi toba ch̄i hosh bokoblit tahakma, toffa ch̄i kv̄t olanlosi ka hv̄sh ithana hoke.

29. Yohmi hokvt hv̄chishno vt yvm̄mak o hv̄sh chiyuhmi; na-yakohmi puta kv̄t ont aiāhli na hv̄sh pisakmvt, ai v̄lā hosi, okhissa ak kia ai itukonofa hoka hv̄sh ithanashke.

30. Ahli mak o hv̄chim achi lishke, Himak a okla maya ilv̄ppvt ont ik taho k̄isha h̄o, nana ilv̄ppa puta kv̄t a yvmohma ch̄i hoke.

31. Vba shutik, micha yakni aiena kv̄to ont ai iksho ka he, amba vm̄ anumpa puta hatuk vto ont ai iksho ka he keyushke.

32. Yohmi kia nitak yvm̄mak a he, micha hv̄shi kanv̄lli isht vlhpisa yvm̄mak a he aiena hokvno, hatak nana hosh pit ithana keyu, enchil vhleha vba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt vba pit hv̄sh anumpohonlashke: nitak ont ai vlhpesa hi a hv̄sh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu vhleha hash o chuka apesv̄chi

atokoli mvt, mominchit a toksvli aiyuka im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chuka chvfa pehlichy vt opiakmá, keyukmvt ninak iklvna hokmá, akaka ohonla kak okmá, keyukmvt, onnahunli kak okmá nana ho vla hi a hvsh ithana keyu hokvt.

36. Yvmmak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

CHAPTA XIV.

Na-holitompa isht asha micha na-holissochi vhleha aiena kvv Chisvs a illichy chi kvv anumpa it im achvfa, 1: 3 micha ohoyo hosh pashi ahama Chisvs noshkobo yo o fohopli. 10 Chutas Iskaliot vt Chisvs a ishit okla ibbak a fohka chi kvv inla nan isht it im apesa. 12 Chisvs ak osh miha ho, nan im ai ithvna vhleha hvv vbanvblit ont ia isht-vlhvisa ha atahli: mihma Chisvs vt ibai impa hosh nahaksichi a atokolit bihlibli; 22 mihmvt Chitokaka im ai-impvt asha hi a apesa; 27 nan im ai ithvna vhleha hvv issvt tvmoa he, 33 mikmvt Pita yvt ilapa ik ithano miha he puta ka Chisvs vt tikbanli anoli. 32 Chisvs vt Ketsemane a ont chukowa cha, vba pit anum-puli; micha nan i palvmmat ahanta. 43 Chutas vt vla cha Chisvs a ant yukachit ishi ma, nan ai ithvna vhleha hvv issvt tamoa: 53 Chisvs a Kaiafas a okla isht im ona mvt, ik ahobalo fehna, mihmvt illi issa; 66 Pita yvt i shahli ha ik ithano miha tuk osh anonti falamvt nukhaklo.

1. YUMMAK atuk o i nitak tuklo ma, vbanvblit ont ia, micha pvska ik shatvmmo aiena kvv asha tok: mihma naholitompa isht asha pehlichy vhleha, micha naholissochi okla aiena kvv yvmmak ash o kaniohmit haksichit okla ishi cha, vbi bnnvt maya tok.

2. Yohmi kia, Impa holitopa maya nitak ano keyu kashke, yvmmak keyukma, okla hvv isht ik ai vlhpesot asha hinla hoke, okla achi tok.

3. Mihma yummak ash osh Betani tvmaha Saimon leplosi-vbi a tok in chuka y_o impa hosh asha ma, ohoyo hvt spiknat nan-ahama toba h_o alabasta kotobushi vlhto, holi-topa fehna h_o ishi hosh vla tok: mihmvt kotobushi ash o koli mvt, yummak ash o noshkobo ha o fohopli tok.

4. Yohmi ma kanimi mvt chukvsh anykaka isht ik im vlhpeso fehna kv_t asha tok; mihmvt, Na katihmi h_o nan-ahama ilvppvt yakohmit okpulot kvnia cho?

5. Ilvppvt iskvli tahlepa tuchina atampa kia aivlbi cha, ilbvsha vhleha ha i holhpela hinla tuk oka, achi tok. Mihmvt ohoyo hash o okla nan isht mihachi tok.

6. Mihma Chisvs vt, Ik asha, nanta katiohmi h_o hvsh achibvchi hosh? nana achukma fehna mak o a si ai yvmihchi hoke.

7. Yohmi hoka ilbvsha yak okvto hvchim asha bilia chatuk: yohmi hokvt yummak okvno peh nitak kaniohmi h_o hvchishno hvsh ahnikmvt, nana achukma ka hvsh i yvmihcha hinla hoke; amba vno vto hvchi takla anta li bilia keyushke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi ka, tikbanli ahvmma chi hosh vla ha tuk oke.

9. Ahli mak o hvchim achi lishke: Ubanumpa ilvppvt yakni moma ka kanima fehna h_o ai anuhumpakma, nana ai yakohmichi tuk ilvppak ash kia yummak ash o isht ithaiyana hi a, anohowa hi oke, achi tok.

10. Mihma auah-tuklo kash achvfv_t Chutas Iskaliot vt yummak ash o ishit na-holitompa isht asha pehlichi vhleha ibbak fohka chi hosh im ona tok.

11. Mihma yvmma okla haklo mvt, na-yukpa mvt, tvli holisso ima he apesa tok. Mihma kaniohmi kak osh ai vlhpesa na yummak ash o ishi cha, yvmma ibbak fohka hinla kv_t anukfihinli tok.

12. Atuk o pvska ik shatvmmo nitak vmmvna ka vbanvblit ontia ya okla ai vbi ma, nan im ai ithvna vhleha hash osh, Katima yak o il ia cha, il atahli na vbanvblit ont ia ya ish impa hinla kv_t ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tvamaha ha ont hvsh chukowashke : mikma hatak vt lukfi kotoba oka vlhto ho sholi kv̄t hvchi afama chi hoke : apihvt hvsh iashke.

14. Mihma kanima yo ont chukowakma, chuka yv̄mma v̄tta hatak ash o, Nan-ithvnanchi vt, Ubapotvlhpo ai impa aboha hv̄t katima yak o talaia ho, nan vm ai ithvna vhleha ha pehlichit vbanvblit ont ia ya it ibai impa la chi cho ? achishke, hvsh im achashke.

15. Mikma vba-potvlhpo yosh chito, nana vlhtaha achukma ho hvchim anola chi hoke : yvm̄mak o hvsh a pim atahlashke, im achi tok.

16. Mihma nan im ai ithvna ash osh iv̄t, tvamaha ha ont chukowvt okla mvt, nana ai im anoli tuk ash ai vlhpiesa na pisvt okla tok : micha vbanvblit ont ia ya atahlit okla tok.

17. Atuk o ont opia ma yvm̄mak ash ot auah̄tuklo kash o pehlich̄i cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke ; Sv̄bai impvt hvsh maya kv̄t hvsh achvfona mvt, sv̄shit inla ibbak hvs sa fohka chi hoke, achi tok.

19. Mihma okla nukh̄aklo fehna mvt, achvf-aiyukvt, V̄no ak oh cho ? im achi ma, anonti inla mvt, V̄no ak oh cho ? achit isht mah̄aya tok.

20. Mihma afalaminchi mvt, Auah tuklo kv̄t achvfv̄t ampo achvfa ho a sv̄bai impa kak oke.

21. Hatak Ushi yokvto isht a holih̄iso tok mak o aya ho mv̄hlishke : amba Hatak Ushi a ishit inla ibbak fohki yvm̄mak okvto i palv̄mma chi mak oke : hatak yvm̄mak okvt ik tobo tok okmak osh im achukma hatuk mak a chi hoke, im achi tok.

22. Mihma impa hosh maya ma, Chisvs vt pvska ya ishi cha, vba isht aiokpv̄chi mvt, tushahlich̄i cha, yvm̄mak ash o ima mvt, Ishit oh vp̄a, ilv̄ppvt sa haknip mak oke, achi tok.

23. Anonti isht-ishko ya ishi cha, vba pit aiokpv̄chit issa mvt, yvm̄mak ash o ima tok : mihma momvt okla ishko tok

24. Mihma, ilvppvt svsish nan-isht-vlhpisa himona hosh lawa ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa apelihika yak o ai ishko la he nitak mak a hi oke, im achi tok.

26. Mihma vba-isht-taloa ya okla taloa mvt, kohchvt Alif nmih ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukvvlhpoba apesvchi a issot boli likma, chukvvlhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kellochit anum-pulit, Chi awant svlli hokmvt, kaniohmi kak osh ak chitha-no ka miha la he keyushke, achi ma, momvt yvmmak inli ho miha tok.

32. Mihma osapushi Ketsemane hohchifo talaia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhak-lot isht alotowa tok.

34. Mihmvt yvmmak ash o, Sa shilombish vt nukhaklo atampvt illi hoke: ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt i kanvlla hinla ka, asilhha tok.

36. Mihmvt, Aki Abba ma! nan okluha kv̄t a chim aiahl̄i bano hoke; isht-ishko ilv̄ppa is sa kanv̄lichashke: ik yohmi kia vno ak osh nan ahni li kak keyu, amba chishno ak osh nana h̄o ish ahni mak ashke, achi tok.

37. Micha vla mvt, nusi hosh maya na ant pisa cha, Pita ash o, Saimon chia hvt chi nusi h̄o? hv̄shi kanv̄lli vlhpisa achvfa takla ka chi okcha he keyu cho?

38. Okchvt vba pit hv̄sh anumpvlashke, yvmmak keyukmvt anukpv̄li h̄o ish iba chukowa hinlv̄shke. Shilombish okvto im vlhtaha ho mv̄hli kia, amba haknip ak osh tikambi hoke, im achi tok.

39. Mihmvt anonti kanima ia cha, vba pit anumpuli mvt, anumpa mihi ash inli h̄o miha tok.

40. Micha falamvt vla ma, nishkin ak osh weki hatuk osh, anonti nusi hosh maya na ant pisa tok: mihma nana h̄o okla im acha hi vt ik ithano ki tok.

41. Atuk o ont isht atuchina vla mvt, Himmak mak o, mayvt nusit hv̄sh fohashke: ont ai v̄hli hoke, hv̄shi kanv̄lli vlhpisa hvt ai onv̄shke: yakeh! Hatak Ushi a ishit nanashv̄chi v̄hleha ibbak a fohka ch̄i mak oke.

42. Ho tan̄i; kiloh ilhkoli, sv̄shit okla ibbak sa fohka ch̄i hokvt olanlosi vl̄vshke, im achi tok.

43. Yohmi ma mih makinli h̄o anumpuli moma na auah tuklo atuk achvfa Chutas vt okla chinto na-holitompa isht asha pehlich̄i v̄hleha, micha na-holissochi v̄hleha aiena aiasha ka a minti hosh bv̄shpo falaia, micha iti tv̄ptua aiena sholi h̄o it apchvt vla tok.

44. Yohmi kv̄t ishit okla ibbak fohka ch̄i yvmmak osh ot nana apesvt, Kv̄na h̄o i suksowa likma, yvmmak osh m̄ih mak ach̄i hoke; yvmmak o hv̄sh ishi cha, achukmalit ishit hv̄sh iashke, im achi tuk a tok.

45. Atuk osh vla makinli hosh, yvmmak ash o apissanlit ivt im ona mvt, A shahli ma! A shahli ma! achi mvt, i suksowa tok.

46. Mihma yvmmak ash o ibbak onochit okla ishi tok.

47. Mihma bil̄ikasi hiohmaya tuk vt achv̄vt bv̄shpo falaia

y_o ishit shufi mvt, na-holitompa isht a_sha pehlich_i in tishu h_a ishit fahamvt haksobish a chanlit tvbli tok.

48. Mihma Chisvs vt anumpuli mvt, Hatak hukopa y_o ayvt i koheha h_o chiyuhmit b_ushpo falaia, micha iti tvptua aiena sholi hosh hvs svsha ch_i kv_t hvsh itvnowa cho?

49. Nitak moma ka tempel anukaka y_a hvchi takla antvt, nan ithvnanchi li ka, hvch ik sasho chatuk: yohmi kia Holisso Holitopa yvt ont aiahli pulla ch_i kak o hvsh yakoh-mishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kv_t, yvmmak ash iakaiyvt aya tuk o, hatak himita vhleha hv_t it i hokli tok.

52. Mihma linen anchi ash o kanchi cha, nipi bano hosh mokofit mvllelit i kvnia tok.

53. Mihma Chisvs ash o na-holitompa isht a_sha i shahli y_o okla isht im ia tok; mihma yvmma na-holitompa isht a_sha pehlich_i vhleha, micha hochitoka vhleha, mikmvt naholissochi okla aiena kv_t momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht a_sha i shahli im aboha holitopa yak kia ona tok: mihmvt tishu vhleha h_a takla ashvt luak libesha tok.

55. Mihma na-holitompa isht a_sha pehlich_i vhleha, micha nan-apesa moma aiena kv_t Chisvs a nan isht im ai atokowa na vba ch_i kv_t, okla akostininch_i bvnna tuk osh, ik akostinicho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okp_vni lish, nitak tuchinakma, inla yosh ibbak o isht toba keyu h_o ikbi la ch_i hoke, achi ka e haklo tuk oke, achi tok.

59. Yohmi kia yvmvt okla nan isht atokoli kv_t ont ik itibai achvfo akinli tok.

60. Mihma na-holitompa isht asha i shahli ash osh iklvn-na wakayvt hikia mvt, Chisvs ash o i ponaklot, Afalamin-chit nana kia chik acho cho? yakohmi kvt nan isht chi atokoli ka katiohmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-asha i shahli yash ot i nafohka ya it a hlilvfi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlhpesa kak o, momvt okla anumpa onochi tok.

65. Mihma kanimi kvt on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vhleha hvtt ibbak pvtha ya okla isht pvsgha tok.

66. Mihma Pita yvto nutaka aboha holitopa anukaka ya asha na ohoyo himita na-holitompa isht asha i shahli in toksvli vhleha hvtt achvftv vla tok.

67. Mihma Pita yvt libisha hosh asha na ont pisa cha atokolit pisa tok: mihmvt Chishno vt Chisvs Nasalet vtt ya awant ish aya tuk akinlishke, achi tok.

68. Yohmi kia Pita yvt ik ithano ilahobit, yvmma ithana li keyu; mikmvt nana ish miha kak kia ak chim akostininchoshke, acki tok. Micha kohchvt apishia ya ona ma, aka-ka yvt ola tok.

69. Atuk o anonti ohoyo himita yosh yvmmak ash o pisa mvt, bilikasi hiohmaya kash o, Ilvppak osh yvmma pit ai achvfa mak oke, im achi tok.

70. Mihma anonti yvmma ik ithano, miha tok. Yvmmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yemma ish ibai achvfa yatak o pullvshke: Kalili hatak chia hatuk osh, chim anumpa hvt pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hvsh maya ka ithana li keyushke, achit ik ahobalot anum-pulit anumpa kvlllo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha ho hituchina ha chik svthano ish miha chi hoke, im achi tok Chisvs im anumpa hash pit ithaiyana tok. Mihma yemma anukfeli mvt, yahaya tok.

CHAPTA XV.

Chisvs a okla takchi cha, Pailat ibbak fohki, 1; 15 na-holitompa isht asha vhleha hvt Pailat a anukfohkechi na Balabas ak o i hotofi cha Chisvs okvno ititaiyukhvna ahonvhltv illa chi ho im issa: 17 mihma tvshka chipota vhleha hvt yummak ash o kvti tvnna yo iachukolichi cha, isso: 20 mihmvt ititaiyukhvna ahonvhla chi mak o ilauet ia. 21 Chisvs a Kolkohla ya okla isht ona mvt, hatak hukopa tuklo itin takla yo a tak alichit ititaiyukhvna ahonvhlich; 29 mihma na-holitompa isht asha vhleha, micha okla puta kvrt ishit yopula: 33 hvshi vt okhlilit kvnia ma, Chisvs vt Chihowa ha pit in tahpahanltv illi. 38 Nantvna holitompa tempel anukaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhvna a takali ka, ohoyo kanimi kvrt pisa. 42 Chosef vt Chisvs haknip ititaiyukhvna takali tuk a ishit akvchi cha, seprlka himona ilap i hikia tuk vt fohki.

1. ATUK o onnahinli makinli ho na-holitompa isht asha pehlich hash osh hochitoka vhleha, micha na-holissochi okla, mikmvt nan-apesa vhleha moma aiena ho nana ai it im apesvt maya cha, Chisvs a takchi mvt, isht ivt, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla ha i miko chia mak oh cho? achi tok. Mihma Chisvs vt, Vlhpesa ho ish mihvshke, im achi tok.

3. Mihma na-holitompa isht asha pehlich vhleha hvt

yvmmak ash o nana ilaiyuka laua ho isht onochi tok :
yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik
acho há cha ? yakeh ! nana ka isht a chi atokoli ka laua
fehnvshke, achi tok.

5. Yohmi kia Chisvs ash ot nana ik acho moma tok.
Yohmi hatuk o Pailat ash osh, okokko ! aiahni tok.

6. Mihma vbanvblit ont ia impa asha ka ilap mak osh,
kanima yo okla ahnikma, yukvt talakchi atuk a achvfalit im
i hotofi chatuk a tok.

7. Mihma achvfa hosh, Balabas hohehifo kvv nan-vlhpisa
ya itibai i sanalit ahashwa cha, nan-vlhpisa i sanali kvv ha-
tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlt, nana ka ai
i yvmihchi bilia yatuk vt yvmihcha chi ka okla im ahni tok.

9. Yohmi kia Pailat ash osh afalaminchi mvt, Chu okla i
Miko ak o hvchim i hotofi la chi ka hvsh ahni cho ? im achi
tok.

10. Yvmmak okvno na-holitompa isht asha pehlichí vhle-
na hvt i nukkilli kak osh ishit ibbak fohki tuk a ithana ha-
tuk okvt.

11. Yohmi kia na-holitompa isht asha pehlichí vhleha
hash ot Balabas ak o im i hotofi pulla chi ka okla ha isht a
nukfohkichi tok.

12. Mihma anonti Pailat ash ot afalaminchi mvt, Yohmi
ka Chu okla i Miko hvsh achi yvmmak amo nanta ho kati-
michi la he ak o hvsh ahni cho ? achi tok.

13. Mihma atuklanchit chitoli hosh, Ititaiyukhvna ak o
ahonvhvchi, achi tok.

14. Yohmi ma Pailat ash ot, Nanta katiohmi ho nan ik
achukmo nanta mak o yvmohmi tuk oh cho ? im achi tok.
Mihma yvmmak o okla isht i shahlichí fehnvt tahpvlt, Iti-
taiyukhvna ak o ahonvhlichí, achi tok.

15. Yohmi ma Pailat ash ot okla ha yukpali bvna kvv,
Balabas ak o im i hotofi tok : micha Chisvs ash o fvmmi
mvt, ititaiyukhvna ahonvhvt illa chi mak o, yvmmak ash o
ishit okla hash ibbak fohki tok :

16. Mihma tvshka chipota vhleha hash ot yummak ash o halvllit isht ivt nan ai apesa Pletolivm hohchifo hō isht ona tok : mihmvt aya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tvnnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo hā kushak ishit isso mvt, on tuf-turt, anonti hvchikbihlepvt hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fokvchi mvt, ititaiyukhvna ahonvhlicha chī mak o kocha isht ia tok.

21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh aya ma, im ititaiyukhvna ya shola chī ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi hō okla isht ona tok.

23. Mihmvt ishka chī ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvhlichi mvt, hatak achvfa kvt kaniohmi ai yuka isha chī kvt nan isht a shoelit mayvt, i na-fohka yash okla it i hopela tok.

25. Yohmi kvt hvshi kanvlli vlhpisa ont atuchina hō ititaiyukhvna ya okla ahonvhlichi tok

26. Mihma anumpa isht ai onvtula hatuk holisso kvt pak-naka ya CHU OKLA I MIKO YOKE, achi hosh a holisso tok.

27. Micha hukopa tuklo hō achvfvv ibbak ishtimpak-imma takali ma, anonti achvfvv im vlhfvbekimma takali hō it aieninchit ititaiyukhvna ahonvhlichi tok.

28. Mihma holisso holitopa yvt achi kvt, Micha nan-vlhpisa kobvffi vhleha hō iba holhtiena tok achi hatuk vt ont aighli tok oke.

29. Mihma itvnovvt aya mvt, yummak ash o ik ahobalot pit i yuchunuklit, Tempel a okpvni cha anonti nitak tuchinakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht a₂sha pehlichí v₂hleha, micha na-holissochi v₂hleha aiena hash kia ishit yopula akinlit, Inla yokvno okchalínchi hatuk o kak osh, ilap inli hokvto ile okchalíncha he keyushke.

32. E pisa cha pi yimma chí ka, himonasi ak o Israél i miko Klaist vt ititaiyukhvna ya vtvvt auet ik akowá, it im achit m₂aya tok. Mihma apehvt ititaiyukhvna ahonv₂hla kash kia yvmmak ash o na-mihachi tok.

33. Atuk o hvshi kanvlli v₂lh₂pisa isht hannali kv₂t ai ona ma, okhlili hv₂t yakni momínchit takali na hvshi kanvlli v₂lh₂pisa ont isht chakkali ka ona tok.

34. Mihma hvshi kanvlli v₂lh₂pisa ont isht chakkalik fehna, Chisvs ash ot chitoli hosh tahp₂lv₂t, Eloí, Eloí, lama sabakhlani, yvmmv₂t toshowa kv₂t, An Chihowa ma! an Chihowa ma! nanta katiohmi h₂o is sa kanchi cho? achi hoke.

35. Mihma bilika hiokm₂aya tuk vt kanimi kv₂t haklo mv₂t, Yakeh! Elias ak o i howvshke, achi tok.

36. Mihma achv₂vt malelit iv₂t na-shatvmmi o wineka ont alotoli cha, kushak o takalíchit ishka chí ka pit ima mv₂t, Ik a₂shá, Elias vt v₂la cha ant ishit akvchikmá nana chí hokmá, keho písá, achi tok.

37. Mihma Chisvs ash osh chitoli hosh anumpuli mv₂t, fiopa issa tok.

38. Mihma nantv₂nna tempel anukaka takali kash ot paknaka ai it a hlilav₂t ia mv₂t, aka ont taha cha tuklo tok.

39. Mihma Sintulion vt im a chapaka hikia tuk vt, yvmmv₂t chitolit makachi cha, fiopa issa na pisa mv₂t, Hatak ilvppvt Chihowa Ushi yatuk o pulla mv₂hlishke, achi tok.

40. Mihma ohoyo aiena hosh mishema h₂o p₂isvt hiohm₂aya ma, Meli Maktalene, micha Chemis iskitini, mikmv₂t Choses aiena ishki Meli, mikmv₂t Salome aiena kak osh takla hinli tok.

41. Yohmi kv₂t Kalili a anta ma, ohoyo ilvppak osh apehvt av₂t, nan isht im a₂shwa tok: mihma apehvt av₂t Chelusalem a ai v₂la tuk vt ohoyo inla yvt laua hosh pit ai okluha tok.

42. Atuk o ont opivt taha ma, nana il ai atahli nitak, yummvt nitak hullo vt onnvt a₂sha h_o,

43. Chosef Alimahlea v₂tta, nan-apesa holitompa hosh, yummak kia Chihowa a₂pehlichika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kv₂t nukhlakan₂cha tok, micha Sintulion a hoyo mvt, illi tuk a ahchibakmá, nana tuk a, i ponaklo tok.

45. Micha sintulion a isht ai akostininchi mvt, haknip ash Chosef a im issa tok.

46. Mihma yummak ash ot linen lapushki y_o chumpa mvt, yummak ash ishit akvchi cha, linen a a bonulli cha, sepv₂lka tvli yosh kulvt toba h_o ont bohli cha, tvli y_o tonolichit sepv₂lka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kv₂t yummak ash a bohli ka p₂ivt okla tok.

CHAPTA XVI.

Enchil osh Chisvs vt falamvt tani tuk a ohoyo im anoli, 1. 9 Chisvs vt falamvt tani ha yvt Meli Maktalene a im otvni tuk osh, 12 nan im ai ithvna vhleha h_a tuklot i haiaka: 14 atuk osh i himmakma auah-chvfa kash ont im otvni: yohmi mvt na yimma he keyu tuk a nan isht i miha; 15 micha vbanumpa y_a kanima moyuma isht ai anumpohonla ch_i ka im apesa; 19 mihmvt vba y_a ia ma, vba isht anumpa hv₂t anuhumpa.

1. **ATUK** osh nitak hullot issa ma, Meli Maktalene, micha Chemis ishki, mikmvt Salome aiena kv₂t ivt yummak ash o ont ahv₂mma ch_i kv₂t, na-balama okla chumpa tok.

2. Atuk osh wek chukowvt ia nitak vmmona onnahinli fehna hvshi kohcha h_o sepv₂lka yash okla ona tok.

3, 4. Mihmvt, Kvta hosh tvli vt chito fehna kash o sepv₂lka okhissa a pim a kanvllicha ch_i h_o? ilap bika it im achi tok: mihmvt okla pit hopokoyo kash osh, a kanvlli tuk a, okla pit pisa tok.

5. Micha sepv₂lka y_a okla pit chukowa mvt, hatak himita

yvt na-fohka tohbi falaia fohka hosh, ishtimpak imma tvn-nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke, Chisvs Nasalet vtta yvt ititaiyukhvna ahonvhla tuk ash o hvsh hoyoshke: tani tuk oke: ilvppa ikshoshke: okla a bohli tuk a, pit ho pesá.

7. Yohmi kia hvsh ia cha, nan im ai ithvna vhleha, Pita aiena ka, yvmmak okvt hvchi tikba Kalili a ia he tuk a, ont hvsh im anolashke: yvmmak o hvchi miha tuk mak oka, yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepvka yash ashvvt pit yihlepa tok: nukhlakancha, wvnihinchi, micha nukshopa aiena hatuk osh, kvna kia nanasi kia okla pit ik im acho ki tok.

9. Micha Chisvs vt wek chukowvt ia nitak vmmona on-nahinli fehna ho tani tuk vt, Meli Maktalene, yvmmak o nan-isht-ahullo okpulo untuklo ka a kohchi tuk ash nan tikba i haiaka tok.

10. Mihma yvmmak ash osh ivt apehvt itvnova yatuk vt nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmvt pisa tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnovvt ayvt, yakni kocha itonachi ma, anonti ai invt i haiaka tok.

13. Mihma itiachi cha, kashapa kash o ont im anoli tok. mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh maya ho ont i haiaka cha, tani ha ya inla yvt pisa tuk a okla ik i yimmo hatuk oka, na yimma he keyu, micha chvkvsh kvlo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-kia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke; amba kvna hosh ik yimmo hokvto, issikkopvt bilia im vhlpisa hi oke, im achi tok.

17. Micha na-yimmi vhleha hokvno nan-isht atokowa yakohmi kak osh a takanlit aya hi oke. Uno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mik-mvt ishkot illi nana kia ishko hoh kia, nan ik kanihcho ka he: abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvt a takanlit aya hatuk ash isht aiahlichy ma, kanima moma ka vba isht ai anumpohonlit itvnowa tok oke. Amen.

UBANUMPA LUK

UT HOLISSOCHI TOK.

CHAPTA I.

Luk vt Hliopilvs a pit im anumpuli, 1. 5 Enchil vt Sakalias a ont im otvni: 13 mihmvt ushi asha hi a i miha; 24 Elisabet vt vlla shali cha, ile luhmi. 26. Enchil vt ohoyo himita Meli a ont i haiaka; yohmi mvt Shilombish Holitopa yosh nan anukfilli ho, Klaist ishki a toba pulla hi a i miha. 39 Meli vt Elisabet a ont i nowa mikmvt ita tuklo kvv Chihowa ya aiokpahanchi. 57 Chan vt vtta cha, hakshup tupa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmmonvt isht auehinchi ka nishkin isht pivvt, nana ka isht ahashwa tuk vt yvmma pim anohonli tok mak osh lava kvv yvmmak atuk a isht anumpa holisso ha ikbi tuk o,

3, 4. Uno ak kia nan vmmona isht-auehinchi ka nana kvv akaniohmi tok puta ka mominchit asilhhit achukmalit akostinichi li tuk vt, chishno vt nana ka isht chim annoa tuk a aiahli ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak a, na-holitompa isht vtta achvfa Sakalias hohchifo kvv, Abia apelihika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yvmmvvt tuklot Chihowa yvt pisa ho aiahli biekvt, anumpa vlhpisa puta, mikmvt nan-vlhpisa ilaiyuka Chihowa yvt apihisa tok a moma ka i shanaiya iksho hosh ahashwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vlhpiesa ma, yvmmt na holitomp isht asha Chihowa itikba ya isht ai ahanta chi ka, na holitomp isht asha nan im vlhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vlhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tnnvp o hiki vt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa ná ; vba pit ish asilhha tok vt chim vlhpesa mak oke : yohmi ka chi tekchi Elisabet vt vlla nakni o chi shala he ; mikma ymma Chan ish hochifa he ;

14. Yohmikmvt na chi yukvt chim achukma fehna he ; yohmikma yvmmt vtta ka na yukpa kvt laua hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvt alotowa hi oke.

16. Yvmohmikmvt yvmmak okvt Israel isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vlhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kv, Vno vt Chiho-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa hā ont im ai vlhpiesak-mvt aiahla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aiahli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yvmmak atuk a i himmak ha yo, tekchi Elisabet vt vlla i fohka cha, Hatak puta itintakla sa hofahya kv̄t a takali tuk a isht kancha chi hosh, auet sa pihisa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo himita yvt hatak Chosef hohchifo hosh, Lewi in chuka-chvfa isht atiaka yo, im vlhpoa hosh ohoyo himita hohchifo mvt Meli osh, Kalili yakni tmaha Nasalet hohchifo ho anta ho, Chihowa yvt Kebliel a pit i chvffichi tok.

28. Yvmohmi na enchil ash ot im aboha hā ant chukowa mvt, Holitopa fehna chia hv̄t na chi yv̄kpashke; Chihowa hv̄t chi halvlli hoke, holitopa kv̄t ohoyo puta moma ka ish imaiyvshke, achi tok.

29. Mihma yvmmak ash ot pisa mvt, yvm̄mvt nana ahan-chi ka nukhlakancha mvt, nan isht aiokpv̄chi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kashke; Chihowa ish i holitopa hi vt chim vlhpesa tuk oke.

31. Yohmi kv̄t yakeh! vlla yvt chi fohka cha, vlla nakni o ish ishikmvt, hohchifo hā Chisvs ish hochifa he mak oke.

32. Yvmmak osh Chitokaka tobtv ahantvt, Nana moma i shahli Ushi hohchifa he ; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichhi na bilia he : yohmikma yvmma apehlichika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho ? enchil ash o im achi tok.

35. Mihma enchil ash osh anonti afalaminchit, Shilombish Holitopa yak osh chim aya he ; yohmikma Nana moma i shahli nan isht im aiahlika yvt chi o hoshontikacha hi oke ; yohmi hoka na-holitopa kvv chim vttta hi vt yvmmak kia Chihowa Ushi hohchifa hi oke.

36. Micha yakeh ! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke : chim anuhumpa tuk mak o nana kvv vm ai vlvpiesashke, im achi tok. Mihma enchil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nvnih foka tmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok ; Meli vt aiokpvchi na Elisabet vt haklo ma, vlla yvt ikfoka anuka ilhkoli tok ; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke : mihma chikfoka anuka a toba mvt holitopvshke.

43. An Chitokaka ishki vt ayvt vm vla ilvppvt katiohmi ho a yakohmi cho ?

44. Yakeh ! is si aiokpvchi ka anumpa hvv olvt sa hak-

sobish a ant fohka mak inli ho, vlla yvt na yukpa kvt sak-foka anuka ya ilhkoli kano.

45. Chitokaka yvt yvmma nana ho im anoli tuk a ont aiahlit taiyaha hi oka, na yimmi tuk yvmmvto na yukpvsh-ke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukvsh vt Chihowa si okchalinchi a ai isht ilaiyukpvshke.

48. Yvmmak okvt in tishu ohoyo ilbvsha ya i nukhaklot pisa tuk oke: yohmi hoka himak pillvt ia ka hatak isht ai unchululi puta kvt na-yukpa sia hochifa hi oke.

49. Yvmmak osh nana moma imaiya mak osh nafehna chinto ka a yvmihchi tuk oke: yohmi kvt hohchifo hvt ho-litopa yoke.

50. Micha hatak it ai unchululi ia puta ka ilapa im antia vhleha ha yvmmvt i nukhaklo kvt ai in takali mak oke.

51. Yvmmak okvt ilapo shakba isht imaiyachi chatuk: ilapunla vhleha hvt ilap chukvsh nan isht im anukfilvt mayakma, yvmmak okvt it a fimibli chatuk oke.

52. Yvmmak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o holitobli-chi chatuk oke.

53. Hohchvfo ya yvmmak okvt na hochukma puta ka isht fihoblikmvt, anonti nan in laua yano nana kia ik im iksho-chit kanom pit tihleli chatuk oke.

54, 55. Eblaham, mikmvt yvmma isht ai unchululi ka i nukhaklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yvmma awant anta na hvshi tuchi na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im vllpiesa mvt, vlla nakni o sholi tok.

58. Mihma in chuka panta asha, micha i kanomi vhleha aiena kvt, Chitokaka yvt yvmma i nukhaklo fehna tuk a okla haklo mvt, ibai yukpa tok.

59. Atuk o yakohmi tok: nitak ont isht untuchina ma vlla ya hakshup tvblit itvnova tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hohchifa chi hoke, achi tok.

61. Mihma Chi kanomi hvt kanima mvt hohchifo ilvppa isht a hohchifo kvv iikshoshke, okla im achi tok.

62. Mihmvt iki ak osh nana ho hohchifa hi a ahnik mak a chi ka, okla pit avvchi tok.

63. Mihma yvmmak ash ot aholissochi a hoyo cha, Hohchifo hvt Chan oke, achit holissochi tok. Mibma, Na kathi mi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annvt Chutea yakni nvni h foka yash mominchit a hlopulli tok.

66. Mihma okla yvma haklo tuk vt moyumvt, Vlla katiohma chi hosh ilvppvt yakohmi cho? ahanchit chukvsh anukaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkvt alotovvt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-avehinch i ka itih isht ai anumpohonli tok mak osh, pishno vt pin tvnvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaia ka i nukhaklot pihisa cha, nan isht vltoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kvv pishno vt pin tvnvp vhleha ibbak ma il ai in hlakofikmvt, pi okchayvt nitak il ai ahanta kvv, nukshumpa iksho hosh nan-ashvchi ikshot ai vlvpiesa hosh im antivt, itikba ma il ahashwa he mak o, auct pim aiahna hi v

ilap i nan-vlhpisa holitopa anumpa kvllo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aiahlichhi mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yummak atuk pulla mak o ai okhlilika, mikmvt ai-illi ai o hoshonti aiena anuka-ka aiasha tuk a in tohwelichha chi, mikmvt hvv iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auet pi on tommishke.

80. Yumohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Islael a i haiaka he nitak vt ai ona tok.

CHAPTER II.

Chisvs vt Behlehem ak o ai vtta cha, vlhpoba ai-impv peni yo fohka,

1. 8 Chukvvlhpoba apesvchi vhleha Behlehem bilika asha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vta cha, ibai achvvt Chihowa ha okla aiokpahanchi. 21 Chisvs vt hakshup vtpa; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukowa; yohmi cha hatak okchalinchhi himona vtta tuk a pisa mvt, Chihowa ha pit aiokpahanchi. 40 Chisvs vt avvmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. MIHMA yakohmi tok: nitak yumma foka ma, yakni yummvt okluyuhvt holissa hi a Sesa Akvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvt vlhpisa vmmona tok.

3. Mihma momvt ilap in vmaha aiyuka a holissa chi hosh ilhkoli tok.

4, 5. Mihma Chosef ak kia, yummvt Lewi in chuka-chufa yo isht-ai-unchululi hatuk okvt, Kalili yakni Nasalet tumaha ha vttvt kohchvt ia mvt, Chutea yakni Lewi in tumaha Behlehem hohchifo ho tekchi vlhpoba Meli vt vlla in tola hosi ho, it iba holissa chi hosh ona tok.

6. Atuk o yakohmi tok : ymma ont ahashwak fehna, yummvt vlla in tola he nitak vt ont ai vlhpiesa tok.

7. Mihmvt ishi ahpi kvv vlla nakni osh in tola cha, ymmak ash na-hlilahli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yummak inli ka chukfvlhpoba apesvchi vhleha hvv vlhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekali chinto kvv ai on tommit talaiya ma, okla nukshopa fehna tok.

10. Mihma enchil ash ot, Hvchi nukshopa ná ; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalanchi, yummvt Klaist Chitokaka mak osh Lewi in tumaha ha a hvchim ai vttvshke.

12. Yohmi ka atokowa kvv ilvppak o yakohmi ha chi hoke : Ullosi vt nahlilahli o a bonunta hosh, issuba ai ilhpitta yo fohkvv itonla ho ont hvsh pisa chi hoke, im achi tok.

13. Yohmi ma i mih-makinli ho enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shahli ya ik a holi-topá ; mikmvt yakni paknaka ma ik a nanaiyá : mikmvt hatak a nana achukma im anukfilli aiena kvv ik ai ituyulá, ahanchi tok.

15. Mihma yakohmi tok : enchil okla hash osh issvt vbo ya ivt taha ma, chukfvlhpoba apesvchi vhleha hash osh, Inta Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tushpvt itvnowvt ona cha, Meli, Chosef ita

tuklo ka, micha vlloši atuk mvt issuba ai ilhpitta yō fohkv̄t itonla aiena hō okla pisa tok.

17. Yakohmit ont pisa mvt, vlla yv̄mma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukv̄lhpoba apesv̄chi v̄hleha hvt im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukv̄sh anukaka isht ithaiyanvt, anukfihinli tok.

20. Mihma chukv̄lhpoba apesv̄chi v̄hleha hash ot nana kv̄t im ai annoa tuk ash fehna ka okl̄hv̄linchit haklo, micha pisa aiena mvt, Chihowa ya holitoblichit aiokpahanchit, fala-mvt okla ilhkoli tok.

21. Yvmohmi tuk o nitak ont isht untuchina ma, vlla ya hakshup wishakchi tv̄bla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohchifo tok.

22–24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh v̄tta hokv̄to moyumvt Chitokaka ma pit im a holitopa he mak o, Chitokaka i nan-vlhpisa h̄a a holih̄iso hatuk oka, yvmmak ash Chitokaka ima ch̄i, micha nan-isht aiokpv̄chi vt pv̄chi yoshuba tuklo, keyukmvt pv̄chi himita yosh tukla hi o, Chitokaka i nan-vlhpisa yv̄to ahanchi hatuk oka, isht aiokpv̄cha ch̄i hosh Chelusalem a itvlachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv̄t yvmmak okv̄t hatak v̄lhpiesa, Chihowa ma holitobli aiahli hosh Israel okla na-yukpali a pit hoh̄oyo hosh anta tok: yohmi ma yvmmak oka Shilombish Holitopa yv̄t anukfoyuka tok.

26. Yohmi kv̄t yvmmak okv̄t Chitokaka i Klaist a ik peso kisha hokv̄to, illa he keyu ka, Shilombish Holitopa yv̄t tik-banli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka hō ayv̄t tempel a ant chukowa tok: atuk

o ai yvmohma he nan-vlhpisa ha isht ai yvmihcha chi hosh iki, ishki ita tuklo kvv vllosi Chisvs a sholi cha, ant chukowa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hvv na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Israel mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kvv yvmma nana kvv isht anumpa ka, anukhlakancha tok.

34, 35. Mihma Simeon ash ot, yvmmvv ai yukpvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Israel okla hvv isht ai akakoha, mikma anonti a tana he aiena kvv lava he: micha nan-isht-atokowa ka i sanalit isht anumpohonli na chukvsh lava nan isht im anukfila puta mvt ai otaiyana he mak o isht ai vlhtoka hoke; ahli, mikmvv chishno chi shilombish ma aieninchit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kvnia tok.

37. Yohmi kvv vlhtaklvv hikia tuk a afvmmi pokoli untuchina akocha ushta foka hosh, yvmmak okvv tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokpvchi akinli tok: mihmvv isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mo minchit nana ka ont aiahlichit taiyahli mvt, falamvt, Kalili yakni ilap o in tvnaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impā holitopa ashakma iki, ishki ita tuklo kv̄t afvmmikma Chelusalem a itiachi beka tok.

42. Atuk osh impa holitopa isht asha yvmmak oh chatuk mak osh ont ai vlhpiesa ma, yvmmak ash ot afvmmi auah tuklo ho, Chelusalem a ilhkoli tok.

43. Atuk osh nitak vlhpisa hatuk vt ont in taha cha, falamvt itiachi ma, vlla Chisvs ash ot olv̄laka Chelusalem a anta hokak o; Chosef, micha ishki ita tuklo kv̄t ik akostinicho ki tok.

44. Amba okla it apehvt asht aya ka takla aya he ak o im ahombvt, ayvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kv̄t falamvt Chelusalem a itiachi tok.

46. Atuk ak o yakohmi tok: nitak ont atuchina ho yvmak ash ot tempel anukaka ya hatak nan-ithvnanchi vhleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhlakanchevt okla tok: mihma ishki ash ot, Svsō hvt nanta katiohmi ho ish pi yakohmichi na chiki ita tuklo li kv̄t nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a kaniohmi ka isht ahanta la he vlhpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chu-kvsh ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv i shahlit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a ato kowa anoli; 20 anonti aboha kvllo fohka. 21 Chisvs vt baptismo, yohmi ma yummak okvt Chihowa ha Ushi pulla hatuk vt annoa. 23 Alvm ak o isht ai unchululit mihinti ho, Chisvs vt hatak a toba tok a vlhtokowa annoa.

1. TIBELIUS Sesa yvt miko tobtv ahanta tok afvmmi ont isht auah tahlapik fehna, Pontivs Pailat vt Chutea yakni ap ehlich i ma, Helot vt Kalili ak o ap ehlich i ma, anonti itibapishi Filip vt Itulea, micha Hlakonitis yakni aiena ka ap ehlich i ma, Lisantias mvt Abilene ak o ap ehlich i ho,

2. Annas, micha Kaiafas ita tuklo kv na-holitompa isht asha i shahli yosh asha ho, Chihowa im anumpa hv Chan Sakalias ushi a yakni haiaka yo im ai ona tok.

3—6. Yvmohmi ma hopaii Esias im anumpa holisso ha a holihiso kv, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlech i: kolukbi puta mvt momvt ik alotá: mikma nvni h, micha nvni h hochito aiena moma kv akanlosit ik tahá: hina fullota atuk kia apissvt ik tobá: yohmi ma ai itilau i iksho ke tuk vt itilauit tahashke: yohmikma hatak moma kv Chihowa i nan okchalinch i a pisa he mak oke, achishke; ahanchi tok mak o, vummak okvt ai ashvchika puta ka isht a kashofa ch i ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma ch i hosh ok'a laua yvt ai vla ma, Sinti chilita isht-atiaka hvchia ma! na palvmmi mihinti ka hvsh i hlakofa hi a, kvta hosh hvchim anoli tuk oh cho?

8. Yohmi hokvt ile kostininchī ai it v̄lhpesa mak o v̄nit hvsh wayashke; micha, Himona Eblaham ak osh p̄iki yoke, acha hi okvno hvch ik il anukfillo kashke; Chihowa hv̄t tvli yak aiasha ka, Eblaham im vlla ya chī ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla yā ai itonla hoke; yohmi hatuk o iti yvt v̄ni achukma hō v̄nit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chī hō? achi tok.

11. Mihma afalaminchi kv̄t, Kvna hosh na-fohka yvt in tuklokmvt, kanima hosh ik im ikshokma ik in chv̄fali; mikma kanima hosh ilimpa hv̄t im āsha kv̄t, yohmi makinlashke, im achi tok.

12. Yohmi ma pv̄blikan v̄hleha hak kia baptisma chī hosh ai v̄la mvt, Nan-ithv̄nanchi ma! nanta hak o e katiohma chī cho? im achi tok.

13. Yohmi ma, Nana hvchim v̄lhpesa tuk vt atamblit hvch ik hoyo kashke, im achi tok.

14. Yohmi ma tv̄shka chipota v̄hleha hak kia i ponaklot, Mikma pishno ak osh nanta hak o e yvmohma chī hō? achi tok: yohmi ma yvmmak ash o, Hatak nana kia hvch ik o mahlantokmvt, anonti kvna kia a holv̄bit hvch ik wehpulo kashke; yohmikmvt na hvchim ai v̄lhtoba ma, V̄lhpiesa akinli hvsh aiahnashke, im achi tok.

15. Okla hv̄t nana ka pit hohoyo hosh āsha hatuk, atul osh hatak moma kv̄t, Chan a yvmmak osh Klaist mak okmā, keyukmā, nanta hō chishba? ahnit chukvsh a isht anukfielit okla aiasha ma,

16. Chan ash ot mominchit im anumpullit, V̄no yokvto oka yō isht hvchi baptismochi li mv̄hli; yohmi kia achv̄fa kv̄t a shahli fehna hosh mihinti ka i shulush isht-talakchi a v̄no vt hlitolī la hi o si ahoba keyu hoke; yvmmak osh Shilombish Holitopa, micha luak aiena hō isht hvchi baptismocha hi oke.

17. Yummak osh i nan-isht mvshahchi yvt ibbak a foyuka: yohmi kv̄t i nan-anihechi yatuk ma achukmali fehvt kashofa he; mikmvt onush atuk ma kanchak a pit asha-chikmvt, amba hakhlopish okvno luak vt moshola he keyu a isht hukma hi oke, ahanchi tok.

18. Micha okla hā nana inla mvt laua hō isht ai i mihivt, vbanumpa hā isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk, micha Helot vt nan ik vlhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vlhpesacho ke tuk moma kv̄t ilvppakma isht ai ibafohki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi asha hosh pvchi-yoshuba chiyuhmit vba mintit im vla ma, vba ya anumpa hv̄t auet takali kv̄t, Chishno ak osh sv̄so a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afv̄mmi pokoli tuchina ka ona foka hosh, peh im ahoba kv̄no, Chosef ak o ushi a tok: mihma yvm̄mvt Heli ak o ushi a tok.

24. Mihma yvm̄mvt Mahlat ak o ushi a tok: mihma yvm̄mvt Lefai ak o ushi a tok: mihma yvm̄mvt Melchi ak o ushi a tok: mihma yvm̄mvt Channa ak o ushi a tok: mihma yvm̄mvt Chosef ak o ushi a tok.

25. Mihma yvm̄mvt Mattahlias ak o ushi a tok: mihma yvm̄mvt Amos ak o ushi a tok; mihma yvm̄mvt Navm ak o ushi a tok; mihma sv̄mmvt Esli ak o ushi a tok: mihma yvm̄mvt Nakke ak o ushi a tok:

26. Mihma yvm̄mvt Maath ak o ushi a tok: mihma yvm̄mvt Mattahlias ak o ushi a tok: mihma yvm̄mvt Semei ak o ushi a tok: mihma yvm̄mvt Chosef ak o ushi a tok: mihma yvm̄mvt Chuta ak o ushi a tok:

27. Mihma yummvt Choanna ak օ ushi a tok : mihma yummvt Lehesa ak օ ushi a tok : mihma yummvt Solobabei ak օ ushi a tok : mihma yummvt Salahliel ak օ ushi a tok : mihma yummvt Neli ah օ ushi a tok :

28. Mihma yummvt Melchi ak օ ushi a tok : mihma yummvt Alli ak օ ushi a tok : mihma yummvt Kosam ak օ ushi a tok ; mihma yummvt Elmolam ak օ ushi a tok : mihma yummvt El ak օ ushi a tok.

29. Mihma yummvt Chose ak օ ushi a tok : mihma yummvt Eliesel ak օ ushi a tok : mihma yummvt Cholim ak օ ushi a tok ; mihma yummvt Mathlat ak օ ushi a tok : mihma yummvt Lefai ak օ ushi a tok.

30. Mihma yummvt Simeon ak օ ushi a tok : mihma yummvt Chuta ak օ ushi a tok : mihma yummvt Chosef ak օ ushi a tok : mihma yummvt Chonan ak օ ushi a tok : mihma yummvt Eliakim ak օ ushi a tok.

31. Mihma yummvt Melea ak օ ushi a tok : mihma yummvt Menan ak օ ushi a tok : mihma yummvt Mattahla ak օ ushi a tok : mihma yummvt Nahlan ak օ ushi a tok : mihma yummvt Lewi ak օ ushi a tok.

32. Mihma yummvt Chesse ak օ ushi a tok : mihma yummvt Obet ak օ ushi a tok : mihma yummvt Boos ak օ ushi a tok : mihma yummvt Salmon ak օ ushi a tok : mihma yummvt Naason ak օ ushi a tok.

33. Mihma yummvt Aminatab ak օ ushi a tok : mihma yummvt Alam ak օ ushi a tok : mihma yummvt Eslom ak օ ushi a tok : mihma yummvt Fales ak օ ushi a tok : mihma yummvt Chuta ak օ ushi a tok.

34. Mihma yummvt Chekob ak օ ushi a tok : mihma yummvt Aisaak ak օ ushi a tok : mihma yummvt Eblaham ak օ ushi a tok : mihma yummvt Hlala ak օ ushi a tok : mihma yummvt Nachol ak օ ushi a tok.

35. Mihma yummvt Saluk ak օ ushi a tok : mihma yummvt Lakau ak օ ushi a tok : mihma yummvt Falek ak օ ushi a tok : mihma yummvt Hebeh ak օ ushi a tok : mihma yummvt Sala ak օ ushi a tok.

36. Mihma yummvt Kainan ak օ ushi a tok : mihma

yummvt Alfaksat ak o ushi a tok: mihma yummvt Sem ak o ushi a tok: mihma yummvt Noah ak o ushi a tok: mihma yummvt Lamek ak o ushi a tok.

37. Mihma yummvt Mehlusala ak o ushi a tok: mihma yummvt Enok ak o ushi a tok: mihma yummvt Chalet ak o ushi a tok: mihma yummvt Maleleel ak o ushi a tok: mihma yummvt Kainan ak o ushi a tok.

38. Mihma yummvt Enos ak o ushi a tok: mihma yummvt Seth ak o ushi a tok: mihma yummvt Alam ak o ushi a tok: mihma yummvt Chihowa ak o ushi a tok.

CHAPTA IV.

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yo sinakak a nan ai ithvnanchi: 28 mihma okla hvt ik im vllpeso mvt, vbi bvna; 31 Chisvs vt Kapenarm a ona cha, nitak hullo ya nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 43 Kalili fullota ka vbanumpa ya isht ai anumpohonli.

1. CHISVS vt Shilombish Holitopa isht anukfokvt im alotowa hosh, Chatan vttvt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak ymma fehna ka nanasi kia vpa tok keyu: atuk osh yummvt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, teli ilvppvt pvska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka ho ai okchaya he keyu; amba Chihowa im anumpa moma kak ashke; achi kvh holisso hoke, im achi tok.

5. Mihma Setan ash ot yvmmak ash ilaelit nvni chaha

yō isht oiya cha, yakosi itin takla fehna hō miko apēhlichī puta yakni aisha ka mominchit ī haiakvchi tok.

6. Mihmvt Setan ash ot, Nan im aiahlika, micha im a holitopaka aiena ilvppa mominchit chima lashke; yvmmvk okvt vno ak o vmmi toba tok: yohmi ka kvna hō vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvt chimmi hashke, im achi tok.

8. Mihma Chisvs ash ot afalaminchit, Setan chia hvv vm ashaka yak o ish hikiashke; Chitokaka chin Chihowa yak o ī hvchukbihlepvt ish aiokpahanchashke; micha yvmmak illa hō holitoblit ish im antiashke; achi kvv hollisso hoka, im achi tok.

9. Mihma yvmmak ash ot Chisvs ash o ilaelit Chelusalem a ont isht chukowa cha, tempel wishakchi yō ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno a chi apesahancha chī ka, im enchil vhleha hā atohno na ibbak a okla vba isht takalihinchit chisht aya na nitak kanima kia chiyi yā tvli isht chik ai isso ka hi a, achi hosh hollisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa yā imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno ī filvmmi ia tok.

14. Yohmi ma Chisvs ash ot Shilombish nan-isht im aighli ka yvt anukfoyuka hosh falamvt Kalili a ona tok: mihma yvmma isht annoa kvv yakni yvmma a bilika a mominchit hlopulli tok.

15. Mihma yvmma ī sinakak a puta ka nan ai ithvnan-chit ahanta ma, momvt ahninchī tok.

16. Yohmi ma ai vttvt hofanti tok Nasalet mak o vla tok; mihmvt a yohmi atuk okvt, nitak hullo nitak a sinakak a ont chukowa cha, hollisso it im anumpula chī hosh wakayvt hikia tok.

17—19. Mihma hopaii Esaias i holisso hō ant ima tok: yohmi ma holisso hash wakummi mvt, yvmma a holisso kv̄t, Ilbvsha puta ka vbanumpa isht im anumpuli la hi a yvm-mak osh nan isht si ahvmmi tuk okv̄t, Chitokaka im i shi-lombish vt si onvtuyula hoke: chukvsh nukhaklo puta ha-tuk kia hopohl̄vchit, yuka vhleha hatuk ma isht a hlakofa he; mikma l̄pa puta yatuk mvt isht a hoponaya he, m̄icha issikkopa puta kv̄t āsha tuk a isht a mokofit, Chitokaka yv̄t aiokpahanchi afvmmi ma isht anumpohonli la hi o, si a tohno tuk oke, achi hō ahayuchi tok.

20. Micha holisso hash akamvli mvt, falaminehit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hv̄chi haksobish a isht hv̄sh haklo kv̄t ont aiahli hoke, im achit isht ia tok.

22. Yohmi ma moma kv̄t nan ia atokowa ma p̄sv̄t, anum-pa hochukma kv̄t itih h̄a a kohoncha ka okokko! aiahni tok: mihmvt, Ilvppvt Chosef ushi keyu hō? okla achi tok.

23. Mihma, Alikchi a chishno inlit ile hlakofichī: nana kv̄t Kapenavm a a yvmohmi na e haklo tuk okma, chī yakni ilvppak inli ma a yvmihchī, achi anumpa isht vlhpisa ilvppak o hvs sv̄m achi pulla chī hoke, im achi tok.

24. Mihmvt, Ahli pulla hō hv̄chim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aiahli mak o hv̄chim anoli li: Elias vt ahanta nitak a vba vt ai okshilitvt kv̄nia na afvmmi tuchina hv̄shi hannali; yohmi na hopoa chinta fehnvt a hlopulli ka, Israel okla h̄a ohoyo i hatak illi vt lauv̄t aiasha tok.

26. Yohmi kia yvmma achvfona kia im aya hi vt Elias vt ik vlhtoko: amba Saiton yakni Salepta tmaha, ohoyo i hatak illi yvmmak illa tok.

27. Micha hopaii Elisv̄s vt ahanta nitak a Israel okla h̄a leposi vbi kv̄t lauv̄t aiasha tok: yohmi kia yvmmak ash ot achvfona kia ik hlakofo hō, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mut, momvt anukhobelvt kunia tok.

29. Mihmut okla wakaya cha, yvmmak ash o tumaha ha kohcha pit chvffichi mut, itehpelvt aka pit kancha chi hosh ilaelit, in tumaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

31. Mihmut Kapenavm tumaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i foka hosh anta tok: atuk osh yvmmak ash ot chitolit tahpvt,

34. Ikikke! Chisvs Nasalet minti chia ha nanta ho isht e chi ahalaia cho? ish pissikkopala chi hosh ish la hoh cho? kva ho chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukchintot yvma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mut, nan ik kanehiho hosh a kohcha tok.

36. Yohmi ma okla moyuma mut nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mut, Saimon in chuka ont chukowa tok: mihma Saimon tekchi ishki vt yvnha fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mut, yvnha hash im olvbbi: yohmi ma yvmmak ash o yvnha hvt ai issvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt okvtula ma, ililli ilaiyuka isht abeka im asha tuk puta kvt momvt yvmmak ash o im ai ona tok; yohmi ma ibbak vt aieninchit mominchit isht umbitepvt hlakofihinchi tok.

41. Mihma nan-isht-ahullo okpulo puta kvt laua ka a kocha wiha mvt, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yvmmak ash im olvbbi mvt, ilap ak osh Klaist atuk a ithvna ka, yvmma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haia-ka yo ona tok: mihma okla hvt hoyot itvnowvt im ai ona mvt, ai i filvmmmit kanima ik aiyó ka chí h_o, im olvbbi tok.

43. Mihma tvmaha inla ak kia Chihowa apehlichika ya isht im anumpohonli la chí hoka, yvmmak a he mak osh aya li ha tok okvt, im achi tok.

44. Mihmvt sinakak pvta Kalili aiasha ka vbanumpa isht ai anumpohonli tok.

CHAPTER V.

Chisvs vt Saimon i peni yo fohkvt asha hosh okla h_a nan-ithvnan-chi, 1: 4 Saimon vt, Chisvs osh i mihvt nan anukfilli pulla ho, himona ka nvni l_awa fehna hokli: 11 mihma Saimon, Chemis, micha Chan aiena kvt Chisvs a apeha. 12 Chisvs vt leposi vbi yo hlakofichi: 16 atuk osh vba pit anumpula chí hosh haiaka ia; 17 mikmvt hatak palsi isht abeka yatuk a hlakofichi; 27 Chisvs vt Leifai nan im ai ithvna toba chí ka i miha: 29 micha pvblikan vhleha mikmvt hatak nan-ashvchi vhleha aiena ka yvmmvvt ai vlhpesa h_o ibai impa hatuk vt miha; 33 ilap nan im ai ithvna vhleha hvt kaniohmit nan i palvmma he anoli.

1. **ATUK** o yakohmi tok; okla hvt Chihowa im anum-pa h_a hakla chí kvt yvmmak ash atehlifichit kaiyanchi h_o, Chenesalet hohtak lapalika yo hikia;

2. Yohmi cha peni tuklo kvt hohtak lapalika ya takohnli na pisa tok: yohmi kia hatak nvni vbi vhleha hatuk vto a kocha wiha tuk osh nvni isht-hokli achvfa hosh m_aya ha tok.

3. Mihmvt peni achvfalit Saimon ak o immi yo pit chuk-

owa mvt, oka alaka takali tuk a kanvllichit mishemanchit pit takalicha hinla ka, im ahni tok. Mihmvt binili cha, peni yo fohkvt aasha hosh okla ha nan ithvnanchi tok.

4. Anumpuli kvt ont issa mvt, Saimon ash o, Ahofombika pit takalichi cha, nvni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il aasha na oyunna kvt nana ke hoklo ke tuk: yohmi kia chishno chim anumpa atuk oka, nvni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nvni lawa fehna ho hokli na i nvni isht hokli vt mitafa tok.

7. Yohmi ma im itapela vhleha hvt peni achvfa ya aasha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhhvt isht ivt okla tok.

8. Saimon Pita yvt yakohmi na pisa mvt, Chisvs iyikala ha ya pit tikinlit aka hlipivt, Hatak nan-ashvchi sia hoka a filvmmi, kanima ish iashke, Chitokaka ma! achi tok.

9. Himonna okvchit kohchi kvt, nvni yvt yohmi ho hokli kvt, ilapo, micha inla apehvt aya tuk vt momvt nukhlakan-cha tok.

10. Mihma Saimon im itapela, Sebate ushi, Chemis, micha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla ha hatak ak o ish hokla chi hoke, im achi tok.

11. Mihma i peni ash vhli ha okla ant itaiyali mvt, nana moma kvt aasha na issa cha, yvmmak ash okla iakaiya tok.

12. Atuk o yakohmi tok; yvmmak ash ot tmaha kani-ohmi ho anta tuk o, hatak vt leplosi isht ai vbi fehna hosh anta tuk osh, Chisvs a pisa mvt, hlipivt itola cha, im ilbvshvt Chitokaka ma! chishno vt vlhpesa ish ahnikmvt, is sa kashofa hinlvshke, im achi tok.

13. Mihma ibbak pit welit potoli mvt, Vlhpesa ahni lish-ke; chi kashofashke, im achi tok. Yohmi ma leplosi ash ot ashalika a mokofvt kvnia tok.

14. Mihma hatak nana kia ik im anolo ka chi ka i miha

mut, amba ivt na-holitompa isht vtta yak o ont im ile haia-
kvchi cha, na chi kashofa ka nan-isht-ai im atokowa mak o
Moses vt nan apesa tok a, nana ka ish bohlashke, im achi
tok.

15. Yohmi kia yohmi ha yak o isht i shahlit kanima mo-
ma ka yvmmak o ai annoa tok: yohmi ma im a haponakla
chi, micha haknip ik achukmo puta kvv a hlakofa chi hosh
okla chinto fehnvt ai itvnaha tok.

16. Mihma ilap illvt ai i mokofvt, yakni haiaka ona cha,
vba pit anumpohonli tok.

17. Atuk o yakohmi tok: nitak kaniohmi ho nana ithv-
nanchi hosh ahanta ma, Falisi vhleha, micha nan-vlhpisa
ithvnanchi vhleha aiena kvv Kalili yakni tmaha aiasha
moma, micha Chutea, mikmvt Chelusalem aiena ka asht
kohchvt aya kvv yvmma binohmaya tok: yohmi ma Chito-
kaka nan-isht im aiahlika yvt okla ma hlakoficha chi kvv ai
iklvnnvt takali tok.

18. Yohmi ma hatak kanohmi kvv hatak vt palsi vbi yo
potvlhpo ai it i sholit isht vla tok: mihmvt kaniohmit yvm-
ma pit isht chukowa cha, itikba ya ont bohla hinla kvv,
okla akostininchi bvnna tok.

19. Mihmvt okla hak osh laua fehna hatuk o, kaniohmit
pit isht chukowa hinla kvv ik akostinincho mut, aboha pak-
naka yo okla pit oiya cha, pit hlopullichit in topushi ash
fokit iklvnna ka Chisvs itikba ya pit bohli tok.

20. Mihma okla na yimmi ka pisa mut, Hatak chia kvv
na chim ai ashvchika yvt chi kashofa hoke, im achi
tok.

21. Mihma na-holissochi vhleha, micha Falisi vhleha
aiena kvv, Ilvppvt kvvta hokak osh Chihowa ik ahobalot
anumpuli cho? Kvta hosh nan-ai ashvchika ya kashofa
hinla? Chihowa ak illa keyu? aiahnit okla im anukfilvt
aiasha tok.

22. Yohmi kia yvmma im anukfila ha Chisvs vt im akos-
tininchi mut, anumpulit, Nanta mak o hvchi chukvsh anu-
kaka isht hvchim anukfila cho?

23. Na chim ai ashvchika puta kvv chi kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka yā ai im v̄lhpiesa hatuk a hvsh akostininha chī kak oka, im achi mvt, palsi v̄bi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt p̄isa na tanit ai onvtola tuk ash ishi mvt, Chihowa yā holitoblichit aiokpahanchit in chuka ia tok.

26. Mihma okla momvt nukhlakancha fehnt, Chihowa yā holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna hō eho piesvshke, achi tok ;

27. Atuk o nana kv̄t a yakohmi ha yā kohchvt ia mvt, pvblikan vt Lefai hohchifo hosh tvli holisso abohli yā asha na ont pisa mvt, Is si akaiyashke, im achi tok.

28. Mihma nana moma kv̄t asha na issvt wakaya mvt, iakaiya tok.

29. Mihmvt Lefai ash osh ilap in chuka akinli hō yvm-mak ash o impa chinto fehna im ai ikbi tok : mihma pvblikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia i na-holissochi v̄hleha, micha Falisi v̄hleha aiena kv̄to yvma nan im ai ithvna v̄hleha hā lumvt nana mihachit, Nanta katiohmi hō pvblikan v̄hleha, micha nan-ashvchi v̄hleha aiena ka it-ibai impvt, nan it ibai ishkot hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikehi a bv̄nna keyu ; amba abeka mak oh cha-tuk oke.

32. Hopoyuksa v̄hleha ak o hoyot aya li ha tok keyu : amba nan-ashvchi v̄hleha hv̄t ile kostininha chī kak atuk oke, im achi tok.

33. Yohmi ma, Nanta katiohmi hō Chan nan im ai ithvna v̄hleha hv̄to chekosikma nahullochit, v̄ba pit anumpuli aienvt ahāshwa, mikma Falisi v̄hleha nan im ai ithvna v̄hleha ak

kia yvmohmi akinli hokak o, amba chimmi hvto impvt nan-ishkot aiasa cho? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hv_t nukhaklot nahullocha hinla, hvsh im apesa vlhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhaklot nahullocha hi oke.

36. Mihmvt nan isht vlhpisa h_o aieninchit isht im anum-puli mvt, Hatak nan ak osh na-fohka himona a hlilafa ka na-fohka sipokni a akvlli chatuk keyu: yvmmak keyukma himona yvt hlilvffikmvt, anonti himona ya a hlilafa tuk okvt sipokni a ai it im vlhpesa he keyu hoke.

37. Mikma hatak nan ak osh oka paki himona ya shukcha sipokni yo pit vni chatuk keyu: yvmmak keyukma oka paki himona yash ot shukcha ya mitahlich_i cha hlayakma, anonti shukcha yash ot okpulo chatuk.

38. Amba oka paki himona yvt shukcha himona yo vlhto hok mak osh tuklot nan ik kanihmo chatuk oke.

39. Micha hatak nan ak osh oka paki siponki a ishko ha yvt ashalika himona ma bvnna chatuk keyu: sipokni ak osh achukma kv_t i shahlishe, achi hokvt, im achi tok.

CHAPTA VI.

Nana kv_t achukma he okvno nitak hullo kia isht anta he ai vlhpesa hatuk a, Chisvs vt anoli, 1 : 8 mihmvt ibbak shila yatuk a hlakofichi. 12 Chisvs vt ninak a vba pit anumpohonli na onna mvt, vbanumpeshi auah-tuklo ka atokoli; 17 yohmi mvt hatak abeka laua ka hlakofichi. 20 Hatak kaniohmi hosh holitopa he, mikma hatak kaniohmi h_o na-palvmmi kv_t onvtula he puta ka, Chisvs vt otv-nichi. 27 Pin tvnvp vhleha kia e holitoblit, nan isht ai achukma he puta ma il i yvmohma hi a Chisvs vt pi miha; mikmvt okla moyuma ka il i kana hi ak o, pim ahni; 37 hatak inla asha ka nan ik achukmo imma hokvno im anukfillit kil anumpulo ka hi a, pim avchi. 43 Iti a ilap vni akinli kak o isht ithvna chatuk: mikma hatak a ilap nana a kaniohmi kak o isht akostininchi chatuk.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmmona ho, yvmmak ash ot osapa taloha ha hlopullit aya tok: yohmi ma nan im ai ithv-na vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kv̄t, Nanta katiohmi ho nana ka nitak hullo nitak a a yohma he vlhpesa keyu kvno hvchi yvmohmi cho? im achi tok.

3. Mihma Chisvs ash ot afalaminchi mvt, Lewi vt ilapo, micha apehvt aya tuk aiena kv̄t hohchvfo mvt, nana a kani-ohmi tok;

4. Yohmi kv̄t kaniohmit Chihowa im aboha ha pit chu-kowvt, pvska otvnni a ishi cha vpa mvt, apehvt aya tuk ash kia ipeta tok: yvmmak oka ai vpa he vlhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmvt Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yvma asha tok.

7. Mihma na-holissochi vhleha, micha Falisi vhleha aiena kv̄t nan vlhpisa onocha chi hosh, nitak-hullo nitak a na hla-kofichikmá, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikiá, im achi tok Mihma yvmmak ash ot wakaya mvt, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okmá, keyukmvt nana ik vlhpeso yak o a yvmohmi kak okmá, ilhfiopak a okchalinchi kak okmá, keyukmvt tvbli kak okmá, nana kak osh ai vlhpesa hob cho? im achi tok.

10. Mihmvt filemvt okla hash o mominchit pisa mvt, hatak ash o, Chibbak a chisemochí, im achi tok: mihma yv-

mihchi tok : yohmi ma ibbak ash osh falamvt achukmvt taha mvt, in tennvp akinli hō chiyuhmi tok.

11. Mihma okla hvt anukhobela fehna tok : yohmi mvt Chisvs a nana hō kvnihcha chi kv̄t it i mihvt aiasha tok.

12. Mihma nitak yv̄mma foka ka, yakohmi tok : vba pit anumpula chi hosh kohchvt nv̄nih chaya yō ont oiya tok ; micha ninak a Chihowa pit im asilhvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yv̄mmak ash auah-tuklo hō ai atokoli mvt, yv̄mmak ash vbanumpeshi hochifo tok.

14. Saimon yv̄mmakma ilap ak osh Pita yō hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfers ushi Chemis, Saimon Selotes hochifo :

16. Michā Chutas Chemis itibapishi, mikmvt Chutas Iskaliot, yv̄mmak osh na haksichi yosh aiena tok.

17, 18. Mihmvt yv̄mmak ash ot awant akowa cha, yakni matali yō ant hikia ma, nan im ai ithvna yvt lāwa, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yō isht issikkopa yatuk aiena kv̄t yv̄mma im a haponakla chi, micha haknip ik in chukmo puta atuk vt im a hlakofohla chi hosh im ai vltv hlakofohli tok.

19. Mihma okla chito ash ot momvt, nan-isht a hlakofi vt yv̄mmak o a kohcha hosh mominchit hlakofichi hatuk oka, yv̄mma potoli bv̄nna tok.

20. Mihma ilap nishkin ash nan im ai ithvna vhleha hā isht on talohli mvt, Ilbv̄sha hv̄chia ma ! Chihowa apelhichika yak osh hv̄chimmi hokvt na hv̄chi yukpv̄shke.

21. Himonasi hokvno hohchv̄fot aiasha hv̄chia mvt, hv̄chi kaiya hi okvt na hv̄chi yukpv̄shke. Himonasi hokvno yahayvt hv̄sh aiasha mvt, hv̄sh yukpa hi okvt na hv̄chi yukpv̄shke.

22. Hatak Ushi pulla atuk mak o hatak puta mvt hv̄chi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilauechit kahancha hi oke: yohmikma na hvchi yukpvshke.

23. Yakeh! nan-isht-vlhtoba hvt chinto hosh vba ya hvchin tonla hokvt, nitak yvmma fehnakma, na ho yukpa: na hvchi yukpvt hvsh mvlashke: yvmma in tikba vhleha hvt hopaii puta ka yvmmak inli ho i yvmihchi beka tok oke.

24. Amba nan in laua hvchia hvtto nan-isht a hvchi yukpa ma hvsh pisa hokvt, na hvchi palvmmi mak oke.

25. Kaiya hvchia hvtto hvchi hohchvfa hi okvt na hvchi palvmmi mak oke. Himonasi a hvchi yukpa hokvto hvchi nukhaklot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlikma, na hvchi palvmmi mak oke: in tikba vhleha hvt hopaii ilahobi puta ka yvmmak inli ho i yvmihchi tok oka.

27. Amba hvsh haklo hvsh puta kvno hvchin tvnvp vhleha ma i hullot, hvchi nukkillikma nana achukma ho hvsh i yvmohmashke.

28. Nan ik vlhpeso isht hvchim anukfillit na hvchi miha-chi ya na-yukpali hosh anumpulit, anonti anumpa isht hvchi a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tvnvp ma pit ish i veli makinlashke: mikmvt kvna hosh chim anchi a chim ai ishi ka, chi na-fohka lumbo ma isha chi ka, chik i halanlo makinlashke.

30. Kanima hosh nan chim asilhha ka ish imashke; micha kvna hosh nana ka chim ai ishikma, falaminchit chik i hoyo kashke.

31. Micha hatak puta kvv hvchishno a a hvchi yohma hi a, hvsh aiahni hok mak osh, hvchishno ak kia mih-mak o hvsh ai i yvmohmi makinlashke.

32. Micha hvchishno a hvchi hullo na mihi yo hvsh i hullo hokvto, nanta ho isht a hvchi yukpa cho? nan-ashvchi vhleha hvt, kanima hosh ilap a i hullo hokvno i hullo chatuk akinli hoka.

33. Micha kanima kvv hvchishno a nana achukma ka isht a hvchi yvmohmi ho hvchishno mvt nan achukma ka isht

hvsh ai i yvmohmi hokvto, nanta hō isht hvchi yukpa cho ? nan-ashvchi vhleha ak kia yvmmvno yohmi chatuk oka.

34. Micha yvmmvt hvchim atobba hinla ka hvchim ahoba hokmak osh hvsh i-pota hokvto, nanta hō isht a hvchi yukpa cho ? nan-ashvchi vhleha ak kia yvmmak atuk ash inli ohmi hō isha chi kv̄t, nanashvchi bika ya i pota chatuk oka.

35. Amba hvchishno vto hvchin t̄v̄vp puta ka hvsh i hullo, mikmvt nana achukma hō hvsh yvmohmikmvt ; anonti nana kia isht ai vlhtoba hi a ik aiahno hosh hvsh i potashke : yohmikma isht a hvchim vlhtoba hokvto chinta he ; micha Nana moma imaiya im vlla hvchia ha hi hoke. Yvmmak okv̄t ilap a ik aiokpacho, micha nan vlhpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nukh̄aklo bano kv̄t, hvch Iki vt nan i nukh̄aklo bano yoka yvmmak inli hō hvsh chiyuhmashke.

37. Inla ya ik vlhpesachot nan hvch ik apeso kashke. Yohmik mak osh nan ik hvchim vlhpiso ka he mak oke : isht a hotopa he anumpa h̄a hvsh onochi ná : yohmikmak osh hvchishno vt isht a hotopa he anumpa hv̄t ik hvchi onv-tulo ka hi oke : inla ya i kashofit hvchim i haksashke ; yoh-mikmak osh hvchishno mvt hvchi kashofa hi oke.

38. Hvsh ihimashke : yohmikmak osh hvchishno mvt hvsh habihina hi oke : vlhpisa achukma, vlhtekv̄chit, mik-mvt faiokv̄chit it ai isso hosh ont atampvt hlahaya ho, hatak vt hvch il ai vskofv̄chi anukaka ya pit hvchim apitta hi oke. Nan isht vlhpisa hvchishno vt isht hvsh apesa tuk a, yvmmak inli hosh hvchishno ma isht hvchim vlhpisa hi oke, hvchim achi lishke.

39. Mihmvt nan isht apesvt anumpulit, Lupa yvt lupa ya halvllit isht aya hinla ? tuklot yakni chiluk kia pit ik kaho ka hinla hō ?

40. Nana ithvna vt nan ithvnanchi a i shahli chatuk keyu : amba nana ka imponv̄t aiahli hok mak osh moma kv̄t nan-ithvnanchi ak o ai itilaua hi oke.

41. Micha nanta katiohmi hō na hishonluk iskv̄tinosi kv̄t

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvv chi nishkin a foka ka ak chi kohchi, ish acha hinla cho? chishno chi nishkin akinli kvno iti chito yosh foka ka chik peso kvv; nan-ilahobi chia hoka, iti chito yak o tikba ishit chi nishkin a ish a koh-chashke; yohmikmak osh ish pisa achukma hosh ish itibapishi nishkin a nahishonluk iskvtnosi kvv foka ka ish kohcha hinla hoke.

43. Iti achukma kvv vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvninchi chatuk: hatak vt kvv hak o fik a ai vmo chatuk keyu: yohmikmvt bissvpi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlhpesa keyu kvto chukvsh a nana okpulo yosh i foka hatuk osh, nana kvv vlhpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchi mihha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvv, nana mihha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvlli hvv kvllot ai isso fehna tok: yohmi kia tvli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvlli hvv kvllot ai isso fehna tok: yohmi ma

chekosi makinli hō kinafa mvt, chuka yummvt okpulo kv̄t ai okluha tok, im achi tok.

CHAPTA VII.

Chisvs vt Kapenavm a ona cha, Sintulion na-yimmi ka ahninchī mvt, 1; 10 in tishu hā hlakofichi. 11 Nain a ona cha, ohoyo ī hatak illi ushi illi tuk a falaminchit tanichi. 18 Chan vt aboha kv̄llo foka mvt, yummak osh Klaist mak okma, keyukma, nana hatuk ma Chisvs a pit ī ponaklo: 22 mihma ilap vt nana kv̄t a fehna kia yummichi tok puta kv̄t Chisvs vt im anoli: 24 mihmvt Chisvs vt Chan a isht anumpulit atokowa ka anoli. 37 Ohoyo hv̄t nanashv̄chi yō ik yohmi, im aiahni na iyi yā nan-ahama a hv̄mmi; mihma ohoyo hash hopohl̄v̄chit nan im ai ashv̄chika yā ī kashofi.

1. OKLA hv̄t haponaklot aiasha na nana ka mihvt ont in taiyaha mvt, Kapenavm a ont chukowa tok.

2. Mihma Sintulion achv̄vt in tishu, yummvt ī holitopa chatuk osh, abeka cha, illā hosi tok.

3. Atuk osh Chisvs a pit haklo mvt, v̄la cha, in tishu hash hlakoficha hinla ka, pit im aiahni hosh, Chu okla in tikba vhleha hā pit in tihleli tok.

4. Atuk o yummak ash ot Chisvs a im ai ona mvt, im asilhha kv̄t achilita fehvt, Ilv̄ppa ai ī yvmihcha he v̄lhpiesa fehna;

5. Yummak okvt pim okla talaia hā pi holitoblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash onā hosit taha ma, Sintulion ash osh ī kana vhleha hā pit in tihleli mvt, Chitokaka ma! ayvt ik chim ahchibo kashke: chishno vt v̄m aboha yā ant ish chukowa he si ahoba keyu hoka.

7. Yohmi kv̄t anonti v̄no akinli hosh ayvt ont chi pisa la he si ahoba keyu kv̄t v̄m anukfila atuk oke: amba anum-pa bano hō ish mihakma, an tishu hatuk mvt hlakofa hinlv̄shke.

8. Ūno ak kia hatak tv̄shka chipota vhleha pehlichit ī shahli nutaka ahanta chatuk sia hoka: yohmi kv̄t achv̄fa ka, Iá, im achi likma, ia hoke: mikmvt inla ma, Mintí, im achi

likma, minti hoke : mikmvt an tishu ha, Ilvppa yakohmichí, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka haiyaklo mvt, pit im aiokpanchi fehmvt, filemvt hikia cha, apehvt aya tuk okla hash, Israel okla ha kanima kia na yimmi chinto yakohmi ka ak a pesoshke, hvchim achi lishke, im achi tok.

10. Mihma yvmmt yakohmit itvnowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok : tvmaha Nain hohchifo ho ia tok ; mihma nan im ai ithvna laua, micha okla laua aienvt apehvt ilhkoli tok.

12. Atuk osh tvmaha okhissa ya i bilika vla ma, hatak vt ohoyo i hatak illi yo ushi yosh, ishki a yvmmak osh i bano chatuk osh illi na okla sholit kohcha tok ; yohmi ma tvmaha okla hvt lauvt yvmma apehvt aya tok.

13. Mihma Chitokaka yvt ishki atuk a pisa mvt, i nukha-klo cha, Ish yaiya ná, im achi tok.

14. Mihmvt yvmmak ash ot ai onvtola kash ant potoli tok : mihma sholi tuk vt lumvt hielí tok. Mihma, Hatak himita chia hvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok ; mihma yvmmak ash ishki a pit ima tok.

16. Mihma okla moma ka nanukshopa kv́t ai anukfoyuka tok : mihmvt Chihowa ya holitoblichit aiokpahanchit, Hopaii chinto kv́t pitintakla ya a tobtv hikivshke ; micha Chihowa yvt im okla ha i nowvt ayvshke, okla achi tok.

17. Mihma yakohmit Chisvs isht ai annoa kv́t Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleha hvt nana kv́t a yakokmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmá, ak chu ? himmak pilla hak o inla yo e hoyo chi cho ? achi tok.

20. Hatak ash ot ayvt im it onachi mvt, Chan Baptist vt, Chishno ak osh aya he tuk mak o chia hokmá, ak chu ?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21 Mihma hvshi kanvlli vllhpisa yvmmak fehna ka haknip ik in chukmo, mikmvt ililli isht ai ilbvsha, micha shilombish okpulo ai i foka puta aiena kvt laua ho hlakofichi tok: mihmvt lvpa vt laua atuk a hoponayochi tok.

22. Mihmvt Chisvs vt afalamинchi mvt, Oh ia cha, nana ka hvsh pisa tuk, mihmvt hvsh haklo tuk aiena kvt Chan a ont oh im anoli; lvpa yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mvt falamvt tani, mihma ilbvsha ya vbanumpa hvt isht im anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kushak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in laua hokvto, hatak miko vhleha in chuka ak o aiasha cho kumo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvt hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tobrt ai vtta tok puta ka hopaii chito kvt Chan Baptist a imaiya kvt iikshoshke, hvchim achi lishke; yohmi ik nana kia moma ik lauwo hosh Chihowa apelhlichika yvno anta kvt, Chan a imaiya hoke.

29. Yohmi ma Chan a okla im a haponaklo tuk vt moyuma, micha ppublikan vhleha aiena kvt Chan a i baptismo ya isht a baptismot, Chihowa ya im aiahlichich tok.

30. Amba Falisi vhleha, micha nan-vllhpisa ithvnanchi

vhleha aien^u kuto ilapo yokvto yummak ash o ik im a baptismo, Chihowa nana im aiahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap bika it i howvt, Oskula ha e hvchim olachi ka, hvchik heh-loshke; illi isht taloa isht e hvchi yaiya ka, hvch ik yaiyoshke, ahanchi ho chiyumishke.

33. Chan Baptist vt pvska yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aighli chatuk oke, achi tok.

36. Mihma ibai impa hinla ka Falisi achvft im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tmaha ymma anta tuk osh, Falisi in chuka ya Chisvs vt asht impa na akostininchí mvt, a l a b a s t a kotoba nan-ahama balama elhto ho isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achift, anonti ilap noshko-bo pashi akinli ho ishit kasholinchí mvt, iyi a i suksohowvt, nan ahama balama ash o isht a hvmmi tok.

39. Mihma Falisi vt yummak ash o hoyo tuk ash ot, ymma pisa mvt, Hatak ilvppvt hopaii atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kvv vm ashvshke, im achi tok. Mihma

yvmmak ash ot, Nan ithvnanchi ma! ish mihashke, achi tok.

41. Mihma, Hatak nan-ahekvchi achvfa yvmma aheka im in takohnli kv̄t tuklo tok: achvfa kv̄to aheka yv̄t iskvli tahlēpa in tahlapikma, anonti achvfa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yvmmak ash ot i kashofi tok. Yohmi ka, Ūm anoli; katimampo kak osh yvmma i hullo kv̄t i shahlichā hinla cho? achi tok.

43. Saimon ash ot afalaminchī mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpestvchit ish anukfilli mv̄hlishke, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno vto saiyi isht achifa he oka kapvssa kia chik samo ke tuk: amba ilvppak okvto nishkin okchi yō saiyi ya isht achifa mvt, ilap noshkobo pashi ak o isht kasholihin-chishke.

45. Chishno vto chik sa sūksowo ke tuk: amba ohoyo ilvppak okvto, ilvppa ant chukowa li tuk takla ka, saiyi ya i sūksohōwa kv̄t ik iesoshke.

46. Chishno vto sa noshkobo hā nan-ahama isht chik sv̄m a hv̄mmo ke tuk; amba ohoyo ilvppak okvto saiyi ya nan-ahama isht ahv̄mmishke.

47. Yohmi hokvt, Nan im ai ashvchika yv̄t laua tuk vt kashofa hōke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t chī kashofa mak oke, im achi tok.

49. Mihma it apehvt asht impa tuk yvmmak ash ot, Ilvppvt kv̄ta hokak osh nan-ai ashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yv̄t chi okchalinchishke: na-yukpvt ish ayashke, im achi tok.

CHAPTA VIII.

Chisvs vt im anumpeshi vhleha, micha nan-isht im vtta vhleha ohoyc aienvt apihvt aya hq, vbanumpa isht anumpuli, 1. 4 Na hokchi isht vlhpisa anumpa; 6 micha yvmmak atuk vt vlbitvt achukma annoa. 16 Pula tohwikeli isht vlhpisa; 21 kva hosh Klaist im anumpa puta ka im antia hokvto, yvmmak o i kanomi fehna mak oke. 22 Chisvs vt kocha umba mahli kvlo ka yukobli; 26 mihmvt nan-isht-ahullo okpulo lava hq hatak achvfa ka a kocha weli: yohmi ma, shukha lokoli achvfa hq ont abeha chi ka, vlhpesa im ahni; 43 ohoyo issish ont ia vbi yatuk o hlakofichi; 49 mihmvt Chailvs ushetik illi tuk a falaminchit tanichi.

1. ATUK osh i himmakma yakohmi tok: tumaha, micha chuka lokoli puta aiena ka mominchit a hlopullit ayvt, vbanumpa isht anumpohonli; micha Chihowa apehlichika ai isht ilaiyukpa anumpa ha otvninchit isht anumpohonli tok: mihma auah tuklo kash ot apehvt aya ma,

2. Michi ohoyo kanohmi, yvmmvt shilombish okpulo puta, micha haknip ik in chukmo puta aiena tuk osh a hlakofi tok, Meli Maktalene hohehifo yvmmak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im asha tuk vt, Chisvs a isht apelvchi tuk vt apehvt aya akinli tok.

4. Okla lava fehvt tumaha moma ashvt minti kvt im ai itvnaha ma, nana isht apesa hosh im anumpuli tok.

5. Na hokchi vt i nanihi hokchit ia tok; atuk osh hokchi na, kanimi kvt hina lapalika yo kaha tok: atuk o a hvhlich; yohmi na hushi puta vba itvnova kvt ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kvt ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot awant offo cha, olvbbit ishi tok.

8. Yohmi ma inla kvto yakni achukma hō ai o kaha tuk osh offot, nihi achvfa tuk kia tahlepa achvfa vnit waya tok: ilvppa puta ka achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vbleha hash ot, Ilvppvt nan-isht vlhpisa katiohmi ha hinla hoh cho? achit i ponaklo tok.

10. Mihma, Hvehishno ano Chihowa apelhichika ya nana kvt ik otaiyano ke tuk a hvsh akostinincha he mak osh hvchim vlhpisa hoke: amba inla ka yokvto pisa kia, pisa he keyu; mikmvt haklo kia, ik akostinincho ka chi hō nan-isht vlhpisa anumpa ha chi ha tok.

11. Nan-isht vlhpisa kvt ilvppak oke. Na-nihi ak osh Chihowa im anumpa mak oke.

12. Hina lapalika kaha kvt, anumpa ha haklo kak oke: yohmi ma Setan vt ayvt, okla yimmit ik okchayo ka chi ka, anumpa ha chukvsh ash a kohchit im ishi chatuk oke.

13. Tvli yo ai o kaha kvto, anumpa ha haklokmvt, na yukpa hosh ahninchu kak oke; yakohmi kak osh hakshish vt iksho; yohmi hosh chekosi takla hokvno yimmi tuk osh, nana kvt ont a palvmmikma, mokohli hoke.

14. Mikma kvti foka yo a kaha kvto, anumpa ha haklo tuk kia, yakni pakna ahantvt nan-isht a kanihmi puta, mikmvt nan in laua bvna, micha na-washoha puta isht a nukfoyuka kak osh ai im olvbbi na vnit ahlit ik wayo kak oke.

15. Amba yakni achukma yo ai o kaha kvto, yvmmtv chukvsh achukma aighli mak osh anumpa ha haklokmvt, ieszit achunanchi cha, vnit waya kak oke.

16. Hatak nan ak osh pula ha luachi mvt, nan-aihlto yo isht ompohomokmá, keyukmvt topa nutaka yo pit tala-likmá, nana chatuk keyu; amba kvna hosh ant chukowakmvt tohwikeli ka pisa chi ka, pula ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iksho:

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kvt, Ahah! hvsh ahnashke; kuna hosh ishi hokmak o, mihi yo ima hi oke: mikmvt kuna hosh ishi keyu tuk mvno, mihi yo ishi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi vhleha aiena kvt im ai vla kia, okla hak osh atehlefvt kunia hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kvt chi pisa bvna hosh, kocha ya hiohmayvshke, achit im anoli tok.

21. Mihma yvmmak ash ot afalaminchi mvt, Chihowa im anumpa ha haponaklo cha, mihi yo ai yvmohmi vhleha ilvppak osh vshki, micha itibapishi li vhleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithvna vhleha hash ai it apehvt peni ont chukowa tok; mihmvt, Okhvta mish-tvnnvp ak o pit eho tanvblashke, achi tok. Mihma peni ash okla oka tobli tok.

23. Atuk o yakohmit peni a asht itvnova ma, yvmmak amo nusi tok: atuk o mahli chito kvt okhvta hash on itu-yula; yohmi ma oka yvt ibai alota na ai isht-kvnvpt ai i palvma he pullvt aiasha tok.

24. Yohmi cha okla onvt yvmmak ash okchvli mvt, Pithvnanchi ma! Pithvnanchi ma! pilli mak oke, achi tok. Mihma yvmmak ash ot tani cha, mahli micha oka poakvchi aiena kash im alvmmi tok: mihma yvmmak ash ot yokopa na chulusvt talaia tok.

25. Mihma yvmmak ash ot, Na hvchi yimmika mvto? im achi tok. Mihma okla nukshopa hatuk okvt, nukhlakanchvt, Ilvppvt hatak katiahmi mak oh cho? ilvppvt mahli, oka aiena kak kia nan i miha ma, im antivshke, it im achit maya tok.

26. Atuk osh Katalenes okla i yakni Kalili auet i chapa ka talaia ka, okla ont ataiya tok.

27. Yohmi na yvmmak ash ot pit kohchvt ia ma, hatak achvfa kvt nan-isht-ahullo okpulo puta kvt ai i foka tok ho-

paki hosh, na fohka kia fohka chatuk keyu, mihmvt chuka y_o ai v_tta chatuk keyu, amba hatak illi aiasha yak o ai v_tta chatuk osh, tmaha h_a a kohchvt aya hosh afama tok.

28. Mihmvt Chisvs a pisa mvt, chitolit tahpva mvt, yvmmak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia h_a, vno vt nanta h_o isht chi ahalaia li cho? chik sylvshalo ka ch_i mak o, chim asilhha lishke, achi tok.

29. Yvmmak okvt shilombish okpulo vt hatak ash a kohcha ch_i ka, im apesa ha tok. Yvmmak okvt himonna haksinchit hohokli beka tok; yohmi hatuk a yvmmak okvt tvli ita-takvli, micha iyi ai vlhpitta tvli aiena isht talakchi h_o okla apesvchi ha tok: yohmi kv_t isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hohchifo hv_t nanta h_o? achi tok: mihma yvmmak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka ch_i ka, okla im asilhha tok.

32. Yohmi ma nv_nih pilla yvmmak oka shukha laua yvt ai impa hosh aiasha tok: yohmi ma yvmmak o okla ont abeha ch_i ka vlhpesa, im ahn_a ch_i ka, im asilhha tok. Yohmi ma vlhpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mvt, shukha yash o ont chukowa tok. Yohmi ma shukha laua yash osh nv_nih chakpatali ka asht aka pit yihlepa fehvvt, okhvta ont ai oka kahvt, nuksakkit illi tok.

34. Yohmi ma yvmma apesvchi vhleha hv_t nana kv_t ai yvmohmi ka pisa mvt, yihlepvt ivt, tmaha mikmvt haiaka aiasha tuk aiena ka ai im anoli tok.

35. Yohmi ma nana kv_t ai yvmohmi tuk ash okla pisvt ilhkoli tok. Atuk osh Chisvs ash im ai v_a cha, hatak nan-isht-ahullo okpulo puta kv_t a kocha wiha tuk ash, ilefoka fohka cha, im anukfila mvt hopoyuksa achukma hosh,

Chisvs iyi ituma ya binili ho okla pisa tok : yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvt nanukshopa chinto kvt ai onvtuyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kvt a kocha wiha tuk hatak ash ot awant aya hinla kvt, im asilhha tok : yohmi kia Chisvs ash ot, Chin chuka yak o falamvt ish ona cha, Chihowa hvt nana chinto nana mak o a chi yvmihchi tuk a, ont ish anolashike, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, tvmaha hash mominchit ai anoli tok.

40. Atuk o yakohmi tok ; Chisvs ash ot falamvt vla ma, okla hvt momvt hoyo hosh aiasha tuk okvt, okla na yukpvt aiokpvchi tok.

41. Yohmi ma hatak vt Chailvs hochifo hosh, sinakak apesvchi yosh vla tok ; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh aya ma, okla chinto kvt ai a folublrit knia tok.

43. Yohmi ma ohoyo hvt issish um-bokafa tok afvmmi auah-tuklo hatuk osh, nana im asha tuk a mominchit alikchi puta kak o ai ataiyaha kia, achvfona ma a hlakofa he mvt iksho hosh, aya tuk osh,

44. Im ashaka ona cha, im anchi aposhokvchi ya pit potoli tok : yohmi ma ashalika issish ont ia tuk vt i hokofa tok.

45. Mihma Chisvs vt, Kvta hosh sa potoli cho ? achi tok. Kvna hatuk keyu ka momvt miha ma, Pita yvt, micha apehvt aya tok aiena kash ot, Pi shahli ma ! okla chito vt chi a folublrit chi atehlifichi fehna hokak o, Kvta hosh sa potoli, ish achi cha ? achi tok.

46. Mihma Chisvs ash ot, Kvna hosh sa potoli tuk, nan-isht aiahlika yvt a si a kohcha ka akostininchí li hoka, achi tok.

47. Yohmi ma ohoyo hash ot ilapvt luma keyu kv akostininchí mvt, wvnihinchit ona mvt, itikba ya aka ont hlipia cha, nana kaniohmi hō yvmmak oka potoli tuk, micha kaniohmit ashalika hlakofi tuk aiena kv okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa biega anukfoyuka hosh ish ayashke, im achi tok.

49. Yvmmak okvt anumpuli moma hō, sinakak apesvchi in chuka ya achvftv minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmí, mikma yvmmak okvt hlakofa chí hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvli tok.

54. Yohmi ma yvmmak ash ot mominchit kohchichit tahli mvt, yvmmak ash ibbak a halvlli cha, i howvt, Ohoyo himita ma! taní, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyá hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi o i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula **chi**, micha nana kv̄t isht ahullo fehna kia yvmihchi a puta hosh im ai vlhpesa hatuk vt otv̄ninha **chi** h̄o, pit tihleli, 1. 7 Helot vt, Chisvs a pisa b̄vna. 17 Chisvs vt p̄ska lumbo tahlapi, micha n̄vni chipunta tuklo aiena tuk a, hatak tahlepa sipokni tahlapi ka imp̄vchi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti falamvt tana he aiena kv̄t tikbanli anoli: 23 yohmi m̄vt nan im ai ith̄vna v̄hleha ilapa holi-tobli pulla kv̄t, ile kaiyancha he, micha na-palv̄mmi puta ma pisa **chi** aiena kv̄t im vlhtaha hi a, i miha. 28 Chisvs vt v̄ba pit anumpula **chi** hosh n̄vni chaha pit oiya atuk osh, v̄ba pit anumpulit ahanta moma hosh pisa ka inlv̄t toba. 37 V̄lla yosh nan-isht-ahullo okpulo isht abeka tuk a Chisvs vt hlakofichi: 43 mihm̄vt anonti ilap i palv̄mm̄t illa hi vt tikbanli anoli; 46 nan im ai ith̄vna v̄hleha hv̄t ilap na-fehna b̄vna im anukfila puta ka im oktv̄bli: 51 Sa malia okla hv̄t Chisvs a ik aiokpacho kv̄t okla illit taha **chi** ka, Chemis, Chan, Ita-tuklo kv̄t ahni ma, Chisvs vt nan isht i miha; 57 hatak kaniohmi kv̄t chukv̄sh a mominchit isht im antia he keyu kv̄t āsha hatuk o, nan i miha.

1. ȲUMOHMI m̄vt ilapo nan im ai ith̄vna v̄hleha auah-tuklo kash hoyot itahobi m̄vt, nan-isht-ahullo okpulo puta imaiyvt, mikm̄vt abeka ilaiyuka puta ma hlakofihinja **chi** ka, nan aiahlika ya isht im apesa tok.

2. Yohmi m̄vt, Chihowa apehlichika yoka isht anumpo-honlit, anonti abeka puta ma hlakofihinja **chi** mak o pit tihleli tok.

3. Yohmi m̄vt, Itv̄nowvt hv̄sh aya kv̄t tubi kia, mikm̄vt shukcha, micha p̄ska, anonti tv̄li holisso, ilefoka lumbo m̄vt tuklo aiyyuka, peh nanasi kia hv̄ch ik īsho kashke.

4. Mikm̄vt chuka nana h̄o ont hv̄sh chukowakm̄vt, yvm-mak o hv̄sh ah̄ashwa tuk osh, kohchvt hv̄sh iashke.

5. Micha kv̄na kia ik hv̄chi aiokpachokma, tv̄maha yvm-ma a kohchvt hv̄sh iakm̄vt, nan-isht im atokowa mak o hituk tohbi ka hv̄ch iyi ya tahtulit hv̄sh a kanchashke, im achi tok.

6. Mihma okla ivt tv̄maha puta ka hlopullit ayvt, v̄ba-

numpa isht anumpohonlit, kanima moma ka abeka a hlakofichit itnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kv̄t, Chan ak osh illi tuk vt falamvt tani tuk, achi ma; anonti kanimi kv̄t, Elias ak osh ant haiaka, achi: mihma inlaka mvt hopaii vhleha tikba ya tok ak osh achv̄vt falamvt tani hoke, achi hoka, katiohmi ahnit ik im v̄hpiesot im anukfila tok.

9. Mihmvt Helot ash ot Chan ano noshkoba h̄a tvbli li chamo: amba na yakohmi puta a hahaklo li ka yummak osh kv̄ta hoh cho? achi tok. Mihmvt yummak ash pisa bv̄nna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yummak ash ot pehlinchit il a lumvt, naksika tmaha hohchifo Betsaita ai i bilika yakni haiaka yō ia tok.

11. Mihma okla hv̄t akostininchi mvt, yummak ash o pit iakaiya tok; mihma yummak ash ot im aiokpahanchit, Chihowa apehlichika isht im anumpohonlit, yummak okvt hla-kofi bv̄nna hokv̄no hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai v̄lv̄t, Yakni haiaka yō il aiasha hoka, okla laua yā ish in tohno na ilhkolit tmaha puta, micha a kocha chuka hiohli yakni auct a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yummak ash ot, Impa oh ipetá, im achi tok. Yohmi ma, Pvska tahlapi, mikmvt nv̄ni tuklo aiena misha keyu hosh pin chiyvshke; kanima yō ivt okla moma ilv̄ppa ilhpak a kil in chumpo hokmvt, okla achi tok.

14. Yohmi ka hatak vt tahlepa sipokni tahlapi foka ha tok. Yohmi ma nan im ai ithv̄na vhleha hash o, Pokoli tahlapi aiyyukt ia hō ho binohlichí, im achi tok.

15. Yohmi ma yvmihchit, mominchit okla binohlichí tok.

16. Yohmi ma yummak ash ot pvska tahlapi, micha nv̄ni tuklo aiena kash o ishi cha, pit vba chakalit aiokpv̄chi cha, tushahlichí mvt, okla laua yā in talohla chí hō, nan im ai ithv̄na vhleha hash pit ima tok.

17. Mihma okla impvt momvt kaiya tok; mihma okla im atampa tuk a, boshulli yvt kishi auah-tuklo hō okla aiowa tok.

18. Atuk o yakohmi tok: nan im ai ithvna vhleha ak illa hosh apiha hō antvt, vba pit anumpuli tok: atuk osh yvm-mak ash o i ponaklot, Okla hvto vno vt kvta sia hō achi hō? achi tok.

19. Yohmi ma afalaminchi mvt, Chan Baptist; amba kani mi kvto, Elias ak o achi: mikma inlaka yvto, Hopaii vhleha tikba ya tok ak osh achvvt falamvt tani hoke, okla achishke, achi tok.

20. Amba, Hvchishno vto vno vt kvta sia hō hvsh achi hō? im achi ma, Pita yvt afalaminchit, Chihowa i Klaist á, achi tok.

21. Yohmi ma yvmma hatak nana kia okla ik im anolo ka chi ka, achukmalit kvloochit i miha mvt,

22. Hatak Ushi yokvt nan isht ai ilbvsha kv in laaa chi, yohmikmvt hochitoka vhleha, micha na holitompa isht asha pehlichich vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakaiyashke.

24. Kvna kia ilap im ilhfopak a okchalinchich bunna hokmvt, i kvnia hi oka; amba kvna hosh vno pulla hatuk mak o im ilhfopak vt isht i kvnia hokmvt, mihi yosh il im okchalinchich hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchich hokmvt, nanta hō isht ilaiyukpa hinla cho?

26. Kvna hosh vno, micha vm anumpa puta aiena ka i hofahya tukma, mihi yō Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit ayvt vlakmvt, i hofahya hi oke.

27. Yohmi kia Chihowa apehlichika ya pisa ha keyuk

mut, illa chi keyu kvt ilvppa kanimi mut hiohmaya hoke :
ahli mak o hvchim anoli lishke, achi tok.

28. Ilvppa puta ka ahanchi tuk ash nitak ont isht untu-
 china foka ma, Pita, micha Chan, mikmut Chemis aiena ka
 pehlich cha, nvnih chaha yo vba pit anumpula chi hosh ia
 tok.

29. Atuk osh vba pit anumpuli ma, nashuka yvt inlv
 toba ma, i na-fohka yvt tohbit shohmalili tok.

30. Yohmi ma hatak tuklo kvt, yvmmt Moses, micha
 Elias ita-tuklo mak osh yvmmak ash ant im anumpulit okla
 tok.

31. Yvmmak okvt nan-isht a holitopa ahli ka il aieshi
 hosh ant otaiyanit okla cha, yvmmak okvt Chelusalem a ai
 illa hi a, isht anumpohonlit okla tok.

32. Yohmi kia Pita, micha inlaka aiena ymma apehvt
aya tuk ash ot nosilhha fehna tok : atuk osh okla ont okchvt
 taha mut, isht-a holitopaka yash, micha hatak tuklo kvt
 apehvt hiel i tuk ash aiena ka okla pisa tok.

33. Atuk o yakohmi tok ; yvmmak ash ot ai i filvmmi
 tamvt okla ma, Pita yash osh Chisvs ash, Pi shahli ma !
 ilvppa e maya kvt pim achukmvshke : yohmi ka vlhtipo
 tuchina ka il ikbashke, achvfa kvt chimmi hokma, anonti
 achvft Moses ak o immi hokma, anonti achvfa kvto Elias
 ak o immi hashke, achi tok : yvmmak o miha li, ahni keyu
 hosh :

34. Yvmmak ash ot yakohmichit anumpohonli moma na-
 hoshonti aya kvt, ant o hoshontikachi tok ; yohmi ma ho-
 shonti anukaka ya pit chukovvt ia kvt, okla nukshopa tok.

35. Yohmi ma hoshonti anukaka ya auet ai anumpa kvt,
 Ilvppak osh Svso a holitopa mak oke, hvsh i haponaklashe,
 achi tok.

36. Atuk o anumpa hash ot ont taha ma, Chisvs ak illa
 hosh hikia na okla pisa tok. Yvmohmi ma nana yakohmi
 kash okla nana ik achot, nana ho pisa tuk vt achvfonvchi
mut hatak nana kia nitak ymma foka ka ik im anolo beka tok.

37. Atuk o yakohmi tok : ont onna ma nvnih hash okla
 asht akovvt minti ma, okla lava kvt ont afama tok.

38. Yohmi ma okla ha takla aya tuk vt hatak achvfut chitolit mihvt, Nan-ithvnanchi ma! svsso ha ish pisakbano chim ahni lishke, vm vlla yvt yvmmak bano hatuk oke.

39. Yohmi ho shilombish okpulo yvt ishikma, ashalika talpahanla hoke; mikmvt haiochichehit itukpokpokihinchi beka hoke: yohmi kvt kaniohmit i filvmma he keyu chohmit, haknip litolit hotopahanlishke.

40. Yohmi ho na chim ai ithvna vhleha hak o yvmma kohchicha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-ahli ai i shanaia fehna okla hvchia ma! hvch iba takla ahantvt, nana ka isht ak ahno ho katiohmi foka chi cho? Chiso ha ilvppa ishit minti.

42. Mihma ishit minti hosh aya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alvmmi cha, vlla yash hla-kofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kvt nana ka Chisvs vt ai yvmihchi tuk puta kash momvt, okokko! okla aiahnit maya takla ma, yvmmak ash osh ilap nan im ai ithvna vhleha hash,

44. Anumpa ilvppa puta kvt hvchi haksobish atuk ma ik a fohoka, hvsh ahnashke; Hatak Ushi yokvt hatak puta ibbak a i foyuka hi oke.

45. Yohmi kia anumpa ilvppa okla ik akostinincho ki tok: mihma na miha kash ik im ai otano; yohmi hoka yvmmak ash okla ik ai ithaiyano ki tok: mihmvt anumpa yvmmak ash im asilh hvchi okla nukwia tok.

46. Yohmi ma, Katima kak osh holitopa kvt moma i shahla hinla hoh chishba? ahnit okla isht im ai anukfilvt maya tok.

47. Mihma okla chukvsh nan im anukfila ha Chisvs vt im akostininchi mvt, vlla yo ishit, il a bilikvehit binilichi tok.

48. Mihmvt, Kvna hosh vlla ilvppa vmmi hohchifo ho ahninchhi hokvto, vno ak o si ahninchhi hoke: mikmvt kvna

hosh vno a si ahninchí hokmvt, yummvt auet sa kanchi tok ma pit ahninchí hoke: kanima hosh moma ik a lauwo kv̄t hv̄chi takla ahanta hokvto, mihi yosh moma i shahla hi oke, im achi tok.

49. Mihma Chan vt afalaminchi mvt, Pi shahli ma! achvfa hosh chí hochehifo h̄a nan-isht-ahullo okpulo puta ka ishít kocha weli hosh anta h̄o e p̄isa tuk: yohmi kia yummak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hv̄ch ik im alammo kashke: kv̄na hosh p̄i sanalit anta keyu hokvto, pibai achvfa hoke.

51. Atuk o yakohmi tok: yummak ash o aiokpanchit vba ya isht ia chí nitak vt ont v̄lhpiesa hatuk o, Chelusalem a ia chí kv̄t ai anukfoyukvt nashuka ya pit filimmi tok.

52. Mihmvt nan ont im atahla chí ho, anumpa shali v̄hleha h̄a tikba pit tihleli tok: yohmi na okla ivt Samalitan okla in tvmahushi o ont chukowa tok.

53. Yohmi ma yummak okvt Chelusalem a ia h̄o fehna nashuka yatuk o, okla ik aiokpacho ki tok.

54. Yohmi na nan im ai ithv̄na Chemis, micha Chan ita tuklo kv̄t yakomi ka pisa mvt, Chitokaka ma! Elias vt yvmihchi tok akinli h̄o chohmichit, pishno mvt luak vba minti kv̄t aka itula cha, okla ilv̄ppa hushmit tahla chí ka il im apesa hinla ka, ish ahni cho? achi tok.

55. Mihma yummak ash ot filemvt im alvmmi mvt, Hv̄chi chukvsh ai im anukfila a kaniohmi hosh hv̄sh aya kv̄t hv̄ch ik ithanoshke.

56. Hatak Ushi vt hatak puta ka vba chí hosh aya ha tok keyu, amba okchalíncha chí ha tok oke, achi tok. Mihma ilhkolit tvmahushi inla yo ona tok.

57. Atuk o yakohmi tok; ia hosh okla itv̄nowa ma, takla ya hatak achvfv̄t, Chitokaka ma! kanimak fehna chik aya kia, vno vt chiakaiya la chí hoke, im achi tok.

58. Mihma Chisvs ash ot, Chula puta kv̄t chiluk vt im ai ashakma, vba hushi puta kv̄t v̄lhpichik vt im asha hoke: amba Hatak Ushi okvto noshkobo h̄a kanima a bohla hi v. ik im iiksho hoke, im achi tok.

59. Mihmvt inla yo, Is siakaiyashke, im achi tok. Yoh-

mi kia yummak ash ot, Chitokaka ma! vllhpesa, vm ahni na ivt, aki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apelhichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kv, Chihowa apelhichika ya ahalaia he vllhpesa keyu hoke, achi tok.

CHAPTA X.

Chisvs vt nan im ai ithvna vllheha pokoli untuklochit vbanumpa isht anumpula chi, micha nana kv a fehna kia yvmihchi puta hosh im ai vllhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vllhpesa hatuk a, Chisvs vt im anoli; 25 Chisvs vt nan-vllhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vllhpisa yummak o, ilapvt in chuka panta hatak puta ka isht ithana he mak o isht im anumpuli.

1. NANA kv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyyukachit tuma-ha puta, mikmvt kanima yo ilapo vt ai ona hinla kv, tikbanli pit tihleli tok.

2. Yvmohmi hatuk osh na-way a yvt ai-vlmo-ona hokvto laua mvhli ho, amba na-toksvli vllheha hak osh chvbehasish ke: yohmi hoka na-way a yvt ai-vlmo-ona ka in Chitokaka ya hvsh im asilhahanchi na na-toksvli vllheha ha i na-way a yvt ai-vlmo-ona ka pit apittashke.

3. Hvsh itvnowashke: yakeh! chukvllhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holissc ai-vlhto, micha bahta, mikmvt shulush

aiena ka isht hvch ik ayo kashke: micha hina takla ya hatak nana kia hvch ik aiokpacho kashke.

5. Mikmvt chuka nana ho ont hvsh chukowa kvt nan tikba, Na-nanaiya kvt chuka ilvppa ant iba fokashke, ahnit hvsh mihashke;

6. Mikma na-nanaiya ushi vt yvmma anta tukma, nan-isht hvsh il a nanaiya mvt ai onvtuyulashke: amba keyukmvo, nan-isht hvsh il a nanaiya yvt hvchi falama hi oke.

7. Mikmvt chuka yvmmak ash inli ho ahashwvt, peh nana hoh kia hvch ipetakma, vprt hvsh ishkashke: toksli vt im vlhtoba he ak osh im ai vlhpesa hoka. Chuka vbaiyvchit hvch ik itvnowo kashke.

8. Mikmvt tmaha nana ho ont hvsh chukowa ka, okla hvchi aiokprchikma, impa nana hosh hvchi tikba talaia hokma, hvsh pashke.

9. Yohmikmvt abeka yvt yvmma ashakma, ho hlakofichi: yohmikmvt Chihowa apehlichika yvt hvch i bilika vlshke, hvsh im achashke.

10. Amba tmaha nana ho ont hvsh chukowa na ik hvchi aiokpachokma, yvmmak ash a kohchvt ivt, hina bvshkvchi puta ka hvsh ona cha,

11. Hvchin tmaha i hituk tohbi vt pi a lapali tuk a, hvchi o kashofit e kanchishke: yohmi kia Chihowa apehlichika yato hvch i bilika vla hoka, hvsh ithaiyanashke, hvsh im achashke.

12. Yohmi kia nitak yvmma fehnakma Sotom vt im ahleka hoh kia pit im vlhpisa kvt, tmaha yvmma i shahla hi oke.

13. Kolasin ma! na chi palvmmi mak oke; Betsaita ma! na chi palvmmi mak oke; na-fehna puta kvt hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli ho na-pashi tvnna fohka cha, hituk chubbi anuka binoh-mayvt ile kostininha hi a tok oke.

14. Yohmi kia nan ai-vlhpisa chinto nitak okvno Taia, micha Saiton ita-tuklo kvt im ahleka hoh kia pit im vlhpisa kvt, hvchishno a i shahla hi oke.

15. Yohmikma Kapenavm chia hv̄t shutik ak ƿ ont ish talaia tuk vt, aka iv̄t ai-okpuloka mak ƿ pit ish a kv̄nia hi oke.

16. Mikma kv̄na hosh hv̄chi haponaklokmvt, vno ƿ ƿ ha-ponaklo hoke: mikma kv̄na hosh hv̄chishno ƿ hv̄chi shitile makmvt, vno ƿ sa shitilema hoke: mikmvt vno ƿ sa shitile makmvt, auet sa kanchi tok ƿ shitilema hoke.

17. Yvmohmi tuk ƿ pokoli untuklo kash osh na yukpa hosh falamvt ai v̄la mvt, Chitokaka ma! chi hohchifo pulla kak ƿ nan-isht-ahullo okpulo puta kak kia pim antih̄iyvshke, achi tok.

18. Mihma yvmmak ash ot, Setan vt malv̄tha kv̄t vba vttvt aka minti chatuk a, chiyuhmi h̄ƿ pisa li kv̄no.

19. Yakeh! sinti chilita puta, mikmvt halambia puta aiena ka hv̄sh a hv̄hlih̄inchi: micha na tv̄v̄p nan-isht ai im ƿh̄li ka ma mominchit a hv̄sh imaiya chi mak ƿ nan isht aighlika ya hv̄ch ima lishke: yohmi ka nana hosh a kaniohmit hv̄chi hotopala hi vt iksho ka hi oke.

20. Yohmi kia shilombish okpulo puta kv̄t hv̄chim antia ilv̄ppak okv̄no nan ik hv̄chi yukpo kashke; amba hv̄chi hohchifo puta kv̄t vba ya a holisso, yvmmak ƿ na hv̄chi yukpa v̄lhpesa hoke, im achi tok.

21. Hv̄shi kanv̄lli v̄lh̄pisa yv̄mma fehna ma Chisvs vt ch̄ukv̄sh na yukpa mvt, Aki, vba, mikmvt yakni ita-tuklo in Chitokaka ma! na yakohmi puta ka na kostini, micha nan-ithv̄na aiena kv̄no ish in luhmi tuk osh, v̄losi puta h̄ƿ ish im otv̄n̄inchi hoka, yak oke, chim aiahni lishke, v̄lh̄piev̄shke, Aki ma! yvmmak osh chim v̄lh̄piesa hatuk oka:

22. Nan okluha ka Aki vt sv̄bbak ƿ a fohkishke; yohmi ka kv̄na hosh Ushi yoka hatak nana kia ik ithano h̄ƿ, amba Iki vt ak illa hoke: mikmvt kv̄na hosh Iki yoka kv̄na kia ik ithano h̄ƿ, amba Ushi vt ak illa; micha Ushi vt kv̄na h̄ƿ im otv̄n̄inchi mak bano hoke, achi tok.

23. Yohmi mvt nan im ai ithv̄na v̄hleha a h̄ieli ka pit filema mvt, yvmmak ash bano h̄ƿ, Nishkin vt hv̄chishno nana hv̄sh p̄isa-ka p̄isa kv̄to na yukpv̄shke.

24. Hopaii v̄hleha, micha m̄iko v̄hleha aiena kv̄t laua hosh

hvehishno nana hvsh pihisa ka pisa bvna tuk osh, ik peso ki tok: micha hvehishno nana hvsh hahaklo ka haklo bvna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnmvt, Nan-ithvnanchi ma! ai okchayvt bilia ya pisa la hi okto, nanta ho kati-ohmi la chi cho? achi tok.

26. Mihma yvmmak ash ot, Nan-vlhpisa holisso ha kati-ohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Vlhpesa, ish miha mvhlishke: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvvt Chelusalem vtvvt Cheliko ia tuk osh, hatak hukopa vhleha ont iba chukowa na i nafohka ya im apoyua cha, isskkopalit boyuhli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tvnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tvnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlt pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmmit, afohlit in tahl cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mvt, iskvli tuklo ka ishit kohchit, afoha chuka apesvchi yash ima mvt, Ilvppa ish apistikelashke: micha atampa kvk kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina ilvppa katima kak osh hatak hukopa vhleha ont im isht kanvpa tuk a in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mvt yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot tvmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vttá in lavvt isht ik im ai vlvpieso mvt, yvmmak ash o im ai vlvvt, Chitokaka ma! sa nakfish vt si apela hi a ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mvt, Mahla ma! Mahla ma! nana ka ahalaivt im anukfila isht ik chim vlvpieso kvv chin lavvshke.

42. Yohmi kia nana ai vlvpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XI.

Chisvs vt nan im ai ithvna vhleha ha vba pit anumpuli im avvchi, 1,
14 nan-isht ahullo okpulo kohchichi: 28 mikmvt kvna hosh Chiho-

wa im anumpa ha im antia hokvto holitopa ka anoli; 37 Falisi okla nana ka ilahobi, yummak oka nana palvmmi onvtula he puta ka atokowa anoli.

1. **ATUK** o yakohmi tok: a kaniohmi ho antvt vba pit anumpuli tuk osh ont issa ma, nan im ai ithvna vhleha ha achvvt, Chitokaka ma! Chan vt nan im ai ithvna vhleha ha im avvchi tok a, chohmit pishno ma vba pit anumpuli ka, ish pim avvchashke, im achi tok.

2. Mihma yummak ash ot, Ūba pit hvsh anumpulikmvt, Piki vba ish binili ma! Chi hohchifo hvt holitopashke. Ish avehlichika yvt vlashke. Nana ish aiahni ka vba ya a yohmi kvv yakni ilvppak ma a yohmi makinlashke.

3. Nitak moma ilhpak vt a pim vlvpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpvlika imma hokvno ik iba chukowá, chik pim ahno kashke; amba nanokpulo ya ish pi a hlakofihinchashke, hvsh achashke, im achi tok.

5, 6. Mihmvt yummak ash ot, Hvsh katima kak osh chi kana hvt asha tuk osh, ninak iklvna ho ayvt ish onvt, A kana hvt nowvt aya tuk osh vm vla ho, nana kia itikba ma talali la hi vt ik svm iksho hoka, pvska tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvv, Chik svm ahchibalo kia, himak ano okhissa vt vlvkama ho, vm vlla vt si apihvt topa ha kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yummak ash osh im ahchivvchi fehna kak o tani cha, laua kvv kaniohmi ho bvnnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoyokmvt, hvsh ahayucha he: hvsh sokohakma, hvchin tiwa hi oke.

10. Asilhbha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh sok_o-hakma, in tiwa pulla hi oke, hvchim achi lishke.

11. Hvsh kanima kv_t iki atuk _o, ushi vt pvska im asilhhakma, yvmmak ash tvli y_o ima hinla? keyukmv_t nvni y_o asilhhakma, nvni a he tuk ash sinti y_o ima hinla h_o?

12. Yvmmak keyukmv_t, akak-ushi lobunchi y_o asilhhakma, halambia h_o ima hinla h_o?

13. Yvmohmi ka hvchishno vt hvchi ai vlhpesa keyu kia, hvchim vlla ya nana achukma puta ka isht ima hokvto hvchimponna ka, hvch Iki vba binili kv_t i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo y_o nan-isht ahullo okpulo ya a kohchit anta tok. Atuk _o yakohmi tok: nan-isht ahullo okpulo vt a kohcha mvno, ik anumpulo ash ot anumpuli tok; mihma okla hv_t anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsebv_b ak _o nan-isht ahullo okpulo puta ka isht kocha weli hoke, achi tok.

16. Mihma inlaka mvto imomaka pisa kv_t, nan-isht-ato-kowa kv_t vba a minta hi a im a hoyo tok.

17. Yohmi kia yvmmak okv_t nana im anukfila puta ka ithana hatuk osh, Apehlichika achufa kv_t it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmv_t, im apehlichika yvt katiohmi hosh talaia hinla cho? vno vt Beelsebv_b ak _o nan-isht ahullo okpulo puta ka isht kocha weli li h_o hvsh miha hoka,

19. Yohmi ka vno vt Beelsebv_b ak _o nan-isht ahullo okpulo puta ka isht kocha weli li hokma, hvch iso vhleha kvto kvta hak _o yvma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi _o nan isht ahullo

okpulo puta ka isht kocha wihinli li hokma, yohmi hok-mvno, Chihowa apehlichika yvt hvchim vla mak oke.

21. Hatak hlampko yosh na-halupa ai im vlhtaiyaha hosh in chuka apesvchi hokvno, nana kvv ai yubaka hoke.

22. Amba kvllo kvv ilapo a i shahli hosh ant i kohchvt, imaiyachi hokmak osh, i na-halupa ai anukchieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv vm i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak a a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt okpulo kvv ilapo a i shahli ho ont pehlichit vla na, yvmmak ash okla pit abeha cha, aiasha hoke; yohmikma hatak yvma nana kvv ont ai-isht im ai yopa kak osh ik achukmo kvv vmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho, ohoyo achvft okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk a aiena kvto holitopvshke, im achi tok.

28. Yohmi kia yvmmak ash ot, Ahli, na-yukpa aiahli kvto Chihowa im anumpa ha haklo cha, im antia hak oke, achi tok.

29. Atuk o okla hvv itahobvt ant a laua fehvt taha ma, Hatak himonasi asha ilvppvt ai vlhpesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla ha isht ai im atokowa tok a, Hatak Ushi mvt hatak himonasi asha ilvppa ai in chiyuhmi makinla hi oke.

31. Nana v^hl^pisa chinto nitak okvno oka-mahli ohoyo miko vt hatak himonasi a^sha ilvppa awant hikia cha, atokow^vt anumpa onocha hi oke; yvmmak okvto yakni ont ai v^hli pilla v^tt^tvt minti kv^t, Solomon isht im a hopoyuksaka ya haklot aya tok okv^t; atuk o yakeh! Solomon a imaiya mak osh ilvppa ahantvshke.

32. Nana v^hl^pisa chinto nitak okvno Ninefeh okla hv^t hatak vt himonasi a^sha ilvppa iba takla wakayvt hiohmayvt, atokow^vt anumpa onocha hi oke; yvmmak okvto Chonas vt vbanumpa ont isht im anumpohonli ma, ile kostinⁱnchi tok okv^t; atuk o yakeh! Chonas a imaiya mak osh ilvppa ahan^tvshke.

33. Hatak nana ak osh p^ula h^a p^ulali kv^t a lumaka ho talali chatuk keyu, keyukmvt tanchi isht-v^hl^pisa nutaka yo talali chatuk keyu, amba kvna hoh kia ant chukowakmvt tohwikeli ka pisa chⁱ ka, p^ula ai-o hikia ak o o hilechi chatuk.

34. Haknip a i p^ula hv^t nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv^t a chi foyuka yvmmv^t ik okhlilo kashke.

36. Yvmohmi ka chi haknip vt im a kanima kv^t ai okhli-likaa iiksho hosh tohwikeli banot alotowa hokma, moma kv^t tohwikelit alotowa kv^t, p^ula lua achukma kv^t chim a tohwikelichi chatuk a a chiyuhma hinla hoke, achi tok.

37. Yvmohmit anumpohonli moma na Falisi achv^fvt, yvmmak ash ot ont ibai impa hinla ka im ahni tok: mihma ont chukowa cha, impa chⁱ hosh binili tok.

38. Yohmi ma Falisi ash ot pisa mv^t, ik impo kisha kv^t ibbak ik ahchifo ke tuk a, okokko! aiahni tok.

39. Mihma Chitokaka ash osh, Falisi hv^hchia hv^t isht-ishko micha ampo aiena ka paknaka yokvno hvsh kashofishke: amba hvchi anukaka yv^tto na wehpuli, micha nan ik ai v^hl-^peso banot isht hvchi alotovshke.

40. Nan anukfila iiksho hv^hchia ma! nana ka paknaka ya ikbi mv^t, anukaka yak kia ikbi akinli tok keyu cho?

41. Amba yohmi kia nana hvchim a^{sh}a kv^t hvsh habenv-chashke: yohmikma yakeh! nana puta kv^t a hvchim v^lh-pesa bano hoke,

42. Amba Falisi hvchia ma! na hvchⁱ palvmmi mak oke, m i n t, micha l u, mikmvt haiyuk^upolo ilaiyuka puta waya it a kashkoa ont isht pokoli kak osh hvchⁱ kvnia, mikmvt nana ai-v^lhpiesa ka, micha Chihowa holitobli aiena hokvno hvsh vbanv^bli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvchⁱ palvmmi mak oke, sinakak puta anukaka aiasha holitopa puta, mikmvt ilhpak a kanchi ai it aiokpvchi aiena kak o hvchim ai achukma hoka.

44. Na-holissochi vhleha, micha Falisi okla aiena nan-ilahobi hvchia ma! na hvchⁱ palvmmi mak oke; a-hollopi vt otani keyu h^o, hatak vt a nowvt vbanopoli kia, yvmvt ik akostinincho chatuk a hvch itilauⁱ hoka, im achi tok.

45. Mihma nan-v^lhpisa ithvnanchi vhleha hv^t achvfv^t afalaminchit, Nan-ithvnanchi ma! ilvppa yak ish achi kv^t pishno a aieninchit nan isht chik pi ahobaloshke.

46. Mihma yvmmak ash ot, Nan-v^lhpisa ithvnanchi hvchia ma! hvchishno ak kia na hvchⁱ palvmmi mak oke; nana weki shali ka palvmma hinla h^o hatak a hvsh shalihinchi mv^t, hvchishno yak okvto nana weki ash hvch ibbak ushi achvfona kia ishit hvch ik potolo hoka.

47. Na hvchⁱ palvmmi mak oke: hopaii puta ka hvchin tikba vhleha hv^t vbi tok a i sepv^lka y^o hvsh ihikbi hoka.

48. Hvchin tikba vhleha hv^t yvmmak oka ahambi mvhli ma, hvchishno vt i sepv^lka puta ma hvsh ihikbi kv^t, hvchin tikba vhleha hv^t nana a kaniohmi tok a hvsh im ahninchⁱ kv^t isht atokowa mak o hvsh ieshi mvhlishe.

49. Yvmohmi ka Chihowa i hopoyuksaka yak kia yak achi tok. Hopaii vhleha, micha vbanumpeshi vhleha aiena ka pit in tihlinli likma, kanima ka vbikmvt, anonti issikko-pali aiena he;

50. Yohmi na yakni vt toba tok taiyakla ka hopaii vhleha im issish vt hlatahampa tok moyuma ka, himonasi hatak ahashwa ilvppak o im a hoy^a hi oke.

51. Ebel a im issish a tok a ai vhlit mihintit Sakalaiaa al t a micha t e m p e l i t i n takla ai vbi tok issish ak o ant ai v h l i y u m m a k o h i m o n a s i h a t a k a i a s h a i l v p p a k o i m a h o y a h e m a k o k e , a i a h l i m a k o h v c h i m i h a l i s h k e .

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa ya ishit hvsh kanchi hoka : hvchishno ak kia pit hvch ik chukowokmvt, inla yvt pit abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kv t a tushpalechit, yvmmvt nana ilaiyuka miha he tuk, okla achibvchi h o f e h n a m v t ,

54. Nana kia itakha a kohev t miha na haklot nan-vlhpisa isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha h a n a n a k a p e h i l a h o b a h e i m m a h o k v n o a h a h ! o k l a a h n a c h i k a i m i h a , 1 ; 13 y o h m i m v t n a n i m a i i t h v n a v h l e h a h v t c h u k v s h a n a n i l a i y u k a i s h t i k a s i t i o k a c h i k a , h a t a k n a n i n l a u a y o s h n a n a a i i s h t i l a i y u k p v t a h a n t a t u k o , n a n i l l i h v t a s h a l i k a a m o k o f i t i s h i t o k , n a n i s h t v l h p i s a h a i s h t i m a n u m p u l i . 22 C h i s v s v t n a n i m a i i t h v n a v h l e h a h a y a k n i p a k n a k a n a n a a k a n i o h m i p u t a h o k v n o c h u k v s h i s h t i k a n u s h k u n n o k a h i a i m i h a ; 31 m i c h a h a t a k s h i l o m b i s h o k c h a y a h e a k o n a t i k b a a n u k f i h i n l i ; 36 y o h m i k m v t C h i t o k a k a y v t a y a h i a , t i k b a n l i i m v l h t a h a h e p u t a k a i s h t i m a n u m p u l i . 54 C h i s v s v t o k l a h a i l a p a k o s h K l a i s t m a k a t u k a i k a k o s t i n i n c h o k a , n a n i s h t i m i h a ; y o h m i m v t C h i h o w a h a i t i n a n a i y a p u l l a h i a i m i h a .

1. Y U M O H M I a i i t i n t a k l a m a , o k l a l a u a k v t a t a m p a f e h n a h o s h i t v n a h a , y u m o h m i c h a i l a p b i k a o k l a i t i h v h l i h i n c h i m a , y u m m a k a s h o t n a n i m a i i t h v n a v h l e h a h a s h , F a l i s i v h l e h a i p v s k a i s h t s h a t v m m i , y v m m v t n a n - i l a h o b i y a k o k a , i k k a n i o h m i k i a a h a h ! h v s h a i a h n a s h k e .

2. Nana kv t o m p o h o l m o t u k v t i k w a k a m o k a h e , m i k m a n a n a k v t l u m a t u k v t i k o t a i y a n o k a h e a i e n a k v t i k s h o k a h i o k e .

3. Yvmohmi hoka nana hō aiokhlilika yā hvsh ai anum-pohonli tuk ma, a tohwikeli yō a hakla he ; mikmvt hakso-bish ont tikelichit abohushi anukaka yō hvsh ai anumpohonli tok ma, aboha paknaka puta ma ai annoa hi oke.

4. Yohmi ka ā k̄ana hvchia ma ! Haknip ā vbi kia, him-makma nana hō a kaniohma he mvt ik im iksho yvmmak okvno hvch ik ī nukshopo kashke, hvchim achi lishke.

5. Amba kvna hō hvsh ī nukshopa he okvno hvchim anoli lashke ; Illichi ha mvt, ai-okpuloka yā pit kancha hi vt im vllpiesa yvmmak o hvsh ī nukshopashke ; ahli, Yvmmak o hvsh ī nukshohompashke, hvchim achi lishke.

6. Hushi chipunta tahlapi kv̄t sint tuchina hō ai vlbi chatuk keyu ? Yohmi kv̄t yvmmak okvt achvfona kia Chihowa itikba yā ai a haksi keyu chatuk oke.

7. Yohmi ka hvchishno hvchī pashi puta noshkobo ai o hielī kak kia moyumvt holhtinv̄t taha yoke. Yohmi hoka ik hvchi nukshopo kashke ; holitopa kv̄t hushi chipunta laua ka hvsh ī shahli hoke.

8. Kvna hosh vno ā hatak itikba yā Klaist oke, si achit si ahninchī tuk ma, mihi yō Hatak Ushi vt Chihowa im enchil puta itikba ai ahninchit, Ūm antia yoke, achit aiokpvcha he akinli hoke.

9. Amba kvna hosh hatak puta itikba vno ā ik si ahniechot, Ahalaia li keyu, achi tuk ak o, mihi yō Chihowa im enchil itikba ya ik ahniechot ik ahalaiyo ka hi oke.

10. Mikma kvna hosh Hatak Ushi a na mihachit anumpuli tuk okvto, ī kashofa he ; amba kvna hosh Shilombish Holitopa ak o ik ahobalot anumpuli tuk okvto, ī kashofa he keyu kv̄mohmi hoke.

11. Micha sinakāk puta, mikmvt mīko v̄hleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kv̄t hvch ik anukfillo kashke.

12. Nana hō hvsh acha he vllpesa ka Shilombish Holitopa ak osh hvshi kanvlli yvmmak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achv̄vt, Nan-ithvnanchi ma !

itibapishi li ha ish i miha na, nana kv̄t vlhtoshowvt pibbak a pi fohka tuk a a kashvblashke, im achi tok.

14. Mihmvt yummak ash o, Hatak chia ha, kv̄ta hosh nana hv̄chim apesa yokmá, keyukmvt nana hv̄chi itakvshkoli yokmá, nanta ho sakbi tok oh cho? im achi tok.

15. Mihmvt, Ahah! hv̄sh aiahni cha, nan in laua bv̄nna ya hv̄ch ik ahalaiyo kashke: hatak vt nana kv̄t laua ho il aieshi kak o im ilhfiopak vt takali ho keyu hoke, im achi tok.

16. Mihmvt okla hash nan-isht vlhpisa ho isht im anum-pulit, Hatak nan in laua achvfa hosh im osapa yvt nana waya fehna tok.

17. Mihmvt, Nana a waya puta ka kanima ai ashachi la hi vt ik svm iksho kv̄to, nanta ak o katiohmi la chi cho? achit il anukfilli tok.

18. Mihmvt, Ilvppak o yakohmi lashke; an tanchi in chuka yak o yuhli lish, chito i shahli ho ikbi lashke: micha yummak o a nan a waya, micha na hochukma puta ka mominchit ashachi lashke.

19. Mikmvt sa shilombish a, Sa shilombish ma! na hochukma laua kv̄t afv̄mmi laua taha he vlhpesa ka achukmalit ashachit chin tahlishe; peh nan ik pilesot fohvt, impvt, nan-ishkot, nan isht ish ilaiyukpashke, im achi lashke, achi tok.

20. Yohmi kia Chihowa yokv̄to yummak ash, Ik hopoyukso chia ma! chi shilombish a falaminchit himak ninak a chim a hoya chi hoke; yohmikmv̄no nana ish atahli tuk amo kv̄ta ho immi ha chi cho? im achi tok.

21. Yohmi ka kv̄na hosh na hochukma puta ma ilap inli isht im atahlit ahanta hosh, anonti Chihowa ai imma hokv̄no nana kv̄t im vlhtaiyaha tuk keyu kv̄t yummak o chiyuhmi hoke, achi tok.

22. Mihmvt nan im ai ithv̄na vhleha hash, Yvmohmi hoka hv̄chi ai okchaya hi a nana ho hv̄sh pa he; mikmvt hv̄chi haknip ma nana ho hv̄sh fohka hi a anukfillit hv̄ch ik ilbv̄sho kashke, hv̄chim achi lishke.

23. Okchaya kv̄t holitopa kv̄t ilhpak a i shahlikma, anonti haknip vt holitopa kv̄t na fohka ya i shahli hoke.

24. Fula chito puta ka anukfillit ho pesá: yummak okvt nana kia hokchi cha vmo hō keyu: mikmvt yummak okvt vlhpoyak in chuka, micha kanchak aiena kia im asha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh anukfihinlit isht ilbvsha kvv hvchi chaha ka k u b i t achvfa kia hvsh il achakala hinla cho?

26. Nana kvv moma ik a lauwo hoka hvsh yvmihcha he keyu kvv, nanta katiohmi hō inla yokak heno anukfillit hvsh pisa cho?

27. Lilli puta kvv kaniohmit offot hofantit mahaya ka anukfillit ho pesá; yummak okvt toksvlit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kvv ilvppa achv-fona kia chohmi tok keyu, hvchim achi lishke.

28. Yohmi ka Chihowa hvv hvshuk himak nitak a kowi ha hiohmaya tuk osh, onna ha apalvska pit vlhpita chi kia, shemvchi kvv yvmihchi kvto, hvchishno a i shahlichu hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kvv hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kvv hoyo chatuk mak oke: ilvppa chohmi puta ka a hvchi bvna hokvno hvch Iki vt ithana hoke.

31. Yohmi kia amba Chihowa apelihika yak o hvsh hoyashke; mikmvno ilvppa moyuma kvv a hvchim ibakaha hi oke.

32. Apehlichika ya hvch ima kvv im achukma hoka, chukvlpoba aya ik lauwo hvchia mvt, ik hvchi nukshopo kashke.

33. Na hvchim asha kvv hvsh kanchi cha, ilbvsha ya hvsh habenvchashke: tvli holisso i shukcha yummak okvt nitak nana ont a sipokna he keyu, na-holitompa nitak nana taiyaha he keyu vt vba itonla; hukopa nana hosh ai i bilin-

cha he keyu, mikma shushi mvt okpvna he keyu, yak o isht hvsh il atahlashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-uskufvchi ma isht il ai uskufvchit im vlhtahvt, pva puta mvt hvchin lihimbashke.

36. Yohmikmvt hvchishno ak kia hatak osh i shahli hvtoho ipetvchi ia tuk osh falamvt vla chi, atuk osh vla cha sokohakma, ashalika in tiwa chi cha, pit hoyo hosh aiasha ho hvsh chiyuhmashke.

37. Chitokaka yvt ayvt vlt, okchvt asha na ont pisa ka, tishu hvleha yvmvt na-yukpa mak oke: ahli mak o hvchim achi lishke, Ilap ash osh nan isht il ai uskufvchit tahli cha, yvmmak osh impa chi ka binohlichikmvt, wakayvt nan isht im vtta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu hvleha yvmvt nayukpa hi oke.

39. Hatak chuka chvfa pehlichit vt in chuka ahanta kvtohvshi kanvli vlvhpa kaniohmi kak o hukopa yvt vla hi a akostininchi hokmvt, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mvt, hvchim vlhtahashke: yvmmak a he hvch ik aiahno hvshi kanvli vlvhpa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmvt peh moma kak o isht ish im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi ahli, mikmvt hopoyuksa achukma aiena tuk o, mihi yo i shahli hvto ai-vlhpiesakma nan-vpa hvto ai immi ha he vlvhesa ka, ipihinta chi ka, ilap in chuka chvfa yash pehlichit ikba chi cho?

43. I shahli hvto ayvt vla kvto, yakohmi hosh ahanta na ant pisa ka, tishu yvmvt na yukpa mak oke.

44. Ahli mak o hvchim achi lishke: Nana im ash ka moma apesvchi o ikba hi oke.

45. Yohmi tuk kia tishu yvmmak ash osh chukvsh anuk-aka, A shahli hv̄t ai v̄la he tuk vt vbanvblichishke, achi cha, hatak tokseli puta, micha ohoyo tokseli puta aiena kash bolit, imprt, nan-ishkot, okishkot haksi aiena hosh ahanta tok muno ;

46. Tishu yvmma i shahli hash ot ilapvt yvmma pit hoyo nitak keyu, micha ik akostinincho ai itin takla hvshi kanvlli v̄lh̄pisa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yvmmak ash ot fahama lawa isht boa hi oke.

48. Amba ik akostinincho hosh nana ka isht a fȳma he v̄lh̄pesa ka yvmohmi hokmvt̄o, fahama ik lauwo h̄o isht fȳma hi oke : k̄vna h̄o lauachit ima tok ma, mihi ȳo laua h̄o im a hoyā hi oke : micha kanima h̄o hatak vt lauachit ibbak fohki tuk ma, mihi ȳo laua i shahli h̄o im a hoyā hi oke.

49. Yakni paknaka ȳa luak o ai ȳo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke

50. Yohmi kia baptismo isht a baptismo la ch̄i kv̄t vm āsha : yohmi ka yvmmv̄t ont ai yvmohma ch̄i takla hokvno a palvmmi fehnvshke :

51. Yakni paknaka ȳa a nanaiyv̄cha ch̄i hosh aya li tok o, hv̄chim ahoba cho ? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka chv̄fa ka tahlapit āshvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, īki vt ushi a i sanalikma, anonti ushi atuk vt īki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihmv̄t anonti okla hash, Hv̄shi ai-okvtulaka hoshon-
tit kocha na hv̄sh pisakmv̄t, ashalika, Umbvt mihintishke,
hv̄sh achi chatuk ; atukma yohm m̄v̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kv̄t pisa kaniohmi hokvno nan isht hvsh ai akostininchi hokak osh, amba katiohmi h̄ himak okvno nana ka hvch ik akostinincho cho?

57. Ahli, micha nanta katiohmi h̄ hvchishno akinli kv̄t nana vlhpesa kvno hvch ik ithano cho?

58. Nan-vlh̄pisa chi onochi ya awant m̄ko ish im ona ch̄i hosh ish aya kv̄t, takla ya, ai i hlakofi b̄vna kv̄t ish achunanchashke: yvm̄mak keyukma chi halvllit nan-apesa ya isht chi ai onakma, anonti nan apesa yash ot tishu h̄a ibbak a a chi fohki na tishu hash ot aboha kv̄llo ya chi foh ka hinla hoke.

59. Iskvli ont isht aiyopi fehna ka ish atobbi h̄ keyukm̄v̄t, yvm̄mak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il aiasha he ak o p̄i miha, 1. 6 Fik v̄pi vna he keyu nan isht-vlh̄pisa. 10 Nitak hullo ȳo Chisvs vt nan ithv̄nanchit ahanta hosh ohoyo iksitopo ilbv̄sha ya hlakofichi; 15 micha v̄ba yakni apelhlichika ya mv̄stv̄t nihi, micha p̄vska isht shatv̄mmichi aiena kak o isht it apesa; 24 okhissa iskv̄tinosi yvm̄ma chukowa b̄vna kv̄t achunancha hi a, okla h̄a i miha. 31 Chisvs a Helot vt v̄bi b̄vna hatuk o, kohchv̄t kv̄nia hinla ka, okla im ahni ma, nana h̄o im achi; anonti Chelusalem vt ont aiokpulokv̄t taha ch̄i ka, itukonofv̄t mihinti ka, Chisvs vt tikbanli anoli m̄v̄t, isht yahaya.

1. YUMMA fehna ma kanimi kv̄t yvm̄ma āsha tuk vt, Pailat vt Kalili hatak issish a okla v̄ba p̄it isht aiokpv̄chi a ai itaiomi tuk a, im anoli tok.

2. Mihma Chisvs ash ot afalaminchi m̄v̄t, Kalili hatak osh yakohmi hokv̄t nan-ashv̄chi kv̄t Kalili okla h̄a moma i shahli atuk osh na yakohmi ka isht ai ilbv̄sha tuk o, hvchim ahoba cho?

3. Keyushke; amba hvchishno ak kia hvsh ile kostinin-chi keyukmvt, hvsh moma kv̄t ilbvshvt hvch illi akinla ch̄i ka, hvchim anoli lishke.

4. Yvmmak keyukmvt Siloam ā chuka chaha hikia tuk vt auah untuchina ka ō kinafv̄t vbi tok ā, yvmmak osh nan ashvchi kv̄t hatak Chelusalem āsha moma ka ī shahli ha tok ā, hvchim ahoba cho?

5. Keyushke; amba hvchishno ak kia hvsh ile kostininchi keyukmvt, hvsh moma kv̄t ilbvshvt hvch illi akinla ch̄i ka, hvchim anoli lishke.

6. Nan-isht-vlhpisa ilvppakma isht anumpuli tok: Hatak achvfa hosh fi k vpi vt osapushi anukaka yā im a hollokchi tuk osh ona cha, vni ā a hoyo tuk osh, ik ahayucho ki tok.

7. Mihmvt im osapushi apoksiachi ash ō, Inta! ilvppvt afv̄m̄mi atuchina mak ō fi k vpi ilvppa vni ā hoyo kv̄t aya li hosh ak ahayucho bekvshke: chanlit akvch̄i; nanta katiohmi h̄o hikīvt yakni ā ai okpv̄ninchi cho? im achi tok.

8. Mihma yvmmak ash ot afalaminchi mvt, Chitokaka ma! himak afv̄m̄mi achvfa takla hokvno ant hikia na, kullit apakfoplit, yakni achukmali yā isht apolichit tahl̄i li hayashke.

9. Yohmi na v̄nit waya hokmvno, vlhpesa: amba keyukmvno, yv̄mma misha pilla mak ō chanlit ish akvchashke, im achi tok.

10. Mihmvt nitak hullo yō yvmmak ash ot nan ithvnan-chi hosh sinakak achvfona ka anta tok.

11. Mihma ohoyo hvt shilombish okpulo nan iksitopochi v̄vt ai ī foka tuk ā afv̄m̄mi auah untuchina hosh, kochofv̄t kv̄nia, kaniohmit il apissalecha he keyu kv̄mohmi hosh anta tok:

12. Atuk ō Chisvs vt yvmmak ash pisa mvt, pit ī howa cha, Ohoyo chia ma! nan ik chi ai iksitopo ka ish ai ī mokofa mak oke, im achi tok.

13. Mihmvt yvmmak ash ō ibbak ā ita tuklonchit isht umbitepa tok: mihma yvmmak ash ot mihmakinli h̄o apissvt taha mvt, Chihowa h̄a holitoblich̄i tok.

14. Mihma sinakak ā apesvchi ash ot, Chisvs vt nitak

hullo y_o hlakofichi ka im okpulo fehna hatuk osh, okla hasl, Nitak hannali kak o hatak vt a toksula he vllhpesa kvt ashvshke: yohmi ka nitak hullo ak a he tuk keyu; yohmi hoka ymma ai itintakla kak o ai vlt hvchi hlakofashke, im achi tok.

15. Yohmi ma Chitokaka yash ot afalaminci mvt, ymmak ash, Peh nana ilahobi chia hoke: hvsh moma kvt nitak hullo a chi wak toksuli okmá, keyukmvt chim issuba hakso-bish falaia okmá, nana kvt ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vllhpesa keyu cho? im achi tok.

17. Mihma ilvppa ymmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinci ka okla hvt momvt na yukpa tok.

18. Mihma ymmak ash ot, Chihowa apelhichika yvt nanta hak o hoyulba? yohmi ka nanta hak o isht it apesa la chi cho?

19. Mvstvt nihi achvfa h_o hatak vt ishi cha, im osapushi a pit a pila tok o, offot hofantit mahayvt, iti chito tobtv hikia tok: yohmi na vba hushi puta kvt naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apelhichika ya nanta hak o isht it apesa la chi cho?

21. Pvska shatvmmichi y_o ohoyo hvt ishi cha, tanchi pushi isht vllhpisa tuchina h_o a ymvslichi tuk o, momvt shatvmmi taiyaha tuk mak o holba hoke, achi tok.

22. Mihmvt tmaha puta, micha tmahushi aiena ka hlopullit ayvt nan ithvnanchit, Chelusalem imma ia hosh aya tok.

23. Mihma achvvt, Chitokaka ma! Achafoa kak illa hosh okchaya hi oh cho? im achi tok.

24. Mihma ymmak ash ot, Yichina fehnvt okhissa iskitini a chukowa hvchi bvnashke; chukowa bvnvt pisa kia, nan ik kanihmo ka chi kvt laua hoke, hvchim achi lishke.

25. Chuka chufa pehlichy yvt kaniohmi hq wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma ! Chitokaka ma ! ish pin tiwashke hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kv, hvchim acha hi oke.

26. Yvmma fokakma hvchishno ash ot, Chi tikba ya ai impvt, nan ishkot il aiasha chatuk : yohmi ma chishno vt pin tmaha itin takla ya nana ish ai ithvnanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai vhpesa keyu puta ka a yohmi hvchia hv, momvt hvs sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apelhichika ya auet aiasha na hvsh pisa he, yvmma fokak mak osh yahayvt noti a vput hvsh aiasha hi oke.

29. Mikma hvshi akochaka imma, micha hvshi ai okv tula ka, mikmvt falvmmi, micha oka mahli aiena ka a mihintit Chihowa apelhichika im ai-impv ya ai a binohla hi oke.

30. Mikma yakeh ! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv ai vla cha, Ilvppa a kohchvt kanima ish iashke ; Helot vt chiba he ahna hinla hoka, achi tok.

32. Mihma yvmmak ash o, Oh ia cha, chula yvmma ont oh im anoli ; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aiahlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke ; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhleha vbi, micha auet

chin tihleli tuk a twli ishit boli chia ma! akaka yosh ushi vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk nana kia, hvchishno ak osh vllhpesa hvch ik aiahno hokvno.

35. Yakeh! hvchin chuka yvt hvchin chuk-illissvt taiyaha mak oke. Yohmi hoka aiahli mak o hvchi miha lishke; Chitokaka i hohchifo mak o aya kv holitopvshke, hvsh acha chi ka, ont ai vllhpiesa keyukma, hvch ik sa peso ka chi hoke, im achi tok oke.

CHAPTA XIV.

Chisvs vt, nitak hullo nitak o hatak nipi shofohli isht abeka ya hlako fichi, 1: 7 hatak im anukfila kvllo vhleha hv im anukfila ha akanlosecha hi a, micha nan in laua vhleha hv ilbvsha ya i kana he aiena ka im avvchi. 15 Opiaka impa chito asha tok isht vllhpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vllhpisa ilaiyuka ho isht a pim avvchi.

1. ATUK o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya asha tok.

3. Mihma Chisvs ash ot na mihvt, nan-vllhpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vllhpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaia okma, keyukmvt wak toksvli okma, nana kv yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afala mincha he keyu ki tok.

7. Mihma im annoa tuk vhleha hvt aiasha holitopa kak o hoyot a binohli na pisa mvt, nan-isht vlhpisa ha takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvv chishno a chi shahli kia yummak ash ot im anoli tuk a hinla hoke.

9. Atuk o chim anoli tuk, anonti yvmma im ancli tuk yummak ash ot ita tuklot vla cha, Hatak ilvppak osh ik aiashá, chim achikma, chi hofahyvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, na chim anoli tuk ash ot vlakmvt, A kana hvt chaha i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana ho ish ikbi kvv, chi kana vhleha, micha ish itibapishi vhleha, mikmvt chi kanomi vhleha, chin chuka panta hatak nan in laua puta kia chik hoyo kashke; yummak keyukma, ilapo mvt chishno a chi hoyo hinla hoke: yohmikma nana ho, ish yvmihchi tuk a ai itilavit chim vlhtoba hi oke.

13. Amba impa chito ish ikbikmvt, ilbvsha, imomokpulo, kinafa, lva aiena kak o ish hoyashke.

14. Yohmikmak osh na chi yukpa hi oke: yummak okvto chishno ma afalaminchit ai itilauechit chi yvmihcha he keyu hoka: hatak vlhpesa illi puta kvv tanik mak o yummak atuk a falamvt pit ai itilavit chim vlhtoba hi oke, im achi tok.

15. Mihma ai ibai impvt maya tuk ash o achvft ilvppa puta ka haklo mvt, Chihowa apehlichika ya pvka ai vpa kak osh mihi hosh na yukpa hi oke, im achi tok.

16. Mihma yummak ash o, Hatak achvfa hosh opiaka impa chito fehna ka ikbi cha, lavt aya chi ka, im anoli tok.

17. Atuk ash opiaka impa ont ai vlhpesa ma, im annoa

tuk vhleha hash, Himak ano nana moma kv̄t vlhtahvshke, ho minti, im acha chi hō, in tishu hā chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kv̄t, Osapa iskitini yō chumpa li tuk osh, yv̄mma pisvt ia la he vlhpesa hoke; vno yokvno ik ayo mak kia ba is sv̄m ahna hi a chim asilhha lishke, im achi tok.

19. Mihma inla mvt, Ūno vt wak toksuli y o k tahlapi hō, chumpa li tuk osh, ivt kaniohmi hatuk okma pisa la chi hatuk oka, vno yokvno ik ayo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Ūno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yvmmak ash ot vla cha, i shahli hā ilvppa puta kash ant im anoli tok. Mihma chuka yv̄mma pehlichī ash ot im okpulo mvt, in tishu hash, Tushpvt kohchvt ivt tmaha itin takla hina hochito, chipunta aiena ka ayvt, ilbvsha, micha imomokpulo, mikmvt kinafa, micha lvp̄a aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aiahlit taha akinli kia, aiasha vt asha momvshke, achi tok.

23. Mihma i shahli ash ot tishu hash, Kohchvt ivt, haia-ka hina bvshkvchi, mikmvt kv̄ti holihta anukaka aiena puta ka ayvt, ilvppa vla chi ka, ish atushpalechi na an chuka vt alota mak inlashke,

24. Im annoa tuk vhleha hatuk yvmmak amo achvfa kia v̄m opiaka impa ya iskitinosi kia ai vpa he keyu mak oke, hvchīm achi lishke, im achi tok, im achi tok oke.

25. Atuk o okla lava fehna hosh apchvt aya ma, yvmmak ash ot filema cha;

26. Kena hosh ayvt v̄m vla kv̄t, iki, micha ishki, mikmvt tekchi, mikmvt im vlla, anonti ilap itibapishi, mikmvt in tek vhleha aiena, mikmvt im ilhfiopak akinli aienā kak kia, i nukkili keyu hoketo, nan v̄m ai ithvna a he keyushke.

27. Micha k_vna hosh im iti-taiyukh_vna y_a shoyuli cha, siakaiya keyu hok_vto, nan v_m ai ith_vna a he keyushke.

28. Hvsh katima kak osh chuka chaha ikba he ahni k_vt, v_mmona ka aka binilit, Tahli la hinlakmá, nanta cho? ahnit ai-vlhtoba he ma hotinv_t ik peso ka hinla cho?

29. Yvmmak atuk keyukm_vt nutaka in tola y_a bohli ha yosh, anonti atahla he keyukma, yvmmak atuk ash pisa k_vt mom_vt isht itukhlakav_t,

30. Hatak ilvppv_t itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukm_vt miko nanta ak osh miko inla y_o it in tanampa ch_i k_vt, v_mmona ka aka binilit, ilav_t tahlepa sipokni pokoli ishi k_vt, tahlepa sipokni pokoli tuklo pehlich_i hosh i kohcha ka, amokvfa he vlhpesakmá, nana k_vt anukfillit ik peso ka hinla cho?

32. Yvmmak keyukm_vt, achvfa yash ot hopaki pilla auet takanli moma kak inli h_o itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno v_t hvsh moma k_vt nana h_o hvchim a_sha tuk v_t mominchit hvsh issa keyukm_vt, nan v_m ai ith_vna hvchia ha he keyu hoke.

34. Hvpi v_t achukma hoke: yohmi kia hvpi hash ot homi tuk v_t i kvniakm_vto, katiohmi kak osh anonti homa hinla cho?

35. Yvmm_vt yakni, micha nan i yvlhki yakni isht achukm_vli aiena kak kia isht ai im vlhpesa he keyu; amba hatak v_t kocha pit kanchi chatuk oke. K_vna hosh isht haponakla he haksobish v_t i hinlikm_vt, haklashke, im achi tok.

CHAPTA XV.

Chukv_lhpoba k_vnia nan isht vlhpisa, 1; 8 mikm_vt tvli hvta tushafa k_vnia nan-isht-vlhpisa aiena. 11 Hatak himita ik hoyoyukso nan isht vlhpisa.

1. YUMMA foka ma pvblikan v_lheha, micha nan-ashvchi okla aiena k_vt i haponakla ch_i k_vt, mom_vt auet a kanvlli tok.

2. Yohmi ma Falisi vhleha hvt micha na-holissochi vhleha aiena kash ot lumasit na-mihachit, Hatak ilvppvt nan-ashvchi vhleha hvt ilapa ai ibafohka chi ka ahninchit, it ibai impa yoke, achi tok.

3. Mihma yvmmak ash ot nan-isht-vlhpisa ilvppa isht im anumpuli mvt,

4. Hatak hvsh katima kak osh chukfulhpoba tahlepa achvvt im asha tuk osh, achvvt i kvnia hokmvt, pokoli chakkali a kocha chakkali kash ot yakni haiaka ya maya na issvt, kvnia tuk yvmmak ash o hoyot hikikivt ahayuchik mak a hinla keyu?

5. Atuk osh ahayuchikmvt, na yukpvt isht iabvnali;

6. Atuk osh in chuka yash vla mvt, i kana vhleha, micha in chuka panta hatak puta ka hoyot itahobi cha, An chukfulhpoba yvt kvnia tuk ash ahayuchi li hoka, na hvs svb ai yukpashke, im achi hoke.

7. Yohmi ka yvmmak inli ho chohmit, Nan-ashvchi achvfa hosh ile kostininchikma, vba ya na yukpa asha kvv hatak vlhpesa pokoli chakkali akocha chakkali kvv nan ile kostinichi yvt ai im ahalaiya he keyu, yvmmak oka i shahla hi oke, hvchim achi lishke.

8. Yvmmak keyukmvt ohoyo nanta hak osh tvli hvta tushahli pokoli kvv im asha tuk osh, tushafa achvvt i kvniakmvt, pvla ha pvlali cha, aboha ya bvshpolit achukmalit hoyot hikikivt ahayuchik mak ahinla keyu?

9. Atuk osh ahayuchikmvt, i kana puta, micha in chuka panta asha tuk aiena kash hoyot itahobi cha, Tvli hvta tushafa a kvnia tuk ash ot ahayuchi li hoka, na hvs svb ai yukpashke, achi hoke.

10. Yohmi ka nan-ashvchi achvvt ile kostininchikma, Chihowa im enchil vhleha aiasha ka na yukpa kvv yvma akinli ho chiyuhmi chatuk oke, hvchim achi lishke, achi tok.

11. Mihmvt, Hatak achvfa hosh ushi vt in tuklo tok.

12. Atuk o nakfish ash ot iki a, Aki ma! nana kvv vmmi ha he tuk ash is svmashe, im achi tok. Mihma nan isht ai okchaya yash o im it a kashvbli tok.

13. Mihma yvmmak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yvm-mak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yvmma hohchvfo chinto fehna kv̄t a kohcha tok; mihma yvmmak ash ot nana kv̄t ik im iksho kit isht ia tok.

15. Mihmvt yakni yvmma hatak ont iba fohka tok; atuk o yvmmak osh shukha laua ipeta beka chi ka im osapa puta ka pit chvffichi tok.

16. Atuk o yvmmak ash ot shukha laua yvt nanvni aī vpa beka tok yvmmak o v̄pvt kaiya b̄vna beka tok: yohmi kia kv̄na kia yvmma ik ipeto beka tok.

17. Atuk o yvmmak ash ot ont il akostininchi mvt, Aki im ilhtohno vhleha hv̄t laua kv̄t katiohmi hosh p̄v̄ska yvt laua kv̄t im v̄lhpesakma, anonti atampa mvt āsha chatuk ak o, vno ilv̄ppa a hohchv̄fot sv̄lli cho?

18. Wakayvt ivt, aki im ona lish, Aki ma! Chihowa im ashv̄chit, mikmvt chi tikba ya a sai yoshuba tuk.

19. Yohmi kv̄t himak a pilla ma, chiso sa hohchifa he si ahoba keyushke; chim ilhtohno vhleha achv̄fa kak o is si ai itilauechashke, im achi lashke, achi tok.

20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chv̄fvt ivt, yvmmak ash ikunla ont v̄bv̄naiyvt i suksowa tok.

21. Mihma ushi ash ot, Aki ma! Chihowa im ashv̄chit, mikmvt chi tikba ya a sai yoshohumba tuk; yohmi kv̄t himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno vhleha hash, Na-fohka holitopa moma i shahli kak o ishit kohchit ant ho fohkv̄chi cha, ibbak ma ibbak-ushi-fohka ant fohkit, iyi ma shulush hv̄sh holochashke;

23. Micha wak ushi ilhpitvt nia ya ilv̄ppa isht v̄lv̄t, oh v̄bi na impvt na-yukpvt kiloh aiashá;

24. Sv̄so ilv̄ppvt illi tuk osh, falamvt okchaya hoke;

kvnia tuk osh haiaka hoke. Mihma na yukpvt okla aiasha tok.

25. Yohmi ka ushi akni hvto osapa anta tok : atuk osh minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok: yohmi hatuk o iki ash ot kohchvt ivt, ont i howa tok.

29. Mihma afalaminchi mvt, iki ash o, Inta! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt haui puta ai iba fohkvt ayvt, nan isht ish ai okchaya he tuk ash isht yopomot tahli cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yvmmak ash ot, Svso ma! nitak moma ka si awant ish ahantvshke, yohmi kvn nan okluha vm asha kvn chimmi hoke.

32. Chi nakfish ilvppak okvt illi tuk osh, anonti falamvt okchaya; micha kvnia tuk osh haiaka hoka, impa ikbit na yukpvt il aiasha he vlhpesa hatuk oke, im achi tok oke; achi tok.

CHAPTA XVI.

Nan-apesvchi ik aiahlo nan-isht-vlhvisa, 1; 14 Chisvs vt Falisi vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhvisa.

1. MIHMUT yummak ash ot nan im ai ithvna vhleha ha, Hatak nan in laua achvfa hosh nan-apesvchi vt im anta tok: atuk o yummak ash ot nana immi puta kash isht i yopomot tahli ho, im annoa cha haklo tok.

2. Mihmut yummak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke: himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hvt nan ai apesvchi li ash si a kohchichikma, okchahli la he keyukmut, nan asilhha ma sa hofahyvshke.

4. Nan ai apesvchi li ash sa kohchichikma, in chuka yokvno chukowa la hi a okla vm ahna chi ka, nana ho katiohmi la chi kvto ithaiyana lishke, achi tok.

5. Mihmut i shahli ha aheka im asha tuk vhleha hash mominchit hoyo mut, Ummona ka a shahli ho aheka katiohmi ho ish in takanli cho? im achi tok.

6. Mihmut yummak ash ot, Na-bila vlhpisa tahlepa achvfa, achi tok. Mihma, Chim aheka holisso ha ishi cha, tushpvt aka binilit, pokoli tahlapi ho takalichí, im achi tok.

7. Mihma anonti inla ho, Mikma chishno vto katiohmi hosh aheka yvt chim asha cho? im achi tok. Mihma, Onush vlhpisa tahlepa achvfa, achi tok. Mihma yummak ash o, Chim aheka holisso ha ishi cha, pokoli untuchina ho takalichí, im achi tok.

8. Yohmi ma nan-apesvchi nan ik ai vlhpeso ash ot kostini fehnvt yvmohmi hatuk o, i shahli hvt im ai okpahanchi tok: yakni ilvppa im vlla vhleha hvt ilap bika nan it im a katiohmit hopoyuksa kv, a nitaki im vlla vhleha ha i shahli hoke.

9. Yohmi ka, Nan-ai-vlhpesa keyu m a m m o n a hvchi kana vhleha ha hi a isht hvsh ikbashke, hvchim achi lishke: yohmi tukma ont hvch ai illikma, ai vtta bilia ya ik chukowá, hvchim aiahna hi oke.

10. Kvna hosh nana kvt moma ik a lauwo ho aiahli achukma yatuk mut, nana kvt ik aiaka kia aiahli achukma

akinli chatuk; yohmikma kvna hosh nana kvt moma ik a lauwo hq aiahli achukma atuk keyukmvt, nana kvt ik aiaka kia, aiahli achukma chatuk keyu akinli hoke.

11. Yohmi ka nan-ai-vlhpesa keyu mammon a isht a hvch ik aiahlo ke tuk ma, kvta hak osh na holitopa ahli ya hvsh apesvcha hi a hvchi tohna hinla cho?

12. Micha inla yo nana kvt immi hatuk a isht hvch ik aiahlo ke tuk mvno, kvta hosh nana kvt chimmi fehna ya chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yvmmak ash o, Hvchishno ak osh hatak itik-ba ya ai il achukmvti hvchia mak oke: yohmi kia Chihowa hvt hvchi chukvsh puta ka ithaiyanvshke: nana kvt hatak a im a holitopa fehnakma, Chihowa hvt ai i nukkilli mak oke.

16. Nan-vlhpesa, micha hopaii vhleha i holisso aiena kvt aiashtv mihinti tuk o Chan vt vla tok: yvmmak a tok takla kvno Chihowa apehlichika yak osh anuhumpa na hatak puta kvt yichinv pit vlbihhvshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kvt, nan-vlhpesa iskitinosi kvt moma ik lauwo hosh ont ik ai iksho ka hi a ik lauwo ka hi oke.

18. Kvna hosh tekchi a kanchi cha, inla itauwayakmvt, haui toba hoke; mikma kvna hosh i hatak vt kanchi tok o itauwaya hokmvt, haui toba hoke, im achi tok.

19. Hatak nan in laua achvfa hosh na-fohka hummakbi hq anonti linen lapushki aiena hq foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo

hosh liahpo bieka ho, yvmma i holihta okhissa ya ont bohyuli na ituyula tok.

21. Yohmi kvt hatak nan in laua im ai-impā yo boshulli vt a chilofa kak o habenvt vpa ka aiahni ha tok; yohmi ma ofi puta nana kia ai vlv̄t liahpo a i holahakshi tok.

22. Atuk ash o yakohmi tok: hatak ilbvsha yash ot illi ma, enchil v̄hleha hosh ant isht ivt, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, vba chakali mvt, Eblaham vt hopaki pilla ka auet asha ma, Lasalvs vt shakba pohloma ka foka na pisa tok.

24. Mihmvt tahpahanlv̄t, Aki Eblaham ma! auet a nukhaklot Lasalvs a auet chvffichi na ibbak-ushi wishakchi a oka kapvssa ik oka hilechi cha, sasunlv̄sh a ant ik kapvs-vll̄i: a libbi ilvppa vm a palvmmi kvt atampa fehnvshke, achi tok.

25. Yohmi kia Eblaham ash ot, Svso ma! chi okchaya taklv̄t ish ahanta kvt, na hochukma puta ka ish pihisa tok: yohmi ma Lasalvs ak kia nana kvt a palvmmi puta ka pihisa tuk a, ish ithaiyanashke: yohmi tuk kia yvmmak ash ot himak okvno hopohlvt na yukpa ma, anonti chishno vto chim a palvmmi fehnvshke.

26. Micha ilvppak osh ai v̄hli keyu; a hvp itin takla ya kolukbi chito fehna hosh bachaya hoke: yohmi hatuk o ilvppa ai asht ia kvt tanvblit yvmma a chim ona he tuk mak osh, na kanihma he keyu; yohmikma anonti yvmma asht minti kvt hlopulli cha pim vla he keyu akinli hoke, achi tok.

27. Yohmi na yvmmak ash ot, Yohmi hoka aki ma! yvmmak oka aki in chuka ya pit ish chvfficha he mak o chim asilhha lishke.

28. Yohmi ka itibapishi li hv̄t tahlapit asha hoka, atokowa ka ont ai im anoli na ai issikkopa ilvppa yvmmakmvt ai vla yoba ná, achi tok.

29. Eblaham ash ot, Moses micha hopaii puta im anumpa

hvt in tonla hokvt, yvmmak o okla i haponaklashke, im achi tok.

30. Yohmi ma yvmmak ash ot, Ahā! aki Eblaham ma! illi atuk ak osh achvvt ayvt im ona hokmvno, okla ile kostinicha hinla hoke, achi tok.

31. Mihma yvmmak ash ot, Moses, micha hopaii puta im anumpa hā haklo keyukmvt, illi tuk osh achvvt tani mak o, vimma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! ahni cha, inla ya ik yoshublecho ka he, 1, 3 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa hā holitobli kvt nana hō ik yvmohmi kia im anuk-fila mvt akanlosi bieka hi a, i miha; 11 leplosi vbi a hatak pokoli hō hlakofichi; 20 Chihowa apelihlika yvt hatak chukvsh anuka-ka ak o fohka: micha kvna hosh yvmmak oka nan isht ik abno tuk okvto momvt ont ai okpulokvt taha pulla hi a, anoli.

1. YOHMI mvt nan im ai ithvna vhleha hash o ik kaniohmi hoh kia nana isht ai ibetvbli okvt iksho ka chi keyu pulla hoke; yohmi kia kvna hō yvmmt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikunla ya tvli chito na botoli ak osh a takanli hō, okhvta hā pit okvchi kak o, vlvpesa kvt im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yvmmak ash ot nukhaklot ile kostinichi hokma, kashofit ish i kanchashke.

4. Micha nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvt mvstvvt nihi achvfa ka chohmi hosh hvchi anukfoka hok-

mut, bihi vpi ilvppa hakshish fehna ai isht alobafvt okhvta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hvv im anta tuk vt yakni patvffi hokmá, keyukmut wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla?

8. Amba yvmmak o keyukmut; Nana hō opiaka impa la chi ka atahli cha, il ai-vskofvchit chin taha cha, nan isht is som anta na impvt nan ishko aienvt issa li ha yō, himmak o impvt nan ish ishkashke, im acha hinla keyu?

9. Micha yuka yvmmak ash ot nan ai im vlvhvisa atuk ash ot yvmihchi ma, yak oke! im ahni hō? keyu ka, vm aho-bvshke.

10. Yohmi hoka yvmma chiyuhmit hvchishno mut, nana kvv a hvchim vlvhvisa tuk vt mominchit ont hvsh ataiyahlikmut, Nana hō isht ai yukpa hi o keyu tishu pia: nana ka isht il ai vttā hi a pim vlvhvisa tuk mak osh e yvmihchishke, hvsh achi makinlashke, achi tok.

11. Atuk o yakohmi tok: yvmmak ash ot Chelusalem ia hosh aya mut, Samalia micha Kalili aiena ka iklvna hlo-pullit ia tok.

12. Micha tvmahushi achvfa hō ont chukowak fehna, hat tak pokoli kvv leplosi vbi yosh ant afama cha, mishemanchit auet hiel tok.

13. Mihmut chitoli hosh okla anumpulit, Chisvs pi shahli ma! ish pi nukhaklashke, achi tok.

14. Mihma yvmmak ash ot pit pisa mut, Oh ia cha, naholitompa isht asha vvhleha hak o ont hvsh im ile haiakvchashke, im achi tok. Atuk o yakohmi tok: ilhkoli hosh asht aya mut, okla hlakofi tok.

15. Mihma yvmmak ash ot achvfvv hlakofi kvv ile pisa mut, falama cha, chitoli hosh anumpulit, Chihowa hā holi-toblich tok.

16. Mihmut yvmmak ash iyi ituma yak o hlipia cha, yak oke! ahnit aiokpvchi tok: yohmi kvv yvmmut Samalatan hat tak a tok.

17. Yohmi ma Chisvs ash ot anumputi mvt, Pokoli hosh hlakofi tuk keyu ? amba chakkali mvtto ?

18. Falamvt Chihowa ha holitoblichit aya kut iiksho ho, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke ; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvvt Chihowa apehlichika yvt, Katiohmi kak o aya hi o ? ahnit i ponaklo ma, afalaminchit mvt, Chihowa apehlichika yvt ai im akostininchi ho aya he keyu.

21. Micha Yakeh ! ilvppak oke : keyukmvt, Yakeh ! yvmmak oke ; achi kak okma, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achvfalichit pisa ka hvchi bvna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh ! ilvppak oke ; keyukmvt, Yakeh ! yvmmak oke ; hvchim achikma, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvvt shutik nutaka kanima ho a malvthakachit kohchakmvt, shutik nutaka bakapa tvnvp ma pit on tommit chatuk a, Hatak Ushi i nitak vt ont ai vlvpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he ; mikma hatak himonasi asha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlvpowvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, ruak, micha hituk lakna aiena kv̄t v̄ba ȳa auet ai umba cha, mominchit v̄bit taiyahli tok.

30. Yakohmi tok a chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha anuka āsha tuk ma, akowvt apoyvt isht ik aiyo kashke; yohmikma anonti kv̄na hosh osapa anta tukmvt, falamvt ik aiyo akinlashke.

32. Lat tekchi a tok a hv̄sh ithaiyanashke.

33. Kv̄na hosh ilap im ilhfiopak okchalinchī b̄v̄nna hokv̄to, kaiyancha he; mikma kv̄na hosh im ilhfiopak a ik i hullo hokmvt, okchalinchā hi oke.

34. Ninak yv̄mma fehnakma topa achv̄fa ka hatak tuklot k̄aha tuk ma, achv̄fa ka ai eshi na achv̄fa hosh itonla he.

35. Ohoyo tuklo hosh nan it iba botoli hosh āshwa tuk ma, achv̄fa kash o ai eshi na achv̄fa hosh anta he.

36. Hatak tuklo hosh osapa ȳa āshwa tuk ma, achv̄fa kash o ai eshi na achv̄fa hosh anta hi oka, hv̄ch im anoli lishke, im achi tok.

37. Mihma okla afalaminchi mvt, Chitokaka ma! katima yak o? im achi tok. Mihma yv̄mmak ash ot, Kanima ȳo illi haknip vt ituyulakma mihi ȳo ōssi puta mvt ont ai itahoba hi mak oke, im achi tok.

CHAPTA XVIII.

Nan apesa ai ahlichī keyu, micha ohoyo i hatak illi nan asilh̄ha achu-nanchi aiena nan isht v̄lhpisa, 1; 9 Falisi, micha p̄v̄blikan ita tuklo nan isht v̄lhpisa. 15 Chis̄vs vt v̄lla chipunta ȳa holitoblit ishit sholi. 18 Chis̄vs vt hatak p̄hlichī himita nan in laua ȳo Klaist okm̄ā, nan laua im āsha kak okm̄ā, nanta kak osh holitopa kv̄t im i shahli chishba? ahnit imomaka pisa. 31 Chis̄vs vt ilapvt ititai-yukhv̄na ahonv̄hvt illa he, atukmvt nitak ont isht atuchinakma falamvt tana he, anonti tikbanli anoli.

1. MIHMUT yv̄mmak ash o, Hatak vt v̄ba pit anum-pohonli kv̄t bilia cha, ik in takobo ka he tuk a, nan isht v̄lhpisa h̄o isht anumpulit achi mvt,

2. Tvmaha hō nan apesa vt ahanta kv̄t, Chihowa ya nukshompa keyukm̄v̄t, anonti hatak ma nan isht ik im aho bo ya tok.

3. Yohmi ma tvmaha yv̄mma ohoyo ī hatak illi yosh anta tok; atuk osh yv̄mmak ash ō im ai v̄la cha, Nan v̄lh̄pisa si onochi tuk ā nan āhli achukma ka isht is sv̄m ai apesashke. achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak ō nan il anukfilli kv̄t, Chihowa ya ī nukshompa li keyu m̄v̄t, anonti hatak ma nan isht v̄m ahomba keyu hatuk nana kia,

5. Ohoyo ī hatak illi ilv̄ppv̄t si ataklaiyami hoka, nan āhli achukma ka isht ai im apesa lashke; yv̄mmak keyukma, mihinti bekakm̄v̄t, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lh̄pesa keyu vt nana achi tuk ā, ho haiyaklō.

7. Yohmi ka Chihowa hv̄t ilap osh ai atokoli tok mak ō nitak, micha ninak aiena ka pit in tahpahanla ka, im ile sv̄laha tuk mak osh, nan ai āhli achukma ka ik im apeso ka hinla cho?

8. Chekosi makinli hō nan ai āhli achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄v̄to, yakni paknaka ya na yimmi kv̄t āsha na pisa hi oh cho? achi tok.

9. Mihm̄v̄t kanimi kv̄t ile yimmit, ilap ak osh ai v̄lh̄pesa mak ō im ahobv̄t, inla āsha kv̄no ik ahobalo v̄hleha hatuk ash nan-isht-v̄lh̄pisa ilv̄ppa isht im anumpuli m̄v̄t,

10. Hatak tuklo kv̄t v̄ba pit anumpula ch̄i hosh tempel ā pit chukowv̄t okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄v̄t, Chihowa ma! hatak inla āsha na-wehli; nan ik ai v̄lh̄pieso; haui puta; mikm̄v̄t pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄v̄t. nan v̄m āsha puta kv̄t ont isht pokoli kv̄t ā kv̄nihyv̄shke, achi tok.

13. Yohmi ma p**u**blikan ash ot a**u**et mishema yak inli h**o** hik**u**vt, i holhponayo ak kia v**a** chakalinchi keyu hosh, pe**h** ikkishi ak o**o** isso m**u**vt, Nan ashvchi sia hoka, Chihowa h**u**vt is sa n**u**kh**a**klashke, im achi tok.

14. Yohmi k**u**vt hatak il**u**pp**u**vt nan im a**i**ahli achukma k**u**vt ach**u**fa yash i shahli hosh in chuka ona tok a h**u**ch**i**m anoli lishke: k**u**na hosh ile fehn**u**chikm**u**vt, aka ona he; mikma k**u**na hosh ile akanlosichi hokm**u**vt, holitopa hi oka, achi tok.

15. Yohmi ma vlo**i** puta kia, y**u**mmak ash ot potola hinla ka okla ishit im ai v**l**a tok: yohmi kia nan im ai ith**u**na v**h**leha hash ot pisa m**u**vt, okla im al**u**mmi tok.

16. Yohmi kia Chis**u**s v**u**to y**u**mmak ash o**o** pit hoyo cha, Ulla chipunta v**u**t v**u**m ai v**l**a hi a h**u**sh ahni cha, h**u**ch ik im alammo kashke; il**u**ppak o**o** chohmi hosh Chihowa ap**u**ehlichika ya a**i**asha hoke.

17. A**h**li mak o**o** h**u**ch**i**m achi lishke; K**u**na hosh v**l**la iskitini ak o**o** chohmit Chihowa ap**u**ehlichika ya a**i**okp**u**chi h**o** keyukm**u**vt, kaniohmi kak osh y**u**mma chukowa he keyu hoke, achi tok.

18. Mihma hatak pe**h**lich**i** ach**u**fv**u**t i ponaklot, Nan-ith**u**vnanchi achukma ma! nantak o**o** kat**i**ohmi li kak osh ai okchay**u**vt bilia yato v**u**mmi ha hinla cho? achi tok.

19. Mihma Chis**u**s v**u**t y**u**mmak ash o**o**, Na kat**i**hmi h**o** v**u**no a achukma is si achi cho? achukma k**u**vt iksho h**o**, amba ach**u**fa kak illa, y**u**mm**u**vt Chihowa ak oke.

20. Nan v**l**hpisa, Haui ish toba ná: K**u**na kia ish bi ná: Na chik h**u**kopo kashke; Anumpa ik a**h**lo isht atokolit chik anto kashke; Ch**i**ki, micha chishke aiena ka ish holitoblashke; achi puta ka ish ithanvshke, im achi tok.

21. Mihma y**u**mmak ash ot, v**l**la sa tomba kash inli hosh il**u**ppa puta ka holitoblit isht mihinti li tok a ant a himak vshke, achi tok.

22. Mihma Chis**u**s v**u**t il**u**ppa puta ka haklo m**u**vt, Yohmi kia nana ach**u**fa h**o** isht chik ai onoshke; nana chim a**u**sha k**u**vt mominchit ish kampila cha, ilbusha ya ishit it a kvshkoach**i**, yohmik mak osh v**a** ya chim ilayak v**u**t a**u**sha hi oke; micha ant is siakayashke, im achi tok.

23. Mihma yummak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna hō Chisvs vt pisa mvt, Nana in laua vhleha hokvto palvmmi fehna nana hō Chihowa ap ehlichika yā chukowa he ;

25. Kamel vt chofak ushi nishkin a hlopulli ka palvmmi kv̄t hatak nan in laua yosh Chihowa ap ehlichika chukowa hokvno ik lauwo shke, im achi tok.

26. Mihma yvmma okla haklo mvt, Yohmikma kv̄ta hak osh okchaya hinla cho ? achi tok.

27. Mihma yummak ash ot, Hatak okmvno nana kv̄t ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh ! Pishno vto momin-
chit il issa cha, e chiakaiya kvno, achi tok.

29. Mihma yummak ash ot okla hash, Ahli mak o hvchim achi lishke ; Hatak vt Chihowa ap ehlichika pulla hatuk mak o in chuka, īki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kv̄t yummak atuk a im i shahli tuk mvt, yakni inla mihintikma, ai okchayvt bilia yā ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta ! Chelusalem ak o iloh ivshke ; yohmi ka hopaii vhleha hv̄t Hatak Ushi ak o holisso hā ishi ai ikbichi tok a puyuta kv̄t ont ai ahla chī hoke.

32. Yvmmak oka ishit Chentail okla ibbak fohki na ishit yopulvt, itukhlakav̄t hofahyalichit, on tuftua chī :

33. Micha okla fvm̄mi cha, vba chī hoke ; atukma nitak ont a tuchinakma falamvt tana hi oke, im achi tok.

34. Yohmi ma ilvppa puta ka achi kia okla ik akostinin-
cho ki tok : mihma anumpa ilvppvt im a luma na nana kv̄t anumpa tuk ash kia okla ik ithaiyano ki tok.

35. Atuk o yakohmi tok ; yummak ash ot Cheliko bili-
kasi ka vla ma, hatak lvpa achvfa kv̄t hina lapalika yō binilit
nan asil̄hha tok.

36. Atuk osh okla laua vt ont ihiya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vttā ak osh aya hatuk a, okla im anoli tok.

38. Mihma yvmmak ash ot tahpvlvt, Chisvs, Lewi Ushi chia hvt is s_a nukhaklashke, achi tok.

39. Mihma tikba asht aya tuk ash ot, nukchinta ch_i ka, i miha tok: yohmi kia yvmmak o isht i shahlichī fehnvt tahpvlvt, Lewi Ushi chia hvt is s_a nukhaklashke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasi vla ma, i ponaklot,

41. Nanta hak o a ch_i katimichi la hi a, ish ahni cho? achi tok. Mihma yvmmak ash ot Chitokaka ma! hoponayo la hi á, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo cha, yvmmak ash o iakaiya mvt, Chihowa ya holitoblichī tok: mihma okla hvt pisa mvt, Chihowa ya pit aiokpahanchi tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitempa hosh miko tobtv ia hosh, in tishu vhleha h_a tvli holisso ibbak fohki. 25 Chisvs vt issuba haksobish falaia himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba vhleha maya tuk a kocha pit tihleli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt pvblikan vhleha pehlichī yosh Sakevs hohchifo kv_t, nan in laua hosh anta tok.

3. Atuk osh yvmmak ash ot, Kvta hoh chishba? ahni mvt, Chisvs a pisa bv_nna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisvs ash ot yvmmak ash o vla mvt, pit vba chakalit yvmmak ash o pisa cha, Sakevs ma! tushpvt akowá; himak nitak a chin chuka ya anta la chi hatuk oke, im achi tok.

6. Mihma yvmmak ash ot tushpvt akowa cha, na yukpa fehna hosh yvmmak ash o ilauelet ilap in chuka isht chukowa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vtta chi hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklvnnachit ilbvsha ya im issa lishke; yohmi kvt hatak nana kia nanasi ka anumpa isht a holabi hosh im ishi li tuk okmvt, yummak atuk a ohmi ushta ho i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya yvt chuka ilvppa vlvshke.

10. Hatak Ushi vt okpulot taha tok mak o hoyot okchalinya chi hosh aya tok oka, achi tok.

11. Mihma ilvppa puta ka okla haklo ma, achakalinchit mvt, Chelusalem a ona he, micha Chihowa apehlichika yvt chekosi otvna hinla ka, okla im ahoba aiena hatuk oka, nanisht-vlhpisa ho isht anumpuli tok.

12. Yohmi hatuk osh, Hatak holitompa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso wek, pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yvmmak okvno ik pi pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yvmmak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvt hatak achvfa aiyuka kvt kaniohmi ho ahayuchi

tukma, akostinincha hinla kvt, tishu vhleha ilvppa tvli holisso ima tok ash, yvmmvt im annoa cha, im ai vla chi ka, apesa tok.

16. Mihma tikba vla kvt, Chitokaka ma! chin tvli holisso weki achvfa tuk ash osh weki pokoli hō isht il ahayuchi li tuk oke, achi tok.

17. Mihma yvmmak ash o, Vlhpesa, tishu chi achukmvshke; nana kvt ik lauwo fehna kia aiahli chi achukma tuk okvt, tvamaha pokoli hō ai i shalhit ish pehlichia chi kvt a chim vhlpiesashke, im achi tok.

18. Mihma atukla kvt vla mvt, Chitokaka ma! chin tvli holisso weki achvfa tuk ash ot weki tahlapi hō isht il ahayuchi li tuk oke, achi tok.

19. Mihma yvmmak ash kia, Chishno mvt, tvamaha tahlapi hō ish pehlichia chi kvt a chim vhlpiesashke, im achi tok.

20. Yohmi ma inla yosh vla mvt, Yakeh! Chitokaka ma! chin tvli holisso weki achvfa kash nantapvski yō a bonullit bohli li tuk o, yak itonlvshke.

21. Nana ka chishno ak osh ish bohli tuk keyu kia, ish ishi; yohmikmvt ish hokchi tuk keyu kia ish mo chatuk; hatak palvmmi chia hatuk oka chi sa nukshopa tuk oke, im achi tok.

22. Mihma yvmmak ash o, Tishu haksi chia ka chishno chitih a kohcha kak inli hō nan isht chim apesa la chi hoke. Hatak palvmmi sia nana ka vno yak osh bohli li tuk keyu kia ishi li; mikmvt hokchi li tuk keyu kia vmo li chatuk a, ish ithana;

23. Yohmi ho kak osh na katihmi hō an tvli holisso weki achvfa kash tvli holisso a bohli a chik bohlo ke tuk o, vla li kvt vmmi hash a chelichi hosh ak hoyo cho? im achi tok.

24. Mihmvt bilika hiohmaya kash o, Yvmma tvli holisso weki achvfa kash oh im ishi cha, tvli holisso weki pokoli hā ishi kak o oh imá, im achi tok.

25. Mihma, Chitokaka ma! yvmmak okvto tvli holisso weki pokoli ka ishishke, okla im achi tok.

26. Kvna hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hv*t* i m*iko* la he tuk a, vhl-pesa ik ahno ke tuk yummak okvno ilvppa isht vla cha, sa tikba ya oh ai v*bi*, achi tok oke, achi tok.

28. Micha ilvppa yakohmichit anumpuli mv*t*, tikba hikv*t* Chelusalem a pit oiyv*t* ia tok.

29. Atuk o yakohmi tok; Betfachi, micha Betani aiena ka auet bilika nv*n*ih chaha Alif hohchifo h*o* vla mv*t*, nan im ai ithvna ya tuklochit pit tihleli mv*t*,

30. Ivt tmahushi hvchi chapaka talaia ka hvsh onashke: yvmma ont hvsh chukowak fehna kv*t* issuba himita hatak vt ik o minilo kisha yosh talakchit hikia na hvsh pisa ch*i* hoke; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi h*o* hvsh i hotofi cho? achikma, Chitokaka yak osh bv*n*na hatuk oke; hvsh im achashke, im achi tok.

32. Mihma vlhtoka tuk ash ot itiachi mv*t*, yvmma nana ai i miha tuk ash yohmi fehna mvhli h*o* ont pisv*t* okla tok.

33. Micha issuba himita yash i hotofi hosh ahashwa ma, yvmmv*t* immi atuk ash ot, Nanta katiohmi h*o* issuba himita ya hvsh i hotofi cho? im achi tok.

34. Mihma, Chitokaka yak osh bv*n*na hatuk oke, achi tok.

35. Mihmv*t* yummak ash o Chisvs a isht im ona; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yummak ash ot ona he Alif nv*n*ih h*a* pit okvtanovv*t* mahaya ma, nan im ai ithvna vhleha okla chito ash ot moyumv*t* na fehna puta kv*t* yvmohmi na okla pihisa tuk vt, na yukpv*t* chitolit tahpv*lv*t, Chihowa ya pit aiokpachanchi tok.

38. Chitokaka i hohchifo h*o* aya kv*t* m*iko* yvmmv*t* holi-topvshke; vba ya nanaiya achukmakma, achaha moma i shahli ma Chihowa vt ik a holitop*a*, achi tok.

39. Mihma Falisi vt okla laua takla asht aya tuk vt kani

mi kv̄t, Nan ithvnanchi ma! na chim ai ithvna vhleha h̄a im alvmmi, im achi tok.

40. Mihma yvmmak ash ot afalaminchī mvt, Yakohmi kv̄t ont yokopa hokma, tvli puta kv̄t chekosi fehna tahpvlvt anumpula hinla hoka, hvch im anoli lishke, im achi tok.

41. Atuk osh bilika ona cha, tmaha hash pit pisa cha, isht yaiya mvt,

42. Chishno akinli fehna kv̄t a chī nitak ilvppa fehna kak kia nana isht chi ai yukpa he ai vlhpesa ka ish ithaiyana tok okbato; amba himak okvno chī holhponayo h̄a ai in lumvt konia hoke.

43. Chin tvnvp vhleha hv̄t yakni kullit on talaka holihta kv̄llo ai ikbichit isht chi a folvblit a chim oktvbli bieka na anukaka ya ish foyuka hi a nitak vt chim aya hi oke.

44. Yohmikma a chī nowvt aya he nitak a chik ithaiyano ke tuk oka, chishno, mikmvt chim vlla chi anukaka asha aiena ka yakni ak o ai itilauechit aka chi bohla he; mikmvt tvli achvfona kia it vlantvt kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka yvmma nana a kanchi, miclia nana a chumpa aiena maya tuk ash kocha pit yuhli mvt,

46. An chuka yvt vba pit ai anumpuli chuka yoke: achi hosh holisso tok okak o, hvchishno yokvto na hukopa vhleha in chuka yo hvsh ikbishke, im achi tok.

47. Yohmi mvt nitak moma tempel anukaka ya nana im ai abahanchi tok. Yohmi kia na holitompa isht asha pehli-chi vhleha, mikmvt na-holissochi puta, micla hatak hochi-toka vhleha aiena kv̄t vbi bvnvt aiasha tok.

48. Yohmi kia okla momvt im a haponaklo kv̄t im achukma fehnvt aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kanimi kv̄t, Klaist kaniohmit isht im ai vlhpesa hosh yvmohmi hatuk vt atokowa anola chī ka, im ahni hatuk o nan anoli, 1. 9 Pa kvpi a hollokchi isht vlhpisa. 20 Iskvli itvnali vt Sesa ak o im

itahoba he ai vhlpesa hatuk a Chisvs vt otvninchi. 27 Chisvs vt hatak illi falamvt tana he ilvppa Satusi okla ha isht it im anum-puli mvt, anumpa ha i kobvfi. 41 Klaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

1. **ATUK** o yakohmi tok: nitak yvmma foka ma tempel anukaka ya okla nana im avchi, micha vbanumpa isht anumpuli aiena hosh ahanta ma, na-holitompa isht asha pehlich i vhleha, micha na-holissochi vhleha, mikmvt hochi-toka vhleha aiena kv ai it apihvt ant i kohcha tok.

2. Mihmvt im anumpulit, Nan-isht ai vhlpesa nana ho ilvppa puta ka isht ish yakohmichi, micha kvna hosh nan isht ai vhlpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Vno ak kia nana achvfa ka hvchi ponaklo la chi hoke, mikma is, svm anolashke.

4. Chan baptismo vt vba yak o a minti hokma, keyuk-mvt hatak ak o a minti hokma, nanta ha tok o? im achi tok.

5. Mihma ilap bika nan it im achit maya mvt, Vba yak o a minti tok; il achi hokma, Nanta katiohmi ho yvmma hvch ik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chan vt hopaii a tok a okla yimmi hatuk okvt, okla momvt tvli isht pi bola hinla hoke, achi tok.

7. Mihmvt afalaminchit, Kanimampo kak a tok a kil itha-noshke, okla im achi tok.

8. Mihma Chisvs ash ot, vno ak kia nan isht ai vhlpesa nana ho ilvppa puta ka isht yakohmichi li hatuk vt ak hvchim anoloshke, im achi tok.

9. Mihmvt nan-isht vhlpisa ilvppa okla ha isht anumpulit isht ia tok: Hatak achvfa hosh pakvpi a hokchit tahli cha, hatak toksvli vhleha ho i pota cha, yakni hopaki ho nowvt aya na ahchiba tok.

10. Atuk osh a waya ont vhlpesvt taha ma, pakvpi a hollokchi a waya ka okla ipeta chi ho, yvmmak ash ot tishu

ha hatak toksvli vhleha hash pit i chvffichi tok: yohmi tok kia hatak toksvli vhleha hash ot yvmmak ash o boli cha, nana ik im iksho ho kanima pit chvffichi tok.

11. Mihma anonti tishu inla ho pit chvffichi tok; atuk o yvmmak ash kia okla bolit hofahyalichi fehna cha, nana ik im iksho ho kanima pit chvffichi tok.

12. Mihma anonti ont atuchina ma pit chvffichi tok; yohmi ma yvmmak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta ho katiohmi la chi cho? svso a holitopa yak o pit chvffichi lashke; yvmmak okmvno okla pisakmvt, holitobla hinla yoba ka, achi tok.

14. Yohmi tuk kia hatak toksvli vhleha hash ot yvmmak ash o pisa mvt, ilvppak osh immi ha he mak oke; inta! kiloh vbi, atuk mvt nan im ai vlhtoshowa he tuk vt hvpimmi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokchi vt immi hatuk ash ot yvmmak ash o nanta ho katimihcha hinla cho?

16. Yvmmak ash ot ayvt vla cha, hatak toksvli vhleha ilvppak ash vbit tahlkmt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvli ya chuk-ikbi vhleha hvv shitlema yash o mihi ash inli hosh chukbika nutaka in tola holitopa i shahli ho tobvshke, achi holisso ilvppvt katiohmi hoh cho?

18. Kvna hosh tvli yvmma onvtulakmvt, kobahla he; amba yvmmak ash ot kvna ho onvtula hokmvt, litolit kaiyancha hi oke, achi tok.

19. Yohmi ma hvshi kanvlli vlhpisa yvmmak fehna ka na-holitompa isht asha pehlichi vhleha, micha na-holissochi vhleha aiena kvv, yvmvvt nan-isht-vlhpisa ilvppa ilap ak o isht anumpuli hatuk a okla akostininchi hatuk osh, yvmmak ash ishi bvna hokak osh okla hak o i nukshopa tok.

20. Mihmvt okla apesuchi beka ; yohmi mvt hatak vhlpe-sa ilahobi cha, yummak ash ilap im anumpa akinli hō ai isht onochi : yohmi hokmak osh yummak ash ishit hatak pehli-chi ibbak a ont fohki na nana im apesa hinla ka, na pisa vhleha hā tohno tok.

21. Mihmvt yummak ash ot okla i ponaklot, Nan ithv-nanchi ma ! nana kv̄t ai-vlhpiesa hō ish miha, mikmvt ish ithvnanchi, yohmi kv̄t hatak mvt a chim it i shahsholi keyu, amba Chihowa i hina ai ahli mak o ish ithvnanchi chatuk a il ithaiyanvshke.

22. Noshkobo isht chumpa tvli holisso a Sesa yak o ima he ai vhlpesa hokmá, keyukmá, nanta cho ? pit achi tok.

23. Yohmi kia yummak ash ot okla nan-ilahobi ka akos-tinichi hatuk osh, Nanta katiohmi hō imomakachit hvs sa pisa cho ?

24. Iskvli a oh a haiakvchi. Kv̄ta hak o holbvt toba hō, mikmvt kv̄ta hō a hohchifo hō ? im achi tok. Mihma afal-aminchi mvt, Sesa yak oke, okla im achi tok.

25. Mihma yummak ash ot, Yohmi hoka nana kv̄t Sesa yak o ai immi hokma Sesa yak o hvsh imashke ; mikma nana kv̄t Chihowa yak o ai immi hokmuno Chihowa yak ashke, im achi tok.

26. Yohmi ma okla itikba ya im anumpa hā ai isht ono-cha he keyu mvt, yummvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kv̄t, Illi yvt fala-mvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hv̄t illi kv̄t tekchi vt aśha hosh, vlla yvt iksho hō illi hokma, itibapi-shi hatuk ak osh tekchi atuk a ilauei cha, itibapishi hatuk a vlla isht im ai ikba hi oka, Moses vt holissochit pī bohli tok.

29. Yohmi tok o itibapishi hv̄t untuklo hosh aśha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yummak ash ilauei tuk osh, anonti vlla yvt iksho hō illi tok.

31. Yohmi ma ont atuchina kash ot ilauei ; yohmi tok o ont isht untuklo kash kia yvmmak ash inli ho chomit ilauei ; yohmi kv̄t vlla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yv̄mma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho ? achi tok.

34. Mihma Chisvs vt afalaminchit, Yakni ilv̄ppa vlla yov̄kto itauwaya, mikmvt v̄lhpowv̄chit itauwayv̄chishke.

35. Amba yakni yv̄mma pisa he, micha illi tok vt falamvt tana he aiena kv̄t ai im v̄lhpesa tuk yvmmak okv̄to itauwaya he keyu, micha it im apov̄v̄chit itauwacha he keyu hoke,

36. Mikmvt himmakma illa he keyu ; yvmmak okv̄t enchil v̄hleha hak o ai itilaūi hokv̄t, micha falamvt tani tok okla hokv̄t Chihowa im vlla mak oke.

37. Illi yvt tana he, Moses ak kia bv̄faha an̄ukaka ya ai otv̄n̄inchi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochib̄ifo tok.

38. Yvmmak okv̄t illi ak o in Chihowa yo keyu, amba okchaya yak oke ; yvmmak o moma kv̄t ai okchaya hoka, im achi tok.

39. Mihma na-holissochi v̄hleha kanimi kv̄t afalaminchit, Nan ithv̄n̄anchi ma ! v̄lhpesa fehna ho ish mihv̄shke, achi tok.

40. Mihmvt yvmmak atuk o i himmakma okla nan i ponaklo kv̄t nukwia tok.

41. Mihma yvmmak ash ot okla hash, Katiohmi ho Klaist vt Lewi a Ushi okla achi cho ?

42. Mihma Lewi vt ilap inli kv̄t ataloa holisso ha, Chitokaka yvt an Chitokaka ya, Sv̄bbak isht-impakimma ya ish binili na,

43. Chin tv̄nv̄p v̄hleha ha chiyi yvt ai-o-hikia yo ikbi lashke, im achi tok, achishke.

44. Lewi vt yv̄mma Chitokaka achi, yohmi ka katiohmi hosh ilap ushi oh cho ? im achi tok.

45. Yohmi mvt okla momvt hāklo na nan im ai ithvna vhleha yash,

46. Na-holissochi vhleha nafohka holitopa hofvloha hō abehkvchit itvnowa bvna, micha ilhpak a kanchi ai it-aiokpvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito asha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha hā ahah! hvsh im aiahnashke; yvmmak okvto na palvmmi chito i shahli hō pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvvtnosi pit isht aiokpvchi hō, Chisvs vt ahninchī fehna, 1. 5 Tempel vt ont aiokpulokvv taha hi a, anonti Chelusalem vt ont aiokpulokvv taha cha, chukillissvt talaia hi a isht anumpuli; 25 micha ilap vt vla chikma, nan isht atokowa puta kvv kaniohma hi a anoli.

1. MIHMUT vba chakalit hopokoyo mvt, hatak nan in laua vhleha hvv tvli holisso abohli holitopa yō in tvli holisso ya pit apittvt maya hō pisa tok.

2. Mihmvt ohoyo i hatak illi ilbvsha yosh mait tuklo hō yvmma pit apitta ka, pisa akinli tok.

3. Mihmvt yvmmak ash ot, Ahli mak o hvchim achi lishke, Ohoyo i hatak illi ilvppvvt moma i shahlichit pit fohkishke.

4. Ilvpapak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke; amba yvmmak okvto ilbvsha yosh isht ai okchaya he vt in tonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kvt ai yvmohma hi oh cho? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo ha isht hohchifo kvt, Ŭno ak osh Klaist sia hoke, achit aya kvt laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. Tvnvp asha, micha nana ik it im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kvto chekosa chi keyu hoke.

10. Yvmma fokakma oklushi achvfa kvt oklushi inla ya it intanampa he; yohmikma miko ap ehlich i achvfa kvt miko ap ehlich i inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he; mikma hohchvfo chinto, micha abeka okpulo aiena kvt asha he; yohmikma nana pisvt ai i nukshopa he fehna, micha nan isht atokowa chinto aiena kvt vba ya auet a haiaka hi oke.

12. Yohmi kia ilvppa puta kvt ik a yvmohmo kisha ka, sa hohchifo pulla hatuk mak o okla hvt ibbak a hvchi onochi cha, hvch issikkopala he; yohmi kvt miko vhleha, micha hatak pehlich i a puta itikba ya isht hvchi ai onvt, sinakak puta isht hvchi ai ona, mikmvt aboha kv llo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana ho hvsh miha hi vt tikbanli hvch ik anukfillo ka chi kvt, hvchi chukvsh ma hvsh il anukfoyukashke.

15. Ŭno ak osh itih, mikmvt im anukfila hopoyuksa aiena ka hvch ima likma, yvmmak o hvchi nukkilli vhleha hvt i sanalit miha, mikmvt a kanimancha he kia iksho ka hi oke.

16. Mich a hvch iki, hvch ishki, mikmvt hvsh itibapishi

vhleha, hvchi kanomi vhleha, micha hvch i kana vhleha aiena kv̄t hvch ish̄it, okla ibbak a hvchi fohka he: mikm̄vt hvsh kanima m̄vt, yummak osh ai ahni h̄o, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nuk̄killa hi oke.

18. Yohmi kia hvchi noshkobo pashi vt achv̄fa kia ai okpuloka he keyu hoke.

19. Nuklan̄vt achunanchit hvsh ahanta pulla hosh hvchim ilh̄fiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoypa na hvsh pisakm̄vt, yumm̄vt aiokpulokv̄t taha ch̄i ka, atukonofa ka hvsh ithaiyanashke.

21. Ymma fokakma Chutea ya aiasha tuk vt n̄v̄nih chaha foka pit yihlepakma; anonti ymma ai ikl̄v̄na aiasha tuk vt a kocha wihashke; mikma kocha foka tvmahushi maya tuk okv̄to ymma pit ik vlbeho kashke.

22. Nana puta holih̄iso tok vt ont ai ahla ch̄i mak o, ilv̄ppv̄t na palv̄m̄mi chinto kv̄t isht ai im vlhpisa he nitak a hi oke.

23. Amba nitak ymma foka h̄o v̄lla shanli, micha pishinchi aiena hokv̄to i palv̄mma he; na komunta chinto kv̄t yakni a ai onvtuyulakma, v̄ba auet i nuk̄killi m̄vt okla ilv̄ppa onvtula hi oke.

24. Yohmikma bv̄shpo falaia ȳo isht akakoha he; micha yuka tob̄vt oklushi moma ai im oh̄ona he; mikma Chelusalem a Chentail okla hosh aka a hv̄h̄lih̄inchi na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikm̄vt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yv̄t yakni paknaka ya ai onvtuyulakma, okhv̄ta oka b̄v̄v̄tha kv̄t fohompa he;

26. Ilv̄ppa puta kv̄t yakni a ai onvtuyula ch̄i ka hoh̄oyo tuk vt hatak chukv̄sh puta kash ot nukshopv̄t illa hi oke: v̄ba nan isht aīahli ka puta āsha kash ot winakahancha hi oke.

27. Ymma fokakma Hatak Ushi vt nan-isht-aīahlika,

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kvt ont aiahlit isht ia, yohmikma a hvchi hlakofa chi kvt atukonofvt taha hoka, vba pit hopokoyot hvchi noshkobo ha hvsh vba chakalichashke, im achi tok.

29. Mihmvt nan-isht vlhpisa ho okla hash isht im anum-pulit, Fik vpi, micha iti puta ka ho pesa.

30. Yvmmvvt bokoplit kohcha na hvsh pisakmvt, hvchish-no akinli kia toffa vt olanlosi ant takanli ka hvsh ithana chatuk oke.

31. Yohmi kvt yvmmak inli ho chiyuhmit nana ilvppa puta kvt ont aiahli na hvsh pisakmvt, Chihowa ap ehlichika yvt auet olanlosi vla ka hvsh ithaiyanashke.

32. Ahli mak o hvchim achi lishke; Himak a hatak asha ilvppvt ont ik ai ikshot ik kvnio kisha ho, momvt ont aiahli ha chi hoke.

33. Uba shutik, micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Michahah! hvsh il aiahnashke; yvmmak keyukmvt kanima kash inli ho isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hvchi chukvsh ma isht alotvt atvpa, yohmi na hvch ik akostinincho ho, nitak yvmmvvt ayvt ant hvchi kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpohonlit hvsh biliashke: yohmi tuk osh nana kvt a yakohma chi puta ka mominchit ai i hlakofit, Hatak Ushi itikba ya hioh-maya hi vt a hvchi vlhpeshashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nvni chaha Alif hohchifo ho ont antvt on onna tok.

38. Atuk o onnahninli fehna i haponakla chi kvt, okla hv momvt tempel a im ai ona tok.

CHAPTA XXII.

Chutas Iskaliot vt Chisvs a ishit na-holitompa isht asha pehlich i vhleha hā ibbak fohka chī kvt nan it im apesa, 1. 7 Pita, Chan ita tuklo hosh ont ai vbanvblit isht vhlpisa ka atahli hō, Chisvs vt auah-tuklo yash it ibai impa mvt, 19 opiaka na holitopa impa isht vhlpisa ka apesa. 31 Pita na-yimmi im anukfila hatuk vt i kvnia chī keyu, amba hituchina ha yō ilapa ik ithano chatuk vt miha chī ka, Chisvs vt im anoli. 39 Nana kvt im a palvmmi, micha vba pit anumpohonlit osapushi anukaka ya anta; 47 Chisvs a okla isht ia na na holitompa isht asha pehlich i a im ona. 54 Pita yvt hituchina ha yō Chisvs a ik ithano ka miha tuk osh, i himmak o nukhaklot yahaya fehna, 63 mihma Chisvs a okla ik ahobalot na mihachi. 66 Chisvs a ilauelit nan ai apesa ya isht ona na illa chī im vhlpisa.

1. MIHMA vbanvblit ont ia achi, pvska ik shatvmmo impa hv̄t ai onā he tok.

2. Yvmohmi ma okla hak o i nukshopa hatuk osh, na-holitompa isht asha pehlich i vhleha, micha na-holissochi puta kash ot yvmma kaniohmichit vba hinla kvt akostininchi bahana tok.

3. Yohmi ma Setan vt Chutas Iskaliot hohchifo, auah-tuklo ka ai iba holhtina hatuk ash ont chukowa tok.

4. Mihma yvmmak ash ot ia mvt, kaniohmichit ishit ibbak fohka hinla kvt, na-holitompa isht asha pehlich i vhleha, micha kvpitvni vhleha aiena ka ont isht it im anum-puli tok.

5. Mihma okla na yukpa mvt, yvmmak ash tvli holisso ima chī kvt im apesa tok.

6. Mihma, Yohma hinla kvt miha mvt, okla laua yvt ai iksho ma ataklvchit ishit, ibbak a fohka hinla kvt ai vhlpesa hi a hoyo tok.

7. Atuk o pvska ik a shatvmmo ka he, micha ai vbanvblit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit, Ivt ai vbanvblit ont ia ya hvsh pim atahli tuk o, iloh impashke, achi tok.

9. Mihma yvmmak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tvmaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yvmmak o apihvt aboha kanima yo pit chukowakma, hvsh chukowashke.

11. Mikmvt hatak chuka yvmma ai vta yatuk ash, Nanthvnanchi vt, Katima ko ai impa aboha yvt talaia ho, nan vm ai ithvna vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yvmmak ash ot vba potvlhpo chito hosh nana ai vlhtaha achukma ho hvchi pisacha chi hoke; yvmmak o hvsh ai atahlashke, im achi tok.

13. Mihma itiachi tuk osh, yvmmvv nana ai i miha hatuk ash ont ai vlhpiesa na pisvt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi auah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kvv ahni li fehna tuk oke.

16. Himak a pilla ma yvmma ak ai vpo mak o, Chihowa apelhlichika yak o ai isht aiahla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpvchi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apelhlichika yvt vla chi mak oke, hvchim achi lishke, im achi tok.

19. Mihmvt pvaska ya ishi cha, vba pit aiokpvchi mvt, tushalichi cha, yvmmak ash o ima mvt, Ilvppvt sa nipi yosh hvchishno yak o isht hvchi vlhtoba mak oke, isht hvsvvthaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokvto ai im vlhpisa tok mak osh yohmi mvhli; amba ishit inla ibbak fohki yummak okvto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chaport maya tok.

25. Yohmi ma yummak ash ot, Chentail okla i miko vhleha hak osh i na-hullo ho tobrt, nana ho ahnikmvt, ai i yvmihchi chatuk; micha yvmma ai i shahlit nan im ai vlhpisvt antakmvt, nana achukmali yo hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmvt, yummak osh himmak o chohmashke; mikma na pehlichy yokmvt, nan-isht im vta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkov, aiasha holitopa ka chieyvt, Israel hatak isht-ai-un-chululi auah-tuklo ka nana hvsh im apihisa chi mak o, apehlichika ya hvch im apesa li kv, vno a Aki vt ai vm apesa tok a chiyuhmichi lishke, im achi tok.

31. Mihmvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemvt ish ile kostininchikmvt, ish itibapishi vhleha ha ish hlampko-chashke, achi tok.

33 Mihma yummak ash ot, Chitokaka ma! aboha kvlo,

micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukecha, micha bahta pinak ai-vlhto, mihmvt shulush aiena kvk iksho ho pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukecha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvk yummak ash ot, Nan-vlhpisa kobvffi vhleha ho ai iba holhtina tok, achi holisso tok ilvppvt vno ak o ant si ai isht ai ahla chi ka pulla moma hoke; nana kvk vno ak o vsht anumpa tok okvto ont ai vbla chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yummak oh kia vlhpesa hoke, im achi tok.

39. Mihmvt yummak o yohmi chatuk okvt, kocha ia mvt, Alif nvnih chaha ya ona ma, nan-im ai ithvna vhleha hash kia iakaiya tok.

40. Mihma yummak ash ot yumma ont anta mvt, A yoshuba ya hvch ik iba chukowo ka chi kvk vba pit hvsh anumpohonlashke, im achi tok.

41. Mihmvt ai i filvmmitt tvli bohpoa ont ai itola ho tuk ohmi foka ho, ont hvchukbihlepvt hikia cha, vba pit anum-pulit,

42. Aki ma! vlhpesa ish ahni hokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma enchil vba minti kvk ant i haiakvt hlampko-honchi tok.

44. Mihma i palvmmi kv̄t a fehna hatuk okv̄t, i shahlichit a chilitv̄t v̄ba pit asilhha tok: mihma laksha kv̄t issish hlatapa chinto aka fohompa h̄o chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukhaklo kv̄t nusi tuk osh aiasha na pisa mvt,

46. Nanta katiohmi h̄o hv̄chi nusi cho? ai-ashv̄chika ya hv̄ch ik iba chukowo ka ch̄i kv̄t, tanit v̄ba pit oh asilhhá, im achi tok.

47. Mihma yv̄mmvt anumpuli moma h̄o, auah̄tuklo ai iba holhtina Chutas hohchifo hash ot okla lawa ka in tikba hikv̄t aya tuk osh, i suksowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suksowa hak o Hatak Ushi a isht haksichit ishit inla ibbak a ish fohki hoh cho? im achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia yo isht e fahama ch̄i cho? im achi tok.

50. Mihma achv̄fv̄t na-holitompa isht āsha pehlich̄i i shahli in tishu h̄o fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmvt hakso-bish ash i potoli mvt, hlakofichi tok.

52. Mihmvt Chisvs ash ot na-holitompa isht āsha pehlich̄i v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, Na-hukopa yo ayv̄t i kohcha h̄o chiyuhmit bv̄shpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anukaka ya ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aiahli aiena ka hv̄ch̄i nitak mak okv̄t, im achi tok.

54. Yohmi ma yv̄mmak ash o okla ishi mvt, isht iv̄t na holitompa isht āsha pehlich̄i i shahli in chuka yo ont ishit chukowa tok. Mihma Pita yv̄t auet i mishemanchit iakaiya tok.

55. Atuk o kvsbi aboha ai itin-takla talaia tuk a ai ik-lvna ka okla luak ai oti cha, binohlit taha ma, Pita yvt takla binili tok.

56. Atuk o yvmmt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia ymma awant aya kamo, achi tok.

57. Mihma ik ithano ilahobit, Ohoyo ma! ymma ak ithanoshke, achi tok.

58. Atuk o anonti in chekosi ma, inla yosh ymmak ash pisa mvt, Chishno vt ymma ai achvfa chia akinli, achi ma; Pita ash ot, Hatak ma! mihi yo sia keyushke.

59. Atuk o ymmak atuk a i hvshi kanvli achvfa foka ma, inla hosh kvllochi fehnt miha mvt, Ilvppak kia ymma awant aya yatuk vt aighli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, ymmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kvta hosh chisso ho? akostininchit anoli, achit i po-naklo tok.

65. Mihmvt ik ahobalo fehnt nan ilaiyuka isht im i sanalit mihachi kv lauachi tok.

66. Atuk o onnvt taha mak inli ho, hochitoka vhleha, micha na holitompa isht asha pehlich vhleha, mikmvt naholissochi vhleha aiena kv itahoba cha, ymmak ash ilauelit im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs sum anumpula he keyukmvt, anonti ant ik i hotofá, hvs sum ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh a haklo kv, himmakma nan isht atokowa ka iloh ahna hinla cho? okla achi tok.

CHAPTA XXIII.

Chisvs a okla ilauelit Pailat ak o isht im ona ma, 1, 13 Pailat ash ot, okla ak osh yvmma im ahni fehna hatuk o, Chisvs vt ititaiyukhvna ahonvhla chi ka, im issa cha, Balabbas ak o i hotofi. 26 Chisvs vt iti-taiyukhvna ahonvhla chi ho okla isht ia mvt, Saimon ak osh iti taiyukhvna ya iba shola chi ka atohno; 33 hatak hukopa tuklo hosh apihtv ititaiyukhvna ahonvhla ak inli; achvfa kvto Chisvs vt yvmma takanli moma ho, i yimmit aiokpuchi. 44 Chisvs vt illi. 50 Chosef Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilauelit Pailat a isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa tvli holisso im itahobi chatuk a im alvmminchit ahantvt, pim okla talaia ka okpvnit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht asha pehlichy vhleha, micha okla puta kash, Hatak ilvppa nan ik ai vhpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im abvchit, okla ha ai okpvnichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okmá, nanta hatuk ba ? achit ponaklo tok.

7. Atuk osh Helot apehlichí yak o ai iba fohka atuk o akostininchi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok : yohmi kvv yvmma isht ai annoa ka hahaklo ka laua hatuk osh, pisa bvnna fehna tuk a hopaki tok ; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok : yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlichí vhleha micha, na-holissochi vhleha aiena kash ot kvvlochi fehntv anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehntv isht itukhlakavt ik ahobacho ke tuk : mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichí vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichi yoke, achi hosh isht hvs svm vla tuk : mihma yakeh ! hvchi tikba ya nana ka ai im asilhhahanchi li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yvmmak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohrai hoka fvmmi lish, i hotofi la chi hoke, im achi tok.

17. Yohmi kvv ai-vbanvblit ont ia impa asha ka achv-falichit ai i hotofa hi a vlhpesa ha tok.

18. Mihma himonna achvfa momvt tahpvlvt, Hatak ilvppvno kanima isht ia cha, Balabbas ak o ish pi kohchichashke, achi tok.

19. Yvmmak okvt tmaha ha antvt i miko a ik im antio ka chi ka okla ha anukfohkichi, micha hatak vbi aiena hatuk o, aboha kvlllo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-lvchi, iti-taiyukhana yo ahonvhlichí, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehnvt chitolit anumpuli hosh, yvmvvt iti-taiyukhvna ahonvhla hinla ka asihihlha tok: mih-mvt yvmma, micha na-holitompa isht asha pehlichí vhleha aiena im anumpa hak osh imaiyachi tok.

24. Mihma Pailat ash ot okla hvv nana asilhha tuk mak o vlhpesa chi ka apesa tok.

25. Mihma yvmmak o okla asilhha tuk oka, i miko ik im antio ka chi ka anukfohkvchichi, micha hatak ma vbi aiena hatuk o aboha kvlllo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yvmmak ash o kanima isht ivt itvnowa mvv, Silinian hatak Saimon osh haiaka vttvt minti ho okla halvllit ishi; yohmi mvv yvmmak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava fehna kvv iakaiyv itvnowa ma,

ohoyo aiena tuk osh yummak ash o isht nukhaklot chitolit yahaya tok.

28. Yohmi kia Chisvs ash ot pit filema mvt, Chelusalem ushetik hvchia ma! vno ak okvno vsisht yayvt nishkin okchi hvch ik hlatvblo kashke: amba hvchishno inli kak o isht ile yayvt nishkin okchi hvsh hlatvblikmvt, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmvt i pishik vt na pishechi keyu aiena hokvto im achukmvshke, okla acha he nitak vt mihintishke.

30. Yvma fokakma nvni chaha putā ka, Pi o kinahli, im achikmvt, nvni chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi ho, ai apehalinchit isht aya tok.

33. Atuk osh Kalfali hohchifo yummak atuk ash okla ai vla mvt, yummak ash, mikmvt hatak haksi tuklo aiena kash ot achvft ibbak isht-impak imma yo takali ma, anonti achvft vlfvrbeka tvnnv o takali ho, iti-taiyukhvna ya ai ahovhlichi tok.

34. Yohmi ma Chisvs ash ot, Aki ma! ish i kashofashke: nana ka kaniohmi kvv okla ithana ho keyu hoka, achi tok. Yohmi ma i na fohka ya ita kvshkolit mayvt na-shoeli tok.

35. Mihma okla hvv pisvt hiohmaya tok: mihma hochi-toka vhleha mvt ik ahobalot, Inla ya okchalinechi yatuk okvt, ilap ak osh Chihowa i holitopa Klaist atuk okmvt ilap inli kak osh ik il okchalinechi, achi tok.

36. Mihma vshka chipota vhleha ak kia ai im vlvv, ishit yopulvt, anonti wineka ipeta mvt,

37. Chishno ak osh Chu okla ha i miko chia hokmvt, ish il okchalinechashke, achi tok.

38. Yohmi ma Klik, micha Latin, mikmvt Heblu aiena anumpa ho isht a holisso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvfvt yvmmak ash ik ahobalot mihachit, Chishno ak osh Klaist chia hokmvt, il okchalinchi cha, pishno ma ish pi okchalinchashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kv̄t a miha achvfa hokak osh Chihwa ha chik i nukshopo cho ?

41. Micha pishno ak okvto pim ai vlhpesa ho mvhli ; pishno nana il a kaniohmi tuk isht ai vlhtoba he vlhpesa mak o e pisa hoka ; amba hatak ilvppak okvto nana ho okpuni tuk keyushke, achi tok.

42. Mihmvt Chisvs ash, Chitokaka ma ! ish apehlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

44. Yohmi ka yvmmv̄t hvshi kanvlli vlhpisa ont isht hannali foka tok ; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tv̄nna tempel anukaka takali atuk vt iklv̄nna ita hlilafa tok.

46. Mihma Chisvs vt chitoli hosh anumpuli mv̄t, Aki ma ! sa shilombish a chibbak pit a fohki lishke, achi tok : mihmvt yakohmichit miha mv̄t, fiopissa tok.

47. Mihma nana kv̄t ai yvmohmi na Sintulion vt pisa mv̄t, Ilvppvt hatak ahli achukma yatuk o pulla mvhlishe, achit Chihowa ya holitoblichit tok.

48. Mihma okla yvmma pisvt ai itahoba tuk ash ot, nana kv̄t ai yvmohmi ka pisa mv̄t, momvt ilap ikkishi ha isso cha, falamvt ilhkoli tok.

49. Mihma yvmma ai it ithanaka puta, micha ohoyo Kalili a asht ai apehvt minti tuk aiena kash ot mishema ho auet hielit, na yakohmi puta ka pihisa tok.

50. Mihma hatak vt Chosef hohchifo nan-apesa, micha hatak ahli achukma hosh anta tok.

51. Okla nana im anukfila, micha a kaniohmit maya aiena ka ilvppvt ik ibafohko ki tok : ilvppvt Chu okla in tmaha

Alimahlea ak o ai vtta hosh yvmmak kia Chihowa apehlichika ya pit hohoyo ya tok.

52. Hatak ilvppak ash ot ivt, Pailat a im ona cha, Chisvs haknip a asilhha tok.

53. Micha yvmmak ash ot akvchi cha, na-lapushki linen o a bonullit sepvka vt tvli yosh kulvt toba ho, yvmma hatak nana kia ik a fohko yatuk o fohki tok.

54. Mihma yvmmt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili a asht ai apehvt aya tuk ash kia, iakaiyvt ilhkoli cha, sepvka, micha haknip ash ot kaniohmit itola aiena ka achukmalit pisa tok.

56. Mihmt falamvt ilhkoli cha, na-balama, micha nanahama aiena ka atahlit maya tok: mihmt anumpa vlpisa yoka nitak hullo yokvno foha tok.

CHAPTA XXIV.

Chisvs vt falamvt tani tuk a enchil tuklo hosh ohoyo hash sepvka ak o ai im anoli, 1. 13 Chisvs nan im ai ithvna vhleha tuk vt tuklot Emmavs a itiachi hosh ayvt okla; 38 il otvnichi, nan im ai ithvna vhleha hatuk vt chiya moma na Chisvs vt itintakla ant hikia: 47 yohmi cha Chelusalem ak o vmmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. ATUK osh wek nitak vmmona onnvt okhlilinchii fehna ho na-balama atahli tuk vt ishit, inla ka ai itapihvt, sepvka yash okla ai ona tok.

2. Mihma tvli vt sepvka ya kanima pit tonoli tuk o okla pisa tok.

3. Mihmt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehnvt maya ma, yakeh! hatak tuklo kv i na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yvmmak

ash ot, Nanta katiohmi hō okchaya illi aiasha ak o hvsh
hoyo cho?

6. Ilvppa ikshoshke; amba tani tuk oke; Kalili a anta
moma mvt hvchim anoli kv̄t;

7. Hatak Ushi vt hatak nan ashvchi vhleha ibbak a a
fohka cha, iti-taiyukhvna ai ahonvhla tuk osh, nitak ont
atuchinakma falamvt tana hi oke, achi tuk a hvsh ithaiya-
nashke, im achi tok.

8. Mihma im anumpa ha tok ash okla ithaiyana tok.

9. Micha sepv̄lka yash asht falamvt ilhkoli mvt, auah-
achvfa kash, micha inla moma aiena ka na yakohmi puta tuk
ash mominchit ont im anoli tok.

10. Meli Maktalene, micha Choanna, mikmvt Meli, Chemis
ishki, micha ohoyo inla ka yv̄mma apehvt aya tuk aiena kak
osh vbanumpeshi vhleha hā na-yakohmi puta tuk a ont im
anoli tok.

11. Mihma yv̄mma im anumpa hv̄t annoa ik ahlo yak o
ai im itilaui cha, okla ik yimmo ki tok.

12. Mihma Pita yvt wakaya cha, malelit sepv̄lka ya onvt,
pit aka chonoli mvt, linen nan-tv̄nna ak bano hosh asha
na pisa cha, ia mvt, nana kv̄t ai yvmohmi tuk ash, okokko!
ahni tok.

13. Atuk o tuklo kv̄t nitak mih-makinli ka tv̄mahushi
Emmavs hohchifo hosh, yv̄mmvt Chelusalem a auet i kowi
untuchina foka hatuk o itiachi tok.

14. Mihmvt nana kv̄t ai yvmohmi tuk ilvppa puta kash
isht it im anumpohonli tok.

15. Atuk o yakohmi tok; it im anumpulit nan it im
asilhhahanchi kash ot moma hō, Chisvs akinli kv̄t sakki cha,
takla aya tok.

16. Yohmi kia ik ithano ket okla chī ka, nishkin vt mo-
choli hō chiyuhmi tok.

17. Mihma yv̄mmak ash ot, Ilvppak osh anumpa katiohmi
mak o isht it im anumpohonlit hvsh aya cha, hvsh ilapissa
cho? im achi tok.

18. Mihma achvfv̄t Kleopas hohchifo hosh afalaminchit;
Hatak kanima minti chishno ak hosh Chelusalem a ish anta

kvt himak nitak chohmi yvmma nana kvt a kaniohmi ka chik akostinincho ke tuk oh cho? im achi tok.

19. Mihma yvmmak ash ot, Nana nanta ho? achi ma, Chisvs Nasalet hatak nan im a kaniohmi tuk a, yvmmak okvt hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kvt a chinto fehna tuk;

20. Yvmohmi tuk o na-holitompa isht asha pehlichy vhleha, micha pi hochitoka vhleha aiena kvt, yvmvvt illa chi hosh im vllhpisa chi ka, kaniohmichit ishit inla ibbak a fohki na iti-taiyukhvna ahonvhlchi tuk.

21. Yohmi kia yvmmak osh Israel okla ha hlakoficha he tuk mak atuk a pi yihimmi tuk; yvmohmi tuk kia keyushke; micha yvmmak bano keyu, nana kvt a yakohmi tuk a himak nitak vt nitak ont isht atuchinvshke.

22. Michu anonti ohoyo il ai itapeha tuk a a kanimi kvt onnahinli fehna sepulka ya ont maya tuk vt,

23. Yvmma haknip a ik peso hosh ai vla mvt, anonti en-chil mvt i haiaka na pisa ma, Yvmmak ash ot okchaya hoke, achi tuk achi cha, okla pi nukhlakvshli tuk oke.

24. Yohmi ma il ai itapeha tuk a a kanimi kvt sepulka ya ona, yohmi mvt ohoyo nana a miha tuk a vllhpesa ho ont pisa tuk; yohmi kia yvmmak amo okla ik peso ke tuk oke, im achi tok.

25. Mihma yvmmak ash ot, Im anukfila iksho, hopaii vhleha hvv anumpuli tok moma ka chukvsh isht yimma he svlaha hvchia ma!

26. Klaist vt na yakohmi puta ka pisa ha yosh a holitopaka ya chukowa he vllhpesa ha tok keyu cho?

27. Mihmvt Moses, micha hopaii puta aiena tok ai vlli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma temahushi itiachi yvmmak atuk ash ot itonacha hosi tok; yohmi ma yvmmak ash ot ont ia hinla ka, ile chohmichi tok.

29. Yohmi kia im a chilita fehvt okvt, Nitak vt shohbit ont opivt mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yvmmak ash ot takla impvt binili mvt, pvska ya ishi cha, vba isht aiokpvchi mvt, tush-tolit, yvmmak ash o ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlhpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kvt, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yvmmak ash osh hina takla ya nana kvt a kaniohmi tuk, micha yvmvvt pvska tushalichit ashvt kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai ikvnna ont hikia cha, Nanaiya kvt hv-chimmi hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? mi-cha, Na katihmi ho hvchi chukvsh anukaka ya na hvchim anukfila anuktuklo kvt takali cho?

39. Svbbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hvs sa pisa ka, chohmi keyu hoka, im achi tok.

40. Micha ilvppa yakohmichit anumpuli mvt, ibbak, mi-cha iyi aiena kash i haiakvchi tok.

41. Mihma okla na yukpa kak osh yimmi keyu kisha, mi-cha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim asha cho? im achi tok.

42. Mihma nuni vhpusha tushafa, micha foi-bila aiena h_o okla ipeta tok.

43. Mihma ishi cha, okla itikba y_a ai vpa tok.

44. Mihmvt, Nan okluha kv_t isht a si annovt Moses, mi-cha hopaii vhleha aiena i holisso, mikmvt ataloa holitopa aiena ka ai o holisso tok vt ont aiahli pulla ch_i mak o, hvchi takla anta li moma kv_t anumpa ilvppa puta ka isht hvchim anumpuli li tok oke, im achi tok.

45. Mihmvt. Holisso Holitopa y_a ithaiyana ch_i ka, im anukfila nan-isht akostininchi a in tiwi tok.

46. Mihmvt, Klaist vt yakohmi hosh i palvmm_{it}, illi tuk osh, anonti nitak ont atuchinakma illi tuk vt tana hi a, isht ai vhpiesa tok.

47. Micha ile kostinincha he, mikmvt ai ashvchika puta isht a kashofa he aiena kv_t yvmma hohchifo h_o isht anumpa kv_t, vmmona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi h_o hvchishno ak osh na yakohmi puta ka ai-atokowvt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tumaha hak o hvsh aiashvt, nana aiahli vba minti kv_t ont hvchi anukfoyuka kak mak ashke, im achi tok.

50. Yvmohmi tuk osh yvmmak ash pehlichit kohchvt ivt. Betani yokvno isht ona tok: mihmvt ilap ibbak ash vba pit wieli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmm_{it} vba pilla pit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem a ai vla tok.

53. Yohmi mvt Chihowa y_a in talovt holitoblichit pit aiokpahanchit tempel anukaka y_a aiasha beka tok. Amen.

UBANUMPA CHAN

UT HOLISSOCHI TOK

CHAPTA I.

Anumpa achi Chisvs Klaist yvmmak osh vmmona fehna ka Chihowa ha iba chvfa, 1 ; 6 Nan-tohwikeli ai ahli kv achvfa illa ilvppak atuk a atokowa anola chi mak osh Chan vt aya hatok. 15 Chan vt Klaist a nan vlhtokowa isht ai anoli. 35 Chan nan im ai ithvna yatuk vt tuklot Chisvs a apeha toba ; yvmmak atuk vt achvft An-tlv ak osh itibapishi Pita ya ilaelit Chisvs a isht im ona.

1. UMMONA ka Anumpa hvt ahanta mvt, Anumpa hvt Chihowa ya ai iba chvfa tok : mihmvt Anumpa hash ot Chihowa ya tok.

2. Yvmmak inli hosh vmmona ka Chihowa ya ai iba chvfa tok.

3. Yvmmak atuk mak o nan okluha kv toba tok ; yohmi ka nana kv toba tok vt yvmmak o keyu hokvno ik tobo ki tok.

4. Yvmmak oka isht ai okchaya yvt asha tok : yohmi ka isht ai okchaya yvmmak ash ot hatak puta ka in tohwikeli ya tok.

5. Mihmvt tohwikeli hash ot ai okhlilika ya a tohommi ; yohmi ka okhlilika yvt yvmmak ash o ik akostinincho ki tok.

6. Hatak Chan hohchifo hosh, Chihowa nana aiahni ho aya tok.

7. Yvmma pulla tuk mak o hatak vt momvt yimma hi o, yvmmak ash osh nan atokoli osh Nan-tohwikeli ash atokowa anola chi hosh aya tok.

8. Yvmmak osh Nan-tohwikeli mih mak a tok keyu ; am-

ba Nan-tohwickeli ymma atokowa anola chi mak osh aya tok.

9. Yakni pakna hatak vt ai vta hoka mominchit in tohwickelichi, ymmak osh Nan-tohwickeli ahli mak a tok.

10. Ymmak atuk mak o yakni vt toba tok o, yakni a ai ahanta ma, yakni vt ymmak ash ik ithano ki tok.

11. Ymmak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vlhpesa ka ima tok;

13. Issish ak o keyu, mikmvt haknip nan ahni keyu, micha hatak osh nan ahni keyu ho, ymmak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aiahlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt ymmak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, ymmak ash holitopa kvv vno a a shahli ho, isht anumpohonli li tuk a ilvppak atuk mak oke, achi tok.

16. Micha ymmvt isht alotowa hatuk ash e moma kvv nan isht i kana yvt ai itvlbitkvechi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-aihlhika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka, ymmak atuk okvto ymmak oka otvninchi tok oke.

19. Mihma ymmak ash o, Kvta chia hoh cho? achit ont i ponakla chi ka, Chu okla hvv na-holitompa isht asha, micha Lefait okla aiena ka Chelusalem a a kohchit pit tihleli na Chan vt atokowa anoli tok a ilvppak oke.

20. Yohmi kvv ymmak ash ot atokolit anoli kvv, Mih sia

hoke, achi tok keyu; amba atokolit, Ūno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia hō? achi tok: mihma, Mih sia keyu, achi tok. Hopaii mih mak o chia hō? achi ma; afalaminchi mvt, Keyú, achi tok.

22. Mihma, Kvta chia hak o? ish pim anoli na auet pi tihleli tuk vhleha hā anumpa falama ka ont il imashke: chishno akinli kvto, Kvta hō ish ile miha cho? im achi tok.

23. Mihma yvmmak ash ot, Achvfa hosh yakni haiaka yō ai anumpohonlit, Chitokaka ataya hi a oh apissvlichí, ahanchi hō hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi hō ish baptismochi cho? im achi tok.

26. Chan ash osh yvmmak ash o im afalaminchi mvt, Ūno vto oka yō ishit baptismochi lishke; amba achvfa kv̄t hvchi takla hikia yvmmak okvno hvch ik itha-noshke.

27. Yvmmak osh siakaiyvt minti kv̄t holitopa kv̄t a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kv̄t ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfvlhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kv̄t, yvmmak osh sa tikba ahanta tuk osh holitopa kv̄t a shahli hoke; achi li tuk a ilvppak osh mih mak oke.

31. Yohmi kv̄t ilvppa ithana li tuk keyu; yohmi kia

ilvppak osh Isael okla hā im otvna chī kak o, vno vt oka yā ishit baptismochit āya li hatuk oke, achi tok.

32. Mihmvt Chan vt atokowa anolit, Shilombish okvto pvchi yoshuba yō chiyuhmi hosh vba yā vttvt mintit, yvm-mak ash ant o binili na pisa li tok.

33. Yohmi ka yvmmak ash o ak ithano ki tok; yohmi kia oka ishit baptismochi la chī hō, sa tohno tuk yvmmak osh, Kvna hō Shilombish ak osh aka mintit ant o binili na ish pisa chī ka, mihi yosh Shilombish Holitopa yā ishit baptismocha chī mak oke, im achi tok.

34. Atuk o, Ilvppak osh Chihowa hā Ushi pulla hatuk a pīsvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt āya na pisa mvt, Chihowa in Chukfvlhpoba ushi a ho pesá, im achi tok.

37. Mihma nan im ai ithvna tuklo kash ot, yvmmak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta hō hvsh hoyo cho? im achi ma, Labbai ma! yvmvvt vlhtoshowakmvt, nan-ithvnanchi ma! achi, Katima kō ish ai vtta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vtta yatuk a ant pīsvt okla mvt, hvshi kanvlli vlpisa ont isht pokoli foka hatuk oka, nitak yvm-mvno apehvt ashwa tok.

40. Tuklot Chan vt anumpuli na haklo cha, yvmma iakaiyvt okla tuk ash, achvfa kv Antilu, Saimon Pita itibapishi ha tok.

41. Yvmmak ash ot na tikba ilapo itibapishi akinli Saimon ak o pisa mvt, Messias ash, yvmvvt vlhtoshowakmvt, Klaist achi hō il ahayuchishke, im achi tok.

42. Mihma yvmmak ash o ilauelet Chisvs a im vla tok. Mihma Chisvs vt yvmmak ash o pisa mvt, Chona ushi Saimon chia hv Sefas, yvmvvt toshowakmvt, tvi achi hoke, yvmmak o chi hohchifashke, achi tok.

43. Atuk osh ont onna ka Chisvs vt Kalili a ia hi atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tumaha Bet-saita yak o ai vtta ya tok.

45. Filip vt Nahlanael a pisa mvt, Chisvs Nasalet vtta, Chosef ushi, yummak o nan vllhpisa ya Moses vt, micha hopaii puta kvv isht a holissohonchi tok mak o, e pishshke, im achi tok.

46. Mihma Nahlanael ash osh, Nana achukma kvv Nasalet a ai itolvv kohcha hinla ho? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Israel hatak ahli fehna kvv nana ilahobi keyu mak oke, achi tok.

48. Mihma Nahlanael ash ot, Katiohmit is svthana cho? im achi ma, Chisvs vt afalaminchi mvt, Filip vt ont ik chi hoyo kisha ho, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Israel okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha ho chi pisa li tuk achi li kak o, chi yimmi há cha? nana kvv ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba yvt tiwa na Chihowa im enchil vhleha hvv Hatak Ushi a auet ai akohowa, anonti vba pit ai ihiya aiena ka, ish pisa hi oke, im achi tok.

CHAPTER 11.

Kana ak o nan-itaawayvchi asha ho Chisvs vt oka kapvssa atuk a oka paki ikbi, 1; 12 Chelusalema a ona cha, na chumpa vhleha, micha na kanchi vhleha aiena tempel anukaka aiasha tuk a kocha pit yuhli; 23 yohmi ma Chisvs vt na fehna yvmihinchi ho pisa hatuk mak osh lauvv i yimmi.

1. ATUK o nitak ont atuchina ma Kalili yakni Kana a nan-itauguayvchi vt asha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kv̄t nan-itauguayvchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kanvlli vm ai vhpisa hv̄t ik ai ono kisha hoke.

5. Ishki ash ot nan-isht asha vhleha hash, Nana ho hv̄chim achikma, hv̄sh yvmihchashke, im achi tok.

6. Mihma Chu okla ai yvmohmi yatuk osh isht il ai achi-fa ya tuk, tv̄li shuti oka ai-vlbeha hannali kv̄t, fv̄k in tuk-lokmá, tuchinakmá nana ai vlhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlich̄i tok.

8. Mihma, Inta! ho bicheli cha impa pehlich̄i ya ishit oh im iá, im achi tok. Mihma okla ishit im ia tok.

9. Mihma impa pehlich̄i ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvt, yohmi kia nan-isht asha vhleha oka ochi tuk okvto ithana ho, impa pehlich̄i ash ot himona ohoyo itauwaya ash hoyo tok.

10. Yohmi mvt, Hatak moma kv̄t vmmona ka okapaki achukma ka talohli chatuk; atuk osh hatak vt ishkot fiho-pak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmmona kv̄t ilvppak o Chisvs vt Kalili yakni Kana yak o ai yvmihchit, ilap im a holitopa ya otvn̄inchi tok; mihma nan im ai ithvna vhleha hv̄t i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvt nan im ai ithvna vhleha aienvt Ka-

penavm a ilhkoli tok ; atuk osh nitak kanohmi keyu hō ont maya tok.

13. Mihma Chu okla i nan-vbanvblit ont ia yvt ai ona hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfulhpoba, micha puchi vlhpoba aiena kanchi vhleha, mikmvt tvli holisso itatoba aiena kv̄t binohmaya na pisa tok.

15. Mihmvt aseta chipunta yō isht fuma ikbi cha, yvm-mak ash, chukfulhpoba, micha wak puta aiena kash mom-inchit tempel a a kocha weli tok ; mihmvt tvli holisso itatoba vhleha in tvli holisso ash aka fohopli mvt, anonti ai-imp̄a tvli holisso ai-itatoba puta kash kinahlich̄i tok.

16. Mihmvt puchi yoshuba vlhpoba kanchi vhleha hatuk ash o, Ilvppa kanima ishit oh ia cha, Aki in chuka yano nana ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila uhvlinchit ai ishit kaiyanchishke, achi hosh holisso ha tok a, nan im ai ithvna vhleha hv̄t ithaiyana tok.

18. Mihma Chu okla hash ot afalaminchi mvt, Nan isht atokowa nanta hō ish pim otvninchi hosh ilvppa puta ka ish yakohmichi cho ? im achi tok.

19. Mihma Chisvs ash ot afalaminchi mvt, Tempel ilvppa oh okpvn̄i ; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali hō tobvt vlhtaha tok : yohmi ka chishno vto nitak tuchina hō falaminchit ikbit ish hilecha hinla cho ? achi tok.

21. Yohmi kia yvmmak okvt ilap hakn̄ip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hv̄t ithaiyana tok ; mihmvt Holisso Holitopa, micha Chisvs vt anum-pa anumpuli tok aiena ka okla yimmi tok.

23. Ubanvblit ont ia isht ashvt impvt maya nitak o, yvmmv̄t Chelusalem a anta cha, na-fehna puta ka yvmihinchi na okla pisa mvt, lauv̄t i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kvna kia hatak a isht atokolit im anola he vlhpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vtta hi oka ai vlhpesa hatuk, 1; 14 micha kaniohmi kia ilapvt ititaiyuk-hvna a takalit illa hi a ai vlhpesa hatuk aiena; 16 mikmvt Chihowa hvvt hatak a i hullo ka, 18 micha Chihowa ik im antio vhleha hvvt nan i palvmma he aiena ka anoli. 22 Chan vt Klaist nan-isht a holitopa ya, micha yvmma i yimmi hatuk okvto ai okchaya he.

1. **HATAK** vt Falisi yosh Nikotemvs hohchifo hosh, Chu okla pehlichi yosh ahanta tok.

2. Atuk osh yvmmak ash ot ninak o ayvt Chisvs a im vla cha, A shahli ma! chishno ak osh nan ithvnanchi yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchika, yvmihcha he keyu hoka, im achi tok.

3. Chisvs vt afalaminchi mvt, Ahlishke, ahli mak o chim achi lishke, Hatak vt atuklant vtta keyukmvt, Chihowa apehlichika ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvv kati-ohmi kak osh vtta hinla ho? atukla ma ishki im oshvto ya pit chukowa cha, vtta hinla ho? im achi tok.

5. Chisvs vt afalaminchi mvt, Ahlishke, ahli mak o chim achilishke, Hatak vt oka, micha Shilombish ita-tuklo kak o isht ai vtta keyu hokvto, Chihowa apehlichika ya chukowa he keyu hoke.

6. Nipi yo a tobtv vtta hokvto, nipi yoke; mikma Shilombish o a tobtv vtta hokvto, shilombish oke.

7. Atuklanchit hvsh vtta pullashke, chim achi li tuk a, okokko! chik ahno kashke.

8. Mahli hvvt kanima yo pit ai im vlhpesakmvt, pit mahlit fokka hokvno ish haklo kia, yvmmak o a minti hosh, anonti

yvmmak o ia, ish ai ahni keyu ka, Shilombish ak o a tovt otta hokvto yvmmak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak osh ilvppa puta kvv yvmohma hinla cho? im achi tok.

10. Chisvs vt afalaminchi mvt, Islael okla ha nan-ithv-nanchi chia hokak osh, ilvppa puta ka chik ithano cho?

11. Ablishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yvmmak ilvshke.

14. Yohmi ka Moses vt sinti a kowi anukaka ya vba tak-alichi tok a, yvmmak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yvmmak atuk mak o yakni vt isht ai okchaya hi a tok;

18. Kvna hosh yvmma i yimmi kvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a kaniohmi ai vlhpesa keyu hatuk okvt, hatak vt ai okhlilika yak osh im ai achukma kvv atohwikinli ka,

im i shahli, ilvppak o isht ai ilbvsha he anumpa hvt onvtula hoke

20. Nan ik ai vlhpeso ya a yohmi aiยุกali vt atohwiginli ka i nukkillikmvt, anonti ilap nana a kanihmi yvt otvnt ik hofahyalo ka hinla ka, atohwiginli ka ik ono chatuk oke.

21. Amba kvna hosh nan-ai ahlika yo a yohmi yokvto, ilap nana a kanihmi yvt Chihowa yak atuk mak o isht a yvmohmi tuk vt otvna chi ka, atohwiginli ka ona chatuk oke, im achi tok.

22. Nana kv ai yakohmi ha ya, Chisvs vt nan im ai ithvna vhleha ha it apihvt Chutea yakni a ai vla tok; mibma takla yvmmak o antvt baptismochi tok.

23. Mihma Chan ak kia Salim i bilika Enon yvmmak o oka vt laua hatuk o, baptismochit ahanta tok: mihma okla hvt ai vltv baptismo tok.

24. Chan vt aboha kvlo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kv na-baptismo a isht ai it im asilh-hvchit maya tok.

26. Mihmvt Chan a ai im ai vltv, Nan-ithvnanchi ma! Chatan misha ya a chi awant aya tok yvmmak o nana ai atokowa isht ish anohonli kash, yvmmak fehna kv baptismohonchi ho, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auet ai ima ho keyukma, hatak vt nana ho ilap inli kv isha he keyu hoke.

28. Uno vt Klaist mak o sia keyu: amba itikba aya a si vltoka hatuk oke; achi li tok a hvchishno fehna akinli kv ai atokowa ka hvs svm ithanvshke.

29 Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikivt i haponaklot isht a yukpa chinto hoke: yohmi ka na sai yukpa ilvppvt isht aiahli mak oke.

30. Yvmmak okvto isht i shahlit mahaya he vlhpesakma, amba vno vto ak a lauwot mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yvm-mak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vlhtokowa anohonli ka, hatak nana kia ik yimmoshke.

33. Kvna hosh, yvmvt nan ai vlhtokowa anoli ka yim-mit aiokpvchi hokvto, Chihowa yvt aiahli ka, aiahlichi hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shilombish vt vlhpisa ho Chihowa yvt ihima keyu hoka.

35. Iki vt Ushi a i hullo kvt nan okluha ka yvmma ibbak o fohkishke.

36. Kvna hosh Ushi a i yimmi hokvto ai-okchayvt bilia ya pisa hoke; mikma kvna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTER IV.

Chisvs vt Samalia ohoyo ho ai okchaya oka ak o isht im anumpuli hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tmaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitempa ushi vt abeka hosh Kapenavm ak o itonla ka, pit hlakofichi.

1. CHISVS vt nan ithvna vhleha ikbit baptismochi kv. Chan a i shahlichi ka, Falisi vhleha hv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kv Samalia ya pit hlopullit maya he vlhpesa tuk a tok.

5. Atuk osh Chekob vt ushi Chosef a osapa ima tok ta-

laia ka bilika, Samalia yakni tumaha Saika hohchifo ho, vla tok.

6. Yohmi ma Chekob i kvli hvt yvmma hikia tok; yohmi hatuk o Chisvs vt nowvt ayvt hoyvbli mvt, hvshi kanvlli isht vllhpisa ont hannali foka hatuk o, kvli yvmmak ash yakohmit a bininli tok.

7. Atuk o Samalia ohoyo hvt oka ochit aya hosh yvmmak ash o vla ma, Chisvs ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpvt tumaha ilhkoli tuk a tok.

9. Yohmi ma Chu okla hvt Samalia okla ha nan ai itim ahalaia keyu chatuk oka, Katiohmi ho Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisvs ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ocha hi vt nana kia ik chim iksho ho, anonti kvli hvt hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisvs vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokvto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit aya kvv ilvppak o ak lc kashke, im achi tok.

16. Chisvs ash ot, Ia cha, chi hatak a ont i howvt vla, im achi tok.

17. Mihma ohoyo hash ot afalaminchi mvt, A hatak vt ikshoshke, achi ma, Chisvs vt, A hatak vt iksho, ish achi kv̄t, v̄lhpesa ish mihvshke.

18. Hatak vt tahlapi hosh chim āsha tuk osh, anonti himonasi a chim āsha kv̄to, ch̄i hatak atuk o keyu hoka, yvm̄mak okv̄no aiahli mak osh ish mihvshke, im achi tok.

19. Ohoyo hash ot, A shahli ma! hopaii chia hatuk o chi akostininchi lishke.

20. Pin tikba v̄hleha hv̄t nv̄nih ilv̄ppak o āsht Chihowa pit aiokpahanchi tok: a tok ak o hv̄chishno v̄to Chelusalem a āshvt hatak puta kv̄t Chihowa pit aiokpahancha he v̄lhpesa hatuk a ish mihvshke, im achi tok.

21. Mihma Chisvs ash ot, Ohoyo chia mvt is sa yim-mashke; nv̄nih ilv̄ppa, micha Chelusalem aiena kak kia mayvt Iki a pit hv̄sh aiokpv̄cha he keyu ka hi a hv̄shi kanv̄lli v̄lh̄pisa hv̄t mihinti hoke.

22. Hv̄chishno v̄to yvm̄mak o hv̄sh ahni keyu hosh pit hv̄sh aiokpv̄chishke; isht-ai-okchaya hi vt Chu okla immi hoka, pishno v̄to nana h̄o pit il aiokpv̄chi hokvt il ithana hoke.

23. Yohmi kia Chihowa pit aiokpv̄chi aiahli v̄hleha hv̄t shilombish, mikmvt aiahli aiena mak o isht aiokpahancha hi a, hv̄shi kanv̄lli at v̄lh̄pisa hv̄t mihinti h̄o, anonti himonasi a v̄la hoke: yvm̄ma chohmi hosh ilapa aiokpv̄cha he ak o Iki vt hoyo hoka.

24. Chihowa yvt Shilombish oke: yohmi ka kv̄na hosh yvm̄ma pit aiokpv̄chi hokvt shilombish, mikmvt aiahli aiena mak o isht aiokpv̄chi pullashke, im achi tok.

25. Ohoyo hash ot, Messias, Klaist hohehifo kv̄t, v̄la hi a ithana lishke, yvm̄mvt v̄la hok mak osh, nana moma ka pim anola hi oke, im achi tok.

26. Chisvs ash osh, Ūno vt chim anumpohonli li kak osh mihi ȳo sia hoke, im achi tok.

27. Mihma nan im ai ithv̄na v̄hleha hash ot ilv̄ppa ataklama ma ai v̄la cha, yvm̄mvt ohoyo h̄a it im anumpuli tuk a, okla anukhlakancha tok: yohmi kv̄t hatak achv̄fa kia, Nanta h̄o ish hoyo hosh? Katiohmi h̄o yvm̄ma ish it im anumpuli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tvmaha ont chukowa mvt, hatak puta kash,

29. Yakeh ! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō ? achi tok.

30. Mihma tvmaha hash a kohchvt ivt, yvmmak ash okla im ai ona tok.

31. Yohmi takla ma nan im ai ithvna vhleha hash ot, Pi shahli ma ! impá, achit im asilhha tok.

32. Yohmi kia, Ilhpak vpa la chí kvt vm ásha yvmmak oka hvch ik akostininchoshke.

33. Yohmi hatuk o nan-ithvna vhleha hash ot, Ūpa chí ka hatak nana kia isht im vla tuk atuk o ? it im achit maya tok.

34. Chisvs ash ot, Au et sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vlhpesa chí ka hvshi ushtvt ásha moma, hvsh achi keyu hō ? yakeh ! oh vba chakali cha, osapa puta kvt himonasi ak kia a hoyá he ai ona kvt tohmibi ka ho pesá, hvchim achi lishke.

36. Na-hokchi, micha nan vmo ita-tuklo kvt itibai yukpa chí ka, nan vmo yash ot vlhtoba há ishi hosh ai okchayvt bilia na-wayá ya hoyo hoke.

37. Yohmi ka achvft hokchi okma, anonti achvfa hosh vmo, achi tok a yvmmt aiahlishke,

38. Hvchishno vt hvsh a toksaiyali tok keyu kvt hvsh ai vma chí ka, pit hvchi tihleli li tuk : hatak inla yosh toksvli tuk o, im a toksvli yash pit hvsh chukowa tuk oke, im achi tok.

39. Mihma ohoyo hv t nana vlhtokowa ka anolit, Nana hō a kaniohmi li tok a mominchit vm anolishke, achi ka Samalia okla tvmaha ásha tuk vt lauvt yvmmak ash isht ai i yimmi tok.

40. Yohmi hatuk osh Samalia okla hv yvmmak ash im ai vla mvt, takla anta hinla ka im asilhha tok ; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yinni kvt laua tok.

42. Mihmvt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchik mak atuk pulla ka il akostininchishke, im achi tok.

43. Nitak tuklo ont vbanvpa ma yvmmak ash kohchvt ia mvt, Kalili a ona tok.

44. Chisvs akinli kvt hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hvt yvmmak kia impa holitopa ya itvnowa hatuk osh, impa holitopa isht asha yvmmvvt Chelusalem a nana puta ka a yvmihchi tuk mo minchit pisa tuk okvt, yvmmak ash o okla aiokpvchi tok.

46. Yohmi hatuk o Chisvs ash ot Kalili yakni Kana yvm-mak o oka ya okapaki ai ikbi tok ash ot, anonti ona tok. Mihma hatak holitompa achvfa hosh ushi vt abeka kvt Kapenavm a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yvmmak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena ho hvsh pisa ho keyukmvt, hvchi yimma he keyushke, im achi tok.

49. Mihma hatak holitompa hash osh, A shahli ma! vm vlla vt ik inlo takla ish onashke, im achi tok.

50. Mihma Chisvs ash ot, Chiso hvt okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im asha vhleha hvt afama cha, Chiso hvt okchayvshke; achit im anoli tok.

52. Mihma hvshi kanvlli vlpisa yvt kaniobmi kak o pit nuktanlvvt isht ia tuk a im a ponaklo tok. Mihma, Pilashash hvshi kanvlli vlpisa ont isht untuklo kak o yvnha hvt shipa tuk, im achi tok.

53. Yohmi ma iki ash ot, Chisvs vt, Chiso hvt okchaya hoke, im achi tuk hvshi kanvlli vlpisa vt yvmmak fehna

akinli tuk a ithana tok; micha ilapo fehna, mikmvt in chuka chvfa yvt a momvt yimmi tok.

54. Chisvs vt Chutea ya a kohchvt ayvt Kalili a vltv, anonti na-fehna ka ai yimihechi kvt ilvppvt ont atukla ha tok oke.

CHAPTA V.

Chisvs vt Chelusalem a ona tuk osh, nitak hullo nitak o Behlesta oka talaia ho hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvt, Chisvs vt nitak hullo yo na hlakofichi hatuk o, vbi bvna ma; 17 Chisvs ash osh ilapvt Chihowa ya Ushi yatuk okvt yvmmak oka yvmihcha he im ai vlpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvt nana kvt a fehna kia yvmihinchi ka isht otvni; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holitopa hvt asha tok: mihma Chisvs vt Chelusalem a ia tok.

2. Yohmi ka Chelusalem a chukvrlhpoba a kanchi i bili-ka yvmmak o ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvt laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont piailichi hatuk o; yohmikma kvna hosh oka vt piakvchikma, tikba pit okvtulakmvt, abeka nana ho isht abeka hatuk kia hlakofi beka tok.

5. Yohmi ho hatak achvfa kvt iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mvt, ai yvmohmi tok vt hopaki fehnvt taha ka ithana hatuk osh, yvmmak ash o, Chi hlakofa hi a ish ahni cho? im achi tok.

7. Mihma hatak iksitopo ik nowo yash ot afalaminchi mvt, A shahli ma! hatak nana kia oka yvt piakvchikma, ai-yupi a pit si okvcha hi vt ik svm ikshoshke; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mvt, nowa tok; mihma nitak yvmma fehna kv̄t nitak hullo ya tok.

10. Yohmi hatuk o Chu okla hv̄t na hlakofi tuk yvmmak ash o, Nitak hullo yoke; chi potvlhpo a isht ish aya he ai vlhpesa keyu hoke, im achi tok.

11. Mihma yvmmak ash osh afalamínchi mvt, Na sa hlakofichi yvmmak osh, Chi potvlhpo ya ishi cha, nowá, vm achi tuk oke, im achi tok.

12. Mihma yvmmvt, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhhv̄chi tok.

13. Yohmi ma okla laua yvt yvmma asha hatuk o, Chisvs vt lumvt a kv̄nia tuk atuk a, na hlakofi tuk ash ot kv̄na ak atuk a ik ithano ki tok.

14. I himmakma Chisvs vt yvmmak ash o tempel anuka-ka ya a pisa mvt, Yakeh! chi hlakofi hokvt, nan okpulo i shahli kv̄t ik chi onvtulo ka chi kv̄t, himmak mv̄no ik chi yoshubo kashke, im achi tok.

15. Mihma hatak ash at kohchvt ia mvt, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Ch-1 okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bvn̄vt maya tok.

17. Yohmi kia Chisvs vt, Aki vt toksahanli na himak a kak o, vno vt toksuli li hoke.

18. Yohmi ka yvmmvt nitak hullo ya kobv̄ffi kak o illa keyu, amba Chihowa yak osh Iki yo mihvt, Chihowa ya ilapinli kv̄t itilau i ho isht il ilapissa aiena hatuk o, Chu okla hv̄t yvmmak ash vbi bvn̄na kv̄t i shahlichí tok.

19. Mihma Chisvs ash osh afalamínchi mvt, Ahlishke, ahli mak o hv̄chim achi lishke; Ushi yvt ilapo inli hokv̄to nana kaniohma he keyu, amba nana ho Iki vt yvmihchi ho,

pisa tuk mak oh chatuk oke; nana h_o yvmmak osh a yohmik mak o, Ushi yak kia yvmmak o ai yohmi akinli hoke.

20. Iki vt Ushi a i hullo hatuk osh, ilapvt nana h_o a kaniohmi kvt mominchit yvmma im otvninchi chatuk; yohmi kvt hvchi nukhlakancha ch_i ka, nana kvt ilvppa i shahli fehna ka im otvnincha hi oke.

21. Iki vt illi a tanichit okchalinchi chatuk a, Ushi vt yvmmak inli h_o chohmit kvna h_o ilap ahni hosh okchalinchi hoke.

22, 23. Iki vt hatak kvna kia nana ka im apesa keyu hoka; amba hatak vt momvt Ushi a holitobli kvt, Iki a holitobli kak inli hosh ai itilauecha ch_i ka, nan-vlhpisa he puta ka mominchit Ushi ak o im issa hoke. Kvna hosh Ushi yash ik holitoblokmvt, yvmma auet kanchi tuk Iki ash ik holitoblo hoke.

24. Ahlishke, ahli mak o hvchim achi lishke; Kvna hosh vm anumpa h_a haklo cha, auet sa kanchi tok a pit i yimmi hokvto, ai-okchayvt bilia ya ahayuchi; mikmvt isht ai ilbvsha he anumpa hvt ik onvtulo ka hi oke: amba ai-illi h_a a kohchvt ai-okchaya yo ona hoke.

25. Ahlishke, ahli mak o hvchim achi lishke; Illi yvt Chihowa Ushi im anumpa h_a hakla he hvshi kanvlli ai vlhpisa kvt mihintit, himonasi ak kia vlshke; yohmi ka haklo hokvto, yvmmvvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokvt, yvmmak inli h_o chohmit Ushi vt ilap inli il ai isha ch_i ka, im apesa hoke:

27. Micha yvmmak okvt Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hvshi kanvlli ai vlhpisa kvt mihinti yvmmak okvno a-hollopi ya vlbehvt maya kvt, momvt yvmma im anumpa h_a haklo cha, kocha wiha he;

29. Kvna hosh ai vlhpiesa h_o yvmohmi tok okvto okchaya ch_i mak osh tana he; anonti kvna hosh aivlhpesa keyu h_o yvmohmi tok okvto, nan isht ai i palvmma ch_i mak osh tana hi oka, ilvppa hvch ik anukhlakancho kashke.

30. Uno akinli hokvto nana h_o kaniohmi la he keyu; na-

na ka haklo lik mak osh apesa li; yohmi kvt vno vm anuk-fila h_o hoyo li keyu, amba Aki auet sa kanchi tok im anuk-fila ak oka, nan apesa li kvt ai vlhpiesa hoke.

31. Ūno akinli hosh nan il atokolit anoli li hokmvno, nan il atokolit anoli li kvt ik ahlo hoke.

32. Na si atokowa anoli kvt inla hosh asha kvt, yvmmt nan atokowa isht si anoli ka nan vlhtokowa aiahli mak oka ithana lishke.

33. Chan a nan i ponakla ch_i ka, pit hvsh tihleli ma, yvmmak ash ot aiahli ka atokolit anoli tok.

34. Yohmi kia hatak osh nan atokowa anoli h_o, hoyo li keyu hoke; yohmi kia hvchishno yak osh a hvchi okchaya ch_i kak o, ilvppa puta ka achi li hoke.

35. Yvmmak okvt p_ula lua yosh shohmalalit tohwikeli ya tok: yohmi ma hvshi kanvlli vlhpisa achvfa kvno in tohwi-kinli ka nan isht il aiukpa ka hvsh ahni tok.

36. Yohmi kia nan atokowa si anoli kvt Chan a i shahli-chi kvt asha hoke; na toksvli atahli la hi o Aki vt vm apesa tok o, na toksvli h_o isht ahanta li ka yvmmak osh, Aki vt auet sa kanchi tok o mvhli ka, atokowa si anohonli hoke.

37. Mihma Aki vt auet sa kanchi tok vt, ilapvt ai atokowa ka si anohonli tok. Nitak kaniohmi kash o yvma im anum-pa h_a hvsh im antia tok keyu mvt, anonti kaniohmit otaiyani ka hvsh pisa tok keyushke.

38. Mihma im anumpa hv_t hvchi anukfoka keyu hoke: auet sa kanchi tok ash yvma hvsh i yimmi keyu hoke.

39. Holisso Holitopa ya achukmalit asilhhit ho pihisá: yvmmak o ai okchaya yvt a hvchin takali ka hvchim ahoba hatuk okvt, micha yvmmak osh ai-atokowa ka si anohonli mak oke.

40. Yohmi ka vm vlvt ai-okchaya ya hvsh pisa hi vt hvch ik ahno kvmohmishke.

41. Hatak o ai im a holitopa hi ano ahni li keyushke.

42. Yohmi kia Chihowa holitobli kvt hvchi anukfoka keyu ka, hvch ithana lishke.

43. Ūno vt Aki i hohchifo h_o aya li ma, hvch ik si ahnin-

choshke; inla yosh ilap i hohchifo akinli ho aya hokmvo, yvmmak o hvsh ahnicha hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kashke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hvs sa yimma he tuk oke; yvmmt vno ak o isht a sa holissochi tok oka.

47. Amba yvmmt holissohunchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTER VI.

Chisvs vt pvska lumbo tahlapi, micha nvi tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tuk osh, mahli okpulo itafama; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bvvvt maya hi a i miha mvt, 32 ilap ak osh ai okchaya pvska mak atuk vt miha. 65 Laua hosh ik im vlpeso mvt, issvt i filvmmi; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yvmmt Tibelias okhvta ho pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehvvt pit iakaiya tok.

3. Yohmi ma Chisvs vt nvni chaha yo pit oiya cha, yvmmak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ona hosi tok.

5. Yohmi ma Chisvs ash ot vba chakalit, okla laua fehna

hosh im ai vla na pisa mvt, Filip ash o, Katima ko pvs-
ka ya il a chumpa na okla ilvppvt impa chi cho? im achi
tok.

6. Ilapvt nana a kaniohma hinla hokvto ithana hatuk osh,
yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Pvska yvt iskvli
tahlepa tuklo vlhtoba mak osh, momvt iskvtnosi aiyuka ho
isha hinla kia, vlhpesa he keyushke, achi tok.

8. Nan im ai ithvna achvftv, Antilu, Saimon Pita itiba-
pishi hash osh,

9. Ulla himita yvt bali palvska tahlapi, micha nvni chi-
punta tuklo aiena ho ishi kvv ilvppa ashvshke; yohmi mak
osh laua fehna hoka, na katihma heto, im achi tok.

10. Mihma Chisvs ash ot, Okla ha ho binolichi, achi tok.
Yvmma hvshuk vt asha fehna tok. Yohmi hatuk o hatak
holhtina kvv tahlepa sipokni tahlapi foka hosh aka binohli
tok.

11. Mihma Chisvs vt pvska yash ishi cha, vba pit aiok-
pvchi mvt, nan im ai ithvna vhleha ha ima ma, nan im ai
ithvna vhleha hash ot aka binohli tuk ash ima tok: mihmvt
nvni mvt kaniohmi ho okla bvna hinla tuk a yvmmak atuk
ash inli ho okla chohmichi tok.

12. Mihma okla hash ot kaiyvt taha ma, nan im ai ithvna
vhleha hash o, Boshulli vt atampvt asha ka oh itahobi, na-
nasi kia ik kvnio kashke, im achi tok.

13. Yohmi na yvmmak ash ot bali palvska tahlapi ka
okla ai vpa ma im atampa tuk boshulli asha ka, aiowvt ita-
hobi mvt, kishi auah tuklo ka okla alotoli tok.

14. Yohmi na Chisvs vt na-fehna ho yvmihchi na okla
pisa mvt, Ilvppak osh hopaii yakni ilvppa vla he tuk mak o
pulla mvhlshke, achi tok.

15. Yohmi hatuk osh okla mintit iti halvllit ishit, miko
ikba hinla ka, Chisvs vt akostininchi mvt, filvmmitt ilap bieka
hosh nvni chaha yo anonti ia tok.

16. Atuk o opivt taha ma, nan im ai ithvna vhleha hash
ot pit okvtahvt okhvtu ho ona tok.

17. Micha peni ont vlhbeha mvt, Kapenavm imma ia hosh

okhvta ha asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mofi kv, kowi tuchinakmá, keyukmvt ushtakmá, nana foka ho ona mvt, Chisvs vt okhvta paknaka a nohowa hosh peni ash i bilika ona na okla pisa tok; yohmi mvt okla nukshopa tok.

20. Yohmi kia yvmmak ash ot, Hvchi nukshopa ná, vno sia hash oke.

21. Mihma okla na yukpa fehnvt yvmmak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish tvnnvp hiohmaya kv, peni inla mvt yvma iksho ho, achvfa yvmmak illa tuk o nan im ai ithvna vhleha hv vlbeha tuk; yohmi ka Chisvs vt nan im ai ithvna vhleha ha takla peni ont ik chukowo ho, amba nan im ai ithvna vhleha ak bano hosh ilhkoli tuk a, pisa mvt;

23. Yohmi kia Chitokaka yvt pvka vba pit ai isht aiokpvchi na okla ai impa tuk a pit bilika Tibelias a a minti kv peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yvmmak ash iksho ho okla akostininchi mvt, yvmmak kia peni inla kanohmi kash vlbeha cha, Chisvs a hoyot, itvnowvt Kapenavm a okla ai vla tok.

25. Mihmvt okhvta ha mish in tvnnvp o anta na okla ont pisa mvt, Pi shahli ma! katiohmi kash o ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ahli mak o hvchim achi lishke; Nana a fehna puta ka yvmihchi li ho hvs sa pisa tuk ak osh hvs sa hoyo kak keyu, amba pvka ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, yvma Hatak Ushi vt hvch ima he yvmmak ash

ke: yummak o Iki Chihowa yvt ai atokolit ai im aiahlich hatuk oke, im achi tok.

28. Yohmi ma okla afalaminchi mvt, Nanta ak o e katiohmi hosh Chihowa i na toksuli ha e toksula hinla cho? im achi tok.

29. Chisvs vt afalaminchi mvt, Auet sa kanchi tok yummak o hvch i yimmi ilvppak osh Chihowa i na toksuli mak oke, im achi tok.

30. Yohmi hatuk o okla hash ot, E pisa cha, e chi yimma chi kvno, na-fehna nanta ho ish yvmihchi ho? nanta hak o isht ish ahanta cho?

31. Pin tikba vhleha hvt chukushmi foka ya manna yo ai ahampa tok; okla vpa chi ka pvska vba minti ho ipeta tok, achi kvt holisso tok oke, im achi tok.

32. Yohmi ma Chisvs ash ot, Ahlishke, ahli mak o hvchim achi lishke, Pvska vba minti yumma Moses ak osh hvch ipeta ha tok keyu; yohmi kia Aki ak osh pvska aiahli vba minti ka hvch ipeta hoke.

33. Uba mintit vla cha, yakni a ai-okchaya ihima kak osh, yummvt Chihowa i pvska mak oke, im achi tok.

34. Yohmi ma, Chitokaka ma! Pvska ilvppak o ish pipihinta na biliashke, im achi tok.

35. Mihma Chisvs ash ot, Uno ak osh ai-okchaya pvska ya sia mak oke: kvna hosh vno ak o vm vla hokvt nitak nana hohchvfa he keyu; micha kvna hosh vno a a yimmi hokvt nitak nana itukshila he keyu hoke.

36. Yohmi kia hvchishno vto hvs sa pisa kvt ik hvchi yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma kvna hosh vm vla hokvno, ik kaniohmi kia falaminchit kocha pit tobli la he keyu hoke.

38. Uba ya mintit vla li kvt, vno akinli nana vm anukfila hosh a yvmohmi la he tok keyu hokvt, amba auet sa kanchi tok nan im anukfila ha he tok.

39. Yohmi kvt auet sa kanchi tok Aki vt vma tok moyuma ka achvfa kia ik sa kvnio hosh, amba nitak ont ishtaiyopikma falaminchit tanichi la he ilvppak o im anukfila hoke.

40. Micha Ushi a pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pvska vba minti tok mak o sia hoke, achi hatuk o, Chu okla hash ot yummak ash o lumasit na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiohmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki a pisa chatuk oke.

47. Ahlishke, ahli mak o hvch im achi lishke, Kvna kia a yimmi hokvto ai-okchayvt bilia ya pisa hoke.

48. Uno ak osh ai-okchaya pvska sia mak oke.

49. Hvchin tikba vhleha hv chukushmi foka ya manna ai ahampa tok vt illi tok.

50. Pvska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pvska okchaya vba minti tok a sia mak oke; hatak nana hosh pvska ilvppa vpa hokmvt, okchaya na bilia he; yohmikma pvska ipeta la he, yummvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla ho?
achit itachowvt maya tok.

53. Mihma Chisvs vt, Ahlishke, ahli mak o hvchim achi
lishke; Hatak Ushi nipi ya vvt, im issish ma hvsh ishko
keyu hokmvt, ai okchaya hi vt hvchi anukfoka keyu hoke.

54. Kvna hosh sa nipi a vpa cha, svssish ma ishko ho-
kvto, ai-okchayvt bilia ya pisa hoke; atukma nitak ont
ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o
fehna hoke.

56. Kvna hosh sa nipi a vpa cha, svssish ma ishko hokvt,
vno a a subai achafakma, anonti vno mvt ilapa ai ibachafa
li hoke.

57. Aki okchaya yvt vno a auet sa kanchi tok o, Aki ak
o vno vt ai okchaya li hatuk a, kvna hosh vno a svpa hokvt,
yvmmak inli ho chohmit vno ak o si ai okchaya hi oke.

58. Ilvppak osh pvska vba minti tok mak oke; hvchin
tikba vhleha hvt m a n n a ya vpa tuk osh anonti illi tok a
a chohmi ho keyu; kvna hosh pvska ilvppa vpa hokvto
okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sina-
kak anukaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvt ilvppa
haklot in taha mvt, lawa kvto, Ilvppvt anumpa kvllo feh-
nvshke, kvta hosh haponakla hinla cho? achi tok.

61. Nan im ai ithvna vhleha hvt yvmma lumasit nan isht
a miha ka, Chisvs vt ilapo inlit akostininchi mvt, Ilvppvt
hvchi ibetvblichy hoh cho?

62. Yohmi kvto Hatak Ushi vt tikba ma ai vta tok vba
ya ia na hvsh pisa hok mvto?

63. Okchalynchi vt shilombish ak oke; yohmikma nipi
vto nana ho isht ai vlhpesa keyu hoke; anumpa hvchim
anumpuli li yvmmak osh shilombish okmvt, anonti isht ai-
okchaya yoke.

64. Yohmi ka hvsh kanihmi mvt ik yimmo kvto hvsh
ashvshke, im achi tok. Ummonvt isht auehynchi kak inli
ho kvna hak osh ik yimmo ka he, mikma kvna hak osh

ilapa ishit inla ibbak fohka he aiena ka Chisvs vt ithana tuk a tok.

65. Mihmvt, Yohmi hatuk o Aki ak osh anukfohkichi ho keyukma, hatak nana hosh vm vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hv lauvt filamovt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filvmmi aya hi a hvchim anukfila cho? im achi tok.

68. Mihma Saimon Pita yvt afalaminchi mvt, Kvta hak o il im ia hinla cho? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kvv nan-isht-ahullo okpulo yo chia keyu? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliot ak o isht anumpuli ha tok oke.

CHAPTA VII.

Chisvs vt luma chohmi hosh ayvt Chelusalem a ona ma, Chu vhleha hv yvmmak ash pisa bvvvt aiasha mvt, nan isht anukfilli kvv im ilaiyukvt aiasha, 1. 14 Chisvs vt tempel a ont chukowa cha, nan ithvnanichit ahanta. 37 Hatak vt itukshila hokvto, ilap ak o im ai onvt nan ishka hi a, ahnit Chisvs vt hoyo.

1. NANA kvv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvvvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vlhtipo nuta ai impa holi-topa yoh chatuk nitak vt a tikeli tok.

3. Yohmi hatuk o i kanomi vhleha hvt yvmmak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvninchashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisvs ash ot, Uno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkillla he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impa holitopa asha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa asha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit ayvt, ai-impa holitopa asha kash ona tok.

11. Yohmi ma Chu okla hvt yvmmak ash ai-impa holitopa asha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvvt hatak achukma hoke, achi ma, inlaka yokvto, Keyu, amba okla ha haksichi yoke, achi hatuk o yvmmak ash lumasit isht anumpulit, ilap bika itachowa fehnvt maya tok.

13. Yohmi kia Chu okla ha i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa asha ka iklvnnvt taha foka

ma, Chisvs ash ot tempel a pit chukowa cha, nana ithv-nanchi tok.

15. Mihma Chu okla hvt nukhlakancha cha, Hatak ilvppvt katiohmi kak osh ithvna tok keyu kvto, holisso ha imponna hoh chishba? achi tok.

16. Chisvs vt afalaminchi mvt, Nan isht ai ithvnanchi li kvt vno vmmi hō keyu, amba auet sa kanchi tok ak o immi hoke.

17. Hatak nana hosh, yvmmvt nana ai ahni tok mak o ahninchit yvmihchi hokmvt, nan-isht-ithvnanchi ka Chiho wa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostinicha hi oke.

18. Kvna kia peh ilap ahni hosh anumpuli hokvto ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokvto, yvmmak osh aiahli, mikma nana ik ai vlhpeso nana kia ai a takali keyu hoke.

19. Moses vt vba-nan-vlhpisa ya hvch ima tok keyu hō? a tok ak o hvchi achvfona kia vba-nan-vlhpisa mvno hvch ik holitobloshke. Nanta katiohmi hō subi bvnvt hvsh itvno-wa cho?

20. Okla hash ot afalaminchi mvt, Nan-isht-ahullo okpulo yō il ai eshi chia hoka, kvta hosh chibi bvnvt itvnova hoh cho? okla achi tok.

21. Chisvs vt afalaminchi mvt, Nana achvfa hō ai yvmihchi li, yvmohmi ma momvt okokko! hvsh ahnishke.

22. Yohmi ka Moses vt hakshup tupa ka hvchim apesa tok. Moses ak osh yvmma tikbanlichi tok keyu, amba in tikba vhleha ak a tok: a tok kia hvchishno vto nitak hullo nitak o hatak hakshup hvsh in tahamblishke.

23. Moses i nan-vlhpisa yut ik kobafo ka chi ka, hatak vt nitak hullo nitak o hakshup in tvptohwa ma, vno vto nitak hullo nitak o hlakofichit kaiyanchi li kak o, hvš sa nukkilli cho?

24. Nana kvt a katiohmi ahoba kak o isht ik hvchim a-

nukfilo kashke; amba nana kv̄t isht v̄lhpisa kv̄t ai-v̄lhpiesa mak o isht hv̄chim anukfilashke.

25. Mihma Chelusalem a asha tuk vt kanimi kv̄t, Okla v̄bi bvn̄vt maya beka tuk a ilv̄ppak osh mih mak o keyu?

26. Yohmi kia nukwaya iksho hosh anumpohonli ma, nan ok ik im achoshke. Ilv̄ppak osh Klaist fehna mak o mv̄hli kv̄no, hatak pehlichī v̄hleha hv̄t akostininchi hoh chishba?

27. Yohmi kia hatak ilv̄ppv̄to kanima yō a minti ka iloh im ithanv̄shke; amba Klaist ak osh v̄la hokma, kanima yō a minti ka hatak nana hosh akostinincha he keyu hoke.

28. Mihma Chisvs vt tempel anukaka ya nana ai ithv̄nan-chi hosh anta tuk ash osh chitolit, Ūno a hv̄s sv̄thana mv̄t, anonti kanima yō a minti li tuk ma hv̄sh ithanv̄shke; yohmi ka v̄no akinli ahni li hosh aya li keyu, amba auet sa kanchi tok yv̄mmak osh aiahli mak atuk o yv̄mma chik ithanoshke.

29. Amba v̄no v̄to yv̄mmak o a minti li tuk okv̄t, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi bvn̄na tok; yohmi kia hv̄shi kanv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak a ik onochō ki tok.

31. Mihma okla lav̄vt yv̄mmak ash i yimmi mv̄t, Klaist ak osh v̄la hokmv̄to, na-fehna puta ka yv̄mihchi kv̄t, hatak ilv̄ppv̄t ai yv̄mihchi tuk puta ka i shablichā hinla hō? okla achi tok.

32. Okla hv̄t lumasit yakohmichit yv̄mma isht anumpulit maya ka, Falisi v̄hleha hv̄t haklo tok; micha Falisi v̄hleha, mikmv̄t na-holitompa isht asha pehlichī v̄hleha aiena kash ot yv̄mmak ash isha chī ka, tishu v̄hleha h̄a pit tihleli tok.

33. Mihma Chisvs ash ot, Chekosi itintakla kak o hv̄chi takla anta li moma chī; atuk mv̄t anonti auet sa kanchi tok a im ia la chī hoke.

34. Hv̄s sa hoyo kia, hv̄ch ik sa peso ka chī; mikmv̄t kanima yō ai ahanta likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo bika it im achit, Katima kō ia chī hokak o, keho pesa ka chī hoh chishba?

ita-fimimpvt Chentail okla ibvlhkahvt a₂sha hak o im ayvt, Chentail okla h₂ nan ithvnancha chi h₂o?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima y₂o ai ahanta likma, yvmma hvsh ona he keyu hoke, achi tok.

37. Nitak ont ishtaiyopi na holitoblit ai-imp₂a nitak chinto yvmmak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o vm ai vlv₂t ik ishk₂o.

38. Kvna hosh vno a a yimmikma, yvmmak o, Holisso Holitopa yvt achi hatuk oka, oka okchaya okhina yvt chvkvsh a a yanvllit a kokoncha chi hoke, achi tok.

39. Yohmi kia ilapa i yimmi vhleha hvt Shilombish a habena he yvmmak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lauvt, Ilvppak osh hopaii mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, amba kanimi kvto, Klaist vt Kalili yakni a vttvt a kohchvt aya hinla h₂o?

42. Klaist vt Lewi Ushi ai isht atiaka h₂o, micha Behlehem tvnaha Lewi vt ai ahanta tok mak o ai vtt₂a ahpa hi a, Holisso Holitopa yvt achi hatuk keyu? achi tok.

43. Yohmi hatuk o yvmmak atuk mak o okla hvt isht ai ta kashapvt maya tok.

44. Mihma kanimi kv₂t yvmmak ash ishi ka ahni tok; yohmi kia hatak nana hosh ibbak a ik onoch₂o ki tok.

45. Yohmi ma tishu vhleha hash osh na holitomp₂a isht a₂sha pehlich₂i vhleha, micha Falisi vhleha aiena kash im ai ona tok; mihma yvmmak ash osh, Nanta katiohmi h₂o yvmmak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kv₂t hatak ilvppa chohmi chatuk keyushke, achi tok.

47. Mihma Falisi vhleha hash ot afalaminechi mvt, Hvchishno ak kia hvsh i haksi hotuma?

48. Hatak hochitoka, keyukmvt Falisi vhleha aiena kvt kanimi mvt, yvmma i yimmi tuk o?

49. Yohmi ka nan-vlhpisa kia ithana keyu okla ilvppvto nan isht i palvmma he vlhpesvshke, achi tok.

50. Nikotemvs, yvmmvt ninak o ayvt Chisvs a im ona tok ash ot, yvmma ai ibachvfa hatuk osh,

51. Nan vlhpisa pin tonla kvt hatak a ai i haponaklot, nana ho a kaniohmi hatuk ma ai akostininchi keyu kisha kvt, nan im apesa chatuk oh cho? im achi tok.

52. Mihma okla afalaminchi mvt, Chishno ak kia Kalili hatak chia hatuk o? achukmalit hoyot pisá: hopaii vt Kalili yakni a ai vttvt kohchvt aya hi vt iksho hoka, im achi tok.

53. Yohmi ma hatak ash ot momvt in chuka aiyuka ilhkolit taha tok.

CHAPTA VIII.

Falisi vhleha hvt, ohoyo hosh haui tobtv ahanta na yvmmak osh nan im apesa chi ho, isht im ona, 1. 12 Chisvs vt ilap ak osh yakni in tohwikeli; yohmi ka yvmmvt im aiahli ka Iki vt atokolit anoli chatuk aiena ka miha. 30 Chu okla hvt Chisvs a i sanali; yohmi hatuk o ilapvt Eblaham ak okvno isht atiaka ho mvhli akinli kia, nan ai ashvchika yokvno i yuka vhleha; micha nan isht ahullo okpulo a im vlla vhleha aiena hatuk a, Chisvs vt im otrvnnichi.

1. CHISVS vt Alif nvnih ha ia tok.

2. Atuk osh onna-hinli fehna falamvt tempel ash ant chukowa ma, okla momvt im ai itvnaha tok: mihma aka binilit nan ithvnanchi tok.

3. Mihma na-holissochi vhleha, micha Falisi vhleha aiena kvt, ohoyo hvt lumakvt anta tuk o, isht im ona tok; micha ai iklvna ka okla binilichi mvt,

4. Nan-ithvnanchi ma! ohoyo ilvppvt lumakvt anta, ai yakohmi fehvvt haiaka na ishi tuk oke.

5. Yohmi ka Moses vt ilvppa chohmi hokvt twli isht boa hi o, nan-vlhpisa ya isht a pim apesa tok; yohmi ka chishno vto nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilvppa okla achi tok. Yohmi kia Chisvs ash ot ik i haponaklo ho chohmit, aka pit waiahpvt, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mvt, Kanima hosh ai ashvchika ik im iksho kvv hvchi takla hikia hokmvt, yvmmak osh na tikba tvli ya isht ik boli, im achi tok.

8. Mihmvt anonti aka pit waiahpvt yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mvt, holitopa i shahli tuk ak osh tikba achvfa aiyyukt kohchvt ihiya mvt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvnna ash hikia tok.

10. Chisvs ash ot wakaya mvt, inla yvt iksho ho, ohoyo ak bano ho pisa mvt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Vno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmvt Chisvs ash ot anonti okla ha im anumpuli mvt, Vno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ahli keyushke, im achi tok.

14. Chisvs ash ot afalaminchi mvt Atokoli kvv vno akinli hosh il ai anoli li akinli kia, nan ai atokoli li ka ahli hoke: vno ak okvto kanima yo a minti li tuk: mikmvt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aiahli hoke; vno ak illa keyu hoka, amba vno vt auet sa kanchi tok Aki a itatuklo li hoke.

17. Hatak tuklo hosh nana atokolit anoli ho aiahla hi a, hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mvt, Uno, mikmvt Aki ita tuklo li ka hvch ik pithanoshke; vno a hvsvthana hatuk okmvt, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anukaka ya nana ai ithvnanchi hosh ahanvvt, tvli holisso abohli yo hikia hosh anumpuli tok: hvshi kanvlli isht ai im vlhpisa kvv ik ai ono kisha hatuk o, hatak nana kia ibbak a ik onochoki tok.

21. Anonti Chisvs ash ot, Kanimia ia likma, hvsvsa hoyo kia, nan ai-ashvchika puta kak o isht hvchi ai illa hi oke: kanimia yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanimia yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mihmak o sia ka ik hvchi yimmo hokmvt, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvvta hak o chia ho? okla im

achi tok. Mihma Chisvs ash ot, Ummona ka nana ho hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt laurt vm ashvshke. Yohmi kia auet sa kanchi tok yvmmak osh aiahli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostininchoki tok.

28. Mihma Chisvs ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anum-puli li hatuk a hvsh akostinincha hi oke.

29. Micha auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yuk-pali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv laua tok.

31. Yohmi ma Chisvs ash ot i yimmi tuk vhleha Chu okla hash o, Um anumpa ha hvsh halvlli kvv hvch ik issok-mvt, nan vm ai ithvna ahli fehna hvchia mak a chi hoke.

32. Mikmvt nan-aiiahli ka hvsh ithana he; mikma nan-aiiahlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiahmi ho, Yuka keyu hvchi toba hi oke, ish achi cho? im achi tok.

34. Chisvs ash ot afalaminchi mvt, Ahlishke, ahli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amba Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ahli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh a ai anukfoyuka keyu kak o, svi hvchi bvnvshke.

38. Aki a ai iba pisa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminchi mt, Eblaham ak osh piki oke; im achi tok. Chisvs ash ot, Eblaham ak o ushi hvchia hatuk okmt, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ahlika mak o hatak hvchim anoli li ka, svi hvchi bvnvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, Iki, ishki ita tuklo kt ai vlhpesa keyu ho a toba hosh il vtta tok keyu: Piki vt achvfa, Chihowa ak oke, im achi tok.

42. Chisvs ash osh, Chihowa ak osh hvch Iki atuk okma, hvs sa hulla he tuk oke; vno vt Chihowa yak o a kohchvt aya li hosh vla li ha tok oka; yohmi kt vno vm anukfila akinli hosh vla li tok keyu; amba yvmmak osh auet sa kan-chi tok oke.

43. Nanta katioghi ho vm anumpa ha hvch ik svm akostinicho cho? vm anumpa ha haponaklo ik hvchi bvnno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohma hi a hvchim anukfilvshke; yvmmak okvt vmmona kash inli ho hatak vbi a tok; micha ilap ak osh nan ai^hli kt anukfoka keyu hatuk osh, nan ai ahlika ya a hikia keyu hoke. Holabit anumpuli kt ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ahlika yo hvchim anoli li hatuk o, hvch ik sa yimmoshke.

46. Hvsh katima kak osh nan ai-ashvchi li tuk a hvs svm atokola hinla cho? Ahli mak o miha li hok mak heno, nanta katioghi ho hvch ik sa yimmo cho?

47. K^vna kia Chihowa ya immi hokmt, Chihowa im

anumpa ha haklo hoke; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vhpesa ho e miha keyu cho? im achi tok.

49. Chisvs vt afalaminchi mvt, Nan-isht-ahullo okpulo il ai ishi li keyushke: amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu; yvmma aiahni cha, nan apihisa kvto achvfa hosh asha hoke.

51. Ahlishke, ahli mak o hvchim achi lishke; Hatak vt nana mihia li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke; Eblaham, mikmvt hopaii vhleha aiena kvv illi tok: yohmi ka hatak vt nana mihia li ka vm antia hokmvt, nitak nana ai illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho? im achi tok.

54. Chisvs vt afalaminchi mvt, Uno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke; amba vno vto yvmma ithana lishke; yohmi kvv yvmma ak ithano hoke; achi li hokmvt, holabi hvchishno akinli ho chohmi la chi hoke; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokni kvv afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisvs vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kv̄t, tuli a okla aiowa tok yohmi kia Chisvs ash ot lumvt okla ai iklvn̄naka ya hlopul̄lit ayvt tempel a a kohchvt ont ia tok.

CHAPTER IX.

Hatak vt l̄vpa yosh vtta tok a, Chisvs vt hoponayochi, 1: 13 hatak ash o ilauēt Falisi v̄hleha h̄a isht im ona ma, Falisi v̄hleha hash ot hatak ash sinakak a a kohchichi. 35 Chisvs vt ilap ak osh Chihowa h̄a Ushi mak atuk vt hatak yvm̄mak ash im il otv̄n̄inchi ma, hatak ash ot i yimmi cha, aiokpv̄chi.

1. MICHA Chisvs vt ont ia cha aya mvt, hatak vt l̄vpa imoma yosh vtta tok osh āsha na pisa tok.

2. Mihma nan im ai ithv̄na v̄hleha hv̄t, Pi shahli ma! hatak ilv̄ppak okm̄a, keyukmvt īki, ishki itatuklo ka a kati-ma kak osh nan ashv̄chi tok o, hatak ilv̄ppvt l̄vpa imoma yosh vtta tok oh cho? achit ī ponaklo tok.

3. Chisvs ash ot afalam̄inchi mvt, Hatak ilv̄ppak okm̄a, keyukmvt īki, ishki ita-tuklo ka a kanīma kak osh nana ashv̄chi tok o keyu hoke; amba Chihowa nan-isht im ai āhlika yvt ilv̄ppak o isht ai otv̄na he mak o, ai yakohmi tok oke.

4. In toksv̄li la he mak o auet sa kanchi tok oka nitakī moma kak o isht im ahanta li pullashke; ninak vt v̄la ha yokm̄vno, hatak nana kia pilesa he keyushke.

5. Yakni a ai ahanta li takla hokv̄to, yakni a in tohwikeli sia hoke, im achi tok.

6. Ilv̄ppa mak achit ont issa mvt, yakni a on tofv̄t, lukfi a itukchi ishit ymv̄slit tahli mvt, hatak l̄vpa nishkin a lukfi ash o isht im apolusli tok.

7. Mihmvt, Oka talaia Siloam, yvm̄mvt toshowakmvt, Pila, achi h̄o ia cha, ont okam̄i, im achi tok. Yohmi ma ia cha ont okami mvt, pisa hosh v̄la tok.

8. Yohmi hatuk o chuka panta hatak v̄hleha, micha yvm̄mvt l̄vpa yo tikba ka pisa beka tuk v̄hleha yvm̄mak ash ot, Ilv̄ppvt āshvt nana asih̄ihla chokv̄sh mak o keyu? achi ma,

9. Kanimi kv̄t, Ilv̄ppvt mihi yoka, achi ma, inla mvt, Peh holba hoka, achi tok : yohmi kia ilap vto, Mihi yō sia hoke, achi tok.

10. Yohmi hatuk o, Katiohmi hosh chi nishkin vto fatuma tuk oh cho ? im achi tok.

11. Mihma afalaminchi mvt, Hatak Chisvs hohchifo kak osh lukfi a yvm̄vslit, sa nishkin a isht vm apolusli cha, Oka talaia Siloam a ia cha, ont okamī, vm achi ma, ivt ont akami li hosh, hoponayo li tuk oke, achi tok.

12. Mihma, Atuk osh mih mvto ? okla im achi ma, Ak akostininchoshke, achi tok.

13. Mihma l̄pa yō beka tuk yvm̄mak ash o ilauinlit Falisi vhleha h̄a isht im ona tok.

14. Yohmi ka nitak hullo nitak o Chisvs vt lukfi a yvm̄vslit cha, nishkin a i fatummi tuk a tok.

15. Yohmi hatuk o anonti Falisi vhleha hv̄t kaniohmit hopanayo tuk a, im asilhhv̄chi akinli tok. Lukfi yvm̄vska yō sa nishkin a isht a lapohlechi na okami li tuk osh, hoponayo lishke, im achi tok.

16. Yohmi hatuk o Falisi vhleha kanimi kv̄t, Hatak yvm̄mvt nitak hullo nitak a holitobli keyu hokvt, Chihowa ak o a minti keyushke, achi tok. Inlaka yokvto, Hatak vt nan ashv̄chi atuk vt katiohmi hosh na-fehna puta yakohmi ka yvm̄ihcha hinla cho ? achi tok : yohmi mvt ilap b̄ika okla ai ita kashapvt maya tok.

17. Hatak l̄pa yatuk ash o anonti, Chishno vto chi nishkin a ch̄i fatummi tuk a, yvm̄mak oka nanta isht ish achi cho ? okla im achi ma, Yvm̄mak ash ot hopaii yoke, achi tok.

18. Yohmi kia Chu okla hash ot hoponayo tuk ash īki, ishki ita tuklo ka hoyot ik im asilhhacho k̄isha kv̄t, yvm̄mvt l̄pa yatuk osh hoponayo tuk a, ik yimmo ki tok.

19. Atuk osh yvm̄mak ash o okla ī ponaklot, Ilv̄ppvt hv̄ch iso l̄pa yosh vtta tok hv̄sh achi chokvsh oh cho ? Yohmi hokak osh katiohmi hō himak ano hoponayo cho ? okla achi tok.

20. Īki, ishki ita-tuklo kash ot afalaminchi mvt, Ilv̄ppvt piso, micha l̄pa yosh vtta tok okvno il ithanvshke.

21. Amba nana hosh kaniohmi hō himak ano p̄isa kv̄no,

kil akostininchoshke; mikmvt kvna hosh nishkin a i fatummi tuk aiena kvno, kil ithanoshke; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmvt, sinakak a a kohcha hi o, Chu okla hvt ai it ibachvftv taha mashko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Vlla keyu hoka, ilap ak o oh i ponakló, achit okla tok.

24. Yohmi ma atukla ma hatak lvpa yatuk ash o okla hoyo mvt, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvt, Yvmmak okvt nana ashvchi yokmá, keyukmá, nana hokvno ak im ithanoshke; nana achvfa kvno ithana li; yohmi kvv lvpa sia ha tuk kia, himak ano hoponayo li kak oke.

26. Mihma anonti, Nanta h_o a ch_i katimichi tuk o? Katimihchi hosh chi nishkin a fatummi tuk oh cho? okla im achi tok.

27. Mihma im afalaminchi mvt, Hvchim anolit taiyahli li kia, hvch ik haponaklo ke tuk vt, nanta katiohmi h_o atuklanchit haklo ka hvsh ahni cho? hvchishno ak kia nan im ai ithvna toba hvchi bvna h_o? achi tok.

28. Yohmi ma okla ishtukhlakavt, Chishno ak osh yvma nan im ai ithvna chia hoke; amba pishno vto Moses ak o nan im ai ithvna pia hoke.

29. Moses ak okvno Chihowa yvt im anumpuli beka tok a il ithana; amba ilvppak okvto kanima y_o a minti ma, il ai im ithana keyushke, okla im achi tok.

30. Mihma hatak ash osh afalaminchi mvt, Yummvt kanima y_o a minti tuk a hvch ik im akostinincho h_o, anonti sa nishkin a a fatummi hoka, ilvppvt na-fehvvshke.

31. Mihmvt Chihowa yvt nan ashvchi vhleha hokvno i haponaklo keyu chatuk; amba hatak nana hosh Chihowa y_a aiokpvchi, micha nan ahni ka im antia aiena yok mak o mihi y_o i haponaklo chatuk a iloh ithanvshke

32. Yakni vt toba tok a taiyakla ka lupa imoma yosh vtta tok a hatak nana kia nishkin ash i fatummi tok a annoa chatuk keyushke.

33. Hatak ilvppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vtta tok ak naka nan ish pim abvchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kvta ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lupa yo toba he, yakohmit nan isht im vlhpisa hi o, yakni ilvppa aya li hatuk oke.

40. Mihma Falisi vhleha kanimi kvv yvmma apela tuk ash ot anumpa ilvppa puta ka haklo mvt, Pishno ak kia lupa pia hoh cho? im achi tok.

41. Chisvs ash ot, Lupa hvchia hatuk okmvt, nan ai ashvchika yvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika vvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukfulhpoba apesvchi achukma yatuk osh chukfulhpoba ya vlhtobvt illi, 1. 19 Okla hvv Chisvs a nan isht ai im anukfila kvv ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hosh otvninchi ka im anoli; 39 Chu okla hvv vbi bvanna kia im a hlakofit kocha. 40 Chisvs vt ia mvt Chatan misha tvnnvp o ona ma, okla laua hosh i yimmi.

1. AHLISHKE, ahli mak o hvchim achi lishke, K_vna hosh chukfulhpoba i holihta okhissa yak o ik a chukowa hosh, amba naksika kanima yo pit oiyvt o walvbli hokvto, yvmmvt hukopa, mikmvt na wehpuli mak oke.

2. Amba okhissa yak o pit a chukowa hokvto, yvmmak osh chukfulhpoba ya apesvchi mak oke.

3. Yvmmak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuka hochifot pehlichit kohcha chatuk.

4. Atuk osh in chukfulhpoba yash kocha welit tahlilmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvno ik ithano hatuk osh, apihvt ia he keyu hosh, amba i filvmmi yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yvmmvt isht ai im anum-puli hatuk a, okla ik akostinincho ki tok.

7. Yohmi hatuk o Chisvs ash ot atuklanchit, Ahlishke, ahli mak o hvchim achi lishke, U_no ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na-wehpuli bano ha tok: yohmi hatuk o chukfulhpoba yvt yvmmak okvno ik i haponaklo ki tok.

9. U_no ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohovvt, anonti kohonchvt, ai-imp_a ya ahayuhoncha hi oke.

10. Na-hukopa yvt hukopa, micha vbi, nan okp_vni aiena he ak bieka hosh aya chatuk; amba ai okchaya ya okla ahayuchikmvt, anonti laua kv_t i shahli fehna ho pisa he mak o, vno vto aya li ha tok.

11. U_no ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a a kaiyanchi hoke.

12. Amba peh ilhtohno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfulhpoba ya issvt chvfa hoke; yohmi ma nashoba yvt yummak ash ant hoklit, chukfulhpoba yash it ai yuhli hoke.

13. Ilhtono hvt peh ilhtohno atuk okvt, chukfulhpoba ya nan isht ik ahno hatuk mak osh chvfa hoke.

14. Vno ak osh chukfulhpoba apesvchi achukma sia hoke; an chukfulhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfulhpoba ya isht vlhtoba ho vm ilhfiopak a aka bohyuli lishke.

16. Yohmi kvv chukfulhpoba inla mvt ilvppa ashaka ai achvfa keyu kvv vm asha hoke: yummakma pehlichit vla likma, vm anumpa ha hakla hi oke: yohmikma aiasha vt achvfakma, anonti chukfulhpoba apesvchi vt achvfa hi oke.

17. Vm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi ho keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlhpesakmvt, anonti falaminchit ishi la hi vt isht vm ai vlhpesa hoke. Nan-vlhvisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi ho hvsh i haponaklo hosh? achi kvv laua ma,

21. Inlaka yokvto, Ilvppak okvt nan-isht-ahullo okpulo il ai ishi ho im anumpa keyushke. Nan-isht-ahullo okpulo vt lpa nishkin a fatumma hinla ho? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha ho, yohmi tok.

23. Mihma Chisvs vt tempel anukaka Solomon im api-shia nutaka ya hikikja tok.

24. Mihma Chu vhleha hash ot vlvv yummak ash o ant a folubli cha, Ik ai ithano chohmit il aiasha na katiohmi foka

chi h_o ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisvs ash ot afalaminchī mvt, Hvchim anoli li ka, ik hvchi yimmo hoke: nana ka Aki hohchifo h_o isht a yvmihinchī li kak o, yvmmak osh ai vlhtokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukv_lhpoba keyu hvchia hatuk okvt.

27. An chukv_lhpoba vto vm anumpa h_a haklokma, anonti vno vt ilap ma ithana li h_o, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kvna kia yvmmak ash svbbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kvna kia yvmmak ash Aki ibbak a a kohchit isha hi vt iksho hoke.

30. Ūno, Aki itatuklo li kv_t il it ibai achvfa hoke, achi tok.

31. Mihma anonti Chu okla hash ot tvli ishit bola chi kv_t tvli a okla aiowa tok.

32. Chisvs vt afalaminchī mvt, Isht il apelvchi vt Aki a minti pulla na na hochukma l_awa ka isht a yvmihinchī li hvsh pisa tuk a, na-fehna yvmma puta tuk ash katima kak o tvli a isht hv_s sa bola chi mak oh cho? im achi tok.

33. Mihma Chu okla hash ot afalaminchī mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisvs vt afalaminchī mvt, Chitokaka vhleha hvchia hoke, achi li tok, achi kv_t hvchi nan-vlhpisa holisso h_a a holihiso keyu cho?

35. Chihowa im anumpa hv_t ayvt ai im ahanta y_o yvmmak o Chitokaka vhleha hohchifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o, Nan ik ahobalot ish anumpuli, hvsh achi hoh cho?

37. Aki vt nana a kaniohmi ak o ak yumihecho hok mak o, hvchik sa yimmo kashke.

38. Amba yumihechi li hokmuno, vno ak okvno hvch ik sa yimmo hoh kia, nana kvv a kaniohmi yummak o hvchi yimmi cha, Aki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok

39. Yohmi hatuk o anonti okla ishi bvna tok: yohmi kia ibbak a im a hlakofi tok.

40. Mihmvt anonti ivt, Chatan misha Chan vt a baptis-mochi vmmona tok yummak o ona cha, ahanta tok.

41. Mihma okla lavvt im ai itahoba mvt, Chan vto nafehna nana kia yumihechi tok keyu; yohmi kia Chan vt hatak ilvppa isht anumpohonli tok a, momvt aiahli ha tok, achi tok.

42. Yohmi ma yvma ashvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs a pit im anoli, 1; 17 Chisvs vt Betani a vla, mihmvt Lasalvs a falaminchit tanichi. 45 Laua hosh Chisvs a i yimmi kia, kanimi kvv Falisi vhleha ha ont im anoli; Chisvs vt kohchvt ia mvt, vmaha Efilhaim ont anta.

1. HATAK achvfa Lasalvs hohchifo, Meli micha itibapishi Mahla itatuklo in vmaha Betani ak o vta yosh abeka tok.

2. Meli yummak osh Chitokaka ya pashi ahama isht a hvmmi cha, iyi ma ilap pashi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yummak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa Chisvs vt haklo mvt, Nan abeka ilvppv isht ai illa hi o keyu hoke; amba Chihowa vt isht a holitopa na Chihowa Ushi vt yummak o isht a holitopa chi mak oke, achi tok.

5. Mahla, micha itibapishi, mikmvt Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vtta tuk ash inli hō ahanta na nitak tuklo tok.

7. Atuk osh yvmma ont vbanvpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hvt chekosi kash o tvli a ishit chi boli bvnna tuk a, anonti yvmma ish ia chi hō? im achi tok.

9. Chisvs vt afalaminchi mvt, Nitak achvfa ka hvshi kanvlli vlvhpa auah-tuklo chatuk keyu cho? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvt, tohwelikeli kvv ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hvt, Chitokaka ma! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvvt, Lasalvs vt illi tuk oke.

15. Yohmi ka vno vt yvmma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke; yohmi kia yvmma iloh im ai onashke, im achi tok.

16. Mihma Tamas, yummvt Titimvs hohchifo hosh yvmma nan im ai ithvna ai itilauv vhleha hash, Pishno ak kia iloh ia cha, apihvt hvv illashke, im achi tok.

17. Atuk o Chisvs ash ot ona mvt, yvmmak ash ot hollopi tuk a nitak ushta tuk o, ont akostininchi tok.

18. Betani vt Chelusalem a pit i bilika kowi tuklo foka tok.

19. Mihma i nakfi illi Mahla, micha Meli itatuklo ka hophvlva chi hosh Chu okla hvt lauvv im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha anuka yash asha moma tok.

21. Mihma Mahla vt Chisvs ash o, Chitokaka ma ! ilvppa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chi nakfi vt falamvt tana chi akinli hoke, im achi tok.

24. Mihma Mahla ash ot, Nitak ont ishtaiyopi illi vt falamvt tani yvmmak okvno falamvt tana hi oka, ithana lishke, im achi tok.

25. Chisvs vt, Uno ak osh illi a falaminchit tanichi, mikmvt ai-okchaya aiena ka sia mak oke. Kvna hosh vno ak o a yimmi hokvto, ik illi tuk nana kia, okchaya he mak oke.

26. Micha kvna hosh okchayvt ahanta hosh vno a a yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi, Klaist yakni ilvppa aya hi a tok mak o chia ka sai yimmishke, im achi tok.

28. Ilvppa yakohmichit miha mvt, ivt itibapishi Meli a lumasit ont i howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashalika wakayvt ivt ont afama tok.

30. Chisvs vt tmaha ha ant ik chukowo kisha hosh, Mahla yvt ai afama tuk ash akinli ho hikia ha tok.

31. Mihma Chu okla hvt apehvt aboha anuka ya mayvt hopohlvi tuk ash ot, Meli vt tushpvt wakayvt kocha ia na okla pisa mvt, Ahollop i yvmmak o ont a yaiya chi hosh ia hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa mvt, iyi ituma ya ont hlipia cha, Chitokaka ma ! ilvppa ant ish anta tuk okma, a nakfi vt illa he tuk keyushke, im achi tok.

33. Yvmmtv yahaya ma, anonti Chu okla yvmma apihvt

ai vla tuk aiena kvt yahya akinli na Chisvs vt pisa hatuk osh, chuksh anukaka isht a nukhaklo fehnvt ik im vlhpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kvt, Lvpa yatuk a hoponayochi tuk vt, hatak ilvppak kia ik illo ka hinla ka, a kanimihecha he tuk keyu chishba? okla achi tok.

38. Yohmi ma Chisvs ash ot anonti chuksh anukaka isht anukhaklo fehnvt ayvt ahollopi a ona tok. Yakni chiluk o tvli yosh isht vlhkma ha tok.

39. Chisvs ash osh, Tvli ya ishit ho kanvllichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanvllichí tok. Mihma Chisvs vt nishkin a pit vba chakalichi mvt, Aki ma! is sa haiyaklo hatuk a yak oke, chim aiahni lishke.

42. Yohmi kvt is sa haiyaklo a bilia chatuk a ithaiyana li kvno; yohmi kia okla ilvppa hiohmaya kvt, chishno ak osh auet is sa kanchi tok a ai yimma chi kak o, yvmma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma illi atuk ash ot ibbak, iyi aiena ka ahollopi ishit shema yvt isht vlhfwa ho ant kohcha tok; mihma nashuka yano nantapvski yosh isht vlhfoyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha h_a im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht a_sha pehlichi vhleha, micha Falisi vhleha aiena kash ot hatak hochitoka nan apesa vhleha h_a itahobi mvt, Hatak ilvppvt na-fehna l_awa ka yv-mihchi ka, nanta mak o katiobmi hosh iloh aiasha cho?

48. Ilvppa ant ik yohm_i, iloh im ahni hokma, hatak mo-ma kv_t i yimma ch_i hoke; yohmikma Loman okla hv_t vla cha, p_i yakni, micha pim okla talaia aiena kash ai okpvnicha hinla hoke, achi tok.

49. Mihma achvvt Kaiafas hochhifo hosh afvmmi yvm-ma fehna ka na holitompa isht a_sha pehlichi i shahli a ai ibafohka hatuk osh, Nana ka hvch ik akostinincho kvmoh-mishke.

50. Mikmvt hatak achvfa hosh okla h_a vlhtobvt illi na okla talaia kash ot momvt ik illo ka hi a, a hv_pim vlhpiesa hatuk a hvch ik anukfilloshke, im achi tok.

51. Yohmi kv_t ilap nana aiahni hosh ilvppa anumpuli ha tok keyu; amba afvmmi yvmma fehna ka na-holitompa isht a_sha pehlichi i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv_t okla yvmmak bana hi o keyu; amba Chi-howa im vlla vhleha kanima ai it afimimpvt a_sha tuk aiena ma hoyot a miha chvfa h_o ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba ch_i kv_t nana it im apesvt okla m_aya beka tok.

54. Yohmi hatuk o Chisvs vt himmakma haiaka fehnvt Chu okla itintakla y_a ik a hikikio ki tok; amba yvmmak ash vttvt ia mvt, yakni haiaka pit a bilika tmaha Efilhaim hochhifo h_o nan im ai ithvna vhleha h_a pehliechit ahanta tok.

55. Atuk o Chu okla nan im vbanvblit ont ia yvt ai on_a hosi tok; mihma ilap nan ai il atahlit m_aya ch_i kv_t, nan-vbanvblit ont ia yvt ik ai ono k_isha h_o yakni yvmma asht Chelusalem a ia kv_t l_aua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokmá, nana ka hvchim ahoba cho? it im achit maya tok.

57. Na-holitompa isht asha pehlichí vhleha, mikmvt Falisi vhleha aiena kash ot, yvmmv́t kaniṃa yó anta ka hatak nana hosh akostininchi hokmvt, anoli na okla isha hinla kv́t anum-
pa v́lhpisa ka bohli tuk a tok oke.

CHAPTER XII.

Meli vt Chisvs iyi ya nan-ahama im ahvmni ma, yvmmv́t ai v́lhpesa h́o yohmi hatuk a Chisvs vt miha, 1. 12 Chisvs vt issuba nashoba yó om binili hosh Chelusalem a ona. 20 Klik kaniṃi kv́t Chisvs a pisa brnna: 23 Chisvs vt ilapvt kaniohmit illa he, anoli; 27 Chisvs vt chukvsh anykaka nan isht nukhaklo in chito mvt, vba pit anumpuli; 37 Hatak pehlichí vhleha hv́t laua hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma h́o, Chisvs vt Betani ak o Lasalvs vt ai illi tuk o falaminchit tanichi tuk a yvmmv́t yvmmak o ai vtta chatuk o, ona tok.

2. Mihma yvmmak o opiaka impa yó okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hvmmi mvt ilap pashi akinli h́o iyi yash isht i kasholichi tok: mihma nan ahama balama kv́t aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yvmmak oka inla ibbak fohka he mak osh,

5. Nanta katiohmi h́o nan ahama ilvppvt iskvli tahlepa tuchina kia isht ik vlbi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hukopa yatuk osh, micha yvmmak osh shuk-

cha ya ishi hatuk osh, nana kv̄t yv̄mma ai vl̄beha h̄o shaiyali yatuk ak a tok.

7. Mihma Chisvs vt, Ant ik yv̄mih̄ch̄i, ish im aiahnashke, a sa hollopa ch̄i nitak mak a hi o, ilv̄ppa ilatomba hatuk oke.

8. Ilv̄sha yak okv̄to hv̄chim āsha na bilia chatuk; amba vno ak okv̄to hv̄chim anta l̄i a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihm̄vt Chisvs ak bano kak o keyu, amba Lasalvs, yv̄mm̄vt illi tuk o, falaminchit tanichi tuk ash it aieninchit pisa ch̄i hosh okla ai v̄la tok.

10. Yohmi kia na-holitompa isht āsha pehlich̄i vhleha hokv̄to Lasalvs ak kia aieninchit illich̄a hinla kv̄t, isht it im anumpulit maya tok.

11. Yv̄mmak atuk pulla mak o Chu vhleha laua kv̄t yv̄mma itv̄now̄vt, Chisvs a ai i yimmi kak a tok.

12. Nitak ont atukla ma okla laua kv̄t ai-imp̄a holitopa ya itv̄now̄a tuk vt, Chisvs vt Chelusalem a v̄la ch̄i hosh minti na okla haklo m̄vt,

13. P am vpi naksish a ishit, kohch̄vt afam̄vt okla ia m̄vt, chitoli hosh, Hosanna, Is̄lael i m̄iko Chitokaka i hohch̄ifo h̄o il ai eshi hosh aya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, ch̄i m̄iko vt issuba haksobish falaia himita ya on talaia hosh minti hoke, achi hosh holisso hatuk oka, Chisvs ash ot issuba haksobish falaia himita yo pisa m̄vt, yv̄mmak ash on talaia tok.

16. Vmmona kv̄no nan im ai ithv̄na vhleha hv̄t ilv̄ppa ik ai akostinincho ki tok; amba Chisvs vt ont a holitopa ha yak o, nana kv̄t yakohmi hosh yv̄mma isht a holisso tok a, anonti okla hv̄t nana kash ai i yv̄mih̄ch̄i tok aiena ka ithaiyana tok.

17. Mihma yv̄mm̄vt Lasalvs a ahollopi ai i how̄vt kohch̄it illi tuk a falaminchit tanichi ka, okla ap̄ih̄vt aya tuk ash osh ai vl̄htokowa ka anohonli tok.

18. Yv̄mm̄vt na-fehna ilv̄ppa yv̄mih̄ch̄i tuk a okla haklo tuk atuk osh, ilv̄ppak atuk pulla kak o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostininchi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa asha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tmaha a minti tuk, Filip ash im ai ona mvt, Pi shahli ma! Chisvs a pisa pi bvvnvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvt, Hatak Ushi vt a holitopa he tuk a hvshi kanvlli vlhpisa kvv ai onvshke.

24. Ahlishke, ahli mak o hvchim achi lishke, Onush nihi vt yakni anukaka yo itola cha, illi ho keyukmvt, ilap ash biekvt itonla hoke; amba illi hokmvt, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vm antia hokmvt, siakaiyashke; mikmvt kanima yo ai ahanta likma, yvmmak o an tishu hoh kia anta hi oke; hatak nana hosh vm antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlhpesosshke: yohmi ka, Aki ma! hvshi kanvlli ai vlhpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlhpisa takali ilvppa im aya li ha tok oke.

28. Chi hohchifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblich i li tuk osh, anonti himmakma holitoblich i la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvm-

ma haklo mvt, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Ūno ak atuk mak o anumpa ilvppvt auet takali h̄o keyu, amba hvchishno pulla kak oke.

31. Himak okvno yakni vt nana im ai vlhpisa mak oke : himak okvno yakni ilvppa ai i shahli nan im aiyahanchi ash ot issvt kohcha he mak oke.

22. Ūno vt yakni a a mokofvt vba takali li hokmvt, hatak moma ka halvllit il a kanvllichī la hi oke, achi tok.

33. Ai-illi kaniohmi h̄o isht illa he ak osh anoli hosh ilvpa achi ha tok.

34. Mihma okla hash ot afalaminchi mvt, Klaist vt ahan-ta na bilia h̄o nan-vlhpisa holisso h̄a okla il a haklo chatuk ; yohmi ka katiohmi h̄o, Hatak Ushi vt vba ȳa takala hi o ish achi cho ? Hatak Ushi ilvppak osh kv̄ta hokak o ? okla im achi tok.

35. Mihma Chisvs vt, Himonasi takla kak o tohwikeli hv̄t hvch in takanli hoke. Tohwikeli hv̄t hvchin takanli takla kak osh hvsh nowashke, yvmmak keyukma okhlili hv̄t hvchi onvtula hinla hoke. Kv̄na hosh okhlili h̄o nowvt aya hokv-to, kanima ȳo ia kv̄t ithana keyu hoke.

36. A tohwikeli hv̄t hvchin takanli takla kak osh a toh-wikinli vlla hvchia ha chī kv̄t, a tohwikeli h̄a hvsh i yim-mashke, im achi tok. Ilvppak o Chisvs vt anumpohonli mvt, ai i filvmm̄it kv̄nia cha, ik i haiako ki tok.

37. Na-fehna laua h̄o itikba ȳa yvmmak ash ot ai yvmi-hinchi hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mvt, Chitokaka ma ! nana il anoli ka kv̄ta hosh pī yimmi cho ? micha kv̄ta hak o Chihowa i shakba mvt i haiaka tuk oh cho ? ahanchi. tok a ont aiahla chī mak a tok.

39, 40. Anonti Esaias vt i himmakma, Nishkin a isht ik peso, mikmvt chukvsh ma ik akostinincho kish, chukvsh hi-mona ik anukfoyuko kī, ak hlakoficho ka chī ka, nishkin a im akvmmi mvt, anonti chukvsh ma i kv̄llochishke ; achi tok oka, okla yimma he keyu ki tok.

41. Yumma im isht a holitopa ya pisvt yumma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hv̄t ī yimmi kv̄t laua akinli tok : yohmi kia sinakak ā a kohehicha hinla hatuk o, Falisi vhleha pulla kak o yummak ash ī yimmi hatuk vt okla ik otr̄nincho ki tok.

43. Hatak ai im aholitopa yak o im achukma kv̄t, Chihoa ai im a holitopa ka im ī shahli hatuk osh.

44. Chisvs vt chitoli hosh, Kv̄na hosh vno ā a yimmi kv̄t vno ak o a yimmi hō keyu, amba auet sa kanchi tok yummak o ī yimmi mak oke.

45. Micha kv̄na hosh vno ā sa p̄isa hokmvt, auet sa kanchi tok ma p̄isa mak oke.

46. Kv̄na hoh kia vno ā a yimmi hokvt ai-okhlilika yā ik ai ahanto ka ch̄i mak o, nan-tohwikeli mak osh ayvt yakni ā vla li ha tok oke.

47. Yohmi kia hatak nana hosh vm anumpa h̄a haklo cha, ik yimmo hokma, nan im apesvt ilbv̄shali la hi o keyushke ; yakni ak o nan im apesvt ilbv̄shali la hi osh aya li tok keyu ; amba yakni ā okchal̄inchi la ch̄i ha tok oke.

48. Kv̄na hosh vno ā sa shitilema cha, vm anumpa h̄a ik ahnincho hokvno, achv̄fa hosh nan im apesvt ilbv̄shali kv̄to āsha hoke ; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbv̄shala he mak okē.

49. Vno akinli hosh nana ka ahnit anumpuli li tuk keyu hoka ; amba auet sa kanchi tok Aki ak osh nana hō achi la he, mikmvt nana hō anumpuli la he aiena ka nana vm apesa ha tok.

50. Yohmi ka ī nan-vlhpisa vt ai-okchayvt bilia yoka ithaiyana lishke ; yohmi hatuk osh nana hō anumpohonli li ka, yummvt Aki vt vno ā a miha tok ā mih mak o anumpuli li hoke, achi tok.

CHAPTA XIII.

Chisvs vt nan im ai ithvna vhleha h₂ iyi im achifa, 1. 18 Chisvs vt Chutas ak osh ishit inla im issa ch₁ hatuk a, nana kv₁t isht v₁hpisa h₂ isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hv₁t it i hulla ch₁ ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanvblit ont ia ai-imp₂a holitopa kv₁t ik ai ono kisha h₂, Chisvs vt ilapvt yakni ilvppa ai issvt, Iki a im ia ch₁ hvshi kanvlli v₁hpisa kv₁t ai ona ka ithaiyana mvt, immi hv₁t yakni paknaka a₂sha ka i hullo hatuk vt, yv₁mma i hullo kv₁t imomvt ont illi tok.

2. Yohmi ka okhlili ai-imp₂a yvt ont vlhtaha yv₁mma fehna ma, yv₁mmak ash ishit inla im issa ch₁ ka Setan vt Saimon ushi, Chutas Iskaliot chukvsh a anukfohkichi hatuk o;

3. Chisvs vt, Iki vt nana moma ka ilap ak o ibbak a fohki tok, micha ilapvt Chihowa hak o a minti ha tok osh, anonti Chihowa hak o im ia ch₁ kv₁t ithaiyana mvt,

4. Okhlili imp₂a a₂sha tuk vt wakayvt, im anchi ash o naksika pit bohli mvt, tikba takali ishi cha, isht il ai vsko-fvchi tok.

5. Yohmi ha yosh oka ya ampo pit vnit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofanchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiyi ya ish achifa ch₁ hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kvno chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Saiyi yak okvno nitak nana chik sv₁m achifo kashke, im achi tok. Chisvs vt afalaminchi mvt, Ak ch₁ achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiyi ak bano

keyu kashke, amba subbak, micha sa noshkobo pit aieninchi hosh, im achi tok.

10. Chisvs vt, Vlhchifa tuk okvtō himmak ma ik vlhchifo hō iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chī hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi yā im achifvt taiyahli mvt, im anchi ash ishi cha, falamvt aka binili mvt, Nana ka hvchī yvmihchi li ka hvsh ithana cho?

13. Ūno a, Na pithvnanchi, pin Chitokaka hvs si achi; yohmi ka mih sia hō mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi yā hvchim achifa li hatuk okma, hvchishno ak kia hvchishno bika iyi yā hvsh it im achifa he vlhpesa hoke.

15. Ūno vt a hvchī yvmihchi li tuk mak o hvsh a chiyuhmicha he mak o, na hvchim abvchi li hatuk oke.

16. Ahlishke, ahli mak o hvchim achi lishke; Tishu hv i shahli hā imaiya chatuk keyu; mikma nan-vlhtoka yosh aya kv̄t nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li hō keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska sbai vpa kash ot iyi kotoba yā isht a sai o wakelishke, achi ha tok a yvmmt ont ai ahla chī mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak o, ik ai ono kisha hō himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li hō aya ka ahninchī hokvt, vno ak o si ahninchī hoke; micha kvna kia, vno a si ahninchī hokmvt, auct sa kanchi tok mak o ahninchī hoke; im achi tok.

21. Chisvs vt yakohmiechit anumpuli mvt, chukvsh anu-kaka ai ik im vlhpieso mvt, atokolit anolit, Ahlishke, ahli mak o hvchim achi lishke, Hvsh achvfona kvv svshit inla ibbak o hvv sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt asha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt asha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskalit ak o ima tok.

27. Mihma itih fohka achvfa ishi ma, Setan vt yvmmak ash ont ckukowa tok. Mihma Chisvs vt, Nana ka ish yvmohma chi kvv tushpvt ish yvmihchashke, im achi tok.

28. Nana ka a kaniohma hi o, ilvppa im achi ka, impvt maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa asha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makinli hosh kocha ia tok; mihma yvmmvv ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ahlit holitopakma, anonti Chihowa yvt yvmmak o isht a holitopa ai ahla chi mak oke.

32. Chihowa yvt yvmmak o isht a holitopa ai ahli hokmvt, Chihowa yvt anonti ilap inlit yvmmak ash o ai isht i

a holiloblichī ai aḥla chī aḥinli: micha chekosi fehna yvm-mak ash o holiloblichī ai aḥla chī mak oke.

33. Chipota vḥleha ma! chekosi takla kak o hvchi takla aḥsha lishke; yohmi ka hvś sa hoyā chī hoke; Chu okla ḥa, Kanimā yo ai ia li hoka, hvśh ona he keyushke, im achi li tuk mak osh anonti hvchishno ma himonasi a hvchim achi lishke.

34. Hvśh it i hullo kvṭ, vno vt hvchī hullo li tuk a ohmi-chi hosh hvchishno yak kia hvśh it i hulla he mak o, nan vḥhpisa himona ka hvch ima lishke.

35. Hvchishno bika yvt hvśh it i hullo ilvppa pulla kak o nan vṃ ai ithvna hvchia hatuk a, hatak moma kvṭ isht ithaiyana he mak oke, achi tok.

36. Saimon Pita yash ot, Chitokaka ma! katima ko ish ia chī hoh cho? im achi ma, Chisvs vt afalaminchi mvṭ, Kanimā yo ia li hoka, himonasi kvno pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi ho himo nasi akinli kvno pit ak chiakaiyo ka hinla cho? chishno a pulla kak o vṃ ilhfioṗak a aka bohyuli lashke.

38. Chisvs vt afalaminchi mvṭ, Ūno a pulla kak o chim ilhfioṗak aka ish bohyula chī cho? Ahlishke, aḥli mak o chim achi lishke; Akaka yvt ik olo kīsha ho, hituchina ḥa chik svthano ish miha chī hoke, im achi tok.

CHAPTA XIV.

Chisvs vt nan im ai ithvna vḥleha ḥa pehlichit impvṭ aḥsha moma hosh, apihvṭ vba yakni a ont okla aḥsha hi a. i miha, 1; 13 micha ilap hohchifo hak o nan isht asilhvṭ anumpuli hokvno moma im aiahlichā hi vt miha. 15 Chisvs vt nanuktalali inla auet ima hi vt miha.

1. HUCHI chukvśh vt nana ik hvchī kaniohmō kashke; Chihowa ḥa, oh i yimmi cha, vno ma oh a yimmi.

2. Aki in chuka ya aiasha yvt laua hoke: ik yvmohmc

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kvt ont apoksiachit hvchim atahli li hokmvt, anonti falamvt vla lish, vno vt kanima yo ai ahanta likma, hvchishno mvt yummak o hvsh ai ahashwa hi a, ant hvch ishiti ai vtta li ka ona la hi oke.

4. Yohmi hokvt kanima yo ia li hoka pit hvsh ithana; mikmvt hina ya hvsh ithanvshke, im achi tok.

5. Tamas ash osh, Chitokaka ma! kanima yo ish ia hoka il ithana keyu: yohmi kvt katiohmi hosh hina yano il ithana hinla cho? im achi tok.

6. Mihma Chisvs ash ot, Uno ak osh hina, micha ai ahlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Uno a hvs svthana hatuk okmvt, Aki ma hvsh ithana akinla he tuk oke: atuk kia hvsh pisa tuk okvt himak ai vhlit ia hokvno hvsh ithaiyanvshke.

8. Filip ash osh, Chitokaka ma! Chiki a ish pi haiakvchashke, yohmikma pim vlhpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik svthano kisha tuk oh cho? kvna hosh vno a sa pisakmvt, Aki a pisa hatuk; yohmi ka katiohmi ho, Chiki a ish pi haiakvchashke, ish achi cho?

10. Uno vt Aki ibai achafa likma, anonti Aki vt vno a a svbai achafa ka ik chi yimmo cho? anumpa hvchim anum-pohonli li kvt vno akinli vm anukfila hosh anumpuli li keyushke; amba Aki svbai achafa yummak osh nana ka ai yvmihchi hoke.

11. Uno vt Aki a ibai achafa likma, anonti Aki vt auet svbai achafa ka hvs sa yimmashke; keyuk mak heto nana kvt a katiohmi tuk yummak pulla kak o isht ai hvs sa yimmashke.

12. Ahlishke, ahli mak o hvchim achi lishke, Kvna hosh a yimmikmvt, vno nana ai yvmihchi li tuk ash yvmihchi akinla hi oke: yohmikmvt vno vto Aki a im ia li hatuk oka, nana kvt a fehna ilvppa puta ka i shahli ho vvmihcha hi oke.

13. Micha a hohchifo pulla hō nana ka isht hvsh asilhha hokma, Iki vt Ushi a ai isht a holitopa ai ahla hi a, mihi yo yvmihchi la hi oke.

14. A hohchifo pulla hō nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlhpisa puta ka hvsh holitoblashke.

16. Mikma Aki a im asilhha likma, yvmmt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmmt Shilombish ai ahli, yvmmak oka yakni okvto pisa keyu, micha ithana keyu aiena hatuk osh, ahninha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vlhtakla hō hvch issvt aya la he keyu; hvchim aya la hi oke.

19. Chekosikma yakni vt sa pisa chi keyu hoke; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Ŭno vt Aki a ibai achafa likma, anonti hvchishno vt vno a hvs svbai achafa na hvchishno ma hvch ibai achafa li aiena ka, nitak ymma fehnakma hvsh akostinincha hi oke.

21. Kvna hosh vm anumpa vlhpisa vt in tonla cha, holitobli hokmvt, yvmmak osh sa holitobli mak oke; micha kvna hosh vno a sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskaliot ak keyu hosh, Chitokaka ma! katiohmi hō pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt a hullo hokmvt, vm anumpa ha holitobla he; yohmikma Aki vt ilapo ma holitoblikma, il im aya cha, il ibai vtta he mak oke.

24. Ŭno a a hullo keyu hokvto, vm anumpa ha ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. Hvchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yvmmvt Shilombish Holitopa mak o a hohchifo pulla hatuk mak o Aki vt auet kancha chi hoka, yvmmak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Hvchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ahlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkolí.

CHAPTA XV.

Chisvs vt paki vpi yosh naksish puta aiena hosh nan isht vlhpisa ilvppak o hatak vt ilap ak o pit ai achafa pulla hosh vnit waya ka chohma he ai vlhpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvm-makmvt it i hullo kvv yvmmak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yvmmakma i nukkillit ilbvshacha hi a im anoli.

1. VNO ak osh pak-vpi ahli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke : mikmvt naksish vt vni hokvta isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchi a kashofvshke.

4. Uno a ho svbai achafa; mikma vno mvt hvch ibai achafa lashke. Naksish vt vpi ak o pit a hikia ho keyukmvt, ilap illa kvv vna he keyu chatuk a, yvmmak i chiyuhmit hvchishno ak kia vno a hvs svbai achafa ho keyukmvt, nana hvsh kanihma he keyushke.

5. Uno ak osh pkvpi sia hokma, hvchishno vto naksish hvchia hoke. Kvna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke : vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na bvshi chatuk ; yohmikma hatak puta mvt yvmmak ash aiowvt luak a pila na lua chatuk oke.

7. Uno a hvs svbai achafa na vm anumpa mvt hvchi anukfoyuka hokma, nana ho hvsh aiahni cha hvsh asilhha hokvt, hvchim ai ahla hi oke.

8. Hvsh vni fehna yvmmak okmak o, Aki vt isht a holi-topa ai ahla he ; yohmikma nan vm ai ithvna hvchia mak a hi oke.

9. Uno a Aki vt a hullo tok mak o, ai itilauechi hosh hvchi hullo li hoke ; a sa holitobli kvv hvsh biliashke.

10. Vm anumpa vlhpisa puta ka hvsh im antia hokmvt, a sa holitobli kvv a hvchi bilia he : vno vt Aki a im anumpa vlhpisa puta ka im antia li kvv, ai i hullo mvt a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mvt hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlhpisa mak oke.

13. Hatak vt i kana vhleha ha i hullo kvv im ilhfiopak a aka bohyuli hoka, hatak nana kia yvmma i shahlichit it i hulla hi vt ikshoshke.

14. Nana hō hvchim apesa li ka hvsh yvmohmi hokmvt, a kana hvchia mak oke.

15. Himak pilla kvno ilhtohno hvchi achi la he keyu ; ilhtohno yokvto, i shahli hvv nana hō isht ahanta ka, akostinichi keyu chatuk ; amba nana hō Aki a im a haklo li tuk vt okluyuha hvchim anoli li hatuk okvt, a kana vhleha hvchi achi lishke.

16. Hvchishno ak osh hvv si atokoli tok o keyu ; amba itvnowvt vnit hvsh waya he ak atuk oke ; yohmikma hvchi a waya kv aiasha na Aki a nana hō a hohchifo pulla kak o isht hvsh im asilhhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmvt, ik hvchi nukkilli kisha hosh vno a a nukkilli tok a hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk ; amba yakni a hvsh ai achvfa keyu ; amba vno ak osh atokolit yakni a a kohchit hvch ishi li hatuk ; yohmi hatuk o yakni vt hvchi nukkilli hoke.

20. Tishu hvv i shahli ha imaiya chatuk keyu, hvchim achi li tok anumpa yvma hvsh ithaiyanashke. Ūno a okla sulbvshachi tok okmvt, hvchishno ma hvch ilbvshacha he akinli hoke ; vm anumpa ha im antia tok okmvt, hvchim anumpa ha im antia he akinli hoke.

21. Yohmi kia auct sa kanchi tok a pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Ūno ak osh ayvt vlv ant ak im anumpulo hatuk okmvno, ai ashvchika yvt okla ik im iksho ka he tuk ; amba himak okvno nan im ai ashvchika ya isht ompoholma hi v okla ik im ikshoshke.

23. Kvna hosh vno a a nukkilli hokvt, Aki ma i nukkilli akinli hoke.

24. Ūno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi li

tuk keyu hokmvno, nan ai ashvchika yvt okla ik im iksho ka he tuk; amba himak okvno pisa cha, anonti vno, mikmvt Aki ita-tuklo ka i nukkilli tuk oke.

25. Yohmi kia na kaniohmi keyu ho okla a nukkillishke, achi anumpa hvt i nan vlpisa holisso ha a holisso tok vt ont ai ahla chi kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ahli, Aki a a kohchvt aya mak o, Aki a im ai isht auet hvchi kanchi li vla hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apehvt hvsh aya tuk okvt, nan ai-atokowa ka hvsh anoli akinla hi oke.

CHAPTER XVI.

Chisvs vt anonti nan im ai ithvna vhleha ha okla hvt ilbvshala chi puta ka im anoli, 1: 7 mihmvt nanuktalali, yvmvvt Shilombish Holitopa mak o auet ima hi vt miha. 16 Falamvt tani ha yvt, ilapvt i nowvt aya pulla he im anoli; 23 ilap hohchifo pulla ho Chihowa ha nan isht im asilhha hokvto im anumpa hvt holitopa pulla hi a miha.

1. IK hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he; ahli, kvna hosh hvchibi hokmvt, Chihowa ha holitoblichy mak o im ahoba he nitak vt mihinti hoke.

3. Yohmi kvvt Aki, mikmvt vno il ita-tuklo ka ik pithano hatuk mak osh, ilvppa puta ka hvchi yvmihcha hi oke.

4. Yohmi kia nitak yvmvvt ai ona hokma, yvmmak oka hvchim anoli li tok a hvsh ithana he mak o, ilvppa puta ka hvchim anoli li hoke. Yohmi kvvt vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak o falamvt im ia la chi hoke; yohmi na hvsh kanima kia, Katima yo ish ia chi cho? achit hvchik sa ponakloshke.

6. Amba ilvppa puta ka hvchim achi li kak o, nanukhaklo kvv hvchi chukvsh a alotolishke.

7. Yohmi kia ahli mak o hvch im anoli lishke. Uno vt ia li hok mak o nan isht a hvchim vlhpiesa chi hoke; vno vt ia li keyu hokmvno, nanuktalali vt hvchim aya he keyu: amba ia li hokmvto, yvmma auet hvchi kanchi la he mak oke.

8. Yohmikma yvmmak osh vlakmvv, ai ashvchika, micha nan ai vlhpiesa, mikmvv nan-vlhpisa aiena ka okla puta ka, anukfokhicha hi oke.

9. Uno a okla a yimmi hatuk keyu hoka, nan im ai ashvchi hatuk a im otvnihincha he;

10. Uno vt Aki a im ia li; yohmi na himmakma hvch ik sa peso hatuk oka, nan ai vlhpiesa hatuk a im otvnihincha he:

11. Yakni a ai i shahli hvv nan im vlhpisa hatuk oka, nan-vlhpisa ma im otvnihincha hi oke.

12. Na hvchim achi la he yokvto vm asha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ahli, yvmmv vla hok mak osh, nan ai ahlika puta ma hvch ithvnancha hi oke; yvmmak okvt ilap nana aiahni hosh anumpula he keyu hokvt; amba nana ho haklo tuk mak osh mihi yo anumpula hi oke; mikmvv nana a kaniolma he puta ka hvchim otvnihincha hi oke.

14. Yvmmak okvt vno ak o vm ai ishi cha, hvchim otvnihincha hi okvt, vno a sa holitoblichâ he mak oke.

15. Nana moma Aki vt im asha kvv vmmi hoke; yohmi hatuk mak o, vno ak o vm ai eshi cha hvchim otvnihincha he, hvchim achi li tuk oke.

16. Chekosikma hvv sa pisa chi keyushke; atukmvv anonti Aki ak o im ia li hatuk oka, chekosikma hvv sa pisa hi oke, im achi tok.

17. Yohmi ma nan im ai ithvna vhleha kaniolmi kvv, Chekosikma hvv sa pisa chi keyushke; anonti Aki a im ia li hatuk oka, chekosikma hvv sa pisa chi hoka hvvim achi ka, ilvppak osh katiohmi hoh che? ilap bika it im achit maya tok.

18. Yohmi hatuk osh, Chekosikma, achi ilvppvt nanta hak oh cho? nana hō miha ka kil im akostininchoshke, okla achi tok.

19. Ilapa okla i ponaklo bvnna ka Chisvs vt im ithana hatuk osh, Chekosikma hvs sa pisa chī keyushke: atuk osh anonti chekosikma hvs sa pisa chī oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokvto nishkin okchi mintit hvsh yahaya chī hoke; yohmikma yakni vto na-yukpa chī hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvt vlla in tonla chīkmvt, hvshi kanvlli vlhpisa hvt im ai vla hokvt ilbvsha hoke; yohmi tuk kia hatak osh tobtv yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chī akinli; yohmikma hvchi chvkvvsh vt yukpa he, mikma na hvchi yukpa ka hatak nana hosh ishit hvchī kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Uno a hohchifo hō nana ka Aki a isht a hvsh im asilhhakma, hvch ima he mak oke.

24. Tikvvt a mihinti hokvno a hohchifo ha nana ka isht hvch ik asilhho ke tuk; oh asilhhá; yohmikmvt na hvchi yukpvt isht alotowa chī ka, hvsh habena he mak oke.

25. Nana ilvppa puta ka nan isht vlhpisa hō isht hvchim anumpuli lishke; yohmi kia himmakma nan isht vlhpisa hō isht ak hvchim anumpulo hosh, amba otvninchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo ha nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo, mikmvt Chihowa ak o a

kochvt aya li hatok a hvchi yimmi tuk: yohmi hatuk o Aki vt ilapo akinli kv̄t hvchi hullo hoka.

28. Aki ak o a kohchvt aya hosh yakni a vla li tok osh; anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta! himak okvno achukmalit isht pim anumpuli cha, nan-isht vlhpisa hō chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostinchishke; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminci mvt, Himak ano okla hvchi yimmi cho?

32. Inta! hatak vt ilap in chuka aiyukali ka ai ita fimimv̄t ilap banochit hvs sa filvmma chi ka hvshi kanvlli ai vlhpisa kv̄t mihinti tuk osh, anonti himak okvno ai ona hoke; yohmi kia Aki ak osh si ahina hoka, vno ak illa he keyushke.

33. Ūno pulla hō nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kv̄t a hvchim aiasha he; yohmi kia hvchi nuktanla achukmashke; vno vt yakni a imaiyachi li tuk oke, im achi tok.

CHAPTA XVII.

Ishit inla ibbak fohka chi ninak a Chisvs vt vba pit anumpuli kv̄t, ilapv̄t illi tuk vt falamvt tani ha ya, Chihowa hv̄t nan im ai ithvna vhleha hā apelahanchi na im anukfila hv̄t ai it achvfa he, 1; 20 Chihowa, Ushi ita tuklo ka im anukfila pit ai itachvfa he: 24 yohmi cha ilap vt vba yakni a holitov̄t ahanta ka ont apchvt maya he puta ka vba isht anumpohonli.

1. ANUMPA ilvppa puta ka Chisvs vt anumpohonli mvt, vba pit vba chakali cha, Aki ma! hvshi kanvlli vlhpisa yv̄t ai onvshke. Chiso hā ish holitoblichī na anonti chiso mvt chi holitoblichī akinlashke.

2. Laua kv̄t kaniohmi hō ish im ihisa tuk ma, yvmmak

ash ai okchayvt bilia yo yummak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblich i lishke. Natoksvli isht ahanta la hi o is svm apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is soma hatuk a, chi hohchifo ha im otvninchi li hokvno; yummak okvt chimmi hatuk o, is soma hatuk oka, chim anumpa ha okla holitobli tuk oke.

7. Nana ka is soma tok okluyuha kvv chishno ak o a minti hatuk a himak okvno okla akostininchishke.

8. Anumpa is soma chash yummak o ima li hokvno; mihma yumma okla aiokpvchi mvt, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yummak o isht chim ilbvshvt anumpuli lishke; yakni ak o isht chim ilbvshvt anumpuli li keyu, amba ilvppak o is soma tok a, yvmvvt chimmi vhleha hoka, isht chim ilbvshvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yumma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwana vno vt chim aya li mak oke. Aki holitopa ma! is soma tok vhleha ilvppak oka chishno chi hohchifo pulla hatuk mak o ish apesahanchi na yummak mvt ai itibai achvfa kvv pishno a chiyuhmashke.

12. Pehliechit yakni paknaka ai ahanta li moma kvto chi hohchifo pulla ho isht ai apesahanchi li tok: is soma tok vhleha yummak oka apesahanchi li ma, achvfa kia ik kvnio

h_o, amba Holisso Holitopa vt ont ai a_hla ch_i kak o, nan-ok-p_uni ushi ak illa tuk oke.

13. Yohmi ka vno pulla hatuk mak o a nan-isht ilaiyukpa ma ilap inlit okla il ai esha hi o, ilvppa puyuta ka yakni paknaka isht ai anumpohonli li, yohmi tuk osh himak okvno chim aya li mak oke.

14. Chim anumpa ha ima li tuk oke: yohmi ma y_um-mak okvt yakni a ai immi keyu kv_t, vno vt yakni a ai immi sia keyu kak inli h_o chohmi hatuk o, okla i nukkilli hatuk oke.

15. Yakni ak o a kohchit ish isha hi o chim asilhha li keyu; amba apesahanchit nan-okpulo ak o ishit chik ahalai-yacho ka he ak oke.

16. Yakni a ai immi keyu kv_t, vno vt yakni a ai immi sia keyu kak inli h_o okla chiyuhmi hoke.

17. Y_ummak oka na chim ai a_hlika pulla kak o isht ish i kashofichashke; chim anumpa hak osh nan ai a_hlika yoke.

18. Chishno vt yakni paknaka ya auet is sa kanchi tok mak o, chohmichit vno mvt ilvppak ma yakni paknaka ya a tihlehinli lishke.

19. Micha ilap ak kia nan-ai a_hlika ya ai isht a kashofa ch_i ka, vno vt ilvppak pulla hatuk mak o ile kashofichi li hoke.

20. Micha ilvppa illa h_o isht asih_ihla li keyu; amba ilvppa pulla im anumpa hatuk mak o a yimma he aiena kak oke.

21. Moyumvt ai itib achvfa kv_t, Aki chia hv_t vno a is svbai achafakma, anonti vno mvt a chibai achafa li kak inli h_o okla chiyuhmi cha, y_ummak mvt pishno a a pibai achafashke: yohmi na chishno ak osh auet is sa kanchi tok a okla moma kv_t ithaiyanashke.

22. Yohmikma ilvppvt ai itib achvfa kv_t pishno il itibai achvfa kak inli h_o chohma hi a, nan-isht aholitopa is soma tok a ilvppa ima lishke.

23. Vno vt ilvppa ai ibachafa likma, anonti chishno mvt auet is svbai achafa; ai yakohmi h_o y_ummak osh ont ai a_hli achvfa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno a sa hullo kak inli ho ish chohmichi ka, yakni vt ithaiya-nashke.

24. Aki ma! is soma tok vhleha hak kia kanima yo ai ahanta likma, si apihvt asha cha, nan-isht vm aholitopa yvma is soma tok a pisa he ak o, ahni lishke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auct is sa kanchi tok a ilvppak okvto akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chi hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

CHAPTA XVIII.

Chisvs vt osapushi yo ont chukowa, 1; 6 Chutas vt Chisvs a isha cm hosh ai vla na, Chisvs vt anumpuli ma, falamvt obvlhpelvt aka ont fohopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvt, Annas ak o isht im ona tuk osh achakalinski mvt, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISUS vt ilvppa puta ka ahanchit in taiyaha mvt, nan im ai ithvna vhleha pehlinchit Kitlon bokushi a pit tanvblit osapushi vt yvma talaia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit yvma ai ona fehna chatuk a ishit inla im issa tok Chutas ak kia yvma pit ai ithana tok.

3. Yohmi hatuk osh Chutas ash ot hatak ai-itapeha achvfa, i kvpitvni vhleha aiena ka na-holitompa isht asha pehlichit vhleha, mikmvt Falisi vhleha aiena ka ai im ai ishi mvt, pula afohka, mikmvt na shimahli pula, micha na halupa aiena ka sholi hosh yvmmak ash ai vla tok.

4. Yohmi ma Chisvs vt nana hosh ilapa ai onvtuyula chi

puta moma ka ithana hatuk okvt, ivt ont afamvt, Kvta hō hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Ŭno ak osh mih sia mak oke, im achi makinli hō, okla obvlhpelvt ivt aka ont kaha tok.

7. Mihma atuklanchit i ponaklot, Kvta hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Ŭno ak osh mih sia hatuk vt hvchim anoli li kvno; yohmi hoka vno ak o hvš sa hoyo hatuk okmvt, ilvppak okvno. asht ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sa kvnioshke, ahanchi tok a ont ai ahlashke, achi tok.

10. Yohmi ma Saimon Pita yvt bvshpo falaia shanli tuk osh halvllit shufi mvt, na holitompa isht asha pehlichī i shahli in tishu hō isht fahamvt, haksobish isht impak imma ya chanlit hokofi tok. Tishu hohchifo hvt Malkvs a tok.

11. Mihma Chisvs vt Pita yash o, Chī bvshpo falaia ya i shukcha pit fohkī; isht ishko Aki vt auet vma tok a ak ai ishko ka hinla cho? im achi tok.

12. Yohmi ma hatak aya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takehi tok.

13. Mihmvt yvmmak osh Kaiafas vt afvmmi yvmma feh-na ka na holitompa isht asha pehlichī i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vhlhobvt illa he ak o ai vlhpiesa ka, Chu okla ha it im apesa tuk a tok.

15. Mihma Saimon Pita yvt Chisvs a pit iakaiyvt aya ma, anonti nan im ai ithvna achvfa yvmmak oka na-holi-

tompa isht a₂sha pehlich*i* i shahli hvt ithana hatuk o, Chisvs a awant na-holitompa isht a₂sha pehlich*i* i shahli i nan-ai-apesa y_a ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achvfa na-holitompa isht a₂sha pehlich*i* i shahli hvt ithana hatuk, yvmmak ash ot kohchvt ivt, ohoyo okhissa apesvchi yash ont im anoli cha, Pita y_a ilaelit chukowa tok.

17. Mihma ohoyo himita okhissa apesvchi yash ot Pita y_a, Chishno ak kia hatak ilvppa nan im ai ithvna chia keyu ? im achi ma, Mih sia keyushke, im achi tok.

18. Mihma kapvssvchi hatuk o, iltohno vhleha, micha nan vlhtoka vhleha aiena kash ot tobaksi y_o oti cha, libisha hosh hiohmaya tok; mihma Pita yvt takla hiki₂vt libisha tok.

19. Na-holitompa isht a₂sha pehlich*i* i shahli ash ot Chisvs a nan im ai ithvna vhleha, mikmvt nan isht im avchi aiena ka ai im asilh₂h₂vchi tok.

20. Chisvs vt afalaminchi mvt, okla puta ka ai im otvni achukma hosh anumpohonli li hatuk; Chu okla hvt ai itvnaha bilia sinakak, micha tempel aiena yvmmak o nana ai ithvnanchi li chatuk; yohmi kv₂t luma chohmi hokvto nana ak achoshke.

21. Na katihmi h_o vno ak o is svma ponaklo cho? nana im achi li ka h₂aklo chatuk vhleha hak o ish i ponaklashke: yakeh! yvmmak osh nana achi li chatuk a okla ithana hoke, achi tok.

22. Ilvppa yakohmichit anumpuli ma, nan-vlhtoka vhleha hvt achvfv₂t bilikasi hikia tuk osh, Chisvs ash ibbak isht pasalichi mvt, Na holitompa isht a₂sha pehlich*i* i shahli y_a yakohmichi hosh ish im anumpuli cho? achi tok.

23. Chisvs vt afalaminchi mvt, Ik vlhpeso h_o anumpuli li hokma, nan ik vlhpeso mak o isht ish atokolashke: amba vlhpesa tuk mvno, katiohmi h_o is svssso cho? achi tok.

24. Yvmmak ash ot talakchi na Annas vt na holitompa isht a₂sha pehlich*i* i shahli Kaiafas a pit pila tuk a tok.

25. Mihma Saimon Pita yvt libisha hosh hikia tok : yoh mi ma, Chishno vt yvmma nan im ai ithvna vhleha ha ish ibai achvfa tuk keyu ? okla im achi ma, ik ahlo mihvt, Ūnc yokvt mih sia keyushke, achi tok.

26. Na holitompā isht aśha pehlichī ī shahli im ilhtohno vhleha achvft Pita yvt haksobish tvbli tuk ash ī kanomi hosh, Chishno ak osh yvmma awant osapushi a ish anta hō, chi pisa li tuk keyu ? achi tok.

27. Mihma Pita yvt ik ahlo kash inli hō miha tok : mihma chekosi fehna akaka yvt ola tok.

28. Yohmi ma Chisvs ash Kaiafas a im ai ishit ivt, nan ai apesa yō okla isht ona tok : yvmmvt onnahinli ha tok ; yohmi kv̄t nan-vbanvblit ont ia yā ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.

29. Mihma Pailat vt kohev̄t ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokpvi keyu hatuk okma, chibbak oka ant e chī fohka he tuk keyu hoke, okla im achi tok.

31. Mihma Pailat vt, Isht oh ia cha, hvchī nan-vlh̄pisa mak o isht oh ai im apesá, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohmit ai-illi yō ai illa hi vt anumpohonli tok a, ont ai ahla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs a ī howa mvt, Chishno ak osh Chu okla ī miko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno a isht a chim anolikmá, nanta tuk o ilvppa ish achi cho ? im achi tok.

35. Pailat vt afalaminchit, Ūno vt Chu sia hō ? chishno chim okla ash inli, mikmvt na holitompā isht aśha pehlichī vhleha aiena kak osh chishit svbbak a fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlichī li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a-fohko ka chi ka, an tishu vhleha hvt itihimba he tuk: amba himak okvno apehlichli li ka yvt ilvppak inli ho keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ahlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a vla li tuk oke. Nan ai ahlika yo anukfoyuka aiyukali hokvto, vm anumpa ha haponaklo bano hoke, achi tok.

38. Pailat ash osh, Nan-ai ahlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht asha hokvno, achvfalichit a hvchim i hotofi la he ai vlhpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu ho, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hvt kvti tvnna yo iachokolichi, 1: 4 hlakofichi bvnna kia, Chu okla nan ahni kak o im antia hatuk osh, yvmmtv ititaiyukhvna ahonvha chi mak o, im issa: 17 tvshka chipota vhleha hvt i nafobka yatuk a iti hopela: 26 Chisvs vt ishki yatuk a achukmalit apelahancha chi ka, nan im ai ithvna i hokitopa yatuk a i miha cha, illi. 31 Tvshka chipota vhleha hvt, Chisvs naksi a tvli halupa ishit bahli. 38 Chosef Alimahlea minti, micha Nikotemvs ita tuklo hosh Chisvs haknip a ishi cha, hohpi.

1. YOHMI hatuk o yvmma foka ma Pailat vt Chisvs a ishi cha, fvmmi tok.

2. Mihma tvshka chipota vhleha hvt kvti tvnvt iachuka

ikbit, noshkobo ha iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpvchi mvt, Chu okla i miko yosh nan ik yukpa, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinincha chi mak o, ilauehit hvchi kohchi lishke, im achi tok.

5. Mihma Chisvs vt kvti iachuka ha iachukoli cha, na-tishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesa, okla ha im achi tok.

6. Yohmi ma na-holitompa isht asha pehlichichihleha, mikmvt nan-vlhtoka vheha aiena kash ot yvmmak ash pisa mvt, chitoli hosh mihvt, Ititaiyukhvna ak o oh ahonvhlichichihleha; ahanchi ma, Pailat ash osh, Oh ishi cha, ititaiyukhvna ak o oh ahonvhlichichihleha; vno yokto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hv afalaminichi mvt, Nan-vlhpisa hv pin tonla: yohmi ka ilvppak okvt Chihowa Ushi ilapissa hatuk okvt, pi nan-vlhpisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvma haklo mvt, nukshopa kv isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima ko ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svm anumpulo mak oh cho? vno vt ititaiyukhvna ya a chi ahonvhlichichihleha la hi vt vm vlhpesa, anonti chi hotofi la hi vt vm vlhpesa aiena ka chik ithaiyano cho?

11. Chisvs vt afalaminichi mvt, Chishno yokvt vba ak o auet a chima ho keyukma, vno yoka nana ho is sa kanihcha hi vt chim vlhpesa keyushke: yohmi hoka svshit avt chibbak a ant sa fohki tuk a yvmmak osh nan-ashvchi kv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bvnvt im anukfihinla tok: yohmi kia Chu okla hvt chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kvna hosh miko il apestakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia asha chi ka, ai il atahlit maya nitak, mihmvt hvshi kanvlli vlhpisa yvt ont isht han-nali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhlich, achi ma, Pailot ash ot, Hvchi miko ya ititaiyukhvna ahonvhlich la chi cho? im achi ma, na holitompa isht asha pehlich vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahonvhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yvmmvt Kalkohla hohchifo ho ona tok.

18. Mihma yvmmak ash, micha inla yvt tuklo ho aieninchit ititaiyukhvna okla ai ahonvhlich tok: Chisvs ak osh iklvna yo takali na achvfa bikt ita hlaklaka takohli tok.

19. Mihma Pailat vt nan anoli holisso ha holissochit ititaiyukhvna ya a lapalichi tok. Yohmi ka holisso kv, CHISVS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tvmah ha i bilika ha tok: yohmi ka holisso kv Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kv pisa tok.

21. Yohmi ma Chu okla na holitompa isht im a₂sha peh lichy v₂hleha hash osh Pailat a, Chu okla i m₂iko, achit chik holissocho kashke; amba Chu okla i m₂iko sia hoke, achi chatuk yvmmak o ish holissochashke, okla im achi tok.

22. Mihma Pailat ash ot, Nana h₂ holissochi li kv₂t holissochi li mak atuk oke, im achi tok.

23. Yohmi ma tvshka chipota v₂hleha hv₂t Chisvs a ititai-yukhvna ahonv₂hlichy mvt, i na fohka yatuk a ishit ita kv₂sh koa ushtali cha, tvshka, chipota vt i kashampa aiyyuka tok; mihmvt i na fohka lumbo ash kia aieninchi tok: na fohka lumbo yvt ahch₂uwa y₂o keyu, paknaka yak o a tvnmvt may₂a hosh ont taiyaha ha tok.

24. Yohmi hatuk o, Ilvppak okvno keho hlilvffo hosh, amba kv₂na hosh immi ha ch₂i ka, na shoelit kil oh a₂sh₂a, ilap b₂ika it im achit may₂a tok; yohmi ka Holisso Holitopa vt, Um ilifoka y₂a okla it₂i hopela mvt, a na fohka lumbo yoka na shoeli isht aiasha kvno, achi ka ont aiahla ch₂i mak a tok; yohmi hatuk o tvshka chipota v₂hleha hv₂t ilvppa okla yakohmi tok.

25. Mihma Chisvs ititaiyukhvna a takali ka ituma y₂a ishki, micha ishki nakfish, mikmvt Meli Kleofas tekchi, mikmvt Meli Maktalene aiena hosh hiohm₂aya tok.

26. Yohmi hatuk o Chisvs vt ishki, micha nan im ai ithvna yvmma i hullo beka tuk mak osh itatuklot hinli na pisa mvt, ishki ash o, Ohoyo ma! chiso h₂a ish pisashke, im achi tok.

27. Mihmvt nan im ai ithvna yash o, Chishki a ish pisashke, im achi tok. Mihma nan im ai ithvna yvmmak ash osh hvshi kanvlli vlhpisa yvmmak fehna ai-vh₂lit ia ka, ohoyo hash ilaue₂lit ilap in chuka akinli h₂o bohli tok.

28. Yakohmi ha ya, nan okluha kv₂t ont ai vlhtaha ka, Chisvs vt ithana hatuk osh, Holisso Holitopa yvt ont ai a₂hla ch₂i ka, Sa tukshilvshke, achi tok.

29. Yohmi ma nan-ai-vlhto wineka alota kv₂t talaia tok; atuk o na-shatvmmi y₂o wineka yash alotolit hissop o takalichit itih h₂a pit tikelichi tok.

30. Yohmi hatuk o Chisvs vt wineka yash ishkot pisa

mut, Ulhtaiyahvshke, achi tok; yohmi cha aka yuhclau-nukli mut, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yvmmut nitak holitopa hatuk oka, Chu okla hash osh yvmma hanali ak osh kobahli na ishit kanima ia hinla ka, Pailat a im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichy mut, anonti achvfa yash kobahlichy tok.

33. Amba Chisvs vt a takali tuk a okla ona mut, yvmmvto illi mashko tuk o pisa cha, yvmmvno hanali ha ik kobahlecho ki tok.

34. Yohmi kia tvshka chipota vhleha yash ot achvfvv naksi a na halupa ho ishit bahli na ashalika issish, micha oka aiena hosh auct fohopa tok.

35. Yohmi ka yvmma pisa tok mak osh atokowa ka anoli; yohmi ka yvmmut atokoli ka ai ahli hoke: yohmi ka hvchishno vt hvchi yimma chi ka, ai ahli mak o miha kvv itha-na hoke.

36. Holisso Holitopa yvt, Foni vt ik pakoto ka he, achi kvv ont ai ahli chi mak o, nana kvv a yakohmi tok.

37. Micha anonti Holisso Holitopa ai anumpa inla mut, Yvmma okla bahli tuk vt yvmmak ash pisa hi oke, achishke.

38. Micha ai yakohmi ha ya, Chosef Alimahlea minti vt Chisvs a nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip a isha hinla kvv, Pailat a ont im asilhha tok: mihma Pailat vt vlhpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o ayvt Chisvs a pisa tok yvmmak ash kia vla cha, mvh micha aloes itibvlhto kvv weki tahlepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, yvmmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yvmma osapushi osh ta-

laia tok : mihma osapushi anukaka ya sepuvka himona, ha-tak vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok; yohmi hatuk o sepuvka yvt yvmma auet i bilikasi hatuk oka, yvmmak o Chisvs a bohliit okla tok.

CHAPTA XX.

Meli Maktalene vt sepuvka yash ona, 1. 2 Pita, Chan itatuklo kvv tushpvt ivt, sepuvka yash it onachi akinli. 11 Meli Maktalene ash ot sepuvka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavvt chiya ma, Chisvs vt im ona; 25 Wek inla hosh ont taha ho nan im ai ithvna vhleha hvv Tamas a pit a momvt itvnavvt chiya ho, Chisvs vt anonti i haiaka.

1. WEK chukowvt iahpi onnahinli fehna okhlilinchii moma ho, Meli Maktalene vt sepuvka yash ona cha, tvli yash osh sepuvka ya a kanvlli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepuvka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepuvka ya it onachi tok.

4. Yohmi kvv tuklot pit tihlaiya tok; atuk o nan-ithvna achvfa yash ot Pita ya imaiya cha, tikba sepuvka ya ona tok.

5. Yohmi cha ont a hlipvt pit hopokoyo mvt, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvt, sepuvka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itonla tok.

8. Mihma nan-ithvna achvfa na tikba sepuvka ya ona tuk ash kia pit chukowa cha, pisa mvt, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli hō itiachi tok.

11. Yohmi kia Meli vto sepvka a kocha ya nishkin okchi mihintit hikia tok: atuk osh nishkin okchi mihintit pit akə chunulit, sepvka anukaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o asha ma, achvvt iyi pilla hatuk ak o asha na pisa tok.

13. Mihma, Ohoyo chia hvv na katihmi hō ish yahaya cho? im achit okla ma, An Chitokaka ya okla ishit kvnia tuk a chini hō, kanima yō a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikia na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi hō ish yahaya cho? Kvta hō ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kani-ma yō ont ish bohli tuk mvt, is svv anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmvvt nan-ithvnanchi ma! achi hoke, im achi tok.

17. Chisvs vt, Uba ivt Aki a ak im ono kisha hoka, is sa potoli ná; amba ivt tibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukowvt iahpi nitak atuk o, Chu okla ha i nukshopa hatuk osh nan-ithvna vhleha ai itvnahvt chieya ka, okhissa yvt

vllkvma hō, Chisvs ash ot vltv iklvna ant hikia cha, Hvchi nuktanlashke, im achi tok.

20. Ilvppa mak achi mvt, ibbak iti chaplinehit, naksi aiena ka i weli tok. Yohmi ma nan-ithvna vhleha hash osh Chitokaka ya pisa kvv na yukpa tok.

21. Yohmi ma Chisvs ash ot atuklanchit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kvna im ai ashvchika yo hvsh i kashofi hoka, i kashofa he mak oke; mikmvt kvna im ai ashvchika yo hvch ik i kashofa hokma, ik i kashofa ka he mak oke, im achi tok.

24. Yohmi kia Chisvs vt vla ka, auah-tuklo yatuk a achvfa, Titimvs hohchifo Tamas vt takla asha tok keyu.

25. Yohmi tuk o nan-ithvna vhleha inla yash osh, Chitokaka ya e pisa kvno; im achi tok. Yohmi kia, Ibbak chofak ai ahonvhla tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li hō keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna vhleha hash osh aboha anuka aiasha ma, Tamas vt takla asha tok; yohmi ma okhissa yvt vllkvma hō, Chisvs vt vla cha, iklvna ya ant hiki, Hvchi nuktanlashke, achi tok.

27. Mihmvt Tamas ash o, Chibbak ushi a auet welit, svbbak a pisá; mikmvt chibbak ma auet welit sa naksi a pit hilechi: yohmi cha, na yimmi iksho hosh ish anta ná, amba chi yimmi kvv a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa hō keyu kia, yimmi tok vhleha hokv na yukpa mak oke, im achi tok.

30. Micha na-fehna inla kvv laua hō, Chisvs vt nan im ai ithvna vhleha hvv pisa na yvmihchi mvhli tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

huchi yimma he; micha huchi yimmi pulla hosh yumma hohchifo hatuk mak o okchayvt bilia ya hvsh ahayucha he mak o, ilvppa puta kvv holisso hatuk oke.

CHAPTA XXI.

Chisvs vt, nan im ai ithvna vhleha hvv Tibelias okhvta ha nvni hokli hosh maya ho, ont im otvni, 1; 12 yohmi cha nan-isht-hokli a nvni im alotoli cha, anonti itibai impa. 15 Chisvs a i hullokmvt in chukfvlhpoba, micha in chukfvlhpobushi aiena ka im ipeta hi a hituchina ha Pita ya i miha; micha Pita yvt na palvmmi isht illa hi a tikbanli im anoli. 24 Chan vt ilap nana anohonli ka aighli, micha Chisvs vt na fehna ka yvmihchi tok a, inla yvt lauvv asha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha ha Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana vttta, micha Sebate ushi tuklo, anonti nan im ai ithvna inla tuklo aiena kvv ai itapehvt ma-ya tok.

3. Saimon Pita yash ot, Nvni vbit ia lishke, im achi ma, Pishno ak kia chi apihvt il ivshke, im achi tok. Okla kohchvt ivt chekosi makinli ho peni a ont vlbeha tok; atuk osh ninak yumma nana kia okla ik hoklo ki tok.

4. Atuk o ont onnvv taha ma, Chisvs vt alaka ya hikia tok; yohmi kia nan-ithvna vhleha hvv Chisvs ash atuk a ik ithano ki tok.

5. Yohmi ma Chisvs ash ot, Vlla vto ilimpa hvchim asha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nvni-isht-hokli a oh okvchi, micha hvsh ahayuchashke, im achi tok. Yohmi hatuk o pit okvchi mvt, anonti nvni yvt laua fehna ka, halvlli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok.

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafohkvt nvni hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i hopaki keyu, amba k u b i t tahlepa tuklo foka ho asha hatuk okvt, pen-ushi ash o alhtot nvni-isht-hokli nvni alota ka halv-lit isht ia tok.

9. Atuk osh alaka ya okla ona makinli ho, tobaksi luak vt yvma asha ma, nvni yvma itotonla ma, pvska ak kia itonla na okla pisa tok.

10. Chisvs ash ot, Nvni himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvni-isht-hokli ash nvni hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvni-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk a ithana hatuk osh, nan-ithvna vhleha hv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, pvska ya ishi cha, i hopela mvt, nvni ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hv is so hullo kv, ilvpa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukfvlhpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukfvlhpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hv is so

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachehit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahni keyu kia, chisht aya hi oke, im achi tok.

19. Ai illi kaniohmi ho Chihowa ha isht a holitoblich a he ak o, anoli hosh ilvppa anumpuli tok. Mihmv t ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, kati ma kak oh cho? achi tok ash osh awant aya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmvno hatak ilvppak amo katiohma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hv t, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kaniohmi tok a lauv t asha, yvmmak osh momvt holisso hokma, holihiso kv t yakni ak oh kia holisso hv t ai itola hi vt iksho ka hinla, vm ahobvshke. Amen.

CHISVS KLAIST

IM APOSTEL VHLEHA HV'T NANA A KANIOHMI TOK.

CHAPTA I.

Klaist vt illi ha ya tok a isht annoa kaniohmi kv't vlbitvt annoa, 1. 9
Yvmmvt vba ia isht annoa. 15 Chutvs vlhtoba hō achvfa ka ato-
kola hi a, Pita yvt isht anumpuli.

1, 2. **T**IAFILUS ma! Chisvs vt vmmona, nana puta
a kaniohmit nan im avvchit isht mahaya tok osh, vba anum-
peshi vhleha hā ilapo akinli atokoli tok vt, nana vhlpisa ka
Shilombish Holitopa pulla hō isht ai ihima tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kv't, nana ahli
isht ikhaiyana he lāwa ka, yvmmak ash o ai isht im ile hai-
akvchi cha, nana kv't Chihowa apehlichika ya, pit ai ahalaia
puta ka isht anumpohonli ka, okla pisa na nitak pokoli ushta
tok.

4. Micha itahobit taiyahli mvt, Chelusalem a okla issvt ik
aiyo hosh; amba Iki vt nana miha tok, Yvmma hvs svm
a haklo tuk vt, pit hoyot hvsh chieyashke; achit im apesa
mvt,

5. Chan ak okvto oka yo isht baptismochi mvhli tok;
amba hvchishno vto himmak pila hā, nitak kanohmi keyuk-
ma, Shilombish Holitopa yak o isht hvchi baptisma chi hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno apehlichika ya falamin-
chit Islael a ish ema chi cho? achi tok.

7. Mihma, Nitak, micha afvmmi puta ka, Iki vt ilapo ib-
bak akinli hō fohkit ieshi ka hvsh ithana vhlpesa keyu hoka

8. Amba Shilombish Holitopa yvt ayvt hvchim vla ha mvno, nana ai ahlika ya, hvsh esha he: yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke; im achi tok.

9. Mihma nana yakohmi ka anumpulit ont in taiyaha ma, oklat pisa na, vba ishtia ma, hoshonti hv t i holhponayo ha ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot hieli ma, hatak tuklot nafohka tohbi fohka hosh i bilikasi hieli tok.

11. Mihmvt yvmmak ash osh, Kalili hatak hvchia hv t, nanta katihmi ho shutik pilla ka pit hopokoyot hvsh hieli cho? Chisvs ilvppak ash fehna akinli kv t hvchim eshit vba ishtia ka, kaniohmit vba ia ho hvsh pisa tuk a yvmmak inli ho chohmit ayvt vla hi oke; achi tok.

12. Yvmohmi ma, nvni chaha Alifit hohchifo ho, yvmmak okvt Chelusalem a pit bilika nitak hullo anowa vlpesa ho asht falamvt Chelusalem a okla vla tok.

13. Mich a okla ant chukowa mvt, vba potvlhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfvs ushi, mikmvt Saimon Selotis, micha Chutvs Chemis itibapishi aiena kv t ai asha tuk o pit oiyat taha tok.

14. Ilvppak osh momvt ohoyo puta, micha Meli Chisvs ishki, micha itibapishi vhleha hatuk aiena ka ai itapehvt im anukfila ai achvvt vba pit anumpulit, nana asilhha aiena kv t ik isso hosh aiasha tok.

15. Atuk o nitak yvmma foka ma! nan ithvna vhleha hohchifo holhtina kv t tahlepa achvfa cha pokoli tuklo foka hosh itvnahvt chieya ho, Pita yvt iklvnna wakayvt hikia cha,

16. Hatak itibapishi li vhleha ma! Shilombish Holitopa yvt tikbanli, Lewi ash itakha ai isht Chutvs a isht anumpuli tok o, Chisvs okla ishi ka in tikba hika tuk a, ik kaniohmi kia holisso ilvppvt ai ahli tuk pulla hoke.

17. Yvmmak okvt hv p iba holhtiena cha, anonti nan isht vta ilvppa pit ahalaia ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk ; micha itihpelvt akivt, iklvnna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kvv momvt akostininchi tuk ; yohmi hatuk o osapa yvmmvt ilap im anumpa ya, Esiltama hohchifo, yvmmvt osapa issish achi hoke.

20. Micha ataloa holisso ha a holisso kvv, Yvmmvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke ; micha, Nana ai isht vtta yatuk a, inla yosh ishashke ; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvvim eshi na vba ia nitak fehna ai vla ka, hatak yakohmi kvv pi apehvt, aya na bilia tok okvt, yvmmvt falamvt tani tuk a, atokowa pib ai anola chi kvv, achvfvv vlhtoka pullashke ; achi tok.

23. Mihma hatak tuklot, Chosef osh Basabvs hohchifo hosh, hohchifo apunta kvv Chvstvs o, anonti Mathlaivs aiena ho, okla hiohlichu tok.

24. Micha okla vba pit anumpuli mvt, Chitokaka hatak moma chukvsh a ithaiyana chia hokvt, tuklo ilvppa kani-mampo kak o, ish atokoli hatuk okmvt ish otvninchi na,

25. Nan isht vtta ilvppa, micha vba anumpa isht vtta pit ahalaia aiena, yvmmak atuk o, Chutvs vt ilap ai vtta ya ia chin cha, yoshoba cha issa tuk oka, ieshashke ; okla achi tok.

26. Micha okla nashoeli bohli tok ; mihma nashoeli ash ot Mathlaivs ak o onvtula na, yvmmak osh vbanumpeshi auah-chvfa kash iba holhtiena tok oke.

CHAPTER II.

Vbanumpeshi vhleha hvv Shilombish anukfohka fehna mvt, anumpa ilaiyuka anumpuli, 1. 14 Pita yvv vbanumpa isht anumpuli.

1. **ATUKO** Pentekost nitak vt ont vlhpiesvt taha ma, momvt im anukfila ai achvfvv mih achvfa yo chieya tok.

2. Yvmohmi ma ashalika mahli kvllo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kv̄t luak o chiyuhmi hosh ant i haiaka, micha achvfaiyuka ant onvtogula tok; yvmohmi na, moyumvt Shilombish Holitopa yvt isht anukfohkvt alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap im anumpa aiyyuka yo, ai anum-pulit maya na, hatak momvt haklo hatuk osh, okla anukhlakancha tok.

7. Michā momvt okla nukhlakancha mvt, okokko! ai ahni mvt, Ilvppa anumpulit maya kv̄t momvt Kalili okla keyu hō?

8. Michā nanta katiohmi hō hatak moma kv̄t il a toba tok pim anumpa akinli hō, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontvs mikmvt Asia,

10. Fichia micha Pafilia Echip, mikmvt Libya pilla Sailini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa hō okla isht anumpuli na eho haiyakloshke; itim achit maya tok.

12. Michā okla momvt nukhlakancha mvt, ik ai akostinicho chohmi cha ilvppvt, Katiohma hinla hosh yakohmi hō? itim achit maya ma,

13. Anonti inla ka mvt isht yopulvt, Hatak yakohmi kv̄t oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkv̄t hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilv̄ppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht v̄lhpisa ont atuchina hoka.

16. Amba ilv̄ppv̄to hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la. hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvchi himithoa puta kash ot nan isht ahoba pih̄isa he; yohmikma hatak hvchi sipokni puta kv̄t holhpokunna ma holhpokohuna hi oke.

18. Micha nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he; yohmikma v̄banumpa isht anumpula hi oke.

19. Micha v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Micha yakohma hi oke, Kv̄na kia Chitokaka hohchifo h̄a pit hochihifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yvmihinchi tuk a, hvchishno akinli kak kia hvsh ithainayvshke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukh̄vna a takalichit hvsh bi tok.

24. Yv̄mma Chihowa yvt illi na-hotopa puta ka hotoffi

cha, tanichi tok: yvmmak oka yvmmt a foka he vhpesa keyu hatuk oka.

25. Lewi yvt ymma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanvlo ka hi a, yvmmak okvt subbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hosh foha hi oke.

27. Ŭmi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahá, ish im ahna he keyu hoke.

28. Chishno yvt ai okchaya hina puta is svm otvnichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvp itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopaii atuk, micha Chihowa yvt, nipi okvto ymma isht atia ka yo, Klaist a ai ikbit ymma im ai asha holitopa tuk ash, ai o binila chi mak o, hilecha hi vt, anumpa kvllo isht ai im il apihisa tok a, ithaiyana tok oke.

31. Ilvppa tikbanli akostinichi hatuk osh, Klaist vt fala-mvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Chihowa yvt tanichi tuk o, ymma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binilit holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh hahak-loshke.

34. Lewi yvt vba shutik a ona tok keyu hoka; yohmi kia ilapinli kv, Chitokaka yvt an Chitokaka ya, Subbak isht impak imma ya ish binili na,

35. Chin tenvp vhleha h₂ chiyi ai o hikia ikbi lashke ; im achi tok, ahanchi tok.

36. Yvmohmi hoka, Islael okla moma kv_t, Chisvs iti itai-yukhvna hvsh a takalichi chash fehna ka, Chihowa yvt yvm-mvt Chitokaka, micha Klaist aiena mak o, ikbi tok a, ithai-yana pullashke ; im achi tok.

37. Yohmi ma ilvppa okla haiyaklo mvt, chukvsh vt nuk-haklo fena mvt, Pita, micha vbanumpeshi inla aiena kash o, Hatak il itibapishi vhleha ma ! nantak o e katiohma ch_i cho ? im ahanchi tok oke.

38. Yvmohmi ma Pita yashot, Hvsh moma kv_t ile kosti-ninchit, nan ai ashvchika puta isht kashofa ch_i ka, Chisvs Klaist hohehifo h₂, im a hvchi baptismashke ; yohmikmvt Shilombish Holitopa holhpila ka hvsh isha he mak oke.

39. Anumpa hvt hvchishno, micha chim vlla puta aiena, micha auet hopaki pilla aiasha ka moma, peh laua kv_t kaniohmi h₂ Chitokaka hvpin Chihowa yvt pit hoy₂ hi a, im aya hoka ; im ahanchi tok oke.

40. Mich₂ anumpa inla mvt lai₂yawa h₂, isht im anumpu-lit, anonti atohnohonchi mvt, Aivlhpesa iksho isht ai unchu-luli vhleha ilvppa hvsh ai ile mokofashke ; ahanchi tok oke.

41. Yvmohmi ma im anumpa h₂ na yukpvt ih_ishi tuk puta kv_t baptismo tok ; yvmohmi na nitak yvmmak inli ka hatak tahlepa sipokni tuchina fokvt ibvlhkaha tok oke.

42. Yvmohmi cha vbanumpeshi vhleha im anumpa hash, micha it_i hullo aiena, micha pvska boshullichei, mikmvt vba pit anumpuli aiena kv_t kv_{llo} fenhvt ah₂ashwa tok.

43. Yvmohmi ma hatak moma ka nukshopa hvt onvtu-yula tok ; mihma nana fehna, micha nan isht ahoba laua aiena kv_t vbanumpeshi vhleha hash isht a yvmohmi tok.

44. Yvmohmi ma na yimmi tuk vhleha hvt momvt ai it achvfa mvt, anonti nana puta ka ai i moma hosh ai asha tok.

45. Mich₂ im osapa puta, vlpoyak aiena kash okla kam-pela cha, hatak mominchit hatak vt nana h₂ bv₂na hatuk aiyuka ka, i hopela tok.

46. Mich₂ im anukfila mvt ai achvft, Tempel anyukaka y₂, nitak moma ai ah₂ashwa, micha chuka taloha puta ma,

pvska a boshullichit itvnowa aiena mvt, chukvsh ai ahlit na yukpvt im ilhpak ma vpvvt aiashtvt,

47. Chihowa ya ai okpahanchi ma, okla moyuma kvt ahniechi tok. Yvmohmi ma okchaya he puta kano, Chitokaka yvt nitak moyuma ka vbanumpuli ikxa ya isht ibakanli tok oke.

CHAPTA III.

Pita, Chan ita tuklo kvv hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kvv hvshi kanvlli isht vhpisa chakkali ho, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vta tok o, yvma okla iti sholit, tempel a, okla ont a chukowa ka, nanasi kia im asilhha chi ho, nitak uha tempel okhissa, yvmvvt hohchifo mvt aiukli achi ho, ont okla bohyuli beka tok o;

3. Yvmmak ashot, Pita, micha Chan ita tuklo kvv tempel a pit chukovvt okla chi ho, pisa mvt nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mvt, Auet pi pesa, achi tok.

5. Yohmi ma yvmmak ashot nana ho im a habena chi ka, im ahoba mvt im atia tok.

6. Mihma Pita yashot, Tvli holisso, micha tvli holisso lakna aiena hokvto ik svm ikshoshke: amba nana ho ishi li kvto chima lishke: Chisvs Klaist Nasalet ai vta hohchifo pulla ka, wakaya cha nowa, achi tok.

7. Mihmvt ibbak im ishtimpak imma ya halvlli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmvt nohovvt, anonti mvllit, Chihowa ma pit aiokpahanchit, yvmmak ash awant Tempel a ont chukowa tok.

9. Mihma okla momvt yummvt noh_owa, micha Chihowa pit aiokpahanchi aiena ka, piesa tok.

10. Mihmvt yummak osh na habena ch_i hosh tempel okhissa aiukli a a_osha beka tuk a, okla ithana tok: nana kv_t ai i yakohmi tuk a, okla okokko! ahnit anukhlakanchvt kvnia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehvt, o yihleptv Solomon im apishia achi h_o nutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Israel hatak hvchia hv_t, nant_o katihmi h_o ilvp-pa isht hvchi anukhlakancha cho? Micha nanta katihmi h_o pishno nan isht a pim ahlika akinli hokmā, keyukmvt pi achukma hokmā, nana tuk osh hatak ilvppa e nowvchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hv_p iki vhleha in Chihowa yvt Ushi Chisvs a holitobli tok; yummak oka Pailat vt ant ik iá, im ahni vlhpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aiahli aiena tuk ash hvsh kanchi cha, hatak vbi yak osh a hvchim vlhpiesa ch_i kv_t, hvsh asihhla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yvma atokowa anoli vhleha pia mak oke.

16. Yvma hohchifo, hohchifo yvma a yimmi pulla hosh hatak ilvppa hlampkochi tuk o, hvsh pisvt hvsh ithai-yanvshke: ahli, yvma ai i yimmika pulla hosh haknip achukma aiah_h ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlich_i vhleha ak kia yohmi akinli tuk a, himak a ithaiyana lishke.

18. Yohmi kia Klaist vt ilbvsha he a, Chihowa yvt tikba

ma i hopaii puta itih hā, nana yvmma puta ka isht anohont tuk vt, yvmihchit ai ahlichit tok oke.

19. Yvmohmi hoka ile kostininchit im anukfila inla hvchi anukfohkashke; yvmohmi na nitak hochukma Chitokaka itikba a mihinti kv̄t ahanlakma, nan hvsh ai ashvchika puta kv̄t hvchi kashofa hi oke.

20. Yvmohmikma tikba kash isht hvchim anumpa tck Chisvs Klaist a auet chvfficha hi oke.

21. Yvmmak oka v̄ba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih hā isht anumpohonli tok vt, ont ai ahla he v̄hpiesa hoke.

22. Moses okvt hatak pin tikba v̄hleha hā, Chin Chitokaka Chihowa yvt hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana hō hvchim ahanchikma, hvsh haiyakla hi oke.

23. Yohmikma, yakohma hi oke: kv̄na hosh Hopaii yvmma i haponakla he keyukmvt, okla ai ibafohka tuk vt ai okpulo kv̄t kv̄nia hi oke; im ahanchi mv̄hli tok.

24. Ahli, micha hopaii moma, Samuel ai v̄hlit minti, micha ola takla hā asht isht auehinchit anumponli kv̄t momvt, nitak yakohma hi oka, tikbanlit anoli akinli tok.

25. Hvchishno vt, hopaii v̄hleha, micha Chihowa yvt hvpin tikba v̄hleha hā, nan it im apesvt Eblaham a, chishno isht chi ai unchululi hō, oklushi puta yakni paknaka aiasha kv̄t ai isht ilayukpa hi oke; im ahanchi tok, anumpa hā ushi hvchia hoke.

26. Chihowa yvt ushi Chisvs ikbit hilechi mvt, hvchishno ak o mominchit nan im ai ashvchika ya ai isht filvmmichit a chi yukupala chi ka, tikbanli auet chvffihinchit tok oke; achi tok oke.

CHAPTA IV.

Pita, Chan ita tuklo kv̄t aboha kv̄llo v̄hlpitta tok, 1. 8. Pita yvt nukwaya iksho tok. 18 V̄banumpeshi v̄hleha hv̄t anumpa kv̄lle im v̄hpisa tok.

1, 2. MICHA okla ha im anumpulit ahashwa ma, na holitompa ish vttā vhleha, micha tempel atoni, mikmvt Satusi vhleha aiena kv̄t, yvmmvt hatak illi puta tana hi oka, Chisvs atuk mak o okla ha nan ikhv̄nanchi, micha isht anumpohonli kak o, ik im v̄lhpieso hatuk osh, ant i kocha tok.

3. Micha okla ibbak isht ieszit, aboha kv̄llo apitta na onna tok, opia hosi tok oka.

4. Yohmi kia anumpa ha habaklo tuk vt, laua hosh yimmi tok; yvmohmi ma hatak holhtina kv̄t tahlepa sipokni tahlapi foka tok.

5. Ont onna ma yakohmi tok; Okla i pehlichika vhleha, micha hatak hochitoka vhleha, micha na holissochi vhleha,

6. Mikmvt Annas, na holitompa isht asha pehlichi, micha Kaiafvs, mikmvt Chan, micha Aliksanta, micha na holitompa isht asha pehlichi i kanomi vhleha moma aienvt, Cheluselem a ai itahoba tok.

7. Micha yvmmak ash o ai iklv̄nna hiohlechi mvt, Kv̄ta hosh nan apesa tuk o, keyukmvt nanta hohchifo ho ilvppa isht hv̄sh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfohka fehna mvt, Okla pehlichi vhleha micha Israel i hochitoka vhleha hv̄chia ma!

9. Hatak iksitopo vt nan isht il ayukpa yvt im v̄lhtaha tuk a, kaniohmi ho isht a hlakofi tuk a, himak nitak a pishno ak o pi ponaklo hatuk oka,

10. Hv̄chishno vt hv̄sh moma, micha Israel okla moma kv̄t hv̄sh ithaiyanashke; Chisvs Klaist Nasalet ai vttā hohchifo pulla, yvmma iti itaiyukhv̄na hv̄sh a takalichi tok o illi tuk a, Chihowa yvt tanichi tok: yvmmak fehna kak o, hatak ilvppvt isht a hlakofi cha hv̄chi tikba ya, yak hikia hoke.

11. Tv̄li ilvppak o, chuk-ikbi vhleha hv̄chia hv̄t, ik aho-balot hv̄sh kanchi tok mak o, yvmmak ash ot chukbi ka nutak intola fehna toba hoke.

12. Micha ai okchaya mvt inla kia iiksho: shutik nutaka ya hohchifo inla ma hatak puta ka auet ai ima tok o, mihi yo il ai okchaya he v̄lhpesa kv̄t iksho hoka; im ahanchi tok.

13. Yohmi ma Pita, micha Chan ita tuklo kvt nukwaya iksho hō okla pihisa, micha yvmmt hatak holisso imponna keyu, micha nan ik ithano aiena yatuk a, akostininchi mvt, okokko! okla aiahni tok; micha yvmmt Chisvs a apehvt aya tuk a, okla im akostininchi tok.

14. Micha hlakofi tuk hatak ashot ibafokvt hikia na, okla pisa hatuk osh, yvmma okla nan isht a miha he keyu tok.

15. Amba ai itvnaha ka a kohcha chī ka, okla im apesa ha yokvto, ilap bika it im anumpulit mayvt,

16. Hatak ilvppa nanta kō eho katimihcha chī hō? na fehna ithana hinla mak o, yvmma ai isht yvmohmi mvhli tuk a, Chelusalem ai asha kvt momvt akostininchi hoka; anonti pishno vt ik ahlo, e miha he keyushke.

17. Amba okla hā ibai a chukowvt ī shahlit isht ik ayo ka he a, ī nokowa fehvt, himmak a pilla ma, hatak nana kia hohchifo ilvppa isht ik im anumpulo ka hi a, iloh im apesashke; ahanchi tok.

18. Mihmt okla pit ī howa cha, Chisvs hohchifo hā isht ik anumpulo kvmohmikmt, anonti nan im abvchit ik ahashwo ka chī hō, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hvchishno ak o a hvchī haponaklo kvt, Chihowa ya, ī shahlichī kak okmā, nanta kosh Chihowa itikba ya ai vlhpiesa hō anukfillit ho pesá.

20. Nana ka e pisa tuk, micha e hahaklo tuk aiena kvt, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvmma hinla kvt, ik akostinincho hatuk osh, achakalit nan ī mihvt tahli mvt, ant ik ayá, okla im ahni tok; nana kvt a yvmohmi tuk a, hatak moma kvt, Chihowa ya pit isht holi-tobli hatuk o.

22. Hatak vt hopahki kvt afvmmi pokoli ushta ka atampa hō na fehna nahlakofichi ilvppvt ai ī yvmohmi hatuk oka.

23. Ant ik ayá, im ahni mvno, ivt ilap ai itapeha ai asha kash itonachi tok; micha na holi-tompa isht vta vhleha, hohchitoka aiena kvt nana im achi tuk ash mominchit anoli tok.

24. Mihma yvmma okla haklo mvt, im anukfila ai achvft,

Chihowa ya okla pit im anumpuli mvt, Chitokaka ma! chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt;

25. Lewi chim vlla itih ha isht ish ai anumpuli mvt, Nanta katihmi ho okla nan ik ithano yvt nokowa ma, anonti okla hvt nana tok keyu ka anukfillit ai asha tok oh cho?

26. Yakni miko vhleha hvt hiel ma, yohmi na pehlich vhleha hvt Chitokaka, micha i Klaist aiena ka i sanalit itahomba tok, ish achi tok.

27, 28. Ahli mvhlishke, chiso holitopa Chisvs, yvmmak o chishno vt ish il a hvmmichi tuk ash, Helotvt Pashis Pailat a ita tuklot, okla nan ik ithano vhleha, micha Islael okla aiena ka itapehvt i sanalit nana hosh kaniohma hi a, chibbak, micha chim anukfila aiena kvt, tikbanlit aiahni tok a, yvmihcha chi mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chi kvt, chibbak a auet ish wihinli; micha nan isht ahoba puta, anonti na fehna puta aiena kvt chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa ha isht anumpohonla chi ka auet ish im aiahnashke; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok: yohmi ma momvt Shilombish Holitopa yvt anukfohkvt kvnia mvt, nukwaya iksho hosh Chihowa im anumpa ha okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok; micha achvfona kia nana im aiasha kvt kaniohmi ka ilvppa vno vmmi fena, achi tok keyu; amba nana moma ai i moma hosh aiasha tok.

33. Ubanumpeshi vhleha hash ot nan ahlika chinto ka il aieshi hosh, Chitokaka Chisvs vt tani tok a atokowa okla anohonli tok: yvmohmi ma ayukpa chinto kvt mominchit onvtoyula tok.

34. Micha achvona kia nana kv̄t ik im iksho mvt ibafoka tok keyu; amba osapa, micha chuka kia in talohmaya aiyu-kali atuk vt, kampila cha, nana hosh nana kanchi ka it vlhtoba tuk puta ka, okla isht ai vla tok.

35. Micha yvmmak ash vbanumpeshi vhleha iyi ituma ya, ant ashachi tok; yohmi na hatak vt nana ka banna ka aiyu-kali tuk a isht i holhpila tok oke.

36. Yohmi ma Choses atuk o, vbanumpeshi vhleha hv̄t Banabas hochifo tok, yvmmt toshowakmvt Nana im av̄chi ushi achi hoke, Lefait hatak Saiplys yakni vtta vt,

37. Osapa in talaia tuk osh, kanchi cha, tvli holisso a isht vla cha, vbanumpeshi vhleha iyi ituma ya, ant ashachi tok oke.

CHAPTA V.

Ananaīvs, Safaila itatuklo kv̄t, Pita yvt nan i miha ma, illit aka kaha,

1. 12 Vbanumpeshi vhleha hv̄t na fehna puta yvmihinchi tok.

1. YOHMI kia hatak achvfa Ananaīvs hohchifo hosh, tekchi Safaila itatuklot, osapa kanchi,

2. Micha isht vlhtoba tuk ash kashvblit ishi tok; tekchi ak kia im akostininchi ho; micha a kashampa ho isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananaīvs, nanta katiohmi ho Shilombish Holitopa ya ish i holabi cha, osapa isht vlhtoba tuk a kashvblit ish isha chi ka, Setan vt chi chukvsh a anukfohki tok oh cho?

4. Talaya moma mvt, chishno ak o chimmi ha tok keyu? micha yvmmt kv̄nia ha ya, chishno chibbak o foka tuk keyu? nanta katiohmi ho, ilvppa chi chukvsh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvmohmi ma, Ananaīvs ashot anumpa ilvppa hahaklo mvt, aka itulvt fiopissa tok; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita vhleha yosh wakayvt, nan abo-nullit isht kohcha cha, ont okla hohpi tok.

7. Mihma yummak atuk a hopaki kv̄t hv̄shi kanv̄lli isht v̄lh̄pisa tuchina foka hō, tekchi vt nana kv̄t yvmohmi tuk a, ik akostinincho hosh ant chukowa tok.

8. Mihma Pita yvt im anumpuli mvt, Yakohmi hō osapa ya hv̄sh kanchi tuk okmá, nanakmvt, is sv̄m anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi hō Chitokaka imi Shilombish a imoma ka hv̄sh pisa ch̄i kv̄t, hv̄chim anukfila hv̄t ai achvfa tuk oh cho? Ch̄i hatak a hohpi tuk, micha chishno ma isht chi kohcha ch̄i v̄hleha iyi vt okhissa ya asha ka, pisá; im achi tok.

10. Yohmi ma mih makinli hō yummak ash ot iyi ituma ya ont itula mvt fiopissa tok; mihma hatak himita v̄hleha yash ot ant abeha cha, yvmvm̄t illi tuk o pisa mvt, ishit kohcha cha, i hatak ont apotulit hohpi tok.

11. Mihma v̄banumpuli iksa yvt moma, micha kaniohmi hosh na yakohmi ka h̄aklo tuk vt momvt nukshopa fena tok.

12. Yvmohmi ma v̄banumpeshi v̄hleha ibbak a nan isht ahoba, micha na fehna aiena laua kv̄t okla itintakla ya isht a yvmohmi tok. Mihma momvt im anukfila hv̄t ai achvfv̄t Solomon im apishia nutaka chieya tok.

13. Mihma inla hokvto nukwia kv̄t hatak achvfa kia ik ibafohko ki tok; yohmi kia okla hokvto yv̄mma ahn̄inchi tok.

14. Mihma na yimmi v̄hleha hatak nakni, micha ohoyo puta aiena kv̄t, laua hosh Chitokaka ya ai ibv̄lh̄kaha kv̄t i shahlit ia tok.

15. Yohmi hatuk o Pita yvt ayvt ont iakma shilombish ak illa kia kaniohmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika tvmaha talohmayvt fullota ka asht minti kv̄t laua hosh abeka puta, micha na shilombish okpulo puta isht issikkopa v̄hleha hatuk aiena isht ayvt, Cheluselem a ai vla tok; mihma momvt hlakofit taiyaha tok.

17. Yohmi ma na holitompa isht asha pehlich̄i, micha apeha tuk vt, (yvmvm̄t Satusi iksa yatuk osh,) momvt wakaya mvt, anukhobela fehna tok.

18. Mihmut vbanumpeshi vhleha hā, okla ibbak isht ieshi cha, okla moma im aboha kullo yō pit apitta tok.

19. Yohmi tuk kia Chitokaka im enchil vt ninak ā aboha kullo okhissa yā ant tiwit tahli cha, pehlichit kohcha mut,

20. Oh ia cha, ai okchaya ilvppa isht anumpa hā mom-inchit tempel anukaka yā ont hielit okla hā isht hvsh im anumpohonlashke; achi tok.

21. Mihma yvmma okla haklo mut, onnahinli fehna tempel ā ont abeha cha, nan ithvnanchit ahashwa tok. Yohmi kia na holitompa isht āsha pehlichit vt apeha tuk ash aienvt ai vla mut, nan apesa vhleha, micha Israel okla ī hochitoka moma ī howvt itahobi mut, yvmmak ash isht vla chī hō, aboha kullo ā pit tihleli tok.

22. Yohmi tuk kia nan vlhtoka vhleha hash ot ai vla cha, aboha kullo anukaka yā, yvmmak ash ant ik a peso mut okla falamut ont anolit,

23. Aboha kullo yokvto vlhkama achukma bano, yohmi ma apistikeli yvt okhissa puta itikba kocha yā hielī hō, ont e pisa ho mvhli tuk, yohmi kia e tiwi mut, hatak nana kia anukaka yā āsha na ke peso kano; ahanchi tok.

24. Yvmohmi ma na holitopa isht āsha pehlichit ī shahli micha tempel atoni, mikmut na holitompa isht āsha pehlichit vhleha aiena kv̄t, na yakohmi ka haklo mut, nana ak ō ilvppvt ont ai vlhpiesa hinla ka, ik ai akostininchot okla aia-sha tok.

25. Yohmi ma achvfa kv̄t ayvt okla hash ant im anohonli kv̄t, Yakeh! hatak aboha kullo pit hvsh apitta tuk ash ō tempel anukaka yā hielit, okla hā nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mut, okla hā ī nukshopa, yvmmak keyukmut, tvli okla isht boa hinla hatuk osh, yvmmak ash ō nan ik kan-iho hosh ont pehlichit vla tok.

27. Ont okla pehlichit vla mut, nan apesa vhleha itikba yā hiohlichit tok: yohmi ma na holitompa isht āsha pehlichit yvt im a ponaklot,

28. Hohchifo ilvppa isht im avchit hvchik ahanto ka hi

a, kullochi fehntv okla e chim apesa tuk keyu ? Yohmi kash o Cheluselem a hvchim anumpa isht ai alotolit hvsh kaiyanchi ; yohmi mvt hatak ilvppa im issish a pishno ak o isht pi onochi hvchi bvnvshke ; ahanchi tok.

29. Yohmi ma, Pita, micha vbanumpa isht vtta vhleha inla aiena kashot afalaminchi mvt, Chihowa yak o il im antia kvh hatak a, il i shahlicha he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk a, tanichi tok.

31. Yvmmak o Miko, micha Nan okchalini aiena cha, ilekostoninchi Israel a anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokowvt anoli pia ; yohmikma Shilombish Holitopa, yvmma Chihowa yvt im antia vhleha ha ima tok a, yohmi akinli hoke ; achi tok.

33. Yvmma haklo mvt, okla anukhobela fehna mvt, vba chi kvh, isht anumpulit maya tok.

34. Mihma achvft Falisi hatak, Kameliel hohchifo, nan vhpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Israel okla hvchia hvh hatak ilvppa imma yo, nana kanihcha chi ka, hvsh aiahni hokvto, ahah ! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvh tahlepa ushta fokvt iba kaha tok o ; yvmmak ash o vbi ma, im antia vhleha hatuk ash ot momvt, ita fimimpvt, ont aiokpulokvt taha tok.

37. Chutvs Kalili hatak osh hatak ilvppak ash achkvh, okla holhtinv maya nitak ash ahanta cha, okla lava ka isht il akanvlichit tok osh, yvmmak ash kia illi tok : yohmi ma kaniohmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowa ; chim ahanchi lishke Anumpa, mi-

cha, nan isht vtta aiena ilvppvt hatak atuk okma, ont aiok-pulokvt taha chi hoka.

39. Amba ymma Chihowa yak atukmvo, ai okpvnit hvsh kancha he keyushke. Ymmak keyukmvt, Chihowa yak o itibi hosh hvsh ahashwa na hvchi ahayucha hinla hoke; im ahanchi tok.

40. Mihma, vlhpesa okla im ahni tok. Micha vbanumpa isht vtta vhleha hash i howa cha, fvmmit ashachi mvt, Chisvs hohchifo ha okla isht ik anumpolo ka chi ka, im apesvt taiyahli cha, kvnompit tihleli tok.

41. Yohmi ma ymma hohchifo pulla ho na hofahya ka isht ile pisa he a, ont ai vlhpiesa tuk vt, na yuhukpvt nan apesa vhleha itikba ya asht okla ia tok.

42. Micha nitak moma tempel anukaka, micha chuka taloha moma ka, nan im avchi, micha Chisvs Klaist isht anumpuli aiena kvv okla ik isso tok.

CHAPTER VI.

Vbanumpeshi vhleha hvv hatak ilbvsha ithana, micha anumpa ha isht anumpuli aiena, 1. 5 Hatak vltoka untuklot vltoka tok.

1. NITAK ymmak foka, nan ithvna vhleha hvv laua kvv isht i shaht taha ma, im ohoyo vltakla puta ka nitak moma nana iti hopela ya ahaksichi beka hatuk o, Klik okla hvv Heblu okla ha nanumachit aiasha tok.

2. Yohmi ma auhtuklo kashot nan ithvna vhleha laua kash itahobi cha, Chihowa im anumpa ha il issa cha, ai im-pa yak o isht il ai ashwa he, vlhpesa keyushke.

3. Yohmi hoka il itibapishi vhleha ma! hvsh ai itvpeha ya hatak untuklo annoa achukma chatuk, nan imponna, micha Shilombish Holitopa anukfohka aiena ho hvsh atokoli na, ymmak o nan ai isht vtta ilvppa e hiohlechashke.

4. Amba pishno ak okvto, vba pit anumpuli, micha anumpa isht vtta aiena kak o, kil isso kvvohma chi hoke; achi tok.

5. Yohmi ma okla lava kash ot momvt anumpa ha aiok-

panchi tok. Yohmi mvt Istefin hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmvt Naikena, micha Taimon, micha Paminvs, mikmvt Nikolis vbanumpa nukfohka Antiak ai vtta aiena ho, okla atokoli cha,

6. Yvmma puta kash o vbanumpeshi vhleha itikba hiohlechi tok. Mihma okla vba pit anumpuli mvt, ibbak isht umbitepa tok.

7. Yohmi ma Chihowa im anumpa hvt isht i shahlit ia ma, Cheluselem a nan ithvna vhleha holhtina laua kv̄t i shahlit ishtia fehna tok; yohmi ma na holitomp̄a isht āsha lāwa fena kv̄t ayimmika ya im antīvt aiasha tok.

8. Mihma Istefin vt ayimmika, micha isht ai ahl̄ika aiena kv̄t isht alota mvt, nan isht ahoba chinto, micha nafehna aiena ka, okla itin takla ya a yvm̄ih̄inchi tok.

9. Yvmohmi ma sinakak Laibatin okla i sinakak achi ho, āsha yatuk, micha Sailini okla, micha Aleksantia okla, mikmvt Silisia, micha Asia minti aiena kaniohmi kv̄t, Istefin a itim anumpulit h̄ieli tok.

10. Yohmi kia chukvsh, micha ahopoyuksaka aiena ho isht ai anumpuli hatuk ash, okla nan isht a miha he keyu tok.

11. Yohmi mvt hatak lumvt tohno na, Yvmmak ashot Moses, micha Chihowa aiena ka ik ahobalot isht anumpoh̄onli ka, e haklo kano; achi tok.

12. Micha okla puta, mikmvt i hochitoka vhleha micha holissochi vhleha aiena kash okla ilhkolīh̄inchi na, okla i kohcha cha yvmmak ash ishi mvt, nan apesa vhleha ha isht im ona tok.

13. Micha hatak nana aholvbi ya hiohlechi na, yvmmak ash ot, Hatak ilvppvt aholitopaka ilvppa, micha nan vlhpisa aiena ka, anumpa ik ahobalo isht mihachi kv̄t ik issoshke.

14. Chisvs Nasalet ai vtta ilvppvt ilvppa okpv̄na he, micha nan vlhpisa puta Moses vt hvp ima tok a inlvcha he, ilvppvt achi ho, okla e haklo kamo; achi tok.

15. Yvmohmi ma, itv̄nahvt maya kash ot momvt yvmmak

ash aiokchifeli fehnvt pisa ma, nashuka mvt enchil nashuka
yo chiyuhmi na, pisa tok oke.

CHAPTA VII.

Istefin a im asilhhvchi hatuk o isht il anumpuli.

1. YUMOHMI ma na holitompa isht asha pehlich
ashot, Nana kv yakohmi ho mvhli cho? achi tok.

2. Mihma yvmmak ashot, Hatak itibapishi li vhleha, mi-
cha an tikba puta ma! hvsh haiyaklashke. Pin tikba Ebla-
ham vt Chalan a, ont ik vtto kisha hosh, Mesopotemia ak o
anta moma ma, Chihowa holitopa yvt ant i haiaka tok.

3. Mihmvt yvmmak ash o, Chi kanomi vhleha i filvmit,
chi yakni a a kohchvt ayvt, yakni chi pisachi la chi ka, ish
lashke; im achi tok.

4. Mihma Kaltia okla i yakni ash a kohchvt minti cha,
Kalan ak o ant ai ahanta tok. Atuk o iki vt illi ma, yvm-
mak ash o a wihachit yakni ilvppa himonasi hvsh ai ahashwa
ka, isht vla tok.

5. Ulla yvt ik im iksho kisha ma, ilap micha isht ai-un-
chululi aiena ka, yvmvt immi ha he mak o, ima hi okvt, i
miha tok nana kia, a binila hi a peh iyi putha a habli achvfa
kia, ilap a ik emo ki tok.

6. Michi Chihowa yvt yakohmichit anumpuli tok: Yvm-
ma isht ai unchululi vhleha hv yakni inla ai itvnowa he;
yohmikma okla yukachit ilbvshahanchi na, afvmmi tahlepa
ushta he.

7. Yohmikma oklushi nana ho i yukvt ahashwa tukma,
yvmma na kanichi la hi oke; yohmi ha mvno, okla kocha
wiha cha, ilvppa ant a si aiokpahancha hi oke; Chihowa
yvt achi tok.

8. Mihmvt hakshup tupa nan vlhpisa ka ima tok. Atuk
o Eblaham vt Aisak a ikbi cha, nitak isht untuchina ma,
hakshup tvbli tok. Atuk o Aisak vt Chekob a ikbi tok o,
Chekob vt hatak piki hochitoka auah tuklo ka ikbi tok.

9. Yohmi tuk o, hatak iki hochitoka yash ot Chosef a i

nukilli hatuk osh, nan isht chumpvt Echip a pit kanchi tok; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, micha nan imponna aienvt ahanta chi ka, ima tok; yohmi na yvmmak ashot Echip yakni, micha in chuka moma pehlichik ibi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kvv onvtuyula tok; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kvv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtvt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvllo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kvv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vllosi a isht kampila beka tok.

20. Yvmmak foka ma Moses vt vta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kv̄t afv̄m̄mi pokoli ushta ont v̄lhpiesa mvt, itibapishi Israēl ushi v̄hleha h̄a ī nowvt aya hi oka, chukv̄sh anukfoyuka tok.

24. Yvmohmi tok osh, achv̄fv̄t nan v̄lhpesa keyu h̄o isht ilbv̄sha na pisa mvt, yvm̄mak ash apelv̄chi, yohmi cha, issik-kopa tuk a atobbit, Echip hatak ash v̄bi tok.

25. Yv̄mma ibbak ak o Chihowa yvt isht hlakoficha hi a, itibapishi v̄hleha hv̄t okla akostininchi hatuk a, im ahoba hatuk kia, okla ik akostinincho ki tok.

26. Yvmohmi tuk o nitak ont atukla ma itibi hosh ash-wa ma, yvm̄mak ashot ont ī haiaka cha, itin nanaiyv̄cha ch̄i hosh, Hatak, itibapishi hv̄chia hoke; na katihmi h̄o hv̄sh iti okpv̄ni cho? ahanchi tok.

27. Yohmi kia in chuka panta hatak okpv̄ni tuk ashot, Kv̄ta hosh na pi pehlich̄i, micha na pim apesa aiena ka chik-bi tuk o?

28. Pilashash Echip hatak ish bi tuk vt, is sa chomicha ch̄i h̄o? achi mvt, naksi ka pit tobli tok.

29. Yohmi ma ilv̄ppa ahanchi ka, Moses vt kv̄nia cha, hatak nowvt aya yosh, Matian yakni ya ahanta hosh, yvm̄mak o ushi tuklo ka ai ikbi tok.

30. Atuk o afv̄m̄mi pokoli ushta kv̄t ont taha ma, Chitokaka im enchil vt yakni haiaka nv̄nih chaha Saina ya bv̄faha anȳka luak libbi h̄o, ant im a haiaka tok.

31. Moses vt yv̄mma pisa mvt, na pisa kv̄t okokko! aiahni tok; micha akostinincha ch̄i hosh bilika ona ma, Chitokaka im anumpa hv̄t im v̄la kv̄t,

32. Uno akosh chin tikba v̄hleha ya in Chihowa sia, Ebla ham a in Chihowa, micha Aisak ma in Chihowa, micha Chekob a in Chihowa sia mak oke; ahanchi tok. Yohmi ma Moses vt wv̄nihinchi mvt, atokowvt pisa nukwia tok oke.

33. Yvmohmi ma Chitokaka ashot, Shulush a chiya ish a shuelashke; ish a hikia yvm̄mvt yakni holitopa hoka.

34. Um okla v̄hleha Echip ai ah̄ashwvt ilbv̄sha ka pisa kv̄t pih̄isa li: micha okla yah̄aya ka hah̄aklo li chatuk;

yvmohmi cha kocha weli la chi hosh aka minti lishke. Yohmi ka minti, chishno ak o himonasi a Echip a pit chi chvffichi lashke ; im achi tok.

35. Moses ilvppa, okla shitilema cha, Kvta hosh na pehlichí, micha nan apesa aiena ka chikbi tok o ? ahanchi tok ash fena akinli ka, na pehlichí, micha na hlakofichi aiena ka, enchil bvfaa anuka ai i haiaka ka ibbak o, Chihowa yvt isht a pit chvffihinchí tok.

36. Mihma na fehna, micha nan isht ahoba puta aiena ka, Echip yakni, micha okhvta humma, mikmvt afvmmi pokoli ushta ho yakni haiaka ya, isht a kaniminchí hosh, yvmma pehlichit kohcha tok.

37. Moses ilvppak osh Israel ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he ; yvmmak o hvsh i haponakla hi oke ; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvni chaha Saina ya ai im anumpuli ka awant anta ; micha hvpin tikba vhleha ma ibafohka tok ; yvmmak osh isht ai okchaya, nan vlpisa puta ka hv ima chi kv, ishi tok mak oke.

39. Yvmmak o hvpin tikba vhleha hv im antia he keyu hosh, amba naksi ka pit tobli cha, chukvsh vt falamvt Echip a ia mv,

40. Alon ash o Pi tikba ilhkola chi ka, Chitokaka puta ka, pim ikbi ; Moses ilvppa pi pehlichí Echip yakni ai isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Michá nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi mak o, Chihowa yvt issvt i filvmmi tok. Hopaii vhleha i holisso ha a holihiso kv, Israel in chuka achvfa vhleha hvchia ma ! afvmmi pokoli ushta ka yakni haiaka, nan vlpoba nipi puta, micha nan isht ai okpvchi puta aiena ka, isht hv svm ahanla cho ?

43. Amba Molak im vlhtipo a, micha Limfan chin Chi howa i fochik aiena, na holba hvsh aiokpucha chi mak osh, hvsh ikbi tok vt shoyulit hvsh aya cha tok. Yvmohmi hoka wihachit Babulon misha pilla, hvch isht aya la hi oke, achi hoka.

44. Yvmmak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvt yakni haiaka ya isht ai atokowa vlhtipo vt in takali tok.

45. Atuk o hvpin tikba vhleha hak kia, yvmma ishi tok osh, Choshua a apehvt oklushi nan ik ithano, yvmmak o Chihowa yvt pin tikba vhleha itikba ya a kohchit tihlihinli tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yvmmak osh Chihowa itikba ai isht il ayukpa ahayuchi, yvmohmi cha, Chekob in Chihowa ya aboha im atahli bnna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvt tempel puta ibbak o isht ikbi yokvno, ai ahanta cha tuk keyu;

49. Uba yvt vm aiasha okma, yakni vt saiya ai o hikia yoke. Chuka nanta ho hvsvm ikba chi ho? mikma a foha li ak osh nanta ho?

50. Uno svbbak ak osh nana ilvppa moma ka ikbi tok keyu cho? Chitokaka yvt achishke; hopaii vt achi hoka.

51. Ikunla kvllo, micha chukvsh mikmvt haksobish aiena wishakchi ik tapo hvchia hvt, Shilombish Holitopa ya i svnalit hvsh bilia. Hvchin tikba vhleha hvt yohmi tok a, hvsh chiyuhmishke.

52. Hopaii vhliha ha katima kak o hvchin tikba vhleha hvt ik ilbvshacho ki tok o? Micha Aiahli vt aya hi a, tikbanli anoli vhleha, yvmma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlhpisa ya auet tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mvt, chukvsh vt nvhla tok; micha yvmmak ash noti isht o shakan-lichi tok.

55. Yohmi kia yvmmak okvt Shilombish Holitopa anuk-fohkv̄t kvnia hatuk osh, vba ya pit ai okchifeli fehnvt hopokoyo mvt, Chihowa im aholitopaka, micha Chisvs vt Chihowa im ibbak ishtimpak imma ya hikia aiena ho, pisa tok.

56. Michā, Ūba yvt tiwa, micha Hatak Ushi vt Chihowa ibbak isht impak imma ya auet hikia aiena ho, pisa lishke; achi tok.

57. Yohmi ma chitoli fehnvt okla tasali mvt, haksobish a akvmmi cha, achvfa chohmit o yihhleptv̄t tvmaha ha ishit a kohechi cha, tvli ishit boli tok.

58. Yohmi ma nana atokowa anoli vlheha hashot, ilap anchi a hatak himita Sal hohchifo ho, iyi ituma ont ashachi tok.

59. Michā Istefin vt pit im payvt, Chitokaka Chisvs ma! Sa shilombish a ish ishashke; ahanchi na, okla tvli ishit boli tok.

60. Yohmi ma hvchukbihleptv̄t hikia cha, chitoli hosh, Chitokaka ma! ai ashvchika ilvppa isht ish onochi ná; achi tok. Michā ilvppa ahanchi mvt, nusit kvnia tok oke.

CHAPTA VIII.

Filip vt Samelia ya vbanumpuli iksa ahilichi, 5. 26 Ehliopia hatak anumpeshi yo baptismochi.

1. YUMMUT illi ka Sal vt vlhpesa ahni tok. Michā nitak yvma foka ma, vbanumpuli iksa Cheluselem ashwa tok a i palvmmichi fehna tok; yohmi ma momvt ita fimim-ptv̄t Chutia yakni, micha Samelia aiena a mominchi na, vbanumpeshi vlheha hash illa tok.

2. Yohmi ma hatak hochukma yosh Istefin a hohpit taiyahli mvt, okla isht yaiya fena tok.

3. Yohmi ma Sal vto, vbanumpuli ikxa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kullo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hvt, yvmmt na fehna yvmihinci ka haklo, micha pihisa aiena mvt, im anukfila ai achvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanvt lava ka a kocha wiha hatok o; micha palsi isht abeka lava tuk, micha imomokpulo aiena tuk vt hlakofi tok.

8. Yvmohmi ma tmaha yvma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmak inli ka ai isht ahullot ahantvt, ilap ak osh hatak na fehna mak o, mihiha cha, Samelia okla ha nukhlakvshli tok.

19. Yvmak o, chipunta, micha asvno aiena kvv momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Mich a yvmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvv baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkvv avvt, na fehna, micha nan isht ahoba puta aiena kvv a kaniohmi na pisa mvt, nukhlakanha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmak ashot itonanchi mvt, okla Shilombish Holitopa anukfohka chi ka, vba pit isht anumpulit oklat tok.

16. Yvmma foka ma, achvfona kia yvmmvt ik onvtulo kisha ha tok; Chitokaka Chisvs hohchifo ha isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka ho, pisa mvt tvli holisso ant i weli cha,

19. Vno ak kia nan isht im ai ahlika ilvppa hvs sama na, kvna ho vno vt svbbak isht umbitepa likma, Shilombish Holitopa yvt ai anukfohka, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vltoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihihla na, yohma he yobakma, chi chukvsh im anukfila yvt chi kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchil li hoka; im achi tok.

24. Mihma Saimon vt afalaminchit, Chitokaka ya pit im ilbvshvt isht hvs si anumpuli na, na yakohmi hvsh anumpuli tuk a achvfona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa ha atokowvt anolit, isht anumpohonli cha falama mvt, Samelia okla in tmahushi lava ka vbanumpa isht ai anumpohonlit, Cheluselem a itvlachi tok.

26. Yvmohmi ma, Chitokaka im enchil vt Filip a im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitomp

hosh, yummak osh tvli holisso a mominchit i shoyuli yosh vba pit aiokpvcha chi hosh, Cheluselem a vla tok osh,

28. Falamvt ia kv̄t im iti chanvli anukaka binilit, Esaias hopaii i holisso ha itim anumpvli tok.

29. Mihma Shilombish vt, Filip a, Bilika ona cha, iti chanvli ilvppa ont ibafohká; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostininchi cho? achi tok.

31. Mihma, Katiohmi li kak osh, hatak nana hosh vm avchi ho keyukma? achi tok. Mihmvt, Filip vt pit oiya cha, awant gsha hinla ka; ahni tok.

32. Anumpa holisso holitopa ai itim anumpuli ka ilvppak a tok. “Chukfi vllpoba chohmi ho yvma ai illi hvllat ishtia tok; micha chukfi vllpo-ushi yosh hishi im vmo in tikba hikia kv̄t, nan ik ayo chatuk a chohmit, yummvt itih ha ik wakvmmo ki tok:

33. “Ilbvsha fena ma, nan ai vllpiesa ka im ishi tok Im ilhfiopak a yakni a ai ishi tok oka; im ai itilaui kv̄t ahashwa tok a, kv̄ta hosh anola hinla cho?”

34. Mihma anumpeshi vto, Filip a afalaminchi mvt, Chi ponaklo lishke; Kv̄ta ho hopaii vt ilvppa isht anumpuli ho? Ilapo akinli hokmá, keyukmvt hatak inla yokmá, nanta ho? achi tok?

35. Mihma Filip vt itih ha wakvmmi cha, holisso mihi ash inli ho ai isht ivt, Chisvs a isht im anumpohonli tok.

36. Yvmohmit hina fohkv̄t mahayvt okla mvt, oka nana kia ont a hiel tok. Mihma anumpeshi ashot, Yakeh! oka yoke; baptismo la hi a nanta kosh ai ataklvmmi cho? achi tok.

37. Mihma Filip vt, Chi chukvsh mominchit ishit chi yimmi hokma, vllpiesvshke, achi tok. Mihma afalaminchi mvt, Chisvs Klaist vt Chihowa ya ushi yoka, sa yimmishke, achi tok.

38. Mihma iti chanvli vt lumvt hikia chi ka, miha tok; micha Filip vt anumpeshi ash ita tuklot pit okvtahvt oka ya itonachi na, yummak ash baptismochi tok.

39. Yvmohmi ma oka yash ai ashvvt kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananaivs vt ayvt im ona ma, baptismo tok. 20 Pal vt nukwaya iksho hosh Klaist a isht anumponhli.

1. YUMOHI ma, Sal vt Chitokaka i nan im ai ithana vhleha ha i nokowa, micha vbi aiena he fiovt kohonchi kv imoma mvt, na holitomp isht asha pehlich i im ona tok.

2. Micha sinakak puta, Tamaskvs asha ka, nakni okma, keyukmvt ohoyo hokma nana hosh, ilvppa chohmi kv asha na, ahayuchikmvt talakchi o Cheluselem a pehlichit vla hinla kv, ymma puta pit holisso ha, im ikba hi a, im asilhha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kv yvmmak ash o asha-lika tommit a folupli tok.

4. Yohmi ma aka ont itula tok; micha anumpa hv, Sal, Sal, nanta katihmi ho is svlvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Uno akosh, Chisvs ish ilvshahanli ka sia mak oke, Na halupa puta asvnalinchit ish hahahli kv chi palvmmi hoke; achi tok.

6. Yohmi ma yvmmak ashot nukhlakanchvt wvnihinchi mvt, Chitokaka ma! nanta hak o katihmi la hi a, si sv ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kv, chim annoa chi hoke; im achi tok.

7. Yohmi ma hatak a^{pe}hvt a^{ya} tuk ashot anumpa k^{ve}ne haklo kia, hatak nana kia ik peso mvt, ik anumpolo hosh hielⁱ tok.

8. Atuk o, Sal vt aka itolv^t tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halv^{li} cha ishtiv^t, Tamaskv^s a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yvmohmi ma hatak nan ith^{na} achvfa, Ananaiv^s hohchifo kv^t Tamaskv^s a anta tuk o: yvmmak ash o holhpokuna ka, Chitokaka yvt, Ananaiv^s, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutv^s in chuka ya, Tasv^s hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kv^t, hatak Ananaiv^s hohchifo hosh ant chukowa cha hopokoya chⁱ ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaiv^s ashot afalaminchi mvt, Chitokaka ma! hatak ilvppvt, chⁱ holitopa v^hleha Cheluselem aiasha ka kaniohmit nan isht okpⁿⁱ ka, laua ho a haklo li chatuk.

14. Micha chⁱ hohchifo pit hochifo v^hleha mominchit takcha chⁱ ka, na holitomp^a isht a^sha pehlichⁱ v^hleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Iá, nan isht vm v^tta holitopa, sa hohchifo h^a shoyulit, mⁱko v^hleha micha okla nan ik ithano puta, micha Israel ushi v^hleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilbvsha chⁱ ka, im anoli la chⁱ hoka; im achi tok.

17. Mihma Ananaiv^s ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chⁱ haiaka tuk, Chitokaka Chisv^s vt chishno vt ish hopokoyo cha, Shilombish Holi-

topa yvt chi anukfohka chi ho, auet sa chvffichi tuk oke; achi tok.

18. Yohmi ma chekosi makinli ho, na hakhlobish atuk o chohmit nishkin a mokohlit aka itula tok; yohmi ma asha-lik hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yvmmvt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvt momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilbvshahanli cha, ilvppa aya kvt, yvmmvt talakchi yo, na holitomp isht asha pehlich vhleha, isht im ona chi mak atuk keyu? achi tok.

22. Yohmi kia Sal vto hlampko kvt isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvt taha ma, Chu okla hvt, yvmma vba chi kvt isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvt nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvt nitak o ishit, kishi fohkit tvi holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok; micha yvmmvt nan ithvna yo ik im ahobo ki tok.

27. Yohmi kia Banabas ato eshi cha, ilauelit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs holi-

chifo ha isht anumpohonli cha, Klik okla ma itim anumpohonli tok; yohmi kia vbi bunvt okla aiasha tok.

30. Yohmi na itibapishi vheha yvt akostinichi mvt, ilauelet Seselia isht vla cha, Tasvs a pit chrffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli ikxa puta kv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa ya isht ilai yukpa aienvt itvno-wa kv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vheha Litti ai asha tuk ash kia, im vla tok.

33. Mihmvt yvmma hatak achvfa, Enias hohchifo kv palsi isht abeka hosh topa itoyula na afvmmi untuchina tuk o, ont pisa tok.

34. Michi Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena asha tuk vt momvt yvmma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hohchifo, yvmvt toshowakmvt Takvs achi ho, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvmma foka ma yakohmi tok; yvmvt abeka cha illi tok; yohmi ma yvmmak ash okla achift tahl mvt, vba potvlhpo ya boyuhli tok.

38. Mihrvt Litti yvt Chappa ya pit bilika hatuk, micha nan ithvna vheha hv, Pita yvt yvmma anta ka, okla haklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelet vba potvlhpo ya okla ishit chukowa tok; mihma ohoyo vlhtakla vheha yvt momvt apehvt hiohmayvt yaiya mvt, nafohka, micha anchi chohmi, Takvs vt awant anta moma mvt ikbi tok a, haiakahanchi tok.

40. Yohmi kia Pita yvt mominchit kocha weli cha, hvchukbihlepvt hikia mvt, vba pit anumpuli tok; mihmvt hak-

nip ai ittola ka pit filema mvt, Tabihla, tani, achi tok; yohmi ma nishkin a fatummi cha Pita ya pisa mvt, tanit binili tok.

41. Mihma ibbak pit ima cha wakayvchi tok. Micha vba pit anumpuli vhleha, micha ohoyo vlhtakla puta aiena kash hoyo cha, okchaya ho ima tok.

42. Yohmi ma Chappa okla hvt momvt yvmma akostin-inchi tok; yohmi mvt lawvt Chitokaka ya i yimmi tok.

43. Mihma yakohmi tok; Saimon wak hakshup hummvchi ya awant Chappa ya ahanta na nitak kanohmi tok oke.

CHAPTER X.

Kanilis vt Pita ya pit hoyo, 1. 34 Pita yvt vbanumpa isht anumpuli. Shilombish Holitopa yvt haponaklo vhleha ha onvtoyula.

1. HATAK achvfa Seselia ya ahanta kv, Kanilis hohchifo hosh tvshka chipota aya achvfa, Itili okla achi ho, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mvt, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlpisa ont isht chakkali foka ho, Chihowa im enchil vt haiaka achukma hosh mintit ant iba chukowa mvt, Kanilis, im achi tok.

4. Yohmi ma yvmmak ash atokowvt pisa mvt nukshopa cha, Chitokaka ma! nanta hoh cho? achi tok; mihma, Uba pit ish anumpohonli, micha nan ish hovela puta aiena ka, Chihowa yvt ithaiyana he mak o vba ihiya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshvp hummvchi in chuka mvt okhvta lapali ka yo talaia ho, awant anta hoke; yvmmak osh nana ho ish kaniohma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai vta ya tuklo, micha tvshka chipota nan isht im ai ashwa bilia ya ahli achukma achvfa ho aieninchit hoyo tok.

8. Micha nan okluha kash mominchit im anolit taiyahli mvt, Chappa ya pit tihleli tok.

9. Ont onna ma okla itvnowvt mahaya mvt, vmaha hash pit bilika ona ma, hvshi kanvlli isht vllhpisa ont isht hannali foka ho, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehnvt taiyaha cha, impa he tuk osh; amba okla atahlit isht maya ma, holhpokuna ho chohmi tok.

11. Micha shutik vt tiwa, yohmi ma, nan ai vllhpitta yosh nan tohbi chito wishakchi ushtvt ita shekonopa ho chohmi hosh aka i mintit, yakni ant onvtoyula ho, pisa tok.

12. Mihma anukaka ya nan-vllhpoa puta, hanalushta ilia-yuka yakni aiasha kvv moyuma, micha napoa puta, micha nana aka a balvlli puta, micha vba hushi puta aiena kvv ai asha tok.

13. Yvmohmi ma anumpa hvv mintit im vla kvv, Pita, tani cha, vbit vpá; achi tok.

14. Yohmi kia Pita ashot, Yohma he keyushke, Chitokaka ma! nana kvv ai vllhpesa keyu, kashofa keyu hokvno himonna kia, vpa li chatuk keyu hokvv; achi tok.

15. Yohmi ma anonti anumpa hvv atukla ma, im anumpuli kvv, Nana ho Chihowa yvt kashofi tuk a, yvma vllhpesa keyu, chik hochifo kashke; achi tok.

16. Hituchina ha yo ilvppa yakohmi tok; yohmi ma nana ai vllhpitta kash ot falamvt vba ia tok.

17. Pita yvt holhpokuna chohmit nana pisa tuk, yvmvvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka ya a ponaklo tuk osh okhissa itikba ya hiel tok.

18. Mihmvt tahpvla cha a ponaklot, Saimon, Pita hohchifo kvv, yvmmak o antakmá, nanta cho? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh! hatak tuchina kvv chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yvmma vno ak osh auet tihleli li tuk oka; im achi tok.

21. Yohmi ma Pita yash ot akowvt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvmmak osh in chuka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kvv Chappa ya asht apihvt ilhkoli tok.

24. Atuk osh yvmmak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Michá im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla aya hokmá, keyukmvt ont ibafohka hokmá nana ka kaniohmit im ai vlhpiesa keyu ka hvsh ithaiyanvshke; yohmi kia vno yokvto hatak nana kia ik vlhpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, ayvt hvchim vla li hoke. Yohmi hosh hvchi ponaklo lishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vhlpisa ont isht chakkali hq, vm aboha anykaka ya vba pit ai anumpuli li tuk; yohmi ma hatak vt nafohka shohmalali fohka kvv sa tikba ya hikia tuk.

31. Mihmvt, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvchi in chuka yo anta hoke; yvmmak osh vlakmvt ant chim anumpula hi oke; achi tok.

33. Yohmi hatuk o ashalika pit chi hoyo li kvno; atuk o ish la kvv ish vhlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvt Chihowa yvt hatak a kanimanchi keyu ka, ai ahlit akostininchi lishke—

35. Amba oklushi moyuma ka kvna hosh yvmma i nukshoyupa cha, ai vhlpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auet ema na Chisvs Klaist pulla hq nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmmvvt Kalili ai ishtia tuk osh, Chutia yakni a mominchit ai anumpvt hlopulli tok;

38. Kaniohmit Chihowa yvt, Chisvs Nasalet ai vtta ya Shilombish Holitopa, micha nan isht im ai ahlika aiena ka isht ahvmmichi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulo isht ilbvsha vhleha ya mominchit hlakofichit nohwa tok, hvsh ithaiyanvshke.

39. Micha yvmmvvt Chu okla i yakni, micha Cheluselem aiena ka nana hq a kanimihinchi tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt tanihi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anon vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla ha il im anumpula he, micha okchaya vhleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim apesa tok oke.

43. Yvmmak o hopaii moma kvv, yvmma hohchifo pulla hatuk mak o, kvna ho kia i yimmi hokvt ai ashvchika puta kvv isht a kashofa ahayucha hi a, atokolit okla anohonli tok; achi tok.

44. Pita yvt anumpa ilvppa anumpohonli kvv moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tvptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kvv o fohopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakancha tok; Mihma Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi; yakohmi kvv ik baptismo ka chi ka, hatak nanta hosh oka ya im ataklvmma hinla cho? achi tok.

48. Yohmi mvt Chitokaka isht a hochifot okla baptisma chi, i miha tok; yohmi ma awant anta na nitak kanohma chi ka okla im ahni tok oke.

CHAPTA XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 vbanumpa yvt tvmaha kanohmi ka ai anumpa.

1. YUMOHMI ma vbanumpeshi vhleha micha itibapishi vhleha aiena Chutia maya tuk vt okla nan ik ithano vhleha hak kia Chihowa im anumpa ha ishi tuk a, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmmona ka silhhit im anolit,

5. Chappa tvmaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlhpitta yvt mihinti kv̄t nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlh̄poba iyushta puta yakni pakna aiasha, micha na-poa nukshopa, mikmvt nan aka balvlli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vp̄a, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kv̄t ai vlhpesa keyu, micha okpulo aiena kv̄t satakha ya fohka tok keyu chatuk oke; achi li tok.

9. Yohmi kia atukla ma anumpa hvt vba auet si afa-laminchit, Nana ho Chihowa yvt kashofi tuk a, yvmma ai vlhpesa keyu, chik acho kashke; achi tok.

10. Ilv̄ppa yakohmi kv̄t hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai v̄tta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il itiba-pishi hannali ilv̄ppvt si apelv̄t itv̄nowa ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achva moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmmona ka hvpushno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlshke; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hvv ima tok, ai itilau- na holhpila ka ihima tuk a, vno ak osh nanta sia hatuk osh Chihowa ya ataklvmmi la hinla cho? im achi tok.

18. Na yakohmi ka okla haiyaklo mvt lumvt chieya cha, Chihowa ya aiokpahanchi mvt, Yohmikma Chihowa yvt okla nan ik ithano vhleha ak kia isht okchaya ile kostinichi ya ihima tumvshke; ahanchi tok oke.

19. Yvmohmi ma na palvmmi kv Istefin a isht atoba ma, okla ita fimimpa tuk vt itvnowvt aya kv Finisi, micha Saipilvs, mikmvt Antiak a pit vhlchit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak a ai vla mvt, yvmmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhti- na laua hosh yimmi cha filemvt Chitokaka ya im ona tok.

22. Yvmohmi ma na yakomi kv annovt, iksa Cheluse- lem ashwa tok haksobish a ont chukowa tok; mihma Banabas a yvmvt ia kv Antiak a ona chi ho okla pit chvffichi tok.

23. Yvmmak ash osh vla cha, Chihowa im isht il aiyukpa ka pihisa mvt na yukpa tok; micha chukvsh mvt kvlo hosh Chitokaka ya isht asitia chi ka, mominchit atonohon- chi tok.

24 Yvmmak okv hatak achukma hosh, Shilombish Ho-

litopa, micha ayimmika aiena kv̄t anukfoyuka febna hatuk oka; yohmi ma okla hv̄t law̄vt Chitokaka yā iba kaha tok.

25. Yohmi ma Banabas vt Sal ā hoyā chī hosh, Tasus ā ia tok.

26. Atuk osh yvmmak ash ahayuchi mv̄t, ilaueleit Antiak ā isht v̄la tok. Mihma yakohmi tok, afvmmi achv̄fa v̄lh-piesa ka vbanumpuli iksa yā ibai itahobvt okla law̄a ka nan im abahanchi tok. Mihma nan ithv̄na v̄hleha hv̄t vmmona ka Antiak ak o, Klaist okla a hohchifo tok.

27. Yvmohmi ma nitak ilv̄ppa foka ma, hopaii v̄hleha Cheluselem minti kv̄t, Antiak ā ai v̄la tok.

28. Micha yvmmak ash ot achv̄vt Akabvs hohchifo hosh hikia cha, hohchv̄fo chinto kv̄t yakni mominchit a hlopulla chī ka, Shilombish pulla isht ai anohonli tok. Yvmmv̄t Kilatvs Sesa yvt ahanta nitak ak o ont ai āhli tok.

29. Yohmi ma nan ithv̄na v̄hleha yvt nana kv̄t kaniohmit im āsha tukmv̄t ik kaniohmi kia, itibapishi v̄lheha Chutia maya ka isht apelv̄chi yā pit ī pila chī kv̄t, hatak moma tok.

30. Yvmmak ash okla yohmi mv̄hli cha Banabas, micha Sal ita tuklo kak o ibbak fohkit, hatak tikba v̄hleha yā pit pila tok oke.

CHAPTA XII.

Helot vt vbanumpuli v̄hleha hā issikkopali.

1. **Y**OHMI ma nitak yvmma foka ma, Helot m̄iko yvt vbanumpuli iksa yatuk ā kaniohmi hō, ilbv̄shala chī kv̄t ibbak ā o weli tok.

2. Micha Chemis, Chan itibapishi hā bv̄shpo falaia hō isht v̄bi tok.

3. Micha yohmi ka Chu okla hv̄t im achukma hō, pisa hatuk osh achakalinchī mv̄t, Pita yā aieninchit isha chin tok; mihma pvska ik shatv̄mmo v̄pa nitak a tok.

4. Atuk osh yvmmak ash hoklit ishi mv̄t, aboha kv̄llo pit fohki cha, vbanv̄blit ont-ia issa hā yō okla hā isht ī kohcha

chi mak o, ahni hosh, tvshka chipota ushta bat aya ushta ho apesvcha chi ka, im issa tok.

5. Yohmi hatuk o Pita yashot aboha kvlo ya foka tok; yohmi kia vbanumpuli ikxa yvt yvma isht Chihowa pit im asilhha kv, ik yokopo ki tok.

6. Atuk o Helot vt isht kohcha he tuk a, yvma ninak fenak akinli ka, Pita yvt tvli itatakvi tuklo hosh isht talai-yakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kvlo ya apesahanchi tok.

7. Yvmohmi kash o Chitokaka im enchil vt im vla na tohwikeli kv aboha kvlo anukaka ya tommi tok: mihma yvmak ash osh Pita ya naksi a isso cha, tanichi mvt, Tushpvt tani; achi tok; yohmi ma in tvli itatakvi yvt ibbak a a mokohli tok.

8. Mihma enchil ash ot, Il ai vskofachi cha, chi shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kv enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmmona, micha atukla aiena ka ant itiachi mvt, vmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auct chvffichi cha vno a Helot ibbak, micha Chu okla nana ahni tuk puta ka, a sa blakofichi tuk a, himak a ai ahli mak o ithaiyana lishke; achi tok.

12. Micha nan im anukfihinla mvt Chan, Mak hoehifo ishki, Meli in chuka ya, yvma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hoehifo hosh ont haponaklo tok.

14. Micha Pita im anumpa ho pit ithana mvt, na yukpa kv apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shahlichit, yohmi tuk ash pulla h_o mihiha tok; yohmi ma, Im enchil oka, okla achi tok.

16. Yohmi kia Pita ash ot sukoha kv_t imoma tok; yohmi ma okla tiwi cha, pisa mv_t nukhlakancha tok.

17. Yohmi ma nukchintot maya chi ka, ibbak pit i fahvmmi mv_t, kaniohmit Chitokaka yvt ilap a aboha kv_{llo} isht a kohchi tuk a, im anoli tok; mihmv_t, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmv_t kohev_t ivt inla h_o ona tok.

18. Atuk o onnv_t taha makinli h_o, tvshka chipota vhleha ash ot Pita yvt nanta mak o a katiohmi tuk, ahnit nukhlakancha kv_t chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mv_t, apesvchi vhleha yash achukmalit im asilhhvchi mv_t, yvmmak ash o vba chi ka, apesa tok. Mihmv_t Chutia ya vttvt ivt Seselia ona cha, yvmmak o anta tok.

20. Mihmv_t Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvllhpo apesvchi Blastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfila mv_t ai achvfa hosh im ai vla cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt miko i na fohka ishit shemvt taiyahli cha, im aiasha holitopa paknaka ya binili cha, anumpa isht hikv_t im anumpohonli tok.

22. Mihma okla hash ot tahpvlt, Ilvppvt Chihowa yak o im anumpa, hatak im anumpa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli h_o Chihowa im enchil vt isso tok, mihma shvshi yosh ai ahampa na fiopissa tok.

24. Amba Chihowa im anumpa hvto achakv_t isht i shahlit ia tok.

25. Yohmi ma Banabas micha Sal ita tuklo kv_t nan isht ahvshvvt atahli mv_t Chan, Mak hohchifo ka ilauint Cheluselem a avshvvt falamvt ia tok oke.

CHAPTER XIII.

Pal, Banabas ita tuklo kv̄t oklushi nan ik ithano, yā im ia. 42 Oklushi nan ik ithano v̄hleha yv̄t v̄banumpa yimmi.

1. YOHMI ma iksa Antiak ahashwa ka kaniohmi kv̄t hopaii, micha nan im av̄chi v̄hleha, Banabas, micha Simion osh Naika hohchifo, anonti Lusivs, Sailini vtta, micha Manevn, Helot na pehlichy yā iba hofanti tok, micha Sal chohmi kv̄t maya tok.

2. Okla Chitokaka pit aiokpv̄chit nahullochit maya ma, Banabas, micha Sal ita tuklo ka, a toksv̄li im ai atokoli li tuk isht ashwa ch̄i ka, hvs sv̄m atokolashke, Shilombish Holitopa yv̄t achi tok.

3. Mihma okla nahullochit v̄ba pit anumpuli cha, ibbak a isht umbitepv̄t taiyahli mvt, okla pit tihleli tok.

4. Yohmi ma Shilombish Holitopa yak osh pit tihleli hoka, iv̄t Silushi a itonachi tok osh, yv̄mma ashv̄t peni v̄lhtot iv̄t Saipilvs a itonachi tok.

5. Michā Salemv̄s a ont ashwa mvt, Chu okla i sinakak puta Chihowa im anumpa isht ai anumpohonli tok. Mihma Chan a il ai apelahanchi akinli tok.

6. Michā tashaiyi yā a hlopullit Pefvs a itonachi mvt, hatak isht ahullo achv̄fa hopaii ilahobi, Chu hatak Bachisvs hohchifo h̄o, pisa tok.

7. Yv̄mmak okv̄t nahullo m̄iko hatak nan ithana, Sachis Paulvs a awant anta tuk o, yv̄mmak ash ot Banabas, micha Sal aiena ka hoyo mvt, Chihowa im anumpa h̄a haklo bv̄nna tok.

8. Yohmi kia Ilimvs hatak isht ahullo ash ot, hohchifo hv̄t toshowakmvt yv̄mmak oka nahullo m̄iko a na yimmika ai i filv̄mmichi bv̄nna kv̄t yv̄mmak ash im ataklv̄mmi tok.

9. Mihma Sal mvt, Pal hohchifo akinli hosh, Shilombish Holitopa yv̄t anukfohkvt kv̄nia hosh, yv̄mmak ash atokolit pisa tok.

10. Mihma, Na haksichi, micha nan ik ai v̄lhpeso aiena banot isht alotowa, nan isht ahullo okpulo ushi, ahopoyuksa

okluha in tenvp ma! Chitokaka i hina ai abli puta okpuni kvt, ish issa he keyu cho?

11. Mikma, yakeh! himak a Chitokaka ibbak vt chi onvtula hoka, chi lvpakmvt hvshi a chik peso ho ahchiba chi hoke; achi tok. Mihma chekosi makinli ho tohbi, micha okhlilika aienvt onvtula tok. Mihma kva kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kvt yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i filvmmmit Cheluselem a falamvt ona tok.

14. Amba Pvki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan vlpisa, micha hopaii i holisso puta aiena kash, itim anumpulit atahli ma, sinakak apehlichei vhleha yvt, Hatak, il itibapishi vhleha ma! okla isht im anumpa he anumpa hvt hvchim ashakmvt hvsh anumpulashke; achit auet im anoli tok.

16. Mihma Pal vt hikia cha ibbak a pit isht im alvmmmit, Israel okla, micha Chihowa ya i nukshohumpa vhleha hvchia ma! hvsh haponaklashke.

17. Okla ilvppa Israel vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvmmvvt holitobli tuk osh, ilap ibbak kvlllo pulla kvt yvmmak ash isht akohonchi tok.

18. Michi afvmmi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Michi Kenan yakni a oklushi untuklot ai imaiyachi mvt, i yakni atuk a, na shueli ho, isht ai i hopela tok.

20. Michi yohmi ha ya nan apesa vhleha im a hiohli-hinchi na, afvmmi tahlepa ushta cha pokoli tahlapit aiena foka ho, Samuel hopaii vt vtta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yo, i hilechi na afvmmi pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi h_o okla h_a i hilechi tok; yummak o pit atokolit, ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ahlichia chi mak_o ahayuchi lishke; achi tok oke.

23. Hatak ilvppa isht ai unchululi y_o Chihowa yvt ilap miha tok pulla hosh, okchalinchit Chisvs a Israel okla h_a i hilechi tok.

24. Yvmmtv ik lo k_isha h_o, Chan vt vmmona ka Israel okla moyuma ka ile kostininchit baptismo ya isht im anum-pohonli tok.

25. Micha Chan vt anumpulit ahanta mvt, Kvta hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yvmma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kv_t Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.

27. Cheluselem ai asha, micha i hochitoka aiena kv_t, yvmma, micha hopaii vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yummak atuk a, ai-ahlichia tok oka.

28. Micha kaniohmi h_o yummak okvt isht ai illa he vlh-pesa kvno, im ai akostininchia keyu ho kakosh, illa he a ahnit, Pailvt a okla im asilhha tok.

29. Micha yvmma isht a holihiso tok a mominchit ai ahlichit okla tahli mvt, iti ash ai ishit akvchi cha ahollopi anu-kaka ya bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili ya asht apehvt mintit Cheluselem a ai vla tuk vt yvmma okla p_isa na nitak kanohmi tok; mih mak osh yvmma atokowvt okla h_a im anoli yoke.

32. Yohmi hosh anumpa achukma pin tikba vhleha ima tok a isht e hvchim anumpulishke.

33. Im vlla vhleha hvpia hak o, Chihowa yvt yummak ash isht pim ai ahlichia hosh Chisvs a falamichit tanichi

tok. Yohmi kv̄t ataloa ont atukla ka, Sv̄so chia hoke, himak nitak a chikbi lishke, achit aholisso akinli hoke.

34. Micha yvm̄vt illi tok a falaminchit tanichi ka himmakma falam̄vt ahollopi a chukowa he keyu hatuk o yak ahanchi tok, Lewi i nan isht il aiyukpa ahli ka chima la hi oke.

35. Yvmohmi hatuk o anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okv̄to Chihowa nan ahni pulla ho, im okla ha nan isht im ahantv̄t in taiyaha m̄vt, illi cha in tikba vhleha ha ibafohkv̄t itoyulv̄t nan toshbi ma piesa tok oka.

37. Amba Chihowa yv̄t falaminchit tanichi tok, yvm̄vto nan toshbi nana kia ik peso ki tok.

38. Yvmohmi ka hatak il itibapishi vhleha ma! hatak ilv̄ppa pulla hatuk mak o, nan ai ashvchika puta isht kashofa yv̄t ishit hv̄chim anum̄pa hoka hv̄sh ithaiyanashke.

39. Micha Moses i nan v̄lh̄pisa ak okm̄vno yv̄mma kaniohmit isht hv̄sh ai i hlakofa he keyu ke tuk kia, na yimmi v̄t mom̄vt yv̄mma pulla kano okluha isht ai i hlakofi hoke.

40. Yvmohmi hoka ahah! hv̄sh ai ahnashke; yvm̄mak keyukma hopaii vhleha i holisso ha isht ai anumpv̄t,

41. Na shitilema vhleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak a nan isht v̄tta ya isht ahanta li ka, kv̄na kia ik hv̄chim anoli mak o, kaniohmit nan isht v̄tta yv̄mma a hv̄chi yimma he keyu, achi kv̄t hv̄chi onv̄tula hinla hoke; achi tok.

42. Mihma Chu okla hv̄t sinakak a a kohcha wiha ma, okla nan ik ithano vhleha yv̄t anum̄pa yakohmi kash ot nitak hullo atuklakma isht im anum̄pa hinla kv̄t asilhha tok.

43. Yvmohmi tuk o itvnaha yash ot tisheli ma, Chu okla laua, micha himona vbanumpuli toba vhleha aiena kv̄t Pal micha Banabas ita tuklo ka apehv̄t aya tok. Mihma yvm̄mak ash ot im anumpulit, Chihowa im ai isht il ayukpa pulla ho ai itvnova chi ka atohnohonchi tok.

44. Atuk o atukla nitak hullo ya tv̄maha chito achv̄fa

kvt moma hosit Chihowa im anumpa hakla chi kvt itvnahta tok.

45. Yohmi kia Chu okla hvto okla laua ya pisa mvt, nukhobelvt alota mvt, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kvt isht i shahlit ia mvt, Chihowa im anumpa hv tika hvchishno ak o a hvchim anumpa he mvto ai vhpiesa tuk okvno; yohmi kia, yvmmak ash naksi ka pit hvsh bohli cha, okchayvt bilia he o ik chi ahobo kvt isht hvsh il anukfihinli hoka, okla nan ik ithano yak o pit il i filemvshke.

47. Yakohmi ho Chitokaka yvt pim apihisa mvt, Okla nan ik ithano vhleha ya ish in tohwikela chi, yakni ont vhli fullota kvt isht ai okchaya he mako, chi hilechi lishke; ahanchi tuk oke, achi tok.

48. Mihma okla nan ik ithano vhleha yvt ilvppa haklo mvt, okla na yukpvt Chitokaka im anumpa ha aiokpahanchi tok. Mihma okchayvt bilia he isht im vhpisa tok vto momvt yimmi tok.

49. Yohmi na Chitokaka im anumpa hv annvt yakni yvmma mominchit a hlopulli tok.

50. Yohmi ma Chu okla hv, vbanumpuli ohoyo holitompa vhleha, micha hatak holitompa tmaha asha tuk aiena ka atohnohonchi cha, Pal, micha Banabas ita tuklo ka isht ai ilbvshaka ya ilhkoliche tok; micha i yakni a kochehit kanom pit tihleli tok.

51. Yohmi kia iyi hituk chubbi asha tuk a on tahtuli cha, mintit Aikonivm a itvlachi tok.

52. Mihma nan itvna vhleha yvt na yukpa, micha Shilombish Holitopa aiena ka isht anukfohka tok.

CHAPTA XIV.

Pal, micha Banabas ita tuklo kvt i palvmmi, 1. 8 Pal vt Listi a hatak imomokpulo a hlakofichi na, nan-ishtahullo vhleha hatuk o, okla

hvt ahobvchi, 1. 19 Pal vt tvli isht boa, 21 Tumaha ilaiyuka hlo pullit aya mvt, falamvt Antiak a itvlachi.

1. **MIHMA** Aikonivm a yokohmi tok; Chu okla i sina-kak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kv̄t laua hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfila ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahashwa na hopaki ma, yvmmak ash ot nan isht ahoba, micha na fehna puta aiena kv̄t yvma ibbak a isht ai yohma hi a ahni cha, im anumpa hanta ya isht ai ahlichy tok.

4. Yohmi kia tumaha okla chinto kash ot ita kashapa tok; mihma kashapa kv̄to Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okla ha pit aiena kv̄t i pehlichy ka ai itvpehvt, yvmmak ash ilbvshachit, tvli isht bola chy kv̄t im anukfilvt maya ma,

6. Akostininchit okla mvt, tihlavt Laikeonia yakni a tumaha Listi, micha Tabi ita tuklo, micha yakni auet folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kv̄t ishki ikfoka anyka yakinli ho ai imomokpulo tok osh, iyi vt ik kv̄llo hosh, nitak nana nowa tok keyu vt binili tok.

9. Yvmmak ash ot Pal vt anumpuli ka haklo tok; mihma yvmmak ash ot atokowvt pihisa cha, hlakofa he vt yimmi ka akostininchi mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mv̄llit, micha nowa aiena tok.

11. Mihma okla hash ot, Pal vt nana yvmihinechi na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. Micha Banabas a Chupita hochifo mvt, Pal ak okvto anumpuli chito atuk o, Makulvs hochifo tok.

13. Mihma in tmaha itikba hikia Chupita ya na holi-tompa isht im vtta yvt, wak nakni chohmi, micha sita bita puta aiena ka ishit holihta okhisa ya vla kv, okla ai itvpehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kv haklo mvt, im ilefohka ya ita hlilvfit, okla mvt pit tihlaiyvt okla ha iba chukowa cha, tahpvlvt,

15. Hatak puta ma! na katihmi ho hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmmit, Chihowa okchaya, vba shutik, micha yakni, micha okhvta, micha nana puta, yvmma ai ahashwa ka aiena ikbi tok a, hvsh im ona he mak o, e hvchim anumpohonli hoke.

16. Yvmmak okvt nitak tikba ma, oklushi moma ka ilap o inli nana a kaniohmi a ant ik ai itanowá, ahni tok.

17. Yohmi kia ilap fehna isht ai atokowvt anoli a ik takohlichu hosh ahanta tok keyu; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh a ilhpak, micha na yukpa aiena ka, isht alotohonli hoke; ahanchi tok.

18. Micha ilvppa ahaya pulla hosh na kvni okla ha yokbli na, yvmma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal a tvi isht bolit, illi ho im ahoba cha hvllat tmaha ha isht kohchi tok.

20. Yohmi tuk kia, nan ithvna vhleha yvt afolublit hinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi a ia tok.

21. Atuk osh tmaha yvmma vba isht im anumpulit, micha lava ho nan im avchi mvt, falamvt anonti Listi, micha Aikonivm, micha Antiak aiena kash itvlachit,

22. Nan ithvna vhleha im anukfila hlampkochi, micha ayimmi kv̄t achunancha ch̄i h̄o atohnochi mvt, na palv̄m̄mi laua ka il a hlopulli pulla hosh Chihowa apehliechika ȳa e chukowa hi oke; achi tok.

23. Michā vbanumpuli iksa moma pehlichī aiyuka atokolit hiohlechi cha, nahullochit vba pit anumpulit issa mvt, Chitokaka yvm̄mak ̄o okla anukeheto tuk ash pit im issa tok.

24. Michā Pisitia hlopulli mvt, Paḡilia itvlachi tok.

25. Michā anumpa hash Pv̄ki a isht ai anumpuli cha, Atelia itonachi tok.

26. Atuk osh yvm̄mak ̄o peni ai vlhtot Antiak yvm̄mak ̄o toksv̄la ch̄i ka Chihowa im aholitopaka hi ̄o, pit im issa tok ash ai ḡhlichī tuk vt itonachi tok.

27. Michā itvlachi cha iksa ȳa itahobi cha, Chihowa yvt isht kaniohmihinchī tuk moma, micha okla nan ik ithano vhleha ȳa ayimmika okhissa ȳa ik tiwi tuk aiena ka, im anohonlit okla tok.

28. Michā yvm̄mak ̄o nan ikhvna vhleha ȳa awant ahashwa na hopaki tok oke.

CHAPTER XV.

Hakshup t̄vpa isht ai itachowa, 1. 6 Vbanumpeshi vhleha hv̄t isht itim anumpulit m̄aya. 22 Ai apissalechit im anukfila ha tok.

1. MIHMA hatak kaniohmi Chutia mintit ai v̄la tuk vt, itibapishi vhleha h̄a nan im abv̄chit, Moses i nan vlhpisa ak ̄o chohmit hakshup hv̄chi tapa keyukmvt, hv̄chi okchaya he k̄ayushke; achi tok.

2. Yohmi na Pal, micha Banabas ita tuklo kv̄t yvm̄mak ash itachowvt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilv̄ppak atuk vt vbanumpeshi vhleha, micha asononchika vhleha aiena ka Cheluselem a im ona ch̄i ka, okla apesa tok.

3. Mihma iksa vhleha yvt pit apehvt aya na kohchvt ilh-koli mvt, okla nan ik ithano vbanumpuli toba tuk a anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminci tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tvpli cha, Moses i nan vllhpisa ha holitobla he aiena ka im apesa he vlhpiesvshke; ahanchi tok.

6. Yvmohmi ma vbanumpeshi vhleha, micha assononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmmtv svtih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Micha Chihowa yvmmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hv-pishno yo chash itilauechi hoke.

9. Micha hv-pishno a yvmma a pit im inlvchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan ithvna vhleha ikonla ya ikonla abana yvmma pin tikba vhleha, micha hv-pishno aiena kvt e lauwi cha, e shala he keyu ka, yvmma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmmak inli il itilaua he aiah-nit pi yimmishke; achi tok.

12. Yohmi ma okla laua yvt lumvt chieyvt, Banabas, micha Pal ita tuklo Chihowa yvt ilapo a, na fehna, micha nan isht ahoba puta aiena kaniohmi ho okla nan ik ithano vhleha itin takla ya, isht a yvmihinci tuk a anoli ka haklo tok.

13. Okla hvvt lumvt chieya ha yano, Chemis vt achakalinci mvt, Hatak itibapishi li vhleha ma! hvs sa haponak-lashke.

14. Chihowa yvt ummona ka oklushi nan ik ithano a kaniohmit aiokpanchit okla ilap isht hohchifa chi ka akohchit ishi tuk a, Simion vt anohonli tok.

15. Micha hopaii vhleha im anumpa hvt ilvppak o ai achvfushke.

16. Yakohmi ha ma falama lish, Lewi in chuka kinafa tuk a falaminchit ikbi la hi oke ; micha okpulo tuk a falaminchit ikbit hilechi la hi oke.

17. Yvmmt hatak a kashampa, micha okla nan ik ithano vhleha moma sa hohchifo ha isht a hohchifo tuk puta kvt, Chitokaka ya okla hohoya chi ka, yvmmak osh na yakohmi moma ka yvmihchi mak osh Chitokaka yvt achishke ; achi holisso tok a.

18. Ummona pillvt isht auehinchu ka Chihowa yvt ilap nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chihowa ya im onvt maya ka, kil anumpulicho ka he ak o, vno vt aiahni lishke.

20. Amba na holba toba puta isht ai okpulo, micha ohoyo himita itin lumaka, mikmvt nana kvt nuksitvt illi puta, micha issish aiena ka ik ahalaio ka chi kak o pit iloh i holissochashke.

21. Nitak hopaki isht auehinchu ka, Moses i holisso ha tmaha moma, kvna hosh isht ai anumpohonlikma, nitak hullo moma, sinakak a ai itim anumpohonli chatuk oka ; ahanchi tok.

22. Mihma vbanumpeshi vhleha, micha asononchika vhleha, iksa vhleha moma ai itvpeha kvt ilap ai itvpeha akinli, hatak ai vltoka ho Pal, micha Banabas ita tuklo ka ai itvpelinchit Antiak a pit tihlela he, vlpesa ahni tok Chutvs osh Basabas hohchifo, micha Sailvs itatuklo itibapishi vhleha ya moma i shashonli kak a tok.

23. Micha holissochit ibbak fohki kvt yakohmichi tok. Vbanumpeshi vhleha, micha asononchi ka, micha itibapishi vhleha aiena kvt, itibapishi vhleha okla nan ik ithano a tok Antiak, Silia, micha Selisia puta aiasha ka pit aiokpvchishke.

24. Yvmohmi kvt hatak kaniohmi ilvppa isht ia tuk osh,

anumpa isht hvchi ataklummit hvchi shilombish okpanit, Hvchi hakshup vt tupa cha, nan vllhpisa ya hvsh holitoblashke, ahanchi tuk a e haiyaklo tok; yummak oka il atoh-no tuk keyu hoke.

25, 26. Chukvsh vt achvfa chohmit itvnavt e chieya mvt, hatak vltoka hvpin Chitokaka Chisvs Klaist hohchifo pulla ka ilap im ilhfiopak a a kaiyanchi chohmi hatak o, pi nolitopa Banabas, micha Pal ita tuklo ka ai itvpehvchit pit e hvchin tihlela he a, vllhpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yummak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvt nana kvt weki kvt ai vllhpesa ilvppa chohmi ka, ai i shahli ho e hvchi onoicha he keyu kak o vllhpiesa il aiahni tuk oke.

29. Yohmi kvt nipi na holba toba pit im issa tuk, micha issish, mikmvt nana kvt nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvm-mak o hvchik il ahalaiacho hokmvtto hvsh vllhpiesa hi oke. Hvchi achukmakashke; achi tok.

30. Yohmi na okla pit tihleli ma, Antiak a ai vla tok; micha okla laua ya itahobit tahli mvt, holisso hash ima tok.

31. Mihma yummak ash okla itim anumpuli mvt, nan im annoa kvt okla na yukpa tok.

32. Mihma Chutvs, micha Sailvs ita tuklo kvt, ilap mvt hopaii akinli hatuk okvt, itibapishi vhleha ha anumpa lava ka isht atohnohonchi cha kvullochi tok.

33. Atuk osh yummak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha ha pit in tihleli tok.

34. Yohmi kia Sailvs vto yummak inli ahanta kak osh im vllhpiesa tok.

35. Pal ak kia, micha Banabas aiena kvt Antiak a, inla laua ho ai itvpehvt mayvt Chitokaka im anumpa ha im abahanchi, micha isht im anumpohonli aiena tok oke.

36. Yummak atuk a nitak ont isht kaniohmi ma, Pal vt

Banabas ash, Anonti ivt tvmaha moma Chitokaka im anum-pa il ai anumpohonli tuk vt, il itibapishi vhleha ha i nowvt ayvt kaniohmi hosh ai ashakma e pisashke; im achi tok.

37. Mihma Banabas vt Chan osh Mak hohchifo ka ilau-ehit aya lhi a ahni tok.

38. Yohmi kia Pafilia ai i filvmmi cha iba takla nan isht vttvt ik ayo ke tuk ash, ilauelit aya ik vhpeso, Pal vt ahni tok.

39. Mihma itachowa kvv kullo fehna hatuk osh, iti filvmit okla tok. Yohmi ma Banabas vt Mak a ilauei cha peni fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvt Chihowa im aholitopa he mak o, pit im issa ma, ia tok.

41. Mihmvt yvmmak ashot ikxa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI

Pal vt Timohli a hakshup tvpli, 1. 14 Litie vt vbanumpuli toba.
24 Aboha kullo apesvchi vt vbanumpuli toba.

1. YUMOHI mvt Tabi, micha Listi aiena ka vla tok. Mihma yvmma nan ithvna achvfa Timohlivs hohchifo hosh anta tok; Chu ohoyo na yimmi o ushi; amba iki okvto Klik hatak a tok.

2. Yvmmak oka itibapishi vhleha Listi, micha Aikonivm aiena aiasha kvv ahnichi tok.

3. Yvmmak osh takla aya hi a, Pal vt aiahni tok; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak a momvt ithana hatok oka.

4. Micha tvmaha puta a hlopullit aya mvt, nan vhpisa vbanumpeshi vhleha, micha hatak asononchi aiena Cheluselem aiasha kvv apesa tuk a, holitobla chi ka ihimvt okla tok.

5. Yvmohmi ho ikxa puta kvv yimmi kvv kvllo hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponla he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bvna tuk kia, Shilombish vt vlhpesa, ik im ahno tok.

8. Yohmi ma Mishi a ant itiachi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yvmmak oka vbanumpa ont isht il im anum-pula he mak_o, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk a, in chekosi ma, Masetonia ya ia pi bvna tok.

11. Yohmi cha Tloas a il a hotoffi mvt, auet apissalint mintit Samoleshi e la tuk osh, nitak atukla ka Niapolis a e la.

12. Micha ymma ashvvt il ia mvt, Filippi, yvmmak okvt tmaha chito kv Masetonia yakni koyofa ymma moma i shahli, okla wiha a binili a e la tok. Micha tmaha ymma il ashwa na nitak kanohmi tok.

13. Micha nitak hullo ma tmaha kohchvt ivt okhina la-pali ka, yvmmak o vba pit ai anumpuli chatuk a, ont e chieya mvt, ohoyo hv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiataila tmaha vta yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfohka tok.

15. Micha ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ash-washke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kv isht ahullo shilombish anukfoka hosh pi afama tok; yvmmak okvt nan anoli ilahobit vlhto-ba chinto i shahli vhleha isht im ahayuchi a tok.

17. Yvmmak ashot Pal, micha pishno aiena ka piakai-yvt aya mvt tahpvvt, Hatak yakohmi kv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmvt ilvppa yakohomi na nitak kanohmi tok. Yohmi kia Pal vt ik im vlhpeso hatuk osh filema mvt, shilombish ash, Chisvs Klaist hohchifo pulla hq, chishno vt yvmma ish akohcha ch_i ka, ch_i miha lishke; im achi tok. Mihma yvmmak ashot mih makinli hq kohcha tok.

19. Yvmohmi ma i shahli vhleha yvt nan isht ai ahayunchi ashot knia na pisa mvt, Pal, micha Sailvs ita tuklo ka hokli cha, hvllat ishtivt nan vpa a kanchi a isht chukowvt, hatak pehlichy vhleha ya isht im ona tok.

20. Micha ishtivt tvshka chipota i miko vhleha ya isht im ona cha, Hatak ilvppvt Chu okak osh hvpin tmaha ha atak-laiyvmmi fenvshke.

21. Micha Lom okla pia hv, nan vlhpisa yvmma il aiokpvchi cha, e holitobla he pim ai vlhpesa keyu ka pim abahanchishke; ahanchi tok.

22. Yohmi ma okla laua yashot im a svnali himona achvfa wakaya tok; mihma tvshka chipota i miko vhleha yashot im ilefohka ya okla i shueli mvt bola ch_i ka, okla apesa tok.

23. Mihma fuma lava hq okla onochi mvt, aboha kvllo apesvchi a achukmalit apesahancha ch_i ka im apesvt tahli cha, aboha kvllo pit apitta tok.

24. Yvmmak ashot nana kvv yakohmit im vlhpihisa mvt, aboha kvllo anukaka pilla pit apitta cha, iti iyi isht akvlllo isht a kvllochi tok.

25. Yvmohmi tuk o ninak iklvna ma, Pal, micha Sailvs ita tuklo kashot vba pit anumpulit, Chihowa pit aiokpvchit in talohowa tok; mihma aboha kvllo vlhpinta tuk vt haiyaklo tok.

26. Mihma yakosi fena makinli hq, yakni winakvchi chinto na, aboha kvllo nutaka intola yvt ilhkoli tok: mihma ashalka okhissa yvt momvt tiwa ma, momvt im isht talakehi yvt i mokohli tok.

27. Mihma aboha kvllo apesvchi yvt nusi tuk vt okcha cha, aboha kvllo okhissa puta kvv tiwa hq pisa mvt, aboha kvllo vlhto a tihlaiyvt tamoa tuk a, im ahoba mvt i bvshpo falaia ya hvllat shufi kvv ile ba chin tok.

28. Yohmi kia Pal vt chitolit pit tahpvlvt, Momvt ilvppa e maya hoka, nana kia chik ile kanihecho kashke; ahanchi tok.

29. Mihma pula ha pit hoyo cha, mvlet pit chukowrt wvnihinchi hosh vla mvt, Pal, micha Sailvs ita tuklo itikba ya ant hlipia tok.

30. Michā pehlichit kohcha mvt, Hatak hvchia ma! sai okchaya chi kvto nanta kō katiohmi la chi cho? achi tok.

31. Yohmi ma, Chitokaka Chisvs Klaist ak o ish i yim-mashke, mikmak osh chishno, micha chin chuka achvfa aienvt chi okchaya hi oke; achit okla tok.

32. Michā Chitokaka im anumpa ha ilap, micha in chuka anuka ya maya tuk ash a mominchit isht im anumpuli tok.

33. Mihma ninak hvshi kanvlli isht vllhpisa mih makinli ho ishi cha, a fvma tuk a achifa tok; mihma ashalika ilap vt in chuka chvfa momvt baptismo tok.

34. Michā pehlichit im aboha ya ishit chukowa mvt, ilh-pak a itikba in talohli mvt, in chuka chvfa ya a moyumvt Chihowa ya yimmit na yukpa tok.

35. Yvmohmi tuk o onnvt taha ma, tvshka chipota i miko vhleha yvt anumpeshi a pit tihleli mvt, Hatak yvmmvt ant ik itiachi, ahanchi tok.

36. Atuk o aboha kvllo apesvchi yvt Pal a anumpa ilvpa im anolit, Tvshka chipota i miko vhleha yvt ant ik ayá, auct hvchim aiahni tuk oke; yvmohmi hoka himak ano kohchvt ivt, na yukpvt hvsh ayashke, achi tok.

37. Yohmi kia Pal vt, Anumpa vllhpisa yosh pi onvtula keyu ka, Lom hatak pia ho kak o haiakvchi hosh pi fahami cha, aboha kvllo ya pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pulvshke. Amba ilapo inlit ai vla cha, isht pi kohchashke; im ahanchi tok.

38. Atuk o anumpeshi ash ot anumpa ilvppa tvshka chipota i miko vhleha yash ont im anoli tok. Mihma yvmmvt Lom hatak atuk o okla haklo mvt, nukshopa tok.

39. Mihmvt ai vla cha ant im asilhvvt, isht kohchi mvt, tvmaha ha a kohchvt okla hinla ka, im ahni tok.

40. Mihma aboha kvllo a a kohchvt ia mvt, Litie in chuka ont chukowrt okla tok; micha itibapishi vhleha ya pisa cha hopohlvtlit tahli mvt, kohchvt itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia ak_o ai anumpuli. 15 Pal vt Ahlens a ai anumpuli.

1. YUMOHMI kashot Amfipolis, Apollonia aiena ka hlopullit okla mvt, Hlessalonika yvmmak o Chu okla i sina-kak vt hikia ho itvlachi tok.

2. Mihma Pal vt yvmmak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh falamvt tana hi vt ai vllhpiesa tok, isht i fahpullit im avvchit, yvmohmi ka Chisvs ilvppa vno vt isht hvchim anumpohonli li kak osh, yvmmtv Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitompa aiena kvv kanomosi tok ke-yushke.

5. Yohmi kia Chu okla nan ik yimmo hokvto anukhobela mvt, hatak haksi nan isht vtta ik im iksho kaniohmi ho pehliehit itvnali cha, tmaha okla ha mominchit nukhla-kashlit, Chesvn in chuka ya o yihlepa tok; micha pehlichit kohchvt okla isht im vla chi hosh yvmmak ash hoyo tok.

6. Atuk osh yvmmak ash okla ik ahayucho mvt, Chesvn micha itibapishi vhleha kaniohmi ka-aieninchit, hvllat tmaha apehlich i vhleha ya isht im ona cha, tahpvt, Yakohmi kvv yakni a shot filimmi tuk vt ilvppak kia ai vlshke.

7. Mihiyo Chesvn vt pehlichit ishi tuk; micha yakohmi kvv momvt Sesa i nan-vllhpisa ai ahalaia keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tmaha apehlich i vhleha aiena kvv na yakomi ka haklo ma, nukhlakashli tok.

9. Mihmvt Chesvn, micha inla aiena anumpa nana ho im ai ishi kvv im vllhpesa mvt, asht ik itvnowa, okla im ahni tok.

10. Mihma itibapishi vhleha yvt ashalika ninak o Pal, Sailvs itatuklo kash Belia pit tihleli tok; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kv Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmt laua hosh yimmi tok; mihma Klik ohoyo holitompa vhleha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kv, Pal vt Chihowa im anumpa ha Belia ya isht ai anumpohonli ka pit akostinichi mvt, yvmmak ash kia okla ai vla cha, okla ha ant okpvi tok.

14. Mihma ashalika itibapishi vhleha ash osh Pal a okhva ak o ia chohma chi ho, pit chvffichi tok. Amba Sailvs, micha Timohlivs itatuklo kvto yvmmak inli ho asha moma tok.

15. Mihma Pal ilauct isht okla aya tuk vt Ahlens a isht ona tok; micha Sailvs, Timohlivs itatuklo kv tushpa fehnvt im itonancha chi ka, pit i miha, anumpa ishi mvt, okla ilh-koli tok.

16. Yohmi ma Pal vt yvmma pit hoyo hosh Ahlens a anta takla cha, vmaha hv na holba toba banot isht alotowa na, pihisa mvt im anukfila hv ik vhpeso ki tok.

17. Yvmohmi hatuk osh Chu okla, micha vbanumpa ahni vhleha aiena ka, sinakak micha kvna ho nana ai itatoba ai itafama fokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istok okla aiena kaniohmi kv, yvmma okla itim anumpuli tok. Mihma kanimi kv, Anumpuli shahli ilvppvt nanta ko acha hinla? achi ma; kanimi kv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke; achi tok.

19. Micha okla ilaueit ishtvt, Mas nvni a isht ona mvt, Ilvppvt anumpa himona nana ho isht ish ai anumpuli hatukma, il ithva hinla cho?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostininha hinlvshke; ahanchi tok.

21. Ahlens okla moma, micha yakni inla hatak puta yvmma aiasha aiena kv̄t, nan inla yo keyu, amba na himona fehna anoli, keyukmvt haklo hokmá, nana hosh aiasha bilia hatok oka.

22. Yvmohmi ma Pal vt Maś nv̄nih iklv̄nna ya hikia cha, Ahlens okla hv̄chia ma! nana a kaniohmi puta ka na holba toba ya hv̄sh aiokpanchi fehna hō, hv̄chim akostinichi lishke.

23. Ant ia li kv̄t hv̄chī na holba toba puta ka pihisa li mvt, vba tv̄la ya, Kv̄na ik ithano Chihowa mak o, achi, ilvppak osh isht ai o holisso ka pisa li hokv̄no. Yohmi hoka hv̄sh ithana keyu hosh, pit hv̄sh aiokpahanchi chatuk, mihmak o, vno vt hv̄chim anohonli lishke.

24. Chikowa yakni, micha nana moma yvmma anukaka aiasha aiena ka ikbi tok; yvmmak okvt vba shutik, micha yakni aiena ka in Chitokaka yokvt tempel puta ibbak a isht toba ya, ai ahanta keyu.

25. Michā nana hosh ik im iksho hatuk o, hatak ibbak vt im isht anta chatuk keyu; yvmmak osh moma ka okchaya, micha im ilhfiopak, micha nana moma aiena ka ihima hatuk oka.

26. Michā issish achv̄fa hō, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vlhpisa hō, micha kanima yo aiasha he puta ka, apesa tok.

27. Yvmmv̄t Chitokaka ya hoyā chī hatok; yvmmak okv̄to eho moma ka hv̄pi mishemanchi keyu nana kia, yohma he yobakmvt, pasholit hoyo fehna cha, yvmmak oka ahayucha hinla hoke.

28. Hv̄pishno vt yvmmak o iloh ai okchaya, micha ilhkolit, iloh aiasha hoka. Hv̄chim ataloa ikbi kaniohmi kv̄t, Hv̄pishno ak kia yvmma ushi hv̄pia hoka, ahanchi akinli tok oka.

29. Yohmi ka Chihowa ya ushi vhleha pia hokvt, Chiho-

wa imma ya tvli holisso lakna okmá, keyukmut, tvli hvta, keyukmut tvli, hatak nan isht vttá imponna nana anukfilli hosh, na holba ikbi ya ehohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chiho-wa yvt tohmsonli hosh pihisa tok kia; amba himak okvno hatak okluha kanima moyuma ahanta kv́t ile kostininha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlichei tok; ahanchi tok.

32. Illi falamvt tana he puta okla haklo mut, kanimi kv́t isht yopula tok; mihma kanimi kv́t, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklunnaka ya, akohcha tok.

34. Yohmi kia hatak kaniohmi kvto yimmi cha, yvmmak ash ibakaha tok. Yvmma iba takla kv́t Taionishvs, Mas nvnihi nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinbla, a ibbak isht a toksvli, micha vba isht ai anumpuli aiena, 1. 9 Holhpokuna hosh isht ai i yiminta.

1. NANA kv́t a yakohmi ha ya, Pal vt Ahlens a akohchvt ia mut, Kolinbla a vla tvk.

2. Michá Chu hatak achvfa Akuila hohchifo, Pantvs ai vttá tok vt, tekchi Plisilla ita tuklo kv́t, Kilativs vt Chu vhleha yvt momvt Lom a akocha wiha chi ka, apesa hatuk o, Itili ya ashvvt itvlachi tuk a cheki hosh ashwa na, pisa mut yvmmak o im ona tok.

3. Michá ilap vt a toksvli itim ai achvfa hatuk okvt, takla ahantvt toksvli tok; yvmmak okvt isht vlhtipo ikbi im vlhtayak vhleha ha tok okvt.

4. Mihmut sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sailvs, micha Timohlivs ita tuklot Masetonia ashvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashofvshke. Himmak pilla ano okla nan ik ithano vhleha ak o im aya la chi hoke; im achi tok.

7. Micha yvmmak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Ymma in chuka yvt sinakak o bilikasi ho, talaia hatok.

8. Mihma Kispvs sinakak apchlichika yvt in chukachvfa moma ai itvpehvt, Chitokaka ya i yimmi tok. Mihma Kolinhla okla hvv haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt holhpokuna chohmi ka im anumpulit, Chi nukshopa na, amba anumpuli, micha lumvt chik asho kashke:

10. Uno vt chi awant aya li hoka; hatak nana hosh chi onvtulvt chi hotopala he keyu hoke, tmaha ilvppa okla laurt vm ai ashwa hoka; im achi tok.

11. Mihma Chihowa im anumpa ha ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvv im anukfila ai achvfa chohmit, Pal a o kinafvv ishit nana ai apesa ya isht ona mvt,

13. Nan-vlhpisa ya ai ahalala keyu ka, Chihowa ya aiokpvcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha wakkmma chi foka ma, Kalio vt, Chu okla hash nana kvv ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nan-vlhpisa imma aiena isht anumpa hatukmvno, hvchishno

akinli hosh yummno isht hvsh ashashke. Uno yokto nana yumma chohmi hokno, non apesvt ahanta la he ke-yushke, im achi tok.

16. Mihmvt nana ai vllhpisa asha tuk a kvnom pit tihleli tok.

17. Mihma Klik vhleha hvv momvt sinakak apchlich Soshlenes a, okla hoklit ishi cha, nana ai vllhpisa itikba ya a boli tok. Mihma Kalio vt yumma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapihvt peni fohkvv ayvt Silia ya ia tok; anumpa ha il onochi tok okvt, Kenklea pashi ai vmo tok.

19. Micha Efesvs a vla mvt, yummak o ant ashachi cha; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micha okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke; ahanchi tok. Mihmvt peni fohkvv Efesvs vttvt ia tok.

22. Atuk osh Sesalia ya ont atayali cha, pit oiyvt iksa vbleha ha ont aiokpvchit tahli mvt, Antiak a ia tok.

23. Mihmvt yumma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vttv tok, hatak anumpuli imponna, micha Holisso Holitopa ya imponna fehna yosh Efesvs a vla tok.

25. Hatak ilvppvt Chihowa i hina yvt im vlvvchi ya tok; micha chukvsh vt ai yimihinta hatuk osh, Chan i baptismo ak illa ho ithana hosh, achunanchit Chitokaka immi ya isht anumpuli, micha im avvchi aiena tok.

26. Micha nukvaya kvv iksho hosh, sinakak a ai anum

pulit ishtia tok. Yvmmak ash o Akuila, micha Plisilla ita tuklo kv̄t haklo mvt, yvmmak ash pit hoyot ishi cha, Chihowa i hina ya achukmalit i shahlichit im anohonlit okla tok.

27. Micha Akaia ya ia ka bvnna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yvmmak ashot vla mvt, i nukhaklo na yimmi tuk vhleha ya apelahanchi fehna tok.

28. Yvmmak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX.

Pal vt ibbak isht umbitepaka Shilombish Holitopa yvt anukfohoka tok. 17 Vbanumpa yimmi kv̄t laua.

1. ATUK o, yakohmi tok, Apollos vt Kolinhla a anta moma ma, Pal vt ibetvp pilla ka a hlopulli mvt, Efesvs a vla tok; micha nan ithvna kaniohmi ka ant pisa mvt,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt asha hokma, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan vto ile kostininchit baptismo yo isht baptismochi ho mvhli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilvppa okla haklo mvt, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onvtoyula tok. Mihma anumpa ilaiyuka okla anumpuli mvt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinakak ont chukowvt, nukw̄aya iksho hosh, Chihowa ap̄ehlichika imma ȳa isht anumpulit, anukfoh̄kitchit abanta na hv̄shi tuchina tok.

9. Yohmi kia kaniohmi hokv̄to chukv̄sh kv̄llo taha cha, ik yimmo mv̄t, hina yv̄mmak ash na mihachit okla laua itikba ȳa ai anumpohonli ma, yv̄mmak ashot ai i filv̄mmi cha, nan ithv̄na vhleha hash a filamolechit eshi cha, Tailanvs osh nana ai ikhv̄na i hikia h̄o, nitak moma ai anumpohonli tok.

10. Ilv̄ppa yakohmi kv̄t imoma na afv̄mmi tuklo tok; yohmi hatuk o, Chu, micha Klik okla aiena Asia ai asha tuk vt momvt Chitokaka Chisvs im anumpa h̄a haklo tok.

11. Mihma Chihowa yvt nana kv̄t isht ahullo fehna kaniohmi ka, Pal ibbak a isht a yvmihinch̄i tok.

12. Yvmohmi hatuk o, nantapv̄ski puta, keyukmv̄t, tikba takohlich̄i kia, yv̄mma haknip a ai isht abeka puta ka isht im oh̄ona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo koh̄chi ilahobit itanowa yvt, shilombish okpulo anukfoka vhleha h̄a, Chitokaka Chisvs hohehifo h̄a isht ai o hochifochit pisvt, Chisvs, Pal vt yv̄mma isht ai anumpohonli ka pulla h̄o, anumpa kv̄llo ai isht e chi onohonchishke; ahan̄chi tok.

14. Yohmi ma Chu hatak Sifa hohehifo, na holitomp̄a isht asha pehlich̄i o ushi untuklo hosh yv̄mma yohmi tok.

15. Mihma shilombish okpulo ash ot falamin̄chi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia h̄o? achi tok.

16. Mihma shilombish okpulo yvt a foka hatak ash ot yv̄mmak ash o mv̄let, onvtulvt isht i shahlichit imaiyachi tok; yvmohmi na na fobka iksho micha ai okpulo kv̄t taha aiena hosh, chuka yv̄mmak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs asha tuk vt, ilv̄ppa okla akostinin̄chi tok; mihma na nukshopa hv̄t mominchit onvtoyula ma, Chitokaka Chisvs hohehifo hv̄t holitopa tok.

18. Mihma na yimmi tuk vt laua hosh ai vlt ant il anol, nana akaniohmi chatuk puta kvt anohonli tok.

19. Micha isht ahullo imponna vhleha hatuk aiena kakia, laua hosh i holisso puta ka isht itahobi cha, hatak moma itikba ya a hukmi tok. Micha ai vltoba ya okla hohina mvt, tvi hvta boshulli tahlepa sipokni pokoli tahlapi tuk o, akostininchi tok.

20. Chihowa im anumpa hvt kvlo kvt i shahlit ia fehna, yakohmi hosh imaiyachi tok.

21. Nana kvt a yakohmit ont ai issvchi ma, Pal vt Masetoria, micha Akaia aiena ka hlopullikmvt, Cheluselem a ia hi vt chukvsh a isht ai ahni mvt, Yvmma ont anta li tukmvt, anonti Lom ma pisa li pulla akinlashke; ahanchi tok.

22. Mihmvt im ai itapela tuklo Timohlivs, micha Elastvs aiena ka Masetonia pit tihleli cha, amba ilapa vto Asia ya anta na ahchiba tok.

23. Mihma nitak yvmma fehna ma, hina yvmma okla hvt nanumachi fehna tok.

24. Hatak achvfa Temetivs hohchifo, tvi hvta ikbi, yvmak osh Taiena ya tvi hvta itombushi puta im ikbi yosh isht vltoba mvt chvbihasi keyu ho, hatak nan ikbi imponna vhleha ya isht im vla cha;

25. Yvmmak ash, micha nan isht vta ai itim achvfa vhleha aiena ka hoyot itahobi mvt, Hatak puta ma! nan isht ai vta ilvppa pulla ho, nan isht il ahayuchi ka hvsh ithaiyanvshke.

26. Yvmohmi ka Efesvs ak o bano keyu, amba Asia a a mominchi chiyuhmit Pal ilvppv, ibbak isht toba yokvto chitokaka vhleha nana ho keyu hoke, ahanchi cha, okla laua ka anukfokichit filamolihinchi ka hvsh pisa, micha hvsh haklo aienvshke.

27. Yvmohmi ka hvpishno nan isht iloh ai vta ilvppak bano ho, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yvmmak o Asia moyuma, micha yakni puta kvt aiokpahanchi yash isht aholitopa yvt ont ai okpulot kvnia hinla fehna hoke; achi tok.

28. Mihma okla haklo mvt, anukhobelvt alota mvt, tahpvlvt, Efesus okla in Taiena vt chinto hoke: ahanchi tok.

29. Mihma tmaha ha yahapa kvt alotvt knia tok. Mi-cha Masetonia hatak, Pal apehvt nowvt aya Kaivs, micha Alistakvs ita tuklo ka hoklit okla ishi mvt, im anukfila ai achvfa chiyuhmit yihleptv, okla ai itahoba chatuk a pit abe-ha tok.

30. Mihma Pal vt okla ha pit iba chukowa bnna tuk ak o nan ithvna vhleha yvt vlhpesa, okla ik im ahno ki tok.

31. Mihma Asia hatak pehlichī vhleha kaniohmi, yvma i kana yatuk vt, okla ai itahoba ya pit chukowa bnnvt ik peso ka hi a, ahnit pit im anoli tok.

32. Yvmohmi ma kanimi kvt nana ho mihakma, anonti inla mvt inla ho miha tok; itvnaha hak osh ai vlhpesa keyu hatuk o, micha moma chohmi kvt nana kaniohmi ho itvnaha hatuk vt ik ahostinincho ki tok.

33. Mihma Aleksanta ya okla laua akohchi ma, Chu okla hvv tikba pit hilechi tok; mihma Aleksanta yvt ibbak pit fahvmmi mvt, okla ha im isht il anumpuli bnna tok.

34. Yohmi kia yvmmak okvt Chu atuk o, okla akostininchi mvt, momvt anumpa achvfa, Efesus okla in Taiena yvt chinto hoke, tahpvlvt ahanchi na hvshi kanvlli tuklo foka tok.

35. Mihma tmaha i holissochi yokvt okla ha yokopli mvt, Efesus hatak hvchia ma! Efesus tmaha hvv nan isht ahullo ohoyo chito Taiena, micha na holba toba Chupita a mintit akatula tok aiena ka aiokpvchi a, hatak nanta hosh ik akostinincho kvt ahanta cho?

36. Yohmi ka ilvppa nana ho isht ai acha hi o keyu hoka, hvchishno yvt nukchintot hvsh maya cha, tushpvt nana hvchik kaniohmo ka he tuk oke.

37. Hatak yakohmi kvt tempel puta wehpuli keyu mvt, anonti hvchi nanisht ahullo ohoyo ma ik ahobalot na miha-chi o keyu hokak o, ilvppa isht hvsh la tuk oka.

38. Yvmohmi hoka Temetivs vt, micha hatak nan ikbi vhleha yvma apeha kvt, hatak nana kia nana im a kanioh-

mi tuk in takanli hokma, nan vlhpisa nitak vt a^usha, micha nan apesa vhleha mvt mayvshke; nan vlhpisa iti onochit ik a^ushá.

39. Amba nana inla imma y^o hvsh ai asilhhvchi hokma, yvmmak okvto itvnaha ai a^uhli h^o ai vlhpisa hi oke.

40. Itvnaha ilvppak atuk a nana h^o isht il ai anola he mvt iksho; yohmi hokvt himak nitak nana ai vlhpiesa mvt iksho ka, nan vlhpisa yvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-toblit antvt, vba isht anumpuli. 28 Pal vt iksa in tikba vhleha ha atohnochi.

1. ATUK ^o yahapa kash ot issa ma, Pal vt nan ithvna vhleha ya hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yvmmak ash a hlopullit, im anumpohonli fehnvt aya tuk osh Klis a vla tok.

3. Micha yvmmak ^o ahanta na hvshi tuchina tok. Mih-mvt peni fohkv^t Silia ia chi foka ma, Chu vhleha hv^t im aie chi ma, falamvt Masetonia pit hlopulli ka ahni tok.

4. Mihma apehvt Asia ona kv^t Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kai^{vs}, mikmvt Timohli^{vs} aiena kak, a tok; mikma Asia hatak vt Tikik^{vs}, mikmvt Tafim^{vs} aiena kak a tok.

5. Yakohmi kv^t tikba ilhkoli tuk osh Tloas ak ^o ont a^ush-vvt pi hoyo tok.

6. Mihma pv^ska ik shatvmmo vpa nitak vt ai issachi ha y^o, peni vlbihvt, Filippi a^usht e minti kv^t, nitak tahlapi h^o Tloas a il im ai vla cha, yvmmak ^o il a^usha na nitak untuklo tok.

7. Mihma nitak hullo achvfa nitak ahpi h^o, nan ithvna

vhleha hvt puska kobahlichia chi hosh itahoba ma, Pal vt onnakma kanima ia chi hatuk osh, im anumpuli mvt; anum-pa hash isht mahaya na, ninak iklvna ona tok.

8. Mihma aboha vba potvlhpo ai itahobvt maya ka, pula hvt lawa tok,

9. Mihma hatak himita achvfa Yutikvs hohchifo hosh okisushi ya asha tuk osh nusit knia tok; anonti Pal mvt anumpa ha falaiachi aiena hatuk o, nusit knia kvv akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopak vt a foka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, puska ya ko-bahlichit impa cha, anumpohonli hopaki, polaka onnvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kvv chohmi tok keyu.

13. Mihma tikba ivt peni ya il ona cha, ilap vt aka ayvt ia kak o ahni cha, yvmmak o miha tuk oka, ymma Pal ont ai isht e fohka chi, pim ahoba hosh peni fohkvv ivt Asvs a il ona tok.

14. Atuk osh yvmmvt Asvs a a pi afama ma, ishit auet e fohki cha, mintit Mitilini ya e la tok,

15. Micha ymma asht peni fohkvv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilvm a ant il ashwa tok; atuk osh onna ma mintit Mailitvs a e la tok.

16. Pal vt Asia a antvt nitak i knia ik bvnno hatuk osh, yohma hinla yobakmvt, Pentekost nitak a Cheluselem a, ont anta chi hatuk osh, tushpvt aya hokvt Efesvs a peni fokvt ont ia he ak o, ahni tok.

17. Micha Mailitvs ak o vttvt, iksa i pehlichia vhleha ha Efesvs a pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kvv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hvt aiechit maya na, na palvmmi puta sai onvtulvt, Chitokaka ya im antihya li tok.

20. Micha hvchishno nan isht hvchim ai vhpesa puta ka hvchim a luhmi li tok keyu; amba hvchim anolit ai itvnaha, micha chuka puta, a hvchim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hvpin Chitokaka Chisvs Klaist a i yimmi aiena ka, im abahanchi li fehna chatuk a, hvsh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tmaha moma ka ai anolit, talakchi, micha na palvmmi puta kvt an takalishke; ahanchi kak illvshke.

24. Yohmi kia nan ilvppa puta kvt achvfona kia ik sa folulechoshke, micha na yukpa hosh a nitak ma, micha nan isht vtta Chihowa achukma ka anoli, vbanumpa im avvchi la he, Chitokaka Chisvs a ai im ishi li tuk vt atahli la chi kvt, vm ilhfiopak a a holitopa ak ai ahnoshke.

25. Yvmohmi hosh himak a, Chihowa apchlichika ya isht hvchim anumpulit hvch itin takla ma aya li chatuk a, hvsh moyuma kvt himmakma sa nashuka ya hvsh pisa chi keyu ka, ithaiyana lishke.

26. Yvmohmi hoka hatak okluyuha im issish a, vno yvt nan isht ai ahalaia li keyu kvt, ai ahli mak osh himak nitak a hvchishno a hvchim anohonli lishke.

27. Vno vt Chihowa im anukfila puyuta ka hvchim anoli ka, sa nukwaya iksho chatuk okvt.

28. Yvmohmi hoka hvchishno akinli, micha nan iakaya vhleha moma, Shilombish Holitopa yvt mihi yo apesvchi puta hvch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hvsh pehlichashke.

29. Vno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; ilvppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhvna vhleha ya filvmmichit il iakaiyvcha chi kv, nan isht okpvi ya anumpulit hiohla hi oke.

31. Yvmohmi hoka, hvsh ile nukthla chiké ; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ghlichit hvchi hiohliche hinla, mikmvv hochukma toba tok vhleha moyuma ka ai itin takla ya, ai vttvt hvch ima he vllpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmvv in tvli holisso lakna yokmá, keyukmvv ilefohka yokmá nana kia im anushkunna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh apevcha he tuk, micha Chitokaka Chisvs im anumpa puta, yvmmak okvt, Ima kak osh na yukpa kvv habena ka, i shahli hoke, achi tok a hvsh ithaiyana chi ka mominchit hvchim anohonli li chatuk oke ; im ahanchi tok.

36. Micha yakohmichit anumpulit taiyahli mvv, hvchuk-bihlepvv hikia cha, moma ka pehlichit vba pit anumpuli tok.

37. Mihma momv v nishkin okchi minti fehna mvv, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmvv apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, ita hokli. 31 Kvptvni chito vt Pal hlakofichi.

1. **MIHMA** yakohmi tok, yvmmak ash pit il oka topli cha, i mokofvt auet apissanlit mihintit, Kous a e la tuk osh, nitak atukla ma Lotis a e la ; atuk osh yvmma ashvvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipilvs vt auet pi haiaka mvt, yvmmak ash pim vlhfubeka imma yo talaia na, ont il ia mvt, Silia ya il ona cha, Taia yak o ont il ataya tok ; peni na shali ka yvm-mak o ont akohcha wiha chi hatuk o.

4. Micha yvmma nan ithvna vhleha ya ont il ai ahayuchi mvt, il ashwa na nitak untuklo tok ; yvmmak osh Pal a Cheluselem ik aiyo ka hi a, Shilombish pulla hatuk mak o, im achi tok.

5. Nitak yvmmak ash ot ont pin taiyaha mvt, pishno ash ot kohchvt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tmaha ha ant e kohcha tok ; mihma oka takehuka ya hvchukbihleptv e hiel cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yvmmak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhli mvt, Talimeis a e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal a apeha pia hatuk vto kohchvt ivt, Sesalia ya e la tok ; micha Filip vbanumpa isht vtta, yvmmak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yvmvt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha yvmma il asha na nitak kanohmi ma, hopaii achvfa Akebv hohchifo hosh Chutia mintit tla tok.

11. Micha yvmmak ashot ayvt pim vla mvt, Pal im vskofvchi yash ishi cha, ilap ibbak micha iyi aiena ka isht takehi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takehi cha, ishit okla

nan ik ithano ibbak a a fohka hi oke ; Shilombish Holitopa yvt achishke ; ahanchi tok.

12. Mihma ilvppa okla e haklo mvt, pishno ash ot yvm-mak inli asha yatuk pit il aienvt, Cheluselem a ik aiyo ka hi a, okla il im ahni tok.

13. Mihma Pal vt afalaminchi mvt, Katiohmi ho hvsh ahni hosh yaivvt sa chukvsh a hvsh kobvffi cho ? Sa talakcha he ak o illa keyu ; amba Cheluselem a Chitokaka Chisvs hohchifo pulla ka, isht a si ai illa chi aiena kvt vm vlhtaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvt ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kaniohmi kvt Sesalia ya asht pi apehvt ia akinli tok ; micha Nesvn Saipilvs vtta nan ithvna sipokni ka yo, yvmmak o il ibai ashwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt nana isht ahanta ho, Chihowa yvt okla nan ik ithano vhleha itin takla ya, nana ai atahanli tuk puta kash o atokowa fehna kak o anohonli tok.

20. Mihma okla haklo mvt, Chitokaka ya okla aiokpahanchi mvt ; yvmmak ash o, Chu vhleha na yimmi kvt tahlepa sipokni kaniohmi hosh ai asha kvt, yvmmak okvt moyumvt nan-vlhpisa holitobli fehna ka, ish pihivshke, il itibapishi ma !

21. Micha chishno vt Chu vhleha hosh oklushi nan ik ithano takla asha ka, mominchit Moses a okla issa chi ka, im avchit im vlla puta ka hakshup tvpla he tuk keyu, mikmvt ilap nana a kaniohmi vlhpisa puta aiena ka, okla iakaiya he tuk keyu ka, ish i mihia ho, okla im annoa tok.

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashvshke.

24. Yvmmak o pehliechi cha, takla nan iba hullochit, mi-cha chishno ak osh vltoba hvt ibafokvt chi knia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vllpiesvt ish aya cha, nan vllhpisa ya ish holitobli ka ithai-yanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvv nuksitvt illi puta, micha ohoyo himita itin lumaka aiena kak o. okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehliche cha, onna ma, nan iba hullochi mvt, vba nan isht pit aiokpvchi ya achvfa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ahosi ma, Chu vhleha Asia minti tuk vt, yvmmt tempel anukaka ya asha na, okla pisa mvt, okla mominchit atushpvlibinchit yvmmak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vllhpisa aiena ka i svnalit, hatak moyuma ka kanima mominchit ai imavvchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimvs, Efesvs hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tv-maha hash ot momvt wakaya ma, oklat yi-hlepvt itahoba tok; micha Pal ash okla ishit tempel a a koh-chi ma; chekosi makinli ho okhissa puta kash ot vllkvma tok.

31. Micha okla vbi bunna hosh maya ma, tvshka chipota aya-chvfa i kupitvni chito ya, Cheluselem vt momvt nan ik ai vllhpeso bano ka annoa kv̄t ayvt im vla cha ;

32. Yvmmak ash ot ashalika tvshka chipota vhleha, mi-cha kupitvni puta ka pehlichī cha, chvfv̄t ivt im ona tok ; mihma kupitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kupitvni chito ash ot ivt ituma ona cha, yvm-mak ash ishi mvt, tvli itatakvlī tuklo hosh ishit talakcha chi ka miha tok ; mihmvt, yvmmvt kuna hatuk, micha nana hō kaniohmi aiena tuk a, asilhhvchi tok.

34. Mihma okla laua asha tuk vt tahpvlvt, kanimi kv̄t kanimihchit miha ma, anonti kanimi kv̄t invchi tok ; mihma yvmmak ashot yahapa hatuk o, ai atokowa ma ik ai akostinicho mvt, yvmmak ash isht holihta kv̄llo ont fohka chi ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kv̄llo ya, ont isht chukowa chi foka ma, yvmmak ash ot kupitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu ? achi tok.

39. Mihma Pal vt, Ūno vt Chu hatak Tasvs, Silisia yakni tmaha ai v̄tta, tmaha ik ahobo nana hō ai v̄tta sia keyu hoke : mi hosh okla h̄a im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vllhpesa im ahni ma, Pal ash-ot pit atuyvt ia ya o hikia cha, okla h̄a ibbak a pit i fahvm mi tok ; micha luma biekvt okla aiasha ma, Heblu anumpa hō im anumpulit yak ahanchi mvt,

CHAPTA XXII.

Pal vt kaniohmit vbanumpa nukfoka tok vt anoli, 1. 25 Pal vt foma he tuk kia, Lom hatak atuk osh hlakofi.

1. **H**ATAK il itibapishi vhleha, micha an tikba puta ma! himak a isht hvchim il anumpohonli li ka, hvsh hai-yaklashke.

2. Yvmmvt Heblu anumpa hq isht im anumpuli na, okla haklo mvt, isht i shahlit lumvt aiasha tok. Mihma yvm-mak ashot,

3. Uno vt Chu hatak fehna sia, Tasvs, Silisia yakni in tvmaha ak o ai vtta li tok nana kia, tvmaha ilvppa Kamiliel iyi itvma^{ka} yo ahanvt sa hofanti; micha hatak tikba vhleha i nan vlhpisa ai apissali mvt, vm vlbahanchi tok; mihmvt Chihowa ya pit achunanchi kv^t himak a nitak hvsh moma kv^t, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kv^{llo} pit apittvt ilbvshachi li tok.

5. Yohmi ka na holitompa isht asha pehlichi, micha hat^{ak} tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma asha tuk vt talakchi ya Cheluselem a isht vla likma, na palvmmi pisa chi hq, Tamaskvs a ia li tok.

6. Atuk o yakohmi tok; nowvt aya li mvt, hvshi vt tv-bokoli foka hq, Tamaskvs a ona la hosi ma, ashalika nan tohwikeli chito vba minti kv^t ant tommit si afolupli tok.

7. Mihma aka ont sa tula cha, anumpa hv^t, Sal, Sal, nanta katiohmi hq, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vtta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auct vm anumpuli hokvno okla ik haklo ki tok.

10. Mihma, Chitokaka ma! nanta k_o katiohmi la ch_i ho? achi li tok. Mihma Chitokaka yash ot, Wakaya cha, Tamaskvs a ish onashke; mikma nana ish a kaniohma he a chim v_lhpisa tuk vt moyuma, yvmmak o a chim annoa hi oke; vm achi tok.

11. Mihma tohwikeli yvmma shohpakali tuk a ak hopa-nayo hatuk o, si apehvt aya tuk ibbak ak osh sa halvlli h_o, ayvt Tamaskvs a ona li tok.

12. Mihma hatak achvfa vbanumpuli nan v_lhpisa ya isht ai a_hli, Ananaivs osh, Chu v_hleha yvmma ai asha ka moma ai im annoa achukma chatuk osh,

13. Ayvt vm v_la cha hikia mvt, Itibapishi li Sal ma! ish hoponayashke, vm achi tok; mihma hvshi kanvlli makinli h_o, vba chakalit ilap a pisa li tok.

14. Mihma, Hvpin tikba v_hleha in Chihowa yvt, chishno vt ilap o nan ahni ka ish ithaiyana he, mikmvt Ahli yvmma ish pisa cha, yvmma itakha ai anumpa ma ish hakla hi a chi atokoli tuk oke.

15. Chishno vt nana h_o ish p_isa tuk, micha ish h_aklo tuk aiena kv_t, hatak moyuma ka im anoli chia ha ch_i mak oka.

16. Yohmi kv_t nanta katiohmi h_o himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kv_t kashovt ch_i kvniashke; achi tok.

17. Atuk o yakohmi tok, falamvt Cheluselem ash v_la lish, tempel anukaka ya vba pit ai anumpohonli li mvt, sa holhpokuna chohmi tok.

18. Mihma yvmmak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akohchashke; vm ahanchi na pisa li tok.

19. Micha vno ash ot, Chitokaka ma! chishno ch_i yimmi v_hleha hatuk a aboha kv_llo pit apittvt, sinakak puta ka, a fahami li tuk a, okla ithaiyanvshke.

20. Micha Istefin atokowa chi anolit im issish hlatapa ka, vno ak kia itomasi ya hikia li tuk osh, yvmmtv illa chi ka, v_lhpesa ahni li mvt, yvmma v_lit maya ka, im ilefohka ya ishi li tok oke; achi li tok.

21. Mihma, Hopaki pilla, okla nan ik ithano vhleha aia-sha kak o pit chi chvffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vhlpesa keyu hoka, okla achi tok.

23. Micha okla tahpvlvt i na fohka puta kash shoelit kampilvt, lukfi pushi aiena ka pehlit vba pilvt maya ma,

24. Kvpitvni chito yvt yvmmak ash o holihta kvlo ya isht ona chi ka, apesa mvt, anonti yvmmak ash fvmmi hosh, nan i ponaklo na, kaniohmi ho okla hvt isht anumpuli kv yohmi fehna hatukma, ilap vt akostininha chi kv, miha tok.

25. Mihma wak hakshup aseta chuhla ka, okla ishit tak-chi ma, Pal ash osh kvpitvni hvt bilikasi hikia tuk o, Lom hatak, micha nan vhlpisa yosh ai atokowa keyu ka, ish fvmma he chim ai vhlpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vhltoha chinto ho isht ishi li tok, achi tok; mihma Pal ash ot, Amba vno vto si ai imoma yosh vtta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filamoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi bvna hatuk osh, isht talakchi ya i hotuffi mvt, na holitompa isht asha pehlich i vhleha, micha i nan apesa vhleha moyuma kv itv-naha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kvllo foka tok.
28 Pal vt nahullo miko Filiks a im ia.

1. MIHMA Pal vt hochitoka vhleha ya ai okchifelit pi-hisa mvt, Hatak il itibapishi vhleha ma! im anukfila ai achukma biekvt Chihowa itikba ma ai ahanta li himak nitak fenvshke; achi tok.

2. Mihma na holitompa isht asha pehlichi Ananais ash ot, yvmma bilika hiohmaya tuk vt itih ha lvsalicha chi ka, miha tok.

3. Mihma Pal ash ot, Chihowa yvt chishno ak o chissa chi hoka, holihta kvllo tohbi chia ka; nan vllhpisa yo nan isht vm ai apesa chi hosh ish asha mvt, anonti nan vllhpesa ya ai vllhpesa keyu ka, svssa hi a ish miha cho? im achi tok.

4. Mihma a bilika hiohmaya tuk vt, Chihowa i na holitompa isht asha pehlichi a chik ahobalo ho? achi tok.

5. Mihma Pal ashot, Iloh itibapishi ma! yvmmak okvt na holitompa isht asha pehlichi ya, ak akostinincho ke tuk oke. Chim okla talaia pehlichi ya ik ahobalot ish anumpuli na, achi hosh holihiso hoka, achi tok.

6. Yohmi kia kashapa kvv Satusi okla yokma, anonti kashapa kvv Falisi yo akastininchi mvt, itvnaha itin takla ya tahpvlvt, Hatak il itibapishi vhleha ma! vno vt Falisi sia, Falisi o ushi sia hoke; illi falamvt tana he isht a sai yimmi hatuk mak o, nan vm ai asilhhvchi hoke; achi tok.

7. Yvmihchit anumpuli ma, itachowa anumpa kvv Falisi vhleha, micha Satusi vhleha aiena itin takla ya takakanli tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-mvt enchil, micha shilombish aiena kvv iksho, achi hoka; amba Falisi yokvt tuklonchit yimmit anoli hoke.

9. Mihma yahapa chinto kvv takali tok; mihma holisso-chi vhleha, Falisi apehanchi kvv wakaya cha, anumpa ha isht ai isso fehnvt, Nan ik vllhpeso nana kia hatak ilvppa kil

ai akostininchoshke; amba shilombish okmá, keyukmvt en-chil okmá nana hosh im anumpuli tok okma, Chihowa ya kiloh itibo kashke; ahanchi tok.

10. Mihma okla itachowa chinto kv̄t takali ma, kv̄pitvni chito ash ot, Pal a okla it̄i hvlat nipli na ahni kv̄t, komunta mvt, ont afov̄t mokofit im ishit, holihta kv̄llo ya ant foka chi h̄o, tvshka chipota vhleha ya i miha tok.

11. Mihma yvm̄mak atuk ninak a, Chitokaka yvt ant a hik̄vt, Pal ma! na chi yukpashke, Cheluselem a is si ai anohonli hatuk okvt, chiyuhmit Lom ma atokowvt ish ai anohonla ch̄i pulla akinli hoke; achi tok.

12. Atuk o onnv̄t taha ma, Chu vhleha kaniohmi kv̄t itibai achv̄fv̄t anum̄pa kv̄llo ile onochit, Pal a okla vbi h̄o keyukmvt ik impo, micha nana kia ik ishko ka ch̄i kv̄t, mih̄iha tok.

13. Mihmvt pokoli ushta ka atampa hosh anum̄pa yakohmi ka ikbi tok.

14. Mihmvt na holitom̄pa isht āsha pehlich̄i, micha asononchika puta aiena ka im ai vla mvt, Anum̄pa kv̄llo fehna ka il il onochi kv̄t, Pal a ke bokmvt nana kia ke po ka ch̄i hoke.

15. Yvm̄ohmi hoka, himik a hv̄chishno, micha hochitoka vhleha hv̄sh ai itapeha kv̄t, yvm̄mak atuk ak o anont̄i achukmalit i shahlichit im ai asilhhv̄cha ch̄i h̄o chohmit, kv̄pitvni chito ya hv̄sh im anoli na, onna ha ma yv̄mma isht hv̄chim ayashke, yohmikma yvm̄mvt ilv̄ppa itomasi a ik lo h̄o e ba ch̄i kv̄t pim vl̄htaha yoke; achi tok.

16. Mihma Pal in tek ushi yvt, yv̄mma im aiechit maya ka haklo mvt, iv̄t holihta kv̄llo a ont chukowa cha, Pal a im anoli tok.

17. Mihma Pal vt kv̄pitvni vhleha ya achv̄fv̄t pit hoy o cha, Hatak himita ilv̄ppa ilauet kv̄pitvni chito ya isht im ona, yvm̄mak oka nanasi kia im anola ch̄i kv̄t in takanli hoka; achi tok.

18. Mihma yvm̄mak ash ilauēli cha, kv̄pitvni chito ya isht im ona mvt, Pal aboha kv̄llo fohka yak osh pit sa hoyo na vla li h̄o, hatak himita ilv̄ppvt nanasi kia chim anola hi vt

im asha hatuk o, ilauet chim vla la hinla ka, vm ahni tuk oke; achi tok.

19. Mihma kypitvni chito yvt yvmmak ash ibbak a halvli cha, naksika alumaka isht im ona mvt i ponaklot, Yvm-mak osh nanta mak o is svm anola chi kvt chin takanli hatuk o? achi tok.

20. Mihma, Yvmmak oka achukmalit i shahlichit im asilhhvcha chi ho chohmit, onnaha ma, Pal a ilauet ai itvnaha ya isht ish ona chi ka, chim asilhha chi kvt, Chu vhleha yvt itib ai achvfa tuk oke;

21. Yohmi kia chishno vto vlhpesa, chik im ahno kashke; yvmmak okvt hatak pokoli ushta ka atampa hosh, yvma im aiechi kvt ai asha hosh, yvmvmt anumpa kello ya isht il onochit, yvma okla ik bokmvt nana kia vpv, ishkot ik mayo ka chi, isht il apesa tuk oke; yohmi natuk osh himak a im vlhtahvt, anumpa falama ka auet chim a hoyot maya hoke; achi tok.

22. Mihma kypitvni chito yvt hatak himita yash ant ik ia, im ahni mvt, nana ilvppa puta is svm anoli tuk vt hatak nana kia, chik im anolo kashke; im achi tok.

23. Mihmvt yvmmak ash ot kypitvni tuklot hoyo mvt, Ninak hvshi kanvli isht vlhpisa ont atuchinakma, Sesalia ilhkola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mvt tahlepa tuklo ho hvsh atahlashke.

24. Micha Pal a, okla o binilichit achukmalit isht ayvt, nahullo miko Filiks a isht im ona chi ka, nan vlhpoa ma, hvsh atahlashke, ahanchi tok,

25. Mihmvt ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks a pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppv Lom hatak atuk o haklo li mvt, tvshka chipota pehlinchit vla lish, okchalanchi li hokvno.

28. Micha kaniohmi ho okla anumpa onochi tuk okma, akostininchi ka sa bvna mvt ilauelet ilap itvnahvt maya ka iba chukowa li tuk.

29. Mihmvt yvmmak okvt ilap i nan-vlhpisa yak o anum-pa hvt isht im atoba hatuk o, akostininchi li tuk; yohmi kia isht ai illikmá, keyukmvt talakchikmá nana he imma hokvto ik onvtulo ke tuk oke.

30. Micha Chu vhleha yvt hatak ash im aiechi hosh ma-ya ka vm annoa mvt, ashalika pit chin chvffichi lishke, mi-cha anum-pa onochi vhleha mvt, yvmma nana ho isht a miha hi vt im asha tuk vt, chishno chi tikba yak o a miha chi ma, aieninchit im apesa li tuk oke. Chi achukmakashke; achi tok.

31. Mihma tvshka chipota vhleha yvt, yvmmak osh im vlhpisa tuk okvt, Pal a ilauelet ninak o isht ayvt Antipetis a isht vla tok.

32. Ont onna ma yvmma apihvt ia chi ka, issuba o binili tvshka ya ashachi cha, falamvt holihta kvllo ya okla ona tok.

33. Yvmmak ashot Sesalia ya ai vla cha, holisso hash nahullo miko ya ant ima mvt, Pal ma aieninchit ibbak fohki tok.

34. Mihma nahullo miko vt holisso hash pisvt issa mvt, ulhti nana ho vttvt aya hatuk a i ponaklo tok; Silisia ak atuk o akostininchi mvt,

35. Anumpa chi onochi vhleha ak kia ai vla hok mak o, chi haklo lashke; achi mvt Helot i nan ai vlhpisa chuka yak o, yvmmvt a foka chi ka, apesa tok oke.

CHAPTA XXIV.

Tatvls vt Pal a anum-pa onochi, 1. 10 Pal vt isht il anum-puli.

24 Pal vt nahullo miko tekchi ita tuklo ka Klaist isht im anum-puli.

1. YUMMAK atuk a nitak tahlapit taha ma, na holi-tompa isht asha pehlich Ananais vt asononchika vhlona, miha hatak anumponli achvfa Tatvls hoehifo ho itapehvt vla na, yvmmak osh Pal a nahullo miko a nan isht im anoli tok.

2. Yummak ash pit hoyo na vla ma, Tatvls vt anumpa ouochit ishtivt, Filiks holitompa fehna ma! chishno ak atuk mak o nukchinto fehnvt il ahashwa chatuk, micha chishno vt nan chimponna pulla ho, nan isht im ai ahli achukma fehna kv̄t okla ilvppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka chi na-na kia, nuktanla chia hv̄t, anumpa tilofasi ish pi haiyaklok-bano, chim ai ahni lishke.

5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvt, Nasalin ikxa ya in tikba hika yo e pisa hatuk oka.

6. Tempel ma aieninchit yvmmv̄t ik akobalo bvnna ho, ilvppa il ishi kv̄t pishno pi nan vlhpisa yo, nan isht il im apesa chin tok.

7. Yohmi tuk kia kv̄pitvni chito Lisivs vt ayvt ant pi kohcha cha, kv̄llo fehnvt yummak ash pibbak a a kohchit eshi cha,

8. Yv̄mma anv̄mpa ai ikbichi vhleha yvt ayvt chishno a chim vla chi ka apehisa tuk; yummak oka chishno inlit im ai asilhv̄chi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.

9. Mihma Chu vhleha hak kia pit ataklammvt nana kash yvmmv̄t yohmi tok oka, ahanchi tok.

10. Mihma anumpula chi ka, nahullo miko vt pit im av̄chi ma, Pal ash ot, Okla ilvppa nan im apesvt ish ahanta afv̄m̄mi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Uba pit aiokpv̄chi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anv̄kaka ya hatak nana kia ai itachov̄t ahanta li, micha sinakak puta, micha tv̄maha aiena ka okla ha ai ilhkolic hit ahanta li, okla sa pisa tuk keyu.

13. Mikmvt nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlhpisa holisso, micha hopaii vhleha i holisso aiena, a holihiso tok moma ka, yimmit iksa inla yo okla achi hatuk oka, an tikba vhleha in Chihowa ya yakohmit aiokpahanchi li mvhlishe.

15. Micha, ahli mikmvt ik ai ahlo, moma illi yvt tana hi a, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi hatuk o Chihowa, mikmvt hatak puta aiena itikba ya chukvsh mvt yoshoba iiksho bilia hosh ahanta la chi kvt achunanchi li chatuk oke.

17. Yvmmak a tok a afvmmi kanohmit taha ma, na holhpila vm okla ha isht im aya li mvt, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvt okla laua yokma, keyukmvt a yahapa itin takla yokma nana keyu, tempel anukaka yo, nahullochit vm vlhtahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im asha tukmvt acha he tuk.

20. Yvmmak keyukmvt ilvppa maya kak inli kia vno vt nan ai apesa itikba hikia li ka, nan ik vlhpeso nana kia vm ai akostininchi tukmvt, ik mihá.

21. Amba yvmma itin takla hikia li mvt, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvs svm asilhhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mvt, Kvpitvni chito Lisivs ak osh vla hokmak o nana hvchim a kaniohmi ya okluha hvchim akostininchi lashke; achi mvt, im achakalechi tok.

23. Micha kvpitvni hvt Pal a apesvcha chi, yohmi kia fohacha he, mikmvt it ithvna ka vhleha yvt, nana ant isht im

vtta, keyukmut im ai itanowut maya ka, ik im olabo ka hi a, im apesa tok.

24. Yummak atuk a i himak nitak kanohmi ho, Filiks vt tekchi Chu ohoyo Tusila ya ilauelet vla mut, Pal a pit hoyc cha, Klaist a i yimmi imma ka im a haponaklot chieya tok.

25. Yohmi na yummak ash ot, ai ahli, mikmut ile nukta-lanli, micha nan-vlhpisa hi vt mihinti aiena ka isht anumpo-honli ma, Filiks vt wvnihinchi mut, Himak okvno ish iashke, nitak vt vm vlhpiesa hok mak osh pit chi hoyo la hi oke; achi tok.

26. Michi Pal vt tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yummak atuk a, afvmmi tuklo taha ma, Pashis Festvs vt Filiks vlhtobvt hikia tok; mihma Filiks vt Chu vhleha ya yukpali benna kv, Pal vt talakchi na, issvt ia tok.

CHAPTA XXV.

Chu okla hv, Festvs itikba hielit, Pal a anumpa onochi.

1. YOHMI tuk o Festvs vt ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitompa isht asha pehlich, micha Chu vhleha i hochitoka aiena kv, yumma Pal a ai isht im anoli cha, nan im asilhha tok.

3. Michi im aiokpanchi cha, yummak ash Cheluselem a vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal vt Sesalia yak inli ho anta pulla he, micha ilapo akinli mut chekosikma, yumma ia chi kv, Festvs vt miha tok.

5. Yohmi hoka hatak vlhpisa hvchi takla maya kv si apihvt ik ia cha, nan ik achukmo kv a takanli hatukma hatak iluppa ont ik atokoli; achi tok.

6. Micha yvmak ash takla ahanta na, nitak pokoli ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a, miha tok.

7. Atuk o yvmak ash ot vla ma, Chu vhleha Cheluselem mintit vla tuk vt, afoluplit hiohmayvt anumpa laua, micha okpulo fehna ho, ai ikbichit Pal a onochi mvt, yvmak ash ai atokolit ahlichia he keyu ki tok.

8. Mihma ilapo inlit isht il anumpulit ahanta mvt, Chu okla i nan vlhpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festvs vt Chu vhleha ya yukpali bnna kvv, Pal a afalaminchi mvt, Cheluselem a ish ona cha, sa tikba hiki vt ilvppak atuk puta kvv nan isht chim vlhpisa hinla cho? achi tok.

10. Mihma Pal ash ot, Nana vm ai vlhpisa he ai vlhpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehnvshke.

11. Ŭno vt anumpa kobvffi sia hokma, keyukmvt isht ai illa he vlhpiesa kaniohmi ho a si yvmohmi tuk okmvt, ik svllo ka hi a ak ahnoshke, Amba ilvppa puta kvv takali ho anumpa ma yakohmi kvv a sai onochi keyu hokmvno, hatak nana kia sasht ibbak ma ik fohko kashke, Sesa ya achakvilit pit im anoli li mak oke, achi tok.

12. Mihma Festvs vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kvv, Festvs a aiokpvchit aya hosh Sesalia ya itvlachi tok.

14. Micha yvmak ash ant ashwa na nitak kanohmi ma, Festvs vt Pal nana im a kaniohmi ya, miko im anolit, Hatak achvfa kvv talakchi na, Filiks vt issvt ia tok a ashvshke.

15. Mihi yo Cheluselem ont anta li ma, na holitompa

isht asha pehlichī vhleha, micha Chu in tikba vhleha aiena kv̄t nan im apesakbano, ahnit v̄m anoli tok.

16. Mihma afalaminchit, Anumpa onvtula tuk vt anumpa onochi yā nashuka bika ita sanali keyu, micha nana isht a kaniohmi nan ash onvtula tuk vt, mihma isht il anumpula he mv̄t, ik im v̄lhpeso kisha ka Lom okla hv̄t hatak nana kia illi issa, im ai v̄lhpesa chatuk keyu hoke; im achi li tuk.

17. Yohmi hatuk o ilvppa okla ai v̄la ma, ahchiba iksho ont onna ma, nan apesa ai o binili yā o binili lish hatak ash isht kohchvt v̄la chi ka, apesa li tok.

18. Mihma anumpa onochi vhleha yvt wakayvt hielī mv̄t, yakohma chi ka ahni li tuk amo, achv̄fali kia isht ik onochi ki tok.

19. Amba ilapo v̄ba pit anumpuli isht a tovt̄t maya, mik-mvt Chisvs illi tok, yvm̄mak o Pal ak osh yvm̄mv̄t okchaya kak pulla, miha kak o; yvm̄mak o anumpa isht onochi tok.

20. Mihma anumpa yvm̄ma chohmi ka, nan ai anukfilli ak ithano hatuk osh, Cheluselem ak o ona cha, yvm̄mak o ilvppa puta kash ot nan isht im ai v̄lh̄pisa hinlakma, nana ka i ponaklo li kv̄no.

21. Yohmi kia Pal vt anumpa hā Akv̄stvs vt atoshowa ka, hakla he pulla hō ahni ma, apesanchi tuk o Sesa yā pit in chv̄ffichi la he vt miha li tuk oke; ahanchi tok.

22. Mihma Ekilipa ash ot Festvs a, Ūno ak kia hatak yvm̄ma i haponaklo la hinla, im achi ma; Onna ha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kv̄t shema chinto fehna hosh itvlachi cha, kv̄pitv̄ni hochitoka vhleha, micha hatak holitompa vhleha tv̄maha asha tuk a, ai itapeha cha ai asht na haklo yā pit abeha ma, Festvs im anumpa hō Pal a isht kohchit v̄la tok.

24. Mihma Festvs ash ot, Ekilipa miko, micha hatak pi apehvt ilvppa hv̄sh maya kv̄t momvt hatak ilvppa, Chu okla laua yvt moyumvt, yvm̄mak okvt himmakma okchayvt ahanta na ahchiba he v̄lhpesa keyushke, ahanchit Cheluselem, micha ilvppak inli aiena ka, ai v̄m v̄la beka tuk mak o, hv̄sh pih̄isv̄shke.

25. Yohmi kia nana h_o isht ai illa he v_lhpesa ka yvmoh·mi tuk keyu; micha ilapo akinli mvt anumpa h_a achakalin·chit Akvstvs a im anoli mak atuk o, akostininchi li mvt, pit chvffichi ka vm-anukfihinla tuk okano.

26. Mih hosh nana h_o yvmma ai isht, a shahli h_a pit i holissochi li fehna hi vt ik sum iksho: yohmi hatuk osh nana im asilhvchi yak osh asht issa ha yokmvno, nanasi ka holissochi la he vt vm asha hinla kak osh kohchit hvchi tikba, micha chishno ak o fehna kak o chi tikbi ya ant hilechi lishke, miko Ekilipa ma!

27. Anumpa mvt isht ai onvtula ka atokowa ma anoli ka aieninchi h_o keyu kv_t, aboha kv_llo foka ya pit chvfficha he v_lhpisa keyu ka, vm ahoba hokvt; ahanchi tok oke.

CHAPTA XXVI.

Pal vt Ekilipa a itikba hiki_{vt} kaniohmit aya chatuk puta kv_t anoli, 1
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula ch_i kv_t, chim v_lhpesvshke, Pal a im achi tok. Mihma Pal ash ot ibbak a pit fahvmmi mvt, isht il anumpohonli tok.

2. Chu v_hleha yvt anumpa isht a sai onochi tok imma puta ka mominchit himak nitak a, chi tikba hiki_{vt} isht il anumpohonli la ch_i kv_t, na yukvt vm anukfihinlvshke, miko Ekilipa ma!

3. Chu okla i nan v_lhpisa puta, micha anumpa ai isht itachowa puta aiena ka, chishno vt chimponna pulla hatuk mak o; yohmi hoka achukmalit a haponaklokbano, chim ai ahnilishke.

4. Ulla sa tomba tok takla, yvmvmt vmmona ka vno vm okla talaia ai itin takla Cheluselem ak a tok oka, nana a kaniohmit mihinti li puta ka, Chu v_hleha yvt momvt itha·nvshke.

5. Ummona kash inli h_o, svthanvt isht auehinchi tok, yvmmak osh vbanumpa isht pim ikxa apissali kv_t moma i shahli, Falisi yosh ahanta li tok a, anola hinla chishke.

6. Micha Chihowa yvt hupin tikba vhleha ya anumpa ima tok a, a yimmi hatuk pulla hosh himonasi a hiki vt nan vm vlpisa mak oke.

7. Anumpa tok yvmmak o pisa ka, aiahni hosh pim okla auah tuklo kvv nitak, ninak puyuta ka Chihowa ya pit aiok-pahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Uno vt Chisvs Nasalet vta hohchifo ha i sanalit nana ka lauachit a si yvmohma he tuk oka, ahnit il anukfilli li mvhli tok.

10. Mihmvt na yvmmak ash Cheluselem a ai yvmihinchil i akinli tok; micha na holitompa isht asha pehlichil vhlaha yvt vm apesa hatuk o, vbanumpuli lauachit aboha kvlllo pit apihinta li tok; micha okla vba chi ka vno vt vlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchil li tok; micha yohmi ka i nukkilli li fehna hatuk osh issikkopali kvv, yakni inla tmaha puta kak kia isht aya li tok.

12. Yvmmak o na holitompa isht asha pehlichil vhlaha yvt atokowa, anumpa kvlllo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kvv shohmalali kvv hvshi a imaiya hosh, tommit vno, micha si apehvt nowvt aya tuk aiena kash a folupli na, pihisa li tok oke, miko ma!

14. Mihma momvt aka ont pi kaha ma, anumpa hvv vm anumpuli kvv, Heblu anumpa yo Sal, Sal ma! nanta katiohmi ho is svlvshali cho? Na halupa puta ho pit ish hvhli kvv chi palvmmi hoke; ahanchi na haiyaklo li tok.

15. Micha, Kvta chia hoh cho. Chitokaka ma! achi li tok. Mihma, Uno akosh Chisvs ish issikkopali a sia hoke.

16. Yohmi kia chishno a vbanumpa isht vta, mikmvt nana ish pisa tuk ilvppa, micha nana chim ottvvinchi likma,

yvmma puta ka ish anohonla he aiena ka, chikbi la chi, apis-sali ilvppa pulla hosh chi haiaka li hatuk oka; wakayvt chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yvmmak oka i holhponayo ha fatummi, anonti ai okhlilika ya a flvmmichit tohwikelika ya isht onvt, micha Setvn apchichi a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mako himak a pit chi chvffihinchilishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchil cha filemvt, Chihowa ya okla im ona cha, ile kostininchil yvt a yohmi ai vhpiesa ho yvmohmit aiasha hi a, vmmona ka, Tamaskvs, mikmvt Cheluselem, micha Chutia yakni afullota moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anukaka ya anta li ho, Chu vhleha yvt sashi cha, svi bvnvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kv nan a kaniohma he, Klaist vt illvsha he, micha yvmmak osh illi tani ka tikba he, micha okla hash, mikmvt okla nan ik ithano vhleha aiena ka tohwekali ka i haiakvcha he a, ahanchi tok a, yvmma nan isht inla yo miha keyu hosh avno, micha chipunta aiena ka im anohonli kv, himak nitak a sa moma hoke, ahanchi tok.

24. Yakohmichit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikivt

nukwaya ikshot anumpuli li akinlishke. Nana ilvppak okvt chukbika y_o a yvmohmi tok keyu hoka. A yakohmi puta kv_t achvfona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehnvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kv_t moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kv_t wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vlhpesa nana ka, nana ho a kaniohmi kv_t ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Festvs a im achi tok oke.

CHAPTA XXVII.

Pal vt peni fohkv_t Lom pila ia hosh aya, 1. 14 Mahli kv_{llo} vt peni a onvtula. 39 Yakni a ont ahayuchi cha okla hlakofi.

1. MICHA peni fohkv_t Itili ya il ona hi a ai vlhpisvt taha ma, Pal, micha aboha kv_{llo} fohka inla kaniohmi aiena ka, tvshka chipota Akvstv_s ai itapeha i kvpitv_{ni}, Chulivs hohchifo ho ibbak fohki tok.

2. Mihma Hlessalonika tvmaha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitv_n a ont il ataya tok; mih-

ma Chulivs vt Pal a i kana fehnvt isht aya mvt, i kanomi vhleha aiasha ka ona cha, impa hinla chohmi ka, im apesa tok.

4. Atuk o yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta ha pit il a hlopulli mvt, Lishi yakni, Maila tmaha ha e la tok.

6. Mih ho yvmmak o Aleksantia peni yvt Itili ya ia hosh aya na, kvpitvni hvt pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil i chapo kisha chiyuhmi ho, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo ho e la tok; yvmmak o bilika yo Lesi tmaha hvt talaia ha tok.

9. Atuk o ahchiebvt taha, micha nahullochi hvt ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvnihia fehna chishke, vhpoyak, micha peni aiena kak bano keyu; amba hvvim ilhfioyak vt aiena chi ka akostininchi lishke; im ahanchi tok.

11. Yohmi kia kvpitvni hash ot, peni vt immi hatuk, micha isht aya pehlichia aiena kak o i yimmi kvv, Pal vt nana anumpuli tuk a, im i shahli tok.

12. Micha peni ai ataya yokvt hvstula ya aiasha achukma keyu hatuk o, yvmma asht achakvlit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia ho, ona cha hvstula ya yvmmak o okla asha hi a, miha kak osh laua kvv i shahli tok.

13. Atuk o oka mahli hvt lomvt mahli ma, okla nan ahni tuk vt im vhpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yummak atuk a hopaki keyu ho, mahli kvllo fehna tobt, Yulaklitn hohchifo hosh ai isso tok.

15. Mihma peni vt atapvchit knia cha, mahli ha a sanalit ia he keyu ma, ant shalit isht ik ayá, il ahni tok.

16. Mihma shalit ishtia ma, yakni tashaiyi achvfa Kilati hohchifo ho nutaka ona ma, penushi yak osh palvmmi ho isht e mihinti tok.

17. Yummak ash o okla hvlat ishi mvt, apelvchi kv peni chito ash afohlit takehi mvt; anonti ik yohmokma, okchv-nak ont ai issa hinla ka, nukshopa kv na hvta ha ai akvchi na shalit isht aya tok.

18. Atuk o mahli kvllo ka e takakanlit aya fehna hatuk o, ont onna ma, peni a okla shohhvlachi tok.

19. Atuk osh nitak ont atuchina ma, pishno pibbak akinli ho peni isht talakehi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kvllo mvt atampa fehna hosh pi onvtuyula ma, pi okchaya he pit ahomba kash ot, momvt pi knia tok oke.

21. Yohmi kia okla ik impo ho hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofa ke tuk osh, nan okpulo, micha nan knia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfopak vt a knia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yummak o immi sia hosh, mihi yo im atihya li yatuk mak o, im enchil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yvmma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kv̄t ont v̄lhpiesa ch̄i ka, Chihowa ī sai yimmi hoka.

26. Yohmi kia yakni tashaiyi kaniohmi h̄o, ont iloh ̄ hlatapa ch̄i hoke; achi tok.

27. Yvmohmi tuk ̄ ninak vt ont isht auah ushta mak ̄ Atelia okhv̄ta h̄a e fullokahanchi na, nin̄vk ikl̄vna foka ma, peni isht aya v̄hleha hash ot yakni nana mak ̄ pit bil̄ika ona h̄o, im ahoba tok.

28. Micha oka ya apesa mvt, ashat̄pa pokoli tuklo h̄o akostin̄nichi tok; atuk osh achak̄vit ivt mishema ona mvt, anonti apesa ma, ashat̄pa auah tahlapi na pisa tok.

29. Mihmvt t̄vli hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish a pit ai okv̄chi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhv̄ta h̄a pit oka talali mvt, yakni isht yichifi ya peni chito itikba ya pit ai oka kapulla hi a ahoba ma,

31. Pal vt, kv̄pit̄ni, micha tv̄shka chipota v̄hleha aiena kash, Yakohmi kak osh peni chito an̄ukaka ya maya h̄o ke-yukma, hv̄chi okchaya he keyushke; im achi tok.

32. Mihma tv̄shka chipota v̄hleha yvt peni ushi isht-talakchi ya chanlit hokofi na akia tok.

33. Atuk ̄ onnvt mihinti ma, Pal ash ot, momvt impa hinla ka, im ahni mvt, Nahullochit hv̄sh ah̄ashwa cha, nana kia hv̄chik impo mak ̄ himak vt nitak ont isht auah-ushtv̄shke.

34. Yohmi hoka nanasi hv̄sh impa hinla ka hv̄chim ahni lishke. Ilv̄ppak ̄ hv̄sh ai okchaya ch̄i mak okvt; hv̄sh ach̄v̄fona kia chi noshkobo h̄a p̄ashi vt ai akia ch̄i keyu mak oke; achi tok.

35. Yakohmih̄chit anumpulit tabli mvt, p̄vska ya eshi cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yvmmak ash kia okla impa tok.

37. Micha peni il alhto kv̄t e moma kv̄t hatak tablepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush a okla okhv̄ta pit oka hlahlit peni a shohhalali tok.

39. Atuk o onnvt taha ma, yakni ya okla ik ithano ki tok; yohmi kia okhv̄ta filvmm̄inchi yvt v̄hli hv̄t auet asha h̄o, okla pit pisa mvt, yohma hinla yobakma, yv̄m̄nia peni ya ont fohka ch̄i kv̄t okla im anukfila tok.

40. Micha isht yichifi ya okla kohchit aiowa mvt, okhv̄ta h̄a okla im ile kaiyanchit peni isht afana isht talakchi a hotofi cha, nan tohbi shv̄pha wishakchi fehna takali ya mahli h̄a pit a asanalichit v̄ba takalichi mvt, oka v̄hli pilla ka, okla ia tok.

41. Micha okhv̄ta tuklo ai itafama ya pit v̄lhto cha, peni ash yakni ont on talali tok; mihma ibbish imma kv̄to a kv̄llot kv̄nia cha ilhkola he keyu hosh talaya ma, amba hasimbish pila hamo oka banv̄tha kv̄llo fena kv̄t okpv̄nit kanchi tok.

42. Mihma tv̄shka chipota v̄hleha hash ot aboha kv̄llo v̄lh̄pita yatuk a v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kv̄pitv̄ni hv̄t Pal a okchal̄inchi b̄v̄nna hatuk osh, okla nan ahni tuk a im olv̄bbi tok; mihmvt kanima hosh okyohla hinla kak osh t̄ikba okhv̄ta h̄a pit oka kahvt kocha ona ch̄i ka,

44. Mikma inla kanimi kv̄t iti b̄v̄sha ȳo o binohli ma, kanimi mvt peni pahlahli yak o o binohla ch̄i h̄o, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apehv̄t aya tuk aiena kash okla nan ik ithano v̄hleha hv̄t i kana fehna, 1. 8 Pal vt yakni tashaiyi abeka aiasha tuk a laua h̄o hlakofichi. 16 Pal vt Lom a v̄la mvt, Chu okla h̄a v̄bi isht im anumpuli.

1. MICHA okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt pi kana kv̄t peh chohmi tok keyu; mihma uhumba hatuk, mīcha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mv̄t, Ik kaniohmi kia hatak ilvppvt hatak bika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik antá, ahni keyu hoke; ilap bika itim achit maya tok.

5. Mihma sinti yash fahlit luak pit itvchi mv̄t, nan ik kanihmo ki tok.

6. Yohmi kia shatalikmá, keyukmv̄t ashalika illit aka itulakmá nana chi kak o, im ahobvt maya tok; yohmi tuk kia okla pisa na hopaki ho, nan ik i kanihmo ho pisa mv̄t, invchit im anukfila mv̄t, yvmmak ash nan isht-ahullo hoka, achi tok.

7. Yakni yvmmak oka yakni tashaiyi ya apelihchi Pv̄blivs hohchifo ho, im osapa yosh talohmaya tok. Atuk osh yvmmvt pi kana achukmv̄t pehlichit pishi na, nitak tuchina il ashwa tok.

8. Atuk o yakohmi tok, Pv̄blivs iki vt yv̄nha, mīcha isish ikfia aiena ho isht abeka hosh ittoyula tok; atuk o Pal vt yvmmak ash ont iba chukowa cha, vba pit anumpulit ibbak a isht umbitepa mv̄t, hlakofichi tok.

9. Ilvppvt a yakohmi ma inlaka ak kia, yakni tashaiyi yvmma abeka maya tuk vt ai vlv̄t hlakehōfi tok.

10. Micha yvmmak okv̄t nan isht a holitopa laua ka isht pi holitobli tok; mīcha kocha il ilhkoli ma, nana kia isht aya he v̄lhpesa puta ka okla pi shaliichi tok.

11. Mihma hvshi tuchina kv̄t taha ma, Aleksantia peni yosh yvmmvt yakni tashaiyi yak o hvshtula ya takanli tok; mīcha hohchifo mv̄t Kasta, mikmv̄t Palvks aiena hosh lapali ho, pit vlhtot il ilhkoli tok.

12. Micha Sailekus a ont il ataya cha, yvmma il ashwa na nitak tuchina tok.

13. Yvmma asht e minti mvt apakfompvt mihintit Lichi-vm a e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vhli kak o, ant a pi afamvt itvnova tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom a okla il ai vla ma, kvpitvni hvt aboha kullo vlhpita yatuk a nan apesvchi i kvpitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kvv iksho nana kia, Cheluselem a vttvt talakchi yosh Lom okla ha ibbak fohka li hokvno.

18. Atuk o yvmmak ashot okla achukmalit vm asilhhvchit taiyahli mvt, isht ai illa he vlhpesa mvt, si a takali keyu hatuk oka okla a hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaia ka nana ho isht ai atokoli la hi vt vm asha ha tok o keyushke.

20. Yvmohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvi ita-takvli ilvppvt isht sa talaiyakchi hokvt; im ahanchi tok.

21. Mihma, Chishno a chi nanumachi holisso kvv Chutia ya minti kvv ik pim vlo; yohmikma il itibapishi vhleha ak kia ai vla kvv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba ikxa ilvppak okvno na mihachi kv̄t kanima mominchi hoka, il ikhaiyanvshke; okla im achi tok.

23. Micha nitak okla pit im apesa tuk o, laua kv̄t ai vtta ya okla ant iba chukowa tok; mihma yvmmak osh Chihowa apēhlichika ya atokolit im anolit, Moses i nan-vlhpisa, micha hopaii vhleha i holisso puta ka akohchit, Chisvs a isht ai anukfohkichit ahanta na onnahnli tuk vt opia tok oke.

24. Yohmi ma nana kv̄t anumpa tuk puta ka kanimi kv̄to yimmi ma, anonti kanimi mvt ik yimmo ki tok.

25. Micha okla ik ai it achvfo mvt, Pal vt anumpa achvfa anumpulit, Shilombish Holitopa yvt hopaii Esaias a, ahli hosh ai isht anumpulit hv̄pin tikba vhleha ya,

26. Oh ia cha, okla ilvppa haklo hokvno hv̄sh haklo kia hv̄chik akostinincho ka hi oke; mikmvt pisa hokvno hv̄sh pisa kia, yakohmi hv̄chik ai ahno ka hi oke; hv̄sh in ahanchashke.

27. Yvmmak keyukmvt nishkin a ishit pisa cha, anonti haksobish ma, ishit haklokmvt, anonti chukvsh a akostininchi cha inlv̄t im anukfila na, hlakofichi la hinla ka, okla ilvppa chukvsh vt nusilhha fehvt taha ma, anonti haksobish mvt haponaklo kv̄t in takobi ma, anonti nishkin a okla okhishta hoka; im ahanchi tok.

28. Yvmohmi hoka, Chihowa yvt isht ai okchalinechi ya okla inla puta kak o ima ka, yvmmak okv̄to haponakla chi hoke, hv̄sh ithaiyanashke; achi ma, tisheli tok.

29. Yvmmvt anumpa ilvppa ahanchit ont issa ma, Chu vhleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afv̄m̄mi tuklo vlhpiesa hlopulli tok; yohmi mvt kv̄na hosh i nowvt ayvt vla ka aiokpahanchi banot,

31. Chihowa apēhlichika ya isht anumpulit, hatak nana hosh im alv̄m̄mi iksho ho, nana kv̄t Chitokaka Chisvs Klaist a pit ai ahalaiā putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HO I HOLISSOCHI TOK.

CHAPTA I.

Ubanumpa yimmi Lom aiasha ka Pal vt pit aiokpuchi, 1; 16 Ubanumpa hvt nana, micha nan vllhpiesa nana ho isht otaiyani; 18 nashuchi moma ka Chihowa yvt i nukkilli; 21 nan ik ithano okla nan im ai ashuchika yvt nana hatuk okma anoli.

1. PAL, Chisvs Klaist in tishu, apostel toba kv, Chihowa im vbanumpa isht vtta hi osh vlhtoka tok vt,

2. Ymma tikba pilla kash o Chihowa hvt Holisso Holitopa yak o i hopaii vhleha ha isht ai anohonli kv,

3. Ilap Ushi Chisvs Klaist hvpin Chitokaka, ymmvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ahli fehna kv isht otaiyani ai okluha tok:

5. Ymmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kv vbanumpa ha im antia na ilap hoehifo hvt isht a holitopa hi atok:

6. Ymmak o ibai achvvt Chisvs Klaist a im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv hvchi anukfoyukashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohovvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yvmmak oka ilap Ushi im vbanumpa hak o ai isht sa shilombish oka isht in toksahanli li kv̄t, anumpa ilbvsha anumpuli li puta kv̄t pit hv̄ch ithaiyana bieka nosh, isht hv̄chi anumpohonli li kv̄t ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekv̄t ayv̄t, Chihowa yak osh ai ahni pulla na hv̄chim ona la he ak osh asih̄hla lishke.

11. Yohmi ka hv̄chi pisa sa bv̄nna fehna kv̄t, shilombish isht im achukma he yak o hv̄chi hopela li, nana ka isht hv̄chi hlampka hi atok.

12. Ilv̄ppv̄t nana ka hv̄ch ibai yukpa li hokbano, na yimmi b̄ika pia hatuk oka, achi li hoke.

13. Yohmi ka itibapishi li v̄hleha ma! hv̄ch im ona la hi okv̄t himonna vm anukfihinla kv̄t, nan-vni kaniohmi ka hv̄ch itintakla ya ai ishi li kv̄t, Chentail inla v̄hleha ha ai ih̄ishi li tok a chiyuhmi ak inlikbano ahni li tuk k̄ia, si ataklama na himak a hv̄ch ik ithano ka he ai ahni li keyu hoke.

14. Klik, micha Bv̄lbaha v̄hleha, nan ithana, nan ik ithano aiena ka vbanumpa ha isht im anumpohonli la he vm vl̄hpisa hoke.

15. Yohmi hoka, vno yokv̄to Lom hv̄sh ai asha kak kia, vbanumpa isht hv̄chim anumpohonli la chi kv̄t vm vl̄htaha hoke.

16. Yohmi ka Klaist im vbanumpa ha i sa hofahya he keyu hoke: yohmi ka yvmmak okv̄t Chihowa nan im ai ah̄li pulla hatuk ak o kv̄na hosh yimmi puta hokv̄to isht ai okchaya hoke; vmmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yvmmak o na yimmi ak atuk pulla kak o Chihowa i nan isht okchal̄inchi yv̄t na yimmi v̄hleha ha im otaiyani hoke; holih̄iso kv̄t, Ai-vl̄hpiesa yokv̄to na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkilli yv̄t hatak vt Chihowa ik holitoblo, micha nan ai vl̄hpiesa

keyu yvmohmi puta kv̄t anumpa ai aḥli ka ataklvmmi kak ǝ onvtuyula hosh otaiyani hoka.

19. Yohmi ka Chihowa imma ka isht ithvna hinla ka ilap inli kv̄t isht otaiyani hoka, Chihowa yak osh i haiakvchi hatuk oka.

20. Yohmi ka yakni, micha nan okluha vba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okluha tohomba tok a Chihowa nan okluha im ai aḥli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokvt, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobtv, chukvsh anukfila iksho yvt okhlilit kv̄nia tok.

22. Yvmmvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kanchit na holbvt toba hatak illa he, micha hushi, micha nam-poa iyi ushta, micha nana balali puta aiena ka holbvt toba hǝ holitobli tok.

24. Yvmohmi hatuk ak ǝ Chihowa hokvt ilap inli chukvsh okpulo nan ai ahni puta kak atuk mak ǝ na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke :

25. Yohmi ka yvmmvt Chihowa i nan ai aḥli yoka holabi yǝ isht ai ikbi cha, natoba yak ǝ aiokpvchit, in toksahanli kv̄t Nan ikbi ya i shahlichit tok: yvmmak okvto holitopvt bilia yoke. Amen.

26. Ilvppak atuk pulla kak ǝ Chihowa hv̄t ant ik yvmohmi ai ahni hǝ, havi isht ile hofahyali ilaiyuka ka ai yvmohmi tok. Yohmi kv̄t ohoyo hak kia nana ka ai yvmohma he atuk ash ǝ ai inlvchit, ohoyo hv̄t ai yvmohma he atuk keyv ka yvmohmi tok.

27. Mihma nakni yak kia ohoyo hak ǝ ai yvmohma he atuk vt issa cha, it i havi anukfilli kv̄t luhuwa fehna mv̄t, nakni vt nakni bika ka isht a hofahya yak ǝ it i yvmihinchi

hosh, ilap nan ai ashvchika isht vlhtoba ai vlpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvnno hatuk oka, Chihowa hv ant ik yvmohmi ai ahni hq, im anukfila okpulo yoka nan isht ai ahni hosh, nan isht a hofahya he puta ka yvmihinchitok.

29. Yohmi hosh nan ai vlpiesa keyu, itin lumaka, nan okpulo anukfilli, nan anushkunna, inla chukvsh hotopali bvnna, nan it i potvno, hatak bika vbi, itachowa, it i haksichi, nan isht i nukkilli, inla lumvt na mihachi aiena ka isht ai alotovvt kvnia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehntchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlpisa kobvfit shahli, im vlla i hullo ik im iksho, it i hopohla himma keyu, it i nukhaklo ik im iksho:

32. Yvmmak okvt Chihowa i nan vlpisa yvt, kvna hosh nana yvma chiyuhmi ka yvmihinchitok isht ai illa he vlpiesa achi ka ithana kia; yvma yvmihinchitok kak bano keyu, amba kvna hosh yvmihinchitok mak o isht im ai achukma hoke.

CHAPTER II.

Kvna hosh nanashvchi hokvto nana hq isht apelpoacha hi vt ik im iksho, 1: 6 mikmvt Chu yokma, keyukmvt Chentail okma, nana hatuk oh kia Chihowa i nan vlpisa ha im a hlakofa he keyu.

1. YVMOHMI ka kvna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma! kvna chia hosh inla anumpa ish onochi hokmvt, nana yvmmak ash inli hq ish ai yvmohmi chatuk okvt; nana hq inla ya ish onochi kv, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

Chihowa yokvt ai ahli mak o nan vlhpisa ya onochi hoka il ithaiynvshke.

3. Yohmi ka hatak chia ma! nana yvmma yvmihinchi puta ka anumpa ish onochi mvt, yvmmak ash inli ho ish yvmihinchi kv, Chihowa i nan vlhpisa ya ish ai i hlakofa hinla, chim ahoba cho?

4. Micha Chihowa isht chi kana ya isht ish ile kostinicha he atuk vt chik ithaiyano hosh, isht chi kana fehnvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kvlo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlhpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnahanlishke.

6. Yvmmak okvto hatak puta kv ilap nana kaniohmi tok ak o isht ai im atobba hi oke.

7. Yohmi kv kvna hosh nuktaiyavt achunanchit nan achukma yvmohmi kv, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kvna hosh Chihowa ya i sanali, micha anumpa ai ahli ik holitoblo hosh, amba nan ai vlhpiesa keyu a yvmohmi hokvno, isht i nukkilli chinto kv onvtuyula hi oke,

9. Micha hatak nan ik achukmo yvmihchi puta hokvno isht ai ilbvsha, micha isht anukhvmmi aiena hosh onvtuyula kv; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmihinchi puta hokvno onvtuyula he; yohmi kv Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichhi kv ik im iksho hoke.

12. Yohmi ka laua kaniohmi hosh vba nan vlhpisa yvt ik im iksho hosh nan ashahanchi hokvto, vba nan vlhpisa iksho ho ai okpulo kv kvnia mak inla he; mikma laua kaniohmi hosh vba nan vlhpisa yvt in tonla hosh nan ashahan-

chi hatuk mut, vba nan vlhpisa yak o nan isht ai im vlhpisa hi oke :

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpiesa ho keyu, amba vba nan vlhpisa ya yvmihinchichi vhleha hak osh ai vlhpiesa hoke.

14. Yohmi ka Chentail vba nan vlhpisa ik im iksho vhleha hvt ilap nan anukfilli hosh nana a kaniohma he vba nan vlhpisa ya foka tuk a yvmihchi hokmut, yvmmut vba nan vlhpisa yvt ik im iksho ak inli kia, ilap ash inli hosh isht im il i nan vlhpisa yoke.

15. Yvmmak osh vba nan vlhpisa yvt nan i miha ka otv-ninchichi kvt i chukvsh oka ai o holihiso ho, ilap nan isht il akostininchichi yak kia nan atokowa ka ibai anohonli, mikma im anukfila puta kvt i himmak ano ilap ash inli hosh an-umpa isht il onochi, isht il achukmali, kanimampo ka it im anohonli hoke.

16. Yohmi kvt Chihowa hokvt vm vbanumpa ak atuk pulla kak o Chisus Klaist oka ishit hatak im anukfila luma puta tuk a nan im apesa he nitak yvmmak fehna ka yvmohma hi oke.

17. Yakeh ! Chu chi hohchifo kvt, vba nan vlhpisa ya ish anukchieto hosh Chihowa ya isht ish ilauata ;

18. Micha vba nan vlhpisa ya isht a chim vlbvchi hatuk osh, nan ai ahni ka ish ithana, micha nan achukma i shahli ka ish holidobli hoke ;

19. Micha nishkin tamoa ya in tikba hika, ai okhlilika anukaka aiasha ka im pvla sia hoke, ai ahnit ish ile yimmi hokvt ;

20. Micha im anukfila iksho kostininchichi, vlla chipinta nan im avbchi, nan ithana, micha nan ai ahli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho ? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho ?

22. Hatak vt itin lumaka he keyu, ish ahaya hokak osh, ish itin lumaka cho ? Na holbut toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vlhpisa isht ish ilauata ho kak osh, vba nan vlhpisa yash kobvfit Chihowa ya isht chik holitoblo cho?

24. Yohmi ka, Yohma hi o holihiso hatok oka, Chihowa hohchifo hvt Chentail vhleha ha ai i kvllakshi kvv hvehishno yak atuk pulla kak oke.

25. Yohmi ka vba nan vlhpisa yak o ish holitoblik mvno, hakshup tupa yvt isht ai achukma ai ahli; amba vba nan vlhpisa ya, ish kobvfi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmvt, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vlhpisa ya holitobli hokmvt, chishno yokvt holisso hvt chin tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kvto hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchu keyu, amba Chihowa yak oke.

CHAPTA III.

Chu okla nan isht im achukma kvv i shahli, 1. 9 Uba nan vlhpisa yvt nanashvchi Chu a isht im atokowa; 20 hatak nana hosh vba nan vlhpisa ya isht ai vlhpiesa he keyu: moma kvv na yimmi ho isht ai vlhpiesa; yohmi kia vba nan vlhpisa yvt akshot kvnia keyu.

1. YOHMI ka Chu hvt nanta isht i shahli ho ishi ho? micha hakshup tupa ya nanta hak o isht im ai achukma ho?

2. Ai okluha bieka; vmmona ka Chihowa im anunpa hvt ibbak a foyuka hatok oka.

3. Yohmi ka kaniohmi kvv ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ahli yoka ik ai ahlecho hō?

4. Ik yvmohmo pullashke; ahli, Chihowa hokvto ai ahlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ahla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvt nan ai vlhpiesa yvmohmi ka otvninchi hokmvno, nanta hak o il acha hinla hō? Chihowa hvt na palvmmi ka onochi kvt ik ai vlhpieso hō? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmvno, Chihowa hvt okla moyuma ka katiohmit nan im apesa hinla hō?

7. Yohmi ka Chihowa nan isht ai ahli yokvt vno ak osh holabi li kak o isht i shahlit otvni na ilap vt isht a holiropa hokak o, nanta katiohmi hō nan ashvchi yo chiyuhmit nan vm vlhpisa hinla ak inli hō?

8. Amba nan ik ahlo isht a pi annohōwa kv, nan ik achukmo kak o e yvmohmi na nana kv isht ai achukmashke, il achi hō katiohmi hokak heto kvloochit anohonli hatuk a, nanta katiohmi hō ke yvmohmo cho? yummak ash nan vlhpisa hvt onvtuyula he vt ai vlhpiesa hoke.

9. Yakohmi ka katiohmi hō? isht a pim achukma kv ymma il i shahli hō? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nuta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kv iksho; achvfa kia Chihowa ya hohoyo kv iksho hoke.

12. Moyuma kv naksika yo itvnohōwa, moyuma kv itapiht isht ai achukma hi vt iksho; achvfa kia nana achukma yvmihchi kv iksho; achvfa kia iksho hoke.

13. Ishit nvlli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi anukaka ya foka hoke:

14. Inla ya nan okpulo im ai ahnit anumpuli, micha anumpa na hotopali aiena kv̄t itih h̄a alotowa hoke.

15. Iyi yv̄t issish a blatahampla ch̄i kv̄t pvlhki hoke.

16. Isht ai okpulo, micha isht ai ilbvsha aiena kv̄t i hina ya foyuka hoke :

17. Isht it i nanaiya hina ya ik ithano chatuk oke.

18. Chihowa isht i nukshopa yv̄t nishkin itikba ya ik im iksho hoke.

19. Yohmi ka nana h̄o vba nan vlhpisa yv̄t achi kv̄t, k̄vna hosh vba nan vlhpisa i nuta ai asha kak o im achi ka il ithana ; yohmi na itih puta kv̄t vlhkuma hi atok ; micha okla moyuma kv̄t Chihowa itikba ya nan vlhpisa yv̄t ai onvtula hi atok.

20. Yvmohmi hoka nan isht ai v̄tta vba nan vlhpisa yv̄t ai ahni kak o hatak nana kia itikba ya ai vlhpiesa he keyu hoke ; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kv̄t vba nan vlhpisa holitobli kak o keyu, Chihowa hv̄t atahli tok a otaiyani kv̄t, vba nan vlhpisa, micha hopaii vhleha hv̄t nan atokowa anohonli tok ak atok :

22. Yvmmv̄t Chihowa i nan ai vlhpiesa Chisvs Klaist i yimmi kak o a minti mak osh moyuma ka im annohowa, micha yimmi moyuma, kv̄t anukfoyuka ; it im inla kv̄t iksho hoka :

23. Yohmi ka moyuma kv̄t nan ashvchi hatuk, micha Chihowa hv̄t ai ahninha hi a ik ono hatuk oka :

24. Chisvs Klaist v̄t isht vlhtoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke :

25. Yvmmak oka im issish a anukchieto hokmak o, Chihowa hv̄t haiakvchi tok ; yohmi hosh Chihowa hv̄t na palvmmi onocha hi osh ile halanlit, tikba nan ai ashahanchi tok a i kashofi kv̄t, nan isht ai vlhpiesa otvninha hi osh yvmohmi tok :

26. Yohmi hosh himonasi ya nan isht ai vlhpiesa ya otvninha ch̄i hosh yvmohmi kv̄t, Chisvs ak o i yimmi hokvno

nan ai ashvchika ya ai vlhpiesachi kv̄t, ilap vt ai vlhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlhpisa nanta hak o isht ai akshu ho? nan isht vtta nan vlhpisa hak o? Keyu, amba na yimmi nan vlhpisa kak oke.

28. Yvmohmi hoka hatak vt vba nan vlhpisa ya holitobli tok ak o keyu, amba na yimmi pulla kak osh isht ai vlhpiesa il ai ahnishke.

29. Chihowa hv̄t Chu ak illa in Chihowa ho? yvmmv̄t Chentail ak kia in Chihowa ak inli keyu ho? Ahli, Chentail ak kia in Chihowa hoke;

30. Yohmi ka hakshup tupa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlhpiesacha hi vt Chihowa achv̄fa illa hoka.

31. Yohmi ka na yimmi yatuk pulla kak o vba nan vlhpisa ya il akshochi ho? Ik yvmohmo pullashke: amba vba nan vlhpisa yak o il ai ahlich̄i hoke.

CHAPTER IV

Eblaham vt na yimmi hosh ai vlhpesa isht hohchifo, 1 : 18 na yimm̄i moma hokvno Eblaham vt iki; 26 na hv̄pim a yimmi ka yak kia ai vlhpiesa isht pi hohchifa chi.

1. YOHMI ka piki Eblaham vt hakn̄ip imma hokvno nanta hak o ahayuchi tok o, il acha hinla ho?

2. Yohmi ka Eblaham vt vba nan vlhpisa ya isht ahanta kak osh isht ai vlhpiesa hokmv̄t, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi ho? Eblaham vt Chihowa ya i yimmi kak osh nan isht ai vlhpiesa yvt imm̄i toba tok.

4. Yohmi ka na toksahanli ka isht im vlhtoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashv̄chi ya ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yvmma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilai-yukpa ka Lewi ak kia isht anumpuli kv,

7. Kva hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yvmmvt na yukpvshke, achi tok.

9. Yohmi ka nan isht ilaiyukpa ilvppvvt hakshup tupa ak illa ho immi ho ? keyukmvt hakshup ik tapo yak kia aiena ho ? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok o ? hakshup tupa hayak atok o ? keyukmvt hakshup ik tapo kisha kak atok o ? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak o hakshup ik tapo kash inli hosh ishi tok ; yohmi kv hakshup ik tapo kia, yimmi hokvno moyuma ka iki ya hi atok ; yohmi ho yvmmak kia nan isht ai vlhpiesa yvt immi ak inla hi atok :

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohwa tok ak o iakaiya yvmmak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yvmma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palvmmi yoka ; yohmi ka nan vlhpisa iksho hokvno, nan vlhpisa kobvfi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlhpiesa kak oke: yohmi h_o yvmmak ash isht atiaka moyuma ka nan im issa tok ash im ai ahla hi-atok: isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ahla hi atok.

17. Yohmi ka, Oklushi l_{awa} ka iki y_o chikbi li tok; achi kv_t holihiso hatok ak o yohmi hoke; Chihowa i yimmi tok yvmmak osh illi y_a tanihinch_i, micha nana kv_t ik yvmohmo kisha kia, yohmi tuk ash inli h_o chohmichit isht anumpo-honli yvmmak o itikba ai yvmohmi hoke.

18. Yvmmv_t yohma he ik ahobo fehna kia, yohmi pulla ch_i ahnit, oklushi l_{awa} ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi hv_t yvmohma hi oke.

19. Yohmi kv_t yimmi kv_t ik kullo keyu hokv_t, sipokni kv_t afv_mmi tahlepa achvfa foka kia, ilap haknip vt himo-nasi kv_{no} illi, micha Sela im oshvto yv_t illi, ai ahni tok keyu.

20. Chihowa hv_t nan im issa tok ash ik yimmot anuk-tuklo keyu; amba yimmi kv_t kullo hatuk osh Chihowa h_a holitohombli tok:

21. Mich_a nan im ihisa hatuk vt ai ahlicha he bano aiena ka nukfoyuka fehna tok.

22. Mich_a yvmohmi kak o nan isht ai vlhpiesa yv_t immi toba tok.

23. Yohmi ka yvmmv_t immi toba tok a, holihiso kak osh ilap ak atuk illa hak atok keyu:

24. Amba pishno ak kia p_i holihiso ak inli tok; pin Chitokaka Chisvs okv_t illi tuk a falaminchit tanichi tok a il i yimmi hokmv_t, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak o illa ch_i hosh im vlhpisa tuk osh, isht pi ai vlhpiesa he mak o anonti falamv_t tani tok.

CHAPTA V.

Na yimmi hō isht a pi vlhpiesa hokmak osh nan isht i kana Chihowa il ibai ishi, 1; 8 in tēvvp pia hatuk kia Chisvs im issish pulla hō il itin nanaiya tok; 10 il itin nanaiya hokvt hōpi okchaya chi pulla; 12 nanashvchi, micha nan illi itatuklo kv̄t Alvm ak o minti tok; yohmi hoka nan ai vlhpiesa micha nan okchaya itatuklo kv̄t Chisvs Klaist akō a minti hoke.

1. YUMOHI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hielī ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhukpvshke.

3. Micha yvmmak illa keyu, amba na palvmmi puta ak atuk mak o pi yuhukpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikmvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; micha Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Micha ai okchaya pisa he ahni yvt hofahyali keyu; Shilombish Holitopa yvt pi anukfoka hatuk osh Chihowa isht i hullo ya lauachit pi chukvsh anukaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kv̄t vlhtobvt illa he keyu chiyuhmi; amba hatak achukma yokvno kaniohmi kv̄t vlhtobvt illi kv̄t ik nukwiyo ka hinla chishke.

8. Amba Chihowa hokvto isht pi hullo otvninchi kv̄t, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yvmmak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in tnvvp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yvmmak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhukpa fehna cha, yvmmak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla ho ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kv ashahanchi hatuk oka.

13. Yohmi ka vba nan vlhpisa yvt ik holisso kisha ho ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alv m ai ahantvt Moses ai ahanta ant ai vhli Alv nan ashahanchi tok a chohmi keyu moyuma kak kia nan illi yokvt i shaiyahli tok; yvmmak ash ot vla hi atok yvma isht vlhpisa hoke.

15. Amba nan ai ashvchika yash o na hvlbina yvto ik chiyuhmo hoke. Yohmi ka achvfa hosh nan ashvchi kak o moyuma kv illi hokma, Chihowa hv isht i kana, micha isht i kana yak o isht a hvlbina yvt isht i shahli fehnvt, Chisvs Klaist, hatak achvfa, yvmmak atuk pulla kak o moyuma ka in laua hoke.

16. Micha achvfa nan ai ashvchi tok ash o na hvlbina yokvto chiyuhmi keyu hoke: yohmi ka ai ashvchika achvfa nan im vlhpisa kv isht ai i palvmmi yatok, amba pilla na hvlbina yak okvto ai ashvchika lava isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i shaiyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehnvt, hatak achvfa, Chisvs Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvv isht im vlhpisa tok ash inli chiyuhmit, achvfa i nan isht ai vlhpiesa yak pulla kak o pilla na hvlbina ai ashvchika i kashofvt isht ai vlhpiesv okchaya hi vt hatak moyuma ka im aya hatok.

19. Hatak achvfa kash osh ik im antio pulla kak o moma kvv nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvv ai vlhpiesa toba hi oke.

20. Anonti ai ashvchika yvt lawa chi mak o, vba nan-vlhpisa yvt aya tok: yohmi kia ai ashvchika yvt lawa ma, isht i kana yvt isht i shahli fehnvt lawa tok.

21. Yohmi ka ai ashvchika yvt imaiyvt illihinch i tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisvs Klaist atuk pulla mak o, isht okchalinch i bilia hi atok.

CHAPTER VI.

Nanashvchi il ai ahanta he keyu, 1; 3 na baptismo pulla hosh yvm-mak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvv i shahlo kashke: 22 nanashvchi atoksali isht im vltoba kvv nan illi.

1. YOHMI ka nanta hak o il acha hinla ho? Isht i kana yvt laua chi mak o, isht ai ashvchika ya e mahaya hinla ho?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmmak ash inli ho il ai ahanta moma hinla ho?

3. Yohmi ka Chisvs Klaist ak o im a baptismo kvv, illi tok a isht a pi baptismo ak inli hatuk a, hvch ik ithano ho?

4. Yvmohmi ka pi baptismo pulla kak osh illit il iba hol-

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishno yak kia himonvt toba yosh il itvnova hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulot kvnia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yvmma ibai illi hatok, ilvppa il ithana hoka.

7. Yohmi ka kvna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yvmmak inli ho chiyuhmit hvchishno yak kia ai ashvchika ya il im illi ho mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yvmma hvch ik im antio kashke.

13. Hvchi haknip moyuma ka vlhpesa ahnit, nan ik ai vlhpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlhpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlhpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlhpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tobt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antivt isht ai vlhpiesa yak okmá, kanimampo yoke.

17. Amba ai ashvchika ya i yuka hvchia hatok ak inli kia, nan isht vlbvchi kaniohmi ho hvchim vlbvchi hatok vt hvchi chukvsh ak o isht hvsh holitobli hatuk ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi laknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai ashvchika ya i yuka hosh hvsh ai asha mvt, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yvmak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatuk osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yvmvt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vlhtoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

CHAPTER VII

Okchayvt anta kak illa hō vba nan vļhpisa yvt onvtuyula, 1, 4 yohmi ka vba nan vļhpisa ya il im illi tok; 7 yohmi kia vba nan vļhpisa yvt nanashvchi keyu; 12 amba holitopa vļhpiesa, micha achukma; nan vļhpisa ya holitobli kv̄t ik onancho kak osh Pal vt nukhāklo tok.

1. ITIBAPISHI li vļleha ma! nan vļhpisa ya ithana vļleha hak o im anumpuli lishke; yohmi ka hatak vt okchaya takla ka nan vļhpisa yvt i shaiyahli hoka hvch ik ithano cho?

2. Yohmi ka ohoyo hv̄t i hatak ashakmv̄t, nan vļhpisa ya nutaka ahanta hatuk osh, i hatak vt okchaya takla ka i filv̄mma he keyu; amba i hatak ak osh illi hok mv̄no, i hatak a i filv̄mma he keyu nan vļhpisa yash o ai i mokofa hoke.

3. Yvmohmi hatuk o i hatak vt okchaya takla hō, hatak inla auwaya hokmv̄to, havi hohchifa hi oke; amba i hatak vt illi hokmv̄no, nan vļhpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vļleha ma! hvchishno yak kia Chisvs Klaist haknip atuk pulla mak o nan vļhpisa ya hvsh im illi hoke: yohmi kv̄t inla yo hvsh auwaya kv̄t, illi tok vt falamvt tani tok yvmmak a hi atuk: yohmi hosh Chihowa yoka nan vn̄it hvsh i waya hi atok.

5. Yohmi ka haknip ak o i nutaka hosh il ai asha mv̄no, ai ashvchika anukfila puta kv̄t nan vļhpisa atuk pulla mak o yvmohmit, haknip moyuma ka a toksahanli hosh isht illi ya vn̄it wahaya tok.

6. Amba himonasi kv̄no nan vļhpisa ya il ai i mokofa kv̄t, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla hō? vba nan

vlhpisa yak osh ai ashvchika y_o? ik yvmohmo pullashke. Keyu, ai ashvchika y_a ak ithano ke tuk osh, amba vba nan vlhpisa ak atuk pulla mak o ithana li tok; yohmi kv_t nan vlhpisa yak osh, Chik anushkunno kashke, achi hatuk keyukma, nan anushkunna y_o ithana la hi atuk keyu hoke.

8. Amba ai ashvchika yv_t vba nan vlhpisa atuk pulla mak o nan-anushkunna ilaiyuka puta ka isht si anukfokihinchi tok; vba nan vlhpisa yv_t iksho hokvno ai ashvchika yv_t illi yatok oka.

9. Yohmi ka vba nan vlhpisa y_a ak ithano hokvto, himonna ka sai okchaya tok; amba vba nan vlhpisa nan ai ahni kv_t vla mvno, ai ashvchika yv_t okcha tok: mihma svlli tok.

10. Micha vba nan vlhpisa yvmmv_t isht ai okchaya yosh vlhpihisa tok ash osh, isht illi y_o ahayuchi li tok.

11. Yohmi ka ai ashvchika yv_t vba nan vlhpisa yak o isht okcha cha, sa haksichi tok; micha yvmmak o isht svbi tok.

12. Yvmohmi hatuk o vba nan vlhpisa yv_t holitopa, mikma nan vlhpisa nan ai ahni kv_t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a svlla he an toba tok o? ik yvmohmo pullashke. Amba ai ashvchika yak atok yohmi h_o ai ashvchika yv_t otvna ch_i kak osh, nana achukma ka isht a svlla he vm ikbi tok; yohmi h_o ai ashvchika yv_t ik achukmo atampa fehna kv_t nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yv_to shilombish imma hoka il ithanvshke; amba vno yokvto haknip nan ai ahni i nuta sia, ai ashvchika y_a i yuka sia hoke.

15. Yohmi kv_t nana h_o yohmi li kv_t, vlhpesa ak ahno; yohmi kv_t nana h_o ai ahni li hokvto, yvmmvno ak yvmihcho; amba nana h_o ak ahninchokmv_t, yvmmak o yvmihchi lishke.

16. Yvmohmi kv_t nana ka ak yvmihcho hokbano ai ahni lik mak osh yvmihchi li hokmv_t, vba nan vlhpisa yv_t achukmvshke, vno yv_t ai ahni lishke.

17. Yakohmi hoka vno ak osh himmakma yvmma yvmi-

hinchí li kak keyu, amba ai ashvchika si anukfoyuka kak oke.

18. Yohmi ka vno ya sa foyuka, yvmmvt sa haknip anukaka ya nana achukma kv̄t iiksho ka ithaiyana lishke: yohmi kv̄t nana achukma ai ahni hokv̄to si anukfoyuka; yohmi kia nana achukma yvmma yvmihinchí la he ak osh ak aha-yuchoshke.

19. Yohmi kv̄t nana achukma kv̄no yvmihchí la he ai ahni li kv̄t, ak yvmihchoshke; amba nana ik achukma kv̄no yvmihchí la he ak ai ahno kia, yvmmvno yvmihchí lishke.

20. Anonti nana ka ak yvmihcho hok bano ai ahni lik mak osh yvmihchí li hokmv̄t, vno ak osh himmakma yvmma yvmihchí li kak keyu; amba ai ashvchika si anukfoyuka kak oke.

21. Yakohmi hoka nana achukma ka yvmihchí la he ai ahni likma, nana ik achukmo hokv̄t si anukfoyuka a bilia kv̄t, il akostininchí lishke.

22. Yvmohmi hoka Chihowa i nan v̄lhpisa ya vm̄ anukfila himona yak okv̄no isht i hullo lishke.

23. Yohmi kia sa haknip nan ai ahni hokv̄t inla hatuk osh, vm̄ a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahakbi ho, pisa lishke.

24. V̄no hatak ilbvsha fehna sia hoka, kv̄ta hak osh isht ai illi haknip ilvppa a sa hlakoficha chí cho?

25. Pin Chitokaka Chisvs Klaist atuk pulla kak o Chihowa ya yak oke pit im ai ahni lishke. Yakohmi hoka vm̄ anukfila hokv̄no Chihowa i nan v̄lhpisa yoka isht holitobli li; amba sa haknip okv̄no ai ashvchika nan ai ahni kak o isht i yuka sia hoke.

CHAPTA VIII.

Klaist a kv̄na hosh ib ai achv̄fa cha, Shilombish nan ahni ho ahanta hokv̄to isht ai ilbvsha he nan v̄lhpisa ya im ai i hlakofi, 1; 5-13 nan isht ahotopa he nana hosh haknip a atoba: 6-14 nan achukma nana hosh Shilombish a a minti, 17 mikma Chihowa im v̄lla toba

ka nana achukma nana hosh otvni; 29 nan isht ai okchaya hi vt Chihowa pulla hō tīkba ma im vīhpisa tok; 38 nan isht i hullo ya nanta hosh isht a pit i filamincha hinla hō?

1. YUMOHMI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai i palvmma he anumpa hv̄t im vīhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yō a sa hlakofichi hatok oke.

3. Yohmi ka vba nan vīhpisa yvt nana ka ik atahlo kv̄t, haknip ak atuk pulla kak o ik ai aḥlo hatuk o, Chihowa hv̄t ilap Ushi ak inli hō ai ashvchika isht vīhtoba mak o hatak nan ashvchi haknip a hobachit auct kanchi hosh, haknip ak o ai ashvchika ya ai i palvmm̄inchi tok:

4. Yohmi hō pishno yokvno haknip nan ai ahni ka e yvmohomi keyu, amba Shilombish nan ai ahni kak o il iakaiya kak osh, vba nan vīhpisa isht ai vīhpiesa kv̄t pim ai aḥla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hullot anukfihinli chatuk: amba Shilombish nan ai ahni kak o iakaiya hokvto, nana puta Shilombish immi hak o i hullot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke:

7. Haknip nan ai ahni kak o isht ahanta hokvto Chihowa i nukkilli yoka; yohmi kv̄t Chihowa i nan vīhpisa ya im antia keyu, micha yohma hi o keyu kamohmi mv̄hlishke.

8. Yakohmi hoka haknip nan ai ahni kak o i nutakv̄t ahanta hokvto Chihowa ya yukpala himma keyushke.

9. Amba haknip nan ai ahni kak o i nutakv̄t hv̄sh ahanta keyu, amba Shilombish nan ai ahni kak o i nutakv̄t hv̄sh ahanta hoke; Chihowa imi Shilombish ak osh hv̄chi anukfoyuka ho mv̄hli hokmv̄t. Yohmi ka hatak nana hosh Klaist imi Shilombish a īshi keyu hohmv̄t, immi hō keyu hoke.

10. Michā Klaist ak osh hv̄chi foyuka hokma, hv̄chi hak-

nip okvto ai ashvchika yak atuk pulla kak o illi hoke : amba hvchi shilombish okvto nan isht ai vllhpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vllhtayak ilap imi Shilombish hvchi anukfoyuka kak o isht okchalinchit ak inla hi oke.

12. Yvmohmi ka itibapishi li vhleha ma ! nan aheka vhleha pia kvv haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmvt, hvch illa hi oke ; amba Shilombish ak atuk pulla kak o haknip nan a kaniohmi puta ka hvsh illihinchit hokmvt, hvchi okchaya hi oke.

14. Yohmi ka laua kaniohmi hq Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila hq hvsh ishi hatok keyu ; amba vlla im anukfila hq hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvv, Chihowa im vlla vhleha pia ka anolishke,

17. Micha im vlla pia hokmvt, isha he ai vllhpiesa pia : micha Chihowa yak o im ai isha he vllhpiesa pia, micha Klaist ak o it ibai isha he ai vllhpiesa pia hoke : yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vllhpisa hi a ik ono, ai ahni lishke,

19. Nana toba tok puta hokvto Chihowa ushi vhleha hvv isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vllhpesa ik ahno kia, isht ai illa hi vt im vllhpisa tok : yohmi kia isht ai illa he im apesa kvv, isht a hlakofa he ahna hi a nukfokit yvmihchi tok.

21. Yohmi hoka nana toba tok ash puta kv̄t isht aṯ illa he ṯ yuka hatuk vt aṯ ṯ hlakofi cha, Chihowa im vlla vhleba hv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai hṯhṯhv̄t, it ibai ilbahasha na himak a hoka, il ithaiyanvshke.

23. Micha yvmmak illa hṯ keyu, amba pishno ak kia Shilombish isht aṯ vni waya vmmona ka il ishi kv̄t, pishno ak kia e hṯhṯha kv̄t vlla aṯ aḥli e toba he, yvmmvt pi haknip isht a hlakofi yak ṯ e hohoyo hoke,

24. Yohmi ka nana kv̄t pim vlhtaha tok vt il isha he il aṯ ahni kak osh isht aṯ okchayvt il ahanta hoke: amba nana ka il ṯshi hokvt, himmak ṯ il isha he il ahna he keyu hoka: yohmi ka katiohmit hatak vt nana ka ṯshi kv̄t himmak ṯ ṯshi la hi oka, ahni hṯ?

25. Amba nana ka e pṯsa keyu hosh il isha chṯ, il aṯ ahni hok mak osh nuktaiyav̄t achunanchit e hohoyo hoke.

26. Yvmmak ṯ chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk aṯ vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a hṯhṯha isht anumpa he keyu puta kak ṯ pi anukfokihinchi hoke.

27. Yohmi kia chukvsh puta silhhit akostininchi yak okvtō Shilombish vt nana hṯ pi anukfokihinchi ka ithana hoke: Chihowa nan aṯ ahni kak ṯ Shilombish ash ot vbanumpuli aḥli puta ka nana ka anukfokihinchi hokvt.

28. Yohmi ka nan okluha hokvt Chihowa ṯ hullo vhleha, ilap nan aṯ ahni tok pulla mak ṯ vlhtohoka tok vhleha hokvtō, isht im aṯ achukma he mak ṯ it ibai toksahanli ka il ithaiyanvshke.

29. Yvmohmi ka tikbanli ithaiyana tok okvtō ilap Ushi yak ṯ hoyulba he mak ṯ tikbanli atokohonli mak inli tok; yohmi hṯ yvmmak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okvtō hoyo mak inli tok: mihmvt hoyo hatuk okvtō aṯ vlhpievchi mak inli tok:

mihmut ai vlhpiesvchi hatuk okvto ilap isht aholitopa yo ib ai isha he im ai ahni tok.

31. Yakohmi kvno nana ilvppa puta imma hokvno nanta hak o il acha hinla ho? Chihowa hak osh pi kana hokma, kvta hosh pi sanala hinla ho?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiahmi ho yvmma pima hatuk vt nan okluha ka anonti pilla pima ak inla he keyu ho?

33. Kvta hak osh Chihowa im vlhtoka vhleha ha isht ai i palvmmi anumpa kia onocha hinla ho? Chihowa ak osh i kashofi hoke.

34. Kvta hosh nan vlhpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yo binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla ho? Isht ai ilbvsha, isht a palvmmi, hatak bika yvt pi hotopali, isht a hohchvfo, haknip bieka, isht ai illa he, keyukmut bvshpo falaia yak a hinla ho?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vlhpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmut nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTER IX.

Pal vt Chu i nukhaklo, 1. 7 Eblaham isht ai unchululi moma kvt nan ai yukpa isha hi vlla keyu: 18 Kvna ho ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **K**LAIST ak o nan ai ahli ka isht ai anumpuli li kv̄t holabi li keyu, Shilombish Holitopa ak osh anukfokihinechi ho, isht akostininchi li yak kia nan atokowa ka anohonli ak inlishke.

2. Yohmi kv̄t sa chukvsh anukaka ya isht a nukhaklo bilia, micha isht a weki chinto kv̄t a foyuka kak osh miha lishke.

3. Yohmi ka itibapishi li vhleha,vm okla achvfa yak atuk pulla mak o Klaist a i filvmm̄t sa kv̄nia hi a, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa fehnvt im otaiyani, micha nan it im vlhpisa puta, micha vba nan vlhpisa in tonla, micha Chihowa isht aiokpv̄chi, micha ai okcha-yvt bilia puta im issa tok aiena kv̄t immi hoke:

5. Mihmvt iki vhleha tikba chash ot immi, micha yvmmak o Klaist vt hatak haknip imma hokvno a minti tok osh, morma i shaiyahlit Chihowa holitopvt bilivshke. Amen.

6. Chihowa im anumpa hokvt aka itulvt kv̄nia tok o chiyuhmi keyu hoke. Yohmi ka Israel vhleha hak osh moyumvt Israel okla keyu hoke.

7. Michā Eblaham isht atiaka vhleha hokak osh moyumvt im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kv̄t haknip imma im vlla vhleha hokvto, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hv̄t ilvppak oke, Vlhpisa tok nitak ont ai vlhpiesakma vla la hi oke, mikma Sela yvt ushi im v̄tta hi oke.

10. Michā yvmmak illa keyu; amba Lebeka yak kia achvfa p̄iki Aisaak ak o isht ai i chakali hatuk o;

11. Yohmi ka vlla yokvt ik ashwo kisha hokvt, nana

achukma, nana ik achukmo nana kia ik yvmihcho kisha ak inli kia, nana ho yvmihchi tok ak o keyu, amba ilap ak osh hoyo hatuk o vlhtoka kvt Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kvt, Chekob ano i hullo li tok: amba Esau yokvno ak i hullo ki tok, ahanchi hatok oka.

14. Yakohmi ka nanta hak o il acha hinla ho? Chihowa hvt nana yvmihinchi kvt ik ai vlhpeso ho? ik yvmohmo pullashke.

15. Yohmi ka, Kvna ho i nukhaklo la he ahni likmvt, i nukhaklo la hi oke; micha kvna ho i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokma, mvlihinli kak okma, nana kak osh ishi ho keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvninchi la he, micha sa hohchifo hokvt yakni moma ka hlopullit ai annohowa he, ilvppak fehna kak atuk mak o ik ahanta chim ai ahni li tok, Feleo ya Holisso Holitopa yvt im achishke.

18. Yvmohmi hoka kvna ho i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katiohmi ho ik ahnincho imoma ho? Kvta hak osh ilap nan ai ahni ka i sanali hatuk o? is svm acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi ho yakohmichit chishno yvt is sakbi tok o? im acha hinla ho?

21. Lukfampo ikbi yvt lukfi ya kanimihcha hi vt im ai vlhpiesa keyu ho? lukfi yvmmska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu ho?

22. Yohmi ka Chihowa hut ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onvtuyula he nan ai vlhto okpulot knia he im vlhtaiyaha puta ka ilbvshala hi vt i svlaha fehna hatuk mvt:

23, 24. Micha ilap isht a holitopa lawa fehna ka i nuk haklo onvtuyula he nan ai vlhto puta, yvmmt isht a holi-topa pisa hi o tikbanli im ataiyahli hatok vt, pishno yak fehna ka pi hohoyo hatok; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he: micha a holi-topa tok keyu kvt, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yvmmak o Chihowa okchaya im vlla vhleha a hoh-chihifa he mak oke.

27. Esaias ak kia, Israel imma ka chitolit isht anumpohonli mvt, Israel im vlla vhleha holhtina kvt okhvta on talaka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kvt ilap im anumpa ha ai ahlichia chi kvt ai vlhpiesa hosh tushpa fehnvt yvmihcha hi oke: yohmi hosh Chitokaka yvt yakni paknaka ya a yvmohma he vlhpisa tok anumpa ha ai ahlichia he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho? Chentail okla hv nan isht ai vlhpiesa yak o achunanchit hohoyo hatok keyu kvt, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpisa isht ai vlhpiesa ya achunanchit hohoyo kvt, nan vlhpisa isht ai vlhpiesa ya ik ai ono hatok oke.

32. Yohmi ka katiohmi hatok o? isht ai vlhpiesa yash o isht ai yimmi kak o keyu, amba nan vlhpisa yak o a mihinte

hi ash o in chiyuhmit hohoyo hatok okvt. Isht ai ibetvbli tvli yvmma isht ibetvbli hatuk okvt.

33. Holihiso kvt, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

CHAPTA X.

vba nan vllhpisa, micha na yimmi yo isht ai vllhpiesa kvt itim inla ka anoli, 5, 11 Chu yokma, Chentail okma nana hohkia, na yimmi kvt momvt hofahya he keyu, 18 Chentail vt vbanumpa ha holitoblit yimma he.

1. ITIBAPISHI li vhleha ma! sa chukvsh nan aiahni, micha Israel oka anumpa ilbvsha Chihowa ha isht im anum-pohonli li kvt, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ahli ithana keyu ka atokowa im ithaiyana lishke.

3. Yohmi kvt Chihowa hvt nan isht ai vllhpiesa ya atai-yahli tok a ithana keyu hatuk osh, ilap inli i nan isht ai vllhpiesa yo ai ahlichy bvnna kvt, Chihowa hvt nan isht ai vllhpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vllhpiesa he mak o, Klaist ak osh vba nan vllhpisa nan ai ahni ka ai ahlichy yoke.

5. Yohmi ka Moses okvt vba nan vllhpisa isht ai vllhpiesa ka isht anumpuli mvt, Hatak vt yvmma puta ka yvmihin-chik mvt, isht ai okchaya hi oke, achi tok oke.

6. Amba na yimmi isht ai vllhpiesa hokvto yakohmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi o? achi kvt, Klaist a ont ilauehit aka isht vla chi ho? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi o? achi kvt, Klaist a falaminchit tanichi cha, isht vla chi ho? achi ka, chik acho kashke.

8. Amba yvmmak ash ot nantuk achi? Anumpa hokvt chi bilikasi, chitakha anukaka yak fehna, micha chi chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh tanichi tok a chi chukvsh oka isht chi yimmi hokmvt, chi okchaya hi oke, yvm̄mvt achi hoke.

10. Yohmi ka hatak vt chukvsh ak o isht ai yimmi kak osh isht ai vlhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kvna fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukbaklo kv̄t a chinto fehna hoke.

13. Yohmi ka kvna hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yv̄mma i yimmi hatuk keyu kv̄t i pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Micha vlhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyvchi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehnvshke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ahli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Israel vt ithana hatuk keyu ho? vno vto achi

lishke. Ummona ka Moses vt okla h_o keyu kia isht a **chi** nuktahlachi la hi oke, micha oklushi ik hopoyukso y_o isht a chi nokowvchi la hi oke, achishke.

20. Anonti Esaias vt nukwaya iksho hosh, Sa hohoyo hatok keyu kv_t si ahayuchi tok; si a ponahaklo hatok keyu ka im otaiyani li hatok, achishke.

21. Amba vm antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTER XI.

Chihowa hvt Chu moma kak o kanchi hatok keyu, 1; 7 kanimi kvto chukvsh kvlluchi kia, kanimi kvto okchaya he vltoka tok: 16 vbanumpa anukfohka hi yokvno im ahna he vhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kvna hosh hoyo kv_t im ithvna he keyu.

1. **YAKOHMI** ka Chihowa hvt im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hvt im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yvt Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv_t,

3. Chitokaka ma! chi hopaii vhleha ha ahambi tok, chim alta puta ka iba kullit akahanchi tok; yohmi ka vno ak ba-no hosh ahanta li ma, vm ilhfiohpak a tvbli bahanvshke, ahanchishke.

4. Yohmi kia Chihowa hvt afalaminchit nanta hak o im achi h_o? Hatak tahlepa sipokni untuklo hokvto Baal hol-bvt toba ya ik i hvchukbihlepo atuk okvno vno vmmi y_o ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanvt isht ai vltoka tok vt kaniohmi kv_t ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiahmi ho? Israel okvt nana hohoyo kvt ishi hatok keyu hoke: amba vlhtoka yak osh ishi hatok; mihma kashapa hokvto im anukfila hvt kvllot kvnia tok oke;

8. Yohmi ka holihiso kvt, Chihowa hokvt im anukfila nosilhhvt kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak a ai vlrvshke.

9. Mihma Lewi vt achi kvt, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vlhtoba he aiena isht ai in tobashke.

10. Michu nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatok ak osh isht ai itulvt kvnia ho? Ik yvmohmo pullashke: amba isht ai itula hatok pulla kak o isht ai okchaya yvt Chentail a im vla ho isht a nuktahlahancha chi hatok oke, achishke.

12. Yohmi ka yvmmvt isht ai itulvt kvnia kak o yakni moyuma kvt isht ai yukpa laua kvt im vla hokma, micha isht ik a lauwt taiyaha kak o Chentail vhleha ha isht ai yukpa lawa kvt im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia ha hvch im anumpohonli il kvt, Chentail im apostel sia hatok okvt, nan isht ai vttali ya holiobli lishke.

14. Yohmi hosh kaniohmit isht a nuktahlachit sa haknip ai achvfa kash kanimi kvno okchalanchi la hinla hokmvt,

15. Yohmi ka yvmma kaiyanchi kak o yakni moyuma kvt isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvt isht ai okchaya kak a hi o?

16. Yohmi ka vnit waya vmmona kvt holiropa hokma, a moyuma kvt holiropa ak inli hoke: micha hakshish vt holiropa hokma, naksish puta kak kia yohmi ak inli hoke.

17. Mihma naksish kaniohmi kvto atvptovt kvnia hokma,

alif haiaka ai offo chia hash osh ish ibafohka hatuk; micha yummak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yvmohmi ka, Naksish kaniohmi kvt kobahlit kvnihiya kv, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kvnihiya hatok; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke:

21. Yohmi ka Chihowa hvv naksish fehna yash kanchi nukwiya tok keyu hokmvt, chishno yak kia chi kancha he yoba ka, ahah! ish ahnashke.

22. Yvmohmi ka Chihowa hvv isht i kana, micha isht palvmmminchi ya ho pesa: aka itula tok ash isht palvmmminchi; amba chishno yokvno isht chi kana, ilap isht i kana yash o ish a mahaya hokmvt; yummak keyu hokmvno chishno yak kia chayvt chi tupa he ak inli hoke.

23. Yummak ash kia ik yimmo kak o keyu hokmvt, iba fohoka he; Chihowa hak osh yummak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yvmohmi chatuk keyu kia, ish ibafohka hatok okma; naksish fehna yatok ilvppak heto isht i shahli fehvt ilap immi yatuk ash inli ka ibafohoka hinla keyu ho?

25. Yohmi ka itibapishi li vhleha ma! Israel a kashapa hokvt im anukfila hvv kahanlo na Chentail vhleha isht ai alotowa yvt vla he yak atok, anumpa ai ahli ik otano chatuk ilvppa hvch ik ithaiyano hosh, hvchishno ash inli hosh ile yimmit hvsh ai asha hi a ak hvchim ai ahnoshke.

26. Yakohmikmvno Israel vhleha hvv moyumvt okchaya hi oke; holihiso kvv, Nahlakofichi yvt Saion ak o a mintit kohcha hosh ai ashvchika ya Chekob a ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvp-pak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yvmmak ash ot tenvp vhleha hoke; amba vltoka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvt na habenahanchi, micha atokohonli aiena kvv inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvt yvmmak ash moyuma kvv ik yimmo ka he im ai ahni hosh moyuma ka i nukhakla he ak atok.

33. Yakeh! Chihowa hvt hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvta hak osh Chitokaka im anukfila ha ithaiyana tok o? keyukmvt kvta hak osh nan i miha ya-tok o?

35. Keyukmvt kvta hak osh tikba ima hatok osh, anonti falamvt im vltoba hi atok o?

36. Yohmi ka nan okluha kvv yvmmak o a mihinti, micha yvmmak o isht a toba, micha yvmmak o immi mak osh tohomba tok; isht a holitopa yvt yvmmak o immit peh bili-ashke. Amen.

CHAPTA XII.

Chihowa ahnichit e yukpa la chi ka Chihowa nan isht i nukhaklo yash pi nukfokihinja hi a tuk, 1; 3 ilifehnvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vlhpesa kvt a pi onutuyulak ma, mihi yo e yvmohmashke; 9 iti hullo, micha nana ka il a yvmihcha he vlhpesa inla aiena ka pim apesa; 19 afalvminchit nana ka ik vlhpesalo ka hi okvno pim ahni keyu hoke.

1. YUMOHI ka itibapishi li vhleha ma! Chihowa hvt isht i nukhaklo puta hak atuk pulla mak o hvchi haknip puta hokvno vba isht aiokpvchi okchaya, holitopa, Chihowa yvt aiokpancha he vlhpesa ho, yvmma isht hvsh ai ahan-ta he vlhpiesa hokvt, hvsh im issa he, hvchim ai ahni lishke.

2. Micha yakni ilvppak inli ka hvch ik hoyulbo kashke; amba hvchim anukfila hvt himonvt toba pulla hatuk mak osh inlt hvsh tobashke; yohmi hosh nan achukma, nan ai vlhpiesa, nan ai ahli Chihowa nan ai ahni ka hvsh akosti ninchashke.

3. Yohmi ka isht i kana ya vma hatuk pulla mak o, hatak hvch ibafoka puta ka ilap ash inli kvt isht il anukfilla he ai vlhpiesa ka isht i shahlichit isht ik anukfillo kashke, im achi lishke: amba il oktamlit Chihowa hvt hatak hikia aiyuka ka isht ai yimmi kaniohmi ho ima hatok ash o, hatak hikia aiyuka kvt isht il anukfillashke.

4. Yohmi ka pi haknip vt achvfa kia, pit ai achvfa hvt laua, micha pit ai achvfa ilvppvt moyuma kvt nan isht ai vtta yvt miash inli keyu kash o:

5. E chiyuhmi hosh e laua kia, Klaist il ibai achvfa kvto haknip achvfa pia, micha achvfa aiyuka kvt pit il it ibai achvfa hoke.

6. Yvmohmi ka isht i kana yvt kaniohmi ho il ishi hatok ak osh na hvlbina puta kvt ilaiyuka ho il ieshi hokvt, Shilombish anukfoyukvt anumpuli isht ai vtta yo e habena hatak okmvt, isht ai yimmi yak o ai itilau ho yvmmak o isht il ahantashke.

7. Mikmvt chvch nan isht im vtta isht ai vtta ya e habena hatok mvt, yvmmak o isht il ahantashke; micha nan ithvnanchi yokmvt, yvmmak o isht ahantashke.

8. Micha vbanumpa isht atohnochi yokmvt, yvmmak o isht ahantashke: na hopela yokmvt, im anukfila apissali hosh yvmihchashke: pehlichu yokmvt, ai ahli achukmashke:

ī nukhāklot nan isht im vtta yokmvt, aiokpanchi hosh yvmihchashke.

9. Isht ī hullo yvt isht il ahobi iiksho hashke. Nan ik achukmo ka ish ī nukkillashke; nan achukma hoka ish asi-tiashke.

10. Itibapishi chiyuhmit it ī kana fehnvt hvsh it ī hul-lashke; hvsh iti holitobli kv̄t hvsh it im ī shahlashke.

11. Nan isht vtta kv̄t intakobi keyu; chukvsh isht ai yiminta fehnvt, Chitokaka yak o in toksuli hosh isht hvsh ahantashke.

12. Ai okchayvt bilia pisa la he ai ahnit, hvchi yuh-pashke: na palvmmi hvsh pihisa kv̄t hvchi nuktaiyalashke: achunanchi hosh anumpa ilbvsha hvsh anumpohonlashke.

13. Ūbanumpuli a bv̄nna ka hvsh ī hopehinlashke: hatak ik ithano ya hvsh ī kana fehnashke.

14. Hvch ilbvshali ka isht im ai achukma he ai ahnit isht hvsh anumpohonlashke; isht ai okpula hi a hvch ik ai ahno hosh, isht ai achukma he ak o ai ahnit isht hvsh anum-pohonlashke.

15. Nan isht ilaiyukpa ka hvsh ibai yukpashke; micha nukhāklokma, hvsh iba nukhāklashke.

16. Hvchim anukfila hv̄t ai achv̄vt hvsh it im anukfil-lashke. Isht a holitopa puta ka hvch ik hohoyo kashke: amba hatak ilbvsha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik ī falamincho kashke. Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kv̄to, hatak moyuma ka hvsh it ī nanaiya hosh hvsh ahan-tashke.

19. A holitopa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holihiso kv̄t, Ai vlhpiesa isht atobba hi okvt vmmi hatuk osh, afala-minchit atobbi la hi oke, Chitokaka yvt achi hatok oka.

20. Yvmohmi ka chin tv̄nv̄p vt hohchvfo hokma, ish ipe-tashke; itukshila hokma, nan ishko ish ipetashke; ilvppak

o ish yvmihchi hokmak osh luak tobaksi yo noshkobo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiya-chashke.

CHAPTA XIII.

Nan apesa ya im antia, mikmvt nana ka il i yvmohma he vlhpesa kvt inla mvt asha ka isht anumpuli, 1, 8 vba nan vlhpisa yvt ahla hi a holitobli, 11 atampli fehntv impa, nan ishkot haksi aiena kvt ai okhlili ka yo yvmohmi hatuk osh kanima yo vbanumpa hvt atoh-wikeli hokvno ai otaiyana he keyu.

1. SHILOMBISH puta kvt nan vlhtoka i shahli vhleha ha im antiashke. Nan vlhtoka inla kvt iksho: amba Chihowa ak osh ai ahni ak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kva fehna hoh kia nan vlhtoka yoka i sanali hokvt, Chihowa hvt nan apesa tok a i sanali hoke: mikmvt i sanali vhleha hokvto ilap inli isht ai ilbvsha yosh im vlhpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvtto yvmmak ash o ish im a holitopa hi oke.

4. Nan isht chim achukma chi mak o yvmmvvt Chihowa nan isht im vta hatuk oka. Yohmi kia nan ik achukma kak o ish yvmihchi hokmvt, chi nukshopashke: yohmi ka yvmmvvt bvshpo falaia ya peh pilla ieshi ho keyu; amba yvmmvvt Chihowa nan isht im vta yosh nana ka ai ahlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmt Chihowa nan isht im vttā vbleha hatuk osh nana ilvppak fehna ka isht ahantv bilia hoke.

7. Yvmohmi ka moma kv̄t ilap ai isha he ai vlhpiesa ka ish imashke: noshkobo chumpa ya kv̄na hosh isha he ai vlhpiesa kak o ish imashke: vlhpoyak isht ai vlhtoba ka shampa kv̄nia he tuk a kv̄na hosh isha he ai vlhpiesa kak o ish imashke: kv̄na hō i nukshopa he, ai vlhpiesa kak o ish i nukshopashke: kv̄na hō holitoba he ai vlhpiesa kak o ish holitoblashke.

8. Hatak nana kia aheka yvt ik chin takanlo kashke: amba hv̄sh it i hulla he vto hv̄sh it in takanlashke; yohmi ka kv̄na hosh inla ya i hullo hokvto vba nan vlhpisa ya ai ahlichī hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kv̄t takanli hokmvt, anumpa kanomosi, Chin chuka panta hatak a ish i hullo kv̄t, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ahlichī mak oke.

11. Micha ilvppak o hv̄sh yvmohmashke: mikmvt himonasi ka nusi tuk vt pi okcha he hv̄shi kanvlli hv̄t ont ai vlhpiesa ka il ithaiyanashke; himonasi kv̄no isht ai pi ok chaya yokv̄t pi bilika kv̄t pi yimmi hatok ano i shahli hoka

12. Ninak vt ant ia hosi ma, nitak vt vla hosishke: yvmohmi hoka okhlili isht a toksvli puta ka e kaiyan-chashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnnot hv̄ch ik it i nukkillo kashke.

14. Amba Chitokaka Chisvs Klaist ak o hv̄sh foyukash-

ke; micha haknip nan ai ahni okpulo puta ka im ai ahlicha
chi kvt haknip a nana hvch ik atahlo kashke.

CHAPTER XIV.

Nana kvt ilim itim inla mak osh il iti shetilima he tok keyu, 1; 13
amba nana ka ahah! il oh ahni na, nana ka il itim inla hoh kia, inla
maya kvt isht ik pim ai ibetvblo kashka; 15 nana kvt yohmi ka
na laua ho isht mihvt Pal vt otvnninchi hoke.

1. NA yimmi kvt ik ono ka hvsh i kana banashke;
micha im anukfila anuktuklo atuk a nana isht chik im apeso
kashke.

2. Yohmi ka achvfa hokvto nan okluha ka vpa hi atuk vt
yimmishke; inla hokvto na yimmi kvt ik ono mvt, na waya
yak o vpvshke.

3. Yohmi ka vpa hokvt ik po hoka ik kanimancho kash-
ke; micha ik po hokvt vpa hoka nan ik im apeso kashke;
Chihowa ak osh i kana hatuk oka.

4. Kvta chia hokak osh hatak inla in tishu ha nan ish im
apesa hoh cho? ilap i shahli ak illa ho isht im a hikia he,
keyukmvt isht ai im itula hi oke. Ahli, ai ahlit hikia hi
oke, Chihowa hak osh ai ahlichit hilecha hinla hoka.

5. Hatak achvfa hokvto nitak achvfa kvt inla ka i shahli,
ai ahnishke; inla hokvto nitak moma kvt itilau, ai ahnishke.
Hatak puyuta kvt ilap im anukfila fehna ka ai ahlit anukfo-
yukashke.

6. Kvna hosh nitak a holitoblikmvt, Chitokaka yak o i
holitobli hoke: mikma kvna hosh nitak a ik i holitoblo hok-
mvt, Chitokaka yak o ik i holitoblo hoke. Kvna hosh vpak-
mvt, Chitokaka yak o im vpa hoke; Chitokaka yak o isht
aiokpvchi ya ima hokvt: mikma kvna hosh ik pokmvt,
Chitokaka yak o ik im vpo hoke: yohmi kia isht aiokpvchi
ya Chihowa yak o ima hoke.

7. E kanima kvt pishno inli il im anta keyu hoke: micha
hatak nana kia ilap inli il im illi keyu hoke.

8. Pi okchayvt il ahanta kvt, Chitokaka yak o il im ahan-
ta hoke; micha pilli hokmvt, Chitokaka yak o il im illi hoke

yvmohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt falamvt okchaya kvt, illi, micha okchaya it aieninchit in Chitokaka toba chi ilvpak fehna hatok oka.

10. Yohmi kia nanta katiahmi ho chitibapishi ha nan ish im apesa cho? micha nanta katiahmi ho ish itibapishi ha ish kanimanchi cho? e moyuma kvt Klaist nan apesvt ai o binili ka itikba ya e hiohla hi oka.

11. Yohmi ka holihiso kvt, Sai okchaya hoka iyikalaha puta kvt a hvchukbihlapa hi oke; mikma isunlvsh puta kvt Chihowa ha aiokpahancha hi oke, Chitokakayvtachi hoke, achi hatuk oka.

12. Yakohmi hoka e moyuma kvt Chihowa hoka il im il anohonla hi oke.

13. Yvmohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukmvt isht ai itula he nana kia itibapishi i hina ya ik bohlo ka he ilvpak o hvsh im anukfillashke.

14. Yohmi ka nana kvt ilap ak inli kvt ik kashofo kvt iksho ka, Chisvs Klaist ak atuk mak o isht a sa nukfoyukvt, ithaiyana lishke: amba kvna hosh nana kvt ik kashofo ai ahni hokvno, yvmvno nana kvt ik i kashofo hoke.

15. Ish itibapishi hvv nana ish pa ka isht ik im vlhpieso hokma, himak a i hullot ish nohwa keyushke. Yvmmak ash Klaist vt vlhtobvt illi hatok oka, chim ilhpak a isht chik okpano kashke.

16. Yvmohmi hoka nana achukma isht ish ilaiyukpa kvt ik ai vlhpesot isht ik anumpo kashke.

17. Yohmi ka Chihowa apehlichika yokvt nan impa, nan ishko kak o keyu hoke; amba nan isht ai vlhpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvpak fehna ka Klaist a isht im antia hokvno Chihowa yvt ahninch, mikmvt hatak puta kvt vlhpesa ai ahni hoke.

19. Yvmohmi hoka nana kvt isht ai it i kana puta, micha

nana ka isht it i hlampkohoncha he aiena kak o e yvmohomashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan okluha kvt kashofa mvhli hoke: yohmi kia hatak nana hosh inla isht ai ibetvbli ho impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi ho, ai yvmohmi kvt ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana ho vhlpiesa ahnit, ilap ash inli anumpa isht ik il onochi hokvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvt, ik hlampko ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt ili tiholito-blichia he: 30 Pal vt Loman vbanumpuli vhleha hvt vba isht anumpula he im a sihlha.

1. YAKOHMI hoka pi hlampko hokvto ik hlampko hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvt ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvt, Isht a hofahyali puta kvt chi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvt nana isht a pim vlvcha he mak o holihiso hatok oka; yohmi kvt Holisso Holitopa ak o nana ka isht a nuktaiyalvt achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnohonchit isht anuktaiyavt achunanchi ya hvch ima na nana hvsh it im anukfilli kv̄t ai achvfv̄t Klaist Chisvs ak atok ak ǝ hvsh chiyumashke.

6. Yohmi hosh hvchim anukfila hv̄t ai achvfv̄t, itih achvfa hosh Chihowa, pin Chitokaka Chisvs Klaist Iki yak fehna ka hvsh holitobla hi atuk oke.

7. Yvmohmi hoka Chihowa hv̄t isht aholitopa ch̄i kak ǝ Klaist ak kia p̄i kana hatok ash ǝ, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak ǝ Chisvs Klaist okv̄t hakshup t̄pa yak ǝ nan isht im vtta toba kv̄t, iki vhleha h̄a nan im ih̄isa tok puta ka ai ahlichach̄i kak atok oke, achi lishke.

9. Micha yohmi h̄o Chentail vhleha hv̄t ilap isht i nukhaklo tok ak ǝ Chihowa ya holitobla hi atok oke; holihisc kv̄t, Ilvppak atuk mak ǝ Chentail vhleha h̄a ibai achvfv̄t chi aiokpahanchi la he; micha chi hohchifo h̄a isht talohowa la hi oke, achi hatok oka.

10. Micha anonti Chentail hvchia hv̄t vm okla vhleha h̄a hvsh ibai okpahanchashke, Chitokaka yv̄t achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak ǝ isht atiaka yosh ahanta he, micha yvmmak fehna hosh Chentail okla h̄a i shahlit mikot wakaya hi oke: yvmmak ǝ Chentail okla hv̄t anukehieta hi oke, Esaias vt achishke.

13. Yohmi ka ai okchayv̄t bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli h̄o Shilombish Holitopa nan isht ai ahli yak atuk pulla mak ǝ ai okchayv̄t bilia hvsh isha hi okv̄t, ai ahli fehnv̄t hvchi anukfoyakashke.

14. Micha itibapishi li hvchia hv̄t nana achukma bieka hosh hvchi anukfoyakv̄t, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vhleha ma! Chihowa ak osh isht i kana ya vma hatuk oka, ik sa nukwayo kv̄t isht i shahli hosh isht hv̄sh ithana ch̄i kak o, nana a kaniohmi ka hv̄ch̄i holissohonych lishke;

16. Yohmi hosh Chisvs Klaist nan isht im vtta yosh, Chihowa im vbanumpa h̄a Chentail okla hak o isht im ahan-ta la ch̄i hatok; yohmi h̄o Chentail vt Shilombish Holitopa yak o isht a kashofa hatuk o vba isht aiokpv̄chi ka ahninch̄a hi atok oke.

17. Yvmohmi hoka nan okluyuha, Chihowa hv̄t isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li h̄o, Chentail okvt im antia ch̄i ka, Klaist vt isht a si atoks̄eli hatuk keyu hokv̄no nana ai yvmohmi tuk ash achv̄fa kia isht anum-puli la he keyu hoke.

19. Yvmohmi hosh Chelusalem, micha isht ai apakfoyv̄t Illilikv̄m a ont ai vhli itintakla ya Klaist im vbanumpa ya ai ahli fehv̄t isht ai anumpohonli li hatuk oke.

20. Ahli, yakohmi hosh intolahpi hatak inla immi pak-naka yo ai ikbi li yoba ná, ai ahni li kak osh kanima yo Klaist vt isht ik ai anumpo hokv̄no vbanumpa ya isht ai anumpohonli sa bvnna fehna chatuk oke.

21. Yohmi kia holih̄iso kv̄t, yvmmak o isht im anumpa hatok keyu kia, okla pisa hi oke; micha okla yvmv̄t haklo hatok keyu kia, akostininch̄a hi oke, achi hatok oka.

22. Yohmi ka ilv̄ppak atuk pulla kak o hv̄chim ona la hi atok vt, isht a si ataklv̄ma fehna ak inli hatuk oke.

23. Yohmi kia himonasi hokv̄no ilv̄ppa ai anumpuli la hi okvt ik sv̄m iksho hatuk osh; micha hv̄chim ona sa bvn-na fehna tok a himak a afv̄mmi hv̄t laua fehna hatuk osh;

24. Kanima kash inli h̄o nowvt ayvt Ispani yoka chukowa likmv̄t, hv̄chim ona la hi oke: yohmi kv̄t nowvt aya li hokvt, ont hv̄chi pisa la he ai ahni li: micha hv̄chi pisvt

kaniohmit vm v^lhpiesa ha yokm^{no}, now^{vt} aya li kash achakalit pit h^{vs} sa pila he chishke, ai ahni lishke.

25. Yohmi kia himonasi hokv^{no} vbanumpuli v^hleha hak o i hopela la chⁱ hosh Chelusalem ak o ia la chishke.

26. Yohmi ka Masetonia, micha Akaia okla aiena kv^t im v^lhpiesa hosh vbanumpuli ilbvsha Chelusalem ai asha ka nan isht apelvchi kaniohmi ka i bohonli tuk oke.

27. Im v^lhpiesa ai a^hli fehna hosh yvmihchi tuk : yohmi hatuk o im aheka v^hleha hokv^t. Yohmi ka Chentail okla hv^t nana Shilombish immi puta ka ibai ihⁱshi toba hatuk mv^t, anonti nana haknip immi puta ka yv^{mma} isht apelvcha hi okv^t im ai v^lhpiesa ak inlishke.

28. Yvmohmi hoka ilvppa isht v^tvtv^t vm v^lhtaha, micha nan isht apelvchi ilvppak ash o im ai a^hlichi li ha yok mak osh, hv^{chin} tmaha h^a hlopullit Ispani yoka ont chukowa la hi oke.

29. Micha hv^{chim} ona likmv^t, Klaist im vbanumpa ai isht ilaiyukpa ai a^hli fehna laua ka isht hv^{chim} ona la hi okv^t, ithaiyana lishke.

30. Yohmi ka itibapishi li v^hleha ma ! Chitokaka Chisv^s Klaist ak atuk puyula, micha Shilombish ak atuk mak o isht itⁱ hullo yv^t hv^{chi} anukfoyuka hokv^t, sv^{bai} yichina fehna hosh anumpa ilbvsha Chihowa ya im anumpohonli kv^t, isht h^{vs} si anumpohonlashke.

31. Yohmi h^o ik yimmo v^hleha Chutia ai asha ka ai i hlakofi lashke : micha Chelusalem a nan i hopela la chⁱ ishⁱ li kash vbanumpuli v^hleha hash ot aiokpahanchashke.

32. Yohmi h^o Chihowa nan ai ahni pulla h^o nan isht ilaiyukpa ya ieshit hv^{ch} im ona li hosh, nana ka hv^{ch} ibai yuhukpa li hokbano.

33. Yohmi ka nan isht it i nanaiya in Chihowa yak osh hv^{sh} moyuma ka hv^{ch} iba foyukashke, Amen.

CHAPTA XVI.

Vbanumpuli Loman a^{sha} tuk vt laua ka ai okpacha hi a, Pal vt im ahni, 1, 17 mihmv^t nan itakvshkoli, nan ibetvblichi aiena ka ahah !

okla im ahna chi ka im anoli; 21 atuk osh nana ka yakmihehit na pit i mihivt tahli mvt, ishtaiyopichi kv̄t Chihowa yā aiokpahanchi.

1. **KLENKLEA** chvch hikia ka nan isht im vtta, pin tek, Febi yā hvsh aiokpancha he pit hvchim ai ahni lishke:

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke: micha nana hoh kia isht apelvcha hi a bvnna hokma, hvsh apelahke: yohmi ka yvmmt laua ka apelahanchi chatuk; micha vno ak kia aieninchit si apelahanchi chatuk oke.

3. Klaist Chisvs a ibai achvft svb a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt vm ilhfiopak ak atuk pulla kak o ilap ikunla fehna ka aka yā bohonli tok: yvmmak oka vno ak illa keyu, amba Chentail iksa hiohli puyuta aiena kv̄t yak oke, im ai ahnishke.

5. Yvmmak ash chiyuhmit yvma in chuka vbanumpuli iksa maya ka hvsh aiokpvchashke. Epenetvs a holitopa fehna, yvmmt Klaist i yimmi kv̄t Akaia yā ai yvmohmit nan vni vmmona hatok a hvsh aiokpvchashke.

6. Meli yā hvsh aiokpvchashke; yvmmak okvt pin toksahanli fehna hatok oke.

7. A kanomi, micha svbai yuka Antonikvs, micha Chunia itatuklo, yvmmak okvt vbanumpeshi vhleha ha i holitopa yoka hvsh aiokpvchashke; yvmmak okvt sa tikba Klaist ai ibai achvfa hatok mak oke.

8. Amplias Chitokaka yā ai achvfa a holitopa yā hvsh aiokpvchashke.

9. Ulbani Klaist ai achvft piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninch i yā hvsh aiokpvchashke. Alistobulvs in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli yā hvsh aiokpvchashke. Pasis holitopa, yvmmt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvm-mvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hv yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpaz, micha vbanumpuli yvmma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in chvch vhleha hokvt hvchi aiokpvchishke.

17. Yohmi ka itibapishi li vhleha ma ! nan vlvchi hvsh ithvna kash i sanalit isht it i filvmmichi ; micha isht ibetv-blichu aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke : mikmvt anumpa achukma puta, micha isht ahninchu anumpa puta aiena kak o nuktvhlvt ahah ! ik ahno chukvsh puta ka isht haksichu hoke.

19. Yohmi ka isht hvsh im antia yokvt hatak moyuma ka im anohowa hoke : yvmohmi hoka hvchishno yak atuk pulla kak o sai yukpvshke : yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Uno, micha chvch moma aiena ka nan im atahli Kaivs ash ot pit hvchi aiokpvchishke. Elastvs, tvnaha in

tvli holisso sholi, micha il itibishi Katvs aiena kv̄t pit hv̄chi aiokp̄chishke.

24. Pin Chitokaka Chisvs Klaist isht i kana yvt hv̄sh moyuma ka hv̄chi anukfoykashke. Amen.

25. Yohmi cha Chisvs Klaist vt nan abahanchi tok v̄m vbanumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak o isht a hv̄chim ai ah̄lich̄a he im ai v̄lhpiesa hatuk,

26. Michai Chihowa okchayvt bilia yvt nan apih̄isa hatuk mak o hopaii v̄hleha hv̄t holissohonchi tok o, oklushi moyuma kv̄t na yimmit isht im antia ch̄i mak o, im otaiyani hatok:

27. Chihowa hopoyuksa achv̄fa bano kash ot Chisvs Klaist ak atuk pulla kak o isht a holitopa yvt immit biliashke. Amen.

HOLISSO UMMONA PAL UT

KOLINHILA CHUCH

A HIKIA HQ I HOLISSOCHI TOK.

CHAPTER I.

Ubanumpuli Kolinhlā āsha tuk a Pal ut pit ai okpuchi, mihmūt Chihowa yā aiokpuchi, 1; 10 itibachvūt māya he i miha; 12 itaka-shapvūt māya tuk a nan i miha. 18 Aka a nahopoyuksa yvūt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvūt isht okpaninchi: 26 na hopoyuksa, micha nan i shahli aiena kak osh vltoka keyu, amba ik hopoyukso, ik hlampko, aiena kak osh vltoka.

1. **PAL**, Chihowa nan ai ahni atuk pulla mak o Chisvs Klaist im apostel vltoka tok, micha il itibapishi Soshlenes ita tuklo kv̄t,

2. Chihowa in chvch Kolinhlā a hikia, Chisvs Klaist ak atuk pulla kak o isht a kashovt, vbanumpuli vltoka tok, micha pin Chitokaka Chisvs Klaist vt yvmma, micha pishno il ita tuklo ka pimmi hatuk o hohchifo hā anukchietot hohoyot kanima moma ai āsha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kv̄t hvchi anukfoyukashke.

4. Yohmi ka Chisvs Klaist ak atuk pulla kak o Chihowa hv̄t ilap isht i kana yā hvch ima hatuk oka, an Chihowa yā hvchishno yak atuk pulla mak o yak oke im ai ahni li bilivshke.

5. Yohmi hō nan okluha kv̄t yvmmak o isht a hvchin

laua hosh isht anumpuli puta, micha nan ithana puta kut isht a hvchim aienvshke.

6. Yakohmi hosh Chisvs Klaist nan isht atokowa yash osh hvchishno a isht ai ahli hatuk oke.

7. Yohmi hosh na hvlbina nana kia ik ai ono ho hvsh ishi tuk keyu hatuk osh; pin Chitokaka Chisvs Klaist vt otaiyana hi a hvsh hohoyo hoke.

8. Yvmmak ash inli hosh hvchi ai ahlihinchit ont ai vhli ka isht hvch ona hi oke: yohmi ho pin Chitokaka Chisvs Klaist i nitak fehna ka anumpa isht a hvchi onvtula hi vt iksho ka hi oke.

9. Chihowa hvv ai ahli yoke, yvmmak o ilap Ushi pin Chitokaka Chisvs Klaist a ai ib ai eshi isht a hvchi vlhtoka hatuk oke.

10. Yohmi ka itibapishi li vhleha ma! nana a miha chvfa ho isht hvsh anumpula he, mikmvt ai it i filvmmi puta kut ik hvchim iksko ka he; amba nana hosh ai ahni kut hvchim anukfila hvv ai ahli fehnvt hvsh it ibafoyuka he mak o, pin Chitokaka Chisvs Klaist isht a hochihifo hosh hvchim ai ahni lishke.

11. Itibapishi li vhleha ma! nan itachowa yvt hvchin takla a takali ka, Kloe in chuka chvfa yosh vm anoli hatuk oke.

12. Yohmi ka hvsh moma kut, Uno ak osh Pal ai achvfa sia; anonti, Uno mvt Apollos ai achvfa sia; mikma, Uno vto Sefas ai achvfa sia; yohmik ma, Uno vto Klaist ai achvfa sia; hvsh achi ilvppak o achi lishke.

13. Klaist vt ita kvshkoa ho? hvchishno atuk mak o Pal ak osh ititaiyukhvna ai illi tok o? keyukmvt Pal i hohchifo ho isht hvchi baptismo tok o?

14. Hvsh kanima kia ak hvchi baptismochø hosh Klisvvs, micha Kaius ita tuklo bano tok a yak oke, Chihowa ha im ai ahni lishke.

15. Yohmi hatuk o vno ak inli a hohchifo ho isht baptismochi li tok a, hvsh kanima kia hvsh acha he keyushke.

16. Mikmvt Stefanvs in chuka chvfa ak kia baptismochi l tok; inla yano baptismochi likmá, nana tuk vt ak ithanoshke.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilbvshvt illa chi yvmmak o ik im ahobo yoke: amba okchaya chi pishno ak okvno Chihowa nan isht im ai ahli yoke.

19. Nan imponna isht a hopoyuksa yokvno okpvi la chi, mikmt nan ithana nan isht akostinichi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvn nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvn vlhpesa, ahnit isht okchalnichi yoke.

22. Chu okla hvn nan isht atokowa asihihla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmt, anonti Klik okvno nan ik im ahobo yoke;

24. Yohmi kia Chu okla, mikmt Klik okla ita tuklo ka kanima hosh vlhtoka hokvno mihi yo Chihowa nan isht im ai ahli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvn i shahli hoka; micha Chihowa yvt isht ik a hlampko ahoba kia hatak okvno hlampko kvn i shahli hoke.

26. Itibapishi li vhleha ma! hvchishno vto hvchi vlhtoka hokvto yakni pakna a hopoyuksa yvt ik lauwo, nan isht ai ahli ishi kvn ik lauwo, hatak holitempa aiena kvn ik lauwo hosh vlhtoka ka hvsh pisvshke:

27. Yohmi kvn ilap hopoyuksa ya hofahyala chi kvn

Chihowa hvt yakni ilvppa nana ik ahobo puta ka atokoli hatuk; micha nana hlampko yvmma hofahyala chi kvt yakni ilvppa ik a hlampko yo Chihowa hvt atokoli hatuk:

28. Mikmvt nana kvt yakni ilvppa ik a holitopo, micha nana kvt yvmma ik ai ahobo aiena ka, Chihowa hvt atokoli hatuk; ahli, yohmi kvt nana asha tuk a akshocha chi kvt nana kvt iksho ke tuk a atokoli hatuk:

29. Yohmi ho hatak nana kia Chihowa itikba ya ai ilauata he atuk keyu hoke.

30. Yohmi kia hvchishno vto yvmmak atuk mak o Klaist Chisvs a hvsh ibai achvfa ka yvmmak o Chihowa pulla kak o isht pi a hopoyuksa, micha isht pi ai vlpiesa, micha isht pi a kashofa, micha isht pi ai vlbi yoke:

31. Yohmi ka holisso hatuk oka, Kvna kia ilauata hokmvt, Chitokaka yak o isht ik ilauata.

CHAPTER II.

Vbanumpa isht anumpohonli ka Chihowa nan isht im ai ahli yosh ai ibafoyuka tuk a, Pal vt achi, 1. 14 Im anukfila himona hatak keyu hokvto vbanumpa ha ik akostinincho.

1. YOHMI ka itibapishi li vhleha ma! kaniohmi kash hvchim ona li kvt, Chihowa isht atokowa yo hvchim anohonli la chi kvt, isht ahninja he anumpa hokma, keyukmvt isht ahninja he hopoyuksa hokma, nana ho sht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha vwnihinja fehma hosh hvchin takla ya ahanta li tok.

4. Mihmvt anumpuli li, micha vbanumpa isht anumpuli li aiena kvt, hatak hopoyuksa nan isht yukpali anumpa hatok keyu, amba Shilombish, micha nan ahli yo otvninchit isht anohonli li tok:

5. Yohmi ka na hvchi yimmi kvt hatak nan isht im a

hopoyuksa yo a minta chi hatok keyu, amba Chihowa nan isht ai ahli yak a he atok.

6. Yohmi kia vbanumpa ithana ahli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i miko vhleha isht a hopoyuksa, yummak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yummvt luma hatok a yumma isht pi a holitopa hi o, yakni vt ik tobo kisha ma, Chihowa hvt apesa tok ak o isht il anum-pohonlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yumma i hullo hokvno mihi yo Chihowa hvt nana ka im ataiyahli tok a, yummak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfohko hoke, achi hosh holihiso hatuk oka.

10. Yohmi tok o Chihowa hvt ilap imi Shilombish pulla ho yummak ash isht a pim otvninchi hatuk: Shilombish ak osh nana puta ka silhhit ithana hokvt, ahli, Chihowa nana im a kaniohmi a hofobi kak kia ai yummohmi yoke.

11. Kvta hosh hatak nana im a kaniohmi puta ka ithana cho? hatak shilombish yummvt ilapa anukfoyuka ak illa keyu? yummak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yumma isht il anumpohonli kvv yumma hatak nan isht im a hopoyuksa yosh avvchi anumpa keyu, amba yummak oka Shilombish Holitopa yosh avvchi anum-pa ho Shilombish nana im a kaniohmi ya Shilombish anukfoyuka vhleha ho il ithv nahanchishke.

14. Hatak chukvsh ik kashofu hokvto Chihowa imi Shilombish nana im a kaniohmi puta ka ik ithano yoke; yvm-mak okvt ilap a nana ik ahobo hokvt: mikmvt ithana he keyu, yvmmak ash o Shilombish osh avvchi hoka.

15. Yohmi ka kva hosh Shilombish anukfoyu hokvto nana puta ka anukfillit akostinichi, yohmi kia ilap okvno hatak nana hosh im akostinichi keyushke.

16. Kvta hosh Chitokaka im anukfila ha ithaiyana cha, mihi yosh nan im avvcha hinla cho? Yohmi kia pishno yokvto Klaist im anukfila yo il ieszvshke.

CHAPTER III.

Pishukchi vt vlla chipunta yak o immi, 1: 3 kaniohmi ho itakvsh-koa hatuk a haknip imma im anukfila hatuk vt otvni. 7 Kva hosh hokchi, mikma kva hosh oka o foechi itatuklo kvv nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i naho poyuksa keyu.

1. YOHMI ka itibapishi li vvhleha ma! Shilombish anukfoyu ha chohmichit hvchim anumpohonli la he keyu, amba haknip nan ai ahnit Klaist ibai avvfa vvlo si yo hvchi chohmichi lishke.

2. Pishukchi yo isht hvch ipeta li tok, ilhpak kvvlo atok keyu; tikba kamo isht a hvchim vvhpesa tok keyu kvv hi-monasi ak kia, isht a hvchim vvhpesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvv hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kvv, Vno vto Pal ai avvfa sia; anonti in-la mvt, Vno vto Apollos ai avvfa sia, hvsh achi hokvt hak-nip nan ai ahni hvchia mak o keyu?

5. Yohmi ka kvta hosh Pal okma, anonti kvta hosh Apollos o? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kvt yohma he mak o Chitokaka yvt ape-sa tok o, Ūno ak osh na-hokchi li tok, Apollos vto oka on hlali tok; amba Chihowa yokvto offochi hatuk oke.

7. Yohmi ka kvna hosh hokchi, mikma kvna hosh oka isht on hlali hokvto na kanihma he keyu, amba Chihowa yvmmak osh offochi yoke.

8. Yohmi ka kvna hosh na hokchi, anonti kvna hosh oka isht on hlali ita tuklo kvt itibai achvfa yoke: yohmi ka moma kvt ilap na toksvli isht ai vllhpiesvt vlhtoba ak illa hō isha hi oke.

9. Chihowa immi hosh itiba toksvli vhleha pia hoke. Chihowa nan im ahollokchi hvchia, micha aboha Chihowa hvv atahli tuk mak o hvchia hoke.

10. Chihowa hvv ilap nan isht i kana yvmma vma tuk mak o aboha ikbi imponna hopoyuksa yō chohmit in tolahpi ya bohli li hatuk, mihma inla yosh yvmmak ash o ai itvbnī hoke. Yvmohmi hoka hatak moma kvt kanimihchit yvm-mak ash o ai itvbnī kvt ahah! ahnashke.

11. Intolahpi yvmmvt Chisvs Klaist, yvmmak osh itola ha ya, hatak nana hosh inla ya bohla he keyu hoka.

12. Yohmi ka hatak kvna kia intohlapi ilvppa pakna ya tvli holisso lakna yokmá, tvli hvta yokmá, tvli ai vlbi chito yokmá, iti yokmá, hvshuk okmá, onush vpi yokmá, nana hō isht itvbnī tuk okmá;

13. Nana vlhtaha tuk aiyuka kvt otaiyana hi oke: nitak yvmmak osh otvnnīcha he, luak o isht otaiyana hi oka; yvmohmi ka hatak a im a toksvli aiyuka kvt kanihmi hatuk oh kia, luak osh imomaka pisa hi oke.

14. Yvmmak ash pakna ai itvbnī tuk a hatak nana hosh atoksvli tuk ak o ik okpulokma, mihi yosh nan vlhtoba ya isha hi oke.

15. Kvna hosh atahli tuk a lua hokma, yvmmak osh i kv-nivt ilbvsha hi oke: yohmi kia ilap okvto okchaya he, yohmi kia luak o a hlopulli kak inli hō chohma hi oke.

16. Chihowa in tempel hvchia, yohmi hatuk o Chihowa imi Shilombish vt hvchia chukvt anta ka hvch ik ithano cho?

17. Kuna kia Chihowa in tempel a litehlikma, mihi yə Chihowa hut ishit kancha he; Chihowa in tempel vt holito-
pa yoka, tempel yummak o hvchia hoke.

18. Kuna kia ik ile haksecho kia. Hvchi kanima hosh yakni ilvppa hopoyuksa hə ilahobikmvt, yummvt hopoyuksa chi kvt yakni ilvppa ik ahobo yə ik tobá,

19. Yakni ilvppa isht im a hopoyuksa yokvto Chihowa ya isht ik im ahobo yoka. Yummak okvt hopoyuksa ya ilap nan isht imponna ak inli hə isht ishi yoke, achi hosh holisso tok oka.

20. Mihmvt anonti atuklanchi mvt, Chitokaka yvt hopoyuksa im anukfila puta, yummvt ai ahli ik ono ka ithaiyana hoke, achi tok.

21. Yumohmi hoka kuna kia hatak puta hə isht ik ilauato kia, nana moma kvt hvchimmi hoka;

22. Pal ak okmá, keyukmvt Apollos, keyukmvt Sefas, keyukmvt yakni ilvppa, keyukmvt ilhfiopak okchaya, keyukmvt nan illi, keyukmvt nana kvt himonasi asha, keyukmvt nana kvt asha he moma kvt hvchimmi yoke.

23. Mikma hvchishno vto Klaist immi hvchia; mikma Klaist vt Chihowa immi hoke.

CHAPTA IV.

Kaniohmit Klaist im vbanumpa isht vta ya il ahnicha he tuk 1; 7 nana ka e habena tuk keyu kvt il i shi keyu. 9 Apostel vhleht yakni pakna ik ahobo yə isht vlpisa, 16 yummak o il im antia he tuk.

1. KLAIST in tishu vhleha, micha, nan ahli Chihowa hut otvninchi tok puta nan im apesvchi vhleha mak o, chiyuhmichit hatak puta kvt isht pi anukfillashke.

2. Anonti nan apesvchi vhleha nan isht im vlpisa kvt hatak yummvt ai ahla hi ak oh chatuk oke.

3. Yohmi kia hvchishno, keyukmvt hatak inla nana kia nana hə isht hvs sum anukfillit hvsh apesa kia, vno yokvto

yvmmt vm iskitinosi fehna hoke; ahli vno ak inli kv̄t isht il anukfillit nan apesa li keyu hoke.

4. Vno ak inli kv̄t nana hō isht il akostininehi li keyu kv̄t; yohmi kak osh ilvppak o isht si ai vlhpiesa hi o keyu; amba kv̄na hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo kisha ka tikbalinchit nan isht anukfillit hvch ik apeso kashke, yvmmak osh ai okhlilika ya nana kv̄t a luma puta tuk a otvninchikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kv̄t nana ai isha he vlhpesa tuk vt Chihowa ya im ai isha hi oke.

6. Yohmi ka itibapishi li vhleha ma! yvmma puta kash hvchishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kv̄t holisso tok a i shahlichit hatak o isht ik hvchim anukfilo hosh pishno ak o hvsh pim ai ithvnashke; yohmi hosh hvsh achvfona kia achvfa ka ish ile fehnvchit, anonti achvfa ka hvch ik i sanalo kashke.

7. Kv̄ta hosh hvch iti shashohlichit hvchim apesa tok o? Nanta hō ish īshi hosh yvmma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hvchi fihopa, himak ano na hvchin laua, ik piksho hō mikot hvsh mayvshke; yohmi ka hvsh miko hatuk o mvhli hokbano ahni li, yvmmak atuk mvno pishno ak kia e hvch iba mika he atuk.

9. Illa he isht im vlhpisa kak o chohmit vbanumpeshi ishtaiyopi pishno a Chihowa hv̄t pi atokoli tuk a vm ahoba hoka; yakni moma, mikmvt enchil vhleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hvchishno vto Klaist a isht hvchi a hopoyuksa hoke: ik pi hlampko ma, amba hvchishno vto hvchi hlampkoshke: hvchi holitopa ma, amba pishno vto ik pi holitoposhke.

11. Pi hohchahafot, pi tukshihinla, micha haknip bieka, mihma pi pvsahaha; yohmi hō ai vtta ahli yvt ik pim iksho na ant himakvshke.

12. Mihmvt pishno pibbak ak inli h_o isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke: pi palvmibinchi kia, vllhpiesa il ahnishke.

13. Ik ahobalot na pi achi kia, i kana hosh il im anum-pohonlishke; yakni pakna im a liteha ak inli h_o a pi chiyuhmi, mikma nana moma isht liteha chukvllhpvsh ak o è chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla a holitopa hvsh chiyuhmi kv ahah! hvsh ahana ch_i kak o hvch_i miha lishke.

15. Klaist nan isht ithvnanchi tahlepa sipokni pokoli hosh hvchim ai asha hoh kia, hvch iki vt ik lauwohke; Klaist Chisvs osh nan apelvchi h_o vbanumpa pulla h_o isht hvchi tobachi li tuk oke.

16. Yvmohmi hokvt hvs siakaiya hi a hvch_i miha lishke.

17. Ilvppa yakohmi kak o Timohlivs, svso a holitopa, Chitokaka im ai ahlit achukma ya pit hvchi kanchi li ka, mihi yosh kanima moma iksa a hiohli puta ka Klaist isht avchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kv isht hvsh ilefehcvchishke.

19. Yohmi kia Chitokaka yvt vllhpesa ahnikma, chekosi hvchim ona la ch_i hoke: yohmi kv ilefehvnchi vhleha hatuk yvmmak ash im anumpa hak a ch_i keyu, amba nan ai ahli yak o ithana la ch_i hoke.

20. Chihowa im apehliechika yokvt anumpa h_o keyu, amba nan isht ai ahli yak oke.

21. Nanta h_o hvsh ahni? fuli yokmá, keyukmvt i hullo, micha chukvsh im anukfila yohbi hokmá, nanta h_o ieshi hosh hvchim ona la ch_i cho?

CHAPTA V.

Hau mvt Kolinhla chvch a ibvlhkahvt maya kak osh hofahyalichi, 1; 10 nan ibetvblich_i okpulo yokvno hofahyalit kano pit kancha he vllhpesa.

1. ITIN lumaka yvt hvch itin takla ya asha kv̄t anoh̄wa fehna hoke; yohmi ka kvāna kia īki tekchi atuk ā itauwaya, nan itin lumaka chohmi kv̄t Chentail okla ak kia ai yvmohmi fehna chatuk keyu hoke.

2. Yohmi ka kvāna hosh na yakohmi ka yvmihchi tuk vt hvch itin takla ya a filvmma ch̄i ka, ik hvchi nukh̄aklo kish, isht hvsh ile fehnvchishke.

3. Sa haknip okvno isht a hvch̄i filvmmi li mvhli; yohmi kia sa shilombish okvno isht hvch ibafokv̄t hvch itin takla ahanta li ka chohmit, kvāna hosh na yakohmi ka yvmohmi tuk mihi yō nana im apesa li mashkoshke.

4, 5. Kaniohmi hō pin Chitokaka Chisvs Klaist ī hohchi-fo hō isht itvnahvt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kvāna hatuk ash haknip isht ai im ilbvsha tok osh Chitokaka Chisvs Klaist ī nitak v̄la hokvno imi Shilombish okvto okchaya ch̄i ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatvmmi iskv̄tinosi kia na yvmmvska moma ka yvm̄michi ka hvch ik ithano cho?

7. Yvmohmi ka ik yvmmo hvchia hokv̄t, na yvmmvska himona mak o hvchia ha ch̄i kv̄t, nan isht shatvmmi tikba yash isht ile filvmmichit hvsh kanchashke. Klaist vt na pim v̄banvblit ont ia yvt v̄lhtobvt illi tok oka.

8. Yomohmi hoka impa holitopa isht kiloh ai ashá; yohmi kv̄t nan isht shatvmmi tikba yash ō keyu, mikmv̄t isht it̄i nukkilii, micha nan ik ai v̄lhpeso aiena ka isht shatvmmi yak ō keyu, amba nan ilahobi keyu hosh ai ahli ī pvska ik shatvmmo yak ashke.

9. Itin lumaka vhleha h̄a hvch ik itiba chvfo ka ch̄i hō, holisso h̄a hvch̄i holissochi li tuk oke.

10. Yohmi kak osh yakni ilvppa ai itin lumaka vhleha, mikmv̄t nan anushkunna atampa vhleha, micha na wehpuli vhleha, mikmv̄t na holv̄t toba aiokpv̄chi vhleha aiena ka hvch ik itvpeho kv̄mohma he ak atok keyu; yohmi hokmv̄t yakni ya hvsh a kohcha he ak osh hvchim v̄lhpesa hoka.

11. Yohmi tok kia kvna hosh itibapishi hohchifo hatuk vt itin lumaka, keyukmvt nan anushkunna atampa, keyukmvt na holbvt toba aiokpvchi, keyukmvt inla isht itukhlakafa, keyukmvt oka homi ishko, keyukmvt na wehpuli okmá, nana hokvno hvch ik itibai achvfokmvt, yvmma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh ikxa ibafohka yatuk keyu yvmmak kia nanta ho isht im apesa la he vlhpesa ho? ikxa ibafohka yvmmak atuk okvno hvsh im apesa keyu ho?

13. Amba kvna hosh ikxa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yvmmak ash ai il i filvmichit hvsh kanchashke.

CHAPTER VI.

Ubanumpuli vt nan vlhpisa isht it onocha he keyu, 1; 9 nan ik vlhpeso vto vba apelhichi ka ai ahanta he keyu. 15 Hvpí haknip vt Klaist a ibachvfa, 19 mikmvt Shilombish Holitopa in tempel oke.

1. **H**VSH kanimi kvv inla ya nana hvsh ití kaniohmikmvt, nan ik vlhpeso itikba yo ont nana hvchim vlhpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtinosi hokvno hvsh apesa he hvchi vlhpesa keyu ho?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichí fehna hinla keyu ho?

4. Yohmi ka okchaya ilvppa nana im a kaniohmi yo nan isht hvchim vlhpisa chí hokmvt, kvna hosh ikxa im a holitopa keyu mihi yosh na hvchim apesa chí ka, hvsh atokoli chatuk oh cho?

5. Hvchi hofahya chí ho hvchim anumpuli lishke. Hatak hopoyuksa kvv hvch itin takla ya iksho ho? achvfa kia

itibapishi vhleha nan iti kaniohmi ka im apesa he keyu kvt iksho hō? yohmi ho mvhli hō?

6. Yohmi kia itibapishi achvfa kvt itibapishi atuk a anum-pa onochi cha, nan ik yimmo vhleha itikba yō nana im vhl-pisa chi kvt ohonvshke.

7. Yomohmi hoka himonasi kia anumpa itonochit nan im vhlpisvt hvsh mayā hokvt, nana hvsh ashvchi fehnvshke. Nanta katiohmi hō nan ik vhlpeso ka hvchi onocha he hvch ik im ahno hosh? nanta katiohmi hō nana ka ik vhlpesachot hvchim isha hi a vhlpesa hvchik im ahno hosh?

8. Yohmi keyu, amba hvch itibapishi ak kia ai vhlpiesa keyu hō na hvsh im ishi kvt, nan hvsh ashvchi hoke.

9. Ik vhlpeso vhleha hokvt Chihowa im apelihchika yvt ai immi ha he vhlpesa keyu ka hvch ik ithano cho? hvch ik ile haksecho kashke; itin lumaka vhleha, naholbvt toba aiokpvchi vhleha, micha haui vhleha, micha nakni haui vh-leha, micha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht itukhlakafa vhleha, micha na wehpuli vhleha, aiena hokvno Chihowa im apelihchika yvt ai immi toba he vhlpesa keyu hoke.

11. Yohmi ka hvsh kanimi kvt yvmma chohmi hvchia hatuk oke. Yohmi tuk kia hvchi ahchifa hatuk, mihmvt hvchi kashofa hatuk, yohmi kvt Chihowa imi Shilombish pulla hō Chitokaka Chisvs i hohchifo hō isht a hvchi vhl-piesa hoke.

12. Nana puta kvt isht vm ai vhlpesa, yohmi kia nana puta kvt isht vm ai achukma keyu; nana puta kvt isht vm ai vhlpesa, yohmi kia yvmma kanima kak oh kia i yuka la he keyu hoke.

13. Il impa hvt takoba yak o immi hoh chatuk oke, mikma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvt ikshokecha chi hoke. Yohmi ka haknip okvt haui yak o ai im vhlpisa keyu, amba Chitokaka yak oke: yohmikma Chitokaka yvt haknip a nan im atahli yoke.

14. Yohmi kvt Chihowa hvt Chitokaka ya tanichi hatuk

okvt anonti pishno a ilap nan isht im ai ahli yo isht pi tani-cha he ak inli hoke.

15. Yohmi ka hvchi haknip vt Klaist a ai it immi ha hvch ik ithano cho? yohmi hatuk a Klaist a ai it immi hash ishi lish, anonti haui yo ai it immichi la chi cho? ik yvmohmo pullashke.

16. Yakeh! kvna hoh kia haui yo ibafohka kvt, yvmmvvt haknip achvfa ka hvch ik ithano cho? tuklo tuk kia haknip achvfa toba hi oke, achi hoka.

17. Amba kvna hosh Chitokaka ak o ibafokkakmvt, shilombish achvfa hoke.

18. Haui ya ili filvmmichit hvsh m lelashke. Kvna kia nan ai ashvchika moma ka yvmihchi hokvto, haknip okvno nana kanihchi keyu hoke: amba kvna hosh itin lumaka hokvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi yosh hvchi afoka, yvmmak osh Chihowa a minti ho hvsh ieshi, yvmmak o in tempel hvchia hosh, hvchishno ak inli kvno keyu kvt hvch ik ithano cho?

20. Nan ai vlli ho isht hvsh ai vltoba hatok: yvmohmi hokvt hvchi haknip, micha hvch imi shilombish, yvmmak okvt Chihowa immi hoka, Chihowa ya isht hvsh holitoblashke.

CHAPTA VII.

Nan itauwaya imma ka miha, 1; 4 mikmvt ik iti lumako ka hi a itauwaya hi a miha: 10 nan itauwaya kvt pilla ik ahobot itimokofa he keyu: 18 moma kvt ilap nan im vlhpisa kvt vlhpesa ahnit ahi kia he; 25 ohoyo himithoa itauwaya ka nan isht anumpuli.

1. YVMOHMI ka nana ka hvs sa holissochi tok imma kak oke. Hatak vt ohoyo ha ik potolo kak osh im achukma hoke.

2. Yvmohmi kia itin lumaka iksho ka chi kak o, hatak moma kvt ilap tekchi ak inli ho ieshikma, anonti ohoyo moma kvt i hatak ak inli ho ieshashke.

3. I hatak vt ohoyo ha isht ai im vlhpesa ka imashke: mikma tekchi atuk ak kia i hatak a mihinlohimchashke.

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Vno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampla he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvv i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa voke; yvmmak keyukma hv-

chim vlla yvt ik kashofo ka he tuk; amba himak ano holi-topa hoke.

15. Yohmi kia ik yimmo yvt filvmmi hokmvt, filvmmi ayashke. Yvmma chohmi hokvno il itibapishi yokmá, pin tek okmá, nana hash osh i yuka he keyushke; yohmi ka Chihowa hvto iti nanaiya he ak o pi atokli tuk oke.

16. Tekchi chia ma! chi hatak a ish okchalinchikmá nana chi kvt nanta ish ithana cho? mikma hatak chia ma! chi tekchi a ish okchalinchikmá, nana chi kvt katiohmit ish ithana cho?

17. Yohmi kia Chihowa hv kaniohmichit hatak moma ka i hopehinla hatuk, Chihowa yvt moma achvfalechit atokoli tok; yohmi hoka yvmmak o ik ai itvnowá. Yohmi ka chvch hiohli moma ai yvmohma chi mak o apihisa lishke.

18. Kvna kia hakshup tupa yvt vbanumpa nukfohka ho? Yohmi hokmvt hakshup ik tapo yo ik tobo kashke. Kvna kia hakshup ik tapo yosh vbanumpa nukfohka ho? yohmi hokmvt hakshup tupa keyu kashke.

19. Hakshup tupa yokvto nana keyu, mikma hakshup ik tapo yokvto nana keyu, amba Chihowa i nan vllhpisa holito-hombli kak oke.

20. Hatak moma kv kaniohmit antvt vbanumpa anukfohka tuk vt, yvmmak inli ho anukfoyukvt isht ahantashke.

21. Yuka chia hosh vbanumpa chi nukfohka ho? yohmi hokmvt na yohmi chik ahno kashke; yohmi kia yuka keyu ish toba hinla hokmvto, yvmmak o ish yvmihchashke.

22. Kvna hoh kia yuka hosh Chitokaka isht anukfoyukakma, mihi yosh Chitokaka immi yuka keyu hoke; yvmmak ash inli ho chohmit kvna hosh yuka keyu yosh vbanumpa anukfohkakmvt, mihi yosh Klaist in tishu yokvt.

23. Nan ai vlli yo hvsh ai vlbi hatuk; hatak i yuka ho hvchia keyu kashke.

24. Itibapishi li vhleha ma! hatak moma kv kanima yo hikvt anukfohka tuk mvt, Chihowa im antihiyvt yvmmak inli ho antashke.

25. Yvmohmi ka ohoyo himithoa hatak haleli keyu vhleha umma kak a he tuk okvno Chitokaka i nan vllhpisa yvt ik

svm ikshoshke: yohmi kia ai aḥla chi hosh Chitokaka nan isht i nukhaklo ahayuchi tuk mak o, chohmit vno vm anuk-fila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashv-chi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvv haknip nan isht ik im vlhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im aḥa vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuh-mashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vlhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot ihiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kvv, nana kvv Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kvv, nana kvv yakni ai immi hak o anukfihinli hoke.

34. Hatak im aḥa, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kvv, nana kvv Chitokaka ai immi hak o anukfihinli hoke: amba hatak im aḥa yokvto, kaniohmit i hatak yukpala chi kvv, nana kvv yakni ai immi hak o anukfihinli hoke.

35. Yohmi ka hvchishno isht ai hvchim vlhpesa hi q iluppa anumpuli lishke: yohmi kv̄t nan isht ataklvma yō isht hvchi onochi la chī hatuk keyu; amba nana kv̄t ai vlhpiesa kak atuk; yohmi ka nan isht fitekvchi ik im ikshot, Chitokaka ya im antihyvt nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk a ilap inli hosh ik vlhpesalo kv̄t anukfillikmvt, yvmak ash osh hofantit taha ha ya tuk okma, anonti yvmohma he vlhpesa hoka, nana hō iki ash osh ahnikmvt nanashvchi keyu hokvt, yvmihchashke: yohmi hō hatak auwayashke.

37. Yvmohmi kia yvmohma he vlhpesa keyu hokmvno, iki ash osh ilap chukvsh isht ile kv̄llochit ilap nan ahni hosh ahlichā hinla hosh, anonti yakohmashke, ahnit ilap chukvsh a anukfoiyuki hokmvt, ushetik hatak haleli keyu kash ot imoma hosh im anta he ahnikmvt, vlhpesa hō yvmihchi hoke.

38. Yvmohmi hoka kv̄na hosh ushetik hatak haleli keyu hā hatak auwayvchi kv̄t vlhpesa hō yvmihchi hoke; yohmi kia kv̄na hosh ushetik hatak haleli keyu ya hatak auwayachi keyu kak osh, vlhpesa kv̄t i shahli hō yvmihchi hoke.

39. I hatak vt okchaya moyuma ka tekchi vt nan vlhpisa pulla hō isht a talaiyakchi hoke; yohmi tuk kia i hatak ash osh illi hokmvno, Chitokaka immi kv̄na boh kia ahnikmvt, auwaya hi vt i holhtofa hoke.

40. Yohmi ka Chihowa imi Shilombish vt a si anukfoiyuka ak inli ka vm ahoba hoka, vno vm anukfila hā yvmak ash osh iakaiyvt peh anta hokmvt, yvmvt yukpa kv̄t i shahli hoke.

CHAPTA VIII.

Naholbvt toba puta ka nan isht aiokpvchi ka isht anumpuli, 1; 9 kv̄na kia na kil ibetvblichō kashke.

1. YOHMI ka na holbvt toba isht aiokpvchit nana ka im issa tok imma hokvno, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokvto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbvt toba puta isht aiokpvchit nana ka im issa tok yvmmak o vpa hatuk imma tok okvno, na holbvt toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okmá, keyukmvt yakni pakna yak okmá, nana ho ai asha kv, i shahli hv t laua cha, anonti chitokaka mvt laua hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaist achvfa yvmmak atuk mak o nana moma kv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kv na holbvt toba ya nana ho chohmichit isht ai i yimmi cha, na holbvt toba yash nana ho im issa tuk ash o yvmmak o ai vpv t maya na ant hima-kvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlpesa ilvppak ash ot kvna hosh ik hlampko, yvmmak ash o ibetvblichi yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbvt toba in tempel anukaka ya ish ai impa na kvna hosh chipiesakmvt, yvmvmt nan isht il akostininchi hv ik hlampko hatuk okmvt, na holbvt toba nana ho im issa tok yvmmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk ash o chitibapishi ik hlampko yummak o Klaist vlhtobvt illi tok a okpuloka chi cho?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kvt, Klaist ak o hvsh im ashvchi hoke.

13. Yvmohmi ka ilhpak vt itibapishi li ha ibetvblechi hokma, itibapishi li hash ak ibetvblecho ka chi kvt, yakni vt talaia moma ka nipi nana kia vpa la he keyu hoke.

CHAPTER IX.

Vbanumpa isht vtta yvt nan isht il apelacha hi okvno im atahla he otvninchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya pvlhki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yvmmt na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlshke: Chitokaka hvsh ibai achvfa kak osh vbanumpeshi si vlhtoka hatuk a isht ahlichu hvchia hoke.

3. Kvna hosh ik yimmot si a ponaklo tuk ymma im afalaminchi li ka ilvppak oke;

4. Impa, micha nan ishko ita tuklo kvt isht a pim vlhpiesa keyu ho?

5. Ohoyo pin tek a ilaelit aya kvt, apostel inla vhleha, mikmt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlhpiesa keyu ho?

6. Yohmikmt Banabas ita tuklo li kak bano hosh ke tokvlo ka hi vt pim vlhpiesa keyu ho?

7. Kvta hosh kanihmi hoh kia itotinowa kvt ilap inli hosh nan i kvnia ho? kvta hosh pakvpi a hollokchi ya ikbi tuk vt, ymma nan ai vni ka ai vpa keyu ho? keyukma

kṛta hosh nan vḥpoba apistikeli kṛt anonti nan vḥpoba ya i pishukchi ya ik ishko ka hinla?

8. Hatak o chohmit ilvppa puta ka achi li ho? vba nan vḥpisa yak kia yummak inli ho achi ak inli keyu ho?

9. Wak toksuli yummvt na nihechi ka, Itakha ya chik takcho kashke, achi hosh Moses i nan vḥpisa ya holisso hoke. Chitokaka yvt wak toksuli ya nan im atahli ho?

10. Yohmi ka pishno ak illa puyulla hatuk mak o achi tok o? pishno puyulla mvhli hatuk mak o ilvppvt holisso hatuk: yohmi ka kṛna hosh yakni patvffi kṛt, nawaya pisa he ahni hosh yakni patvffashke; mikma nan isht ilai yukpa pisa he ahni hosh kṛna kia nanihechi kṛt, na pisa he ahni tuk ak o ibai isha hi oke.

11. Nana kṛt shilombish imma ko e hvchim a hokchi hatuk okma, nana kṛt haknip ahalaia imma e hvchim ai vma chi ka, nana kṛt a fehna ho?

12. Inla yvt ilvppa hvch ibai isha hi vt vḥpesa hokma, pishno yokak heto isht a pim vḥpiesa keyu ho? yohmi kia nana vḥpesa ahnit ilvppak ash o isht kil il apelacho hatuk: amba Klaist im vbanumpa ha kil ataklammo ka chi kṛt, nana moma ka ik yvmohmi il ahni hoke.

13. Kṛna kia nana kṛt holidopa imma kak o isht vtta kṛt, yummvt nana kṛt tempel a ai immi hak o ai vpa; mikma kṛna hosh alta ya nan isht ai vtta kṛt, yummvt alta ya nan ai ibai ishi ka hvch ik ithano cho?

14. Yummak inli ho chohmit kṛna hosh vbanumpa isht anumpuli kṛt, yummvt vbanumpa ha ai isht il apelacha hi o, Chitokaka yvt apesa tok.

15. Yohmi kia ilvppa puta kash achvfona kia isht il apelachi li tuk keyu: yohmi mvvt nana kṛt vm ai yvmohma chi kṛt ilvppa puta kash holissohonchi li tuk keyu: kṛna kia nan isht il a holidopa li ya ik ahobalecho ka he atuk a, illi kak osh achukma kṛt ymma vm i shahlishke.

16. Vbanumpa isht anumpohonli li hoh kia, nan isht il aholitopa la hi vt ik svm iksho kamohmishke: nana kṛt ai vḥpiesa mak osh si onvtuyula hoka; ahli, vbanumpa ha isht anumpohonli li keyukmvvt, nan vm a palvmmi hoke.

17. Ahni li hok mak osh ilvppa yvmohmi li hokmvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vtta hi okvte si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpisa hatuk a ak vlhpesacho ka hi o keyushke.

19. Achvfona kia i yuka sia keyu, yohmi kia i shahlichit asitvi la chi kv, vno ak inli hosh moma ka il im i yuka-hanchi li hoke.

20. Yohmi hokvt Chu okla ha asitvi la chi kv, Chu okla hokvno Chu ak inli ho toba li hatuk; mihmvt kvna hosh nan vlhpisa ya ai i nutaka atuk a asitvi la chi kv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kvna hosh nan vlhpisa a keyu ka asitvi la chi kv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtu-yula hoka.

22. Ik hlampko ya asitvi la chi kv, ik hlampko hokvno ik hlampko ak inli ho toba li hatuk; yohmi kv ik kaniohmi kia kanimi ka okchalinci la chi kv, hatak moma ka nana moma ka in toba li hoke.

23. Yohmi kv vbanumpa ha hvch ibai ishi la chi kv, vbanumpa pulla kak o ilvppa yakohmi li hoke.

24. Kvna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kv, yvmmak inli ho chohmit hvsh malelashke.

25. Yohmi ka hatak moma kv i shahlicha he ahnit ile lushummi hokvto, yvmvt nana moma ka il ai oktamplic hoke. Yohmi kv iachuka okpula hi o isha chi kv, okla ilvppak o yakohmi hoke: pishno yokvto nan okpula ha keyu kak oke.

26. Yvmohmi hoka ik im ai ono keyut, yakohmit malihinli lishke: kva hosh mahli hō ihisso hō chohmi keyut, itihimbi lishke.

27. Yohmi kv̄t sa haknip imaiyachi li, yohmi mv̄t yukahanchi lishke: yvmmak keyukmv̄t ik kaniohmi kia inla ya vbanumpa isht im anumpohonli li haya tuk vt, vno ak inli kak osh ak ai ahlo ka hinla hoke.

CHAPTA X.

Chu okla nan isht im v̄lhpisa holitopa, 1. 7 Chu okla nan isht im apalv̄mi tok a nan isht il ithana he tuk. 21 Chitokaka im ai impa ya Setan o im ai impa kiloh ikbo kashke. 24 Il itibapishi im anukfila ha il itim ahnichia he tok.

1. YAKOHMI ka itibapishi li v̄hleha ma! pin tikba v̄hleha hv̄t kaniohmit moma kv̄t hoshonti ha ai i nutakv̄t ayv̄t, anonti momv̄t okhv̄ta hō a hlopulli tok a hv̄ch ik ithano ka hi a, hv̄chim ai ahni li keyushke.

2. Yohmi ka Moses a im antia ch̄i kv̄t hoshonti, micha okhv̄ta ita tuklo kash o isht a baptismo tok.

3. Mihma il impa shilombish imma a miha chv̄fa hō momv̄t vpa tok.

4. Mihmv̄t nan ishko shilombish imma a miha chv̄fa hō momv̄t ishko tok. Tv̄li chito shilombish imma yvmmak ash okla ai ishko tok a yvmmak ash ot iakaiya tok oka; yohmi ma Tv̄li chito yvmmv̄t Klaist mak atok oke.

5. Yohmi kia yv̄mma kashampa laua ka Chihowa yv̄t isht ik i ahno fehna tok; illit yakni haiaka ya okla a fimimpa tok oka.

6. Yohmi ka nana yakohmi kv̄t nan isht a pim v̄lv̄v̄cha hi atuk; yvmohmi hokv̄t okla nan anushkunna tok ak inli hō chokmit nan ik v̄lhpeso puta ka kil anushkunno ka he atuk oke.

7. Okla hv̄t binohmayv̄t impv̄t, nan ishkot wakaya cha, a hihlv̄chi tok, achi kv̄t holisso hoka; kanima kv̄t yohmi hatok a chohmit nan holbv̄t toba aiokpv̄chi hv̄chia keyu kashke.

8. Mihmvt kanimi kvt itinlumaka tuk osh, nitak achvfa ka tahlepa sipokni pokoli tuklo akocha tuchinv_t ak-akoha tok v_hleha h_a chohmit kil itinlumako kashke.

9. Mihmvt kanimi kvt Klaist imomaka pisa tuk osh, sinti o isht ai illi tok v_hleha h_a chohmit Klaist a imomaka ke peso kashke.

10. Mihmvt kanimi kvt ik im vlhpesot na mihachi tuk osh, nan okp_vni o isht ai okpuloka tok v_hleha h_a chohmit, na hvch ik mihacho kaskke.

11. Yohmi ka isht a pim vlv_vcha hi a ilvppa puyuta kvt yvmmak ash o ai i yvmohmi tok: yohmi tuk osh yvmmak atok vt isht a pim achukma ch_i mak o holisso ma, yakni ont ai v_hli hv_t pishno ak o pim vlvshke.

12. Yvmohmi hoka kvna hosh, Hikia li, ahni kvt, mihi yosh ik itulo ka ch_i kvt ahah! ahnashke.

13. Nana imomaka pisa nana hosh hvchi onvtula he keyu; amba hatak moma ka ai onvtuyula chatuk chohmi kvt yvmmak oke; yohmi kia Chihowa yvt ai a_hli, yvmmt nan hvsh a lauecha he ont ia hokvno imomaka hvchi pisa hi a ahna he keyu hoke; amba yvmmak ash hvsh a lauecha ch_i ka nana imomaka pisa yvt hvchi ontuyulakma, a hlakofa he ataya ya hvchim ikba he ak inli hoke.

14. Yvmohmi hoka a kana a holitopa v_hleha ma! na holbvt toba ai okp_vchi hvsh i filvm_mashke.

15. Hatak hopoyuksa yo hvchi chohmichit anumpuli lishke; nana h_o achi li ka anukfillit hvsh akostininchashke.

16. Isht ishko holitopa mihi yo Chihowa isht il aiokp_vchi kvt, yvmmt Klaist im issish a isht itibai ishi keyu h_o? Pvska e boshullich_i ka, yvmmt Klaist haknip a isht itibai ishi keyu h_o?

17. Pishno vt pi laua kia, pvska achvfa, anonti haknip achvfa pia hoke; pvska achvfa yvma momvt iloh itibai ishi hokvt.

18. Israel okla haknip imma hokvno ho pesá; kvna hosh vba nan isht aiokp_vchi nipi yo ai vpa kvt, yvmmt alta ya itibai ishi keyu h_o?

19. Yohmi ka nanta h_o achi li h_o? na holbvt toba

yummvt nana hoke ; mikmvt na holbvt toba nana hō isht aiokpvcha chi hō imma ka yummvt nana hoke, achi li hō ? keyú.

20. Amba nana hō Chentail okla hv̄t vba isht aiokpvchi kv̄t, nan isht a hullo okpulo yak ȳ isht aiokpvchi kv̄t, Chihowa yak okvno keyu, achi li hoke : yohmi hokvt nan isht a hullo okpulo ya hv̄sh ibai isha hi ȳ, hv̄chim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hv̄sh ai ishka he keyushke. mikmvt Chitokaka im ai-imp̄a, mikmvt nan-isht ahullo okpulo v̄hleha im ai-imp̄a it aieninchit hv̄sh ibai achvfa he keyushke.

22. Chitokaka ya il anukhobelvchi na pī nuktvhla hinla hō ? yv̄mma hlampko kv̄t il ī shahli hō ?

23. Nana moma kv̄t isht v̄m ai v̄lhpiesa, yohmi kia nana moma kak osh isht achukma he keyu ; nan moma kv̄t isht v̄m ai v̄lhpiesa, yohmi kia nana moma kak osh achukmalechi keyu hoke.

24. Hatak kv̄na kia ilap nan isht im ai v̄lhpiesa he ak ba-no hō ik hoyo kashke ; amba hatak moma kv̄t inla nan isht im ai v̄lhpiesa he yak ashke.

25. Nipi a chumpa ya nana hosh a kv̄nia tuk a, yv̄mma nan isht il akostininchi pulla kak ȳ nana ik a ponaklot, hv̄sh pashke.

26. Yakni moma, micha awaya moma kv̄t Chitokaka im-mi hoke.

27. Kanimi kv̄t na yimmi keyu hosh ont hv̄sh ibai imp̄a he hv̄chim ahni hokma, ia hi a hv̄sh ahni hokmvt ; nana hosh hv̄chin tikba ya talaiakma nan isht il akostininchi pulla kak ȳ nana ik a ponaklot, hv̄sh pashke.

28. Yohmi kia kv̄na hosh, Na holbvt toba isht aiokpvcha hi ȳ ilv̄ppa im issa tok a hv̄chim achikma, na hv̄chim anoli tuk yv̄mmak pulla, mikmvt nan isht il akostininchi aiena pulla kak ȳ hv̄shpa ná ; yakni micha ai immi moma aiena kv̄t Chitokaka immi hoke.

29. Nan isht il akostininchi achi li ka, chimmi ak ȳ keyu,

amba yummak ash oke; nan isht vm ai vlhpisa hosh yumihi li ka, nanta katiohmi hō inla nan isht il akostininchi hosh si onochi hō?

30. Chihowa nan isht i kana pulla hō ibai ishi li hokmvt, yummak oka yak oke isht ahni li ka, nanta katiohmi hō nan ik vlhpeso yō isht a si anumpa cho?

31. Yvmohmi hoka hvsh impa, keyukmvt na hvsh ishko, keyukmvt nana hō hvsh yumihi hokmvt, Chihowa isht a holitopa chī hō, mominchit hvsh yvmohmashke.

32. Achvfona kia Chu ak okmá, keyukmvt Chentail ak okmá, keyukmvt Chihowa in chvch ak okmá, nana kia hvch ik ibetvblichō kashke.

33. Hatak moma ka nana moma ka yukpali kv̄t, vno nan isht vm ai vlhpiesa hi ō hoyo li keyu; amba lawa yummvt okchaya chī ka, isht im ai vlhpiesa hi ō hoyo li ka hvsh chiyuhmashke.

CHAPTER XI.

Chihowa aiokpahanchi a nana kv̄t ik vlhpeso, micha Chitokaka im opiaka impa ma ik ahobalo aiena ka im alvmmi, 1. 23 Chitokaka im opiaka impa vlhpisa vmonnvt isht a minti tok a im anoli; mihmvt kaniohmit okla holitobla hi tok a im otvnnichi.

1. **U**NO vt Klaist a iakaiya sia akinli hō chohmit, siakaiya hvchia hashke.

2. Yvmohmi ka itibapishi li vhleha ma! nana moma isht hvs svthaiyana, mikmvt nan vlhpisa holitopa moyuma ka hvch ichima li tuk a hvsh holitobli hoka, hvchi ahninchī lishke.

3. Yohmi ka hatak moma i noshkoboka yvt Klaist ak okma; anonti ohoyo hā i noshkoboka yvt hatak ak cke; mikma Klaist i noshkoboka yvt Chihowa yak oka, hvsh ithana he ak ō, hvchim ahni lishke.

4. Hatak moma kv̄t anumpa ilbvsha anumpuli, keyukmvt Shilombish ō anukfoyukvt anumpuli kv̄t, noshkobo hv̄t im ō hlipia hokmvt, ilap noshkobo hā hofahyali hoke.

5. Amba ohoyo moma kv̄t noshkobo ō hlipia keyu hosh,

anumpa ilbvsha anumpuli, keyukmvt Shilombish o anukfuyukvt anumpuli hokmvt, noshkobo yash o hofahyali hoke, yvmmak okvt noshkobo i shafa yak inli ho chiyuhmi hoka.

6. Ohoyo hvt noshkobo ompoholmo keyukmvt, pashi ak kia vlmashke; yohmi kia pashi vlmo, keyukmvt shafa kak okmá, nana ka ohoyo hvt isht a hofahya hinla hokma, noshkobo hvt ompoholmashke.

7. Chihowa ya a hoyulba na isht a holitopa hoka, hatak vt noshkobo ha nan o hlipela he vlhpesa keyu mvhlishe: amba hatak a isht im a holitopa yokvto ohoyo ak oke.

8. Hatak vt ohoyo ak o a toba tok keyu, amba ohoyo ak osh hatak ak atok oka.

9. Mikmvt hatak vt ohoyo ak atuk pulla mak o toba tok keyu, amba ohoyo ak osh hatak ak atok oke.

10. Yvmohmi kak o ohoyo hvt enchil vhleha ak pulla kak oka, noshkobo hvt ompoholma he vlhpesa hoke.

11. Yohmi kia ohoyo hvt iksho ka hatak vt anta he keyu, mikma hatak vt anta he keyu, mikma hatak vt iksho ka ohoyo hvt anta he keyu, Chitokaka yvt im ahni hoke.

12. Ohoyo hvt hatak ak o a toba yatuk o, yvmmak inli ho chohmit hatak vt ohoyo pulla kak o atoba hoke; yohmi ka nana puta kvv Chihowa ak o atoba hoke.

13. Hvehishno ak inli hosh anukfillit ho pesá; ohoyo hvt noshkobo ompoholmo keyu hosh Chihowa im ilbvshvt anumpuli yvmmvvt vlhpesa ho?

14. Hatak vt pashi vt falaia hokmvt, ishit hofahya ka nan isht anukfilli kak oh kia nan hvchi ithvnanchi keyu ho?

15. Amba ohoyo hvt pashi vt i falaia hokmvt, isht im a holitopa hoke; ilap pashi vt noshkobo isht ompoholma hi o ishi tok oka.

16. Yohmi kia kvna hosh a sanali kak o bunna ahoba kia, pishno yukvto yvmma chohmi kvv ik pim iksho chatuk; mikmvt Chihowa in chvch a hiohli kvv yvmma chohmi kvv ik im iksho chatuk oke.

17. Yohmi ka achukma i shahli kak o keyu, amba okpulo i shahla chi hosh mintit hvsh itvnaha kak o, ak hvehim ahnincho ilvppak osh hvehim anoli lishke.

18. Ūbanumpuli iksa yosh ant hvsh ai itvnaha kv̄t, nana vmonna ka ita kvshkov̄t hvsh māya ka haklo lishke: yohmi kv̄t sai yimmi chohmishke.

19. Yohmi ka hvch ik itibachvfo kak o pulla chī, yohmik mak o kv̄na hosh ai ahli hok mak osh hvch itin takla ya otaiyana li oke.

20. Yohmi ka a miha chvfa hō ant hvsh ai itvnaha, ilvpak osh Chitokaka im opiaka impa ya vpa hō keyu hoke.

21. Hvsh impakmvt, hvsh moma kv̄t hvchim opiaka impa yatuk kak illa hō tīkba hvsh ishishke: yohmi hatuk o achvfa kv̄t hohchvfohma, anonti inla yato nan ishkot haksishke.

22. Yakeh! ai impa he, mikmvt ai ishka he aiena chuka yv̄t ik hvchim iksho hō? keyukmvt Chihowa in chvch hvsh shitilema cha, anonti kv̄na hosh nana kv̄t ik im iksho ke tuk yvmmak ash kia hvsh hofahyala chī hosh hvsh yohmi hō? Nanta hō hvchim achi la chī hō? ilvppak ash o isht hvchi ahninchī la chī hō? isht hvchi ahninchī li keyushke.

23. Chitokaka ya im ishi li tuk mihi yō hvch ihīma li; yohmi ka Chitokaka Chisvs vt tēv̄p ibbak fohka chī ninak yvmmak inli mvt pv̄ska ya ishi tok.

24. Mihmvt yvmmak ash ot vba pit isht aiokpv̄chi cha, pv̄ska yash boshullichī mvt, Ieshi cha, ho v̄pā; ilvppvt sa haknip osh hvchī boshulli hoke: hvs sv̄thana chī kv̄t ilvpak o hvsh yvmihchashe, achi tok.

25. Yvmmak ash inli hō chohmichit opiaka impa ishi ha-yosh, isht ishko ash kia yvmmak ash ot ishi mvt, Ilvppvt nan vlhpisa himona vm issish o isht ai ahli toba hoke; ilvppak o hvsh yvmihchi cha, yvmmak ash hvsh ishko aiyukakmvt, hvs sv̄thahanashke.

26. Pv̄ska ilvppa hvsh pa aiyuka, mikmvt isht ishko ilvppa hvsh ai ishko aiyuka aiena kv̄t, Chitokaka illi tok a hvsh otv̄nihinchī na yvmmak atuk vt vla hayashke.

27. Yvmohmi ka kv̄na hosh yohma he ai vlhpiesa keyu hosh, pv̄ska ilvppak ash vpa chī, mikmvt Chitokaka im isht ishko ilvppak ash ai ishka chī aiena hokmvt, mihi yosh Chitokaka haknip, micha im issish ita tuklo ka ik holitobl̄t nan isht i palv̄mmi mak a hi oke.

28. Yohmi ka hatak okvt anukfillit ik ile pisá: yvmohmi cha mihi yosh pvska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishko aiena kvt Chitokaka haknip ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kvt laua hosh hvchim ai asha; mihma laua kvt nusi hoke.

31. Pishno ak inli kvt il il akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kvt, yakni ya ai itvpehvt ik pi palvmmo ka chi kvt, isht pi achukma chi hosh Chitokaka ya il im afvma hoke.

33. Yomohmi hoka itibapishi li vhleha ma! hvsh impa chi hosh hvsh itvnahakmvt, it i hullot hvsh iti hoyashke.

34. Yvmohmi ka itvnahvt nan isht hvchim vlhpisa chi kvt, kvna hosh hohchvfo hokvto, mihi yosh in chuka yak o ik ai impá. Nana inla ka yatuk okvno ona lik mak osh, apoksiachi la hi oke.

CHAPTER XII.

Shilombish na holhpela hokvto il ai yuka, 1; 7 yohmi kia moma kvt nan isht ai yukpa he vlhpesa bano. 12 Haknip a ai ibachvfa yvt ai it im il aiyuka bano, yohmi kia ilap bika it im vlhpesak mvt, haknip ma im ai vlhpiesa chatuk; 29 yohmi hoka na pi hvlbena kvt il aiyuka kia, isht il itapela he tok.

1. YUMOHMI ka itibapishi li vhleha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hvt na hvsh anukfoyuka hosh na holbvt toba ik anumpulo puta ilvppa hvsh im ohona kvt hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kvt, Chisvs a na kallakshi yo hochifa he keyu hoke: yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch ithvnanchi lishke.

4. Yohmi ka na hvlbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht v̄tta mvt im ilaiyuka; yohmi kia Chitokaka yokv̄to mihi ash inli hoke.

6. Mikma na toksvli mvt im ilaiyuka hoke; yohmi kia Chihowa mihi ash inli hosh ilv̄ppa moma ka hatak moma ka anukfohkichi hoke.

7. Yohmi ka Shilombish nan isht otv̄ni h̄o hatak moma kv̄t isht ai vlhpiesa hi osh habena hoke.

8. Shilombish pulla h̄o na hopoyuksa anumpa h̄a achvfa kv̄t anukfoyuka hoke; inla yato Shilombish yvm̄mak inli h̄o nan ithana anumpa h̄a anufoyuka hoke.

9. Inla mvt Shilombish mihi ash inli pulla h̄o na yimmi h̄a ishi: mikma inla mvt Shilombish mihi ash inli pulla h̄o na hlakofichi hvlbina ka ishi hoke.

10. Inla yvt na fehna puta yvm̄ihcha hi vt ishi; inla mvt Shilombish anukfoyukv̄t nan ithvn̄ancha hi vt ishi; inla mvt chukv̄sh im anukf̄ila puta akostin̄inchi ȳo ishi; inla mvt anumpa ilaiyuka anumpula he vt ishi; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achvfa mihi ash inli kak osh hatak moma ka kanimi h̄o im ai ahni aiyuka hosh na yakohmi puta kash im it a kv̄shkolit anukfohkichi hoke.

12. Haknip okv̄to achvfa, yohmi kia yvm̄ma ai immi hokv̄to in laua; mikma haknip achvfa yvm̄ma ai immi moma kv̄t laiyawa kia, haknip achvfa hoke; yohmi ka Klaist ak kia ilv̄ppak inli h̄o chohmi hoke.

13. Shilombish achvfa pulla h̄o momvt isht il a baptis-mot haknip achvfa e toba; Chu, keyukmvt Chentail pia hokmá, yuka, keyukmvt yuka keyu ȳo pia hokmá, nana tuk kia momvt Shilombish achvfa il ibai ishi ȳo e toba hatuk.

14. Haknip vt ai immi im achvfa keyu, amba laua hoka.

15. Iyi yvt, Ũno vto ibbak sia keyu hokv̄t, haknip ai immi sia keyu; achi hokmv̄to, yohmi kia yvm̄mvt haknip a ai immi keyu h̄o?

16. Mikma haksobish vt, Ũno vto nishkin sia keyu hokv̄t,

haknip ai immi sia keyu hoke; achi hokmvto, yohmi kia yvmmt haknip a ai immi keyu hō?

17. Yohmikma haknip moma kv̄t nishkin okma, katima yak osh na haklo ya hinla hō? moma kak osh na haklo yokma, katima yak osh na huwa ya hinla hō?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali momin-chit haknip ash ai iba fohkichishke.

19. Yohmi ka moma kak osh ai immi achvfa hokmvno, katima yak osh haknip a hinla hō?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak chī svbvn-noshke, im acha he keyu: keyukmv̄t anonti iyi yash o, Nana ka ak chī svbvnnoshke, noshkobo hv̄t im acha he keyu hoke.

22. Keyú, yv̄mma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmv̄t a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hv̄t haknip a iti fohkit apoksiachi mv̄t, kanimi kv̄t ik alauwo ke tuk ash holi-tobli kv̄t i shahlichī fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kv̄t holitopa hokma, moma kv̄t ibai yukpa hoke.

27. Yohmi ka Klaist haknip o hvchia, micha yvmmak ash o ai immi ka a kashampa ai yuka hvchia hoke.

28. Yohmi ka Chihowa hv̄t kanimi ka atokolit chvch a hiohlichī; vmmona ka apostel, atukla ka Shilombish anuk-foyukv̄t anumpuli; atuchina ka vbanumpa isht ithvnanchi;

mikmvt na fehna puta yvmihchi, mikmvt na hlakofichi holh pela, nan apelvchi, chvch pehlichei, anumpa ilaiyuka anum puli puta kak oke.

29. Moma kak osh apostel o? keyukmvt moma kak osh Shilombish anukfoyukvt anumpuli yo? keyukmvt moma kak osh vbanumpa isht ithvnanchi yo? keyukmvt moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmvt moma kak osh anumpa il aiyuka anumpuli ho? keyukmvt moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kv̄t i shahli ho hvchim anoli lishke.

CHAPTA XIII.

Shilombish holhpela moma kv̄t nan i hullo kv̄t aiena keyu hokv̄to nan ik ahoba, 1; 4 nan i hullo im anukfila nan a kaniohmi.

1. **H**ATAK im anumpa ilaiyuka puta, mikmvt enchil puta im anumpa ho isht anumpuli li hoh kia, nan i hullo yvt ik svm ikshokmvt, tvli lakna ohonla, keyukmvt tvli kusa kvsahahanchi ak inli ho holba li hoke.

2. Yohmi ka Shilombish anukfoyukvt anumpuli na holhpela ka ieshi li, micha nan ik otano ki tok moma ka akostininchil li, micha nan ithana moma ka ieshi li, yohmi cha na yimmi moma ma ieshi li, yohmi hokvt nv̄nih hochito puta ka kanv̄lichei la hinla kia, nan i hullo yvt ik svm iksho hokmvt, nana ho sia keyu hoke.

3. Yohmikmvt nana vm asha moma kash ilbv̄sha ya im iti yopelachi li, micha sa haknip mvt lua chi ho im issa li; yohmi kia nan i hullo yvt ik svm iksho hokmvt, nana ho isht vm ai achukma keyu hoke.

4. Nan i hullo yvt na hotopali ya i sv̄laha, micha nan i kana yoke; nan i hullo yvt nana potv̄nnot i nukkilli keyu; nan i hullo yvt ilap inli ka isht ilauata keyu, ile chahv̄chi keyu.

5. Ilefehnuchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu ; nan ik vlhpeso anukfilli keyu.

6. Nan ik vlhpeso isht ai yukpa keyu, amba nan ahli yo isht ai yukpa yoke.

7. Nana moma ka ompohomo, nana moma ka yimmi, nana moma kvt vlhpesa chi, ahani a yimmi, nana moma kvt ant ik svm ai yohmi, ahani.

8. Nan i hullo yokvto nitak nana ont ai iksho ka he keyu : amba Shilombish anukfoyukvt anumpuli yokma, nana hatuk kia yummak okvto ont ai iksho ka hi oke ; anumpa ilaiyuka ithaiyana yokma, nana tuk kia yummak okvto ont issa hi oke ; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyukvt il anumpuli hoke.

10. Yohmi kia nana ont ai ahli yummvt vla chi, yohmi hokmvno nana ik ono yummak atuk vt ont ai ikshot kvnia hi oke.

11. Vlla sa tomba mvt, vlla yo chohmit anumpuli li tok ; vlla yo chohmit nana akostininchi li tok ; vlla yo chohmit nana anukfilli li tok ; yohmi tok kia hatak ont toba li mvt, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa : yohmi kia yummak fokak mak o nashuka bika il iti pihisa hi oke : himonasi yokvno ak onancho hosh ithana li ; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke : yohmi kia ilvppak ash moma i shahli hokvto nan i hullo yak oke.

CHAPTA XIV.

Shilombish anukfoyukvt anumpuli ha ahninchi ; 4 yummak osh anumpa inla ithanvt anumpuli ka i shahli ; 12 isht a hlampko

achukmvt i shaht ia chi ka ita tuklo ka a yvmihcha hinla
34 chvch itvnahvt maya ka ohoyo hvt anumpula he keyu im
vlhpisa.

1. NAN i hullo ya achunanchit iakaiyvt, ishi ka hvchi
bvnashke: mikmvt Shilombish imma ka anukfoyuka chi ka
hvchi bvnashke: yohmi kia Shilombish anukfoyukt hvsh
anumpula he ak osh ahni kvv hvsh i shahlichashke.

2. Kvna hosh anumpa inla yo anumpuli hokvto, hatak o
im anumpuli keyu, amba Chihowa yak oke: kvna hosh im
akostininchi keyu hoka; yohmi kia Shilombish anukfoyuka
hosh yvmmak ash ot nana luma hatok puta ka anumpuli hoke.

3. Amba Shilombish anukfoyukt anumpuli hokvto,
hlampkohonchi, mikmvt ai okchaya he ahna chi ka i mihija,
mikmvt hopohlahanli, aiena hosh hatak puta im anumpuli
hoke.

4. Kvna hosh anumpa inla yo anumpuli hokvto, ilap illa
isht achukmali hoke; amba kvna hosh Shilombish anukfoy-
ukt anumpuli hokvto, chvch a hlampkohonchi hoke.

5. Hvsh moma kvv anumpa ilaiyuka hvsh anumpula he
ak o hvchim ahni li; yohmi kia Shilombish anukfoyukt
hvsh anumpula he ak o hvchim ahni li kvv i shahlichili:
kvna hosh anumpa ilaiyuka anumpuli ka, chvch vt achuk-
mvt i shahlit hlampka chi ka, yvmmvv tosholi keyukma, kv-
na hosh Shilombish anukfoyukt anumpuli kak osh holitopa
kvv i shahli hoke.

6. Yohmi ka itibapishi li vhleha ma! nana otvninchi, ke-
yukmvt nana itvnanchi, keyukmvt Shilombish anukfoyukt
anumpuli, keyukmvt nana avvchi nana hosh anumpa ilaiyu-
ka anumpuli la chi hosh hvchim ona li hokmvt, nanta ho
isht hvchi yukpali la hinla ho?

7. Yohmi ka nana kvv fiopa iksho hosh ohonla kvv, oskula
hokma, keyukmvt hap okma, nana ka ai ola kak osh it im
ilaiyuka keyukmvt, katiohmi kak osh oskula yokma, keyuk-
mvt hap okma, nana ho ai ola kvv otaiyana hinla ho?

8. Isht pufa yvt ola kvv ik haiako hokma, kvta hosh itiba
chi kvv il atahla hinla cho?

9. Yvmmak inli ho hvsh chiyuhmi kvv anumpa akostinin-

cha he kvllo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kvt yakni pakna ai asha, yvmohmi chatuk; yohmi kia achvfa kvt nana hō miha keyu kvt iksho hoke.

11. Yvmohmi ka anumpa ola ka yvmmak o miha ka ak akostininchokma, kvna hosh anumpuli yvmmak ash o im bvlbaha sia mak a hi oke; mikma kvna hosh anumpuli yvmmak ash ot am bvlbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kvna hosh isht anumpuli hokmvt, yvmmak ash toshola chī kvt vba ik asilhhā.

14. Anumpa inla yō vba isht anumpuli li hokma, sa chukvsh ak osh vba asilhha hoke: yohmi kia vm anukfila hokvto inla ya nan im vni keyu hoke.

15. Yohmi ka katiohmi kak a chī hō? chukvsh o vba isht anumpuli la he, micha vm anukfila hō vba isht anumpuli la he: mikmvt chukvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kvna kia nan ik ithano im ai o binili binili hatuk vt, nana hō ish achi ka akostininchi keyu kvt, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kvt, hvsh moma ka hvch i shahlichī li kvt, an Chihowa ya yak oke im ahni lishke.

19. Yohmi kia chvch itvnaha ka inla maya ka vm anumpa ola ka nana isht im avvchi la chī kvt, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itibapishi li vhleha ma! nana akostininchi kvt vlla chipunta yō hvch ik tobo kashke: yohmi kia nana ik ai vhl-

peso hokvno vllosi y_o hvsh tobashke; yohmi kia nana akos-
tininchi hokvno hatak o hvsh tobashke.

21. Anumpa im inla, mikmvt itivlbi inla hatuk o okla
ilvppa isht anumpohonli la chi: ilvppa moma yvmohmi hoh
kia okla ik sa haponaklo ka chi, Chitokaka yvt achi hoke,
achi kv_t nan vllpisa ya a holisso hoke.

22. Yohmi hoka anumpa inla anumpuli yvt na yimmi
vhleha ha isht im atokowa keyu, amba kvna hosh yimmi
keyu kak oke; yohmi hoka Shilombish anukfoyuka kv_t
anumpuli kak o kvna hosh yimmi keyu yvmmak o achuk-
mali keyu, amba kvna hosh yimmi kak oke.

23. Yvmohmi hoka chvch moma kv_t miha chvfa ho ant ai
itvnaha cha, momvt anumpa inla anumpuli aiyuka hokma,
anonti nan ik ithano, mikmvt nan ik yimmo aiena kak kia ai
vlakmvt, tasimbo y_o hvchim acha hinla keyu?

24. Amba moma kak osh Shilombish anukfoyukvt anum-
puli hokma, anonti na yimmi keyu, keyukmvt nan ik ithano
yosh vla hoh kia yimmit, momvt anumpuli ka ahli ahnit
anukfohka, yvmmak ash ot moma kak o nan isht ai im vllh-
pisa hoke.

25. Yohmi ka yakohmi hosh chukvsh isht im anukfila
anukaka yvt otaiyani yoke: yakohmi hok mak osh hlipia
cha, yvmmak ash ot Chihowa ya aiokpvchishke, mikmvt
Chihowa hv_t hvch iba takla ho mvhli hatuk a anola hi
oke.

26. Yohmi ka itibapishi vhleha ma! nanta katiohmi ho?
ant hvsh itvnahakmvt, hvsh moma kv_t ataloa yokma, anum-
pa tosholi ak okma, nana ho hvsh ishi aiyuka hosh ant hvsh
itvnahvshke. Isht achukma hi o nana moma kv_t yvmoh-
mashke.

27. Hatak kvna hosh anumpa inla y_o anumpuli hokma,
tuklo, keyukmvt tuchina kvno ont ik aiyo, yohmik mak o it
iakaiyashke; mikma achvfa kak osh tosholi ashke.

28. Amba tosholi iksho hokmvno, ai itvnaha ya lumvt
binilashke: yohmi cha Chihowa, ilapo ak inli ita tuklonchit
im anumpulashke.

29. Shilombish anukfoyukvt anumpuli vhleha hv_t tuklo,

tuchinakma, nana kv̄t anumpulikma, inla yokvto aḥli hō? ahnit anukfillit pisashke.

30. I bilikasi binili yvmmak ash o nana kv̄t im otvni hokma, vmmona kash ot nuktanlv̄t binilashke.

31. Momv̄t ithana cha, anonti moma kv̄t isht im ai achukmv̄t isht i shahla chi ka, Shilombish anukfoykvt hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoykvt anumpuli vhleha im anuk-fila puyuta kv̄t Shilombish anukfoykvt anumpuli vhleha hash o i nutaka yoke.

33. Shakapv̄t nan iti ataklv̄ma he Chihowa hv̄t ahni keyu, amba vbanumpa anukfohka aḥli im ai itvnaha moma kak o chohmit iti nanaiya yak oke.

34. Iksa itvnahv̄t m̄aya ka hv̄chim ohoyo hv̄t lumv̄t binohmayashke; yvmmak okv̄t anumpula he im vlhpesa keyu hoka; amba im antia he ak osh im vlhpesa hoka, nan vlhpisa yv̄t yvmmak o achi ak inli hoke.

35. Yohmi ka nana hō ithvna bv̄nna hokmv̄t, chuka ak inli kak o i hatak a ai im aponaklashke: iksa itvnahv̄t m̄aya ka ohoyo hosh anumpuli hokvto nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kochev̄t minti hatok o? keyukmv̄t hv̄chishno ak bano hō hv̄chim ona hatuk o?

37. Hatak kv̄na hosh ilap inli kv̄t Shilombish anukfoykvt anumpuli yokma, keyukmv̄t Shilombish holhpela ka isht anukfoyuka hō mihi yosh im ahobakmv̄t, pit hv̄chi holisso-chi li tuk yvmmv̄t Chitokaka i nan vlhpisa mak atuk a akostininichit, aḥli ahnashke.

38. Amba kv̄na hosh ik akostinincho hokvto mihi yosh nan ik akostinincho kv̄t imomashke.

39. Yvmohmi ka itibapishi li vhleha ma! Shilombish anukfoykvt anumpula he ishi ka bv̄nnv̄t hv̄sh achilitashke; mikmv̄t anumpa inla anumpuli ka hv̄ch ik im alammo kashke.

40. Nana moma kv̄t ai vlhpiesa, micha ai itiakaiyv̄t anuktanla mak o yvmohmashke.

CHAPTA XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv-mohmi: 36 falamvt e tana he nana akaniohmi: 51 Klaist vt vlak ma, okchayvt anta tuk vt inlv̄t toba he.

1. YUMOHMI ka itibapishi vhleha ma! vbanumpa yvmmak o hv̄chim anumpohonli li yvma hv̄sh ishi tuk osh, anonti mihi yo anukfoyukvt hv̄sh mahaya ka, yvmmak inli ho hv̄ch im anohonli lishke:

2. Yvmmak o hv̄chi ai okchaya, nana ka isht hv̄chim anumpuli li tuk a ithaiyanvt hv̄sh ieshi hokmvt, nana ka ik onancho keyut hv̄chi yimmi hatuk okmvt.

3, 4. Holisso Holitopa nana achi tok mak o nana pim ai ashv̄chika puta kak o Klaist vt kaniohmit isht ai illi; yohmi cha yvmmak ash ot hollopi tuk osh, anonti nitak ont atuchina ma Holisso Holitopa nana achi tok mak o yvmmak ash ot anonti tani tok, yvmmak o vno ak kia si anukfoyuka hatuk osh, mihi yo tikbanli hv̄chim anohonli li tuk oke.

5. Mihma yvmmak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achvfa yvmmak ash osh itibapishi tahlepa tahlapi ont ia ka i haiaka tok: yvmmak atok a akashampa laua kv̄t okchaya na ant himakv̄shke, yohmi kia kanimi kv̄to nusit akakoha tok.

7. Yohmi ha yo yvmmak ash ot Chemis a i haiaka tok; yohmi mvt apostel vhleha hash mominchit i haiaka tok.

8. Yohmi mvt moma ont ishtaiyopi ka ai vhlpiesa keyu ho chohmi, vno ak kia yvmmak ash ot a haiaka tok.

9. Apostel vhleha moma ik alauwo sia, yohmi kv̄t apostel hohchifa he si vhlpesa keyu, Chihowa in chv̄ch a ilbv̄shali li tok okvt.

10. Yohmi kia Chihowa nan isht i kana pulla ho kanima a hikia li kv̄t yvmmak o hikia sia mak oke; mikmvt yvma nan isht i kana yvmmt si anukfoyuka kv̄t ik ai ono ke tuk keyu hoke: yohmi hokvt toksvli hoyubli kv̄t yvmmak ash

moma ka i shahlichili: yohmi kia vno ak keyu, amba Chihowa nan isht i kana mihi yosh a svbai achvfa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmvvt illit falamvt tani tuk vt isht anumpa hokma, katiohmi hō hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ahlo il otvni noke: Chihowa yvt Klaist a tanichi tok a isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ahlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist a iba nusi tuk vhleha yvmmvvt aiokpuloka mak oke.

19. Okchaya ilvppak bano kak osh Klaist a il ai okchaya chi il anukchieto hatuk okmvt, pilbvsha kvv hatak moma ka il i shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmmak ash nan vni vmona mak o toba hoke.

21. Hatak puyulla hatuk mak o nan illi hvv aya tok, hatak pulla kak o illit falamvt tani vt a minti tok.

22. Alvm atok puyulla mak o momvt illi ka, yvmmak inli hō chohmit Klaist pulla atuk mak o momvt falamvt okchaya yō toba hi oke.

23. Yohmi kia hatak moma kv̄t ilap nan isht im ai vlh-
piesa kak a hi oke : Klaist ak osh nan vni vmmona hoke : i
himmak o Klaist immi hatuk vt, yvmmvt mintikma, tana hi
oke.

24. Mikma ap ehlichika, nan vlhtoka, micha nan im ai ghli
aiena ka ai akshochi ha yosh ap ehlichika ya yvmmak ash ot
iki Chihowa mak o ibbak fohka hi oke ; yohmik mak o ai
vhlh hv̄t vla hi oke.

25. Yvmmak okvt mikot ahanta pullvt, in tv̄nv̄p vhlēha
moma ka ilap iyi nuta ashachi ha ya hi oke.

26. Tv̄nv̄p ishtaiyopi mak osh yvmmvt ont ik ai iksho ka
chī kv̄t nan illi ak oke.

27. Nana moma ka yvmmak ash ot iyi nuta ya ashachi
tok oke. Yohmi ka nana puta kv̄t yvmmak ash ai i nuta-
kv̄shke, yvmmvt achi kia, nana moma ka yvmmak ash ai i
nutakv̄chi tok ilap ak bano hosh keyu kv̄t otaiyanishke.

28. Yohmi ka nana moma kv̄t yvmmak ash o ai i nutakvt
taha, yohmik mak o Ushi ilap ak kia nana moma ka ai i
nutakv̄chi tok yvmmak ash o ai i nutaka he ; yohmi hō
Chihowa ya moyuma kv̄t nana moma ka isht ai okpahanchit
isht im antia hi oke.

29. Yvmmak a he keyukma ; illi tuk ak o vlhtoba hosh
baptismo tuk, yvmmvto nanta hō katiohma hi o ? illi yvt
tana he keyu kv̄mohmi hokma ; nanta katiohmi hō illi atuk
pulla ka isht a baptismo hatuk o ?

30. Mikma nanta katiohmi hō hv̄shi kanv̄lli moma ka isht
a pī palv̄mmi ya il a hikia cho ?

31. Nan isht ilaiyukpa yvmma hv̄chishno pulla hatuk
mak o pin Chitokaka Klaist Chisvs isht im ai eshi li kak
osh ai ghlichit anohonli li mv̄t, nitak moma ka sahanlishke.

32. Hatak o chohmit nampo a nukshopa puta ka Efesvs
ak o ai itihimbi li tuk vt, illi yvt tani keyukma, nanta hosh
isht vm ai achukma hinla hō ? onnaha ya hv̄p illa chī hokvt,
impt, nan ishkot keho mayá.

33. Hv̄ch ik ile haksecho kashke : nan ik vlhpeso a chu-
kulbi yokvto im anukfila achukma puta tuk a im okpvni
voke.

34. Yohma he ai vllhpiesa hoka oh okcha, micha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya chī hō ilvppa hvchim anumpuli lishke.

35. Yohmi ka katiohmi hosh illi yvt tani hō? mikmvt haknip vt katiohmi hō yvmmak ash ot isht kohcha hō? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk a illi yō keyukmvt, yvmmak ash ot okchaya yō keyu hoke.

37. Mikma nana ish hokchi kv̄t nan vpi yvmmak a hi o ish hokchi keyu, amba onush okmá, keyukmvt nihi inla yokmá, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya chī ka ima hoke; mikmvt nihi moma kv̄to ilap im vpi ya chī ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla mvt nampoa nipi, inla mvt nvni nipi, inla mvt hushi nipi yak oke.

40. Ūba imma na haknip ilaiyuka, aka imma na haknip ilaiyuka aiena kv̄t ai asha hoke: yohmi kia vba imma isht im a holitopa yokvto achvfa, mikma inla mvt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla mvt hvshi ninak aya nan isht im a holitopa, anonti inla mvt fochik puta isht im a holitopa yvt asha hoke; isht a holitopa hokvno fochik achvfa kv̄t fochik inla ya it im inla hoke.

42. Illit falamvt tani kv̄t yvmmak inli hō chiyuhma hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh taiyani hoke: ik hlampkot hollohokchi tuk vt, nan ai ahlahe mak osh taiyani hoke.

44. Ilhfiopak haknip hollohokchi tuk vt, shilombish imma haknip osh taiyani hoke. Ilhfiopak haknip, mikmvt shilombish imma haknip ita tuklo kv̄t ashvshke.

45. Yvmohmi kak o hatak vmmona Alvm vt shilombish

okchaya yosh toba tok; Alvm ishtaiyopi kvto Shilombish okchalinchi y_o toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni y_o a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli h_o chohmi hoke: mikma vba ai immi hokvto, yvmmak ash inli h_o chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apehlichika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeh! nana a luma hatuk a hvch im anoli lishke; moma kak osh hvpi nusa ch_i keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla h_o, moma kv inlv e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlv e toba hi oke.

53, 54. Na toshba he ilvppak ash osh nan toshba he keyu h_o isht a foyuka pulla he, mikma nan illa he ilvppak ash osh nan illa he keyu h_o isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; ahanchi hosh holisso tok vt yvmmak ash ot ont ai ahl_a hi oke.

55. Nan illi ma! katima yak o nan isht ish nvhli y_o? ahollopi ma! katima yak o nan isht ish imaiyachi h_o?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Klaist pulla ha tuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hush kullo cha ik huchi fitekacho kish, vlhtoba iksho ka hi osh Chitokaka hush in toksvli keyu kv̄t hush ithaiyana ho-kv̄t, Chitokaka im atoksvli yā lauachit hush toksahanlashke.

CHAPTA XVI.

Nan ik im iksho a kaniohmit apelacha he, mikmvt vbanumpa hv̄t i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kv̄t vbanumpa ha yakoke ahani tok.

1. YOHMI ka na yimmi ahli nan im itahobi imma ho-kvno, chvch Kaleshi a hiohli kak o nana im apesa li tok a, chohmit hush yvmihchi ak inlashke.

2. Ona li ha yō nan itahobi kv̄t ik ai iksho ka chi ka, wek nitak vmmonakma achvfa hush aiyuka kv̄t, Chihowa hv̄t nan im ilayak a ataiyahli ka, it ilauechit ishit hush il im bohon-lashke.

3. Atuk o ona likma, kvna ho vlhpesa hush ahni hokma, mihi yosh nana hush habenvchi tuk ash Chelusalem isht ona chi ka, holisso ha im atahli lish, pit yuhli lashke.

4. Yohmi kia ia li kak o vlhpesa hinla hokma, yvmmak ash ot si apihvt ia chi hoke.

5. Yohmi ka Masetonia yakni ya a hlopulli li ha yosh, hvchim ona la chi hoke, Masetonia yakni ya a hlopulli li mak okvt.

6. Yohmikmvt hvch ibai anta la chi, ahli, hvshstula yak kia hvch ibai anta la chi chishke; yohmi ho anowa hopaki kanima yō ia la chi ka hv̄s si apelvcha hi oke.

7. Himonasi ya nowvt aya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kv̄t Efesvs ak o anta li Pentekost ai onak mak a chi hoke.

9. Okhissa yvt chito, mikmvt vm ai ahla hi vt an tiwa, mikma a sanali vt laua hoke.

10. Yohmi ka Timohlivs vt ona hokmvt, nukshopa ikshot hvch iba takla anta chi ka hush pisashke: vno vt yvmmak inli chohmit, yvmvt Chitokaka im atoksvli li ya toksahanli hoke.

11. Yvmohmi ka kvna kia ik shitelemo kashke: amba yvmmt ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmohmi tuk; yohmi kia ona he im ai vhpiesa onakma, ona chi hoke.

13. Okchvt oh il apistikeli, ai yimmika ya kvllot ieszit hvsh hikiashke, hatak ahli il otvninchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yvmmak osh Akaia ya nan ai vni vmmona yosh, na yimmi ahli vhleha ha apelvcha chi kvv okla il im issa tok; yohmi ka itibapishi li vhleha ma! yvmma chohmi, micha na piba toksvli, micha toksvliit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunatvs, mikmvv Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chukvsh, micha hvchishno aiena chukvsh a okla yukpali hatuk: yvmohmi hoka yvmma chohmi vhleha ha i kanvt hvsh ithaiyanashke.

19. Asia yakni hvch maya kvv pit hvchi aiokpvchishke. Akuila micha Plissilla ita tuklo kvv, ilap in hvch maya ka aiena kvv, Chitokaka ibai achvfa hvchia hoka pit hvchi aiokpvchi fehnvshke.

20. Itibapishi moma, kvv pit hvchi aiokpvchishke. Suk-sowa holitopa yo hvsh it aiokpvchashke.

21. Vno Pal nan isht aiokpvchi ka vno svbbak isht holisohonchi lishke.

22. Kvna hoh kia Chitokaka Chisvs Klaist a holitobli keyukmvv, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyakashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyakashke. Amen.

HOLISSO ATUKLA PAL VT

CHUCH KOLINHILA

A HIKIA HQ I HOLISSOCHI TOK.

CHAPTA I.

Pal vt ilap nan isht im apalvmi ka isht hopohohla kv̄t achi; mihmvt v̄banumpuli Kolinhl̄a ai asha ka nan isht hopohla tok ash inli h̄o isht hopohlahan li kv̄t Chihowa ȳa yak oke im ai ahni, 1; 15 nana hosh kaniohmi h̄o ik im vlo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv̄t Chihowa in chvch, yvm̄mvt Kolinhl̄a a hikia, mikmvt na yimmi ahli moma yvm̄mvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yvm̄mak osh nan isht il ai ilbv̄sha moma ka pi nukta-lahanli; yohmi h̄o pishno vt Chihowa hak o nan isht im anuktaiyala ȳa isht a pi nuktaiyala cha, kv̄na hoh kia ilbai-yasha hokma, e nukta-lahanla hinlv̄shke.

5. Klaist pulla hatuk mak o nan isht ilbv̄sha yvt pim a laua; yohmi hokv̄t Klaist pulla hatuk mak o nan isht a pi nuktaiyala yak kia lauv̄shke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim ai okchaya chi kv̄t, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ahli hoke; anonti pishno vt isht a pi nuktaiyala hok mak heno, yvmvt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kv̄t kullo fehnvshke.

8. Iloh itibapishi vhleha ma! nan isht a pilbvsha yvmvt Asia yakni ya a pi onvtula; yohmi mvt pim isht hlampko hash imaiyachi na na pi weki fehna mvt; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka:

9. Yohmi ka illa he anumpa il il ai eshi, yohmi kv̄t pishno ak inli ka il anukchieta he keyu; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma: yohmi kv̄t yvmmak ash osh pi a hlakofihincha chi ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli; yohmi ho pishno pulla kak o yak oke Chihowa ya im ahni kv̄t laua hi oke.

12. Isht il il akostininchi isht im ai atokowa kv̄t haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ahli hosh yakni paknaka il ai ahanta hatuk: yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli; micha ahli hvsh akostininchi fehna tuk yvmmak keyukma nana inla yo e hvchi holissochi keyu hoke; yohmi hoka ahli ahnit, akostininchit mahayvt ont ai vhli ka hvsh ona hi a hvchim ai ahni lishke:

14. Chitokaka Chisvs i nitak vt vlakma, nan isht pim ilaiyukpa hvchia ha chi kv̄t, yvmmak inli ho chohmit nan isht

hvehim ilaiyukpa pia ha chi ka, hvsh kanimi kv̄t ahli hvsh pi akostininchi ak inli tuk oke.

15, 16. Yohmi ka yakohmi tok ak o na yimmi hosh atukla ma nan isht ilaiyukpa ka hvsh isha hi a tikba hvehim ona la he ahnit, anonti ont ivt, Masetonia yakni ona li tuk mvt, anonti Masetonia yakni yash o akohchvt atuklant hvchim aya li hok mak osh, Chutia imma aya la chikma, hv̄s si apelvcha hi a vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk o? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni ho isht anukfilli li tuk o?

18. Yohmi ka Chihowa hv̄t ai ahli yatuk o, pim anumpa nan isht e hvchim achi tuk a yau yatuk osh anonti keyu, yatuk keyushke.

19. Ūno, mikmvt Silfanvs, micha Timohlivs aiena pulla kak o, Chihowa Ushi Chisvs Klaist, yvmmv̄t hvchim anuhumpa kv̄t, yau yatuk osh, anonti keyu yatuk keyushke, amba yvmmak okv̄t yau yatuk oke.

20. Yvmmak atuk pulla mak o Chihowa hv̄t nana im ih̄sa tuk moma kv̄t yau okma, anonti yvmmak atuk mak o Amen oke, yohmi kak o pishno ma Chihowa nan isht im a holitopa yoke.

21. Yvmohmi ka Klaist a iloh ibai achvfa chi ka, hvpi hlampkohonchi cha, na pi a hv̄m̄mi kv̄t, yvmmv̄t Chihowa ak oke.

22. Mihmvt ilap immi pia ha chi ka, yvmmak ash osh pi ai ahlich̄i mvt, ai okchayvt bilia e pisa he pim ai ahlich̄i kv̄t, Shilombish a pi anukfohkechi tuk oke.

23. Yvmohmi hoka hvchi kanvt na hvchim anukfilli la chi kak osh, Kolinhla ya ak ono kisha hatuk a Chihowa hv̄t vmi shilombish a atokowvt vm ithana ya chi ka hohoyo lishke.

24. Na hvchi yimmi ka il i shahli hatuk keyu hoka, amba na hvchim ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1 ; 6 Chvch a a kohcha tok a i nukhanklot i kvshofa hi a im ahni ; 10 ilap ak kia i kvshofi tuk a chohmachi : 15 kanima yo vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atuk-la ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho ? amba vno yak atuk mak o kvna hosh nukhaklo tuk yvmmak inli kak a hinla keyu ?

3. Yohmi ka ona likmvt, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppvt mihi ash inli ka isht hvchi holissochi li hatuk oke : hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mvt laua aiena hosh isht hvchi holissochi li hatuk ; hvchi nukhakla he yak atuk keyu, amba nan isht i hullo yvmma isht hvchi hoyullo li fehna hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmvt, vno ak illa ho si anukhaklochi tuk keyu : hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvmma chohmi kvno nan vlhpisa ilvppak o laua kvv im apesa tuk a, im ai vlhpiesa hoke.

7. Yohmi tuk a yvmma chohmi kash i kashofit hopohlvi kak o hvsh ahna he tuk oke ; yvmmak keyukma yvmma chohmi kash ot na nukhaklot isht ai i palvmmi kvnia hinla hoke.

8. Yvmohmi hoka nan isht hvsh i hullo kvv yvmmak ash o hvsh im otvvincha chi kak o hvchim ai ahni lishke.

9. Ilvppak a he mak o holissochi li akinli hatuk ; nana

moma ka ai im antia hvchia hokmá, nana ka hvch imoma ka ithvna la chí hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlhpeso ya kil ithano keyu hoka.

12. Yohmi ka Klaist im vbanumpa isht anumpohonli la chí hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titvs a ak ahayucho hokvt, vm anukfla nuktula ik sum iksho ki tok: yohmi ka okla yvmmak ash aiokpvchit issa li mvt, yvma a kohchvt Masetonia yakni ya ia li tok.

14. Yohmi hoka, yak oke ahnit, Chihowa hā kiloh aiokpvchí; yvmmak osh Klaist pulla hatuk mak o il imaiyacha chí ka pi apelahanchi; mikmvt kanima moma ka pishnc pulla atuk mak o ilap a nan isht im ithvna i na balama otvniinchishke.

15. Pishno vto Klaist ibai achvfa pia hosh kvna hosh okchaya chí, micha illa chí aiena kak o Chihowa i nan isht balama champuli pia hoke.

16. Achvfa kano, illi bitema nan isht ai illa he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh iluppa puyuta ka isht im ai vlhpiesa cho?

17. Laua hvvt Chihowa im anumpa ik ai ahlecho ya e chohmi keyu; amba chukvsh ai ahli, yohmi kvvt Chihowa im vlhtoka kvvt, Chihowa itikba yo Klaist i hohchifo isht il anumpohonli hoke.

CHAPTER III.

Pal vt vbanumpa isht anumpohonli hō Kolinblia vt vbanumpa anukfohka kak o yvmmak ash Chihowa hvvt pit pila hatuk a otvniinchi tok, 1; 6 vbanumpa anumpula chí ka Chihowa yak osh ataiyahli tok a tuk, 12 vbanumpa hak osh holitopa kvvt Moses nan apesa tok a i shahli.

1. PISHNO ak inli kv̄t atuklanchit il il ahninchit isht il ia hō? keyukmvt inla māya ka chohmit, isht hv̄sh pī kana he holisso puta ka il isha he pim vlhpesa hō? yvmmak keyukmvt holisso isht ai ī kana ya e hv̄chim ai isha hi vt vlhpesa hō?

2. Hv̄chishno ak osh pī holisso hv̄chia hosh pī chukvsh a a holihiso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hv̄chishno vt Klaist ī holisso toba tuk otaiyanit hv̄sh anohōwa kv̄t, isht holissochi oka yō isht holihiso tok keyu, amba Chihowa okchaya imi Shilombish ak atuk; tv̄li patvssa yō a holihiso tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yvmihchi tuk a pī yimmishke.

5. Pishno ak inli nana ka ai isht anukfillit isht im ai ahla he il ahni kak osh pishno ak inli kv̄t il ona chī keyu hoke: amba Chihowa ak atuk mak o nana ka pim ai ahlit il ona chī hoke.

6. Nan it im vlhpisa himona nan isht im vtta ai ahla he mak o yvmmak osh pī atokoli ak inli tok: holisso tikba yak o nan isht im vtta hō keyu, amba Shilombish ak oke; holisso tikba yash okvto vbi yoka, amba Shilombish okvto okchalinchi yoke.

7. Yohmi ka tv̄li yō ai in chuwa holisso isht ai illa he isht ai vtta yvt holitopa; yohmi hō Moses yvma nashuka yvt shohpalali hoka, Israel ushi vhleha hv̄t nashuka yash o atokowvt pisa he keyu ki tok; yvmmak ash ot ont ai iksho ka hi atok oke;

8. Katiohmi hosh Shilombish nan isht ai vtta yokak heto holitopa kv̄t ī shahla hetuk keyu hō?

9. Isht a palvma he nan vlhpisa isht ai vtta yvt holitopa hokma, nan isht ai vlhpisa isht ai vtta yokak heto holitopa kv̄t ī shahli fehna he tuk keyu hō?

10. Nana kv̄t yakohmit holitopa tok ilvppak ash ot na holitopa yvmvt ī shahli pulla kak o holitopa kv̄t ik alauwo ki tok.

11. Nana kv̄t ont ai iksho kak osh holitopa tok okma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma chi ahnit na pi yimmi hosh anumpa otaiyani fehna hō isht il anumpuli hoke.

13. Yvmohmi kv̄t Moses atok ano chohmi keyu, yvm-mak okvto Islael ushi vhleha hv̄t nan vllhpisa yvmmak ash ot kv̄nia kia, a hlopullichit ai vhli pit atokowv̄t pisa keyu kak o, isht ompoholmo yō ilap nashuka yash isht ompo-homo tok.

14. Yohmi kia yvmma im anukfila hash ot lva yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio kisha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i chukvsh a on hlipia hoke.

16. Yvmohmi tuk o Chitokaka ya pit ai i filemv̄t im onakma, nan ompoholmo yash o isht i kancha hi oke;

17. Yohmi ka Chitokaka yv̄t, Shilombish yvmmak ash oke: yohmi ka kanima yō Chitokaka imi Shilombish v̄t ai otaiyanikma, mihi yō ai yuka keyu mak oke.

18. Yohmi ka nashuka ompoholmo keyut a pisa yō il a pihisa chohmit Chitokaka im aholitopa ya e pihisv̄t, yvm-mak ash inli hō hoyulba chi hosh momv̄t inlv̄t e toba kv̄t, Chitokaka imi Shilombish v̄t a pi yvmihchi kak o, holitopa kv̄t i shahlit il a mahaya hoke.

CHAPTA IV.

Ai ahli, achilita hosh vbanumpa ha isht anumpohonli tuk v̄t otv̄nin-chi, 1; 7 mihmv̄t nan im apalv̄mi puta tuk v̄t Chihowa yosh isht aholitopa he, 12 chv̄ch nan isht im a chukma he; 16 mikmv̄t ilap nan isht il ai yukv̄t im a bilia hi a tuk a, achi.

1. YAKOHMA chi mak o, nan isht i nukhaklo il ishi hatuk mak osh, nan isht ai v̄tta ilvppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mv̄t; ī kostinit nan isht akanomi ya il ai itvnowa keyu, Chihowa im anumpa ha ik āhlehot il inlv̄chi keyu; amba Chihowa itikba ya nan ai āhli ya il otv̄ninchī ka, hatak mo-ma nan isht il akostininchī yvt āhli, pim ahni hoke.

3. Yohmi kia pim v̄banumpa hv̄t luma hokmv̄t, okpula he v̄hleha hak o in luma hoke.

4. Klaist, yvm̄mv̄t Chihowa H̄oyulba ka, im v̄banumpa holitopa in tohwikeli hv̄t on tomma chī keyu ka, na yimmi keyu yvm̄mak ash o im anukfila puta ka yakni ilv̄ppa i shahli yosh lv̄blichī hatuk oke.

5. V̄banumpa isht il anumpuli kv̄t, pishno ak inli h̄o isht il anumpuli keyu, amba Klaist Chisvs Chitokaka yak atuk: yohmi hokv̄t pishno yokv̄to Chisvs pulla hatuk mak o hv̄chin tishu pia hv̄t il otv̄ninchishke.

6. Tohwikeli hv̄t ai okhlilika ya a kohchv̄t tomma chī ka, Chihowa yvm̄mak osh im apesa tok okv̄t, Chihowa im aho-litopa nan isht ithaiyana im a tohwikeli hv̄t Chisvs Klaist i nashuka a minti mak o pima chī hosh pi chukv̄sh a a tom-mi hatuk oka.

7. Yohmi kia nan isht ai āhli chinto fehna kv̄t pishno ak o keyu, amba Chihowa ak o immi ha chī ka, nan ilayak holitopa ilv̄ppak ash o nan ai vl̄hto okfulush toba h̄o isht il ieshi hoke.

8. A palv̄mmi bano hosh pia folubli kia, atukonofv̄t pi komunta keyu k̄isha; atia he pim okv̄tpa, yohmi kia isht apelv̄chi yvt ik pim iksho ka chī kil ahno hoke.

9. Inla yvt pi palv̄mmichi, yohmi kia Chihowa hv̄t ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otv̄na chī hatuk oke.

11. Chisvs vt okchaya kv̄t illa he pi haknip a isht ai ota-hana chī ka, Chisvs pulla hatuk mak o okchayv̄t il anta kv̄t, illa he pim vl̄hpih̄isa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hv̄chi a toksahanli hoke.

13. Na yimmi im anukfila, Na sai yimmi yvmohmi hosh

anumpuli li hoke; achit holisso tok a yvmmak inli hō il ieszhi hosh na pi yimmi ak inli, yvmohmi hokvt il anumpuli hoke.

14. Chitokaka Chisvs a tanichi tok yvmmak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohliche hi a il ithaiyana hoke.

15. Nana puta kvt hvchishno pulla hatuk mak o ai yakohmi ka, laua kvt yak oke ahnit, aiokpvchi pulla hō nan isht i kana laua kvt Chihowa yvt isht a holitopa chi hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla hō na pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yvmmtv otaiyani yak o e pihisa keyu, amba nana kvt otaiyani yak keyu; nana puta yvmmtv otaiyani yokvto a bilia keyu; amba nana puta yvmmtv otaiyani keyu kak osh a bilia yoke.

CHAPTA V

Aiokchaya bilia pisa he anukfoyuka ahli, 1; 9 mihmvt Klaist im a asha holitopa nan apesa itikba hikia chi kvt ithaiana, yohmi mvt im a holitopa he ahnit toksahanli; mihmvt ib ai achvfvv nohowa, micha inla mvt okchaya chi ka anukfokihinch.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hvv ikbi tok a, pin talaia kvt il ithaiyana hoka.

2. Ilvppak ash o il a foyuka kak osh ilbvshvt e hihaha kvt, pim aboha, yvmmtv vba a minti mak o, isht e fohka he ahni fehnvt, e hohoyo hoke:

3. Yakohmit e foyuka mvhli hokmvt, haknip biektv il otaiyana chi keyu.

4. Ulhtipo ilvppa il ai ahanta hokvto, nan i weki tikabit ilbvshvt e hihaha; yohmi kia ik fohko ka hi ak o il ahni keyu, amba isht il a foyuka he ak oke; yohmi hō nana kvt

illa he imma hatuk okvto nan okchaya kak o ont ai ikshe kak a chi hatok a il ahni hoke.

5. Yohmi ka nana kv̄t ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ahla chi ka, Shilombish a pihima ak inli hoke.

6. Yvmohmi hoka yvmohmi pulla chi ai ahni fehna kv̄t, haknip o il ai anta takla hokvto, Chihowa ya i filvmmi hosh il anta kv̄t il ithaiyana hoke.

7. Na yimmi pulla kak osh il itvnohova, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukpala chi kv̄t e toksahanli hoke.

10. Ilap haknip aiyuka nana kv̄t ai yvmohmi tuk a nana achukma hokmá, keyukmvt okpulo hokmá, nana hoh kia, yvma yvmihchi tuk isht vlhtoba mak o moyuma kv̄t il isha chi kv̄t, Klaist im o binili nan ai apesa itikba ya e moma kv̄t ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kv̄t hlakofa he ahnit il in tohono; yvmohmi hokvt Chihowa ho il im otaiyani pulla; yohmi hokvt nan isht hvsh il akostininchi ma e hvchim otaiyani ak inli, ahni li hoke.

12. Isht hvsh pi ahninha hi a pishno ak inli kv̄t atukla ma isht e hvchim atahli keyu; amba chukvsh ak o keyu; ilap nashuka yo isht il aiyukpvt ilauata vhleha yvma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kv̄t hvsh il auata chi kak o, e hvchim ahani hoke.

13. Pishno ak inli kak osh il il atampli fehna hokmá, nana hoh kia, Chihowa nan isht im a holitopa chi kak oke: keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

a₁ yimilihinchi hatuk oka ; yohmi ka achvfa kv_t moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o₂ im illi hatuk oka, kv_{na} hosh himmak ma okchayvt ahanta kv_t, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yvmmak o₂ holitoblich_i hosh ahanta he vlhpesa hoke.

16. Yohmi ka himak a pilla ka haknip imma hatak nana kia il ithaiyana ch_i keyu: ahli, yohmi kia haknip imma Klaist okvno il ithaiyana tok: yohmi tok kia himak a pilla kvno yvmmak ash il ithaiyana ch_i keyu mak oke.

17. Yvmohmi ka hatak nana hosh Klaist a₂ ibai achvfa hokmvt, mihi yosh nana toba himona yoke: na sipokni atuk vt ont ai ikshot kvnia na, yakeh! nana puta kv_t himonvt toba hoke.

18. Yohmi ka Chihowa yvmmak osh Chisvs Klaist pulla hatuk mak o₂ ilap a₂ isht a pit i nanaiyvchi tok; mihmvt nan isht it i nanaiyvchi isht ai v_tta yo pi atokoli tuk mak osh, nana yakohmi puta ka yvmihchi yoke.

19. Yohmi kv_t Klaist pulla h_o Chihowa hv_t yakni a₂ ilap a₂ isht il i nanaiyvchi kv_t, yvmmak ash nan im ai ashvchi puta kash o₂ isht in takalihinchi keyu; yohmi mvt nan isht it i nanaiya im anumpa h_a pi anukfoyuki hatok.

20. Yvmohmi hoka Klaist vlhtobvt im anumpa isht aya pia hoke; yohmi ka pishno pulla hatuk mak o₂ Chihowa hv_t i kanvt hvchim anumpohonli chiyuhmi ma; pishno mvt Klaist vlhtoba hosh e hvchim asilhha ka Chihowa ya hvsh i nanaiyashke.

21. Yvmmak atuk mak o₂ Chihowa nan isht im ai vlhpiesa e toba ch_i ka, yvmmvt nan ashvchi ithaiyana tok keyu ka, yvmmak ash o₂ Chihowa yvt nan ashvchi yo pim ikbi tok.

CHAPTA VI.

Ilap, micha itapehvt toksvli aiena kv_t Chihowa yak o₂ iba toksahanli kv_t achi, 1; 5 vbanumpa isht anumpohonlit nan isht im apalv_i,

micha toksahanli aiena kv̄t anoli; 14 Chihowa okchaya yō in tem-
pel a tuk okv̄t, na holbv̄t toba puta nan akaniohmi ik vlhpeso puta
ka ai i filv̄mma chi ka i miha.

1. YUMOHMI hoka pishno vt nan itiba toksv̄li pia
hosh, Chihowa nan isht i kana hv̄sh habena kv̄t, pilla hv̄sh
habena ch̄i keyu hō i kanv̄t hv̄chin tohōno li hoke.

2. Ai okpancha he nitak vt takali ma chi hahaklo li tok;
anonti isht ai okchaya nitak vt takali ma chi on chv̄vt chi
apelahanchi li tok, yv̄mmv̄t achi hoka: yohmi hoka yakeh!
himonasi yā aiokpahancha he nitak vt takali hoke; yakeh!
himonasi yak osh isht ai okchaya he nitak vt takali hoke.

3. Ubanumpa isht ai vtta yv̄t ik hofahyo ka chi ka, nana
kia isht ai ibetv̄bli yā kil i bohonlo hosh;

4. Nuktaiyav̄t achunanchi fehna, nan apalv̄mmi puta ka
isht ai atukonv̄vt a hlakofa he keyu;

5. Fahama, aboha kv̄llo ma fohoka, nukkillit yahapa
puta, toksahanlit hoyubli, nusi mv̄t ik im iksho, hohchahāfo,

6. Chukv̄sh kashofa, nan ithaiyana, i kanv̄t nuktaiyala,
svlahv̄t nokowa, Shilombish Holitopa, ilahobi keyu hosh
nan it i hullo,

7. Nan ahli isht anumpa, Chihowa nan isht im ai ahli,
isht impakimma, mikmv̄t isht afv̄bekimma ita tuklo kv̄t nan
isht ai vlhpiesa i nan isht tanampi isht ai im vlhtaiyaha;

8. Nan isht holitopa, anonti nan isht ik holitopo, nan ik
achukmo isht annoa, anonti nan achukma isht annoa; na
haksichi yō chiyuhmi, yohmi kia ai ahli bieka;

9. Ik ithano yō chiyuhmi, yohmi kia otaiyani achukma;
illa he im ai vlhpihisa, yohmi kia yakeh! pi okchaya moma;
kostina hi osh nan i palv̄mmi, yohmi kia illi keyu;

10. Na nukhaklo yō chiyuhmi, yohmi kia na yukpa
bieka; ilbv̄sha yō chiyuhmi, yohmi kia lava ka nan in
lauahanchi; nan ik im iksho kamohmi hō chiyuhmi, yohmi
kia nana moma kv̄t ai immi; nana kv̄t a pi yakohmi hokv̄t,
Chihowa nan isht im vtta vt kaniohma hetuk a chohmit
nana moma ka isht il ai otv̄nihinchi hoke.

11. Kolinhlilian hv̄chia ma! pitakha yv̄t hv̄chi wakama, pi
chukv̄sh mv̄t hv̄chim a chinto fehna hoke.

12. Pi chukvsh a ai iskitinosi ho hvsh pim a foyuka keyu, yohmi kia hvchi chukvsh okvno iskitinesi ho hvsh a pi foyuki hoke.

13. Yohmi ka mihi ash inli chohmi ho hvsh pi falaminchi cha, hvchi chukvsh a hvsh pin chitolashke; vm vlla chipunta chohmi ho im anumpvi li hoke.

14. Na yimmi keyu vhleha hokvno it ibai achvftv ikonla abana isht ik hvch abanaiyo kashke: nanta ho nan vlhpesa kvv nan ik vlhpeso ya it ibai ieshi ho? nanta ho tohwikeli hvv okhlili ha isht ai it ibai achvfa ho?

15. Yohmikma Klaist vt Belial a nanta ho isht ai itiba ola achukma ho? mikma na yimmi yvt nan ik yimmo ya nanta ho isht ai it ibai achvfa ho?

16. Yohmikma Chihowa in tempel vt na holvvv toba puta ka nanta ho isht ai it ibai achvfa ho? Chihowa okchaya in tempel hvchia hoka; yohmi ka Chihowa hvv, Yvmmak oka ai ahanta la chi, mikmvv a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvmma a kohchvv hvsh mintashke; yohmi cha oh i filvmmi, mikmvv nana kvv ik kashovo ka hvsh potoli na; yohmik mak o hvch i kanvv hvchi ieshi la chi hoke, Chitokaka yvt achishke.

18. Yohmikmvv hvch Iki toba likma, anonti hvchishno vt svso vhleha, svvotek vhleha hvsh toba hi oke, Chihowa nana moma i shahli hvv achishke.

CHAPTA VII.

Nan ashvchi ik im iksho ka he i miha, 1; 2 Klaist im vbanumpa ishi ai ahli yatuk ilap a okla aiokpancha chi ka i miha; Ilap nan im ai ashvchika isht ilekostinincha hi a i holisso vmonna kvv nukfokichichi tok o, Titvs vt ant im anoli ilvppak o nana kvv i palvmi ak inli kia isht hophoghla tok vt pit im anoli.

1. YUMOHI ka a kana holitopa vhleha ma! nana hash yakohmiechit pimihisa ka, haknvp, micha hvvim anukfila nan isht ai liteha puyuta ka isht kiloh il a kashofi,

Chihowa ha holitohombli pulla hosh ont ai ahlit nan ai ashvchi ka ik pim iksho kashke.

2. Pi kanvt hvsh il anukfoyukashke; hatak nana kia kil vlhpesalo hatuk keyu; hatak nana kia il ai okpvnichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokmá, okchayvt hvsh ibai ahanta hokmá, nana hi vt pi chukvsh a hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otrninchli li febnvshke; nan isht hvchi ilauahanta li chinto hoke; na hopohla ma isht vm alotowa kv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk a pi haknip vt ik foho kvmohmi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hv kvna hosh im anukfila akanlosi puta hokvno nuktalali, yvmmak osh Titvs vt ayvt vla pulla ho pi nuktalali tuk.

7. Yohmi kv yvmmv, ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hv sa hullo kullo, mihmv na hvchi nukhaklo, hvchim anukfila ha kvllochit isht hv si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kv hvchi holissochit isht hvchi nukhaklochi li tuk vt sa nukhaklo tuk kia, himak ano sa nukhaklo keyushke; holisso yvmmak ash ot na hvchi nukhaklochi kia, hvshi kanvli achvfa ho chohmi tok a akostininchli li hoke.

9. Himonasi ya sai yukpvshke, na hvchi nukhaklo kak keyu, amba na hvchi nukhaklot hvsh ile kostininchli kak atuk oke: pishno ak atuk mak o nana kia isht hvchi ai okpulo ka chi kv, Chihowa nan ai ahni ho na hvchi nukhaklo tuk oke.

10. Chihowa nan ai ahni hō na nukhāklo yokvto anukfohka cha, okchaya chī hosh ile kostininchī kv̄t nukhākla himma keyu hoke: amba yakni yō nan isht a nukhāklo yokvto illa hi osh anukfohka hoke.

11. Chihowa nan ai ahni hō na hvchi nukhāklo tuk vt ilvppak fehna ka ho pesá; tushpvt anukfohkvt nana isht hvsh ahanta tuk, ahli, na hvchi onvtula tuk ash hvsh il im i kanvllichi tuk, ahli, ile shitilemvt nan ai ashvchi hvsh i nukkilli tuk, ahli, na hvchi nukshopa tuk, ahli, yvmohmi pullakbano ahni fehnvt hvchi anukfoyuka tuk, ahli, nan a mosholit hvsh ahanta tuk, ahli, ik vlhpeso mak o i sanalit hvsh i nukkilli tuk, yohmi hokvt nan ilvppak ash hvsh ai itī kashofa kv̄t nana ilvppa puta kak o isht hvsh il otv̄ninchishke.

12. Yvmohmi ka hvchī holissochi li tuk vt kv̄na hosh nan ik vlhpeso ka yvmihchi tuk, mihmvt kv̄na hosh ik vlhpesot nan i palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkvt isht e hvchim ahanta ka hvchim otaiyana chī kak atuk oke.

13. Yvmohmi hoka nan isht hvchi nuktanla ka isht a pi nuktaiyala hoke; ahli, yohmi hokvt Titvs yvmmvt im anukfila hv̄t hvsh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hvchishno pulla hatuk mak o isht im ilauata li tuk oh kia, sa hofahya keyu; yohmi ka ai ahli hō nana moma isht e hvchim anumpuli kv̄t, Titvs itikba yō na yukpvt il ilauata ha tuk a, yvmmak ash ot ai ahli bieka hoke.

15. Yohmi ka nukshohumpa, micha wv̄nihinchi aiena hosh yvmmak ash hvsh aiokpv̄chi cha, nana ka mominchit hvsh im antia tuk a ithaiyana momvt, yvmmak ash ot im anukfila isht hvchī kana kv̄t in laiyawa atampa hoke.

16. Yvmohma hoka nana moma ka hvsh ai ahli ka hvchi yimmi li kak osh na sai yukpa hoke.

CHAPTA VIII.

vbanumpuli ilbv̄sha Cheluselv̄m aasha ka peh pilla nana ka isht apelacha he i miha, 1; 7 vbanumpuli Masetonia ai ashvt nan akanioh-

mi ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kvt ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hvt ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kvt lawa, yohmi mvt ilbvsha fehna yatuk vt ilap nan ahnit nan itahobi kvt, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi a im atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vhleha isht im ia ka ibachvvt il apelvcha hi a, okla ai ahni fehnt pim asilhha tuk oke.

5. Yohmi kvt ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushpvt anukfohkvt nana ka isht ahanta, mikmvt hvsh pi hullo aiena, nana moma ma isht a hvchim vlhtaiyaha laua ka, chohmit nan isht i kana ilvppak kia hvchin lauashke.

8. Nan vlhpisa yo isht anumpuli li keyu, amba inla tushpvt anukfohkvt nan achunanchi yak oke; yohmi kvt na hvshi hullo ai ahli kak o otvninchi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kvt, nana ka hvsh yvmihcha he ak illa keyu, amba afvmmi achvfa foka

kash yohmikbano ahnit, hvchi anukfoyuka ak inli tok, ilvppvt nan isht hvchim vlhpesa hoka, vno nana anukfilli li kv̄t anoli lishke.

11. Yohmi hoka himonasi ya nana kv̄t ai yvmohma he yatuk ash hvsh yvmihchashke: yohmik bano ahnit hvchim vlhtaiyaha hatuk okvno na hvchim asha ka isht hvsh ai ahli-chi kv̄t, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha yatuk okvno, hatak yvmmt̄ nana hō ishi tuk ash isht vlhpisa hō ima kv̄t isht ai vlhpesa hoke, amba yvmmak ash ot nana hash ik isho ke tuk ak osh isht ik im ai vlhpiso chatuk keyu.

13. Hvchishno ak osh na hvchi weki, nan inla yvto nan ik ahalaio ka hi o miha li keyu.

14. Amba ai itilauashke, yohmi hoka himonasi ano na hvchin laua yak osh ilbvshvt̄ na bvnna yak o apelvcha chi; yohmi tukma ilap nan in laua yak kia ilbvshvt̄ na hvchi bvn-nakma hvchi apelvcha chi; yohmikma nana kv̄t ai itilau kv̄t;

15. Kvna hosh nana ka lauachit itahobi hatuk kia, atampa kv̄t ik im iksho hoke; mihma kvna hosh ik lauachot itahobi hatuk kia, ak im ono keyu, achi hosh holisso ka chohmi hoke.

16. Yohmi ka achilitvt̄ nana yvmmak ash isht hvchim vtta chi ka, Titvs im anukfila ha Chihowa hv̄t anukfohki-chechi tuk a yak oke, im ahni lishke.

17. Yvmmak ash osh nan in tohono li ka aiokpanchi fehna mvhli hatuk; yohmi kv̄t ilap inli nan im anukfila kv̄t achilitvt̄, ila tushpa fehnvt̄ hvchi maya hatuk oke.

18. Yohmi ma vbanumpa pulla hatuk mak o chvch hi-ohli moma ka im a holitopa il itibapishi ha, tuklonchit pit e pila hatuk.

19. Yohmi kv̄t yvmmak bano hatuk keyu, amba Chito-kaka yvmmak ash inli kv̄t isht a holitopa chi, mikmt̄ nana kv̄t yohmikbano ahnit hvchim vlhtaiyaha tuk vt otaiyana chi ka, nan isht i kana ilvppak okvt̄ pishno pulla hatuk mak o ai yvmohmi tuk a yvmmak ash ieshit pi takla nowvt̄ aya chi kv̄t, chvch vhleha hō yvmmak ash ot ai im vlhtokowa ak inli tuk oke.

20. Nan isht i kana laua ilvppak ash yakohmichit isht il ahanta na kena kia nan isht ik pi mibacho ka chi ka, ilvppa ahah! il ahani tuk oke.

21. Chitokaka itikba ak illa keyu, amba hatak puta itikba yak kia, nana kv̄t vlhpiesa hō isht iloh il otv̄ninha he-tuk oke.

22. Yohmi kv̄t himonna imomaka e pihisa na nana lawa ka achunanchi yatuk il itibapishi, mihmak o ibafokit pit e pila tuk; yohmi ka hv̄chi yimmi chinto kv̄t nana ka achunanchi i shahli fehna chi pulla hoke.

23. Hv̄chishno yatuk mak o kv̄nia kia Titus a a ponakla he yoba ká, yvm̄mak okv̄t v̄m itapela, micha na sv̄ba toksuli yoke; yvm̄mak keyukmv̄t hv̄p itibapishi v̄hleha hash a ponakla he yoba ká; yvm̄mak okv̄t Klaist nan isht a holitopa chi ka, chv̄ch hiohli puta hō ai im vlhtoka v̄hleha hoke.

24. Yvm̄ohmi hoka nan isht hv̄sh i hullo, mikmv̄t hv̄chishno a nan e hv̄chi yimmit isht il ilauata hatuk ash atokolit ahlich̄i kv̄t, chv̄ch hiohli puta, mikmv̄t ilvppak ash aiena ka hv̄sh im otv̄ninchashke.

CHAPTA IX.

Achakal̄inchi mv̄t peh pilla nan ima he akō anukfokichi, 1; 6 na holokchi nihi yō isht ita pesa hosh na hokchi tok aiyuk ali kak osh v̄ma he, achi; 7 aiokpanchit nan ima kak o Chihowa yvt holitoblich̄i; 10 pilla nan isht i kana lauachi ya Chihowa hv̄t ilap nan isht i kana ya lauachit ima.

1. ŪBANUMPULI ahli v̄hleha nan isht im ahanta he imma yvm̄mak ash okv̄no, nan isht mihvt hv̄chi holisso chi la he v̄m vlhpesa keyu.

2. Yohmik bano ahni kv̄t hv̄chim vlhtaiyaha hatuk, mihma Akaia ai asha kak kia afv̄m̄mi achv̄fa foka kash nana kv̄t im vlhtaiyaha hatuk, mihi yash o Masetonia ai asha ka isht m̄ ilauata li hatuk; yohmi hatuk o na hv̄sh a mosholi kv̄llo kv̄t laua fehna ka yimitv̄chit anukfohkiechi ka ithaiyana lishke.

3. Yohmi ka ilvppak ash o hv̄chim vlhtaha chi ka, achi

tuk mak osh il itibapishi vhleha hā pit tihleli li tuk oke; yohmi ka nan isht e hvch ilauwaiyata tuk ash o ont ik ai ahlo keyu ka chī kak atuk.

4. Masetonia hatak ash ot si apihvt ona yoba cha, nana kv̄t ik hvchim vltaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk; yohmi ka pilla nan isht i kana yvmmak a he ash ot vlhtaiyaha kv̄t, nan il ahayuchi bvnna yo ik chohmo kashke.

6. Yohmi ka kvna hosh ik lauacho hosh hokchi hokvto, mihi yosh ik lauacho hosh vma chī ak inli hoke; mikma kvna hosh lauachi hosh hokchi hokvto, mihi yosh lauachi hosh vma chī ak inli, ilvppa achi lishke.

7. Kvna kia ilap im anukfila hak o na tikba nan isht ik ahni ha yosh hatak moma kv̄t nan ik imá; isht nukhāklo keyu, mikmvt yohma hi atuk ahni kak o keyu; aiokpanchit nan ima yak o Chihowa yvto i hullo hoke.

8. Yohmi ka Chihowa hv̄t nan isht i kana moma ka isht hvchim a lauacha hinla kv̄t im vlhpiesa hoke; yohmikma nana moma ka isht hvch im vlhtaiyaha biekv̄t, na toksvli achukma moma mvt isht a hvchin laua hi oke.

9. Yvmmv̄t na fimmi hatuk; micha yvmmv̄t ilbvsha yo nan ima hatuk aiena kv̄t, nan ai vlhpiesa ho yvmihchi tuk a takali na bilia hi hoke.

10. Yohmi ka kvna hosh na hokchi a na nihi im atahli yak osh hvchim ilimpa chī pvska ma ik atahanlí, micha hvchī na nihi hollokechi tuk ash ik ibakahanlí, mikmvt na hvsh a kaniohmi ai vlhpesa im vni ya i shahlichit ik ibafohoki; achi hosh holisso hoke.

11. Nana ka lauachit hvsh ima chī kv̄t, nana moma isht a hvchin laiyouwa ka yvmmak osh pishno pulla hatuk mak o, lāwa kv̄t Chihowa hā yak oke im ai ahna chi ka, nukfohkih-inchishke.

12. Nan isht apehl̄vchi ilvppak oka isht ahanta kv̄t vba-

numpuli ahli vhleha nan ik im iksho kash o nan im atahli illa keyu, amba Chihowa ha lauachit yak oke im ai ahni vhleha ha isht a laiawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holitoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kvv hvchi anukfoiyuka chi ka, ai ahnit isht hvchi hullo hoke.

15. Chihowa nan isht i kana yvt anumpa ho isht annoa he keyu hoka yak oke im ai ahni lishke.

CHAPTA X.

Klaist im apostel atuk osh nana kvv vltoka, mikmvt shilombish imma isht im ai ahli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanvv hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvmihchi tuk a kanimi kvv pi ahobachi, yvmmak okvno nukwaya ikshot i kullo li kvv hvchi takla ont anta li hokmvt, nukwayvt ak hvchi kullo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kullo ai ahli hosh nan a holihta kullo puta hatuk a yuhlichy yoka.

5. Nan anukfilli ik vhpeso puta, mikmvt nan anukfilli cha-ha, yvmmak okv Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ahlikma, nan ik im antio moma kvno nana kv̄t isht ai im vlhpisa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa hō ? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli hō chohmit pishno kia Klaist immi pia, il ahni hoke.

8. Yohmi kv̄t nana a pi vlhtoka tuk pulla hō nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso hō isht a hvchi nukshopli la he, ahni li tuk a ik si ahobo ka chi kv̄t, ilvppak o yvmihchi li hoke.

10. I holisso hokvto weki, micha kv̄llo, yohmi kia ilap haknip fehna otaiyani hokmvto ik kv̄llo, micha im anumpa mvt ik ahobo hoka, yvmmak ash ot achi.

11. Yvmma chohmi tuk ak osh ilvppa ik anukfilli, yohmi ka il i filvmmik mak osh holisso pulla hō anumpa yakohmi ka e yvmihchi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli hō e chohma hi oke.

12. Kanima kv̄t ilap inli il ahninchī vhleha, yvmma pishno vt isht il iba hotehnachit, isht il it apesa keyu ; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu ; amba nan isht vlhpisa pulla yvmmv̄t hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli hō chohmit nan isht a pim vlhpisa ya pit il atamplit il ile mahampli keyu ; Klaist im vbanumpa isht anumpohonli ak inli hosh hvchishno a e hvchim ona hatok :

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu ; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla ho isht a pi chito fehna he ak o il ahni.

16. Yohmikmvno hvsh ai asha ka misha vbanumpa isht il anumpohonli kv̄t, hatak inla nan isht im ai vlhpisa ai vlh taiyaha ho isht kil ilauwaiyato ka ch̄i hatuk.

17. Yohmi ka kv̄na hosh ilauwaiyata hokv̄to, mihi yosh Chitokaka y_o isht ik ilauwaiyatá.

18. Kv̄na hoh kia ilap inli il ahninch̄i kak osh mihi yosh holitopa keyu, amba kv̄na ho Chitokaka ak osh ahninchik mak oh chatuk oke.

CHAPTA XI.

Kolinhilia ya i hullo pulla hosh ilap inli il ahnichit vbanumpeshi moma i shahli ka ili tilauechit anohonli: 9 vbanumpa ha pilla isht im anumpohonli hatuk, vba nan vlhpisa imma nan achi ka ai itilau.

1. NAN isht ilauwaiyata li kanomosi ka ant ik yohmí, hv̄s sv̄m ai ahnikbano hvch̄im ahni li; yohmi ka ant ik yohmí, hv̄s sv̄m ahna ch̄i pulla hoke.

2. Chihowa anukfoyukv̄t nan isht i hullo mak o isht hvch̄i huhulo li hokv̄t: ohoyo himita hopoyuksa ahli hatak haleli keyu chohmi mak o, hvch̄ ishit Chisvs a im otv̄ninch̄i la hi mak osh, i hatak achv̄fa ch̄i ka hvch̄ it im apobv̄chi li hatuk.

3. Yohmi tuk kia sinti okv̄t ilap kostini pulla kak osh If a haksichi tok a, chohmit na hvch̄im anukfila hash ot shanaia na nan anukfilli apissali achv̄fa, yvm̄mv̄t Klaist ak o ai achv̄fa yash o hvsh i filv̄mma hinla ka, sa nukshohumpa hoke.

4. Kv̄na hoh kia Chisvs inla yv̄mma isht il anumpuli tuk ash keyu ho isht anumpulit aya, micha Shilombish inla yv̄mma hvch̄i anukfoyuka tuk ash keyu ho hvch̄i anukfoyuka, yvm̄mak keyukmv̄t vbanumpa inla yv̄mma hvsh aiokpv̄chi tuk ash keyu ho hvsh aiokpv̄chi hokmv̄t, ant ik yohmí, hvsh im ahni vlhpesa hoke.

5. Apostel moma i shahli fehna kak kia ik alauecho sia keyu, vm̄ aboha hoka.

6. Yohmi ka anumpuli hokvt ik imponno sia, yohmi kia nan ithana kak o keyu ; yohmi kvt hvch itin takla ya nana moma ka achukmalit isht e hvchim otaiyani hatuk oke.

7. Nan isht hvchi holitopa chi ka il akanlosechi lish, Chihowa im vbanumpa ha pilla isht hvchim anumpohonli li kak osh nan ashvchi li hatuk o ?

8. Hvchi apelvchit nan isht hvchim ahanta la chi kvt, chvch hiohli inla yo nan im ihishi li kvt, ilap ak osh nan atobbi ho ishishi li hatuk.

9. Yohmi kvt hvch iba takla ahantvt na sa baiyvna kia kvna hosh na hvchi kvnia tuk keyu ; nana kvt ik svm ono ke tuk okvno itibapishi li vhleha Masetonia minti hosh vm atahli tok ; yohmi hoka nana moma ka isht ak hvchim ile wekecho ke tuk ; yohmi hokvt yvmmak o a si yvmohma chi mak oke.

10. Klaist nan isht im ai ahli yvt a sa nukfoyuka hosh, nan isht ilauwaiyata li ilvppa kvna hosh Akaia afullota anta kvt, svssacha he keyu hoke.

11. Nanta katiohmi ho ? hvchi hullo li keyu kak o ? Chihowa hv ithaiyanvshke.

12. Amba anumpa si onochi bvna kia, anumpa isht si onocha hi vt ik im iksho ka he ; micha nana ka isht ai ilauata hatuk vt pishno ak inli ho chohmit otaiyana chi kak o, a kaniohmit ahanta li hatuk vt, yvmmak o ai yvmohmit ahanta la chi hoke.

13. Yvmma chohmi kvt vbanumpeshi ahli keyu hoke ; na haksichi yosh Klaist nan isht im vtta ilahobi hoke.

14. Ilvppvt a yakohmi ka anukhlakancha he vlhpesa keyu ; Setan ak fehna ak kia inlv tobtv a tohwikeli ka im en-chil ilahobi chatuk oka.

15. Yvmohmi hoka yvmmak ash in tishu vhleha ak kia inlv tobtv, nan isht ai vlhpiesa in tishu vhleha ha holba hokvt na fehna keyushke ; yvmma im ishtaiyopi yvt ilap vt nana a kaniohmi chatuk ak inli ho chiyuhma hi oke.

16. Hatak nana kia im anukfila iksho ik si ahno kashke : yvmmak keyukmvt im anukfila iksho si ahni hoh kia, vlh-

pesa vm ahní; vno ak inli kv̄t iskvtinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak ɔ iakaiya hosh anumpuli li keyushke; amba im anukfila iksho yɔ chohmit nukwaya iksho hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak ɔ, vno ak kia isht ilauata li ak inla ch̄i chishke.

19. Hvchishno vto hvchi hopoyuksa kak osh, im anukfila iksho a yukpa hosh ant ik yohmí, hvsh im ahni hoka.

20. Hatak okv̄t yuka hɔ hvch ikbi hokmá, keyukmvt vpv̄t hvchi tahli hokmá, keyukmvt nana hvchim ai ishi hokmá, keyukmvt ile chahvchi hokmá, keyukmvt hvchi nashuka ya isso hokmá, nana kia ant ik yohmí, hvsh im ahni hoke.

21. Ik ahobo hatuk osh isht a hofahya hi ɔ chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t asha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla hɔ? vno ak kia yvmmak ɔ sia hoke. Israel okla hɔ? vno ak kia yvmmak ɔ sia hoke. Eblaham ak ɔ isht atia hɔ? vno ak kia yvmmak ɔ sia hoke.

23. Klaist in tishu hɔ? im anukfila iksho chohmit anum-puli li kv̄t, yvmmak oka i shabli li hoke; yvma i shabli-chit toksvli li hoke, atampa hɔ sa fahama hoke, aboha kv̄llo fohoka li chatuk, a sv̄lli naha kv̄t laua chatuk oke.

24. Chu okla hɔ pokoli ushta ch̄i ma achvfa hosh iksho hɔ tahlapi ha im a sa fahama tok.

25. Hituchina ha fuli isht sa fahama tok, himonna ka tvli isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohova li, oka kia isht vm a palvmmi, na wehli kia isht vm a palvmmi, a yakni achvfa okla hak kia isht vm a palvmmi, vbanumpa ik ithano ma isht vm a palvmmi, tmaha anukaka kia isht vm a pa-

lvmmi, yakni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonna nusi vm okpo-honlo fehna, himmonna hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kv̄t kochanli a mintit a si onv-tohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kv̄ta hak osh ik hlampko na vno ak osh sa hlampko hō? kv̄ta hak osh ibetv̄bli na vno ak osh ik sa nuklibisho hō?

30. Nana ka isht ilauata la he v̄lhpesa hokmvt, nana kv̄t isht a ik sa hlampko imma kak ̄ isht ilauata la ch̄i hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlich̄i m̄iko Aletas nutaka ahanta tuk vt Tamaskvs a si ai yukachi bv̄nna kv̄t, Tamasenes tv̄maha h̄a tvshka chipota atonichi tok.

33. Yohmi na kishi hō fohkv̄t tv̄li holihta okhissushi a hlopullit aka ona hosh yv̄mma ibbak a i hlakofi li tok.

CHAPTA XII.

Isht il anumpohonli mvt v̄ba atuchina ka nana kv̄t auet im atokov̄t im otv̄ni tok vt anoli, 1, 9 yohmi kia nan isht ik hlampko ak ̄ isht aholitopa hi vt ahni, iki nan i kana mak ̄ chohmit im aya ch̄i kv̄t im anoli.

1. NANA ka isht ilauata la hē okv̄to vm v̄lhpesa keyu ak inli chishke. Nana ka Chitokaka yvt sa pisachit vm otv̄ninchi tok ak ̄ isht anumpuli li la ch̄i hoke.

2. Afv̄mmi auah ushta atampa kash hatak Klaist ibai achv̄fa ka ithanali tok; yv̄mmvt haknip ̄ a fohka hokm̄a nana tok chishba, ak ithanoshke; keyukmvt haknip a ai i filv̄mmi hokm̄a nana tok chishba, ak ithanoshke; Chihowa ak osh ithana; yv̄mmak atuk ash ̄ hoklit v̄ba ont atuchine ka isht ona tok.

3. Hatak yvmma chohmi ka ithana li tok, haknip o a fohka hokmá, haknip a ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais a isht ona na, anumpa he keyu puta hatak okvt anumpula he vllpiesa keyu ho haklo tok.

5. Yvmma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bvnna hoh kia, vm anukfila hokvto iksho ka he keyu hoka; ahli ho miha la hi okvt; yohmi kia ilolambi lishke; keyukma hatak kvna kia sa kaniohmi ho sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla ho isht chahvt ak atapo ka chi kak o, kvti haknip shamvlli, Setan in tishu mak o ahama kv, isht chahvt ak atapo ka chi kak o, isht sahso ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vlhpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vlhpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vlhpesa tok oka: nana ho si ahomba keyu kia, apostel vhleha i shahli fehna kak kia asha ka hikia li keyu hoka.

12. Apostel isht atokowa yvt hvch itin takla ya ai

yvmohmi kv̄t, nan nuk̄taiyav̄t achunanchi, nan isht atokowa puta, nan isht nukhlakv̄shli puta, na fehna yvmihchi puta aiena moma ka, isht ai yvmohmi mv̄hli tok.

13. Nanta hak ǒ chvch inla puta ka isht hvch ik a lauwo tuk oh cho? nana ka ak hvch̄i kv̄llo ilvppak atuk ak ǒ? vno fehna kv̄t hvchim ashvchi li tok ilvppak atuk ash hv̄s sa kashofashke.

14. Yakeh! ont isht atuchina mak ǒ hvch im ona la ch̄i kv̄t v̄m vlhtahv̄shke: yohmi kv̄t hvch̄i kv̄llo la ch̄i keyu; na hvchimmi hak ǒ keyu, amba hvchishno yak ǒ hoyo li hokv̄t. Ulla yak osh īki micha ishki ita tuklo ka nana im ahayucha he vlhpesa keyu, amba īki micha ishki ita tuklo kak a hetuk oke.

15. Micha hvchishno pulla kak ǒ a lushumichit ik si ataha kia sai yukpa fehna hi oke: hvch̄i hullo li kv̄t isht ī shahlich̄i li fehna kia, ik lauwo hvchim a holitopa li hoke.

16. Yohmi kia ant ik yohm̄i, hvch̄i kv̄llo li tok keyu: yvmohmi kia ī kostini li hatuk osh, a haksichit hvchim ishi li tuk ǒ, achi hoke.

17. Hvch̄i pila li tuk yvmmak ash ǒ kanimi ka nan isht hvch im ai ishit il ahayuchi li tuk ǒ?

18. Titv̄s vt hvchim ona he, ahni lish, itibapishi m̄a aieninchit pila li tok. Titv̄s vt na hvchim ai ishit il ahayuchi tuk ǒ? anukfila achv̄vt il itv̄nowa tuk keyu? ataya achv̄fa h̄ǒ il ai itv̄nowa tuk keyu?

19. Anonti nana isht hvchim il il a miha, hvchim ahoba cho? Klaist ā iba foyuka hosh Chihowa itikba ya il anum-pulishke, yohma kv̄t nana moma e yvmihchi kv̄t, p̄i holitopa fehna vhleha ma! isht hv̄sh a hlampka he ak oke.

20. Yvmmak keyukma ona likmv̄t, itachowa, it ī potv̄nno, it ī nokowa, it ī nukhobela, ashaka nana a mihachi, it̄i shukshov̄t na mihachi, ilefehnv̄chi, itakv̄shkoa, hv̄sh aiena cha vlhpesv̄t hv̄sh m̄aya na, hvchi ahayuchi la hetuk ash osh keyu h̄ǒ hvchi ahayuchi li, yohmikmv̄t a kaniohmi li hv̄s sa pisa hetuk ash ǒ keyu hosh, hvchim otaiyani la he k̄a, ahnit sa nukshohumpa:

21. Yohmi ka anonti ona likma, an Chihowa yv̄t a hvchim

itin takla a si akanlosechi na nan ai ashvchi mashko tuk vt na liteha, micha na haui, micha chukvsh nan isht haui aiena ka yvmohmi tuk vt, i filvmmi ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichi vhleha hv̄t ile kostininchi keyu ka nana im apesa hi vt miha, 1; 5 nana ka a yimmi hatuk vt il imoma ka pisvt ik ono kisha h̄o nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hv̄chim aya lishke: Nan atokoli tuklo, tuchina itih h̄o anumpa moma kv̄t isht ai ahlashke.

2. Tikba hoka hv̄chim anoli li tok osh, anonti atukla mak o hv̄chi takla anta li chohmit tikbanli hv̄chim ano li lishke; yohmi kv̄t himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kv̄t anonti ona likmvt, apoanchi la he keyu hoke.

3. Klaist vt isht si a hv̄chim anumpohonli tuk a atokowa hv̄sh hoyo hoka, yvmmv̄t hv̄chishno yokvno ik hv̄chi hlampko keyu, amba hv̄chi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla h̄o okchaya hoka, pishno ak kia yvmma iba chafvt ik pi hlampko; yohmi kia Chihowa imi hlampko yvt hv̄chi onvtula chi pulla ka, yvmmak ash iba chafvt pi okchaya chi hoke.

5. Ai yimmi ka yoka hv̄sh ibai achvfakma, nana kv̄t hv̄chishno inli hv̄sh ile pisashke; hv̄chishno inli imomaka hv̄sh pisashke. Hv̄chishno inli hv̄ch ik ithano cho? Chisvs Klaist vt hv̄ch iba foyvka ka, ik ai ahlo hv̄chia keyukmvt.

6. Yohmi ka pishno yvt ik ai ahlo pia keyu ka, hv̄sh ithana chi ka sa yimmishke.

7. Michā Chihowa ya pit im asilhha li kv̄t, nan ik v̄lhpeso ka ik hv̄chi yvmohmo ka he ak oke: il ai ahli kv̄t isht il otvna he ak keyu, amba ik ai ahlo yo pia e chiyuhmi kia, hv̄chishno yokvto nana achukma kak o hv̄sh yvmohma he ak oke.

8. Anumpa aḥli il i sanali kv̄t nana e kanihma he keyu, amba anumpa aḥli ya il apelv̄chi yak oka.

9. Ik pi hlampkokm̄vt, hv̄chi hlampko kak o, pi yukpa hokv̄t: anonti ai aḥlit hv̄chim vl̄htaha he ilv̄ppak kia e hv̄chim ai ahni hoke.

10. Yvmohmi ka ik saksho hosh ilv̄ppa puta ka hv̄chi holissochi lishke, ilv̄ppak atuk keyukm̄vt ont hv̄ch iba takla anta likm̄vt, Chitokaka isht im ai aḥli isht hlampkochi la he, micha isht okp̄vni la he ak keyu h̄o vma tok ak o anumpa ishit halupv̄chi la hetuk yoba ká.

11. Ishtaiyopi ka itibapishi li v̄hleha ma! na hv̄chi yukpashke. Ai aḥlit hv̄chim vl̄htahashke, ahopohla achukm̄vt hv̄chim anukfila achv̄v̄t, it i nanaiyv̄t hv̄sh ai ashashke; mikma Chihowa holitoblit nan isht it i nanaiyv̄chi yosh hv̄chi anukfoyuka chi hoke.

12. Suk̄sowa holitopa ȳo isht hv̄sh it aiokp̄v̄chashke.

13. Ūbanumpi yimmi aḥli puta kv̄t pit hv̄chi aiokp̄v̄chishke.

14. Chitokaka Chis̄vs Klaist nan isht i kana, micha Chihowa isht i hullo micha Shilombish Holitopa ai itibai achv̄fa aiena kv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHVCH KALESHAN

YAKNI A HIOHLI HO I HOLISSOCHI TOK.

CHAPTER I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithvna; 14 nana ka ik vlhtoko kisha kv̄t hatak kaniohmi hatuk vt anoli, 17 yvm-mak atuk vt ont i himmak o im anukfila kaniohmi kv̄t anoli.

1. PAL apostel sia kv̄t hatak kaniohmi ho nan a si vlh-toka tok keyu, mikmvt hatak nan ahni hatok keyu, Chisvs Klaist, micha Iki Chihowa, yvm-mvt illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kv̄t, mo-mvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hvchi anukfoyakashke.

4. Yvm-mak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aiashv-chi pulla kak o yvm-mak okvt il im issa tok.

5. Chihowa Piki yvm-mak osh holitopvt bilia cha bili-ashke. Amen.

6. Chekosi fehna ho Klaist isht i kana isht hvchi bohoyo

tok a i filummit, vbanumpa inla yo hvsh eshi ka, okokko! ahni lishke.

7. Yummvt vbanumpa keyu; amba kanimi kv̄t hvchi anuktuklochi cha, Klaist im vbanumpa h̄a shanaiyv̄chi bv̄nna kv̄t ashvshke.

8. Yohmi kia pishno, keyukmvt vba yakni enchil ak ok-má nana hosh vbanumpa inla isht e hvchim anumpohonli tuk a keyu h̄o isht anumpulikmvt, okpulot taha he ik im v̄lhpisá.

9. Tikba ka e hvchim achi tok a, anonti himak a mih mak inli h̄o hvchim achi lishke; Hatak nana kia vbanumpa hvsh eshi tok a inla yo isht anumpulikmvt, okpulot taha he ik im v̄lhpisá.

10. Himak a hatak ak osh, keyukmvt Chihowa ak osh a kana he ahni li cho? hatak o yukupali sa bv̄nna h̄o? hatak ak o yukupali li momakmvt, Klaist in tishu sia ha he keyu hokvt.

11. Amba itibapishi li v̄hleha ma! hatak nan ahni keyu h̄o vbanumpa isht anumpohonli li tuk vt hvch ithvn̄anchi lishke.

12. Hatak o im ai ishi li tuk keyu, micha im ai ithvna li tuk keyu hokvt; amba Chisvs Klaist ak osh vm otv̄n̄inchi hatuk.

13. Nitak chashpo ma kaniohmit Chu okla im vbanumpa anukfoykvt ayvt, atablichit Chihowa in chvch a ilbv̄shalit, chukilissv̄chi li;

14. Yohmi kv̄t Chu im vbanumpa ithvna li kv̄t, vm okla achvfa ai itilaūi li laua ka i shaiyahlit, an tikba v̄hleha im anumpa v̄lhpisa ik holisso atok a amosholi li fehnvt im antia li tok a, hvsh h̄aklo tuk oka.

15. Yohmi tok kia Chihowa yummak osh hvshki im oshvto ȳa ai ishit sa kohchi cha, isht i kana isht sa hoyo tok,

16. Yohmi kv̄t v̄lhpesa ahni cha, Ushi ȳa si ai otv̄n̄inchi kv̄t, vbanumpa ik ithano v̄hleha h̄a vbanumpa isht im anumpohonli la ch̄i ak atok; yohmi mak inli h̄o hatak nana kia it im anumpuli li tok keyu.

17. Mihmvt Cheluselem a ivt apostel v̄hleha sa tikba tok

a ont pisa li tok keyu ; amba Alabia yak o ona li tok osh, anonti falamvt Tamaskus a ona li tok.

18. Atuk osh afvmmi tuchina ma Pita ya pist ia hosh Cheluselem a ona li tok ; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikivt nana puta hvch i holissochi li kv, holabi li keyu ka ho pesá.

21. I himmak o Silia, micha Silisia foka ka ona li tok.

22. Micha Chutia hvch puta Klaist ibafoyuka yvt sa nashuka ya ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpvni tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

CHAPTER II.

Atukla ma Cheluselem a ia tok, nana kv yvmma akaniohmi tok a anoli, 1 : 11 Antiak a anta mvt, nana ka a yohma he vhlpesa keyu kv Peta yvt yohmi na Pal vt im avmmi, mihmvt na yimmi kak keyu lokma, kvna hosh nan vhlpiesa he keyu ka im anoli.

1. YOHMI tok a i himmak afvmmi auah ushta ma anonti vno, Banabas ita, tuklot Titvs a ilauinlit Cheluselem a il ia tok.

2. Yohmi ka Chihowa yak osh vm otvniuchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok ; yohmi kia vbanumpa tosholit aya li tuk a peh pilla ná, anonti himmakma vbanumpa tosholit aya li kia peh pilla ná, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant aya tuk vt, Klik atuk o, hakshuk tupa he i mihija kia, ik yvmohmo ki tok.

4. Yohmi ka yvmmv itibapishi ik ahlo takla iba chukowa kv, Klaist Chisvs puyulla ho a yuka keyut il ahashwa ka pim

akostinincha chi hosh lumvt piba chukowa tok ; yohmi kvf falaminchit pi yukacha chi hatok ; yohmi tuk kia ik yohmo ki tok oke.

5. Ubanumpa ahli yvt hvchin tonla chi kak o, yummak ash o hvshi kanvlli achufa kia i nutakvt il a kanvlli tok keyu.

6. Amba, kva hosh holitompa vhleha ahoba kvf, nana ho kaniohmi yoh kia, yummak okvto nan isht vm a kaniohmi keyu ; Chihowa yvt hatak a nashuka yak o pisa keyu ; holitompa ahoba yummak ash o it im anumpuli li tok a nana isht abafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup tupa vbanumpa in toshola hi vt Pita ak osh vlhtoka tok a pisa mvt ;

8. Pita ya hakshup tupa vbanumpa in toshola he atokoli tok mak osh vbanumpa isht ai ahlichi tok, anonti mih mak inli hosh vbanumpa Chentail a in tosholi li ka isht ai ahlichi tok oka.

9. Yohmi ka Chemis, Sefas, micha Chan aiena kvf pehlichika yo ahoba hatuk osh isht i kana vma tok a pisa mvt, vno, micha Banabas, il ita tuklo kvf il iba holhtina chi kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup tupa vbanumpa in toshola chi hatok.

10. Iibvsha ma il ithana he pim ahni tok ; yummak okvno vno ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokovt im asanali li tok, nan ik vlhpeso yohmi tok ak oka.

12. Chemis vt tohno tok a ik lo kisha kano, Pita yvt Chentail a ibai impa tok ; yohmi tok kia ai vla ma, hakshup tupa ya i nukshopa hatuk osh, kohevvt il a filvmmi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklvt yvmohmi tok.

14. Yohmi kia yohmit vbanumpa ieshit ai vlhpiesvt itvnohova keyu ho pisa li mvt, momvt haklo ho, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi h_o Chentail vt Chu chohmit ahanta he ish im ahni cho? im achi li tok.

15. Pishno vt Chu yosh il vtta tok, yohmi kv_t Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist i yimmi hok mak osh isht ai vlhpiesa ka ithaiyana hosh, vba nan vlhpisa yak o keyu, amba Klaist i yimmi mak o isht a pi vlhpiesa ch_i kv_t, Chisvs Klaist il i yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bvna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu h_o? ik yvmohmo pullashke.

18. Nana ka okpvni li tukvt anonti ikbi likmvt, nan vlhpisa kobvffi toba li hoke.

19. Vba nan vlhpisa pulla h_o vba nan vlhpisa ya im illi li kv_t, Chihowa yak o ai okchaya la he atok.

20. Klaist a ititaiyukhvna iba takalit svlli hoke: yohmi kia si okchaya hoke; yohmi kv_t vno ak o keyu, amba Klaist ak osh okchayvt sa foyuka hoke; himak a okchayvt haknip a halaia li moma hokvto, Chihowa Ushi, yvmmv_t a hullot si vltobvt illi tok a i yimmi li hosh si okchaya hoke.

21. Chihowa nan isht i kana ya akshuchi li keyu; nan isht ai vlhpiesa hv_t vba nan vlhpisa yak o isht atoba, yvm-mak okmvno Klaist vt pilla illi tok.

CHAPTA III.

Vbanumpa h_a i filvmmi ka nani miha; 6 kvna hosh yimmi hokvto nan ai vlhpiesa; 9 mikmvt Eblaham a ibaiyukpa; 10 na laua h_o isht miha hosh ilvppa anoli.

1. IM anukfila iksho Kalesan okla ma! hvchi nishkin a pisa y_o Chisvs Klaist vt ititaiyukhvna atakalit illi tuk vt hvchi tikba ya ai anohowa tok a, kvta mak osh hvchi yosubli na vbanumpa ahli ya hvsh im antia he keyu cho?

2. Ilvppak illa h_o hvchi ai ithvna sa bvnvshke ; vba nan vlhpisa y_a hvsh iakaiya kak osh Shilombish Holitopa y_a hvsh ieshi tok oh cho ? akchu ? haklot hvchi yimmi kak atuk o ?

3. Hvchim anukfila iksho fehna kv_t hvsh yvmohmi cho ? Shilombish o anukfoyukv_t isht hvsh ia kash ot, himak ano haknip o isht a hvchi vlhtaha cho ?

4. Nan laua h_o isht hvchi ilbaiyasha ka peh pilla ha tok o ? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla y_a na fehna puta ka ai yvmihchi kv_t, vba nan vlhpisa y_a hvsh im antia tok ak o ? akchu ? vbanumpa haklot a hvchi yimmi kak atuk o ?

6. Yvmmak inli h_o chiyuhmit Eblaham vt Chihowa y_a i yimmi tok : mihmv_t nan isht ai yimmi kv_t ai vlhpisa im vlhpisa tok.

7. Yvmohmi ka hvsh ithaiyanashke, yimmi puyuta yvmak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano y_a na yimmi pulla kak o isht ai vlhpiesacha hi a tikbanli pisa kak osh, Eblaham a vbanumpa h_a isht im anum-pulit, Chishno ak o okla moma kv_t na yukpa hi oke, achi tok.

9. Yvmohmi hoka kvna hosh yimmi yokvto, mihi yosh na yimmi Eblaham a iba taklv_t na yukpa hoke.

10. Uba nan vlhpisa anukchieto aiyuka hokvto, na hotopa anumpa hv_t onvtonla bieka hoka : holisso kv_t, Kvna kia vba nan vlhpisa holisso atakali puta ka achunanchit ik im antio aiyuka hokvno, na hotopa anumpa hv_t onvtuyula hoke achi hoka,

11. Amba hatak kvna kia Chihowa ai itikba yokvno vba nan vlhpisa y_a isht ai vlhpiesa he keyu kv_t otvnishke ; Hatak vlhpesa yokvto yimmi pulla kak osh isht ai okchaya hi oka.

12. Yohmi ka vba nan vlhpisa yvt ai yimmi ka yokvno ahalaia keyu, amba, Hatak vt ymma yvmihchi hokvto, yvmmak o isht ai okchaya hi oke.

13. Klaist vt pi vlhtobvt na hotopa onvtula toba cha, vba

nan vlhpisa isht a hotopa ya a chumpvt pi falaminchi tok ; holisso kv̄t, Kv̄na kia iti a atakalikmvt, na hotopa anumpa hosh onvtula hoke, achi hoke.

14. Yvmohmi hō Chisvs Klaist pulla hatuk mak o Eblaham nan isht aiyukpa yvt Chentail a onvtula chī hatok ; yvmohmi hō pi yimmi pulla kak osh, Shilombish pim issa tok a il isha chī hatok.

15. Itibapishi li v̄hleha ma ! hatak nana a kaniohmi yō anumpuli lishke : peh hatak nana it im vlhpisa yoh kia kv̄llochi hama, hatak kv̄na hosh akshochi, micha ibafohka he kēyu.

16. Yohmi ka Eblaham, micha im isht atiaka yak o nan im ih̄isa tok ; Laua nana hō ahobv̄chit isht atiaka v̄hleha, achi keyu ; amba achv̄fa ehohmichit, Chim isht atiaka yak o, achi yvmmv̄t Klaist ak oke.

17. Yohmi ka ilv̄ppak o achi lishke, Nan itim vlhpisa Klaist isht anumpa ymma Chihowa yvt kv̄llochi ha ya, afv̄mmi tahlepa ushta pokoli tuchina ha yō v̄ba nan vlhpisa toha tok vt akshocha he keyu, yohmi kv̄t nan im issa tok a ik ai āhlecho ka he atok keyu.

18. Ūba nan vlhpisa im antia pulla kak o nana ai isha he vlhpesa kv̄t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka v̄ba nan vlhpisa yvt nanta hō katiohmichi hatok oh cho ? Nan vlhpisa kobv̄ffi pulla kak o vlhpisa tok o, isht atiaka ymma nana im ih̄isa tok vt v̄lak mak a he vlhpisa tok ; yohmi ka enchil v̄hleha hosh iti takla hikivt tosholi ya i nutaka hosh nan vlhpisa ya anolit haiakv̄chi tok.

20. Yohmi ka ititakla hikivt tosholi vt achv̄fa hō ititakla hikivt tosholi chatuk keyu, amba Chihowa yv̄to achv̄fa hoke.

21. Yohmi kv̄no nan vlhpisa yvt Chihowa nan isht im issa tok a i sanali cho ? ik yvmohmo pullashke ; nan vlhpisa ima tok intonla kv̄t okchalinea hinla hokma, nan vlhpisa pulla kak o isht ai vlhpiesa hi atok o mv̄hlishke.

22. Holisso Holitopa yvt moma ka nan ai ashv̄chi i nutakv̄chit ompohomo hoke ; yohmi hō Chisvs Klaist i yimmi

pulla hō nan ai yukpa im issa tok a kuna hosh i yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlhpisa ya il i nutakvt il ai ashvt, ai yimmi ka yvt himmak o haiaka he yak o il anukchieta hi a pi atoblichitok.

24. Yvmohmi ka vba nan vlhpisa yvt pi kostininchi yosh Klaist a pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchi ya il i nuktaka keyu hoke.

26. Klaist Chisvs a i yimmi pulla hosh hvsh moma kvv Chihowa im vlla hvchia hokvt.

27. Klaist a ishit hohchifot hvchi baptismo tok aiyuka hokvto, Klaist a isht hvsh foyuka hoke.

28. Chu okmá, Klik okmá, nana kvv iksho; yuka yokmá, yuka keyu yokmá, nana kvv iksho; nakni okmá, ohoyo hokmá nana kvv iksho, amba hvsh moyuma kvv achvvt Klaist Chisvs a hvsh ibafoyuka hoke.

29. Yohmi kvv Klaist a immi hvchia hokmvt, Eblaham isht atiaka hvchia, micha nan im issa tok a ai isha he vlhpesa hvchia hoke.

CHAPTA IV.

Nan vlhpisa i yuka pia hatuk a Klaist akosh na pi hlakofichi; mikmvt Chihowa ushi vhleha pikbi, 1; 6 yvmma i chukvsh okvno Chihowa yvt ilap ushi imi shilombish o auet nukfokihinchi. 22 Akah micha Sela itatuklo kvv nan isht vlhpisa.

1. ANONTI ibai isha he vlhpesa kvv, vlla moma hokvto, nana moma kvv immi hoh kia, yuka ha nan isht inla keyu hoke, achi lishke.

2. Amba kostininchi, micha apesvchi ya i nuta kvv ahanta na, iki vt im apesa tok nitak a ona chatuk oke.

3. Yvmmak inli hō chiyulmit, pishno ak kia vlla pia momo mvt, yakni nan ai ithvna ai ishtia vmmona ya i nutakvt yukvt il ashwa tok.

4. Yohmi tok kia nitak ont vlhpesa kvv vla ma, Chihowa

yvt Ushi vt pila na, nan vllhpisa i nutaka toba hosh ohoyo hq a toba tok.

5. Ūba nan vllhpisa i nutakvt aasha tuk a falaminchit pi chumpa na, Chihowa ushi vhleha e toba chi hatok.

6. Yohmi tok a ushi vhleha hvchia hoka, Chihowa yvt Ush imi Shilombish a hvchi chukvsh a anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vllhpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak a Chihowa ya hvsh ithana ha ya, yvmmak keyukmvt, Chihowa yak osh hvch ithana ha ya, katiohmi hq anonti nan ai ithana ai ishtia vmmona isht hlampka he keyu, micha isht ai yukpa he keyu ka falamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vllhpisa aiena ka hvsh holitoblshke.

11. Peh pilla hq hvchin toksvlit isht a svlvvsha tuk yoba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vllhpeso hvv sa yvmihchi tok keyu kvvmohmi hoke.

13. Ūmmona hoka haknip ik hlampkot hoyubli hosh katiohmit vbanumpa ha hvchin tosholi li tok a, hvsh ithanvshke.

14. Micha imomaka pisa li yvt sa haknip a afoyuka ka ik shitlemot hvch ik sa kanchi ki tok; amba Chihowa imenchilchohmichit, Klaist Chisvsv mak o, chohmichit hvv sashi tok.

15. Yokmi kvno nan isht aiyukpa ya isht hvsh anumpuli tok mvt? hvsh yvmihcha hinla nana hokmvt, hvchi nishkin a hvsh kohchi cha, hvv svma hinla tok a, atokowa hvchim anoli lishke.

16. Yvmohmi ka avli hq hvchim anoli li kak osh hvchin tvnvp o toba li cho?

17. Hvchi hullo fehna ahoba kia vlhpesa keyu hoke; ahli, hvchi atakloma he ahni na hvch ik sa hullo hosh, ilap ak o hvsh i hulla chi kak atok oke.

18. Yohmi kia nana achukma hokvno i hullo fehnt bilia kak o vlhpesa hoke; micha hvchi takla anta li kak bano keyu.

19. Um vlla chipunta vhleha ma! ohoyo vlla esha chi nukhumi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke; a hvchi anukfilli la he ak ithanoshke.

21. Uba nan vlhpisa ya i nutaka hvchi bvna kv, vba nan vlhpisa ya hvchik haklo ho? oh vm anoli

22. Holisso kv, Eblaham vt ushi in tuklo tok; achvfa kv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kaniohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmvnt nan isht vlhpisa yoke: ilvppvt nan it im vlhpisa tuklo yoka; achvfa kv nvni chaha Sainai a tobt yuka ikbichi, yvmvnt Akah yak oke.

25. Akah ilvppvt nvni chaha Sainai yosh Alabia yak o hikia hosh, Chelusalem vt himak a talaia ka isht vlhpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kv, Ulla ik chim iksho, vlla ish eshi chatuk keyu ma! chi yukpashke; vlla esha chi chi nukhumi chatuk keyu ma! chitolit ish tahpahanlashke; ohoyo vlhtakla ya tuk kia vlla in laua kv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvma haknip o kaniohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yumohmi ka Holisso Holitopa yvt nan tuk achi hō ? Ohoyo yuka, micha ushi ita tuklo ka kohchit ish kanchashke : ohoyo yuka ushi vt ohoyo yuka keyu ushi ya nana ibai isha he vlhpesa keyu hoka.

31. Yumohmi hoka itibapishi li vhleha ma ! ohoyo yuka im vlla pia keyu, amba ohoyo yuka keyu ak oke.

CHAPTER V.

Klaist pulla hatuk mak o yuka keyu toba tok vt yummak fehna hō ai itanohowa chi ka i miha, 1 ; 3 Chu okla nan im vlhpisa yokno ik im antio ka chi, amba nan i hullo pullvt itanohowa he ; 19 haknīp imma atoksvli kv̄t kaniohmi ka anoli ; 22 mihmvt shilombish imma nan vni ka anoli.

1. YUMOHMI hoka a yuka keyu hō Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochō kashke.

2. Yakeh ! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchim achi lishke.

3. Anonti hatak moma kv̄t hakshup tupa yummak okvto, nan vlhpisa moma ka yvmihcha he aheka in takanli ka atokolit im anoli lishke.

4. Kvna hvchia hosh nan vlhpisa yak o isht hvchi ai vlhpiesa hokma, Klaist vt nana isht hvchim ai achukma keyu ; isht i kana ya i filvmm̄it hvchi tula hoke.

5. Yohmi ka Shilombish pulla hatuk mak o na yimmi hosh isht ai vlhpiesa hi a il esha he ahnit, e hōhoyoshke.

6. Chisvs Klaist imma hokvno hakshup tupa yokmá, hakshup ik tapo yokmá, nana hoh kia nana a kanihma he keyu hoke ; amba ai yimmi ka i hullo isht atoba yak oke.

7. Vlhpesa hosh hvsh maleli tuk ; anumpa ahli ya hvch ik im antio ka chi ka, kv̄ta hosh hvchi ataklvmm̄i tuk o ?

8. Hvchi anukfohki na vlhpesa hvsh ahni ilvppvt hvchi hoyo tok ak o a minti keyu hoke.

9. Isht shatvmm̄ichi iskvtinosi kia yvmmv̄ska ya mominchit shatvmm̄ichi chatuk oke.

10. Chitokaka pulla kak o hvchi yimmi li kv̄t, nana inla hvch im anukfila he keyu ak oke ; amba kv̄na hatuk oh kia mihi yosh hvchi anuktuklochikmvt, nan v̄lhpisa yvt onvtula hi oke.

11. Yohmi ka itibapishi li v̄hleha ma ! vno yvt hakshup tv̄pa ya isht anumpuli li moma hokak osh, nanta katiohmi h̄o nan ilbv̄sha yvt si onvtula moma cho ? yvmmak okma ititaiyukhv̄na isht ai ibetv̄bli vt yokopa hoke.

12. Hvchi anuktoklochi v̄hleha hatuk vt chvch a a tv̄pvt kv̄niakbano ahni lishke.

13. Itibapishi li v̄hleha ma ! a yuka keyu ȳo hvch isht ona tuk oke ; a yuka keyu yvto haknip yukpali keyu, amba it i hullot it apelahanchi yak oke.

14. Anumpa achv̄fa h̄o v̄ba nan v̄lhpisa a moma kv̄t isht ai āhli hoka ; yvmmvt ilv̄ppak oke, Chin chuka panta hatak a ish i hullo kv̄t chishno ak inli h̄o chim itilau-ashke.

15. Amba iti koblit, v̄pvt hvsh ititahli hokmvt, iti okpv̄nit hvch ik iti tahlo ka ch̄i kv̄t, ahah ! hvsh ahnashke.

16. Yohmi ka Shilombish iba foyukvt hvsh ayashke ; yohmi hokmv̄to, haknip nan ahni okpulo ya hvch ik ai āhlecho ka ch̄i hoke.

17. Haknip nan ahni kv̄t Shilombish a im i sanalikma, Shilombish nan ahni kv̄t haknip a im i sanali hoke ; micha ilv̄ppvt it im inla hoke : yvmohmi h̄o nana yvmihcha he hvsh ahni kia hvsh yvmihcha he keyu hoke.

18. Amba Shilombish ak osh hvch isht aya hokma, nan v̄lhpisa ya hvsh i nutaka keyu hoke.

19. Yvmohmi ka haknip atoksv̄li otv̄ni yvmmvt ilv̄ppak oke : Haui toba, itin lumaka, na liteha, haui anukfilli,

20. Na holba aiokpv̄chi, ikh̄ish isht yushpakama, iti nukkilli, itachowa, iti shahshohlechi, anukhobela, iti yichina, ita kv̄shkov̄t nan v̄lhpisa i sanali, v̄banumpuli iksa iti filamohli,

21. It i potv̄nno, hatak b̄ika v̄bi, okishko shahli, okishkot tv̄ssahvt aya, micha yvmma chohmi puta ka tikba ma hvchim anoli li ak inli tok kia, himak a atuklant hvchim

anoli li ka, ilvppa yvmihchi puta kv̄t Chihowa im apehli-chika yō isha he vlhpesa keyu hoke.

22. Amba Shilombish o isht ai vni hokvto, I hullo, nayukpa, it i nanaiya, nuktaiyavt nokowa svlaha, anukfila yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktampli; yv̄mma chohmi ka onvtonla kv̄t nan vlhpisa yv̄t ik-shoshke.

24. Yohmi ka kv̄na hosh Klaist a immi hokvto haknip, mieha haknip nan isht i hullo, mieha nan ai ahni okpulo ya haknip ash aieninchit ititaiyukhv̄na a takalichit illich i hoke.

25. Shilombish ak o il ai okchaya hokmvt, Shilombish a iba foyukt il iba noh̄owa mak inlashke.

26. Nana ik ahobo a holitopa ya ahnit it i nokowvchit, it i potv̄nnot kiloh ai asho kashke.

CHAPTER VI.

Kv̄na hosh nana kv̄t ik im vlhpeso ka i kanvt nan im anukfilla he, mieha nan i weki ka ib ai isha he i miha, 1; 6 vbanumpa isht anumpuli yoka nana ka isht im v̄tv̄t apelacha he i miha: nan vlhpisa chinto nitak yvm̄mak okv̄no momvt nan im vlhpisa hi a anoli.

1. ITIBAPISHI li vhleha ma! hatak kv̄na kia nan ai ashv̄chi ka iba chukowa hokma, Shilombish anukfoyuka hv̄chia hv̄t, chukv̄sh isht i nukh̄aklot yv̄mma chohmi kash falaminchit hv̄sh hilechashke; hv̄chishno kia nan ai ashv̄chi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it i shaiyashke; yohmi hosh Klaist i nan vlhpisa ya hv̄sh ai ahli-chashke.

3. Hatak vt nana keyu kia, na sa fehna ahni hokmvt, ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o yakohmi ahnit, pisashke; yvmohmi hosh inla yō ai yukpa keyut, ilap ak inli tuk ak osh nan isht il ai yuh̄ukpa chi hoke.

5. Hatak puyuta kv̄t ilap ī shahpo illa hō shaiyala he oka.

6. Kv̄na hosh vbanumpa hā isht im vlv̄chi hokmv̄t, nan im av̄chi yvm̄mak ash nana hochukma puta ka it ibai eshashke.

7. Hv̄chik ile haksecho kashke; Chihowa hv̄t isht ik si yopulá, ahni keyu hoke; hatak vt̄ nana hō hokchi tuk mv̄t, yvm̄mak o vma hi oke.

8. Kv̄na hosh haknip ak o ī hokchi hatuk okv̄to, haknip ak o isht okpula hi o vma hi oke; amba kv̄na hosh Shilombish ak o ī hokchi hatuk okv̄to, Shilombish ak o ai okchaya bilia yō vma hi oke.

9. Yohmi kv̄t nana achukma isht il ahanta kv̄t ik pin takobo kashke; pi tikambi keyu hokmv̄t, nitak ont ai vlh-piesakma, il ai vma hi okv̄t.

10. Yohmi hoka hatak moma ka nana il im ai achukma la hi vt̄ pin takalikmv̄t, e yvm̄ihchikmv̄t, na yimmi in chuka chv̄fa vhleha yokak heno ī shahlichit il ī yvm̄ih-chashke.

11. Holisso chito kv̄t, kaniohmi hō vno svbbak ak inli hō pit isht hv̄chī holissochi li tuk a hopesá.

12. Haknip ak o isht otv̄ni achukma he ahni aiyukali hokv̄to, hakshup t̄vpa he ak o hv̄chim ahnishke; yvm̄mak keyukmv̄t Klaist ititaiyukhv̄na ai illi pulla hatuk mak o na palv̄mmi pisa hinla kak illa kak osh yvmohmi hoke.

13. Yohmi ka hakshup t̄vpa vhleha ilap inli kak kia vba nan vlhpisa yā holitobli keyu: yohmi kia hv̄chi hakshup t̄vpa he hv̄chim ahni kv̄t, hv̄chī haknip ak o isht ilauata he ahni hoke.

14. Amba vno yokv̄to isht ak ilauato pulla he, pin Chitokaka Chisvs Klaist ititaiyukhv̄na atakalit illi tok ak banashke: yvm̄mak atuk pulla mak o yakni vt̄ ititaiyukhv̄na v̄m ai illi, mikmv̄t vno yvt̄ yakni a im ai illi li hoke.

15. Klaist Chisvs imma hokv̄no hakshup t̄vpa, micha hakshup t̄vpa keyu aiena kv̄t nana keyu, amba himonvt̄ toba ak illa hoke.

16. Laua kv̄t kaniohmi hosh anumpa v̄lhpisa ilvppak ash im antiṽt aya, micha Chihowa im Islael aiena hokvno isht i nanaiya, micha isht i nukhaklo ita tuklo kv̄t onvtuyu-lashke.

17. Chitokaka Chisvs pulla hatuk mak o sa haknip a na m̄isa laua ka isht shaiyali li hoka; himak a pilla m̄enc hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs Klaist isht i kana yvt hvchimi shilombish a anukfoyukashke. Amen.

HOLISSO PAL VT

CHUCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1 ; 4 vbanumpuli vhleha hvt yakni vt ik tobo kisha mak o vlhtahvt Chihowa im vlla vhleha toba tok, 11 Klaist pulla ho nan ai yukpa ai immi ha he im vlhpisa 13 Shilombish Holitopa yo isht ai ahlit kvlo ; 17 mihmvt Chitokaka Chisvs Klaist im a holitopa vba ya pisa hi mak o vba anumpo-honli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpuchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke :

4. Yohmi hosh yakni in tolahpi vt iksho pilla ma, Klaist a pi atokoli kvv, i hullot nan ai ashvchi iksho, micha liteha iksho hosh yvma itikba il aya he ak atok oke.

5. Yvmohmi kak osh vlhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik banli pi atokoli tok,

6. Yohmi kvv isht i kana chinto yvt isht annghowa he,

yummak pulla ho Holitopa achvfa yumma a pi ahninchi tok.

7. Yummak ash pulla im issish o isht a pi vlhtoba mvt, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kvv hopoyuksa biekvv im anukfila chinto hosh, isht i kana yumma chitolechit pihima tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok a pim otvninchi kvv ;

10. Yvmvvt nitak vt ont ai vlhpiesakma, nana puta vba ai asha, micha yakni pakna ai asha aiena ka itahobit achvfa-lechit, Klaist yumma fehna ka i nutakacha he ak atok :

11. Yummak inli pulla ho il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila ho, tikbanli pi vlhtoka tok :

12. Yohmi kvv na tikba Klaist a il anukchieto tuk pishno ak o im a holitopa yvt a pi annohowa chi hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yummak ash hvsh anukchieto tuk ak inli ; hvchi yimmi ha yosh, yummak ash nana im ihisa tok Shilombish Holitopa yumma isht hvchim ai ahli tok,

14. Yummak okvv nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumpvvt a pim atahli tok a il ishi na, yumma im a holitopa yvt isht annohowak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kvv, issa li keyu mvt, micha anumpa ilbvsha anumpuli likmvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta Iki vt Shilombish isht a hopoyuksa, micha isht otvninchi hvch ima na yumma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ahli ya isht a holitopa chinto il ai isha hi vt kaniohmi,

19. Micha ilap nan isht im ai ahli chinto a yvmihchi kv̄t, na yimmi vhleha pia ha ilap nan isht im ai ahli chinto fehna ka isht pi yvmihchi kv̄t kaniohmi aiena ka, hvsh a kostinicha he ak atuk oke.

20. Yvmmak ash o yvmihchi hosh, Klaist illi tuk a falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vlhtoka puta, nan im ai ahli, nan i shahli puta, micha na hohchifo moma yvmmv̄t yakni ilvppa a hohchihifo kak bano keyu, amba yakni yvmmv̄t vla chi aiena ka i shaiyahli yak oke:

22. Yohmi kv̄t nana moma ka yvma iyi nutakvchi, mihmv̄t chvch im ai achukma chi ka nana moma i noshkoba ha chi ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTER II.

Im anukfila kaniohmi yosh il v̄tta tok, 1; 3 Chihowa nan isht i kana pulla ho kaniohmit pim anukfila ka anoli; 10 nan achukma ka e yvmihcha he e toba tok; 13 Klaist il im antia hokmv̄t, vba imma nan im vhl̄taha hash il ahanta cha, Chihowa im okla achv̄fa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchal̄inchi tok oke.

2. Ilvppa chiyuhmi ka chashpo ma hvsh ai itv̄nowa kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoyyukv̄t isht aya kak o, iakaiya hosh hvsh itv̄nowa tok oke:

3. Yohmi kak o pishno ak kia chashpo ma iba takla pi haknip im anukfila ik achukmo iakaiyv̄t, haknip nan ai ahni, micha chukv̄sh nan ai ahni aiena ho e yvmohmi tuk oke:

yohmi kv̄t chukvsh okpulo vmmona il ishi tok moma kv̄t im ai anukkilli pī onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai vlhtayak pulla hosh, nan isht i hullo chito hō isht pī hullo hatuk osh,

5. Nan ai ashvchi isht pilli moma kia, Klaist iba taklan-chit hvpi okchalinchi tok oke; isht i kana pulla hō hvchi okchaya hoke;

6. Micha Chisvs Klaist ibafohkit wakayvchit, vba a holi topa puta pī binilichi tok oke;

7. Yohmi hosh himak a pilla ma Klaist Chisvs pulla hō pī nukhaklo tuk vt, isht i kana chinto fehna ka isht otv nincha chī hatok.

8. Na yimmi kak osh isht i kana pulla hō hvchi okchaya hoke; yohmi kv̄t ilvppvt hvchishno na hvsh ahni kak keyu, Chihowa na hvch ima kak oke.

9. Nan toksvli kak keyu, yvmmak keyukma kv̄na kia isht ilauata yoba ná.

10. Yvmma im a toba hvpia kv̄t, nan toksvli achukma isht il ahanta hi osh Klaist Chisvs ak o il a toba tok; yvmma il ai itvnowa hi o Chihowa hv̄t tikbanli apesa tok.

11. Yvmohmi ka nitak chashpo ma haknip i nuta yosh Chentail hvchia ma, nipi hakshup tupa ibbak isht toba hoh-chifo yvmmak okvt hakshup ik tapo hvchi hochifo hoke.

12. Yohmi kv̄t yvmma foka mvno Klaist ibafoyuka keyut, Israel okla ai achvfa hvsh ahalaia keyu, micha nan im issa tok isht it im vlhpisa hvch ik ahalaio, aiokchaya pisa he ahni ik im iksho, Chihowa ik ithano yosh yakní a hvsh ai asha tok.

13. Yohmi tok kia himak ano Chisvs Klaist pulla hatuk mak o hvchishno vt tikba mvno hvsh mishemanchi tuk vt, Chisvs im issish o isht hvsh a bilika kv̄t hvsh ithaiyanashke.

14. Yvmmak osh pit i nanaiyvchi yosh, e tuklo ka achvfa pikbi cha, holihta nan isht pit i flvmmichi yatuk a ishit kanchi tok oke;

15. Yohmi kv̄t nan isht it i nukkilli nan isht vlhpisa yvt im vlhpisa tok, haknip isht ilbvsha cha, ishit kanchi tok:

yohmi hosh tuklo ka hatak himona achvfa il ai ikbi cha, it i nanaiyvcha chi hatok:

16. Yohmi kv̄t ititaiyukhvna pulla hō tuklo ka haknip achvfa isht ikbit, yvm̄mak o it i nukkilli tuk a ai illichī cha, Chihowa ya it i kanvcha chi hatok:

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvm̄mak atuk pulla hō Shilombish achvfa hosh pi anukfohkichi hō, il ita tuklo kv̄t Ūba Iki il im ohona hokvt.

19. Yakeh! yohmi ka himak a pilla ma ik ahalaio okla inla yo hvchia keyu, amba vbanumpuli ibai okla, micha Chihowa in chuka chvfa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tvli yo, onvtula hosh hvsh it abana hoke.

21. Yvm̄mak o ai it abana iti fohka achukma kv̄t, Chito-kaka ibafoyukvt tempel holitopa tobtv̄t isht mahaya hoke.

22. Yvm̄mak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena he atok, 1; 9 Pal vt im anumpohonla he vt vhl̄toka; 14 mihmvt Chihowa nan i hullo tok a okla akostinicha chi ka vba asihihla; 20 mihmvt nan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hv̄t Chentail hvchia hatuk mak o Chisvs Klaist i yuka sia hoke.

2. Chihowa nan isht i kana v̄lhpisa ishit hvchim anum-puli la chi hō vma tok a, hvsh haklo mv̄hli tok a;

3. Yvm̄mvt Chihowa im anukfila luma hatok a kanioh-michit vm otvninchi tok a, anumpa ik lauwo ka tikba ka hvchi holissochi li tok oke.

4. Yvm̄mak o hvsh itim anumpulikmvt, Klaist im anuk-fila luma hatok a ithana li ka, hvsh akostinicha hinla hoke;

5. Yvm̄mvt nitak tikba ma hatak ushi vhleha ha im an-

noa tok a ohmi keyu hō, himak ano Shilombish vt apostel holitopa vhleha, micha hopaii puta aiena ka im otvvinchi hoke;

6. Yvmohmi na Chentail vt vbanumpa pulla hō iba tak-lvt nan ai isha he vlhpesa toba, micha hknip ai achvfa toba cha, Klaist pulla hō nan im ihisa tok a ibai isha he atok:

7. Chihowa yvt ilap nan isht im ai ahli vm ai yvmihinch pulla hosh, ilap nan isht i kana vma pulla hō, vbanumpa isht vta toba li tok oke.

8. Ūno vt vbanumpa yimmi moma ik lauwo ka ik a lauwo sia hoh kia, isht i kana ilvppa vma na Klaist nan isht yukupali kva hosh ithvvt hlopullicha he keyu a, Chentail a isht im anumpuli la hi atok.

9. Micha im anukfila luma hatok a itibai achvfa kvv ka-niohmi ka hatak moma ka pisachi la hi atok; yvmma yakni tobahpi a minti ka Chihowa hvv Chisvs Klaist nana moma ka isht ikbi tok vt, luhmit ieshi tok;

10. Yvmohma hi o himak ano hochitoka ilaiyuka, nan vlhtoka ilaiyuka, vba a holitopa ai asha kvv, hvch pulla atuk mak o Chihowa a hopoyuksa chinto kvv im otaiyana hi atok.

11. Yohmi kvv Chisvs Klaist pin Chitokaka isht yvmihcha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla chi ahnit, pi anukfoyukvt il im ohona hoke.

13. Yohmi ka hvchishno ak atuk mak o nan isht svlvsha ka, yvmmvt nan isht a hvchi holitopa hokvt hvchi chukvsh isht ik hvchim ello kashke.

14, 15. Ilvppa pulla kak o pin Chitokaka Chisvs Klaist, yvmmak o chuka hvfa vba yakni a ai asha, micha yakni ai asha a moyuma kvv ai a hohchifo Iki a i hvchukbehlipa li kvv,

16. Isht im a holitopa chinto fehna ka hvch ima na, imi Shilombish vt chukvsh isht hlampko isht hvchi hlampko-honchi;

17. Micha na hvchi yimmi hō Klaist vt hvchi chukvsh a

anukfoyuka he yohmi lishke ; yohmi hō nan isht i hullo a akshish a tobt a hvchi kvllō hosh,

18. Ūbanumpuli ahli puta iba taklv̄t a p̄vtha, micha afa-laia ka, micha hofobi, micha chaha aiena ka hvsh akostinincha hinla hoke.

19. Michā Klaist vt nan isht p̄i hullo ka ai ithvna he atampa ka hvsh ithvna hosh, Chihowa isht alotowa moma kv̄t isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kv̄t, nana hō il asilhha, keyukmvt nan il anukfilli moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV.

Itib achvfa he i miha, 1 ; 7 Chihowa hv̄t 11 in chvch vt nan isht hlampkot i shaht mahaya ch̄i ka im okla ha shilombish holhpela il aiyuka ih̄ima ka anoli ; 17 nan a kaniohmi tikba yatuk a naksi ka bohli ; 28 nana a kaniohma he vlhpesa ka yvmihchi, micha nan ik vlhpeso moma ka mokofa ch̄i ka i miha.

1. YUMOHMI ka Chitokaka atuk mak o yuka sia hv̄t hvsh a yvmohma he hvchi vlhtoka tuk vt, ai vlhpiesvt hvsh ayvt,

2. Chukvsh akanlosi, micha chukvsh yohbi, micha anuk-hobela svlahvt, it̄i hullot, it im i nuktaiyalvt ;

3. Shilombish ai isht itibai achvf̄t nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli hō chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kv̄t achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma Iki achvfa, yvm̄mvt nana moma i shahli ; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kv̄t, Klaist i na hvlbina kaniohmi hō pi anukfohki kak oke.

8. Yvmohmi kak o vba ia mvt, yuka lawa yukachit isht ayvt, na hvlbina puta ka hatak puta ka ima tok, achishke.

9. Yohmi ka vba ia tok, achi kv̄t nanta hoh cho? amba yvmmt tikba ma vba mintit aka yakni vla tok ak inli keyu?

10. Ūba minti tok mihi yō ak inli hosh vba shutik pakna-ka pilla ona kv̄t, nana moma alotowa chī kak atok.

11. Micha kanimi kv̄t apostel; micha kanimi kv̄t hopaii; micha kanimi kv̄t vbanumpa tosholi; micha kanimi kv̄t iksa apesvchi; micha kanimi kv̄t nan ithvnanchi aiena ya chī ima tok:

12. Yohmi kv̄t vbanumpa yimmi vhleha hā ai ahlichā he, vbanumpa isht vta he, Klaist haknip ithvnanchit hlampkohoncha hi ak atok oke.

13. Yvmohmi na e moma kv̄t mahayvt nan ai yimmi ka, micha Chihowa Ushi ai ithvna aiena ka ont il ai achvft, hatak im ahli e tobt, Klaist vt a kaniohmit ai alotowa fehna ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha chī kv̄t, isht im aiihinchi ka ibafohkv̄t ke fullokahanchō kashke.

15. Amba i hullo hosh anumpa ahli anumpulit, nan okluha ka isht im a hofantit mahayvt, Klaist yvmmt noshkoboka ya e chiyuhmashke.

16. Yvmmak o haknip moma kv̄t ai itifohka achukma, micha hakshish puta isht iti talakchi hosh moma kv̄t nana a kaniohma he vlhpisa kv̄t, ahlit yohmit it apelachi hosh haknip isht a chitot isht it i hullot mahaya hoke.

17. Yohmi ka ilvppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i filvmm̄t yoshubvt aya;

19. Chukvsh svlahbot atupa, na havi atampa, na liteha puta asitvt isht ahanta ka hvch ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ahli yo isht hvchim vlvchi tuk okmvt;

22. Tikba ma nana hvsh a kaniohmi tok vt hatak sipokni, yvmmvt na haksichi chukvsh okpulo isht yoshuba aiena kvno, naksika hvsh bohlahshe:

23. Micha chukvsh isht hvsh anukfilli vt himonvt tobashke:

24. Micha hatak himona, yvmmvt Chihowa holba tobt nan ai vllpiesa, micha nan ai ashvchi ik im iksho ahli mak o isht hvsh foyukashke.

25. Yohmi hokvt na holabi puta naksika bohli anumpa ahli in chuka panta hatak a hatak moma kv im anumpulashke; hknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvlo kashke.

28. Kvna kia hukopa tuk vt, himmak ma ik hukopo kashke; amba ik pilesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kv achukma isht hlampka he, micha haklo puta kv isht im achukma he ak ashke.

30. Micha Chihowa imi Shilombish Holitopa, yvmmak o hvsh ai okchaya he nitak pit isht hvchim vllpisa kv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kv naksika itonlashke.

32. Micha it i kanvt, chukvsh na hih isht iti ahnit, Chihowa hv Klaist ak atuk mak o hvchi kashofi tuk a chohmit, hvsh it i kashohofashke.

CHAPTER V.

Chihowa ya im anti vt nan ai i hullo yo ai itanohowa he, 1; 3 im anumpa litelha hosh itanowa beka tuk vt naksika bohla he; 18 nan ish-kot haksa he imma ka ik ahalaio ka he, amba shilombish holitopa yo isht anukfuyukvt im vlhtaha he nan i miha; 22 Ohoyo hvvt kaniohmit ahanta he, ilap i hatak a im antia he; 25 Klaist vt chvch a i hullo ka chohmit hatak vt im ohoyo ha i hulla he nan isht miha.

1. YUMOHI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vlhtoba, Chihowa nan i balama, isht il im issa tok a chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkunna atampa vbanumpa yimmi vt yohma he vlhpesa keyu ka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlhpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkunna atampa, yvmvvt na holvvt toba aiokpvchi, ilvppvvt Klaist, micha Chihowa im avehlichika nan ai isha he vlhpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke: ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itvnowashke.

9. Shilombish isht ai vni hokvto nana achukma bieka, micha nan aivlhpiesa yvmohmi, micha anumpa ahli yak oke.

10. Yohmi cha nana ho Chitokaka yut aiokpanchikma, hvsh akostinincha hi oke.

11. Micha okhlili ka a toksvli nan ik vno hvch ik iba taklo hosh, amba ik im ahninchot hvsh im alvmmashke.

12. Alumaka ho nana kvv ai yvmohmi tuk a isht anum-puli illa kak kia, isht hofaya he vvhpesa hoke.

13. Yohmi ka atokowa otvni kvv nan tohwikeli ak o isht otvni hoke : nana hosh nana ka otvninchikmvt, yvmmak osh tohwikeli hoke.

14. Yvmohmi kak o, Nusi tuk chia kvv, chi okchashke, micha illi tuk chia kvv falamvt ish tanashke, mikma Klaist vt tohwikeli chima chi hoke, achi hoke.

15. Yohmi ka im anukfila iksho chohmi keyut, amba hopoyuksa chohmit ahah ! ahnit hvsh itvnowashke.

16. Nitak vt ik hvchi kvnio hosh nan isht hvsh il im ahantashke ; nitak hvsh ai ahanta kvv ik achukmo hoka.

17. Yvmohmi hoka ik hopoyukso yo hvchia keyu hosh, amba Ckitokaka im anukfila hvv kaniohmi ka hvsh akostin-inchashke.

18. Micha oka homi isht ik hvchi hakso, yvmvvt im ilayak isht yopomo yoke ; amba Shilombish ak o isht hvchi alotowashke.

19. Uba isht taloa, micha Shilombish imma isht taloa aiena ka isht il ai anumpohonlit, chvkvsh isht in champulit Chitokaka ya hvsh in talohvashke.

20. Nana puta ka pin Chitokaka Chisvs Klaist isht hohchihifot Chihowa, yvmvvt Iki mak oka, yak oke ai ahnit, il aiokpahanchashke.

21. Chihowa i nukshohompa hosh hvsh it im antiashke.

22. Tekchi vhleha ma ! Chitokaka chohmichit hvchi hatak a hvsh im antiashke.

23. Klaist vt hvch a i noshkobo ya yvmmak inli ho chohmit hatak vt ilap tekchi a i noshkoboka yoka : micha yvmvvt haknip ai okchaya mak oke.

24. Yvmohmi ka hvch vt Klaist a im antia ka yvmmak inli ho chohmit, tekchi vhleha hvv nana puta ka ilap i hatak a isht im antiashke.

25. I hatak vhleha ma! hvchi tekchi a hvsh i hullo kv̄t, Klaist vt chvch a i hullo hosh, il im issa tok ak inli ka, hvsh chiyuhmichashke:

26. Yvmohmi kv̄t oka isht achifvt vbanumpa isht kashofvt na hullochi cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chī hatok; ḡhli a holitopa, imomokpulo keyu hō ilap itikba hilech, chī hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhleha hā i hulla he vlhpesa hoke. Kvna hosh tekchi a i huhullo kv̄t, ilap a i hullo hoke.

29. Kvna kia ilap haknīp a i nukkilli chatuk keyu hoka; amba Chitokaka yvt chvch a i yvmihchi ak inli hō chohmit, apovchit hiahnit ilauei hoke.

30. Pishno vt yvma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTER VI.

Ulla yvt ishki, micha iki ita tuklo ka im antia he vt vlhpesa, 1; 5 yuka hv̄t i shahli hā im antia he vt vlhpesa: 9 mikma i shahli hv̄t ai vlhpiesa mak o i yuka hā i yvmohma he vlhpesa; 10 na pi okchaya ilvppvt il itihimbi; 13 vbanumpuli vt nan isht ile atukkochi, 18 yohmi ka kanimihchit ilvppak ash isht aya he anoli.

1. **ŪLLA** vhleha ma! Chitokaka ak o hvch iki, micha hvch ishki ita tuklo hvsh im antiashke; ilvppak osh vlhpesa hoka.

2. Chiki, micha chishki ita tuklo ka ish holitoblashke, ilvppvt anumpa vllhpisa nan im issa ya apatoa vmmona.

3. Yohmi hosh chim achukmvt hopaki hō yakni paknaka ish ai ahantashke.

4. Mikma iki hvchia hvt hvchim vlla ya hvch ik nokowv-cho kashke: amba Chitokaka yak o anukfohkí, micha nan ai ahni yak o a fohkit hvsh hofantihinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnihinchit, chukvsh apissali kv, Klaist ak inli hō chohmichit hvsh im antiashke.

6. Yohmi kv hatak yukpali yō chohmit, nishkin pisa bano toksvli keyu; amba Klaist in tishu hō chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksvli toksvilit, Chitokaka yak o i yvmihchí, hatak ak o keyu;

8. Nana achukma nana hō hatak kvna kia yuka hokmá, yuka keyu hokmá, nana hoh kia yvmihchikma, yvmmak atuk mak inli hō Chitokaka ya im a habena hi a hvsh ithaiyanashke.

9. Mikma i nahullo hvchia hvt i nokowvt anumpuli iksho hosh, yvmmak inli hō hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yō hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhltoke, hochitoka, yakni ai okhlili ka ilvppa pehlichi vhleha, shilombish okpulo vba itvnova puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ahli isht vskofaiyachit nana isht ai vlhpiesa ikkishi alata ho foyukvt,

15. Micha vbanumpa it i nanaiyvchi nan isht im vlhtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hv si anumpohonlashke: yohmi na itih kohchit anumpuli la hi a vma na vbanumpa luma ya tok a anohonli la chi kv, nukwaya ikshot svtih ha wakvmi lashke.

20. Yvmma pulla ho Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi a vba isht hv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinincha chi ak inli kvno, Tikikvs itibapishi a holitopa, micha Chitokaka nan im isht vta ai ahli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh a hopohlva chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vhleha ha hvchi anukfoyukashke.

24. Chitokaka Chisvs Klaist i hullo ai ahli moyuma ka nan isht i kana yvt anukfoyukashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hv̄t isht ai aḡlichit im atahla ch̄i ka yimmi. 12 Lom aboha kv̄llo afoyuka ka nan isht im anukfila he nana hosh akaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hv̄t vbanumpa yimmi aḡli vhleha Chisvs Klaist ibafoyuka Filippi ai asha, bishop puta, micha chvch nan isht im vtta puta aiena ka pit aiokpvchi kv̄t,

2. P̄iki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kv̄t hv̄chi anukfoyukashke, hv̄chim ahnishke.

3. Hv̄chi anukfilli li aiyuka kv̄t an Chihowa ya yak oke im aiahnit,

4, 5. Nitak na hv̄chi yimmi tok vhlit mintit ant himak ak o hv̄chim ilayak iti hopinhinlv̄t, vbanumpa isht hv̄sh apelvchi kak o, anumpa ilbvsha isht hv̄chi anumpuli li puta kv̄t chukvsh yukpvt isht hv̄chi asih̄ihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hv̄chi wakaya kv̄t, ai aḡlichit Chisvs Klaist i nitak a hv̄ch isht ona he, ilvppa fehna ka sai yimmi hatuk oke.

7. Yumohmit hvsh moma ka ilvppa hvchi anukfilli la he vlhpesa, sa chukvsh isht hvch ithaiyana li hokvt; vbanumpa isht anumpuli li, micha ai ahlichli li hosh sa talakchi aiena ka nan isht i kana hvs svb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihihla lishke; yummvt Chihowa im anumpa ithanvt, hvsh akostininchli puta kak osh hvsh it i hullo kv, chitot isht i shahlit hvsh mahayashke.

10. Yumohmi hosh nana kv it im inla ka imoma ka pisvt, achukmaka vlhpesa ahnit, ai ahli, isht im ai ibetvbla he iksho hosh Klaist i nitak a hvsh onashke.

11. Yumohmit Chisvs Klaist ak atuk mak o nan ai vlhpiesa isht ai vni isht a hvchi alotowa na, Chihowa yvt isht a holitopvt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk a vbanumpa hv isht i shahlit isht atoba tuk a hvsh ithana he, hvchim ai ahni lishke.

13. Yumohmi ka Klaist pulla ho sai yuka kv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukchieto kv, isht i shahlit nukwaya keyu fehvt, nukshopa mv iksho hosh vbanumpa ha isht anumpohonlishke.

15. Kanimi kv isht a potvno, micha nan isht an chowa aiena ka bvna hosh Klaist a isht anumpulikma; anonti kanimi kvto a kana he ahni hosh yohmi hoke.

16. Achvfa kv nan isht an chowa kak o ahni hosh Klaist a isht anumpulit, chukvsh ahli keyu hosh, sai yuka ka ai vbechit svbvshali bvna hosh:

17. Amba achvfa kvto holitobli hosh, vbanumpa afov isht anumpuli la he si vlhtoka tuk a ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ahli hokma, nana kia Klaist vt isht anumpa hoke; yohmi na yvma a sai yukpa ahli hosh, a sai yuhvpa chi hoke.

19. Anumpa ilbvsha isht hvs si anumpohonli; micha Chisvs Klaist imi Shilombish vt si apelahanchi aiena, ilvp-pak osh isht si okchaya hi a ithana li hokvt,

20. Yvmmak a he ahni li fehna kv̄t, nana kia isht sa hofahya he keyu, amba nukwaya iksho kvmohmit ai yv-mohmi chatuk vt, a moyuma chi h̄o si okchaya hokmá, svlli hokmá, nana kia Klaist vt sa haknip a isht a holitopa hi a ahni li hoke.

21. Ūno yak okvto si okchaya kv̄t Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvto, a tok-svli li nan ai vni kv̄t ilvppak oke; yohmi kia kanimampo ahni la hinla kv̄t ak ithanoshke.

23. Yakni issvt ia lish, Klaist a ont ai ibachvfa li, yvm-mak ok mak o i shahli fehna hoka sa bvnna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kv̄t isht hvchim i shahli hoke.

25. Micha ilvppa sai yimmi ghli hatuk osh, nana a hvchi yimmi kv̄t i shahlit a hvchi yukpa kv̄t isht i shahla hi ak o hvsh moyuma ka hvchi takla ahanta la chi kv̄t, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kv̄t i shahla he ak oke.

27. Nana hvsh a kaniohmi kv̄t Klaist im anumpa ak o isht ai vlhpesa kak banashke: yohmi na onvt hvchi pesa li hokmá, keyukmvt kanima aya li ik saksho hokmá nana kia na hvchim a kaniohmi puta yvmmv̄t shilombish achvfa, im anukfila achvfa hosh vbanumpa ai yimmi ka hvsh it iba fohv̄t kvllot hvsh hieli h̄o hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmvno yvmmak okvto ai ok-puloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atoko-wa hoke.

29. Hvchishno vto Klaist pulla kak o yvmma hvsh i

yimmi kak bano keyu, amba yumma pulla kak o nan isht hvsh im ilbvsha he hvchim vhpisa hoka :

30. Yohmi kv̄t anumpulit it̄i kahanlot isht svlvsha yumma hv̄s sa p̄isa tok, anonti himak a si onvtuyula ka hv̄s sa hahaklo ka yummak inli hosh hvchi onvtuyula hoke.

CHAPTER II.

Klaist a iakaīvt im anukfila it̄i bai achv̄vt il akanlosichi banot ai asha hi a i miha, 1 ; 12 ilap nan isht aiokchaya a toksahanlit p̄ula h̄o chohmit yakni a im a tohwikela hi a im achi.

1. YOHMI ka Klaist atuk pulla mak o ahopohla yvt asha hokma, i hullo kv̄t a nuktanla yvt asha hokma, Shilombish ai itiba chvfa yvt asha hokma, chukvsh isht i nukhaklot hi ahni yvt asha hokma,

2. Hvchim anukfila hv̄t itilavit nana a miha chvfa holitoblit, chukvsh achvfa cha, hvchim anukfila ai achvfa hosh nan a sai yukpa ya isht hv̄s sv̄m alotolashke.

3. Anumpa isht itachowa shahli, keyukmv̄t ilefeh̄nv̄chi nanasi kv̄t ik v̄lhtaho kashke ; amba chukvsh akanlosi hosh moyuma kv̄t inla yvt achukma kv̄t ilap a i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilvp pvt hvchi anukfeyukashke.

6. Yvm̄mv̄t Chihowa hoyulba yatuk osh, Chihowa ya ile itilavechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mv̄t, il akanlosechit im antia kv̄t, ititaiyukhv̄na a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mv̄t, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo h̄a vba yakni aisha,

micha yakni paknaka aiasha, micha yakni nutaka aiasha puta kv̄t i hvchukbihlepa he ;

11. Micha hatak isunlvsh puta kv̄t Iki Chihowa yvt isht a holitopa he mak o, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hvs svm antia chatuk vt hvchi takla anta li kak bano keyu, amba himonasi yokak heno ik saksho ka i shahlichit hvs svm antia kv̄t, nukshumpvt wvnihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlhpesa hosh ai ahni kak o ahnit, hvsh yvmihcha chi ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mvt iksho ho hvsh yvmihchashke.

15. Anumpa nana kia hvchi onvtonla keyu, nan okpvti keyu, na liteha lapanli keyu hosh okla shanaïowa, micha nan ai ashvchi ai ititakla yo yvmma i pva tohwikeli chohmit yakni paknaka ya hvsh ai ashvshke.

16. Micha anumpa okchaya ya hvsh otvninchi na Klaist i nitak a pilla ho चाहफा li tok keyu, micha pilla ho toksvli li keyu kv̄t sai yukpashke.

17. Ahli, na hvchi yimmit vba isht hvsh il ai okpvchi, micha nan isht hvsh ai ahanta aiena ont aiahla chi kak o, il imi kanchi li hokmvt, sai yukpvt hvsh moma ka hvch iba yukpa li hoke.

18. Yvmmak inli kak o yukpvt hvs svbai yukpa mak inlishke.

19. Yohmi kia chekikma Timohlivs a hvchi pila la chi, yvmohmi hosh hvchi a kaniohmi ka akostininchi lish, sai yukpa chi kv̄t, ahnit Chitokaka Chisvs a anukehieto lishke.

20. Nana a hvchi a kaniohmi ka anukfilinli fehna kv̄t hatak inla im anukfila yvmmak inli ohmi ho ik svm iksho hokvt.

21. Moma kv̄t ilap immi ak o hoyo mvt, nana kv̄t Chisvs Klaist immi hokvno ik hoyo hokvt.

22. Amba yvmma imomaka pisa tuk a hvsh ithana ;

yvmmak okvt ushi yosh iki iba toksvli chohmit vbanumpa isht svb a toksahanli tuk oke.

23. Yvmohmi ka yvmmak o chekosikma sa kaniohma chi ka pisa likmvt, pila la chi ahni lishke.

24. Yohmi kvt vno yak kia chekosikma ona la chi, ahnit Chitokaka ya anukchieto lishke.

25. Yohmi ak inli kia Epafloitivs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bvna tuk a isht vm anta chatuk, yvmmak o hvchi pila la he vlpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kvt chukvsh a alota fehna tok.

27. Abeka ho mvhlit illi naha fehna tuk, yohmi kia Chihowa hv i nukhaklo tuk: yohmi kvt yvmmak bano keyu, amba vno ma a nukhaklo tuk: yvmmak keyukma svlvsha kvt it vlbehkvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kvt ik lauwo ka he ak atuk oke.

29 Yvmohmi hoka Chitokaka ibafoyuka ka chohmichit chukvsh yukpa biekvt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopak a na fehna ik ahno hosh, illi naha fehna kvt, isht hv si ape-lacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avchi ik ahlo yokvno ahah! im ahna hi a i miha, 1; 8 Klaist pulla ha tuk mak o nan okluha ka ik ahobo ahna he: 18 haknip imma nan ahni ho iakaiya yokvno i filvma he nan i miha.

1. ISHTAIYOPI ka itibapishi li vhleha ma! Chitokaka ya hvsh ai yukpashke. Nana kvt mihi yo ash inli ho hvchi holissochi li kvt, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vlpeso yv-

mohmi ya ahah! hvsh im ahnashke, tvblit kanchi ya ahah! hvsh im ahnashke.

3. Pishno ak okvto hakshup tupa shilombish anukfoyu-ktv Chihowa holitoblich, micha Chisvs Klaist ai yukpa pia, yohmi kvt haknip a ai anukchieto keyu pia hoke.

4. Uno ak kia haknip a ai anukchieto la hinla tuk ak inli hoke. Kvna kia haknip a ai anukchieta hinla kvt ishi ka ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-lael isht ai unchululi, Benchamin apelhichi, Heblu ai ahli sia hoke.; vba nan vlhpisa yak okmvno Falisi yo sia hoke.

6. Amosholi hosh chvch a i palvmnichit, vba nan vlhpisa isht ai vlhpiesa yvmmak okmvno anumpa nana kia si onv-tula he keyu ki tok.

7. Yohmi tok kia nana isht ahayuchi li yatuk vt, yvmmtv Klaist pulla kak o a kvnia, ahni li tuk oke.

8. Ahli mvhlishke, yohmi kvt Klaist Chisvs an Chitokaka ithana achukma fehna kak o nana puta kvt peh ik ahobo ahni lishke; yvmma pulla kak o nana puta kvt isht a kvnia, mikmtv yvmmak ash o chopilhkvsh a chohmichi li, yvmoh-mit Klaist a asitvi li,

9. Mikmtv yvmma ibafoyuka la he, micha vno ak inli kvt vba nan vlhpisa yvmmak o isht ai vlhpiesvt il ai eshi li keyu, amba yvmmtv Klaist a i yimmi kvt nan ai vlhpiesa na yim-mi pulla kak o Chihowa a minti yak oke:

10. Yvmohmi ka Klaist, micha yvmmtv illit tani tok nan isht im ai ahli, micha yvmmtv ai ilbvsha tok a iba takla kvt kaniohmi aiena ka ithana lish, yvmmtv illi tok a hoyulba la chi kak a hetuk oke.

11. Ik kaniohmi kia illit tani ka ona li yoba ná, ahni li hatuk osh.

12. Himak okvno ona li mashko ahni li keyu, micha hi-mak ak kia ai ahlit sa taha ahni li keyu; amba achunanchit iakaiya li, yvmohmi hosh yvmmak a he ak o Klaist Chisvs vt si atokoli tok yvmmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-yu hoke; yohmi kia nana achvfa ilvppak o yohmi li, nana

puta olbvl ai asha ka vmi haksi cha, nan tikba asha kak o subbak a pit wielit,

14. Achunanchit ai vlbi ya mahaya li, nan vlbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ahli aiyuka pia hokvto, yakohmit pim anukfilashke; yohmi ka nana ka kaniohmit hvchim anukfila kvt inla tuk okma, Chihowa yvt ilvppak oh kia hvchim otv-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kvt yakohmit aya vhleha ha hvsh holitoblashke.

18. Lauvt aya kvv yvmma himonna hvchim anohonli li chatuk osh, anonti himak a nishkin okchi mihinti hosh, yvmmvt Klaist im ititaiyukhvna in tvnvp vhleha hoka, hvchim anoli lishke.

19. Yvmma ont im ishtayopi kvv aiokpuloka he, yvmma i shahli yvt ilap takoba ak inli, micha nan isht hofahya isht ile holitobli, yvmmvt yakni paknaka nana a halaia kak o asitia yoke.

20. Uba yakni okla ai achvfa pia hoka; yummak o a minta hi o pi Okchalanchi Chitokaka Chisvs Klaist a e hohoyo hoke.

21. Yvmmvt imi hlampko ho isht yvmihchit nana puta ka imaiyachit il aiesha hinla hokvt, ilap haknip holitopa ya hoyulba chi ka yummak ash ot pi haknip akanlosi ya inlvcha hi oke.

CHAPTA IV.

Chitokaka ya a kvvlo fehnvt itanowa he i miha, 1; 4 vbanumpuli ahli mak osh aiasha he im apesa; 10 ilap a i kana tuk a na yukvvt yak oke pit im ai ahni felna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kvllot

hikivt Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintiehi ma ilbvshvt im asilhha li ka, yvmmvt im anukfila it ibai achvfa hosh Chitokaka ya ibafoyukashke.

3. Mikmvt chishno itiba toksvli li ahli ak kia chim asilhha lishke, ohoyo yvmmvt vbanumpa ha isht svba toksvli tuk, micha Klement, micha svba toksvli vhleha inla aiena, yvmma hohchifo hvv holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktampli yvt hatak moma ka im otaiyanashke. Chitokaka yvt vla hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihivlt aiokpahanchi hosh nana a hvchi bvna kvv Chihowa ya im annohowashke.

7. Micha Chihowa im isht it i nanaiya, yvmmvt im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ahlikma, nana hosh holitopakma, nana hosh ai vllhpiesakma, nana hosh kashofakma, nana hosh aioklikma, nana hosh annoa achukmakma, nan ai vlhpesa inla yvt ashakma, anonti aiokpancha he vlhpesa kvv ashakma, ilvppa puta kash hvsh anukfihinlashke.

9. Nana puta yvmma hvs svm ai ithvna, micha hvsh ishi, micha hvsh haklo, micha hvs si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvs si anukfilli tuk vt anonti okcha i shahli ka Chitokaka ya isht a sai yukpa fehnvshke; yvmmak a hi o isht hvs si anukfilli tuk kia, hvsh ai yvmihcha hinla kak osh ik hvchim iksho ki tok oke.

11. Nana kvv ik svm ono kak osh ilvppa achi li ho keyu: kaniohmi ho a hikia li hoh kia, yvmmak oka si a nuktaiyala he vt ithvntv tahlili tuk okvt.

12. Kaniohmit nana ka ik sum iksho hosh aya li kvt ithana li, micha kaniohmit nana an laua hosh aya li kvt ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik sum ono aiena hosh aya li kvt ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai vhlpiesa ho yvmohmit nana vm a palvmmi ka hvs svb anukhaklot hvs si apela tok oke.

15. Yvmohmi ka Filippian vhleha hvchia ma! vbanumpa hvt anumpa vmmona ka Masetonia ya akohchvt ia li ma, chvch nana kia nana isht apela he vma na ishi la hetuk ash imma ka yvmohmi keyu ma, amba hvchishno ak illa tuk vt hvsh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bvna tuk a pit hvs sa pila tuk oke.

17. Na hvlbina sa bvna kak o keyu; amba nana achukma hvsh yvmohmi tuk isht ai vni kvt hvchin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epaflotitvs ibbak fohkit nana balama vba nan isht aiokpvchi Chihowa hvt vhlpesa ahni ya et hvs sa pila tuk a, vm vla tuk oke.

19. Yohmi ka an Chihowa holitopa fehna kvt Chisvs Klaist pulla kak o nana a hvchi bvna moma ka hvchim atahla hi oke.

20. Yohmi ka Chihowa, micha Piki yak osh holitopa na bilivt biliashke. Amen.

21. Ubanumpa yimmi Klaist Chisvs ibai achvfa vhleha ha hvsh aiokpvchashke. Itibapishi li vhleha hvt si apihvt maya kvt hvchi aiokpvchishke.

22. Ubanumpa yimmi moma kvt pit hvchi aiokpvchi; mihma Sesa in chuka chvfa yokak heto pit hvchi aiokpvchi fehnvshke.

23. Pin Chitokaka Chisvs Klaist isht i kana yvt hvsh moyuma ka hvchi anukfoyukashke. Amen.

HOLISSO PAL VT

CHUCH KOLOSSI

A HIKIA HO I HOLISSOCHI TOK.

CHAPTA I.

Na yimmi ahlit maya pulla kak o Chihowa ya ai okpahanchi, 1: 9 nan isht i kana anukfohkvt i shahlit mahaya he isht anumpohonli; 14 Klaist holitopa he isht anumpuli; 21 mihmvt nana ka Klaist vt im ataiyahli tok a im anoli.

1. **PAL**, Chihowa nan ai ahni hatuk pulla mak o Chisvs Klaist im apostel sia, micha Timohlivs pitibapishi ita tuklo kv,

2. Ubanumpa yimmi ahli vhleha, il itibapishi ahli Klaist a ibafoyuka Kolossi ai asha ka pit aiokpvchi kv, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hvchi anukfoyukashke, hvchim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, vba isht e hvchi anumpohonli na bilia hoke;

4. Yohmi kv Klaist Chisvs a hvsh i yimmi, micha vbanumpa yimmi vhleha ha hvsh i hullo ka e haklo ha yokvt,

5. Ai okchaya bilia hvsh isha he vba hvch in tuyula pulla kak o e yohmishke; yummak oka vbanumpa ahli isht ai anumpa ho tikba kash hvsh haiyaklo tuk vt;

6. Mihi yosh hvchim vla tuk ak inli chohmit, yakni mo-ma ka im aya cha, nan vnit waya kv, nana ka hvsh haiya-

klot, Chihowa nan isht i kana ahli hush ithaiyana nitak atuk taiyakla kut, nan vnit hush waya kak inli ho chohmi hoke.

7. Yummak ash inli ho Epafas, tishu pi bika pi holitopa ya hush im ai ithvna tuk; yummak okut Klaist im vbanumpa isht vta hvchim ahli mak oke:

8. Yummak inli kak osh Shilombish a ibai achvut hush it i hullo ka pim anoli tok.

9. Yakohmi kak o nitak yumma fehna ka e haiyaklo tuk taiyakla kut, anumpa ilbvsha isht e hvchi anumpohonli kut il issa keyu, mihmut hvchi hopoyuksa bieka, micha shilombish im ahalaia ka ithvnt, Chihowa nan ai ahni ka hush ithana ka isht hvchi alotowa he ak o, il ai ahni hoke:

10. Michu nan toksvi achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im vlhpiesvt nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbvsha yvt onvtuyula kia nuktaiyalt vlhpesa ahnit yukpa banot;

12. Ubanumpa yimmi yvt vba atohwikeli ai isha he vlhpesa hosh ai asha ka ai il iba takla hi a pi ai atahli tok, Piki yumma yak oke hush im ai ahna he ak o, il ai ahni hoke;

13. Yummak okut aiokhlili ka isht im ai ahli ya a pi a hlakofichi mut, anonti kanvlichit ilap Ushi holitopa im apelhichika ya pisht ona tuk oke;

14. Yummak o im issish isht vlbi ai okchaya, nan ai ashvchi isht kashofa mak o il eshi hoke:

15. Yummak Chihowa ya pisa he keyu ka hoyulba kut, nana toba tok puta ka Uttahpi yoke.

16. Yummak atuk mak o nana moma toba kut nana vba aiasha, micha yakni paknaka ai asha, nana ka pisa he, micha nana ka ik peso ka he, miko yohma, nan i shahli yokma, hochitoka yokma, nan vlhtoka yokma, aiena mikmut nana moma kut yummak atuk mak o toba kut, yummak ash o in toba tok.

17. Yohmi ka yummak ash osh nana moma ka in tikba yoke, mihma yummak o nana moma kut a takala he atok vt ont ai yumohmit isht ai it im vlhpesa hoke.

18. Yohmi ka yvmmak osh chvch haknip a i noshkobo yoke: yvmmvt nana moma ka ai in tikbvt holitopa cha, ai isht ia vmmona illi tuk osh falamvt tani vhleha ha im Ut-tahpi yoke.

19. Iki vt vlhpesa ahni kvv, yvmmak ash o nan isht ai vlhtaha yvt afoyuka he, ahni tok:

20. Yohmi kvv ititaiyukhvna issish a hlatapa tok pulla ho it i nanaiyvichi ikbi cha, yvmmak pulla ho nana moma ka isht il ai i kanvcha hi vt ahni tok; yvmmak pulla ho nana yakni ai asha yokmá, nana vba yakni aiasha yokmá, nana kvv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlit hvchim anukfila isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yvmma hvsh haiyaklo ma, yvmmak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vttá toba li tuk osh;

24. Himak a hvchishno pulla kak o, nan isht a palvmmi puta kvv sai yukpa hoke; micha Klaist ai ilbvsha tok a sa haknip isht svbvsha kvv ik ono kisha ka, haknip yvmmvt chvch pulla kak oka, isht alotolit isht mahaya li hoke.

25. Hvchishno pulla ho Chihowa hvv nana ai ahnit vm apesa kvv, Chihowa im anumpa mominehit isht anumpuli la he ak o vbanumpa isht vttá si atokli tok.

26. Anumpa yvmmvt nitak bilia kash, micha hatak chash-po asha ka in luma hatok kia, himak ano vbanumpa yimmi puta ka im otvni yak oke.

27. Yvmmak ash o Chihowa hvv anumpa luma hatok ilvppak ash isht a holitopa chinto kvv Chentail ai itintakla otvni kvv kaniohmi ka im otvnineha he ai ahni tok; yvmmvt Klaist hvchi anukfoyuka a holitopa isha he isht ai ahni yoke.

28. Yvmma isht il anumpohonlit e hopoyuksa biekv̄t, hatak moma kv̄t ahah! ahna hi a il im ahanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ahlichit e hilecha chi hatuk.

29. Yvmmak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

CHAPTER II.

Ai vlhpiesa banot chvch a ai asha he i miha, 1: 8 hatak nan im anuk-fila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht svlvvsha fehna ka hvsh ithaiyana hi a hv chim ahni lishke:

2. Yvmohmi ho chukvsh vt it i hullot itrshekonompa hosh chukvsh vt hopohghlashke: yvmohmi hosh ai yimmi ahli isht ai yukpa chinto ka ai ahlit ithana he, yohmi hosh Chihowa yvmmvt Iki, micha Klaist isht anumpa luma hatok ma otvnihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukvt ai vlhpiesa hvsh yvmohmi, micha Klaist a i yimmi ka a kvllot hvsh hielī ka hvchi pihisa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okvt, yvmohmit hvsh iba nohowashke:

7. Micha hakshish atobvt kvllot ontalaivt a hvchim ai vlvvchi tok mak o, ai yimmika a kvllot im ai vlhtaha fehnt, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okpvnichi ná.

9. Klaist ak osh Chihowa yvt akaniohmi ka isht alotowa kv̄t:

10. Hochitoka, micha nan vlhtoka puta i noshkoboka yvm̄mak o isht hvchim ai vlhtaha hoke:

11. Yvm̄mak pulla h̄o hvchishno ak kia ibbak o hakshup isht t̄vpa keyu h̄o hakshup isht hvchin t̄vpa tok: yvmohmi hosh Klaist hakshup t̄vpa pulla h̄o haknip nan isht ashvchi yash naksika hvsh bohli tuk oke:

12. Na baptismo h̄o hvsh iba hollopi tuk, Chihowa yvt toksvlit yvm̄mv̄t illi tuk a falaminchit tanichi tok ak o, hvchi yimmi hosh yvm̄mak ash awant hvsh tani hoke.

13. Yohmi kv̄t hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvm̄mak ash iba taklvchit hvchi okchalinchi tuk oke:

14. Nan isht vlhpisa ibbak isht holisso a kashofi tok, yvm̄mv̄t p̄i sanali, micha pim ai vlhpiesa keyu hosh pi ai ititakla hikia tok a ishit kanchit, im ititaiyukhvna ya ahonvhlichit tok oke:

15. Yv̄mma pulla h̄o hochitoka, micha isht im ai ahli puta aiena ka wehpulit, haiakvchit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hv̄llo puta ak okmá, nana kia nan isht apesvt ik hvchi onochi kashke.

17. Yvm̄mv̄t nana kv̄t vla he isht vlhpisa yoke: amba haknip okv̄to Klaist ak oke.

18. Hatak nana kia ilap ahnit il akanlosechit, enchil vhleha h̄a aiokpvchit nana pisa chatuk keyu kv̄t, afvnalit haknip im anukfila isht ilefehnvchi, yvmohmit noshkoboka ya halv̄lli keyu kv̄t, na hvsh asitvba he tuk a, ik hvchim eshc kashke.

19. Yvm̄mak o haknip moma itachakli, micha hakshish

aiena kv̄t isht ai iti talakehit isht hlampkot, Chihowa hv̄t ahni hō tcbv̄t ia hoke.

20. Yohmi ka yakni ai ithvna isht ia v̄mmona ai i filv̄mit, Klaist a hv̄sh ibai illi tok okm̄v̄t, nanta katihmi hō yakni hv̄sh ibafoyuka chohmit, nan isht v̄lhpisa hatak vt apev̄t ithvn̄n̄chi ka hv̄sh i nutaka chō?

21, 22. Ilv̄ppa chohmi ka, Ish potoli ná; v̄pvt ish pisa ná; ish pv̄shohli ná, moma kv̄t ieshi kv̄t okpula he bieka hoka.

23. Nana yv̄mma puta hokv̄t hopoyuksa ahoba ho mv̄hli, ilap ahnit v̄ba aiokpv̄chit il akanlosechit hahnip a ilbv̄shali; yohmi kia holitoblich̄i keyu, peh haknip ak o im achukmali hoke.

CHAPTA III.

Pim anukfila nan isht hih il ahni a kanima yō il a bohla hi a p̄m̄ anoli, 1; 5 na liteha isht im anukfila puta ka illich̄a he v̄lhpesa ka i miha; 9 nan ahli anumpuli; 12 i kanv̄t nan it̄i nanaiyachi; 14 v̄ba isht talohv̄t isht i shahlit hv̄sh iti hlampkochashke; 18 hatak im ohoyo; 10 hatak ohoyo im āsha; 20 v̄lla, 21 īki 22, yuka aiena kv̄t nan a kaniohma hi v̄lhpesa ka isht anumpuli.

1. YOHMI ka Klaist a hv̄sh iba tani tuk okm̄v̄t, Klaist vt a binili v̄ba Chihowa ibbak isht impakimma nana ai asha kak o hv̄sh hohoyashke.

2. Hv̄chim anukfila h̄a nana kv̄t v̄ba ai asha kak o hv̄sh onochi cha, nana kv̄t yakni paknaka ai asha kak o keyu kashke,

3. Hv̄ch illi; yohmi hosh hv̄chi okch̄aya yvt Klaist a iba lumv̄t Chihowa ȳa ibafoyuka hoke.

4. Klaist yv̄mmv̄t il ai okch̄aya yosh haiaka, yohmikma hv̄chishno ak kia a holitōpa hosh yv̄mmak ash awant hv̄sh haiaka hi oke.

5. Yv̄mohmi ka hv̄chim i nana kv̄t yakni ai asha ka hv̄sh illihinch̄i; haui toba, ch̄ukv̄sh liteh̄a, anushkunna atampa, haknip nan ahni okpulo, nana ahayuchi b̄v̄nna atampa, yv̄mv̄t na holbv̄t toba aiokpv̄chi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke :

7. Yvmma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih ha akocha ilvppa moma kak kia hvsh kanchashke.

9. Hvsh it i holabi na, hatak sipokni ya shufit nana a kaniohmi chatuk puta ka hvsh kanchi cha ;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok a hoyulba hosh himonvt toba tok :

11. Yvmmak oka Klik, micha Chu yo keyu, hakshup tupa, micha hakshup ik tapo yo keyu, Bulbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chukvsh yohbi, anukhobela svlahvt nuktaiyala aiena kak o hvsh foyukashke.

13. Hatak kvna kia isht itachowa im ashakmvt, itin lumvt hvsh it i kashofashke ; Klaist vt hvchi kashofi tok oka, yvmmak inli ho chohmit hvsh yvmohmashke.

14. Micha ilvppa moma paknakachi kvv nan isht i hullo, yvmmak osh ai vlhtaha ai ahli ka isht iti talakchi yoka, isht hvsh foyukashke.

15. Micha it i nanaiyvchi Chihowa a minti vt hvchi chukvsh a foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke : micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke ; vba isht taloa, micha shilombish imma isht taloa aiena ka isht it im avvchit, isht it i nukfohkit, nana aiokpahancha he hvchi chukvsh a foyukvt Chitokaka ya hvsh in talohqashke.

17. Micha anumpa hokmá, na kaniohmi hokmá, nana hoh kia hvsh yvmohmikmvt, Chitokaka Chisvs hochihifot yvm-mak atuk mak o Iki Chihowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlhpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ahli yoka.

21. Iki vhleha ma! hvchim vlla vhleha ha hvsh nokowvchi ná; yohmikma im ai ahli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ha nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achvfa ai apissali hosh Chihowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmvt, chukvsh ai ahlit Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlhpesa isht hvchim vltoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlhpeso yohmikmvt, nan ik vlhpeso yohmi tuk ak osh isht im vlhpisa hi oke: iti shah-sholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlhpesa ka achi, 1. 2 Vba a sihihla bilia he im achi; 5 chvch ik ibafoko itanowa ka nan vlhpesa biekvt im itvnohwa he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlhpesa, micha nan isht im itilau ai aiena ka hvsh

imashke; micha hvchishno ak kia hvchi shahli hvt vba yakni binili ka hvsh ithaiyanashke.

2. Anumpa ilbvsha anumpohonlit, yvmmak ash o ai okchvt yak oke hvsh ahnashke.

3. Yohmi mak inlit Klaist im anumpa luma yatok, micha yvmma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yvmohmi ho anumpuli la he vlhpesa hatuk vt, otvninchi lashke.

5. Kocha ai asha ka i hopoyuksvt itvnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kv Chihowa nan isht i kana ai ibafoyuka biekvt hvpi ho isht yvmashke; yohmi hosh kaniohmit hatak puta anumpa falama ka hvsh ima he vlhpesa kv hvsh ithaiyana hoke.

7. Nana vma kaniohmi ka Tikiks, ilvppv itibapishili holitopa, micha vbanumpa isht vtta ai ahlit, micha tishu sa bika Chitokaka ibafoyuka yak osh hvchim anola chi hoke.

8. Yvmmvt yvmohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlula chi kak atuk;

9. Micha Onesims itibapishi li ai ahli holitopa, yvmmvt hvchishno ak inli ka aieninchit hvchi pila li hatuk. Yvmmak osh nana moma ilvppa a kaniohmi ka hvchim anola chi hoke.

10. Alistaks, svbai yuka yvt pit hvchi aiokpvchishke: micha Maks, Banabas in tek ushi mvt pit hvchi aiokpvchishke; yvmmak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Micha Chisvs, yvmmvt Chvstvs hohchifo hvt pit hvchi aiokpvchishke; yakohmi kv hakshup tupa yoke. Ilvppak illa hosh Chihowa im apelihika a svba toksahanli yosh nan isht sa hopohqla yatuk oke.

12. Epafls, yvmmvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahlit hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv̄t pit hvchi aiokpvchishke.

15. Itibapishi v̄hleha hv̄t Laotisea aiasha, micha Nimfas, micha in chuka chv̄fa chv̄ch ai asha aiena ka pit hv̄sh aiokpvchashke.

16. Micha holisso ilv̄ppa hv̄sh it im anumpulikm̄vt, anonti Laotisea chv̄ch ak kia ai it anumpa hi a hv̄sh apesashke: mikm̄vt holisso Laotisea a minti ak kia hv̄sh it im anumpulashke.

17. Micha Achippvs a Chitokaka yak o vbanumpa isht ai vtta ish im ai eshi tuk vt ahah! ahnit ish ai ahlichashke, hv̄sh im achashke.

18. Ūno svbbak ak inli h̄o Pal sia hv̄t pit isht hvchi aiokpvchi lishke. Sa talakchi ka hv̄sh ithaiyanashke. Isht i kana yvt hv̄ch anukfoyakashke. Amen.

HOLISSO VMMONA PAL VT

CHŪCH HLESSALONIKA

A HIKIA HQ I HOLISSOCHI TOK.

CHAPTA I.

Chŭch Hlessalonika a hikia ka ithanvt vba isht anumpohonlit yak oke im ai ahni, 1 ; 5 mihmvt Chihowa anukfoyuka ahli ahnit i yimmi kv̄t isht anumpuli.

1. PAL, micha Silfanvs, micha Timohlivs aiena kv̄t Hlessalonian chvch Iki Chihowa, micha Chitokaka Chisvs Klaist ibafoyuka ya pit hvchi aiokpvchi kv̄t, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv̄t hvchi anukfoyukashke hvchim ahnishke.

2. Anumpa ilbvsha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahani hoke ;

3. Pin Chitokaka Chisvs Klaist ibafoyukvt na hvchi yimmi kv̄t na hvsh yvmihchi, micha na hvsh i hullo aiena kv̄t na hvsh toksahanli, micha ai okchaya pisa he ahnit nuktaiyalvt hvsh achunanchi aiena ka Chihowa Piki itikba ya ithaiyanvt e bilia hoke :

4. Micha itibapishi li vhleha ma ! Chihowa i holitopvt im ai vlhtoka hvchia ka il ithaiyana kak oke.

5. Pim vbanumpa hv̄t anumpa illa hosh hvchim aya tok keyu, amba nan isht ai ahli, micha Shilombish Holitopa ai

itibafoyuka aiena na na hvchi yimmi fehna tok ; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukpvt vbanumpa ha hvsh aiokpvchi cha, pish no, micha Chitokaka ya im antia hvsh toba tuk oke :

7. Yvmohmi hokvt na yimmi moma Masetonia, micha Akaia aiena ai asha kvv im ai ithvvt iakaiya hi o hvchia hoke.

8. Hvchishno ak o mvhli ho Chitokaka im anumpa an-noa kvv Masetonia, micha Akaia ak bano keyu, amba kani-ma moma kak kia, Chihowa hvsh i yimmi kvv annovshke ; yohmi ka pishno vt nana il acha he vlvhesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok ; micha kaniohmit Chihowa ahli okchaya ya hvsh im antia chi hosh, na holba ya i filvmmitt Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani-chi tok a, mihi yosh vba yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTER II.

vbanumpa hvv kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1 ; 18 pisa ka bvna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vhleha ma ! hvchishno ak kia kaniohmit e hvch iba chukowa ma, yvmmvt pilla tok keyu ka, hvsh ithaiyana hoka :

2. Yohmi ka tikba ka pilbvsha, micha Filippi okla hvv pi hofahyali aiena tok a hvsh ithaiyanvshke ; yohmi ha ya pin Chihowa pulla ho a nukwaya keyut, achunanchit a lushummit vbanumpa ha isht e hvchim anumpohonli tok.

3. vbanumpa isht e hvchim anumpohonli kvv, anumpa yoshubli, micha chukvsh litehli, micha i kostinit haksichi atok keyu hoka ;

4. Amba Chihowa ak osh vlhpesa ahnit vbanumpa ha pibbak fohki tok oka, yvmohmit il anumpuli hoke : hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehnvchit il anumpuli tuk keyu, nan isht ahayuchi bnna hosh, nan il ilahobi ha tuk keyu ka hvsh ithana hoke : Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hvt hvchi wekit na hvch im a hoyocha he vlhpesa kia, e yvmohmi tuk keyu.

7. Amba hvchi takla il ashwa mvt, ik kvllot, vlla ilauei vt ipetvt hofantichi chatuk a e chohmi tuk oke :

8. Yvmohmi hosh hiahnit e hvchi palata fehna hokvt, vlhpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li vhleha ma ! toksahanlit hoyvblit pilbvsha tok a hvsh ithana hoke ; achvfona kia e hvchi weka chi keyu kvt, ninak, micha nitak, aiena ka toksahanlit Chihowa im anumpa ha isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashofvt ai vlhpiesa, micha anumpa onvtula he iksho ho na yimmi vhleha hvchia ha hvchi takla il ashwa tok a atokolit pi anoli hvchia hoke.

11. Atohnochit, micha hopohlvlit iki yosh im vlla im anumpuli ak inli ho e chohmi tuk a hvsh ithaiyana,

12. Yohmi hokvt vba apehlichika holitopa ya hvsh esha chi ka, Chihowa, yvmmak osh hvchi hoyo tuk a, hvsh im ai ahla he ak atuk.

13. Chihowa im anumpa ha hvsh pi haponaklo mvt, im anumpa nana ho chohmichit hvsh ishi keyu kvt, amba ai ahli hoka, Chihowa im anumpa hoke, yvmmt na yimmi hvchia puta ka ai ahlit hvchi atahli tuk ilvppa pulla aiena kak o Chihowa ya yak oke il im ahni kvt, il issa keyu hoke.

14. Itibapishi li vhleha ma ! hvchishno vt Chihowa in chvch puta Klaist ibafoyuka hosh Chutea aiasha ka, iakai-

ya hvsh toba tuk oke; hvchishno ak kia Chu okla hvt yvmihchi tok a, hvchim okla hvt chohmichit hvch ilbvshali tok oka:

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yo yukpali keyu mvt, hatak moma ka im inla hoke:

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kvnt ont im ai okluha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichit pi ai ishi tuk, chukvsh ak okvno keyu, yvmohmi ho isht i shahli fehnt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hvt vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak o il isha he il ahni ho? nanta hak o isht pi aiyukpa yo? nanta kak osh pim iachuka isht pi aiyukpa yo? Pin Chitokaka Chisvs Klaist vt vlakma itikba ya hvchishno yak a he keyu?

20. Hvchishno ak o isht pi a holitopa, micha isht pi aiyukpa yoka.

CHAPTA III.

Timohli a pit i pila kvnt Tlessalonian a i hullo; micha nan ai vhlpiesa ho okla yvmohmi ka isht yukpa kvnt, otvniuchi hatok, 1; 10 vba isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit taha mvt, Ahlens a pishno bano hosh il ashwa he vhlpesa il ahni tok.

2. Micha Timohliis, pitibapishi, Chihowa nan isht im utta, Klaist im vbanumpa a piba toksuli, vt hvchi ai yimmi ka ya a hvchi hlampkohonchit hvchi hopohlula chi ho, e pila tuk oke:

3. Yohmi na hatak kvna kia nan ai ilbvsha yakohmi ka isht ik a shanaowo kashke; hvchishno ak kia yakohma hi vt isht pim vlpisa tok a hvsh ithanvshke.

4. Hvchi takla il ashwa mvhli mvt, nan isht ilbvsha ya e pisa hi vt tikbanli hvchim anoli tok fehna kv ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpvlichit vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohliis vt hvchi a kohchvt pim vla cha, a hvchi ai yimmi, micha hvsh it i hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kv itibapishi li vhleha ma! a pilbvsha putvt nana kv pim atukonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi ai yukpa kv, yak oke ahni katiohmi ho hvchishno pulla kak o anonti Chihowa ya il ima hinla?

10. Ninak, micha nitak moma anumpa ilbvsha achunan-chit il asihhla kv, yvmvt hvchi nashuka ya e pisa cha, na hvchi yimmika yvt nan ik ai ono ketuk a il ai ahlichia he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.

12. Michia Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke:

13. Yvmohmi ho pin Chitokaka Chisvs Klaist vt vbanumpa yimmi puta pehliechit vlakma, nan ashvchi ikshot,

anumpa hvchi onvtula keyut, Chihowa, Piki mak o itikba ya hvsh hieia hi o, mihi yosh hvchi chukvsh a hlampkohon-chashke.

CHAPTER IV.

Chihowa anukfoyuka kv̄t i shahlit mahaya hi a atohnohonchi, 1 ; 9 iti hullo, 11 nuktanlv̄t ilap nan isht ai v̄tta he tok akbano h̄o ahni; 14 illit falamv̄t tani, mikmv̄t anonti Klaist v̄t minta hi a isht anum-puli.

1. YUMOHMI ka anonti itibapishi li v̄hleha ma! Chitokaka Chisvs puyulla h̄o isht e hvchim anumpohonli kv̄t, yvmv̄t kaniohmit ayv̄t Chihowa ya hvsh yukpala hi osh hvsh pi a haponaklo tok v̄t, yvmohmit chitot isht i shahli fehnv̄t hvsh mahaya he ak o e hvchim asilhhvshke.

2. Chitokaka Chisvs pulla h̄o anumpa v̄lh̄pisa nana h̄o e hvch ima tok a hvsh ithaiyana hokv̄t.

3. Nan ashvchi ik hvchim iksho ilv̄ppak osh Chihowa im anukfila hoka, yvmv̄t na haui hvchik ahalaio ka he ;

4. Micha hvsh moyuma kv̄t nan ashvchi iksho, micha holiobli hosh, kaniohmit im ai v̄lhto ya iesha he v̄t ithana hi ak oke.

5. Haknip nan ai ahni isht haui toba keyu hosh, Chentail v̄t Chihowa ik ithano ka ik chohmo kashke :

6. Hatak nana kia atablit itibapishi h̄a nana hoh kia ik haksecho kashke ; Chitokaka yv̄t ymma chohmi ka im apesv̄t na hotopa onocha he oka, ymma chashpo ma ahah ! hvsh im ahna he, atokolit e hvchim anoli tok.

7. Chihowa yv̄t a liteha ȳo a pi atokoli tok keyu, amba nan il ai ashvchi iksho ka hi ak atuk oke.

8. Yvmohmi ka kv̄na kia shitilemakmv̄t, hatak o shitilema keyu, amba Chihowa yvmv̄t ilap Shilombish Holitopa ya pima tok ak oke.

9. Amba itibapishi it i hulla he imma hokv̄no isht hvchi holissochi la hi a hvsh ahna he keyu : hvchishno ak inli hosh it i hulla hi okv̄to Chihowa yak o hvsh im ai ithv̄na tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke : yohmi kia il itibapishi v̄hle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyalvt, nana ilap isht ai vtta he bieka h_o yvmihchi, micha ilap ibbak ak inli h_o isht toksahanla hi ilvppak o e hvchim apesa tok ak oke:

12. Yvmohmi hosh kocha a_{sha} ka ai vhlpiesa h_o hvsh i yvmohmi cha, nana kia ik hvch im ono kv_t iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno y_o, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli h_o chohmit kvna hosh Chisvs a ibafoyukvt nusi tok okvno Chihowa hv_t iba tanicha hi oka.

15. Chihowa im anumpa pulla h_o ilvppa e hvchim achi hoka, yvmmv_t Chisvs vt vlakma, pishno vt pi okchayvt il a_{sha} tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla h_o a pehliechit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli h_o pi okchayvt il a_{sha} kv_t, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi h_o Chitokaka takla ya il a_{sha} na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTA V.

Nan vhlpisa chinto nitak a kaniohmit Klaist vt vla he anoli, 1; 12 nan im abvchi, micha nana ka achukma he bano h_o ahnit, apesahanchi puta ka holitobla he i miha; mihmv_t nan inla isht ai im anukfila he vhlpesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holis sochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yohmikmak o yohma chi ik ahno takla ho na palvmmi kvv onvtula kvv, ohoyo vlla esha chi kvv nukhvmmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Chihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vlhtobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatuk vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukesh isht hvsh i nuktaiyala he ak o e hvchi nukfokishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish a hvsh mosholichi ná.

20. Shilombish anukfoyukvv anumpuli ka hvsh shitilema ná.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvv a mihinti Chihowa ak inli hosh ai oklvhvchit hvchi kashofashke; micha Chihowa ya im asihila li kvv, hvchi shilombish, micha hvchim anukfla, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vv ai vla hi a hvch isht onakbano ai ahni lishke.

24. Nana miha kvv ai ahlichy yosh hvchi hoyo kvv, yvm-mv yvmihcha chi ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvv hvchi anukfoyakashke. Amen.

HOLISSO ATUKLA PAL VT

CHVCH HLESSALONIKA

A HIKIA HQ I HOLISSOCHI TOK.

CHAPTA I.

Hlessalonian okla hvt vbanumpa anukfohka ai ahli ahnit, yinamt miha, 1; 7 nan i pvlammit maya ka vba afoha he isht hopohla-hanli; mihmvt nana kv̄t isht ai vhlpiesa hq nan vhlpisa pvlammi kv̄t i nukkilli vhleha hq onvtuyula he isht miha.

1. PAL, micha Silfanvs, micha Timohlivs pia hvt Chvch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpv̄chi kv̄t,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyukashke, e hv̄ch im ahnishke.

3. Hv̄chi ai yimmi ka yvt chitot isht i shahli fehna, micha hv̄sh moma kv̄t hv̄sh it i hullo kv̄t laua fehna hoka, itibapishi li vhleha ma! isht ai vhlpiesa hq hv̄chishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbv̄sha, micha na palv̄mmi puta aiena kv̄t hv̄chi onvtuyula kv̄t, hv̄chi nuktaiyalvt, na hv̄chi yimmi kak o, Chihowa in chvch puta ka a hv̄chi anolit isht e hv̄ch ilauata hoke.

5. Yvmmak okvt Chihowa hvt ai vhlpiesa apesvt onochi ka isht otv̄ni, yohmi hq Chihowa im apehlich̄i ka ya hv̄sh isha he vhlpiesa ka hv̄chi ahna hi atok, yvmmak a he mak o hv̄ch ilbaiyv̄sha hoka.

6. Chihowa hvt hvch ilbvshali ya i falaminchit na palummi ho onocha hi vt vlhpesa;

7. Micha hvchishno vt hvch ilbvsha kv, hvsh pibafoha hi a hvchim ahna hi vt vlhpesa hoka, nitak yvmma felna Chitokaka Chisvs vt enchil hlampko puta ka il ai eshit,

8. Uba mintit luak libbi biekvt haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vlhpesa mak o im apesvt onochikma;

9. Yvmmak okvt Chitokaka, micha nan isht im ai ahli holitopa itikba ai i filvmmi na palummi a bilia isht im vlhtobvt ilbvsha he;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kv okokko! ahnit aiokpachana he nitak yvmmak ok mak o yakohma he, atokolit il anoli tok a hvchi yimmi tok oka.

11. Yvmohmi hoka anumpa ilbvsha isht e hvchim anum-pohonli na bilia kv, pin Chihowa yvt nan isht ilaiyukpa ilvppak ash hvsh isha hi a vlhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ahli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla ho yvmmak ash hvchi a holitopashke.

CHAPTA II.

Nan ai ahli ya a kvllet iesha hi a i miha; nan ai ahli laua kv ai i filvmma he, mikma Klaist i sanali vt Chitokaka yvt ik lo kisha ka, otaiyana hi a anoli;15 vba isht anumpohonli.

1. YOHMI ka itibapishi li vhleha ma! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbauli anoli yokma, vbanumpa tosholi yokma, pi holisso hak okma, nana hoh

kia Klaist i nitak vt auet olanlosi hvchi chohmit, hvchim anukfila hvt ik shanaïowot ik hvchi komunto kashke.

3. Hatak nana kia kanïohmit ik hvchi haksecho kashke: vbanumpa ha i filvmmït ik ashokisha, micha nan okpwni ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahlichï yoke: yohmi hosh yvmmvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvt, ilvppa puta ka hvchim anoli li tok a hvch ik ithaiyano ho?

6. Yohmi ka himak ano nitak vt im vlhpiesakmvt otvna hi a, nana hosh halvlli ka, hvsh ithaiyanvshke.

7. Na luma chito ik vlhpeso yvt tobt isht ia mashko hoke: himak a halvlli kv halahanla chi; atuk o yvmmak ash o ishit i kanvlichik mak a hi oke.

8. Mikma yohmikmak o nan ashvchi yvmmak ash ot otvna hi oke; yvmmak oka Chitokaka yvt itih ilhfïopak isht illichia he, micha sholvpakali hosh ant haiakakmvt, yvmmak ash o akshocha hi oke.

9, 10. Yvmmak okvt Setan nan akanïohmi yo iakaiya kv, nan isht im ai ahli, nan isht atokowa puta, micha na holabi isht nukhlakancha, mikmvt nan ik vlhpeso isht yoshubli aiena ho il ai ishit illi na bilia he puta ai itin takla ya avt otaiyani yvmmak a he oke; okchaya hi atuk kia vbanumpa ahlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvllo kv ik onvtula im ahni na na-holabi kia i yimma he:

12. Yvmohmi pulla hosh anumpa ahli ik yimmo hosh, amba nan ik vlhpeso aiokpanchi tuk vt momvt nan im vlhpisvt na hotopa hi atok.

13. Yohmi kia itïapishi li Chitokaka i holitopa hvchia ma! hvchishno pulla kak o Chihowa ya yak oke il im aiahnit bilia he vlhpesa hoke. Shilombish isht a kashofa, micha anumpa ahli yimmi pulla hosh hvchi okchaya he ai vmona ka hvchi atokoli tok oke:

14. Yummak a hi o pin Chitokaka Chisus Klaist isht a holitopa ya hvsh isha hi a, yummak ash ot pim vbanumpa isht hvchi hohoyo tok oke.

15. Yumohmi hoka itibapishi li vhleha ma! kvllot hvsh hielashke, micha anumpa vlpisa puta vbanumpa toshowa hokmá, keyukmvt pi holisso hokmá, nana ho hvsh ai ithv-na tuk vt hvsh ieshashke.

16. Mikma pin Chitokaka Chisus Klaist ilap inli, micha Piki Chihowa, yummvt pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohlvi cha, anonti anumpa achukma puta, micha nan toksvi achukma aiena ka isht a hvchi hlampkohonchashke.

CHAPTER III.

Vba isht anumpohonla hi a im a sihlha, 1; 6 nan ai vlpiesa ik shana iowo ka he i miha; nan in takobi, micha nan ik vlpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbusha isht hvsh pi anumpohonli na Chitokaka im anumpa yvt mvlihinlit ayvt, holitopa kvv, hvchim ai yumohmi kak inli ho chohmashke:

2. Yohmi ho hatak ik vlpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ahlich, yummak osh hvchi hlampkochi cha, nan okpulo ya hvchi a filvmmi-chit hvch iesha hi oke.

4. Mich a hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihinja chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalvt hvsh achunanchashke.

6. Yohmi ka itibapishi li vhleha ma! pin Chitokaka Chisvs Klaist a hochihifot isht e hvchim apesa kv̄t, itibapish. kv̄na hosh ai vlhpesa keyu hō aya, micha anumpa vlhpisa pim ai ishi tok ak keyu hokvno, hvsh i filvmmashke.

7. Hvchishno ak inli kia kaniohmit hvsh pi ahobacha he vlhpesa kv̄t hvsh ithanvshke: hvchi takla il ashwa mvt, ai vlhpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba nina, micha nitak moma ka toksv̄lit, hoyublit p̄i palvmmi tok, yvmv̄t hvsh kanima kia nana kv̄t ik hvchi kv̄nio ka chi kak atok.

9. Yohmi kv̄t e yvmohma he vlhpesa keyu nana tok keyu: amba hvsh piakaiya hi o e hvchim ile haiakv̄chi hatuk oke.

10. Hvchi takla il ashwa mvt kv̄na kia toksv̄la he keyukmvt impa he vlhpesa keyu, ilvppak oka e hvchim apesa tok.

11. Kanimi kv̄t hvchi takla ai vlhpesa keyut aya mvt, toksv̄la he keyu kv̄mohmit, nan isht ahalaia keyu kia isht v̄tv̄t fullokahanchi ka e haklo hoka.

12. Yv̄mma chohmi puta kv̄t nuktanlv̄t ahanlv̄t, toksv̄lit, ilap i pvska v̄pa he ak o im apesv̄t, pin Chitokaka Chisvs Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hvsh yvmohmi kv̄t ik hvch in takobokashke.

14. Micha hatak nana hosh pim anumpa holisso ilv̄ppa ik im antiokma, yohmi hvsh ahni cha, takla hvch ik ayo k̄i hafayashke.

15. Yohmi kia hvchin tv̄nv̄p o ahnit hvchik anukfillo hosh, amba itibapishi h̄a chohmichit nana hvsh i mihashke.

16. Chitokaka it i nanaiyv̄chi ilap ak osh ik kaniohmi kia isht it i nanaiya ya hvch ima na biliashke. Chitokaka yv̄t hvsh moma ka hvch ibafoyukashke.

17. Pal sia hv̄t sv̄bbak fehna hō isht hvchi aiokpv̄chi li ka, yvmv̄t a holisso puta ka isht ithv̄na mak oke: yakohmi hō holissochi lishke.

18. Chitokaka Chisvs Klaist nan isht i kana yv̄t hvsh moyuma ka hvchi anukfoyukashke. Amen.

HOLISSO VMMONA PAL VT

TIMOH LI YA

I HOLISSOCHI TOK.

CHAPTA I.

Timohli a pit aiokpvchi, mihmvt nana ka isht atokoli tok vt isht i mihia, 1; 5 nana ho isht ai vlpiesa hosh nan vlpisa yatuk a anoli; 11 ilap vbanumpa nukfoka tok vt anoli.

1. PI Okchalinchi Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpvchi hoke; Isht i kana, isht i nukhaklo, micha isht it i nanaiya aiena kv Piki Chihowa, micha pin Chitokaka Chisvs Klaist ita tuklo ka a mihinti kv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinchit isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vlpisa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak q, hoyo hoke:

6. Kanimi kv̄t ilvppa puta kak o i filummit, naksika ia cha, anumpa nan ik ahobo anumpuli hoh mak osh ;

7. Ilap okvt nana hō okla miha, micha nana hō kv̄llochit miha aiena kv̄t akostininchi keyu kia, vba nan v̄lhpisa ithv nanchi o toba b̄vna chatuk oke.

8. Yohmi ka hatak okvt ai v̄lhpiesvchi hosh isht vtta hokma, vba nan v̄lhpisa yvt achukma hoka il ithanvshke.

9. Ūba nan v̄lhpisa yvt hatak v̄lhpesa yak o in toba tok keyu, amba vba nan v̄lhpisa ik ahninchot ik im antio, Chihowa ik holitoblo, nan ashvchi, Chihowa ik im antio, vbanumpa ik ahobalo, īki puta vbi v̄hleha, ishki puta vbi v̄hleha, hatak b̄ika vbi v̄hleha.

10, 11. Haui puta, kv̄na hosh ilap inli kv̄t nakni b̄ika isht ile litehli v̄hleha, hatak b̄ika h̄ukopa v̄hleha, holabi v̄hleha, anumpa kv̄llo il onochit ik āhlo v̄hleha, mikmvt ilap inli isht ilaiyukpa Chihowa im anumpa holitopa, isht v̄m atokowa tok, nan ai āhli yv̄mma ī sanali kia yvmohmi v̄hleha aiena kak atok, ilvppa il ithaiyanvshke.

12, 13. Yohmi ka tikba ma vbanumpa ik ahobalo, micha na yimmi v̄hleha ī palvmmihinchi, micha ch̄ukvsh hotopahanli sia yatuk kia, ai āhli la he v̄m ahnit, pin Chitokaka Chisvs Klaist mihi yosh sa hlampkohonchi cha, vbanumpa isht im vtta yō sa hilechi tok ; yohmi ka nan ik yimmot nan ak ithano hatuk osh, nana ka yvmihchi li tuk osh nan isht ī nukhaklo ā ahayuchi li tuk vt, yak oke im ahni lishke.

14. Yohmi ka pin Chitokaka nan isht ī kana yvt l̄awa fehna hatuk o, Klaist Chisvs ai ibafoyuka hosh na sai yimmi cha, nan isht ī hullo li tok oke.

15. Nan ashvchi v̄hleha yv̄mma vno ak osh moma ī shahli li yatuk ā, okchalinya ch̄i hosh Klaist Chisvs vt yakni pakna v̄la tok, anumpa ilvppvt ai āhli fehna ka v̄lhpesa ahnit, aiokpancha he v̄lhpiesa hoke.

16. Yohmi ka nan ashvchi moma ī shahli vno yak atuk osh nan isht ī nukhaklo yā ahayuchi li tok, ilvppak o himak a pilla ai asha kv̄t yv̄mma ī yimmi cha, ai okchayvt bilia isha ch̄i ka, Chisvs Klaist vt vno ak o nan isht ahobvcha he ak osh ilap nan isht ī svlahvt ī nukhaklo yā otvnihincha ch̄i ha tok.

17. Yohmi ka Miko okchayvt a bilia, illa he keyu, na holhponayo hvt pisa he keyu, Chihowa hopoyuksa yak banc kak o ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otv̄nihinchi yvm̄mak atuk pulla mak o, tv̄shka aḡhli achukma hosh ish tanahampa ch̄i ka, sv̄so Timohli ya nan isht ish ahanta he ilv̄ppa chi atokoli lishke:

19. Ilv̄ppak ash im ai aḡhli achukma kv̄t isht il akostinichi achukma ka ish ieshashke: yakohm̄it isht il ithaiyana he tuk ash osh kanimi kv̄t kanchi kv̄to, nan ai yimmi ka yash o it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk; yvm̄mvt v̄banumpa ik ahobalot nan ik mihacho ka ch̄i ka yvm̄mak o ithv̄na ch̄i ka, Setan a im issa li tok oke.

CHAPTA II.

Hatak moma ka v̄ba isht anumpohonla he, mihm̄vt nana kv̄t kaniohmi kak o yakohma hi a anoli, 1; 9 kaniohmit ohoyo hvt shema he: 12 ohoyo hvt v̄ba anumpa isht anumpula he keyu, yohmi kia na yimmi aḡhli hokm̄vt, okchaya he.

1, 2. YOHMI hoka nana ish a yvm̄ohma he vm̄mona kv̄t, Chihowa hvt hatak puta ka i nukh̄aklo ka yak oke pit im ai ahnit, anumpa ilbv̄sha ish anumpuli kv̄t, Chihowa hvt hatak puta i kanvt, m̄iko vhleha, micha nan vlhtoka vhleha aiena ka hopoyuksiacha he ak o ish im asih̄ihla he chi atohno lishke; yohmi kv̄t Chihowa ya e holitobli, micha hatak nana il ai it i kaniohmi puta kv̄t aḡhli achukma hosh il ahanta hok mak osh pi okchaya takla kv̄t, it i hullot it i kanvt il ah̄ashwa hinla hoke.

3. Ilv̄ppak okvt achukma hoke; yohmi ka pi Okchalinch̄i Chihowa hvt pisa kv̄t ahninch̄i hoke:

4. Yvm̄mak okvt hatak puta kv̄t v̄banumpa aḡhli yoka nukfoyuka cha, okchaya he ak o im aiahni hoke:

5. Yohmi ka Chihowa hvt achv̄fa, micha hatak, Chihowa ita tuklo it i nanaiyv̄chi yvt achv̄fa, hatak Klaist Chisvs ak oke.

6. Yvm̄mak okvt moma ka vlhtoba mak osh ilap inlit il

im issa kv̄t, anumpa aḥli ilv̄p̄p̄v̄t ont ai vlhp̄iesakma anoh̄owa hi a tok oke.

7. Yvm̄mak atuk mak ɔ apostel, micha vbanumpa isht v̄tta ita tuklo ka si vlhtoka tok oke; yohmi kv̄t anumpa aḥli, micha na yimmi imma aiena ka Chentail okla im abv̄chi sia hosh, holabi keyu hosh Klaist isht anumpa aḥli mak ɔ anum-puli lishke.

8. Yohmi ka anuktuklo, micha anukhobela aiena iksho hosh, ibbak m̄v̄t kashofa achukma bieka hosh v̄ba pit welit, kanima moma ka hatak puta kv̄t anumpa ilbv̄sha ai anum pohonla hi a im ai ahni lishke.

9. Anonti yvm̄mak ash inli h̄o chiyuhmit, ohoyo puta kv̄t ilefoka ai v̄lli chito, p̄vl, tv̄li holisso lakna aiena ka isht ik shemo ka he, micha p̄ashi aiena ka yikyuchit ik shemacho ka he; amba im anukfila puta kv̄t ile oktamplit, hatak ma ik ai okchifelo hosh nuktanlv̄t, ilap isht a shema he ai vlhp̄iesa ka isht shema he im ai ahni lishke.

10. Amba ohoyo puta kv̄t Chihowa holitobli kv̄t, si anuk-foyuka ahnit il anoli kv̄t, ai yvmohma he vlhp̄esa, nan isht v̄tta achukma kak ɔ yvmohmashke.

11. Ohoyo hv̄t ai aḥlit im antiv̄t, lum̄v̄t m̄aya hosh nana ka ithvnashke.

12. Yohmi ka hatak a ohoyo hv̄t i shahlit, nana ka im abv̄chit ahanta he ak im ahnoshke; amba lum̄v̄t ai asha he im ai ahni lishke.

13. Yohmi ka Alvm̄ ak osh If a tikba toba hatok oka.

14. Mihma Setan v̄t Alvm̄ a haksichi tok keyu, amba ohoyo hak ɔ haksichi na ai ashv̄chika ya yvmohmi tok.

15. Yohmi kia v̄lla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukv̄sh kashofa h̄o isht holitoblit, ile oktampli hok mak osh okchaya hi oke.

CHAPTA III.

Bishop, micha iksa nan isht im v̄tta, micha im ohoyo aiena kv̄t nana hosh im v̄lhtaiyaha he, 1; 15 Chihowa in chv̄ch, micha nan ai aḥli v̄t ai vl̄bv̄chi ka isht im anum-puli.

1. ANUMPA iluppvt ai ahlishe, yohmi kv̄t hatak kv̄na hosh bishop nan ai isht vtta ishi bvn̄nakmvt, nan ai isht vtta achukma hō ishi bvn̄na hoke.

2. Yohmi ka bishop vt anum̄pa ik achukmo nana kia onvtula he keyu, tekchi achv̄fa ī hatak, nana ka ahah ! ahni, ile oktamp̄li, nana a kaniohmi mvt achukma, hatak ik ithano moma ka ī kana, nana im abv̄chi kv̄t imponna,

3. Oka homi ishko shahli keyu, na fahama keyu, ai vlh-piesa keyu isht a hofahya he nan isht ahayuchi bvn̄na keyu ; amba nuk̄tanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chv̄fa yā pehlichī kv̄t imponna, im vlla vhleha hv̄t im antia achukma chī ka yopunla keyu hosh im anukfila nuk̄tanla achukma hosh nana im api-hisashke :

5. Yohmi ka hatak in chuka chv̄fa pehlichī ik ithano kv̄t, katiohmit Chihowa in chv̄ch ā apesv̄chi imponna hinla hō ?

6. Himona vbanumpuli toba keyu hashke ; yohmi hatuk mvt ilefeh̄nv̄chi isht a wakayvt hikia hokmvt, nan isht ahullo okpulo nan isht ilbv̄sha im vlhpisa tok ā chiyuhmit im vlh-pisa hinla hoke.

7. Anonti vbanumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chv̄ch nan isht im vtta yvt yopunla iksho hosh im anukfila nuk̄tanla achukmashke, im anum̄pa tuklo keyu, oka homi ishko shahli keyu, ai vlhpiesa keyu isht a hofahya he nan isht ahayuchi bvn̄na kv̄yu ;

9. Nan ai yimma hi vt vbanumpa a luma hatok ā im anukfila kashofa achukma hosh isht ieshashke.

10. Yvm̄mak ash ō t̄ikba imomaka pisashke ; yohmi kv̄t anum̄pa ik achukmo onvtuyula iksho hok mak osh, chv̄ch nan isht im ai vtta yā isht vttashke.

11. Tekchi ak kia yopunla keyu hosh im anukfila nuk̄tanla, hotopali bvn̄nv̄t na-mihachi keyu, nana ka ahah ! ahni, nana moma ka ai ahlī banashke.

12. Chv̄ch nan isht im vtta yvt tekchi achv̄fa ī hatak osh,

im vlla vhleha, micha ilap in chuka chvfa ya ai vlhpiesa hosh pehlichashke.

13. Yohmi ka chvch nan isht im vtta nan-ai isht-vtta isht vtta ai ahli yummak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwaya iksho hosh anukfoykvt̄ ahantvshke.

14, 15. Chekosikma chim ona la chi, ahni li; yohmi kia anta li hopaki hokma, Chihowa im aboha anukaka, yummvt̄ Chihowa okchaya in chvch okvt̄, vbanumpa ahli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit chi holissochi lishke.

16. Mikma moyuma kv̄t ilvppa ai ahli ai ahnishke; vbanumpa nan otvninchi kv̄t na chinto fehna; yohmi kv̄t Chihowa hv̄t haknip o isht otvnit, Shilombish Holitopa ka isht ai ahlit, enchil vhleha ha im a haiakvt̄, Chentail vhleha ha isht im anuhumpa tok, mihma yakni paknaka ya ai i yihimmi tok o, vba a holitopa ka ik chukowá im ai ahni na pit chukowa tok.

CHAPTA IV.

Nan ai yimmika ya i filvmm̄it akakoha hi a tikbanli anoli, 1; 6 nana ka a yvmohma he vlhpiesa ka mominchit yvmihcha hi a anumpa vlhpisa il aiyukali isht i miha.

1. SHILOMBISH Holitopa yvt̄ otvninchi fehna hosh anoli kv̄t, himak a pilla ka kaniohmi kv̄t vbanumpa yimmi tuk vt̄ issa cha, shilombish na yoshubli im antivt̄, nan isht ahullo okpulo vhleha imma isht vlbrechi ka yimmit,

2. Nan ilahobi holabi hosh anumpohonli kv̄t, isht il akostininchi mvt̄ tv̄li lvshpa isht lvt̄ yikotvt̄ kv̄nia hatuk osh;

3. Nan-itauwaya im olvbichi, micha ilhpak kaniohmi ka ik po ka he aiena ka im apihisa he; ilhpak yummak oka anumpa ahli ithana, micha i yimmi aiena hokvt̄o yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok a achuk-

ma bano, yak oke ai ahnit habena hokvto, ik ahnincho ka hi a nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yvmmak ash ot isht a pim vlvpiesa hoke.

6. Ilvppak o itibapishi vhleha hv̄t ithaiyana he mak o ish nukfoiyuki hok mv̄t, Chisvs Klaist im anumpa isht v̄tta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoiyuka hoke.

7. Anumpa kv̄llakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht v̄tta isht ai achukma hokvto mishema he keyu hoke : amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla v̄la he mihinti ita tuklo ka isht ai yukpa he im issa hoke.

9. Anumpa ilvppvt ai ahli fehna ka, vlvpesa ahnit, ai okpancha he vlvpiesa hoke.

10. Yohmi ka ilvppak osh yohma ch̄i h̄o, e toksvlit pi hoyvblit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka ; yvmmak osh hatak moma okchalinch̄i, yvma i yimmi hok mak heno ahli fehna hosh okchalinch̄i yoke.

11. Ilvppa puta ka im apesvt ish im abahanchashke.

12. Chi himita kak o isht ik ch̄i yukpo kv̄t kv̄na kia ik anto kashke ; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, havi imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄vt chiakaiyashke.

13. Holisso it im annmpulit nan atohnochit, vbanumpa im avvchit isht ish ahanta na ona lashke.

14. Na hv̄lbina chimmi ha he nitak hopaki pilla kash anohowa tok o, vbanumpa isht v̄tta vhleha hv̄t ibbak chi onochi na chim ai ahli tok vt, chi anukfoiyuka kv̄t isht chik ahanto ki ná.

15. Ilvppa ish anukfihinli cha, chim anukfila ha a mominchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kv̄t ahah! ish ahnashke: yohmi kv̄t yv̄mma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlv̄t chi haklo aiena ka ish okchalinya hinla hoke.

CHAPTER V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 iksa nan isht im vtta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan v̄lhpisa ka ona, mikma kanimi nan im ashvchika yvt himmak o iakavt nan v̄lhpisa ka ona.

1. **HATAK** asvnoch̄i ka anumpa kv̄llo isht chik im alv̄mmich̄o hosh, amba īki chohmichit i kanvt nana ish i mihashke; micha hatak himita v̄hleha hokvno itibapishi chohmichit i kanvt nana ish i mihakmvt,

2. Ohoyo sipokni v̄hleha hokvno ishki chohmichit i kanvt nana ish i mihakmvt, anonti ohoyo himita v̄hleha hokvno haui imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi v̄hleha hv̄t i hatak illi āhli pulla ka ish holitoblashke.

4. Amba ohoyo i hatak illi kaniohmi kv̄t im v̄lla, keyukmvt ipok v̄hleha hv̄t āshakmvt, vmmona nan ithvna kv̄t, in chuka mayvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukmv̄shke, yohmi kv̄t Chihowa itikba ya ai v̄lhpiesa hoke.

5. Yohmi ka ohoyo i hatak illi āhli pulla, micha v̄lhtakla hokvto, Chihowa ak o anukehieto kv̄t, nitak, ninak ita tuklo ka anumpa ilbv̄sha anumpohonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukpvt ahanta hokvto, okchaya takla kv̄t illi yoke.

7. Yohmi ka ilvppa puta ka ish im apihisa na anumpa ik achukmo kv̄t ik onvtulo kashke.

8. Amba kanimi kv̄t ilap immi, micha ilap in chuka chvfa a fehna aiena ka ik im atahlo hokmv̄t, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afv̄m̄mi pokoli hannali ka ik ono hokv̄to, ik iba holisso kashke,

10. Yv̄mm̄v̄t hatak achvfa tekchi atok, nan isht vtta achukma ka isht annoa achukma, vlla achukmalit hofanti-hinchi, hatak ik ithano nowvt aya ka nan im atahanli, vbanumpuli holitopa iyi kia im achihīfa, ilbv̄sha ya apela-hanchi, nan isht vtta achukma puta ka achunanchi biekv̄t isht ahanta cha tuk mak osh iba holissashke.

11. Amba ohoyo i hatak illi himita vhleha hokv̄no ish im olvbichashke; yv̄mm̄ak okv̄to Klaist im antia ik bvn̄not, yakni paknaka nan isht ai yukpa ahnit isht iakmv̄t, hatak auwaya bvn̄na hinla hoke:

12. Yv̄mm̄ak okv̄t na yimmi vm̄mona tuk vt issa hokv̄t, isht ilbv̄sha anumpa hv̄t onvtuyula hoke.

13. Mikmv̄t anonti nan isht vtta intakobi kv̄t, chuka abaiyv̄chi banot itv̄noh̄owa; micha nan isht vtta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahantv̄t, nana isht anumpula he v̄lhpesa keyu kia isht anumpuli hoke.

14. Yohmi hoka ohoyo i hatak illi himita vhleha hv̄t hatak auwayakmv̄t, vlla ishki tobv̄t, chuka apesv̄chit anta kv̄t, nana ik achukmo nana kia yvm̄ohmi na vbanumpa i sanali vhleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokv̄to naksika filv̄m̄mit Setan a iakaiyv̄t ia mashko hoke.

16. Yohmi ka hatak, keyukmv̄t ohoyo na yimmi kanimampo kv̄t ohoyo i hatak illi yvt i kanomi hv̄t āsha hokmv̄t, yv̄mma apelahanchi na chv̄ch ak okv̄to nan isht ik i kv̄nio kashke; amba ohoyo i hatak illi āhli pulla hokv̄no apelv̄chashke.

17. Iksa pehlichi vñleha hv̄t achukmalit iksa pehlichi kak osh holitopa kv̄t i shahlikma, anonti vbanumpa ithv-nanchit isht anumpuli hokak heto i shahli feh̄nv̄t holitopashke.

18. Yohmi ka Holisso Holitopa yv̄t achi kv̄t, Wak toksv̄li vt onush nihechi ka itih h̄a chik takcho kashke: micha, Na toksv̄li vt im vlhtoba he ak osh ai vñhpiesa hoke, achishke.

19. Ūbanumpa isht vtta yv̄t nan ik achukmo kia yvmohmi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashv̄chi hatuk o mv̄hli hokmv̄no, momv̄t pisa h̄o, ish im alv̄mmichashke, yohmi na inla āsha kv̄t nukshopa mak inlashke.

21. Nana chim apih̄isa li kv̄t, Chihowa, micha Chitokaka Chis̄vs̄ Klaist, micha enchil vlhtoka vñleha aiena ka itikba hikia li hosh, ilv̄ppa ish holitobli kv̄t it i shahsholechit, hatak achv̄fona h̄o i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashv̄chi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapv̄ssa chik ishko hosh, amba chik-foka ak atuk pulla mak o, micha chi abeka shahli aiena hokv̄t oka-p̄aki kanomosi ka ish ishkashke.

24. Hatak kaniohmi nan ai ashv̄chi yv̄t tikbanli otv̄nit, nan ai vñhpiesa itikba ȳa oh̄ona hoke; mikma hatak kaniohmi hokv̄no iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTA VI.

Yuka hv̄t nana ka isht ahanta he vñhpesa ka anoli, 1 : 3 ilap vt nan isht ithv̄nachi tuk a keyu h̄o kv̄na hosh isht ithv̄nachi hokv̄no i filv̄mma he. 6 Chihowa anukfoyuka hokv̄to nan il ahayuchi,

10 tvli holisso i hullo kv̄t nan ik vlhpeso yō hakshish; 11 nana hō Timohli vt i filvmmi cha, anonti nana hō im antia he: 17 nan in-lava yā nana hō im acha hi a im achi.

1. YUKA puta ikunla abana nuta ahanta kv̄t, ilap i na hullo isht a holitopa he vlhpiesa ka isht holitobli na Chihowa hohchifo, micha im vbanumpa aiena kv̄t isht ik kvllaksho kashke.

2. Mikma i na hullo vbanumpuli yosh asha hokv̄t itibapishi hokv̄t, isht ik i ahno ka he vlhpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpanchit nana ka isht im ahantashke. Ilvppa puta kak o im avvchit ish atonohonchashke.

3. Yohmi ka hatak kanima hosh nana inla hō avvchi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht vlbahanchi aiena ka vlhpesa ik ahnot,

4. Ifefhnvchi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvmmak o a minti hosh nan it i potvno, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha vbanumpa ahli kv̄t ik im iksho cha, nana ahayuchi kak osh Chihowa holitobli im ahoba hosh, it i kvllot anumpuli aiena hoke; yvmma chohmi ka ish il i filvmmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilvppa nana il ishi hosh e la tok keyu; yohmi kv̄t nana ishit il ia he keyu kv̄t ai ahlishke.

8. Yohmi kv̄t nan ilhpak, micha ilefoka aiena il ishi kv̄t, yvmmak oka isht pim ai vlhpiesashke.

9. Amba nan in laua he ak bano bv̄nna fehna hokv̄to, nan isht hokli, nan isht anukpeli, micha anukfila ik hopoyukso, micha anukfila okpulo isht ile okpuni aiena ka chukowa, yvmmak ash ai okpuloka chinto ka hatak a okai ahambi hoke.

10. Yohmi ka teli holisso i hullo kak osh nan ik achukmo moma ka hakshish isht a toba hoke; yvmmak o kaniohmi kv̄t anuksitiv̄t hohoyo kak osh, v̄banumpa ha i filv̄mmi cha, nan isht a nukhaklo laua ka isht ile nv̄hlit ile hlopulli-hinchi tok oke.

11. Amba chishno Chihowa immi chia ma! ilv̄ppa puta kano ish i filv̄mmashke: micha ai vl̄hpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yvmmak o isht ish itihimbashke; ai-okchayv̄t bilia ak o kv̄llo hosh ish ieshash ke, yvmmak o chishno ak kia isht chi vl̄htoka tok, micha nan atokowa anoli l̄awa ka itikba yo v̄banumpa yimmi isht anoli achukma ka ish il apesa tuk mak oke.

13. Chihowa yvmmak osh nana moma ka ik okchayá, im ahni na okchaya, micha Chisvs Klaist, yvmmak okv̄t Pontivs Pailat itikba hikia mv̄t, ai atokowa ahli achukma ka il anoli tok ita tuklo itikba ya hikia li hosh nana chim apihisa li kv̄t;

14. Chishno yv̄t na-liteha iksho, anumpa ik achukmo chi onvtula he kia iiksho hosh, nan vl̄hpisa ilv̄ppa holitoblit ish ahanta na pin Chitokaka Chisvs Klaist okv̄t haiakashke:

15. Ai yvmohma he apesa tok nitak yv̄mma ilap ak bano hosh ithana hosh yvmmak oka haiakv̄cha he; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yvmmak okv̄t ai illa hi vt ik im iiksho, micha tohwikeli yvmmak oka hatak nana hosh ai ona he keyu ho anukaka ai ahanta hoke; yohmi ka yvmmak oka hatak nana hosh pisa chatuk keyu, micha pisa hi o keyu; yvmmak okv̄t isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilayak laua aiasha ka nana ish im apihisa kv̄t, im anukfila chav̄t ik ai asho ka he, micha im ilayak ai ahli keyu ka ik anukchieto hosh, amba Chihowa okchaya, yvmmak osh nana isht pim ai achukma he moma ka laua-chit pihima kak ashke:

18. Yohmi kvt nana achukmvi kvt nan isht vtta achukma ka isht ahanta fehna kvt, hopela hi vt im vlhtaha, habevcha he vt ahni kvt;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohonli na ai okchayvt bilia ya isha he mak o, ish i mihihashke.

20. Timohli ma! nana chim vlhpihisa tok vt ish holitobli kvt, vbanumpa isht ik ahalaio isht anumpa, isht ik ahobo anumpa, micha nan ithana ahli keyu it i chilitvt isht it im anumpuli aiena ka chik ahalaio kashke.

21. Yohmi ka kaniohmi kvt yvmmak o iakaiya miha hosh, vbanumpa ha i shanaiyvt ashvchi tok oke. Isht i kana yvt chi anukfoyakashke. Amen.

HOLISSO ATUKLA PAL VT

TIMOHLI YA

I HOLISSOCHI TOK.

CHAPTER I.

Timohli i hullo kv̄t Pal vt isht anumpuli, 1; 6 Chihowa nan isht i ka-
na anukfoyuka tok vt i shahlichit isht im anukfihinla hi na im achi.

1. CHIHOWA nana ai ahni h̄o Chisvs Klaist im apostel Pal vt ai okchaya Chisvs Klaist vt ataiyahli tok a ano-honla chi hosh iso i holitopa fehna Timohli ya aiokpvehishke;

2. Nan isht i kana, isht i nukhaklo, micha isht it i na-naiya aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyukashke.

3. Chihowa ya yak oke im ai ahni li kv̄t, an tikba vhleha hv̄t kaniohmit aiokpahanchi beka tok a chiyuhmit anukfila kashofa h̄o isht aiokpahanchi li kv̄t, ak isso hosh nitak, ninak moyuma ka anumpa ilb̄sha anumpohonli likmv̄t, chithaiya-na lishke:

4. Yohmi kv̄t chi nishkin okchi mihinti tok a ithaiyana li mv̄t, chi pisa sa b̄v̄nna fehna, yvmohmit sai yukpa ai ahli fehna hokbano ai ahni lishke;

5. Yohmi kv̄t na yimmi ai ahli kv̄t chi anukfoyuka ka ithaiyana li mv̄t, chipokni Lois ak o v̄mmona ka yvm̄mv̄t anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka s̄rb̄bak chi onochi li tok ak o nana

Chihowa ish i habena tok vt chi anukfoyuka, ymma achukmalit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmvt isht i hullo, mikmvt isht a hopoyuksa aiena anukfila ho Chihowa hvt pima tok oka.

8. Yohmi ka pin Chitokaka im anumpa atokowa, mikmvt ymma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palummi puta ka Chihowa hvt chi hlampkohonchi mak o isht ish ibai ilbvshashke;

9. Yvmmak osh pi okchalinchichi cha, vba nan isht ilaiyuk pa holitopa ho il iesha he mak o pi atokoli kv, pishno nan il ai isha he ai vlhpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalinchichi Chisvs Klaist vt vla kak osh himonasi kvno isht i kana ya otvninchichi kv, nan-illi ho imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vta, micha apostel, micha Chentail vhleha nan im avchi aiena si vlhtoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok a ishi na nitak ymma ona he bano ka i sai yimmishke.

13. Anumpa ai ahli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok a ish ieshashke.

15. Chishno yokvt ilvppa ish ithana; yohmi kv Asia ai asha tuk vt moyumvt a flvmmit kvnia tok: ymma iba foka kv Fichells, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

naklok bano, yvmmak okvt sai yukpahanli beka tok oka, mi cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yvmmak oka Chitokaka yvt i nukhaklo ka ahayuchi hok bano; micha Efesvs a ont anta li ma, nana lawa kaniohmi ka isht si ape-lahanchi tok a, chishno yokvt ish ithana fehvnshke.

CHAPTER II.

Timohli vt achunanchit Chitokaka in tishu ai ahla chi ka Pal vt i mi-ha, 1; 16 nana ho ahah! ahna he; 24 mikmvt Chitokaka in tishu hvt kaniohmit ai vlhpiesvt im anukfila he im anoli.

1. YOHMI ka svso chia hvt Chisvs Klaist nan isht i ka-na yoka isht ish hlampkashke.

2. Nan-atokowa anoli lawa itikba yo chishno yokvt nana ka is si a haiyaklo tok vt, yvmmak oka hatak ai ahli achukma inla ai asha ka nan im abvcha he ai vlhpiesa ak inli kak o ish imashke.

3. Yohmi ka Chisvs Klaist in tvshka achukma chia hokvt na palvmmi ish pihisa kv, vlhpesa ish ai ahnashke.

4. Hatak kvna kia tvshka toba hokvto, yakni ilvppa nana a kaniohmi ka isht ataklvma keyu hoke: tvshka atokoli tok ak o yukpala chi hosh yvmohmi hoke.

5. Mikma it i shahliche a bvna hosh hatak vt achunanchi ak inli mak osh, nan vlhpisa yak o holitoblit achunanchi keyu hokvto, iachukola he keyu hoke.

6. Yakni okchali yvt vmmona ka toksuli ha yak osh naway a yoka ai vpashke.

7. Nana chim ahanchi li ka ish anukfihinlashke; mikmvt nana moma ka ish ithaiyana chi ka Chitokaka yvt chi anukfohki hokbano.

8. Um vbanumpa hak atuk mak o Lewi isht ai unchululi Chisvs Klaist vt illi tuk vt, falamvt tani tok a ish ithaiyanvshke:

9. Yvmmak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vlhtoka tok vhleha atuk pulla kak o na-palvmmi puta pihisa li kv, yvmmak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kv anumpa illa nan isht achukma he keyu, amba haklot maya kv isht ai okpula hi okvno isht itachowvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Vlhpiesa chi ahni ho Chihowa itikba ya ish hikia chi kv ish achunanchashke; yohmi kv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yvmmak okvt Chihowa ik holitoblo i shahli ka ikba hinla hoke.

17. Mikmvt im anumpa hv kanka yo chiyuhmit okpahana hi oke: yvmmak oka iba foka kv Himenevs, micha Filetvs ita tuklo kak oke.

18. Yvmmak okvt nan ai ahli ka i filvmmi kv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kvlllo ai ahli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchifo kv moyumvt nan ai vlhpesa keyu ka i filvmmashke.

20. Yohmi kia chuka chinto anukaka ya nan ai vlhto tvli holisso lakna, micha tvli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ilvppak ash kvna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kvv im vlhtaha hosh, nan toksvli achukma puta ka isht ahanta chi kvv im vlhtaha hoke.

22. Haui anukfila himita immi ha tushpvt ish i filvmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kvv, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvt yvmmak okvt itachowa ikbi yoka ish ithanashke.

24. Mikmvt Chitokaka in tishu hokvt itachowa he vlhpesa keyu, amba hatak moma i kana, nan im avvchi kvv imponna, nan im okpulot isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vhleha yoka nan im avvchi vlhpesa; yohmik mak o Chihowa hvv nukfohki na ile kostininchit, vbanumpa ai ahli ka achukmalit ithana yoba ná:

26. Yohmikmvt nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTER III.

Nan ik vlhpeso nitak vt vla hi a tikbanli anoli, 1; 6 vbanumpa in tvnvp vhleha ha otvninchi; 10 Timohli vt ilap ak o nan im ai ithvntv iakaiya he isht miha; 16 mihmvt Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kvv nitak ishtaiyopit mahayakma, nitak yvmmvv nan isht a palvmmi alotowa hi oke.

2. Yohmi ka hatak vt ilapunla he, tuli holisso i hullo, nan isht ilauata, ilefehnechi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vllpisa kobvffi, inla aholvbechi, ile oktampli ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah! ik ahno, anukfila ehaha, haknip nan isht ai yukpa yak bano ho i hullo kv̄t Chihowa ya im i shahli;

5. Chihowa ya holitobli ilahobi kia, ai ahli ka ona hosh yohmi keyu ka he: yv̄mma chiyuhmi hokvno ish i filv̄m-mashke.

6. Yohmi ka ilv̄ppa chiyuhmi kak osh chuka ya chukov̄vt, ohoyo im anukfila iksho, ai ashv̄chika isht ompoholmot kv̄nia, anukfila ik achukmo ilaiyuka ka im antiv̄t ahantv̄t;

7. Nana ka ithahantv̄t bilia kia, anumpa ai ahli kv̄no achukmalit ithv̄na he keyu puta ka yukahanchi hoke.

8. Yohmi ka Channes, micha Chambles ita tuklo kv̄t Moses a i sanali tok oka, ilv̄ppak ash kia hatak im anukfila okpulot kv̄nia, na yimmi kv̄t ai vllhpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu; yohmi kv̄t Channes micha Chambles ita tuklo atok a chiyuhmit, yv̄mmv̄t nana a kaniohmi kv̄t ai vllhpiesa keyu kv̄t hatak puta ka im otv̄na chi mak inlishke.

10. Amba nana abahanchi li, kaniohmit ahanta li, nan isht v̄m anukfihinla, nan isht ai ahanta la he tuk vt ai ahli li, nan ilbv̄sha pihisa li kv̄t sa nuktaiyala, nan i hullo li, nuktanlv̄t achunanchi li,

11. Antiak, Ikoniv̄m, Lista aiena ka ahanta li ma, kani-mihchit a sa hotopahanli na sv̄lbahasha, nan isht ilbv̄sha kaniohmi ho pihisa li tok a chishno yokv̄t ish ithana fehnev̄shke: yohmi kia Chitokaka yokv̄t yv̄mma moyuma ka a sa hlakofihinchi tok oke.

12. Ahli mv̄hli, Chisvs Klaist ibai achv̄fa hosh Chihowa

im ai ahli bunna moyuma kv̄t nan isht a hotopa he pihisa pulla hi oke.

13. Amba hatak ik vlhpeso, micha na yoshubli aiena kv̄to nan ai vlhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbra hi oke.

14. Amba nana ka chishno yvt ish ai ithvna tuk vt, ai ahlit chi yimmi hatuk okvt ish mahayashke: yohmi kv̄t kv̄na hō ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t vlla chi tomba kash inli hosh Holisso Holitopa ak o ish ai ithvna tok; yv̄mmak okvt chi hopoyuksacha hinla hō Chisvs Klaist a i yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi hō holissohonchi tok oka; nan isht vl̄bv̄chi, nan isht ai atokowa, nan isht kostinichi, nan ai vl̄hpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ahli hosh, nan toksvli achukma puta ka isht ahanta chī kv̄t im vltaha achukma hinla hoke.

CHAPTER IV.

Ai ahlit nan a kaniohma he vlhpesa kv̄t yv̄mihcha chī ka i miha, 1; 6 ai illa he nitak vt im atikeli, mihmvt v̄ba achukma ka pisa chī im ai ahli kv̄t im anoli; 9 chekosi im v̄la chī ka i miha; 16 nan i palv̄mmi v̄mmona ka nana kv̄t kaniohmit onotuyula tok a anoli.

1. CHIHOWA, micha Chisvs Klaist yv̄mmak osh ilap apelhlichika ishit haiakakmvt, okchaya, micha illi tok aiena ka nan im apihisa he itikba ya hikia hosh na chī miha lishke.

2. Yohmi kv̄t vbanumpa hā isht ish anumpohonlashke, yohmi kv̄t nitak ai yvmohma he ai vl̄hpiesa, ai vl̄hpiesa keyu aiena ka ish achunanchashke; ai atokolit im anumpo honlit, im alv̄mminchit nuktaiyala hosh nana ka ish im abahanchit ish atohnohonchashke.

3. Yohmi ka vbanumpa ai ahli ka haklo ik bunno ka hi a

nitak vt vla hi oke : haksobish yauohlichi ishi cha, ilap im anukfila okpulo ilaiyuka im antia kak osh nan-abvchi lawa ka il im itvnahanla hi oke :

4. Mikmvt vbanumpa ai ahli ka haksobish a isht i filvm-mitkvnia cha, anumpa ik ahobo yak o haklo bvna toba hi oke.

5. Amba chishno yokvto nan okluha ka ahah ! ahnit, nan libvsha chi onvtuyula kia chi nuktanlv, vbanumpa isht anumpuli yvt nan isht ai vtta he tuk a isht ahantvt, vbanumpa isht ish ahanta hi atuk vt ish ai ahlichi fehnashke.

6. Yohmi ka svlla chi kvv anumpa hvv si onvtula hv, a svlla chi kvv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kvv ai ahli hosh achunanchi lishke :

8. Yohmi hoka himak a pilla ma nan isht ai vlhpiesa ia-chukoli la he vmmit ituyula, yvma nan ai ahli apesa, Chitokaka yvt nitak yvmmak fehna ka vma hi oke : yohmi kvv vno ak bano hv vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvv ia tok : yohmi tuk osh Hlessalonika ya ia tok : Klesens vto Kaleshi yak o ia ma, Titv vto Talmasia yak o ia tok.

11. Luk ak bano hosh si awant anta hoke ; Mak ano ilauelit ish lashke ; yvmmak okv vbanumpa isht ai vtta ya a si apela hinla hoka.

12. Yohmi ma Tikikvs ano Efesvs a ia chi hv tohno li tok.

13. Nowvt aya anchi chito ya Kapvs Tloas anta ka ibbak fohki li tok a ish mintikmvt, isht is svv vlashke ; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok : ilap nana a kaniohmi tok ak o Chitokaka yokv isht im atobbashke.

15. Yummak oka ahah ! ish im ahni mak inlashke ; yummak okvt pim anumpa moyuma ka i sanali fehna hatuk oka.

16. Ummona isht il anumpuli li kvno hatak achvfa kia si awant hikia tok keyu ; amba hatak moma kvt svssvt ia tok ; yumma yvmohmi tok vt isht ik onvtuyulo hok bano ai ahnit, Chihowa ya im ilbvsha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ahli fehnvt vno ak o isht ai otvni ho, Chentail moyuma kvt haiyaklo tok : yohmi ma koi chito itakha ya sa kohchi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinchu cha, sai okchalinchit ilap vba apehlichika ya isht sai ona hi oke : yumma isht a holitopa yokvt immit biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhla yak o anta tok ; amba Tlofims vto abeka hosh Miletvm ak o itonla ho issvt minti li tok.

21. Chim vlhtaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klaudia, micha itibapishi moyuma kvt pit chi aiokpvchi mak inlishke.

22. Chitokaka Chisvs Klaist vt chimi shilombish a ibafoyukashke. Isht i kana yvt chi anukfoyukashke. Amen.

HOLISSO PAI VT

TITVS A

I HOLISSOCHI TOK.

CHAPTER I.

Titvs a pit aiokpvchi, mihmvt nana kaniohmi hō Kleti a anta he im ahni tuk vt anoli, 1; 6 vbanumpa isht vta yvt kaniohmit nan im ai vhltaiyaha he; 11 nan ik vhpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisvs Klaist im apostel okvt, vbanumpa hā anohonli na okchayvt bilia he Chihowa hvt im ahni tok vhleha hvt yimmi cha, anumpa ai ahli ka achukmali fehnvt ithvnvt, Chihowa hā isht a holitobla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kv ik tobo pilla kash inli hō, im ihisa tok;

3. Yohmi tok osh ont ai vhpiesa ma nan im ihisa tok vt vbanumpa isht anumpohonli hō isht otvnihinchi; yvma vno ak osh isht anumpohonli la he vm vhpisa kv, Chihowa pi Okchalanchi nan apihisa tok mak o yvmohmishke.

4. Yohmi kv nan isht a pi yimmi pulla kak o svso, Titvs a, pit chi aiokpvchi lishke: Nan isht i kana, i nukhaklo, micha isht it i nanaiya aiena kv Piki Chihowa, micha pi Okchalanchi Chitokaka Chisvs Klaist ita tuklo ka a mihinti kv chi anukfoyukashke.

5. Kleti a ish anta he chim ai ahni li kv̄t ilvppak atok ; nana kv̄t ik vlhtaho puta tuk a achukmalit isht ish ahanta kv̄t, chim apesa li hatuk oka, vbanumpa isht vta ya tvmaha puta ka ish ai atokohonlashke.

6. Kanima ka anumpa ik achukmo kv̄t onvtonla he keyu, ohoyo achvfa i hatak, im vlla mvt vbanumpa yimmi nan isht yopomo anumpa kia onvtonla he keyu, micha ilapunla keyu hok mak o ish atokolashke.

7. Yohmi ka bishop vt Chihowa nan im apesvchi yatuk osh, anumpa ik achukmo kia onvtula he keyu ho pullashke : ilap ai ahni keyu, nokowa shahli keyu, oka homi ishko shahli keyu, na-fahama keyu, ai vlhpiesa keyu isht a hofahya he nan isht ahayuchi bvna keyu ;

8. Amba hatak ik ithano i hullo, hatak achukma puta ka i hullo, kostini, ai vlhpiesa, Chihowa holitobli, ile oktamp̄li ;

9. Mikmvt anumpa ai ahli im vlbahanchi kash o kv̄lot halvli hosh, nan isht vlvchi ai ahli ka isht im abahanchit, vbanumpa i sanali vhleha ha nan i mihvt im alvmm̄inchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvt hakshup tva vhleha hokak heto laua hoke :

11. Yvmma itih hv̄t vlkv̄ma pullashke, yvm̄mak osh chuka chvfa moma ka ai ahli ka i filvmm̄ih̄inchi kv̄t, ai vlhpesa keyu isht a hofahya he nan isht ahayuchi bvna kak osh, yohma hi atuk keyu kia nana ka abahanchishke.

12. Ilap ai achvfa, ilap i hopaii atuk ak inli hosh na miha kv̄t, Kletian vhleha hv̄t holabi kak bano chatuk, nampo okpulo, intakobi, isikopa aiena hoke, achi tok.

13. Anumpa atokowa ilvppvt ai ahli hoke ; yohmi hoka vbanumpa yimmi kv̄t ai ahla chi mak o, hotopalit ish im alvmm̄inchashke :

14. Yohmikmvt Chu im anumpa ik ahobo, micha anumpa ai ahli ka i filvmm̄i hatak nan apihisa aiena ka chik im antio kashke.

15. Yohmi ka kashofa hokvno nan okluha kv̄t i kashofa hoke ; amba ik kashofa, na yimma he keyu hokvno nana kia

ik i kashofo hoke; amba nan ahni, micha isht il akostininchi aiena kv̄t litehvt kv̄nia hoke.

16. Yohmi kv̄t Chihowa h̄a ithana, miha kv̄t il otv̄ninchī ak inli kia, nana a kaniohmi puta kv̄t isht ik holitoblo, na yimma he keyu, mikmvt nan toksv̄li achukma puta ka ik ai ahlo hoka i yuwala he v̄lhpesa hoke.

CHAPTER II.

Nana h̄o isht anumpulit abahancha hi a, mikmvt kaniohmit ai v̄lhpie-svt aya hi a Titv̄s a im apesa, 1; 9 yuka, micha hatak moma kv̄t nan akaniohma he v̄lhpesa ka anoli.

1. AMBA chishno yokv̄to nan okluha kv̄t nan isht v̄lv̄chi achukma ka isht ai ahli kak o isht ish anumpohon-lashke;

2. Yohmi kv̄t hatak asv̄nochi puta kv̄t ahah! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlv̄t achunanchi aiena kv̄t ai ahlashke:

3. Mikma ohoyo asv̄nochi puta kv̄t vbanumpuli yokv̄t ai yvmohmi v̄lhpiesa kak o yvmohmi mak inlashke; inla aho-lv̄bechi keyu, oka homi yoka i yuhuka keyu, nana hochukma ka abahanchashke:

4. Yohmi kv̄t Chihowa im anumpa hv̄t ik kv̄llaksho ka chī ka, ohoyo himita puta kv̄t ile oktampli, i hatak i hullo, im v̄lla ȳa i hullo aiena;

5. Mikmvt kostini, havi anukfila iksho, ilap in chuka anvt̄, nan isht ahanta, hochukma, ilap i hatak im antia achukma aiena chī ka im abahanchashke.

6. Hatak himita puta mvt ile oktampla chī ka nan ish i mih̄ja mak inlashke.

7. Nan okluha ish a kaniohmi kv̄t nan toksv̄li achukma puta isht ai ithv̄na ȳo ish il otv̄nihinchashke: nan ish abahanchi kv̄t ai ahli kak bano, yopunla keyu hosh anukfila weki achukma hosh ish im abahanchashke;

8. Yohmi kv̄t anumpa achukma isht ai i sanala he iksho

ho ish abahanchashke ; yohmi na kvna hosh chi sanali hatuk mvt, nan ik achukmo nana kia isht chi anumpula he iksho kvv hofahyashke.

9. Yuka puta kvv ilap i na-hullo yoka im antia, micha nan okluha ka isht ai yukpali, a sanalit ik anumpulo ka he ;

10. Micha ik hukopo, amba nan okluha ka ai ahli achukma he ; yvmohmi cha Chihowa pi Okchalinchu im anumpa ha nan okluha ka isht a holitobla chi ka ish i mihhashke.

11. Yohmi ka Chihowa isht i kana yak osh ai okchaya ishi kvv hatak puta ka im otvni tok oka,

12. Yvmmak osh pim abahanchu kvv, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktampli, hatak bika it im ai ahli achukma, micha Chihowa ya holitobli hosh himonasi yakni ilvppa il ahanta he ;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchu Chisvs Klaist vt isht a holitopa ieshi hosh haiaka hi a pit hohoyot il ahanta he ;

14. Yohmi kvv yvmmak ash osh ai ashvchika puta ka a pi hlakofihinchu cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kvv Klaist im anumpa ai ahli ka nan isht a mihvt ish im olahambashke. Yohmi na hatak nana kia ik chi shitilemo kashke

CHAPTA III.

Nana ho ithvnancha he, mikmvt nana ho ik ithvnanchu ka he aiena ka Titvs a im avvchi, 1 ; 12 im vla hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta chi kvv im vlhtaha he,

2. Hatak nana kia kvllakshichit isht ik anumpulo, it i nokowvt ik itachowo, amba anukfila yohbi, hatak moma ka i kana aiena he mak o, ithana chi ka ish im anohonlashke.

3. Yohmi ka pishno ak kia tikba hokuno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvnna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht, ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke;

6. Yohmi kv yvmmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok:

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ahli yoke, yohmi kv nana yvm-mak ash puta ka kvlochi fehna hosh isht ish anumpohonla he chim ai ahni li; yohmi na Chihowa i yimmi tok vhleha hv ahah! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchulu-lit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke; yvmmt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvsh-koli bvnna hokma, vmmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yvma chiyuhmi hokvto ai ahli ka i filvmmiit kvnia hosh, nan ashahanchi kv, ilap inli kv ik ai ahlo kv otvni-chi hoka ish ithaiyanashke.

12. Tikikvs, Atemas, kanimampo ka pit chim pila li hok-ma, Nikopolis ak o anta li hoka ik kaniohmi kia ish la pul-lashke: hvshsula ya yvmmak o anta la chi hoke.

13. Nan vlhpisa imponna Senas, micha Apollos ita tuklo kvt im vlhtaha achukma cha, nana a bvna kvt ik im iksho ka chi ka ish im atahli cha, auet ish pilashke.

14. Mikma pimmi yokvt nan isht ai vni ik im iksho hosk ik anto ka chi kvt, nana ka ai yvmohma he ai vlhpiesa nan toksvli achukma puta ka achunanchit isht ahanta chi kvt, moyumvt ithvna mak inlashke,

15. Si apiha kvt moyumvt pit chi aiokpvchishke. Na yimmi pia ha pi hullo ka moyuma ish aiokpvchashke. Isht i kana yvt hrsh moyuma ka hvchi anukfoyakashke. Amen.

HOLISSO PAL VT

FILEMON A

I HOLISSOCHI TOK.

Filemon a pit aiokpuchi, mihmvt na yimmi, micha nan isht i hullo aiena kv̄t anukfoyuka ka haklo mvt, na yukpa; yohmi hosh in tishu Onesimvs a nana ka i kashofi cha, atuklanchit i hullot aiokpucha chi ka ahni fehnvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tvshka il itilau Achipvs, micha chvch chin chuka asha aiena ka pit hvchi aiokpuchishke:

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kv̄t hvchi anukfuyukashke.

4. Anumpa ilbvsha anumpohonli likmvt, chithaiyana li kv̄t,

5. Chitokaka Chisvs Klaist oka ish i yimmi, micha vbanumpuli vhleha ha ish i hullo aiena ka hahaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv̄t ai ahli fehnvt otahani na Chisvs Klaist isht a holitopa he mak o, nana achukma puta kv̄t chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhukpa hoka, isht ish i hullo ka isht a pi nukvla, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamohmi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hash osh, isht i hullo li pulla atuk mak osh chim asilhha li kak osh vm i shahlishe.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehnvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvk ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kvk i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okpvi tok, micha aheka kia chin takanli hokma, vno ak o aheka is svm ikbashke.

19. Pal sia hvv vno svbbak ak inli ho isht holissochi li kvk, atobbi la he mak oke; yohmi kia is svm aheka kvk chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka chī yimmi li, micha nana achi li ka i shahli ak inli ish yvmihcha chī ka ithana li aiena hatuk osh, chī holissochi li tuk oke.

22. Yohmi kia ai-vtta la chikma, aieninchit is svm atah-lashke: yohmi kv̄t anumpa ilbvsha ish anumpohonli hatuk mak o chim ona la he ai ahni lishke.

23. Chisvs Klaist ak atuk mak o yuka sa bika Epafas vt pit chi aiokpvchishke.

24. Makvs, Alistachvs, Temas, Lukas it ibai toksvli li vhleha aiena kv̄t pit chi aiokpvchishke.

25. Pin Chitokaka Chisvs Klaist isht i kana yvt chi Shilombish a ibafoyukashke. Amen.

HOLISSO PAL VT

HEBLU OKLA HA

I HOLISSOCHI TOK.

CHAPTA I.

Klaist vt Iki Chihowa ya itilau kvt annoa, 1: 4 enchil puta i shahli fehna; 14 enchil vhleha hvt nan isht ai vtta ka anoli.

1. CHIHOWA hvt nitak chashpo ilaiyuka, micha a kanihmi mvt ilaiyuka hosh pin tikba vhleha hopaii vhleha ak o isht ai im anumpohonli kvt,

2. Polaka ilvppvt ai ishtaiyopi mak o ilap Ushi yo isht a pim anumpohonli kvt, yummak osh nana moma ka iesha he im ai vlhpiesa mak o atokoli tok; micha vba yakni, micha yakni ilvppa a moyuma ka yummak ash o isht ai ikbi ak inli tok:

3. Yummak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kvlo ai ahli kak o isht ieshi hosh ai ashvchika isht a pi kashofa hi a ataiyahli tok osh, Nan okluha imaiya vba chaha moma i shahli ka a binili im isht impak imma ak o binili tok.

4. Nan iesha he im ai vlhpiesa hatuk vt ieshi hatuk osh, ilap hohchifo isht a holitopa kak osh enchil vhleha ha i shahli fehna hatuk osh kanihmit holitopa kvt yumma i shahli fehna hoke.

5. Nitak nanta kash o enchil vhleha ha achvfona kia, Chishno yvt svso chia mak o himak nitak a chi tobachi

lishke; micha anonti ilap vt, Uno yak o Suso hachi, mik-mvt, vno yvt Iki sia hachi hoke, im achi tok o?

6. Micha anonti, Tobahpi yash o yakni paknaka ya isht vla mvt, Chihowa im enchil vhleha hvt moyumvt aiokpa-hanchashke, ahanchishke.

7. Mikmvt enchil vhleha hano isht anumpuli kvv ilvppak o achishke, Yvmvt im ehchil vhleha hokvno mahli chiyuh-michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa ma! ish ai o binili holitompa kvv hikia bilivt peh bilivshke: nan ai vllhpiesa tvbi yak osh ish apehlichika yoka in tvbi yoke:

9. Chishno yokvt nan ai vllhpiesa kak o ish i hullo cha, nan ik vllhpeso yokvno ish i nukkillishke; yohmi ka Chihowa, chin Chihowa yak osh nan isht ai yukpa bilia ya laua i shahli ho isht chi ahvmmi kvv, ish ai itilau i tuk a i shahli chikbi tok.

10. Micha Chitokaka chishno yak osh vmmona kash inli ho yakni ilvppa intolahpi ka ish boyuhli tok; mihmvt nana moma vba shutik ai asha ka, chibbak ak osh ihikbi tok.

11. Yvmmak okvto ont ai okpulo kvv taha kia, Chishno yokvto ish ahanta he; mikma yvmmak okvto moyumvt sipokni kvv na fohka yo chiyuhma hi oke:

12. Mikma anchi yak inli ho chohmichit ish pohla he; mikma yvmmak ash ot inlvv toba he: yohmi kia Chishno yokvto mih yash inli chia, micha chim afvmmi hokvt ont ataha he iiksho hoke.

13. Yohmi kia nitak nanta kash o enchil vhleha achvfona kia, Svbbak isht impak-imma ak o ish a binili na chin tvnvp vhleha hoka chiyi ai o hikia yo ikbi li hayashke, im achi tok o?

14. Yvmmak ash ot moyuma kvv nan isht ahanta shilombish osh ai okchaya pisa he im ai vllhpiesa vhleha yvm-mak o nan isht im ahanta chi vltoka yo keyu?

CHAPTER II.

Klaist a il im antia he tuk, 1; 9 pi okchalincha chi kvt hatak o toba tok oka; 14 yohmi kvt nana kvt a yakohma he vlhpesa tok mak osh hatak o toba tok.

1. YOHMI hoka nana e haiyaklo tuk puta kvt ahah ahni fehna hosh il anukfihinla hetuk, e yvmohmi keyukmvt, nitak kanima ka pi kvnia hinla hoke.

2. Yohmi ka enchil vhleha hvt anumpa anumpohonli tok a ai ahlit kvllo hatok okma, micha kvna hosh anumpa yvm-mak ash o kobahafi, micha ik im antio puta ka isht vlhtoba kvt isht ai vlhtoba he vlhpiesa ho ihishi tok okma:

3. Ai-okchaya chinto yakohmi ka kil anukfihinlokmtv, katiohmit pi hlakofa hinla cho? yvmma vmmona ka Chitokaka yak osh isht anumpohonli tok o, anonti yvmma i haponaklo tok puta kvt ai ahlichu mak osh pim anohonli tok:

4. Chihowa hak kia atokowa ibai anohonli kvt, nan isht atokowa, nan isht anukhlakvshli, micha nan isht ai ahli ilai-yuka, micha Shilombish Holitopa na hopela aiena ka ilap im anukfihinla hosh isht ai ahlichu tok:

5. Yohmi ka yakni talaia he isht il anumpuli ka, enchil vhleha hokvno i nutaka apihisa tok keyu hoke.

6. Amba achvfa kvt kanima ka atokoli hosh ai anumpuli kvt, Hatak vt nanta ho yvmmak oka chishno yokvt isht chim anukfihinla ho? micha hatak ushi yoka, chishno yokvt ish i nohowa ho? ahanchi tok.

7. Yvmmak oka enchil vhleha hokvno lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kvt iyi nuta aiasha cha, im antia hi a ish apesa tok. Yakohmichit moyuma ka im i nutakvchi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kvt ik im i nutako kisha ho himonasi ka e pihisvshke:

9. Yohmi kia Chisus, yummak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yummak ash ot hatak moyuma ka vlhtoba hosh illa hi atok.

10. Yummak pulla hosh nan okluha ka ihikbi tok, mih fehna kash inli atuk pulla mak o nan okluha kv̄t toba tok, yummvt yvmihcha he im ai vlhpiesa hosh ushi vhleha laua ka isht a holitopa ka pehlichit isht ohona kv̄t, yummak ash isht ai okchaya i kv̄pitvni hv̄t nan isht ilbvsha puta ka pihisa hosh isht ai ahla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kv̄t it ibai achvfa hoke; yakohmi hoka ik hofahyo hosh itibapishi vhleha hochihifo kv̄t,

12. Itibapishi li vhleha hā chi hohchifo hā otv̄ninchit im anohonli la chī; itibapishi li vhleha hā ai iklv̄nna hikivt talahowvt chi aiokpahanchi la chī hoke, ahanchishke.

13. Mikmvt anonti, Yummak o anukchieto la chī hoke, achishke. Anonti, Ūno, micha vlla vhleha hā Chihowa hv̄t ahama tok oka pisá, achishke.

14. Yohmi hoka vlla vhleha hash osh haknīp, issish aiena ka ibai ishi hatuk o, ilap ak kia anonti yummak ash ibai ishi tok ak inli hoke: yohmi na vlhtobvt illi pulla hosh nan-illi ishi, yummvt nan isht ahullo okpulo ak atuk a imaiyachi cha;

15. Yummvt nan-illi i nukshopa kak osh, okchaya takla kv̄t yuka tobtv̄t kv̄nia chatuk a mominchit hlakoficha hi atok.

16. Yohmi ka ahlishke, yummvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vlhpiesa hosh itibapishi vhleha ak inli hō chiyuhmit toba hi atok; yvmohmi hosh i kana fehvt na-holitompa isht vtta chinto ai ahli fehna hosh Chihowa nan isht im ahanta kv̄t, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kv̄t, na-palvmmi pih̄sa hatuk okv̄t, kv̄na hosh imomaka pisa hokv̄no apelvcha hi vt ithana hoke.

CHAPTA III.

Klaist vt holitopa kv̄t Moses ā i shahli, 1 : 7 yohmi hoka kil i yim-mokm̄v̄t, Israēl chukv̄sh kv̄llo vt na palvmmi isht onv̄tula he im v̄lh̄pisa tok ā i shahlit pi onv̄tula he bano hoke.

1. YUMOHMI hoka itibapishi holitopa v̄hleha v̄ba nan isht ilaiyukpa et annoh̄wa ka ibai ishi hv̄chia ma! Apostel, micha Na-holitompa isht vtta chinto, Chisvs Klaist ā il ithai-yana, il il apih̄sa tok ā hv̄sh anukf̄hinlashke.

2. Moses vt ilap in chuka ai achv̄fa moyuma ka im ai āhli bano tok ā, chiyuhmit yvm̄mak ash osh ilap ā atokoli tok ā im ai āhli bano tok.

3. Yohmi ka hatak ilv̄ppvt isht a holitopa i shahli h̄o isht a holitopa kv̄t Moses ā i shahli kv̄t, chuka yoka kv̄na hosh ikbi tok ak osh holitopa kv̄t, chuka yash i shahli chatuk ā chiyuhmi hoke.

4. Yohmi ka chuka toba moyuma ka ikbi vt āsha bano chatuk; amba nana moma ih̄ikbi tok vt Chihowa ak oke.

5. Yohmi ka tishu h̄o chiyuhmit Moses vt ilap in chuka ai achv̄fa moyuma ka im ai āhli bano kv̄t, nana isht anu-humpa he mak ō atokolit anohonli tok :

6. Amba Klaist v̄to Ushi yosh in chuka achv̄fa pehliechi h̄o chiyuhmit ai āhli tok; yohmi ka ai okch̄aya ȳa na-yuk-pvt e hoh̄oyo hosh Chisvs Klaist il anukchieto kv̄t, achu-nanchi ai āhli hosh ai v̄hli ka il ona hokm̄v̄t, yvm̄mak ash in chuka pia hoke.

7. Yvmohmi hoka Shilombish Holitopa yvt ahanchi kv̄t, Himak nitak oka im anumpa hoka hv̄sh haiyaklo hokm̄v̄t,

8. Hv̄chi chukv̄sh oka hv̄ch ik kv̄llocho kashke: yohmi kv̄t isht a nokow̄chi, yvmohmit nana ka imomaka pisachi hosh yakni haiaka itv̄nowa tok ā hv̄ch ik chiyuhmicho kashke.

9. Nitak yvm̄mak ash hv̄ch īki vt ik sai yimmo kv̄t imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmmtv chukvsh anukaka ya isht ashvchi bilia, micha vm anumpa vlvhisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Vm afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ahli biekvt mahayvt ont ai vlli ka il ona hokmvt, Chisvs oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvvlocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisvshke.

CHAPTER IV.

Ubanumpuli a-foha he vlhtaha tok a na yimmi pulla hokmak osh isha he, 1: 12 Chihowa im anumpa hvt aighli fehna; 14 Na holitompa chinto isht pim vttta yvt Klaist Chisvs Chihowa Ushi, 16 nan isht ai i kana ai o binili holitompa nukwaya keyu hosh il ohonashke.

1. YUMOHMI hoka im afoha e chukowa he pim issa tok a takali moma hoka, hvsh kanima kvt hvch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim annohwa kvt, yummvt im annohwa tok ash o chiyuhmi tok: yohmi kia anumpa im annohwa kvt nan isht im achukma tok keyu kvt, anumpa habaklo yummak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kvlllo il onochit anumpohonli li hoka, yummak okvt vm afoha yoka chukowa he keyu, ilap vt achi tok: yohmi ak inli kia pishno il i yimmi hatuk okvto yakni toba vmmona pilla kash nan toksvli puta kash ot ont vlhtaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kvt Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak o, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kvt chukowa chi pulla ka takanli moma hoka, yohmi ka isht ai yukpa anumpa im annohwa vmmona tok vhleha hokvto afoha yoka ik chukowo kvt na-yimma he keyu kak atok.

7. Anonti Lewi ak o isht ai anumpulit nitak kaniohmi ho atokolit, Himak nitak a ahanchi, nitak yummak atok a hopakit taiyaha, achi hoka, Himak nitak a vm anumpa hvsh haiyaklo hokmvt, hvchi chukvsh oka hvch ik kvlllocho kashke.

8. Yohmi ka Choshua vt yummak ash afoha ya ima ha-

tok okma, i himmak okvno nitak inla ho isht anumpula hi atok keyu hoke.

9. Yvmohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kv, Chihowa hv ilap toksvli tuk vt issa ak inli tok ash inli ho chiyuhmi hoke.

11. Yohmi hoka afoha yvma e chukowa chi kv il achu-nanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hv okchaya, micha isht ai ahli fehna, micha halupa kv bvshpo falaia itahlakla halupa yak kia i shahli hosh hlopullichit bvshli kv, ilhfiopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anukaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kv achvfa kia itikba ya ik im ai otano kv iiksho; amba nana ka il it i kaniohma chi yvma i holhponayo hokvno nan okluha kv ik ompoholmo i bieka hoke.

14. Na-holitompa isht vtta chinto pim anta, Chihowa Ushi, Chisvs okv vba yakni oka ona tok oka, nana ka il il apihisa tok vt il ai ahlashke.

15. Yohmi ka na holitompa isht vtta chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kv, pishno ak inli ho chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vlhpiesa pi apela chi ka isht i kana il ahayucha chi kv, isht ai i kana ai o binili holitompa nukwaya keyu hosh il onashke.

CHAPTA V.

Chihowa yvt Klaist a holitobli; mikmvt na holitompa isht vtta i shahli yo atokoli, 1; 14 Heblu okla hv nan ai ahli ilvppa ithvna he tuk vt a haksichi ka Pal vt nan i miha.

1. YOHMI ka na holitompā isht vtta chinto puta hatak a a kohchit ihishi ka, hatak ak atuk pulla mak o nana Chihowa immi ha isht ahanta chi kv̄t, vlhtoka tuk osh nan ai ashvchi isht vlhtoba he puta, micha na hvlbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yvm̄vt i nukhakla he bano hoke.

3. Mikm̄vt nana kv̄t ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kv̄t nan isht a holitopa ilv̄pa isha he keyu, amba Alon atok a chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompā isht vtta chinto toba chi kv̄t isht ile holitoblichī tok keyu : amba, Chishno vt Sv̄so chia h̄o himak nitak oka chi tobachi lishke ; im achi kak atok oke.

6. Anonti, Chishno yokvt Melkisetek atok a chiyuhmit na holitompā isht vtta hosh ish ahanta na bilia hi oke, inla kanima ka ai achi ak inli tok.

7. Yvm̄mak ash ot hatak haknip ieszit yakni paknaka ilv̄ppa ahanta m̄vt, nishkin okchi mihintit, chitoli fehna hosh pah̄ayvt, nan-illi im a hlakoficha hinla ka im ilbv̄sha feh̄nv̄t anumpohonli tok : yohmi ka Chihowa ha holitobli hatuk mak o, Chihowa hv̄t i haponaklo tok :

8. Yvm̄mak ash ot Ushi atuk ak inli kia, na palv̄mmi pi-hisa kak osh im antia kia isht ithv̄na tok :

9. Mih̄m̄vt nana kv̄t ai ahlit im vlhtaiyaha kak osh, im antia puta hokv̄no ai okchayvt bilia ya im atahli yoke :

10. Yohmi kv̄t Melkisetek atok a chiyuhmit na holitompā isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv̄t pin laua : yohmi kia nana ka akostininchi hv̄chi sv̄laha hoka, tosholi ka kv̄llo hoke.

12. Yohmi ka yvm̄mak atok a hopakit taiyaha hoka nan im av̄vchi yosh hv̄sh ahanta he vlhpiesa kia, kanima kv̄t

Chihowa im anumpa ai isht ia vmmona ka anonti hvchim avvcha hi a vlhpesa pulla hoke : yohmi kv̄t ilhpak kv̄llo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tobvshke.

13. Yohmi ka pishukchi ishko puta hokvto nan isht ai vlhpiesa anumpa hoka akostinincha hi a ik ona, vl̄osi yokvt

14. Amba ilhpak kv̄llo vt asvnochī vhleha hak o im ai vlhpiesa hoke ; yvmmak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filvmm̄it aka ik kaho ka chī, 1 : 11 amba kv̄lloṭ hiela chī : 12 nana ka achunanchit nukṭaiyalvt Chihowa ya aokpv̄cha chī ka i miha : 13 Chihowa im anumpa hv̄t aḡli hoka.

1. YVMOHMI hoka Klaist ai isht vlv̄vchi vmmona hokvno e boyuhli cha, ai aḡli fehnvt itikba il ia hosh nan toksvli isht ai illi ai i filvmm̄it ile kostininchi, micha Chihowa isht i yimmi ;

2. Baptismo nan isht vlv̄vchi, micha ibbak onohonchi, micha illi tok vt falamvt tani, micha hatak puta nan im vlhpisvt bilia he aiena ka intolahpi ka atuklanchit keho bohlo kashke.

3. Micha Chihowa ak osh vlhpesa ahni hokma, ilv̄ppa e yvmohma he mak oke.

4. Yohmi ka kv̄na hosh himonna ha im vlv̄vchit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikm̄vt Chihowa im anumpa achukma, micha vbanumpa nitak nan isht ai aḡla he aiena ka anukfoyuka ha yak okvto,

6. Yvmmak ash osh vbanumpa ha i filvmm̄i hokvt kaniohmit atuklant himonvt toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi ya himonvchit ititaiyuklv̄na ya ai vbi kv̄t, otv̄ninchit hofahli hokvt.

7. Yohmi ka yakni ak osh uhumba aiyyuka ka ai ihishko

hosh yakni a toksvli yummak atuk vt ai isha he vlhpiesa hç offohonchi cha, nan isht ai yukpa Chihowa a mihinti ka ishi hoke:

8. Amba bafvlli halupa ilaiyuka offohonchi hokvno nan ik ahobo hatuk o, isht ai okpuloka he anumpa hvt onvtuyula hosi; yummvt ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma! hvchishno yokvno nana achukma i shahli, micha ai okchaya nana kv̄t ai ahalaia kak o a hvchi yvmohmi ka, pi yimmishke.

10. Yohmi ka Chihowa hvt ik ai vlhpeso hokmá, nanta tuk osh nan toksvilit holitoblit ilap hohchifo imma ka nan isht hvsh im ahanta tuk a imi haksa he keyu, vbanumpuli vhleha ha nan isht hvsh im ahanta tuk osh, isht hvsh ahanta kv̄t imoma hoka.

11. Mikmvt ai okchaya ishi la he ai ahnit, ai ahlit hvchi yimmi hosh ont ai vhli ka hvsh ona chi kv̄t, nana hvsh a kaniohmi kash ot moyuma kv̄t hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kv̄t na yimmi kak osh nana ka nuktaiyavt hohoyo hosh, nana im ihisa tok ash ont ieshi vlhpesa tok ak o hvsh hobachashke.

13. Yohmi ka Chihowa hvt Eblaham a nana ka im ihisa hokvt ilap inli hç ai isht anumpa kv̄llo il onochi kv̄t, i shahli kanima ai isht anumpa kv̄llo il onocha he keyu kak atok,

14. Ahlishke yukpahanlit chi yukpali la he, mikmvt lauahanchit chi lauachi la hi oke, ahanchi tok.

15. Yakohmit nana ka nuktaiyavt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli hç ai isht anumpa kv̄llo il onohonchi chatuk vt ai ahli; micha nan isht ai ahli-chi anumpa kv̄llo il onochi kak osh itachowa puta hokvno ont im ai vhlichy chatuk bano hoke.

17. Yvmehmi ka Chihowa hokvt nana ka im ihisa tok a ont isha he im ai vlhpiesa vhleha hoka ilap nana im anukfihinla tok vt kaniohmit ai inla himma keyu ka, achukmalit i

shahlichit im otv'ninchi bvnna hosh, anumpa kvllo yō il ono-
chit isht ai ḡhlichit tok:

18. Yohmi ka nana kaniohmit ai inli himma keyu tuklo
yvmmak oka Chihowa hokvt isht a holaba himma keyu
hoka, vba isht il aiyukpa pim ihisa tok ash il isha chi hosh
a hlakofi yō il o chahafa kv̄t, nan isht a nuktaiyala chinto il
iesha he ak atok.

19. Nana pim ihisa tok ash il isha he il ai ahni kak osh,
isht a kvllo ai ḡhli kanvlla he keyu yō shilombish vt im iti-
laui, micha yvmmak osh, aholitopa fehna isht ompoholmo
anukaka yoka chukowa mak oke.

20. Yvmmak oka pin tikba-heka, Chisvs vt chukowvt,
Melkisetek atok ḡ chiyuhmit na holitompā isht vtta chinto
bilia toba tok oke.

CHAPTA VII.

Melkisetek atok ḡ chohmit Klaist Chisvs vt nan isht vtta holitompā, 1,
11 Alon na holitompā isht vtta yatok ḡ i shahli fehna.

1. YOHMI ka Melkisetek ilvppvt Salem i miko, Chi-
howa holitopa fehna i na holitompā isht vtta yosh, Eblaham
vt miko vhleha ont vbit falamvt aya ma yvmmak ash ot ont
afama mvt, yukpali tok.

2. Yvmmak ash o Eblaham vt moyuma ka a kashapa ont
isht pokoli ka ima mak inli tok: vmmona hoka toshowak-
mvt, Nan ai vhlpiēsa i miko, mikmvt anonti yvmma acha-
kaya kv̄t Salem i miko, yvmmv̄t nanaiya i miko achi hoke,

3. Iki iksho, ishki iksho, isht ai unchululi iksho, nitak ai
isht ia vmmona tok vt iksho, micha im ilhfiopak vt ont ai
vhli tok vt iksho, amba Chihowa Ushi yak o chiyuhmi hosh
na holitompā isht vtta yosh ahantvt bilia hoke.

4. Yohmi ka hatak ilvppvt a chinto kaniohmi ho, iki
chinto Eblaham ash ot nana ka in tvnvp ḡ im ai ishi tok ash
achukma i shahli kak o a kashapa ont isht pokoli ka ima
tok ḡ, hvsh anukfillashke.

5. Yohmi ka Lefai ushi vhleha atuk vt na-holitompā isht

vtta vlhtoka kv̄t, okla yvmmvt itibapishi; micha Eblaham ak ̄ isht atiaka yak inli kia, vba nan-vlhpisa in tonla hatuk osh, a kashapa ont isht pokoli ka im ai ishi beka mvhlshke:

6. Amba yvmmak ash ̄ ilap okvto ai isht unchululi h̄o keyu kia, a kashapa ont isht pokoli ka Eblaham a im ai ishi mv̄t, nana im ih̄isa tok ash ̄ yukpali tok.

7. Mikmv̄t i shahli hak osh ik lauwo ka yukpali hoka ik ai ahlo, acha hi yvt ikshoshke.

8. Mikmv̄t ilvppak okvno hatak vt illa he kia a kashapa ont isht pokoli ka ishi; amba yvmmak okvno yvmmvt ishi kv̄t okchayvt ahanta ka, nana kv̄t isht ai atokowa hoke.

9. Yohmi ka Lefai yokvt a kashapa ont isht pokoli ka ih̄ishi kia, Eblaham ak ̄ isht ai unchululi hokvt, a kashapa ont isht pokoli ka Eblaham a ibai atobbi ak inli tok, yvmma chiyuhmi achi la hinla ak inli hoke.

10. Yohmi ka Melkisetek vt yvmmak ash ̄ afama ma, yvmmvt īki ikfeka anukaka yak ̄ foka moma hatok.

11. Yohmi ka Lefai na-holitompa isht ai vtta yokvt ai ahli bieka hatok okma, yvmmak ̄ okla hv̄t i nuta ai asha hosh vba nan vlhpisa puta ka ih̄ishi hatok oka, Melkisetek atok a chiyuhmit na holitompa isht vtta inla hokvt na katīhmi h̄o vlhtoka he vlhpesa moma h̄o? micha Alon na holitompa isht ai vtta yatok a chiyuhma he keyu h̄o?

12. Yohmi ka na holitompa isht ai vtta inla hosh vlhtoka hatuk ̄, anonti nan vlhpisa yash ot inlv̄t toba he vlhpiesa hoke.

13. Yohmi ka yvmma nana puta ilvppvt isht anuhumpa hokvto, oklushi inla h̄o ibai achvfa hatok; yvmmak okvto hatak achvfa kia alta ya nan isht ai vtta beka tok keyu hoke.

14. Yohmi ka Chuta yak ̄ pin Chitokaka yvt a tobtv̄t kohcha tok vt ai atokowa; oklushi yvmmak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokvt i shaiyahli fehna imoma ka, Melkisetek atok a hoyulba hosh na holitompa isht vtta inla kv̄t hikia hoke,

16. Yvmmak okvto hakn̄ip nan im vlhpisa imma h̄o isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yvmmvat atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yvmmak ash osh nana ka isht ai achukma, ai ahli ka ik ono hatuk osh akshu tok vt ai ahlishke.

19. Nan-vlhpisa yvmmak ash okvto nana kia ai ahlichi tok keyu hoke: yvmmak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yvmmak ash ot anumpa kvlo il onoyuchi keyu iksho ho yvmmak ash ot na holitompa isht vtta toba tok oka:

21. Yohmi ka anumpa kvlo il onochi kia iksho ho yvmvat na holitompa isht vtta vhleha tohomba tok oka: amba ilvppak okvno anumpa kvlo il onochi hosh nana im ahanchi kvv, Chitokaka yak osh anumpa kvlo il onochi kvv, inlv im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ahlichi toba tok oke.

23. Yohmi ka yvmmak ash okvto na holitompa isht vtta yvt lava mvhli tok: yohmi kvv yvmmak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalincha he bano hosh, yvmmak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yvmmak okvt ai ashvchika ik im iksho, nan ik okpano, na liteha iksho, nan ashvchi vhleha ha ai i filvmmi, micha chaha kvv vba yakni yak kia i shahli, yvmmak chiyuhmi hosh pim ahanta he ai vlhpiesa hatok:

27. Yohmi ka na holitompa isht vtta pehlichi chinto vhle-
ha hokvto nitak moma ka ilap nan ai ashvchi isht vlhtoba
ka tikba pit im issa ha yosh, okla nan ai ashvchi isht vlhtoba
ka pit im issa beka tok o, yvmmak okvto chiyuhma he im
vlhpes keyu, nan ai ashvchi isht vlhtoba il im issa mak osh
ilvppak oka himonna ma yvmohmi tok okvt.

28. Yohmi ka nan vlhpisa yvmmak ash ot hatak ibetvbla
he im vlhtayak kia na holitompa isht vtta chinto atokohonli;
amba anumpa kvlllo isht ai ahli tok ash ot vba nan vlhpisa
yvmmak ash ot toba ha yak o, Ushi ya atokoli ho, yvmmt
na holitompa isht vtta ai ahlit bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt
vla ha yokvno Alon isht ai unchululi kvv na holitompa isht vtta
vlhtoka he keyu mak oke, 1: 7 yvmmak inli chohmit Chihowa yvt
nan vlhpisa himona ikbi ha yokvno Islael vt Echip a kohchvt minti
ma, nan vlhpisa toba tok vt kashofvt taha hoke.

1. NANA isht il anumpohonli kash puta ka ilvppak osh
moma i shahlishke: Na holitompa isht vtta chinto yakohmi
hosh vba yakni Chihowa Chitokaka yvt a binili kak o isht
impak imma yo pi binili hosh;

2. Uba aholitopa, micha vlhtipo ai ahli fehna ka hatak ak
atok keyu, amba Chitokaka yak osh ikbi tok, yvmmak o nan
isht ai ahanta hoke.

3. Yohmi ka na holitompa isht vtta chinto puta kvv na
hvlbina, micha nan ai ashvchi isht vlhtoba puta aiena pit im
issa chi hosh vlhtoka chatuk oka; hatak ilvppak kia anonti
nana im ai asha tuk osh pit im issa he im vlhpiesa hoke.

4. Yohmi kvv yakni ilvppak o ahanta hokmvt, na holi-
tompa isht vtta ya hi o keyu, vba nan vlhpisa yak atuk
pulla mak o na hvlbina pit im issa hosh na holitompa isht
vtta vhleha hvv ai asha hoka:

5. Yvmmak okvt nan isht ahanta kvv vba yakni nana ai
asha kak o isht vlhpisa, micha isht a hoyulba mak o isht ai
yvmihchi hoke: yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba n̄vniḥ paknaka chim ai otvni tok ak o chiyuhmi hō nan okluha ka ish ikbashke, achi tok oka.

6. Yohmi tok kia himonasi hokvno yvmmak okvt nan it im vlhpisa achukma i shahli, nana achukma i shahli annohōwa puta isht ai ahli tok a, it i nanaiyvchi yosh nan isht ai v̄tta holitopa i shahli fehna hō ieshi mak inlishke.

7. Yohmi ka nan it im vlhpisa v̄mmona yvmmvt nan isht ik ono iksho hatok okma, anonti atukla kv̄t ai yvmohma hi ya hoyā hi atok keyu hoke.

8. Yohmi ka yvmmvt nan isht ik ono ka pisa kak osh Chitokaka yvt achi kv̄t, Yakeh! Israel in chukachv̄fa, mi-cha Chuta in chukachv̄fa aiena ka nan it im vlhpisa himona im apihisa la he nitak vt v̄la hi oke,

9. Iki v̄hleha hoka ibbak halv̄llit pehliechit, nitak kaniohmi kash Echip yakni yoka a kohchi li mvt, nan it im vlhpisa im apihisa li tok okvno chiyuhma he keyu; yvmmak okvt nan it im vlhpisa im apihisa li tok ash foyukvt mahaya keyu hatuk o, ak ahninocho ki tok, Chitokaka yvt achishke, im ahanchi tok.

10. Yohmi ka nan it im vlhpisa ilvppak o nitak himak a pilla mak o Chuta in chukachv̄fa yoka im apihisa la hi oke; yohmikmvt a nan vlhpisa puta yoka anukfokihinchi likmvt, chukvsh oka ai o holissohonchi la hi oke; mikmvt in Chihowa sia hahe, mikma v̄m okla hahi oke. Chitokaka yvt ahanchishke.

11. Yvmohmikma hatak puta kv̄t in chuka panta, mi-cha hatak puta kv̄t itibapishi aiena ka nan im av̄vchit, Chihowa hoka ish ithaiyanashke, im ahancha he keyu; moma ik lauwo, mi-cha moma i shahli aiena kv̄t sv̄thana hi oka.

12. Yohmi ka ik vlhpeso ai yvmohmi puta ka i nukhaklo la he, mikmvt nan ai ashv̄chi, mi-cha v̄ba nan vlhpisa kobahafi puta ka himak a pilla ak ithaiyano ka he mak oke.

13. Nan it im vlhpisa himona yvmmak achi kak osh, v̄mmona tok vt sipokni yō chohmichi hoke. Yohmi ka nana kv̄t okpulot sipoknit isht ai aiena hokvto, ont ik ai iksho kamohma chi kv̄t vlhtaiyaha hoke.

CHAPTER IX

Vba nan-vlhpisa yokvto issish a hlatahampla hi a im apesa 1; 11
 amba Klaist vt ilap issish, micha ilap fehna isht a hlakofa hi o ile
 kanchi tok vt mihi yosh holitopa fehna: 15 nan vlhpisa himona
 ai ahlichu hosh Klaist vt illa he vlhpiesa hatok.

1. YOHMI ka nan it im vlhpisa vmmona yummak ash
 ot Chihowa aiokpvchi nan isht vlhpisa puta, micha aholito
 pa yakni ilvppa ahalaiya aiena ka ishi tok vt ai ahlishke.

2. Yohmi ka vlhtipo yokvt toba tok: vmmona yumma
 anukaka yak o pva ai o hikia, micha ai impa, micha pvska
 otvni aiena kv ash beka tok, yummak osh aholitopa hoh-
 chifo hoke.

3. Mihma nan-tvna isht ompoholmo vba takali atukla
 mish asha ka, vlhtipo yokvto aholitopa moma i shahli hoh-
 chifo hoke:

4. Yummak oka anukaka ya na balama aluachi tvli ho-
 lisso lakna isht toba, micha nan it im vlhpisa yash im itombi
 yokvt tvli holisso lakna yosh isht ompoholmot apakfoyupa,
 yummak o tvli holisso lakna nan ai vlhto manna yosh vlhto,
 micha Alon in tvbi yvt bikobli tok, micha tvli patvssa tuklo
 nan it im vlhpisa yvt ai o holihiso tok aiena kv foyuka hosh
 taloha tok:

5. Mihma paknaka ya Chelubim holitopa vhleha hv isht
 ai i kana ai o binili ya o hoshontikahanchi tok, yummak oka
 himonasi ka achvfa ai yukt isht il anumpula he keyushke.

6. Yohmi ka nana puta kv yakohmit vlhtaiyaha ha yak
 o, na holitomp isht vtta yak osh vlhtipo vmmona anukaka
 yak o chukowvt, Chihowa aiokpvchit a hlopulli beka tok:

7. Amba atukla hokvno na holitomp isht vtta chinto kak
 osh ilap bano hosh afummikma himonna ho chukowa kv,
 issish ik esho keyu hosh yummak o ilap nan ai ashvchi, mi-
 cha okla nan ai ashvchi aiena ka isht vlhtoba mak o pit im
 issa beka tok:

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anykaka a chukowa yokvt ik otano kisha h_o ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha nan ai ashvchi isht vlhtoba ita tuklo ka im ihisa tok : yohmi ka yvmma isht ahanta hokvno yvmmak okvt nan isht il akostininchi imma hokvno nuktvla ai ahli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhtaha achukma kv_t i shahli, ibbak isht a toba keyu, yvmma achi kv_t nan toba ilvppak o chohmi keyu, na holitompa isht vtta chinto hosh nana achukma vla chi puta ka isht ahanta kv_t ;

12. Issi kosoma, micha wak ushi issish o keyu, amba ilap im issish ak inli h_o isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofa ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichei fehna hosh nan a kaniohmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ahlichei toba h_o, im annohowa tok puta hokvt ai okchayvt bilia isha he im ai vlhpiesa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ahli kv_t illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh ok chaya imoma hokvno isht ik ai ahli kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Mōses okvt vba nan vlhpisa yvt nana api-hisa ka mominchit okla puta ka isht im anumpohonlit tai-yahli mvt, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieshi cha, holisso, micha okla moma aieninchit isht o fimmi mvt,

20. Ilvppak osh nan it im vlhpisa issish mak o Chihowa yokvt hvchim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan okluha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvv ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvv ilvppak ash o i shahli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitompā isht vtta chinto yokvto aholitopa yoka afvmmikma in issish o isht chukowa beka tok, chiyuhmit himonna ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonna ihinla hi atok pulla; amba himonasi kvno himonna achvfa ho yakni ont ishtaiyopi yak o ant ai otaiyani kvv, nan ai ashvchi isht kanchi mak osh ilap il im issa hosh illi tok.

27. Yohmi ka hatak puta kvt himonna ho illa hi vt im vlhpihisa tok; amba misha pilla hokvno nan im vlhpisa nitak osh vla hi oke:

28. Yvmma chiyuhmit Klaist ak kia lawa nan im ai ashvchi isht kancha chi mak osh himonna ma il im issa tok: yohmi kvt yvmma hohoyo vhleha hokvno nan ai ashvchi ik im iksho hosh atukla okchalinya chi hosh otaiyana hi oke.

CHAPTER X.

Vba nan-vlhpisa ho na nipi vba isht aiokpvchi hokvno nan ashvchi isht kancha he keyu, 1: 10 amba Klaist haknip osh himonna ha nan vlhtoba hosh illi ha yokvto nan ashvchi ya isht kanchi; 19 achunanchit nan ai yimmika ya kvllot ieshit Chihowa ya aiokpahancha he i miha.

1. YOHMI ka vba nan vlhpisa yokvt nana achukma puta vla he ak o isht vlhpisa hatok; yohmi kvt nana yvmmak o isht a holba ai ahli keyu hokvt, nan ai ashvchi isht vlhtoba puta yvmma afvmmi aiyuka ka pit im ihisa na bilia mak o isht ahanta vhleha hoka nuktalalit ai ahlichia himma keyu hoke.

2. Yohmi tok okma, ilvppak oka pit im issa kvt issa hi atok keyu? yohmi ka aiokpvchi yakohmi vhleha hokvt himonna kashofa ha yokvt, nan ai ashvchi puta isht il akostinichi yvt ik im iksho ka hi atok oka,

3. Amba nan ai ashvchi isht vlhtoba yvmmak ash o afvmmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kvt nan ai ashvchi puta ka isht kancha he keyu kamohmi hoka.

5. Yvmohmi hoka yakni ilvppa vla mvt, Nan ai ashvchi isht vlhtoba, micha vba isht aiokpvchi aiena hokvno chik ahno tok; amba haknip o is svm ikbi tok, achi tok:

6. Nan ai ashvchi isht vlhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annohowa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vmona kash o isht kanchi hosh nan atukla kash o ai ahlichia chi hatok.

10. Nan ai ahni tok yvmmak atuk pulla kak o Chisvs Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitompa isht vtta puta kv nitak moma ka hiki vt nan isht ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk:

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke:

13. Himak a pilla mahaya hokvno in tenvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ahlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfohkihinchia la he, micha im anukfila fehna ka ai o holissohonchi la he;

17. Mikmvt nan im ai ashvchi, micha vba nan vlhpisa kobahafi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vlhtoba himmakma im issa he iksho hoke.

19. Yvmohmi hoka itibapishi li vhleha ma! Chisvs im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yv̄mmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt na holitompa isht vtta chinto Chihowa im aboha i shahli hosh pim ahanta hokvt;

22. Chukvsh ai ahli, micha i yimmi ai ahli fehna, pi chukvsh mvt issish o fimmvt, isht il il-akostininchi ik achukmo ka ai i filv̄mmit, pi haknip okvt oka kashofa achukma isht vlhchifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il il apihisa tok vt shanaia iksho hosh il ai ahlashke:

24. Micha nana ka isht it anukfilli hosh iloh it i hullot, micha nan isht vtta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk a chiyuhmit il itv̄naha he tuk vt kil isso kashke: amba nana ka it i mihvt, nitak yvm̄mvt vla hosi ka hv̄sh pisa kak osh, i shahlichī feh̄mvt hv̄sh yvmohmashke.

26. Yohmi ka nan ai ahli ka il ithaiyana ha yokvt, pishno inli pim anukfila hosh il ashvchi hokmv̄no, nan ai ashvchi isht vlhtoba yrt himmakma takanli keyu hoke;

27. Amba isht a nukshobla he na palv̄m̄mi vlhpisa, micha isht i nukkilli luak aiena ka hohoyot ahanta he; yvm̄mvt vbazumpa ai ahli i sanali vhleha hoka okpvnit tvmola he ak osh takanli hoke.

28. Moses i nan vlhpisa yoka ik holitoblo hatuk vt nan atokowa anoli tuklo, tuchina, kanima kv̄t pisa ho isht i nukhaklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta bohlt a hv̄hlihinchī, micha nan it im vlhpisa issish yv̄mmak o isht a kashofa tok ash osh nana ik holitopo isht ahobvchi.

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vlhpiesa isht atobba hi okvt vmmi hoke, ilvppak ash achi tok yvmmak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vlhpisa chi hosh ibak a foyuka kvv nana ka isht a nvkshopa he vlhpesa hoke.

32. Yohmi kia nitak tok ash o hvsh ithaiyanashke, yvmmak amo nana ka hvsh ithaiyana ha yokvto, na palvmmi chinto puta ka it i kahanlot isht hvch ilbahasha tok:

33. Yohmi kvv isht a hofahya, micha na palvmmi puta hvchi onvtuyula hosh okla a yopissa mak o hvsh tohomba kvv hvchi yvmohmi; micha kanimikma yvmma yvmohmi puta kash o ibai achvfa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvs svba nukhaklo tok; micha hvchim ilayak puta ka hvchi wehpohonli kia, vlhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke: yvmmak osh nan isht vltoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vlhpiesa; yohmi hosh Chihowa nan ai ahni tok a hvsh ataiyahli ha yosh, nana auet hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv svlaha hosh vla chi keyu hoke.

38. Yohmi ka ai vlhpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achvfa keyu, amba na yimmi cha, shilombish okvt okchayvt bilia yvmmak o il ibai achvfa hoke.

CHAPTA XI.

Na yimmika yvt nana hatuk a anoli, 1; 7 nayimmi isht ai vni kv̄t v̄banumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ahli yoke; micha nana ke peso ka nan isht ai atokowa yoke.

2. Ymmak atuk pulla kak o hatak tikba v̄hleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kv̄t Chihowa im anumpa hak o isht a toba tok a isht il akostininchi hoke; yohmi hatuk o nana puta e pihisa kv̄t nana puta otaiyani kak o isht atoba tok keyu.

4. Na yimmi pulla kak osh Ebel okvt v̄ba isht aiokpv̄chi achukma kv̄t Ken immi ya i shabli fehna ho Chihowa hoka ont im issa tok; ymmak ash o nana ka ai v̄lhpiesa kv̄t isht atokowa kv̄t, i na hvlbina puta ka Chihowa hokvt atokolit im aiokpanchi tok; micha ymmak atuk pulla kak o illi tok kia anumpuli kv̄t imomv̄shke.

5. Na yimmi pulla kak osh Enok vt toshowa kv̄t nan-illi ik peso ka chi kak atok; micha Chihowa ak osh tosholi hatuk oka, iksho ki tok: ik toshowo kisha kv̄t Chihowa yoka yukpali tok, nan isht atokowa ilv̄pak o ishi hatok okvt.

6. Amba na yimmi iksho hokv̄no kaniohmit yukpala himma keyu hoke; yohmi hoka kv̄na hosh Chihowa im onakmvt, ymmak osh ahanta, micha ymmak okvt ilap o achunanchit hohoyo puta hokv̄no nan im atobbi aiena ka yimmi pullashke.

7. Noah yoka Chihowa hv̄t nana im anohonli ma, nana ka ik peso kisha ak inli kia, nv̄kshopvt holitobli hokvt, i yimmi pulla hosh in chuka-chv̄fa yvt isht ai okchaya hi a peni chito ya ikbi tok; micha ymma yvmohmi kak osh okla puta ai asha tok ash na palv̄mmi v̄lhpiesa hv̄t onvtula he v̄lhpesa ka isht otv̄ninchi tok; micha na yimmi isht ai v̄lhpiesa iesha hi v̄lhpesa hosh toba tok.

8. Eblaham okvt yakni inla yvmma i himmak o imni tobvt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimmi pulla kak osh yakni im issa tok ash ont ahanta kv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vlhpesa ak inli ka ai itapehvt vlhtipo anukaka yo ahashwa tok:

10. Tvmaha chito intolahpi yvt kullo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kunia kia, yvmmak ash ot nan im issa tok a ai ahli yoke ahnit i yimmi hatok okvt.

12. Yvmohmi hoka achvfa, yvmmvt illi ak o chiyuhmi kia, laua kv fochik vba shutik ai asha ka itilau, micha shinuk a holhtina iksho okhvta ontalaka ai asha kak o chiyuhmi hosh a toba tok.

13. Ilppvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kv, yvmma yimmi ai ahli fehvt anukfoyuka hosh, yakni paknaka ai asha kv, peh nowvt aya, ai anta na hopaka he ik im iksho yosh il anohonli tok.

14. Kuna hosh yvmma chohmi ka achi hokvto, ai ahanta he yakni yo hoyo kv otvninchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kuno yakni achukma i shahli, yvmmvt vba yakni yak o bunna hoke: yvmohmi hoka in Chihowa isht a hohchihifo kv, Chihowa hv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yummak i bieka tuk vt im issa tok.

18. Yummak o isht anumpa hosh Aisaak ak o chi unchululi kv̄t isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yummvt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kv̄t i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpuchi tok.

22. Na yimmi pulla kak osh Chosef okvt illi mvt, Israel im vlla vhleha hokvt wihvt itvnova hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kv̄t pisa hatuk osh, luhumi na hvshi tuchina ona tok; micha miko i nan vlhpisa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kv̄t;

25. Chihowa im okla vhleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpvt ahanta hi atuk vt im i shahli tok:

26. Yohmi kv̄t Klaist a i yimmit isht a hofahya yak osh nan isht ilaiyukpa chinto kv̄t Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yummak ash ot Echip a issa kv̄t, miko yokvt isht i nukkilli ya i nukshopa tok keyu yohmi kv̄t nishkin vt pisa he keyu yummak okvno pisa kash chiyuhmit nuktaiyalvt achunanchit ahanta tok.

28. Na yimmi pulla kak osh yummak ash ot vbanvblit ont ai, micha issish isht o fimmi aiena ka holitobli na, vttahpi ahambi yummvt ik halelo ka chi hatok

29. Na yimmi pulla kak osh okla hvt okhvt a humma yvt yakni shila chiyuhmi hō a hlopulli tok; ymma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohomba na nitak untuklo ma aka itula tok.

31. Na yimmi pulla kak osh Lehab ohoyo haui yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chi? Yohmi kvt Keteon, Balak, Samson, Chefhli, Lewi aiena, micha Samuel, micha hopai vhleha aiena ka isht anolit ont taiyahli la he keyu hoke:

33. Yummak okvto na yimmi pulla kak osh apehlichika puta imaiyachi, nan ai vllhpiesa ka yvmihinchi, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchi, bvshpo falaia halupa ai i hlakohfi, tikambi tuk vi hlampko, itibi kvt kvllot isht i shahlit mahaya, oklushi inla in tvshka chipota ya falaminchit tihlihinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vlhpesa ik ahno hosh nan isht a hotopa; issikkopa pihisa, yohmi kvt falamvt tani achukma i shahli hō isha he ak atok:

36. Mihma inla yvt isht ik ahobalo anumpa okpulo fehna, micha fuma isht a hotopa fehna puta, mihmvt anonti talakchit aboha kvllō fohoka aiena ka isht ai imomaka pihisa tok:

37. Okla tvli isht bohōwa, bvshvt ita hokohōfa, isht ai imomaka pihisa, bvshpo falaia isht ai ihinli: chukfi vlhpoba hakshup, micha issi kosoma hakshup aiena hō foyukvt yakni haiaka ai itvnova, nana ik im iksho kamohmi hosh, nan ilbvshvt issikkopa aiena tok;

38. Yummak oka yakni yvt immi ha he ik ono hatok;

yakni haiaka nvnih anuka, micha tvli chiluk, micha yakni chiluk anuka aiena ka okla ashvt itvnowa tok.

39. Mihmvt ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok a ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kvv ai ahlit im vltaha hi atok keyu hoke.

CHAPTER XII.

Chihowa anukfoyykvv achunanchit nayimmi ka il ai itvnowa he achi, 1; 22 kvna hosh nan vlvpsa himona aiokpvchi kvv isht ai yukpa ahalaia he vlvpsa ka anoli.

1. YUMOHMI ka nan atokowa anoli puta kvv hoshonti chinto ka chiyuhmit yakohmi hosh isht a pi apakfoyyupa ak inli hokvv, na weki puta, micha nan ai ashvchi yvv nan isht ahomba iksho isht a pi apakfoyyupa a moma ka naksika e boyuhli cha, a mvlla he pit tikba ituyula ka nuktaiyalvt achunanchit e mvllihinlashke,

2. Chisvs nan isht a pi yimmi ka pi nukfohkichi, micha atahli, yvmak osh nan isht ilaiyukpa yvv itikba auet takali kak osh vlvpsa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holutompa isht impakimma yak o binili ka hvsh pihisashke.

3. Yohmi ka hvchim anukfila hvv tikambit vv ai ahla he keyu, ahnit taha yoba hinla kvv, nan ashvchi vvhaha hvv ilap a i sanahanli kia yvmak oka vlvpsa ai ahni tok a hvsh anukfihinlashke.

4. Hvchishno yokvto nan ai ashvchika ya i sanali kvlllo fehvvt hvsh ilafoa na issish isht ik hlatapo kishvshke.

5. Micha isht a nukvla he anumpa hvv hvchim anum-puli kvv vlla yo chohmichit, Svso ma! Chitokaka i nan isht kostinichi ya chik ahobalo ki na; micha yvmvt chi kostinichikma, vv ai ahla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt k_{na} h_o i hullo hokvto kostin_{in}chi hoke; micha ushi puta ka ahn_{in}chi hokvto f_{um}mi noke.

7. Hvchi kostin_{in}chi ka nuktaiyavt vlhpesa hvsh ahni hokma, Chihowa hak osh ushi y_o chohmichit hvch_i yvmih_{ch}i hoke; ushi nanta h_o iki vt kostin_{in}chi keyu ka anta hatuk o?

8. Amba nan isht kostin_{in}chi yvmmak oka moyuma kv_t ibai ishi chatuk bano, yvmmv_t ik hvchim iksho hokmv_{to}, ushi vhleha hvchia keyu, amba i_{ki} iksho hvchia hoke.

9. Mihmv_t anonti p_iki vt haknip asha pishno chohmi hosh p_i kostin_{in}chi chatuk; mihma yv_{um}ma e holitobli tuk vt shilombish puta I_{ki} yokak heno i nutakvt il ai asha cha, p_i okchaya he ak osh pim i shahla hinla keyu h_o?

10. Yohmi ka yvmmak okv_{to} nitak kanomosi takla h_o ilap ai ahni hosh p_i kostin_{in}chi chatuk mvhlishe: amba yvmmv_{to} nan isht pim ai achukmv_t, ilap nan ai vlhpiesa kak o il ibai isha he ak atok oke.

11. Yohmi ka himonasi ka isht a kostin_{in}chi hokvno isht ai yukpa he ik ahobo, amba nukhaklochi; yohmi ak inli kia yv_{um}ma isht ai yvmohmi vhleha hokvno i himmak o nan isht ai vlhpiesa nan vni achukma ka i wayvchi hoke.

12. Yohmi hoka hvch ibbak vt aka pit takali ka ho waki, micha hvch iyikalaha ik hlampko ka apissvlechi ho hilechi;

13. Micha hvch iyi ya hina apissa h_o hvsh im ikbashke, keyukma hanali okpulo yv_{to} tahlofa hinla hoke; amba yvmmv_{to} ik yohmo hosh hlakofi kak o ahni fehna hetuk oke.

14. Achunanchit hatak puta ka it i nanaiyvt, nan ai ashvchi iksho ya hvsh ieshashke, yvmmv_t iksho ka hatak nana kia Chitokaka ya pisa he keyu hoke.

15. Nana ka ahah! hvsh ai ahnashke, keyukma hatak kanima kv_t Chihowa yvt isht i kana ya i hlakofi yoba na; mikmv_t na homi okpulo hakshish kia offot kohcha cha, hvchi ataklv_{um}mi na lava kv_t isht ai okpula hinla hoke.

16. Anonti hatak hau, micha vbanumpa ik ahobalo ka-

nima kv̄t, Esau yokv̄t ilhpak himonna v̄pa yokak o v̄ttahp̄i nana kv̄t ilap ai immi hatuk v̄t kanchi tok a, chohma hinla kv̄t anta yoba ká.

17. Yohmi ka kaniohmit i himmak okv̄no nana isht ai yukpa he anumpa tok a isha he ai ahni kia, v̄lhpesa ik im ahno tok a hv̄sh ithana; yohmi ka im anukfila h̄a inlv̄cha he yvm̄mak o achunanchit nishkin okchi mihinti hosh asi-hihla ak inli kia, ik ahayucho ki tok.

18. Yohmi ka nv̄nih yvm̄ma potola hinla, micha luak isht luhuwa, hoshonti lusa, micha okhlilika, micha apeli chinto aiena h̄o hv̄sh ona keyu,

19. Yohmi kv̄t isht-pūfa yv̄t ohonla, micha anumpa v̄lhpisa puta isht anumpohonli ma, yvm̄ma okla hv̄t haiyak-lo mv̄t, anumpa yvm̄mv̄t himmakma ilap a isht ik im anum-po ka ch̄i ka asilh̄a tok :

20. Yohmi kv̄t nana im anuhumpa kv̄t kaniohmit v̄lhpesa ahnit okla haponakla he keyu hatok; yohmi ka nan v̄lhpo-ba yak oh kia nv̄nih h̄a haleli hokmv̄t, yvm̄mv̄t tv̄li isht bov̄t illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok :

21. Michā na pisa yvm̄mv̄t isht a nukshopa fehna he v̄lhpiesa hatuk o, Moses v̄t, Sa nukshopa fehna hosh sa wv̄nihinchishke, achi tok :

22. Amba hv̄chishno yv̄to nv̄nih Saion, micha Chihowa okchaya in tv̄maha chinto, Chelusalem v̄ba talaia, micha enchil v̄hleha, a holhtina iksho kamohmi, itahoba chinto ai asha,

23. Michā v̄ttahpi im iksa hohchifo hv̄t v̄ba a holitopa yak o a holih̄iso, micha Chihowa moyuma ka nan im apesa, micha hatak v̄lhpiesa puta imi shilombish v̄t ai ahl̄i toba tok,

24. Michā Chisvs nan it im v̄lhpisa himona ya ai-ahlich̄i, micha issish nan isht o fimmi, yvm̄mak osh Ebel v̄t a yvm̄ohmi tok a nana achukma i shahli h̄o isht anumpuli aiena h̄o hv̄sh ona hoke.

25. Abah ! ahnit yvm̄mv̄t anumpuli ka hv̄ch ik i hapo-naklo ki ná. Yohmi ka yakni paknaka ai anumpuli ka ik i

haponaklo mut hlakofi tok keyu ka, yummvt vba a holitopa yak o auet anumpohonli ho il i filvmmi hokak heto, pi hlakofa he keyu fehna hoke :

26. Yvmmak o im anumpa hosh nitak yvmmak ash yakni ya winalihinchu tok ; amba himonasi kvno yummvt nana anoli kv, Anonti himonna ha yo yakni ak bano keyu, amba vba yakni yak kia winalihinchu li mak inli, achishke.

27. Mikma, Anonti himonna ha yo achi, anumpa ilvppvt nana puta kv winakahancha hinla kvto, toba hatuk osh, ont akshot taha chi ho isht otvni na nana puta kv winakahancha he keyu kak osh asha moma chi hatok.

28. Yvmohmi ka apelihchika yummvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ahli ai vlhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnt kahanchi yoka.

CHAPTA XIII.

Nana ka a yvmihcha he vlhpisa kaniohmi ka anoli, 1 : 7 im vbanumpa isht anumpuli vhleha ha holitobla he i miha : 9 nan ithvnanchi inla hokvno ik i haponaklo he, 16 vbanumpa hv holitopa, hi ahnit nan isht apelvchi : 17 nan vlhpisa ya im antia he aiena ka i miha : mihmv isht aiyopichi kv vba isht anumpuli.

1. ITIBAPISHI it i hullo kv mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvma ai yvmohmi kak osh kaniohmi kv ik ithano kia, enchil a aboha ya ik chukowá im ahni cha apelvchi tok oka.

3. Talakchi puta ka ibai achvfa ho chiyuhmit, micha na palvmmi isht ilbvsha yvma puta ka hvsh ithaiyanashke ; hvchishno yak kia hvchi haknip vt hvchi shilombish ai itifoka moma hokvt.

4. Nan itauwaya yokvt hatak moma ka isht im ai vlhpiesa, micha topa yvt okpulo keyu kv isht a holitopa hoke ; amba itauwaya yvt ik it im ai ahlo puta, micha havi puta aiena kvno Chihowa hv nan im apesa hi oke.

5. Nana hvsh it i kakiohmi kv̄t nana it im anushkunna kv̄t ik hvchim iksho kashke; micha nana kaniohmi hosh hvchim asha hokmv̄t isht hvchim v̄lhpiesashke; yvmmv̄t, Chissv̄t ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak v̄t nana hō sa kanimihcha hinla hokv̄no i sa nvkshopa he keyu, pi nukwaya iksho hosh il acha he bano hoke.

7. Hvchi pehlichy yvmmak oka hvsh itaiyanashke; yvmmak osh Chihowa im anumpa hoka isht hvchim anumpohonli tok; yvmmv̄t na yimmi tok ak o hvsh hobachi cha, nana a kaniohmi tuk ash ai v̄hli ka hvsh anukfihinlashke.

8. Chisvs Klaist okv̄t pilashash kaniohmi tuk v̄t, himak nitak a mih ash inli, micha peh bilia yoke.

9. Nan isht v̄lvchi ilapissa, micha ilaiyuka ka isht hvchi filemoa ná; Chihowa hv̄t isht i kana hak o chukv̄sh v̄t isht ai ahli ka nana achukma hoke: nan ilhpak ak keyu, yvmmak okv̄to yvmma isht ai ahanta kia nana im achukmali tok keyu hoke.

10. Pishno v̄to alta yv̄t p̄i hikia; yvmohmi ka v̄lhtipo chash o nan isht ai ahanta yvmmak okv̄to ai impa im ai v̄lhpesa keyu hoke,

11. Yvmohmi ka anonti nan v̄lhpoa yvmmak o issish o isht nan ai ashvchika ak pulla kak o na holitomp̄a isht v̄tta chinto yv̄t a holitopa ya ishit chukowa hō, nipi ash ot abinanchi ka misha yō a hulukmi beka tok.

12. Yvmohmi ka Chisvs ak kia ilap im issish ak o okla isht kashofa ch̄i kak osh, holihta isht v̄lhkv̄ma misha yō ai ilbvshv̄t illi tok.

13. Yohmi hoka ilap v̄t nan isht hofahya tok chiyuhmi hō ieshi hosh, abinanchi yak o kiloh ia cha kiloh im oná.

14. Ilvppak okv̄no tvmaha chito talaia bilia hi v̄t ik pim iksho, amba himmak v̄la he achv̄fa kak o e hoyo hokv̄t.

15. Yohmi ka yvmmak atuk pulla kak o Chihowa isht a holitopa he pitiv̄lbi isht a waya ka yvmmak o pit il im ih̄sv̄t bilia cha, ilap hohchifo h̄a yak oke ai ahnit, il aiokpachashke.

16. Micha nana achukma isht ahanta cha, vbanumpa nar isht apelvcha he aiena tuk vt hvchimi haksi ná: nana isht it i hullo yvmma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kvv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhaklo keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke; yohmi kvv nan oklvha ka ai isht il akostininchii achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmmak osh nan it im vlpisa bilia issish ak atuk pulla kak o Chukvlpobapoesvchi chinto, pin Chitokaka Chisvs okvt illi tuk a falaminchit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfohkihinchit isht hvchim ai ahlichii ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmmak pulla kak o isht a holitopa yokvt immi bilivt peh biliashke. Amen.

22. Mikvvt itibapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itibapishi Timohli vt ik ia im ahni na ia tuk oka hvsh ithanashke; yvmmvt chekosikma vla hokma, awant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hvv hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HOKE

CHAPTA I.

Na pi palvmmi kvt nan isht il aiyukpa he tuk, 1 ; 3 mikmvt nan isht il ahopoyuksa Chihowa ya il im asilhha he tuk ; 13 nan isht a pi palvmmi kvt na pim ashvchika yvt Chihowa yak o a mintishke, il acha he keyu ; 22 vbanumpa ha im antia yo hvpia hashke. 27 vbanumpa nukfohka ghli kvt nana ha tuk a anoli.

1. CHEMIS, Chihowa, micha Chitokaka Chisvs Klaist in tishu hvt Islael isht atiaka akvshkoa auah tuklo kvt ita fimimpvt kanima moma maya puta ka, pit aiokpvchi hoke.

2. Itibapishi li vhleha ma ! nan isht imomaka pisa ilaiyu-ka puta ka hvsh pihisakmvt, na yukpali i shahli nana kak o hvchim itilauashke :

3. Na hvchi yimmi nan isht imomaka pisa yak osh nuk-tanlvvt achunanchi ya anukfokkichi hoka hvsh ithaiyanashke.

4. Yohmi kia hvchishno vt hvchi aiahli hvchi vlhtaha ka nan isht ik ai ono kvt ik hvchim iksho ka hi a, nuktanlvvt achunanchi yak osh a kaniohmi he tuk vt ont aiahli pul-lashke.

5. Hvsh kanimi kvt isht a hopoyuksa hi vt ik hvchim ik-sho hokmvt, Chihowa hak o, yvmmak osh hatak moma ka ai okpanchit ima, micha nan isht ik mihacho chatuk ak o, im asilhashke. Yohmikma yvmmak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhashke ; kva hosh anuktuklo hokvto, okvta oka

banvtha hō mahli hvt shalit isht ia na poakahanchi kak o chiyuhmi hoka.

7. Yohmi hokvt hatak yummak okvt Chitokaka ya nanasi kia im a habena hi a ik im ahobo kashke.

8. Hatak im anukfila tuklo yvt nana a kaniohmi puta kv̄t fitikahanchi hoke.

9. Il itibapishi hvt ilbvsha yatuk osh holitopa kv̄t na yukpashke.

10. Yohmikma nan in laua yatuk osh akanlosit toba kv̄t na yukpashke: yohmi kv̄t yummak okvt ont iksho kv̄t haiyukpulo pakanli ak o chiyuhma chī hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yummak inli hō chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha, ai ahli hlopulli hokvto na yukpvshke; yummak okvto ai ahlit hlopulli ha yokvto, ai okchaya iachuka holitompa Chitokaka yvt, kv̄na hosh ilap a holitoblikma, ima hi vt miha tok mak o isha hi okvt.

13. Hatak nana kia nan isht anukpvli pisa hokvt, Chihowa hak osh sa nukpvlechi hō, ik acho kashke; Chihowa hvt nan ik vlhpeso ya ishit nukpvla he keyu, mikmvt ilap vt hatak nana kia isht nukpvlecha hi o keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak o, hatak moma kv̄t nukpvli hoke.

15. Yohmi tuk mak o chukvsh nan ahni ash osh chakali mvt, nan ai ashvchika yō cheli hoke; atukma nan ai ashvchika ash osh ont ai vlhtaha hokvto, nan illi hō ikbi hoke.

16. Itibapishi li a holitopa vhleha ma! hvch ik yoshubo kashke.

17. Na hvlbina achukma, micha na hvlbina ai ahli puta hokvto vba ak o a minti; yohmi kv̄t yummak okvt inlv̄t takohli, micha ilaiyuka kia ik im iksho, nan tohwikeli puta Iki ak o a minti hosh aka vla hoke.

18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ahli yo ishit tobahanchi tok.

19. Yohmi hoka itibapishi li a holitopa vhleha ma! hatak moyuma kvt tushpa hosh haponaklokmt, svlaha hosh anumpuli cha, nukhobela mvt svlashashke:

20. Hatak nukhobela im anukfila hvt Chihowa holitobla hi a nukfohkichi chatuk keyu hoke.

21. Yohmi hoka na liteha okpulo puta, micha nan ik ai vlhpeso ilaiyuka puta ma mominchit naksika hvsh bohli cha, anukfila yohbi hosh anumpa hollokechi, yvmmak osh hvchim i shilombish puta okchalincha hi vt im vlhpiesa ka hvsh ihishashke.

22. Yohmi kvt anumpa ha haklo illvt hvchishno inli isht hvchik ile yoshublo kish, amba holitoblit im antia yo hvchia hashke.

23. Kvna hosh anumpa ha haponaklo kia, holitoblit im antia keyu hokmt, yvmmt hatak osh a pisa ya ilap nashuka ak inli ka ai il a pisa ka chohmi hoka.

24. Yvmmak ash ot ilap inli ka ile pisa cha, kanima iakmt, mih mak inli ho hatak kaniohmi atuk ash osh imi haksi chatuk oka.

25. Amba kvna hosh a yuka keyu nan vlhpisa ahli ka pi-hisvt achunanchi hokvto, yvmmt anumpa ha peh haklot imi haksi keyu hatuk osh, amba holitoblit na toksvi isht ahanta hokvto, hatak mihi yosh yakohmit ahanta kvt nan isht ilai yukpa hi oke.

26. Hatak nana hosh hvchi takla anta kvt vbanumpuli yo ahoba kia, ilap isunlush a ik apesacho hosh, amba ilap chukvsh ash inli ka haksichit ahanta hokvto, hatak ilvppvt vbanumpa yimmi kvt im ahli keyu hoke.

27. Na yimmi ahli, litcha ikshot, Iki Chihowa itikba takali kvt, vlla vlhtakla vhleha, micha ohoyo i hatak illi puta aiena ka nana kvt im a palvmmmit aiasha ka, i nowvt aya, mikmt yakni a isht ik ile litchacho aiena ilvppak oke.

CHAPTER II.

Obanvmpuli vt nan in laua ya holitobli cha, anonti itibapishi ilbvsha ya kanimanchi ka vhlpesa keyu, 1; 13 amba i hullot it i nukhakla he tuk; 17 na yimmi kv̄t isht ai v̄ni kv̄t ik im iksho hokv̄to illi yoke; 21 Eblaham na yimmi kv̄t yv̄mma chohmi tok keyu.

1. ITIBAPISHI li vhleha ma! pin Chitokaka Chisvs Klaist Chitokaka holitopa ya hvsh i yimmi kv̄t, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma hō fohka cha, tvli holisso lakna ibbak ushi abeha abehkv̄chi hosh, hvchim ai itv̄naha ya vla ma; anonti hatak ilbvsha mvt nafohka hlipa ya fohka hosh vla;

3. Yohmi hokma nafohka hochukma hō fohka kak ash o hvsh holitobli cha, yv̄mmak ash o, Aiasha achukma ilvppak o binili, hvsh im achi: mikmvt ilbvsha ash o, Yv̄mmak o ish hikiashke; keyukmvt ai asha li nutaka ilvppak o ant ish ashashke, hvsh im achi;

4. Yohmi kv̄t yv̄mmvt hvchishno inli hvsh il iti shahsholechi, micha anukfila ai vhlpesa keyu nan isht im anukfilli yō hvsh toba hō keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshvt aiasha kv̄t ai yimmi ka yō nan isht ai in laua chi, micha kv̄na hosh ilap a holitobli tuk ma, vba apehlichika yō ima hi vt miha tok mak o immi ha chi ka, Chihowa hv̄t atokolichi tok keyu?

6. Amba hvchishno yokv̄to ilbvsha ya hvsh kanimanchishke. Hatak nan in laua vhleha hv̄t hvchishno a hvch ilbvshachit, nan ai apesa kia hallv̄lit hvch isht ohona chatuk keyu?

7. Na hohchifo holitopa yv̄mmak o isht a hvchi hohchifo hatuk ash ik ahobalot okla nanumahanchi keyu?

8. Ūba nan vhlpisa i noshkoboka, Holisso Holitopa vt, Chin chuka panta hatak a ish i hullo kv̄t chishno inli kak o ish itilauechashke, achi kak o, hvsh ai ahlichhi hokmvt, vhlpesa hō hvchi yvmohmi hoke:

9. Amba hatak puta ka itĭ shahsholechi hosh hvsh ah-ninchi hok mvt, hvsh ashvchi; yohmikmvt nan vllhpisa kobvffi mak o nan vllhpisa yash ot isht a hvchi atokowa hoke.

10. Kvna hosh nan vllhpisa ya mominchit ai ahlichĭ hosh, anonti achvfona ka kobvffi hokvt, mominchit kobvffi mak oke.

11. Hvsh itĭ lumaka nā, achi mvt, anonti kvna kia ish bi nā, achi ak inli tok oka. Yohmi ka hvch ik itĭ lumako hoh kia, hatak a ish bi hokmvt, nan vllhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kv, a yuka keyu nan vllhpisa hō kvna hosh nan isht im vllhpisa hi vt kaniohma he vllhpiesa ka, hvsh chiyuhmashke.

13. Kvna hosh inla ya ik ĭ nukhaklo ke tuk okvto, ilap mvt ĭ nukhaklo iksho hō nan im vllhpisvt na palvmmi pisa he; mikma nan ĭ nukhaklo yōkvto nan im vllhpisvt im a palvmmi a ik ĭ nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kv ik im iksho hokvto, yvm-mvt nanta hō isht im ai achukma hinla hō? Ai yimmika illa kv yvma okchalíncha hinla hō?

15. Iksa ibafohka itibapishi, in tek kanima hosh nipi bano cha, nitak yvma nana vpa he kia ik im iksho;

16. Yohmikma hvsh achvfona kv yvmmak ash o haknip a nan isht apelvcha he ai vllhpesa ka hvsh ima keyu nana kia, Hvchi libishvt, hvchi kaiya hosh na yukvvt hvsh itvno-washke, hvsh im achi ka, nanta hō isht ai achukma hinla cho?

17. Yohmi ka ai yimmika yak kia yvmmak inli hō chohmit, na toksvli hv ik im iksho hō, yvmmak illa hokmvt, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi hā is svn otvninchikma, anonti vno vto nana ka isht ahanta li hosh nan isht a sai yimmi kv chim otvninchi lashke.

19. Chihowa hvt achvfa ka hvchi yimmi kv̄t, v̄lhpiesa h̄q hvchi yvmohmishke: nan isht ahullo okpulo vhleha ak kia yimmi cha, wvnihinchi hoke.

20. Yohmi kia ai yimmika yokv̄t, na toksvli hvt ik im iksho yokv̄to, illi mak atuk a, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak a alta pakna vba isht ai okpv̄chit isht ahanta kak osh isht ai v̄lhpiesa tok keyu?

22. Yvmmak okv̄t nan ishi ahanta ka ai yimmika yokv̄t kaniohmit ibai isht ahanta tok, micha nan isht ahanta pulla h̄q ai yimmika yv̄t isht ai ahlit kv̄nia tok a ish akostininchi cho?

23. Micha Eblaham vt Chihowa h̄a i yimmi tok; mihmvt yvmv̄t nan ai v̄lhpiesa h̄a isht im v̄lhpisa tok, achi Holisso Holitopa vt ont ai ahlit tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kaniohmit isht ai v̄lhpiesa ka hv̄sh akostininchishke.

25. Yohmi ka yvmmak inli chohmi hosh ohoyo havi Leah vt nan isht ahanta ilv̄ppa pulla hosh okla yakni pisv̄t aya tuk a pehlichit ishi tuk osh, hina inla h̄a pit tihleli hosh isht ai v̄lhpiesa tok keyu?

26. Hatak haknip vt, shilombish vt iksho hokv̄no, illi yo chatuk a, na yimmi hak kia nan isht ahanta kv̄t ik im iksho hokv̄to, illi ak inli hoke.

CHAPTA III.

Ai o walamp̄li hosh inla ya na kil i miho ka he tok, 1; 5 pisunlv̄sh a il im alv̄mmashke, haknip a ai achvfa kitinosi kia, nan achukma hokmā, ik v̄lhpeso chinto hokmā, nana ka yvmihcha he bano; 13 na hopoyuksa ahlit hokv̄to im anukfila yohbit nanaiya, nukhobela kv̄t ik im iksho chatuk.

1. ITIBAPISHI li vhleha ma! nan isht v̄lhpisa chinto i shahli mak osh pi onv̄tula hinla ka hv̄sh ithana kv̄t, nan ithananchi a lauv̄t hv̄ch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokmv̄t, mihi yosh hatak ai āhli, micha haknip ā mominchit apesahancha hinla hoke.

3. Yakeh! pim antia ch̄i ka issuba itih h̄a kapali ā e fohki chatuk; micha haknip ā mominchit e fullolichi hoke.

4. Yakeh! anonti peni hochito, yvmmv̄t na hochito fehna h̄o mahli kv̄llo hosh shalit isht ihiya kia, apesv̄chi mak osh kanima h̄o ia hi ā ahnikma, isht afana yv̄t iskv̄tinosi kia fullolichi chatuk oke.

5. Yvmmak inl̄i h̄o chohmit isunlv̄sh vt nana iskv̄tinosi ak inli kia, nan aiaka mak ō ai isht il atambli chatuk: mikma yakeh! lv̄ak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi haknip ā ibai achv̄fa hatuk osh haknip ā mominchit okpahani; micha yvmmv̄t ai okpuloka luak mak ō isht libbi hatuk osh, hatak isht ai unchululi puta ka libbichi chatuk oke.

7. Nampoa ilaiyuka, micha hushi, micha nana hosh aka ā ita balv̄lli, mikmv̄t okhv̄ta anuka ai asha puta kv̄to kostini chatuk: hatak isht ai unchululi puta kv̄t yvmmak okv̄no kostininichi chatuk oke:

8. Amba isunlv̄sh ak okv̄no hatak naha hosh kostinincha hi ō keyu; yvmmak okv̄t nan ik v̄lhpeso, kostina hi ō keyu, hatak isht illi banot alotowa hoke.

9. Yvmmak ō Iki Chihowa h̄a isht il ai okpahanchikmv̄t; anonti yvmmv̄t Chihowa h̄a holba hosh toba tok hatak puta kash yvmmak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okpv̄chi, mikmv̄t anumpa okpulo isht mihachi aiena hosh akohonchv̄shke. Itibapishi li vhleha ma! ilv̄ppa puta kv̄t yakohma he tuk ō keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk ō?

12. Itibapishi li vhleha ma! fik v̄pi vt alif v̄ni ȳo v̄na hinla h̄o? keyukmv̄t pak-v̄pi vt fik ō v̄na hinla cho? yvm-

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvta hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chukvsh yohbi hosh nana kvv ai vlhpiesa hv yvmohmi kvv na toksvli ha isht otvnihashke.

14. Amba it i potvno homi, micha itachowa aiena hosh hvchi chukvsh a foka hokmvno, isht hvch ik ilauato, mikmvt nan ghli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvno, micha itachowa aiena kvv ashakma, ai itasheha, mikmvt nana a kaniohmi ik vlhpeso moma aiena kvv yvmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vlhpiesa yohma he aiena kvv alotowa, it i shahsholechi iksho, micha peh il ahobi vt ik im iiksho chatuk oke.

18. Mikma nan ai vlhpiesa vni a nanaiyachi vhleha yvmak osh im anukfila nuktaiyala hosh hohokchi hoke.

CHAPTER IV.

Nan ashvchi il-aiyuka ka ahah! im ahna he i miha, 1; 13 mihmvt nan okchaya ilvppvvt ont ataha kia kil ithano, yohmi hokvt pishno, micha nana hv il, ieshi moma kvv Chihowa hosh nan ai ahni kak a chi ka il im asilhashke.

1. IT in tanampi, micha itibi puta kvv hvchi takla ya takali kvv, katima ko a toba cho? hvchishno hvchi haknip isht ai yukpa he ahni kvv hvchi haknip a a tanahampi kak o a toba ilvppak o keyu?

2. Nana ka hvchi bvna fehna ho kak osh hvch ik esho; hvsh bi mvt, ishi ka hvchi bvna kia, hvsh isha hi o keyushke; itibit it in tanampi aienvt hvsh aiasha kia, hvch ik asilhho kak okvt, hvch ik eshoshke.

3. Hvsh asilhha kia, hvch ik esho ; yummak oka hvchishno hvchi haknip isht ai yukpa he ahni pulla kak o isht yopomot hvsh tahla chi kvt, ai vlhpiesa keyu ho hvsh asilhha hokvt.

4. Hatak havi, ohoyo havi vhleha hvchia hvt yakni anushkunna hokvto, Chihowa ha in tanampi chatuk a, hvch ik ithano cho ? Yohmi hoka kva hoh kia yakni a it i kanvt ahanta chi mak okmvt, Chihowa ha in tenvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ahlo ho hvchim ahobo cho ?

6. Yohmi kia yummak okvto i shahlichit isht i kana ya ima hoke ; yohmi hatuk osh Chihowa hvt ilefehuvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yummak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvt hvch ibbak a hvsh kashofikma, anonti im anukfila mia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke ; yukvvt hvsh ai asha tuk a na yaa tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke ; yohmikma yummak okvt halvllit hvchi wakela chi hoke.

11. Itibapishi li vhleha ma ! hvchishno hvchi bika ya nan it i mihachit hvch ik anumpulo kashke. Kva hosh itibapishi ha na mihachit anumpuli kvt itibapishi hash o anumpa onochi hokvt, nan vlhpisa ak o nanumachi, micha nan vlhpisa hash o kanimanchi mak oke ; amba nan vlhpisa ya ish kanimanchi hokmvt, nan vlhpisa ya holitobli mak o chia keyu, amba nan vlhpisa kanimanchi mak o chia hoke.

12. Nan vlhpisa ikbi vt yummak okvto okchalinchi, micha vbi aiena kvt im ai vlhpesa he bano mak osh achvfa kvt

ashvshke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tmaha yvm-mak o il ona cha, afvmmi achvfa ka yvmmak o ashvvt, nan ita tovt nan isht ahayuchit il ahashwashke, achi hvchia ma!

14. Onna ha nana a kaniohma hi a hvsh ithana keyu kv. Hvchim ilhfiopak vt nanta ho? oka shobulli yvmmak okvt chekosi takla hokvno otvni tuk osh kvnia chatuk a, yvm-mak o itilaui hoke.

15. Yohmi hoka Chitokaka ak osh yvmma ahni hokma, pi okchaya cha ilvppa, keyukmvt yvmma kanima ka pi yvmohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yvmma chohmi puta kv vlhpesa keyu bano hoke.

17. Yohmi hatuk o kvna hosh nana ai vlhpesa ka yohma hi vt ithana hosh, yvmmak ash ik yohmo hokvto, mihi yosh ashvchi mak oke.

CHAPTER V.

Chihowa yvt na palvmmi isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai ithvvt nana kv ik pvlvmmi kia nuktaiyala he tuk; 13 nana kv palvmmi ka anumpa ilbvsha yo anumpohonlikmvt, anonti nana kv isht im achukmakmvt vba taloa isht talohowashke; 16 pishno na kil aiahlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminchit nan ai ahli ka a hilechi aina hi a isht anumpuli.

1. INTA! hatak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shushi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv laknv taha: yohmi kv lakna yvmmak atuk vt nan isht hvchi atokola he; mikmvt luak o chiyuhmit

hvchi nipi a ahampa chi hoke. Nitak hvchim ishtaiyopik mak a hi a hvchim ilayak a hvsh itahobi tuk oke.

4. Yakeh! toksvli vhleha hvchim osapa puta nana ai vmo tuk isht vlhtoba he tuk, yvmmak oka hvchishno ak osh nana ik vlhpesalot falaminchit hvsh ishi tuk a, pahayvshke: yohmikma nan vmo tuk vhleha paya kvv Sabaolh Chitokaka haksobish a ont chukowa hoke.

5. Nan isht aiyukpa il impa in lauvt, haui toba hosh yakni pakna ya hvsh maya tuk: vlhpoba illa chi hokvt ilhpihintat chatuk mak o, itilauechit hvchi chukvsh a hosh ipihintat tuk oke.

6. Hatak ai vlhpiesa yatuk a anumpa onochit hvsh bi tok; yohmi kia yvmmak okvt ik hvchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yvma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot hvchi chukvsh a ai ahlichit hvsh hlampkochashke: Chitokaka vt ai vla he tuk vt atukonofvt taha hoke.

9. Nanasi kia isht hvch ik it i potvno kashke, itibapishi li vhleha ma! yvmmak keyukmvt nana isht hvchim vlhpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopai Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanvt hvsh hobacha chi kvv hvsh anukfillashke.

11. Yakeh! kvna hosh nuktanlvv achunanchi mak o yvmmak okvt na yukpa, il ahni chatuk. Chob vt nuktanlvv achunanchi tok okvno hvsh haklo chatuk: yohmi cha Chitokaka nana ai ahni tok ash hvsh akostininchi: yohmi kvv Chitokaka yvt nan i nukhaklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kaniohmi nana kia vba shutik, keyukmvt yakni, keyukmvt anumpa kvvlo

isht ai vlhpisa inla nana kia anumpa kullo ai isht hvch ik il onoch o kashke: amba yau, hvsh achikma, ik ai ahli; mikmvt keyu, hvsh achikma, keyu mak ashke: yvmmak keyukma nan isht hvchim vlhpisa hvt hvchi on itula hi oke.

13. Kvna kia na palvmmi pisa kvv hvchi takla ahanta cho? yohmikmvt vba pit anumpohonlashke; kvna kia na yukpa kvv asha? yohmi hokmvt vba isht taloa mak o isht taloashke.

14. Kvna kia abeka kvv hvchi takla ahanta cho? yohmi hokmvt ilap ak osh iksa pehlich i hvleha ha hoyashke: yohmikma yvmmak ash osh vba isht anumpulit, Chitokaka i hohchifo ho nan ahama ya okla ahvmmichashke.

15. Yohmi hokma na yimmi hosh vba isht anumpuli pulla kak osh abeka ya hlakoficha he; mikma Chitokaka yvt yvmmak ash tanicha hi oke: mikma nana ho ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmvt hvchi hlakofa chi kvv, vba isht hvsh it im anumpuli pullashke. Hatak ai vlhpiesa hosh na yimmi hosh vba pit anumpohonli kvv nana ka ai ahlich i fehna chatuk oke.

17. Elias vt hatak im anukfila im a kaniohma he vt hvpushno ak inli chohmi tok; yohmi hatuk osh ik umbo ka hi a ai ahli fehnvt vba pit anumpohonli tok; yohmi ma yakni yvmma ik ai umbo ho afvmmi tuchina cha hvshi hannali aiena tok.

18. Yohmi ma anonti yvmmak ash inli hosh vba pit anumpohonli ma, Chitokaka yvt umbachi na yakni a nana kvv a wahaya tok.

19. Itibapishi li hvleha ma! hvsh kanima hosh vbanumpa ha i filvmmi hvsh ya na anonti achvvt nukfohkichit falaminchi hokma,

20. Kvna hosh hatak nan ashvchi vt yoshubvt ataya tuk a nukfohkichit falaminchi hokvt, yvmmvv hatak shilombish a ai illi ya a hlakoficha he; mikmvt nan ai ashvchika laua ho ompohoma he aiena hoka ithaiyanashke.

P I T A

I H O L I S S O V M M O N A H O K E .

CHAPTA I.

Shilombish nan isht i kana laua pulla kak o Chihowa ya aiokpa-hanchi, 1; 10 Hopaii vhleha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. PITA, Chisvs Klaist im apostel okvt i yakni keyu ai it a fimimprt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfoyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kvt ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke :

7. Yohmi kia na hvchi yimmi ka isht imomaka pihisa kak osh holitopa kv̄t, tv̄li holisso lakna okpulo chatuk, yvm̄mak oka luak isht imomaka pisa chatuk ak kia i shahli fehna hokv̄t, Chisvs Klaist vt haiakakma, isht a holitopa, micha annoa chinto aiena kv̄t isht a hvchi otaiyani hokbano ;

8. Yvm̄mak oka hvch ik peso kia, hvsh i hullo ; yvm̄mak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa :

9. Na hvchi yimmi isht vlhtoba ka hvsh ihishi kv̄t, hvchi shilombish isht ai okchaya yak fehna hoke.

10. Ai okchaya yvm̄mak o hopaii vhleha hv̄t a ponahaklo, micha achunanchit hohoyo tok, isht i kana yosh hvchim vla hi oka yvm̄mv̄t tikbanli anohonli kv̄t ;

11. Nitak katiohmi, micha nitak nanta, Chisvs imi Shilombish vt yvm̄mak ash anukfoyuka hatuk vt Chisvs vt isht ai ilbvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yvm̄mak ash o im otaiyani kv̄t, ilap ak atuk ak o yohmi keyu ; amba pishno ak atuk mak o nana ka otv̄nhinchi tok yvm̄mak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok ; nana yvm̄ma puta kash enchil vhleha hokv̄t akostininchi bahana fehna hoke.

13. Yvmohmi hoka hvchi chukvsh a okchv̄lit aiksiachi cha, ahah ! ahnit, Chisvs Klaist vt ant haiakakma, isht i kana yosh hvchim vla hi okv̄t ai ahli bano hosh hvsh hohoyashke.

14. Yohmi kv̄t vlla nan im antia yo hvsh chiyuhmit, tikba hokv̄no nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke :

15. Amba hvsh im antia chi hvchi hōwa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke:

16. Ūno vt nan ai ashvchika ik svm iksho hoka, nan ai ashvchika ik hvch im iksho kashke; achi hosh holihiso hoka;

17. Yohmi ka Iki ak o hvsh im asithha hokmvt, yvm-mak okvt hatak it i shahshohlechi iksho hosh hatak puta kvt ilap a kaniohmi tuk ak o isht im apesa yoka, ilvppa hvsh ai ahanta takla kvt hvsh holitoblashke:

18. Yohmi kvt hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvm-michi kvt nana okpula he tvli hvta, micha tvli holisso lakna chiyuhmi hō isht hvchi vlhtoba tok keyu kvt hvsh ithanushke;

19. Amba Klaist im issish holitopa Chukfvlhpobushi ai okpuloka iksho, micha liteha iksho yak a tok;

20. Yvmmak osh yakni intolahpi vt ik tobo pilla kash o tikbanli vlhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke;

21. Hvchishno yvt yvmmak atuk pulla kak o Chihowa ha hvch i yimmi pulla kvt, yvmmak osh illi tuk a falamin-chit tanichi cha, isht a holitopa ka ima tok oka; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka hō vbanumpa ai ahli ka hvsh im antia hosh, hvchi shilombish a hvsh kashofi hatuk osh, itibapishi vhleha hoka ilahobi keyu hosh isht i shahlichi fehna hosh hvsh it i hullashke;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yo atuklant isht hvsh a toba hoke.

24. Yohmi ka haknip puta kvt haiyukpulo yak o chiyuhmi, micha hatak isht a holitopa moma kvt haiyukpulo pakanli yak o chiyuhmi hoke. Haiyukpulo yash ot bushikma, pakanli yash ot liwelit taha hoke.

25. Amba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvt isht a hvchim anuhumpa hatuk oke.

CHAPTER II.

Nan ik vhlpeso isht im anukfila puta ka naksika bohla chi ka i miha, 1; 5 Klaist akosh tikba intola yo okla ai itabana hatuk a anoli; 11 haknip imma nan isht im anukfila yokvno kano pit kancha chi ka achi; 13 yakni pakna nan apesa maya ka im antia he; 18 yvka hvt kanihmit i nahollo ya im antia hi a ithvnachi.

1. YUMOHMI hoka isht i nukkilli, na haksichi, nan ilahobi, na potvno, anumpa chukushpvli puta a moyuma ka mokofit naksika hvsh boyubli cha;

2. Ullosi himona vta chiyuhmit, yvmmak o isht a hvchi hofahantit ai okchaya ya hvsh ona chi mak osh, vbanumpa pishukchi ai ahli kak o bvna fehnvt hvsh hohoyashke.

3. Chitokaka yvt hvchi kana achukma fehna ho hvsh akostininchi ai ahli hatuk okmvt;

4. Yvmmak okvt tvli okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehnvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chisvs Klaist ak atuk pulla kak o, Chihowa hokvt im vhlpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kv, Yakeh! chukbi in tola tvli vlhtoka, holitopa fehna ho Saion a a bohli lishke: yohmi ka kvna hosh yvmmak oka i yimmi hokvt hofahya he keyu hoke, achi tok.

7. Yohmi hoka yvma i yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli ya ik ahnincho ki tok, yvmmak ash inli hosh chukbi in tola noshkoboka yo toba hoke.

8. Micha ik im antio yo vbanumpa isht ai ibetvbli yvm-mak fehna kak osh isht ai ibetvbla he tvli, micha isht ai

okpula he tvli chito aiena hō, yvmmak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht vta ; oklushi holitopa, Chihowa immi ai ahli fehna hvchia hoke : yohmi ka yvmmak osh hvchi hōvvt ai okhlilika ya a kohehit im atohwikeli chinto ka hvchi foyuki tuk o, ilap isht aiokpahancha he a puta ka otvninchit hvsh anghonla he a tok :

10. Yohmi kv̄t nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukhaklo ka hvsh ishi tuk oke.

11. A holitopa vhleha ma ! nana hvchim ai ahni li kv̄t hatak ik ithano, micha ilap i yakni keyu ai itvnova chiyuhmit, haknip imma nan ahni, yvmmvt shilombish in tanampi yoka hvsh i filahamashke :

12. Nana hvsh a kaniohmi kv̄t achukma hosh vbanumpa ik ithano okla ha iba takla hvsh ahantashke : yohmi na nana ik achukmo yvmihchi chohmichit hvchi sanalit anum-pohonli kia, nana achukma puta hvsh yimihinchī ka pihisakmvt, Chihowa yvt i nowvt aya nitak oka yvmma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : miko yok má moma i shahli yo chohmichit hvsh holitoblashke.

14. Micha nan vlhtoka vhleha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha chi hō, miko yvt atokohonli tok a hvsh holitoblashke.

15. Yohmi ka nana kv̄t ai vlhpiesa hō hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo ná : amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha ha hvsh i hullashke. Chihowa ya i nukshopvt hvsh holitoblashke. Miko yoka hvsh holitoblashke.

18. Yuka hvchia hvt isht a holitopa he vlhpesa ho hvchi nahullo yoka isht hvsh im antia kv̄t achukma, micha im anukfila yohbi aiena kak bano keyu, amba hvch i kv̄llo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlhpiesa kak osh isht a nukhaklo ya vlhpiesa ahnit, ai vlhpiesa keyu ho isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu ho hvsh yvmohmi tuk osh vlhpiesa ahnit, isht hvchi bohowa hokmvt, yummvt nan isht annoa achukma nanta ho? amba nana ai vlhpiesa ho hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vlhtoka tok; pishno ak atuk pulla mak o Klaist ak kia ilbahasha kv̄t, ilap a nohowa tok a il iakaiya he mak o pim abahanchi hatok oka:

22. Yummvt nan ashvchi tok keyu, haksichi kia itih ha foyuka tok keyu:

23. Yummvt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlhpiesa apihisa yak o il im issa tok:

24. Yummak osh nan il ai ashvchika ya ilap haknip fehna ak o ilap inlit il onochi hosh iti ya takali tok: yohmi ho nan ai ashvchika puta il im ihinli hosh, nan ai vlhpiesa ya il im okchaya chi ha tok: yummvt fahama tok ak o isht hvchi hlakofi hoke.

25. Yohmi ka chukfulhpoba tamoa chiyuhmit hvsh itvno-wa tok kia, himonasi kano chukfulhpoba Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kv̄t nan v̄lhpiesa h̄o itim anukfil̄vt ita-
pela he im ab̄vchi, 1; 8 it ī hullot it ibai ach̄vfa he; 14 na pal̄vm-
mi ka isht it ibai il b̄vsha he; 19 Oka falama yvt ik ayo k̄isha ma
okchayvt aiasha tuk ā Klaist vt nan i kanimihchi tok ā anoli.

1. **ANONTI** tekchi hv̄chia hv̄t hv̄chi hatak oka hv̄sh im
 antiashke; yohmi na kanima kv̄t v̄banumpa h̄a ik ahnincho
 hokm̄vt, v̄banumpa hash ik haklo kia, tekchi ak osh nana a
 kaniohmi kak o, yvm̄m̄vt v̄lhpesa ahnit isht anukfohka ak
 inli yoba na;

2. Yohmi kv̄t haui imma ai yvmohmi ik hv̄chim iksho,
 micha hv̄sh holitobli aiena ka pih̄isa kak osh yvmohma hinla
 hoke.

3. Yv̄mma isht shema yvt p̄ashi tanv̄ffo, micha tv̄li ho-
 lisso lakna isht shema, micha na fohka fohka aiena paknali
 isht shema yvm̄mak okv̄no keyu:

4. Amba chuk̄vsh anukaka a toba hatak luma okpula
 himma keyu, anukfila yohbi, micha nuktanla isht shema yo
 fehna yvm̄mak ashke; il̄vppak osh nan ai v̄lli ch̄into fehna
 Chihowa hv̄t ai ahni hoke.

5. Nitak tikba ma il̄vppak o yakohmit ohoyo hochukma
 Chihowa ī yimmi ak inli hosh, isht ile shemahanchi kv̄t, ilap
 ī hatak ā im antia ya tok.

6. Sela ak oh kia Eblaham ā ī shahli hochih̄ifot im antia
 tok: yvm̄mak o ushetik hv̄chia hoke, nana ai v̄lhpiesa ka
 hv̄sh yvmohmi takla, micha isht a nukshopa he kia hv̄ch ik
 ī nukshopo hokm̄vto.

7. Anonti ī hatak hv̄chia hv̄t nana ka ithaiyana hosh ibai
 ahant̄vt, hlampko ik hv̄chi lauwo mak o chiyuhmichit, isht ī
 kana ai okchaya bilia hv̄sh it ibai isha he mak ok̄vt, hv̄chi
 tekchi ā hv̄sh holitoblashke; yohmi h̄o anumpa il̄b̄vsha
 hv̄sh anumpohonli kv̄t ik ai ataklamo kashke.

8. Ai ishtaiyopi ka moyum̄vt hv̄chim anukfila hv̄t ai
 ach̄vfa cha, it ī nukhaklot, itibapishi vt ī hullo chiyuhmit,
 inla ī kanvt chuk̄vsh akanlosi m̄vt aienashke.

9. Micha nana ik achukmo hvchi yvmihchukma, nana ik achukmo y_o hvch ik falamincho kashke: micha isht ik hvchi ahobalokma, isht ik ahobalo y_o hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlhpesa yatok.

10. Yohmi ka kvna hosh, Si okchaya cha, nitak hochukma h_o pihisa li hokbano ai ahnikmvt, isunlvsh oka nana ik achukmo ka i filvmmminchi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlhpiesa yokvno o wakaya, micha haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Micha nana achukma yvmihchi yak o iakaiya vhleha hvchia hokma, kvta hak osh hvchi hotopala hinla h_o?

14. Amba nan ai vlhpiesa yak atuk pulla mak o isht hvsh ilbahasha hokmvt, hvchi yukpa hoke; micha nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; micha ai okchaya pisa la he ai ahnit hvchi anukfoyuka a kaniohmi ka hvchi pono-haklo puta ka anukfila akanlosit, holitoblit anumpa falama ka hvsh ima chi kvv hvch im vlhtaha kak banashke.

16. Isht il akostininchi achukma h_o hvsh ieshashke: yvmohmi h_o nana ik achukmo yvmihchi chohmichit nana ik achukmo isht hvchi anumpohonli kvv, Klaist a anukfoyukvt nana achukma hvsh yvmohmi ka, anumpa ahli keyu hvchi onochi tuk vhleha hvv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma h_o yvmohmi cha, isht ilbvsha kak osh achukma kvv, nana ik achukmo h_o yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vlhpesa yvt ik ai vlhpeso yak o vlhtobvt isht ilbvsha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvt i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvmohma he il apihisvt, Chisvs Klaist illi tok kia falamvt tani tok pulla kak o yvmohmi kak osh pi okchalinchii ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vlla chi kvv olanlosi vla hoka, Klaist iakaiya pullvt nanashvchi issvt ai i filvmmmit itanowa he i miha, 1; 12 nan i palvmmi puta ka hopohlvi.

1. YVMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvvt haknip vt okchaya ai itin takla kvv hatak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai vhlī itīn takla kak kia, hauī imma anukfīllī, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv̄t, vbanumpa ik ithano vhleha nan ai ahni hokvno il a yvmihcha hi yā ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hvch ik ibafohko kak o okokko! ahnit, isht im anukfila hosh nan ik achukmo kia isht hvchi anumpohonli hoke.

5. Yvmmak okvt illi, okchaya aiena ka nan im apesa he im vlhtaiyaha yak o ilap nana a kaniohmi tuk vt il im ai anola hi oke.

6. Yohmi ka ilvppak a he mak o illi tok vhleha yvmmak kia vbanumpa hv̄t isht im anuhumpa ak inli tok; yohmi ma hatak haknip imma nan ahni yokvt nana ka im apihisa kia, Shilombish Holitopa yak osh apelahanchi hō Chihowa yā holitobla hi a tok.

7. Amba nan okluha kv̄t ont ai vhlā chī kv̄t atukonofvshke; yvmohmi hoka nana ka hvsh ile oktambli cha, ahah! ahnit, anumpa ilbvsha hvsh anumpohonlashke.

8. Mikmvt hvchishno inli hvsh itī hullo ai ahli fehna hosh nan okluha ka hvchim i shahli hosh hvsh ieszashke: yohmi ka it i hullo yak osh nan ai ashvchika lava kia ompohoma hi oke.

9. Ik im vlhpesot anumpuli iksho hosh it i kanvt hvsh it apelvchashke.

10. Hatak puta kv̄t isht i kana hvlbina ishi ha tok mvt, yvmmak ash inli hō isht itī apihinla kv̄t, Chihowa isht i kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hv̄t av̄chi kak o anumpulashke; hatak kanima hosh vbanumpuli ilbvsha yā nan isht im ahanta hokmvt, Chihowa hv̄t kanimihchit hlampkochi kak o isht ahantashke: yohmi na Chihowa hv̄t Chisvs Klaist ak atuk pulla kak o nan okluha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa vñleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kv̄t ilap isht a holitopa hokvt otaiyanikma, hvchishno yak kia nan isht il ai yukpa chinto h̄o isht a hvchi yukpa mak a hinla hoke.

14. Klaist hohchifo ak atuk pulla kak o isht ik hvchi ahobalo hokma, hvchi yukpa hoke; yohmi kv̄t isht a holitopa Shilombish, micha Chihowa imi Shilombish vt hvchi onvtuyula hoke; yvm̄vto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kv̄t hatak b̄ika vbi, na hukopa, nan ik achukmo yvm̄ihchi, micha hatak inla nan im a kaniohmi ka ataklv̄m̄mi aiena hokvno chiyuhmit ik hvch ilbvsho kashke.

16. Amba hatak kanima kv̄t vbanumpuli yo chiyuhmit ilbahasha hokm̄vt, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlhpisa yvt ai onvtulvt isht ia chi pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio vñleha ont im ai vñli kv̄t katiohma hi o?

18. Michā ai vlhpiesa yokv̄t palv̄m̄mi h̄o okchaya hokma, Chihowa ik holitoblo, micha nan ashvchi aiena kv̄to katima k̄o ai otaiyana hi oh cho?

19. Yvmohmi hoka Chihowa nana ai ahni h̄o im antia kv̄t ilbahasha vñleha hokvto, nana achukma h̄o ai yvmohmit nana Ih̄ikbi ai āhli yoka ai ahnit, ilap shilombish a iesha chi h̄o, im ih̄isashke.

CHAPTER V.

Chukv̄lhpoba ushi a achukm̄vt vbanumpeshi v̄tta yvt ipihinta chi ka i miha, 1; m̄ihm̄vt itibapishi himithoa yvt nan im antia he, mikm̄vt moma kv̄t il oktamblit yichinut Setan a i sanala he i miha.

1. **UBANUMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanumpuli iksa ibai apesvchi, micha Klaist vt ilbahasha tok puta atokowa anoli, micha na holitopa kv̄t otaiyana hi oka ibai isha he ak inli sia hoke.

2. Chihowa in chukfvlhpoba hvch itin takla ai asha ka hvsh ipihinta kv̄t, yohmi la he atuk okv̄t ik kaniohmi kia ahni keyu, amba yohmi likbano ahnit, ai vhlpiesa keyu isht a hofahya he nan isht ahayuchi bvn̄a keyu, amba hvchim anukfila hv̄t vltaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukfvlhpoba ya nan isht im vlvchi ya he tuk.

4. Yohmi ka chukfvlhpoba apesvchi Miko yv̄t ant il otv-ninchikma, isht a holitopa iachuka okpula himma keyu mak o hvsh isha hi oke.

5. Yvmmak i chiyuhmit himita hvchia hv̄t asvnonchi ya hvsh im antiashke; ahli, moyuma kv̄t hvsh it im antia cha, im anukfila akanlosi ho isht hvsh shemashke: yohmi ka Chihowa hokv̄t ilapunla yano i sanali cha, im anukfila akanlosi yokvno isht i kana ya ima chatuk oka.

6. Yvmohmi hoka Chihowa ibbak hlampko nuta ya hvsh im il akanlosechashke; yohmi na ont ai yvmohma he ai vhlpiesak ma vba hvchi wakeli mak inlashke:

7. Anukfila isht a hvchi komunta puta ka yummak o hvsh onochashke: yohmi ka yvmv̄t hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yv̄t kv̄na kia isht nanvbli bvn̄a kv̄t, hohoyot, koi chito wohoha chiyuhmi hosh nohova hoka.

9. Yvmmak oka na yimma kullo ai ahli hosh hvsh i sanalashke: hvsh itibapishi vhleha yakni ilvppa ai asha hokv̄t, na palvmmi yvmmak o chiyuhmi puta ka pihisa ha tok oka, hvsh ithaiyanashke.

10. Amba Chihowa isht i kana chinto yvmmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kullochit hilechit, hlampkohonchit, chukvsh fitikvchi iksho ho hvchi anukfokihin-chashke.

11. Yvmmak o isht a holitopvt, mikot bilia yvt immit biliashke. Amen.

12. Silfanvs hvsh itibapishi ai ahli ahni li ha tuk osh, anumpa kanomosi ka holissochit ima li ho, isht hvchim ia tok; yohmi kvv nana hvchi miha li kvv, hvsh a hikia yvmmak osh Chihowa hvv isht i kana ai ahli mak o, atokolit hvchim anoli lishke.

13. Ubanumpuli iksa Babulon hikia kvv, hvch ibai vlhtoka ha tok vt hvchi aiokpvchishke; mikma suso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyukashke. Amen.

II. P I T A

I HOLISSO ATUKLA HOKE

CHAPTA I

Nan isht il aiyukpa chinto nan ho vbanumpuli vt isha chi hosh vlt toka ka anoli, 1 ; 5 nan ai vlhpiesa a yvmihcha he moma ka yv mihchi, yohmi pulla hosh ai okchaya pisa chi kv̄t ai ahlichā chi j miha : 14 ilap vt illa chi nitak vt ai vlg hosi ka anoli ; mihmv̄t Klaist i yimmit akv̄llot hiela hi a i miha.

1. SAIMON Pita, Chisvs Klaist im apostel, micha in tishu hokvt pin Chihowa, micha pi Okchalinechi, Chisvs Klaist vt nan aivlhpiesa yvmohmi tok pulla mak o, na yimmi pi holitopa itilauī ka ahayuchi tok vhleha yvmmak o pit aiokpuchi kv̄t,

2. Chihowa, micha Chisvs pin Chitokaka hv̄sh ithaiyana kak osh nan isht i kana, micha isht it i nanaiya aiena kv̄t hv̄chin lauashke ;

3. Yohmi kv̄t ilap ai ahli kak osh nan okluha isht ai okchaya, micha Chihowa isht holitobli imma aiena ka pihima kv̄t, ilap ithv̄na kak osh nan ashv̄chi ik pim iksho hosh isht a holitopa ya e pihisa he mak o, pi atokoli tok :

4. Yvmmak o nana holitopa, micha achukma chinto puta ka isht a pihima ; yohmi kv̄t ilv̄ppak atuk pulla kak o nan okpulo chukv̄sh nan ai ahni yatuk pulla kak o yakni ilv̄ppa ai asha ka hv̄sh i filv̄mmi hosh, Chihowa im anukfila ha hv̄sh ibai isha chi ha tok.

5. Micha ilv̄ppa atuk pulla kak o achunanchi fehna hosh na hv̄chi yimmi ya nan vlhpesali ya isht hv̄sh otv̄nin-

chashke: micha nan vllhpesali ya nan ithana ya isht hvsh otvninchashke.

6. Micha nan ithana ya ile oktamplici ya isht hvsh otvninchashke: micha ile oktamplici ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitobli ya isht hvsh otvninchashke.

7. Micha Chihowa isht holitobli ya itibapishi vbanumpulici it i hullo ya isht hvsh otvninchashke; micha itibapishi vbanumpulici it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kvv hvchi anukfoyuca kvv isht i shahlit lauvv ia hokmvv, pin Chitokaka Chisvs Klaist hvsh ithaiyana kvv, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokmvto, nishkin tamoa hosh mishema pit pisa he keyu, micha tikba ilap nan ai ashvchika yvv i kashofa ha tok vv imi haksi hoke.

10. Yvmohmi hoka na hvchi vllhtoka, micha na hvchim annoa aiena kvv hvchim ai ahla chi kvv ai yiminta hosh hvsh achunanchashke: yohmi ka nana ilvppak o hvsh yimihechi hokmvto, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchici Chisvs Klaist apehliechi ka bilia ya im vltaha achukma hosh ik chvkwá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kvv kvllot hvsh a hikia ak inli kia, hvsh ithaiyana chi ka himonna hvchi anukfohkihinchici li kvv an takoba he keyu hoke.

13. Ahli, vllhtipo ilvppa anukaka ahanta li takla kvv, hvsh ithaiyana chi kak o hvchi anukfokihinchit hvchi okchvli li kvv ilvppvt ai vllhpiesa, ahni lishke.

14. Chekosikma vm vllhtipo ilvppa mokofit boyuhli la chi pulla ithaiyana li kvv, pin Chitokaka Chisvs Klaist ak kia vm otvninchici akinli ha tok ak oke.

15. Yvmohmi hoka a svlli ha kia, nana ilvppa puta ka hvsh ithaiyana bieka hi ak o hvchim ai ahni li kvv achunanchi la hi oke.

16. Pin Chitokaka Chisvs Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana ho il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Svso a holitopa yoke, yvm-mak o nan isht vm vlhpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvni paknaka holitopa yak o e hiel ho, anumpa ilvppv vba yak o minti hosh vla ho e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke: yvmmak oka pula hosh ai okhlili-ka yo hikia chiyuhmi ho hvsh anukfihinli na onnv taha, micha onnahinli fochik vt hvchi chukvsh a a kohcha hi okvt hvchim vlhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni ho nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla ho Shilombish Holitopa yak osh nukfokihinch ho anumpohonli tok.

CHAPTA 11.

Obanumpa ithvnachi ik ai ahlo vt wakaya he, atuk kia yvmmak ashot im antia pit a moma ka Chihowa yvt okpvnit tabla he; amba hopoyuksa vhleha hokvno okchalinya he tikbanli anoli, 1; 10 nan ithvnanchi ik vlhpeso ilvppak ash achukmvt anoli.

1. YOHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kv hvch itin takla ai asha he ak inli; yvmmak okvt isht okpula he ai ahli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehnt isht il onocha hi oke.

2. Mikma lawa kv̄t yvmm̄t nan isht ai okpuloka he ai yvmohmi puta ka hobacha he; yvmm̄t yvmohmi kak o hina ai ahli yv̄t nan isht ik ahobot isht anumpa hi oke.

3. Micha yvmm̄t nan ahayuchi bv̄nna kak osh isht haksichi anumpa ho nan isht itatoba yo isht hv̄ch ikba hi oke; yvmma nan isht im v̄lhpisa tok a hopaki kia sv̄laha he keyu, micha yvmma isht ilbv̄sha hi vt nosilhha keyu hoke.

4. Yohmi ka Chihowa yv̄t enchil v̄hleha hv̄t nan ashv̄chi ma ik il atombo hosh, amba ai okhlilika tv̄li itatakvi isht takchi cha, ai okpuloka ya pit ashachi kv̄t yvmma ai asha na nan v̄lhpisa hi vt ai ona hi a tokma;

5. Micha yakni vmmona ka ila tomba tok keyu, Chihowa holitobla he keyu v̄hleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai v̄lhpiesa isht anumpohonli yano okchalinchi tok.

6. Chihowa ik holitoblo himak a pilla ai asha he ak osh isht im v̄lv̄cha hi o ih̄kbi hosh, tmaha hochito Sotom micha Komola ita tuklo ka hushmit hituk chubbi banochi kv̄t, okpulo ai ahli mak o im apih̄sa tok.

7. Mihm̄t hatak achukma Lot okv̄t, hatak haksi nan a kaniohmi liteha ya isht nukh̄klot ik im achukmot ahanta tuk a, a hlakofichi tok.

8. Yohmi ka hatak ai v̄lhpiesa yvmm̄t yvmma ai itin-takla ahantv̄t, nana ka pih̄sa, micha hah̄klot, nan ai v̄lhpiesa keyu ai yvmohmi kak o onna hosh onnakma ch̄kv̄sh vt isht a hotoyupa tok:

9. Chitokaka yokv̄t Chihowa i hullo yokv̄no isht imomaka pisa ya kanimih̄chit akohechi kv̄t ithana; micha ai v̄lhpiesa ka yvmih̄ncha he keyu yokv̄no kanimih̄chit ishi na nan im v̄lhpisv̄t isht ilbv̄sha ch̄i nitak vt ai ona hi oka ithana hoke:

10. Micha haknip isht ai yukpa anuksitia hosh ch̄kv̄sh nan ai ahni kak bano iakaiya, micha nan v̄lhpisa yo ik holitoblo aiena kak fehna ho kak heno i yvmih̄cha hi oke.

Ilapunla, ilap nan ai ahni kak bano, nan vlhtoka puta ka nan isht ik ahobalot anumpuli kvt ik nukshoposhke.

11. Yohmi kia enchil vhleha hokvto isht ai ahli, micha isht hlampko aiena kvt yvmma i shahli fehna kia, Chitokaka itikba ya isht ik ahobalo anumpa kia yvmma ai onochi keyu hoke.

12. Amba ilvppvto nampoa nan ithana keyu ilap nan ahni bano hosh itvnowa ka, ishit okpva hi o toba tok chiyuhmit nana ka akostininchu keyu kvt, isht ik ahobalot anumpulishke; yohmi kvt ilap im anukfila okpulo nan isht ai yvmohmi kak osh isht ai okpulot kvnia chi hoke:

13. Micha yvmmvto nitak kia nan impvt, nan ishkot isht a havi kvt nan isht ilaiyukpa yo im ahobvt ai asha kia, nan ai vlhpiesa keyu ai yvmohmi isht vlhtoba ka isha chi hoke: yvmmvt na liteha okpulo, na hofahyali yosh yvmmvt hvch ibai impa itin takla kvt na haksichi kak osh nan isht ilaiyukpa hoke:

14. Yohmi kvt nishkin mvv isht a havi yak osh alotowa, micha nan ashvchi kvt issa keyu hosh, hatak im anukfila fitikvchi ya haksihinchu hoke; micha nan ahayuchi bvna atampa isht ai yvmohmi puta ka chukvsh isht a toksahanli hosh, isht ai ilbvshvt onvtula he vlhpiesa vlla vhleha hoke.

15. Yvmmak okvt hina ai vlhpiesa issa cha, yoshubvt kvnia hosh Boso ushi, Belam, yvmmvt nan ai vlhpiesa keyu isht vlhtoba yak o anuksitia hosh nan a kaniohmi tok ak o iakaiya hoke:

16. Yohmi kia Belam ash ot nan ai vlhpiesa keyu yvmohmi kvt ik vlhpieso ka im otvvinchi kvt, issuba haksobish falaia anumpula he keyu kia, hatak im anumpa ho anumpuli hosh, hopaii im anukfila tasimbo yash im olvbi tok.

17. Ilvppvt kveli oka iksho puta, micha hoshonti ha apeli vt isht aya mak oke: yvmmak okvno okhlili chinto yak osh immit bilia hi osh takali hoke.

18. Yohmi ka yvmmak okvt nan isht ik ahobo isht anumpa ilauatvt anumpohonlikmvv, haknip imma nan ahni, micha havi anukfilli isht alotowa kak osh nan ashvchi aiasha

yvmma yakosi itin takla hō ai i filvmmi tok ash yvmmak o haksihinchī hoke.

19. Ilap ai ahni hosh nana ka yvmmvt yvmohma he im ihisa ak inli kia, ilap ak okvto nan ai ashvchi yak o chukvsh okpulo ai yvmohmi yak o i yuka vhleha hoke: yohmi ka kvna hosh hatak a imaiyachi hokma, yvmmak ash inli hō i yuka toba chatuk oka.

20. Yohmi ka pin Chitokaka, micha pi Okchalinchī Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yvmmak ash inli hō isht ai apakfovt isht ai imaiya hokmvt, yvmmvt ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yvmmak okvt nan ai vlhpiesa hina ya ik ithano hatuk mak osh im achukma kvt yvmma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yvmmak okvt nan isht vlhpisa ai ahli hō ai yvmohmishke; yohmi ka, Ofi yvt hoita kash osh falaminchit vpvshke; mikma, Shukba tek vt vlhchifa kash osh, falamvt lukchuk a oka tonolishke, achishke.

CHAPTER III.

Nan vlhpisa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoykvt anumpuli mvt nan ashvchi ikshot holitovt itanowa chi ka i miha.

1. **A** HOLITOPA vhleha ma! ilvppvt holisso atukla mak o himonasi ka pit hvchi holissohonchi li kvt, ita tuklo ka nana ka isht hvsh ithaiyana chi hō hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchī im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha chukvsh nan ahni iakaiya puta kv̄t ont ai ishtai-yopi nitak puta ka vla hi oke;

4. Mikm̄t, Yvm̄m̄t vla he anumpohonli tok m̄to kati-mak o? hatak tikba v̄hleha hv̄t nusi tok takla ha ya, nan okluha hokvto tikba vm̄mona tok ash osh imom̄t mahaya loka, ahancha hi oke.

5. Yohmi ka ilv̄ppa ithvna ik b̄vno hokv̄t, hopaki pilla kash vba yakni okv̄t Chihowa im anumpa hak o isht atoba tok, mihma yakni ilv̄ppv̄t oka akohcha cha, itin takla talaia tok:

6. Yvm̄mak o yakni yvm̄mak atuk vt oka yosh isht ompoholmot kv̄nia h̄o, isht ai okpulot kv̄nia tok.

7. Amba vba shutik, micha yakni ilv̄ppa ita tuklo hokv̄no Chihowa im anumpa yvm̄mak ash inli hosh Chihowa ik holitoblo hatuk puta kv̄t ai okpulot kv̄nia ch̄i nan v̄lhpisa nitak mak o lua he ai ahni hosh achukmalit ieshi hoke.

8. Amba a holitopa v̄hleha ma! nana achv̄fa ilv̄ppa hv̄ch ik ithano ki ná, yohmi kv̄t nitak achv̄fa kv̄t Chitokaka yokv̄no afv̄m̄mi tahlepa sipokni achv̄fa ka im itilau; micha afv̄m̄mi tahlepa sipokni kv̄t nitak achv̄fa ka im itilau hoke.

9. Chitokaka yokv̄t nana ka im ih̄isa tok vt, a sv̄laha hatak kaniohmi kv̄t ahni kia, sv̄laha keyu hoke; amba p̄i nukhaklo hosh p̄i sv̄laha kv̄t, achv̄fona kia okpunlot ik kv̄nio hosh, amba moyuma kv̄t ile kostininha he, im ai ahni hoke.

10. Yohmi kia Chitokaka i nitak okv̄t, ninak anukaka yo na hukopa yvt aya chatuk mak o, chiyuhmit vla hi oke; yvmohmikma shutik moma kv̄t nan ola chinto h̄o isht ai okpulot ont ai iksho ka he, mikma fochik moma kv̄t luak lv̄shpa fehna h̄o isht a hv̄t bihinlakma, yakni, micha nan okluha ai vlhtaiyaha puta tuk vt hv̄t taiyaha hi oke.

11. Yvmohmi ka nan okluha ilv̄ppv̄t ont ai v̄h̄lit kv̄nia ch̄i hoka, hatak kaniohmi hosh nana a kaniohmi puta ka nan ai ashv̄chi iksho hosh Chihowa holitoblit hv̄sh ai asha hi atuk o?

12. Micha Chihowa i nitak vt vlakma, vba shutik moma kv̄t lua hatuk osh ont ai v̄h̄lit kv̄niakma, fochik moyuma kv̄t

luak lvshpa fehna hō isht a luvt bihinla he, yvmmak o ho-
hoyot tushpvt hvsh mahaya hokvt.

13. Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vlhpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
naiya hō, hvsh im otaiyana hi vt hvsh achunanchashke.

15. Mikmvt pin Chitokaka yvt ilbvshala chi kvt svlaha
kvt isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchī hō hvchi holissohonchi tok:

16. Yohmi kvt holisso ihikbi puta kvt nana ilvppa moma
ka isht anumpohonli ak inli hatok okvt; yvmmak oka nana
kaniohmi kvt akostininchi kullo kvt ai asha, yvmmak oka nan
ik ithano, micha anukfila apissali iksho aiena hokvto ilap isht
ai okpula chi kvt anumpa holitopa inla ka yvmihinchī hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt ahah! hvchik ai ahnokmvt,
hatak nan vlhpiesa ik holitoblo isht ai yoshuba ya isht ai
yoshubvt isht a hvchi yimmi kullo kash i filvmmī chi
tula ná.

18. Amba isht i kana hvchi anukfokvt hvsh yvmohmi kvt
i shahlichit mahayvt, pin Chitokaka pi Okchalinchī Chisvs
Klaist a hvsh ithaiyana kvt i shahlichit hvsh mahayashke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTER I.

Klaist a isht anumpuli, mihmvt yvmma anonti Iki itatuklo ka ibachv fvt nan im anukfila he miha, 1; 5 nan ib achvfa ilvppa yakohmi kvv nan isht il aiyukpa hokmvt, atohwekinli ka il ai itanowa he; 9 mikmvt na pim ai ashvchika puta ka il il anohonlikma, pi ka-shofa hinla.

1. AI okchaya anumpa yvmmak osh vmmona ka ahanta tok mak o e hahaklot, pi nishkin a isht e pihisvt, il o hopo-kohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atokowa anolit, Ai okchaya bilia yvmmvt Iki a takla ahanta chatuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka e pihisa tuk, micha e hahaklo tuk aiena kvv e hvchim anoli hoke: yohmi kvv pishno vt Iki, micha Ushi Chisvs Klaist aiena kak o il ibai achvfa mvhli hoke.

4. Mikmvt nana a hvchi yukpvt alotowa he mak o, yakohmi ka pit e hvchi holissochishke.

5. Yohmi ka Chihowa yvt tohwikelika, micha yvmma okhlilika yvt atakali iksho kvmohmi aiena ilvppak o anumpa yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai okhlilika yo il itvnowa hokmvt, e holabi; micha nan ai ahlika mvno a pi yvmohmi keyu hoke.

7. Amba yvmmak okvt atohwikelika yo anta hoka, pishno vt atohwikelika yo il itvnowa hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmvt, peh il ile haksichi: micha nan ai ahlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ahli achukmvt, ai vlhpiesa hatuk osh na pim ai ashvchika ya pi kanvllichi; micha nan ik ai vlhpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmvt, yummak oka holabi il ikbi; mikma im anumpa hvv pi anukfoyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahli Chihowa ya ithana hokvto im anumpa vlhpisa ya holitobli hoke. 9 Pitibapishi ha il oh i hullashke; 15 yohmikmvt yakni imma hokvno keyu kashke; 18 na yoshubli a ahah! il im ahvashke.

1. UM vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yummak osh na pim ai ashvchika ya, vlhtoba kvv pish-no pimmi hak bano keyu, amba yakni moma nan ashvchi aiena ka okluha vlhtoba mak oke.

3. Micha im anumpa vlhpisa yak o e holitobli hok mak osh, yvmma il ithaiyana ho mvhli kvv isht il akostininchi hoke.

4. Kvna hosh yvmma ithana li, achi hosh, anonti im anumpa vlhpisa ya holitobli keyu hokvto, holabi; micha nan ai ahlika yvt anukfoyuka keyu mak oke.

5. Amba kvna hosh yvmma im anumpa ha holitobli hokvto, mihi yosh Chihowa ya i hullo ai ahli fehna hoke. Ilvppak o yvmma il ibai achvfa kvv isht il akostininchi hoke.

6. Kvna hosh yummak oka ai iba foyuka, miha hokvto, ilap mak kia, yvmvvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vlhpisa himona nana h_o pit hvch_i holissochi li keyu; amba anumpa vlhpisa sipokni vmmona kash inli h_o hvchin tonlv_t isht auehinch_i tok ash oke. Anumpa vlhpisa sipokni vt anumpa vmmona kash inli h_o haklot isht hvsh auehinch_i tok ak oke.

8. Ai okhlilika yvto ant ia ma, himak okvno tohwikel_i ahli mak osh tom_mi hoka, anonti anumpa vlhpisa himona, yvmmak okvt ilapo, micha hvchishno aiena hokvno ahli mak o pit hvch_i holissochi lishke.

9. Kvna hosh atohwikelika y_o anta li, achi cha, itibapishi h_a i nukkilli kv_t, himonasi ak kia ai okhlilika y_o aya moma hoke.

10. Kvna hosh itibapishi h_a i hullo hokvto, mihi yosh atohwikelika y_o ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi h_a i nukkilli hokvto, ai okhlilika y_o ahanta cha, ai okhlilika y_o noh_owa; yohmi ma okhlilika kv_t nishkin a tvm_moli hatuk o, kanima y_o ia kv_t ithana keyu hoke.

12. Vlla chipunta hvchia ma! yvmma hohchifo pulla h_o na hvchim ai ashvchika yvt isht a hvchi kashofa hatuk oka, pit hvch_i holissochi lishke.

13. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvch_i holissochi lishke. Vlla chipunta hvchia ma! Iki a hvsh ithaiyana hatuk oka, pit hvch_i holissochi lishke.

14. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv_t a hvchi anukfoyuka, micha nan okpulo atukma hvsh imaiyachi aiena hatuk oka, pit hvch_i holissoch_i li tuk oke.

15. Yakni a, micha nana kv_t yakni paknaka a_sha ka hvch ik i hullo kashke. Hatak nana hosh yakni a i hullo hokma, Iki i hullo kv_t yvmma anukfoyuka keyu hoke.

16. Yakni asha kvto moma, haknip nan isht anushkunna, micha nishkin nan isht anushkunna, mikmvt yakni pakna nan ai isht ilefehnvchi aiena kv Iki ak o a minti h_o keyu; amba yakni ak o a minti hoke.

17. Micha yakni vt, mikmvt nan ai isht anushkunna aiena hokvto, ant ayvt kvnihiya hoke; amba Chihowa nan aiahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt aya hi oka, hvsh haklo tok mak o, himonasi ak kia Klaist im asanali vt lauvt aiasha; yohmi h_o ont ai ishtaiyopi ka isht il akostininchishke.

19. Yvmmak ash ot a pi filvmmmit kocha wiha tok; yohmi kia yvmmt a hvpi bai achvfa tok o keyu hoke; yvmmt pishno ak o a hvpi bai achvfa tok okmvt, a hvpi bai afoka na bilia he tuk pulla chishke: amba yvmmt moma kak osh a hvpi bai achvfa h_o keyu hatuk vt otvna ch_i kak osh a hvpi filvmmmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li h_o keyu, amba yvmma micha holabi hv achvona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi y_o? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmvt, yvmmak osh Klaist im asanali mak oke.

23. Kvna hosh Ushi a i yimmi keyukmvt, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmona tok yvmmt a hvchi anukfoyukashke. Nana ka hvsh haklo vmmona tok yvmmt a hvchi anukfoyuka hokma, hvchishno mvt Ushi, mikmvt Iki aiena ka hvsh ai ibafoyuka hi oke.

25. Micha nana miha kv ai okchaya bilia ilvppak o pim issa tok oke.

26. Na hvchi yoshubli vhleha h_a ai immvchi kv yakohmi kak o pit hvchi holissochi li tuk oke.

27. Amba yumma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yummak asl inli kak osh nana moma ka a hvchim abvchi kv̄t ai ahli, holabi keyu; yohmi ka na hvchim abvchi tuk ash fehna ka yumma hvsh ai ibafoyuka hi oke.

28. Yohmi ka inta! vlla chipunta ma! yummak o hvsh ai iba foyukashke; yohmi tuk o yummak ash ot ant haia-kakma, il anukcheto cha, mihintikma itikba ma a ik pi hofahyo kashke.

29. Yummak okvt ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yummak o isht a toba yo hvsh akostininchishke.

CHAPTA III.

Chihowa yvt ilap ushi yo pihikbi kv̄t pi hullo fehna, 1; 3 yvmohmi hoka i nan vlhpisa ya e holitoba he tuk; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv̄t a kaniohmit hv̄p i hullo tok a ho pesá: yohmi hatuk o yakni vt pishno a ik hv̄p ithano; yumma ik ithano tok okvt.

2. Holitopa vhleha ma! himak okvno Chihowa ushi hv̄pia, yohmi kia e kaniohma hi a himonasi kano ik otano kishvshke; amba yummak osh ant haiakakma, pishno vt yummak o e holba hi vt il ithana, yummvt kaniohmi hatuk ma e pisa hi okvt.

3. Yumma anukchieto hosh si yakohma he ahnit, yummak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv̄t anumpa vlhpisa ma kobvffi hoke: nan ai ashvchika yak osh anumpa vlhpisa ya kobvffi hoka.

5. Yohmi ka yummak okvt pim ai ashvchika ya isht hv̄pi kancha chi mak osh ant haiaka tok a hvsh ithana; mieha yumma ai ashvchika nana hosh atakali keyushke.

6. Kuna hosh yumma ai iba foyuka hokvto ashahanchi chatuk keyu; kuna hosh ashahanchikmut, yumma pisa tuk keyukmut, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a yvmohmi hosh ahantakmut, ai vlhpiesa kv, yvmmut ai vlhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmmona mak inli ho ashvchit isht auehinchit tok oka. Setan vt nan ai isht vta tok puta ka okpvna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokvto ashahanchi chatuk keyu: yumma i na nihi vt anukfoyuka hatuk o; micha yvmmak okvt Chihowa ak o isht a toba hatuk okvt, ashahancha he keyu hoke.

10. Ilvppak o Chihowa im vlla vhleha, mikmut Setan im vlla vhleha aiena kv isht ai otvni hoke: kuna hosh nan ai vlhpiesa ya a yvmohmi keyu, mikmut itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilvppak o vmmona mak inli ho hvsh habaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Micha nanta katiohmi ho yumma vbi tok o? Ilapo nana a kaniohmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vhleha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vhleha ha il i hullo hatuk osh, ai illika ya a kohchvt ai okchaya ya il ona kv il ithanvshke. Kuna hosh itibapishi ha i hullo keyu hokvto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfioyak a isht pi atobbi tok a ilvppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha ha pim ilhfiopak a isht il atobba he vlhpesa hoke.

17. Amba kvna hosh yakni ilvppa nana isht il ai yvkpa vt im asha; yohmi hosh itibapishi hv ilbvsha hō pisa kv, yvmmak ash i nukhaklo iksho; yohmikma Chihowa i hullo kvto katiohmit yvmma anukfoyuka hinla cho?

18. Ūm vlla chipunta ma! anumpa, micha isunlvsh aiena kak bano hō ishit kiloh it i hullo kashke; amba nan isht ahanta, micha ai ahli mak ashke.

19. Michā ilvppak o nan ai ahli ka ya il ibai achvfa kv isht il akostininchī; mikmvt pi chukvsh a nukhtalanlit itikba ya il asha hi oke.

20. Pi chukvsh vt isht pi atokoli hokma, Chihowa ho kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokmvo, Chihowa ya il ai nanaiya mak oke.

22. Michā im anumpa vlhpisa ya e holitobli, mikmvt nana ka ilapvt ai ahninchī ak o a pi yvmohmi aiena hatuk osh, nana hō il asilhha kv, yvmma il ai i habena chatuk oke.

23. Yohmi kv yvmmak a hi o, anumpa vlhpisa ha pima tok oka, Ushi Chisvs Klaist hohchifo ha pi yimmi cha, it i hulla he aiena ilvppak osh im anumpa vlhpisa mak oke.

24. Michā kvna hosh im anumpa vlhpisa ya holitobli kv, yvmmak o ai ib achvfakma, ilap mvt yvmma ai ibai achvfa hoke: micha yvmmvt a pi nukfoyuka kv, yvmmvt Shilombish pima tok ilvppak o isht il akostininchī hoke.

CHAPTER IV.

Nan ithvnanchi moma kak o i yimma he keyu amba Chihowa im anumpa hō isht inomaka pisa hi a i miha, 1; 7 nana hosh kaniohmi kak o il it i hulla hi a lauachit nan isht miha.

1. **HOLITOPA** vhleha ma! hopai ilahobi lauvt yakni a atiapa hatuk oka, shilombish a uhvlinchit hvchi yimmi

na; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip asha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip asha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yummvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokmvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmvto shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchi-ka yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pī hullo kv̄t yak ohmi tok okma, pishno ak kia iloh it ī hulla he v̄lhpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it ī hullo hokma, Chihowa yvt hv̄pi anukfoyuka; yohmikma yv̄mma il ī hullo kv̄t ai ah̄li mak oke.

13. Yv̄mmak okvt imi Shilombish a ai isht pima tok oka, pishno vt yv̄mma il ibai achvfakma, anonti ilap mvt pibai achvfa ka ilv̄ppak o isht il ai akostininchī hoke.

14. Micha pishno vt e pih̄sa mak osh yakni a okcha-
linchi a he Iki vt Ushi a auet kanchi tok a atokowa il anohonlishke.

15. Kv̄na hosh Chisus vt Chihowa ya Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pī hullo ka il akostininchī, micha pī yimmi aiena tok. Chihowa vt nan ī hullo hoke: yohmi ka kv̄na hosh nan ī hullot ahanta hokvt, Chihowa ak o ai ib anukfuyukakma, anonti Chihowa mvt ilap a ai ib anukfoyuka hoke.

17. Nan v̄lhpisa nitak fehnakma pī nukwaya iksho ka he vt ilv̄ppak o nan il ī hullo kv̄t isht ai ah̄li hoke: ilap vt kaniohmi ka, pishno mvt yv̄mmak inli hō chohmi hosh yakni ilv̄ppa il āsha hokvt.

18. Nan ī hullo ka nukshopa hv̄t iksho hoke; amba nan ī hullo ah̄lika yvt nukshopa h̄a kohchit kanchi yoke; na nukshopa hv̄t issikkopali yoka. Kv̄na hosh nukshompa hokvto nan ī hullo kv̄t ai ah̄li hō keyu mak oke.

19. Ilap ak osh tikba pī hullo tok oka, pishno vt yv̄mma il ī hulloshke.

20. Hatak vt Chihowa ya ī hullo li, achi hosh anonti itibapishi h̄a ī nukkilli hokmvt, yv̄mmvt holabi yoke. Itibapishi h̄a pisa kv̄t ik ī hullo kv̄to, anonti katiohmi hosh Chihowa pisa chatuk keyu kv̄t yv̄mma ī hulla hinla cho?

21. Kv̄na hosh Chihowa ya ī hullo hokvto, itibapishi ma ī hullo ak inla he anumpa v̄lhpisa ilv̄ppa yv̄mmak osh pima tok oke.

CHAPTA V

Kvna hosh Chihowa ya i hullo kv̄t i nan v̄lhpisa ma holitobli cha yv̄mma im v̄lla puta ka i hullo hoke, 1; 7 nan atokowa yv̄t tu china hosh v̄ba ya aiaasha; 8 mikma tuchina makinli hosh aka ya aasha; 9 Chihowa ushi Chisvs vt pi okchalíncha hinla kv̄t im v̄lhpiesa.

1. KUNA hosh Chisvs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokmv̄t, ilvppak o Chihowa im v̄lla v̄hleha ha il i hullo kv̄t isht il akostinínchi hoke.

3. Im anumpa v̄lhpisa ya e holitobli ilvppak osh Chihowa i hullo mak oke; micha im anumpa v̄lhpisa yv̄t a palv̄mmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilvppak oke.

5. Kv̄ta hosh yakni a imaiyachi cho? amba Chisvs vt Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok vt Chisvs Klaist ilvppak oke: oka yak o illa keyu; amba oka, micha issish aiena tok. Mikma Shilombish ak osh ai ahli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya aasha, Iki, micha Anumpa, mikmv̄t Shilombish Holitopa aiena kak oke; mikmv̄t tuchina ilvppvt achv̄fa hoke.

8. Yohmikma tuchina hosh nan atokoli kv̄t yakni a aasha, Shilombish, micha oka, mikmv̄t issish aienv̄shke; mikmv̄t tuchina ilvppvt ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilvppak oke.

10. Kuna hosh Chihowa Ushi ya i yimmi hokvto, nan isht atokowa kv̄t ilapo inlit anukfoyyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yv̄mma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoyyuka hokvto, ai okchaya ya ishi hoke; mikma kuna hosh Chihowa Ushi yvt ik anukfoyyuko hokvto, aiokchaya yvt ik im ikshoshke.

13. Chihowa Ushi hohchifo ha yimmi v̄hleha hv̄chia hv̄t ai okchaya bilia yvt hv̄chin takanli kv̄t hv̄sh ithaiyana chi, mikmv̄t Chihowa Ushi hohchifo ha hv̄chi yimma chi aiena kak o na yakohmi ka pit hv̄chi holissochi li hatuk oke.

14. Nana ka ilap nan ai ahni ka ya pit ai v̄lhpesa ho isht ai il im asilhv̄chi hokma, pi haponaklo pulla ka ilvppa pi yimmi hoke.

15. Micha nana ho il im asilhha ka, pi haponaklo ka il akostininchi hokmv̄t, anonti nana ho il im asilhha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashv̄chi kv̄t isht ai illa he keyu ho isht ai ashv̄chika pisa hokmv̄t, yv̄mmak ash ot asilhha na isht ai illa he keyu yo isht ai ashv̄chi tuk v̄hleha hash yv̄mmv̄t ai okchaya ya ima hi oke. Isht ai illa he ai ashv̄chika yvt takanlishke; yohmi hokvno v̄ba pit isht anumpula hi a ak mihoshke.

17. Nana ai v̄lhpesa keyu vt aiashv̄chika yo banoshke; yohmi ka isht ai illa he keyu nan ai ashv̄chika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithanv̄shke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yv̄mmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai v̄lhpeso banot talaia ka iloh ithanv̄shke.

20. Micha Chihowa Ushi vt vla cha, yummak osh nan ai ahli ka mak atuk ash il akostininha chi ka, nan isht akostinichi a pi anukfoki tuk a iloh ithanvshke; yohmi ho pishno vt yummak osh nan ai ahli ka mak atuk Ushi Chisvs Klaist a il ai ibai achvfa hoke. Ilvppak osh Chihowa ai ahli, micha ai okchayvt bilia mak oke.

21. Ulla chipunta ma! na holbvt toba ya hvch ik ai ahalaio kashke. Amen.

CHAN

I HOLISSO A TUKLO HOKE

Nan isht ai i hullo a kvllot achunancha chi ka ohoyo holitopa, im vlla aiena ka i miha, 1; 10 Klaist im vbanumpa ha isht aya keyu yvt na yoshublichy yoka yvmma hvchik ahalaio kashke.

1. **UBANUMPESHI** sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ahli hosh i hullo li chatuk; mikmut vno ak bano chatuk keyu; amba nan ai ahli ka akostininchy tuk okvto i hullo ak inli chatuk;

2. Nan ai ahli ka yvt a pi nukfoyuka kvv a pi nukfoyokvt bilia chi pulla ho yvmohmi hoke.

3. Hvch i hullo li ai ahli mak osh Iki Chihowa, mikmut Iki a Ushi, Chitokaka Chisvs Klaist ita tuklo a mihinti nan isht i kana, mikmut ai i nukhakloka, micha nan isht it i nanaiya aiena kvv hvchi anukfoyuka hi a ahni lishke.

4. Anumpa vlhpisa Piki vt pima tok mak o, chim vlla vhleha hvv nan ai ahli ka mak o ai itvnova na pisa li kvv, sa yukpa fehna tuk oke.

5. Yvmohmi ka ohoyo ma! anumpa vlhpisa himona nana ho pit chi holissochi li ho keyu: amba vmmona mak inli ho hvpin tonla tok ash iloh it i hulla he yak o chim ai ahni lishke.

6. Micha im anumpa vlhpisa yak o ai iakaiyvt il itvnova ilvppak osh nan i hullo mak oke. Ilvppak osh anumpa vlhpisa mak oke; vmmona mak inli ho hvsh hahaklo tok vt, yvmmak o hvsh ai itvnova he tuk oke.

7. Na yoshubli laua kvv yakni a atiapa cha, Chisvs Klaist

vt haknip asha hosh vla tok a atokowa anoli keyushke. Il-
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk
vt ik hvp i kvnio hosh, amba ai vlhtoba vlhpiesa ka iloh
ishashke.

9. Kvna hosh ashahanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa ho
keyu hoke. Kvna hosh Klaist im anumpa ha afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kvv ayvt hvchim vla kvv, anumpa ilvppak o
isht aya keyukma, hoyot hvchim aboha ya hvch ik chuko-
wachokmvt, hvch ik ai okpacho kashke.

11. Kvna hosh yvmma ai okpvchi hokvto, nan ik vlhpeso
a yohmi ya pit ahalaia mak oke.

12. Nana ka pit chi holissochi la hi vt lauvt asha; yoh-
mi kvv holisso tohbi, micha isht holissochi okchi aiena ho
isht a pit holissochi la he keyushke; amba nashuka bika it
atokowvt anumpulit a pi yukpa fehna chi ka, vno vt ayvt
chim ona la chi, vm ahoba hoke.

13. Chitibapishi ohoyo vlhtoka ya im vlla vhleha hvv pit
chi ai okpvchishke. Amen.

C H A N

! HOLISSO ATUCHINA HOKE.

Kaivs vbanumpa anukfoyuka ka im ahninchit miha, 1; 5 i kanvt hiahni ka im aiokpanchi; 9 Tiotifvs nan akaniohmi kuno vllpesa ik im ahno; 12 Temetivs vno ahninchit isht anumpuli.

1. ŪBANUMPESHI sipokni yokvt Kaivs holitopa fehna yvmma ai ahli hosh i hullo li chatuk mak o pit ai okpv-chishke.

2. Holitopa ma! chi haknip vt achukmaka cha, i shahlit ia kv, chi shilombish vt isht i shahlit ia kak inli ho chohma hi a ahni li kak osh nana moma ka vm i shahlishke.

3. Il itibapishi vhleha hv ai vla mv, nan ai ahli ka yvt a chi anukfoyuka cha, nan ai ahli ka ai ish ataya ka atokowa anohonli ka a sa yukpa fehna tok.

4. Na sa yukpa kv, vm vlla vhleha hv nan ai ahli ka ya ai itvnova na haklo li ka vm i shahli kv iksho.

5. Holitopa ma! il itibapishi vhleha, micha hatak itvno-wvt aya aiena ka nana ho ish ai i kaniohmi kv, ish ai ahli achukma bieka hoke.

6. Yvmmak ash ot, i hullot ish apelahanchi ka, chvch a im a chi atokowvshke; yvmmak oka nowvt aya ka Chihowa aiahni vllpiesa ho pit ai ish apelahanchi hokmv ish ai vllpiesa he mak oke:

7. Yvmmak okvt yvmma hohchifo pulla hatuk mak o Chentail a nanasi kia ik im ai esho hosh itvnovvt aya hatuk oka.

8. Yohmi hoka pishno vt nan ai ahlika ya pit ai im

apelvchi pia ha chi kvt, yvmma chohmi ka ai okpvchit nana il im atahanla he vhpiesa hoke.

9. Chvch a pit i holissochi li tok; yohmi kia yvmma ai i shahli bunna hosh Tiotlefes yvmmak okvt ik pim ai okpacho tok oke.

10. Yohmi hoka vla li hokmvt, yvmmvt nana a kaniohmi tuk, anumpa okpulo ka isht a pi achukushpvli tuk: mikmvt yvmma illa hokvto ik im ono mvt, anonti il itibapishi vhleha ha ai okpvchit nan ik im atahlo mvt, anonti kanima kvto yohma he tuk a im alvmmmit, yvmmak ash chvch a akocha weli tuk a ithaiyana la he mak oke.

11. Holitopa ma! nana kvt achukma keyu hokvno chik iakaiyo hosh, amba achukma kak ashke. Kuna hosh achukma ho a yohmi hokvto, Chihowa yvt anukfoyuka hoke, amba kuna hosh nan ik achukmo ya yohmi kvto, Chihowa ya pisa tok keyu mak oke.

12. Hatak moma, micha nana ai ahli ka fehna aiena kash kia Temetivs a annoa achukma ka anolishke; ahli, micha pishno ak kia yvmma ai atokoli kv il anoli ak inlishke; yohmi kv t pishno nan il atokoli ka ai ahli ka hvsh ithaiyanvshke.

13. Nana ka holissochi la he vt lauvt asha hatuk: yohmi kia isht holissochi okchi, micha isht holissochi aiena ak okvno isht pit ak chi holissocho ka chishke:

14. Yohmi kia chekosikma chi pisvt, nashuka ai it atok-
owvt isht chim anumpuli la chi ka vm ahoba hoke, Nan isht il ai yukpa yvt chi anukfoyukashke. Pi kana vhleha hv t pit chi ai okpvchishke. Il iti kana vhleha ha hochifo cha, pit ish ai okpvchashke. Amen.

CHUTE

I HOLISSO HOKE.

Nan ai yimmika ya a kvllot achunanchit hiela he im ahni, 1 ; 4 nan ithvnanchi ik ai ahlo puta kv̄t ib a chukowa he, yahmi kia yvm-mvt ai ilbvsha hi okvto im vhl̄taha ; 20 Chihowa anukfoyuka yok-vto shilombish holitopa apelachi pulla, mikmvt vbanumpohonli aiena pulla hosh ilap a okchal̄inchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibap-ishi hokvt, Iki Chihowa ya, i holitopa vhleha, micha okchaya he vhl̄toka tok ; micha Chisvs Klaist ak atuk pulla kak o ai ahlit i yimmit mahaya yvmmak o pit i holissochi kv̄t,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kv̄t hvchin lauashke.

3. A holitopa vhleha ma ! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kv̄t nana ka hvchi atohnochi la he vm vlhpiesa he tuk : yohmi kv̄t vbanumpa ai ahli yvt himonna ma vbanumpuli vhleha hoka im anohowa tok ak o i yimmi aiahlit hvsh mahaya chi kv̄t yichina fehna hosh hvsh hohoyashke.

4. Yohmi ka hatak kaniohmi hokvt ik i nuktahlo fehna ho iba chukowa, yvmmak okvt nitak pilla kash o nan ik achukmo ilvppa ai yvmohma he vt im vlhpihisa tok : yvm-mvt Chihowa holitobli keyu hokvt, pin Chihowa isht i kana ya haui imma isht ai ihikbi, micha yvmmak illa hosh Chito-

kaka Chihowa, micha pi Okchalinechi Chisvs Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Micha enchil vhleha hokvt a toba vmmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tvli itatakvi isht talakchit bilia hosh nitak chinto nan ai vlhpisa ka ona he im ai ahni hoke.

7. Yohmi ka Sotom, Komolah, micha tvmaha hochito auet i bilika aiena kash osh yvmmak ash o chiyuhmit, hau ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehlit, nan i shahli ya kvllakshichi, micha hatak nan vlhtoka holitopa he vlhpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mv, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininechi keyu kv, nan isht ik ahobalot isht anumpulishke; yohmi kv nampoa im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmmv i palvmmi mak oke; Ken nana a kaniohmi tok ak o chiyuhmit itvnova hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnvt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmv, na

liteha vhleha yosh nukshopa kia ik im iksho hosh il impahanchi kv̄t; hoshonti oka iksho yō mahli puta kv̄t kanima isht aya; iti vni bv̄shit, vni iksho puta, hitukla illi, akshish mōmvt lobahli mak oke:

13. Okhv̄ta chito oka piakv̄chit it ai ih̄ssot, ilap isht ahofahya yā pokpokit kohonchi; fochik yoshuba puta hoka ai okhlilika chinto yak osh yvm̄mak okv̄no immit bilia he im v̄lhpisa hoke.

14. Mihma Enok, Alv̄m isht ai unchululi ont isht untuklo kak kia, anumpa ilv̄ppa tikbanli anohonli kv̄t, Yakeh! Chitokaka yokv̄t ī holitopa vhleha tahlepa sipokni pokoli ka ai itv̄pehvt v̄la kv̄t.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai v̄lhpesa keyu puta yvm̄ohmit ai asha chatuk, micha nan ashv̄chi Chihowa ik im antio vhleha hv̄t ilap ī sanalit anumpa kv̄llo anumpohonli chatuk aiena moyuma ka na palv̄mmi ka onocha hi oke.

16. Ilv̄ppak okv̄t ik ahninchot lumasit isht anumpuli vhleha hosh ilap chukv̄sh okpulo nan ahni kak ȳ iakaiya yoke; micha isht ilauata fehna anumpa puta ka itih hā isht anumpohonli kv̄t, ilap nan isht im achukma he, ahni kak osh, hatak nashuka puta ka ahninchī yoke.

17. Amba ā holitopa vhleha ma! hv̄chishno yv̄to pin Chitokaka Chisvs Klaist im anumpeshi vhleha hv̄t tikba kash anumpa isht hv̄chim anumpohonli tok puta kak ȳ hv̄sh ithaiyanashke:

18. Yohmi kv̄t ont ai ishtaiyopit mah̄ayakma, nan isht ik ahobalo vhleha hv̄t Chihowa ik holitoblo hosh ilap chukv̄sh okpulo nan ahni kak ȳ iakaiya hosh ai asha hi oka, hv̄chim anohonli tok ā hv̄sh ithaiyanashke.

19. Ulv̄ppak osh v̄banumpuli ik̄sa ai āhli ka il ai ī filv̄mmi-chi kv̄t, haknip nan ahni yō iakaiya hosh, Shilombish Holitopa yvt ik im iksho hoke.

20. Amba ā holitopa hv̄chishno yv̄to, Shilombish Holitopa yvt hv̄chi anukfoyuka hosh anumpa ilbv̄sha anumpohonlit, na hv̄chi yimmi holitopa fehna kv̄t hv̄sh il ai āhlichashke;

21. Chihowa ya hvsh i hullo kv̄t hvsh il achunanchi hosh, Chitokaka Chisvs Klaist okv̄t hvchi nukhāklo na aiok-chayvt bilia ya hvsh ona chī kv̄t hvsh hohoyashke.

22. Mikmvt yakohmi hoka im ahnit, kaniohmi kvno hvshi nukhāklashke.

23. Micha inla kvno nukshoblit halvllit, luak a a kohchit hvsh hlakofichi kv̄t, na fohka haknip isht aliteha yak heno hvsh i yuwalashke.

24. Yohmi ka yvmmak osh hvchi halanli hō ik hvch ibetvblo ka he, micha ilap ai o binili holitompa itikba ya anumpa ik achukmo hvchi onvtonla iksho nan isht il aiyyukpa chinto hō isht hvchi ona hinla,

25. Pi Okchalinchi Chihowa hopoyuksa kak bieka yvm-mak o isht a holitopa, isht a chinto, micha isht a miko, micha nan isht ai ahli aiena kv̄t himonasi, micha himak a pillē ka immit biliashke. Amen.

UBANUMPESHI CHAN A

NANA KUTIM OTUNI TOK.

CHAPTER I.

Uba nan im otaiyani tok vt tvli holisso lakna pula ai o hikia untuklo nan isht vlpisa ho Chan vt chvch untuklo Asia a hiohmaya ka pit i holisso chi tok, 1; 7 Klaist vt minta chi; 14 nan isht im ai ahli holitopa chinto aiena ka anoli.

1. CHISUS Klaist nan isht otvninchi yvmmak oka Chihowa hvt ima na in chekosikma nana a kaniohmi pulla chi ka, in tishu vhleha ha im otvnincha hi a tok; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmvt Chisus Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke; yakohma chi ka ai ona hosi hoka.

4. Chan vt Asia yakni chvch a hiohli untuklo ka pit aiokpvchi; yvmmvv okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvmma im ai o binili holitompa itikba ya a hiel Na shilombish untuklo aiena ka a minti;

5. Michi Nan atokowa anoli ai ahli, mikmvt illi tuk csh

falamvt tani kv̄t illi v̄hleha hak ȳ Ūttahpi hosh holitopa i shahli ; micha miko yakni pakna ai asha puta I shahli Chisvs Klaist mak ȳ a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli hȳ isht achifvt hv̄p i kashofi cha,

6. Iki Chihowa na holitompa isht im vtta, micha miko yȳ ohminchi hosh pi atokoli tuk mak osh mihi yȳ isht a holitopa, micha nana moma isht imaiya ita tuklo kv̄t immi hosh bilivt biliashke. Amen.

7. Yakeh ! hoshonti hȳ il ai eshi hosh minti mak oke ; yohmi ka hatak nishkin puta, mikma kv̄na hosh yv̄mma tv̄li halupa isht bahli tok v̄hleha ash kia moyumvt pisa he ; yohmikma oklushi puta yakni pakna ai asha tuk vt moyumvt yv̄mmak atuk pulla kak ȳ komuntvt yahaya hi oke ; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Ūno ak osh Alfa, Omeka, ai isht ia vmmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pih̄sa sia, micha Chisvs Klaist apehlichika ibafohka, micha Chisvs vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs Klaist nan isht im atokowa pulla hatuk mak ȳ yakni tashaiyi Patmos hohchifo hȳ ont anta li tok.

10. Atuk osh Chitokaka i nitak ȳ Shilombish Holitopa yvt si anukfoyuka fehnvt ahanta li hȳ, vm asha ka imma ya nan ola chinto isht pufa ola hȳ chohmi kv̄t,

11. Ūno ak osh Alfa, mikmvt Omeka, vmmona, mikmvt ont ishtaiyopi aiena sia mak oke ; yohmi hoka nana hȳ ish pih̄sa kv̄t holisso ha ish a holissochi cha, Asia yakni chv̄ch a hiohli untuklo Efesvs, micha Smvna, mikmvt Pukamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi hȳ haklo li tok.

12. Yohmi ma auet vm anumpohonli yv̄mmak ash ȳ pisa

la chi hosh pit filema li tok. Yohmi kv̄t pit filema li mv̄t, tv̄li holisso lakna p̄vla ai ǝ hikia untuklo ka pisa li tok:

13. Yohmi ma p̄vla ai ǝ hikia untuklo yv̄mmak ash ik-lv̄mna ya Hatak Ushi ak ǝ holba hosh, anchi vt̄ iyi pilla ona h̄ǝ ai anchi hosh, tv̄li holisso lakna isht vskofv̄chi ǝ chinuko foka ak ǝ isht takchi hosh hikia tok.

14. Mihma noshkobo, micha p̄ashi aiena kv̄t tohbi kv̄t chukfi hishi, micha okti pushi aiena kak ǝ chiyuhmi ma, nishkin vt̄ luak libbi hak ǝ chiyuhmi tok:

15. Yohmi mv̄t iyi yvt malanta kv̄t tv̄li lakna yosh tv̄li abila ȳǝ fohkv̄t hullokmi tuk mak ǝ chiyuhmi ma, itih ola kv̄t oka chinto fopa h̄ǝ chiyuhmi tok.

16. Mihmv̄t ibbak isht impak imma ya fochik untuklo h̄ǝ isht ieshi tok; mihma itih h̄ǝ bv̄shpo falaia itahl̄akla halupa yosh a kohcha ma, nashuka yvt shohpakali kv̄t, hv̄shi tom-mi ai ǝhli tom̄mi chatuk mak ǝ chiyuhmi tok.

17. Yohmi ma yv̄mmak ash ǝ pisa li mv̄t, illi ȳǝ choh-mit iyi ituma ya ont sa tula tok. Yohmi ma ibbak isht im-pak imma ya ishit si umbitepa mv̄t, Ũno ak osh v̄mmona, micha ont ishtaiyopi aiena sia mak oke, ik chi nukshopo kashke.

18. Ũno ak osh okchayvt ahanta sia mak osh, sv̄lli tok nana kia, anonti yakeh! okchayvt sa bilia hoke, Amen: yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish p̄isa tuk, micha nana kv̄t a kaniohmi, mik-mv̄t himak a pilla h̄ǝ nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma ǝh̄to h̄ǝ ish p̄isa kash, micha tv̄li holisso lakna p̄vla ai ǝ hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im vt̄ta vhleha untuklo kak oke; yohmikma p̄vla ai ǝ hikia untuklo ish p̄isa kash ot chv̄ch a hiohli untuklo kak oke, v̄m achi tok.

CHAPTA II.

Efesvs, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana ho pit i holissocha chi ka Chan a im apesa kvv, nana kvv ai vhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pula ai o hikia untuklo ho iklvna a nohwa yak osh ilvppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlvv ish achunanchi, mikmvt ai vhpiesa keyu vhleha ha kaniohmit ish im ahninchu keyu, yohmikmvt kvna kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchu:

3. Micha nana kvv palvmmi ka ish pihisa kia, nuktanlvv ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk a chim ithaiyana lishke.

4. Yohmi nana kia vmmona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahninchu kvv vm ashvshke.

5. Yohmi hoka kanima yo a hikivt ik a lauwot ish ia tuk vt pit anukfihinlit, ish ile kostininchu cha, nan isht ish ai vtta vmmona tok ak o ish yvmihchashke: yvmmak keyukma chekosi chim aya likmvt, ish ile kostininchu ho keyukma, chi pula ai o hikia ya ishit, a hikia tuk a kanvllichi la hi oke.

6. Amba chishno yokvto ilvppak o a chi yakohmi hatuk osh, Nikolaitan okla nana a kaniohmi puta ka chik ahninchu ka, yvmma vno ak kia ak ahninchoshke.

7. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, mihi yosh ai-okchaya iti Chihowa i Palatais iklvna hikia hatuk ma ai vpa hi a ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yvmmak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kv̄t chin laua ka ithana li,) mikmvt kanima kv̄t nana ka ik ahobalot anumpulit mihi yō keyu kv̄t, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kv̄t isht chi ai ilbvsha he puta asha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kv̄llo a hvchi apitta he; yohmikma nitak pokoli hō na palvmmi hvsh pisa chi hoke: ai ahlit mahayvt ont chillashke; yohmikma iachuka okchaya yō chima la he mak oke.

11. Kv̄na hosh haksobish vt i hinli hokvto, Shilombish Holitopa yvt chvch vhleha hā nan im ok ahanchi puta ka haklashke. Kv̄na hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vtta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yō Setan vt apehlichy yvmmak kia ish ai vtta ka ithana lishke; yohmi kv̄t sa hohchifo hatuk ma kv̄llochit ish ieshi mvt, anonti Antipas yvmmak okv̄t vm antia ai ahlit atokowa otvninchi yosh hvchi takla ahanta tok a Setan ai vtta yak o ai vbi tok nitak foka kak kia, vno a is sai yimmi tuk vt chik kancho tok a ithana lishke.

14. Yohmi kia na holbvt toba puta isht aiokpv̄chi tuk puta ka vpa chi, mikmvt itin lumaka ma yvmohma chi ka, Islael okla itikba ya isht ai ibetv̄bli i bohla chi ka Belam vt Balak a im abvchi tok nan vlv̄vchi ilvppa holitobli vhleha yvmmak o ish il a pehlichy hoka, nana ka isht ak chim ahnincho ka achafoa kv̄t vm ashvshke.

15. Yohmi mvt anonti Nikolaitan okla nana isht ithvnan-

chi yummak oka ak ahnincho chatuk mak o, mihi yo holi-
tobli vhleha yummakma ish il apelihi ak inlishke.

16. Ile kostininchí; yummak keyukma chekosi fehna
chim aya lish, okla yummak oka bshpo falaia svth a
kohcha hatuk ma ont isht itibi la he mak oke.

17. Kuna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kuna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvli tohbi yo yumma hohehifo himona yosh a ho-
lisso, yohmi ka yumma hatak nana hosh ithana he keyu,
amba ishi tuk ak illa hosh akostininchi mak o ima la hi
oke.

18. Anonti chvch Hlaiatila a hikia nan isht im vta ya
pit ish i holissochashke: Chihowa Ushi yummvt nishkin vt
luak libbi ho chiyuhmi ma, iyi mvt tvli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanlvvt ish achunanchi,
mikmvt nana ish a kaniohmi puta, yohmi kvv ont ishtaiyopi
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yummvt an tishu vhleha ha
nan im avchit, yoshubli na itin lumaka yvmohma he, mik-
mvt nana ka na holvvt toba yo isht aiokpvchi tuk puta kia
vpvt ai asha hi a, vhpesa ish im ai ahni hatuk oka, nana ka
isht ak chim ahnincho ka achafoa kvv vm ashvshke.

21. Yohmi mvt itin lumakvt ahanta chatuk vto ai ile
kostininha chi ka nitak a ima li tok, nana kia ile kostinin-
cha he keyu ki tok.

22. Yohmi hoka yakeh! yumma atuk ma topa pakna yo
pit ai om bohli likmvt, yumma itin lumaka yatuk ma na
palvmmi chinto ka onochi la chi hoke; nana a kaniohmi
yatuk puta kvv ai ile kostininchi ho keyukma.

23. Mikmvt ohoyo yumma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chukvsh nana ai ahni puta ka afvnalechit ithana sia

hatuk a chvch vhleha puta kv̄t ithaiyana he mak oke: yohmikma hvchishno hvsh a kaniohmi puta kak o isht ai v̄lhpesa aiyyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan v̄lv̄v̄chi ilv̄ppak ash ik ahnincho, micha Setan vt im anukfila ont ai v̄hli mak o, okla miha ka, ik ithano hvchia hokvno na weki inla nana h̄o hvchi onochi la ch̄i h̄o keyu, hvchim achi lishke.

25. Amba nana ka hvsh ieshi m̄ashko hatuk okvto, kv̄llochit hvsh ishi na v̄la li hayashke.

26. Yohmikma kv̄na hosh nana ka imaiyachit, nana kv̄t yakohma he ahi li ka holitoblit im antīvt a h̄lopulli hokvto, mihi yosh oklushi puta hatuk ma i shahla he mak o, vno a Aki vt v̄m apesa tok a, chohmichit im apesa la he mak oke:

27. Yohmikma yvmmak ash ot tv̄li fuli toba h̄o ieshi hosh yvmma nan im apih̄isa he; mikma yvmmak atuk mv̄t shuti tv̄na yosh na tv̄na tuk o bushullit tv̄moa chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kv̄na hosh haksobish vt i hinli hokvto, Shilombish Holitopa yv̄t chvch vhleha h̄a nan im ok ahanchi puta ka haklashke.

CHAPTA III.

Satis chvch hikia v̄banumpa isht im vtta ya nan i miha, 1: 3 ile nukh̄aklonchit ilekostonincha ch̄i ka i miha: Filatelfia chvch hikia ka nan isht im vtta yv̄to nana ka ahlit achunanchit ahanta ka im ahn̄inchi; 15 Laotisea chvch nan isht im vtta ya tuk vt libisha keyu, mikmv̄t kapv̄sa keyu aiena ha tuk o im alv̄m̄mi; 20 Klaist vt okhisa ya hikīvt sokoha.

1. MIKMVT chvch Satis a hikia nan isht im vtta ya pit ish i holissochashke. Chihowa imi shilombish untuklo, miha fochik untuklo aiena il ai eshi mak osh ilv̄ppa puta ka achishke: Nana ish a kaniohmi puta, okchaya mak o chi h̄ohchifo ak inli kia, illi ȳo chia hoka chim ithaiyana lishke.

2. Nana kv̄t ai v̄lhpiesa aḡli hō Chihowa itikba yā ish a yvmohmi na pisa li keyu hoka, ahah! ish il ai ahni cha, nana kv̄t illi mak o mahaya kia aḡsha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hok mvno, h̄kopa nowvt aya hō chohmi hosh ant ch̄i kohcha la ch̄i; yohmi ka hvshi kanvlli nana hō ant ch̄i kohcha la ch̄i ka ish ithana hi o keyu hoke.

4. Satis ak okvno holhtina kanomosi kv̄t, yvmmak okvto im ilefoka yā ik litehlo kv̄t, chim aḡshvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha svb ai itvnowa he mak oke.

5. Kvna hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvma hohchifo hv̄t ai okchaya holisso a takali tuk a kashofi la he keyu, amba hohchifo h̄a Aki, micha im enchil v̄hleha aiena itikba yā ai anohonli la he mak oke.

6. Kvna hosh haksobish i hinli hokvto, Shilombish Holitopa yvt chvch v̄hleha h̄a nan im ok ahanchi puta ka haklashke.

7. Mikmv̄t chvch Filatelfia a hikia nan isht im vtta yā pit ish i holissochashke: Holitopa, ai aḡli mak osh, Lewi im isht tiwa yā ieshi hosh, yvmmv̄t okhishta haya, hatak nana hosh wakvma he keyu; anonti tiwa haya, hatak nana hosh okhishta he keyu chatuk mak o ilvppa puta ka achishke.

8. Nana ish a kaniohmi puta ka ithana lishke: yakeh! isht hlampko iskv̄tinosi kv̄t chin takanli cha, vm anumpa h̄a ish holitobli mv̄t, sa hohchifo h̄a chik kancho hatuk oka, okhissa yā tiwit chi tikba yā hilechi li: yohmi ka hatak nana hosh yvmmak oka okhishta hi o keyu hoke.

9. Kanima kv̄t mih mak o keyu kv̄t, Chu mak o ile mihvt holabi v̄hleha hv̄t Setan i sinakak atuk a atokolit anoli la ch̄i hoke: yakeh! yvma puta kash ot chiyi ituma yā ai v̄lv̄t ant aiokpr̄chi hosh, vno vt ch̄i hullo li hatuk a akostininha hi a im anukfilli la ch̄i hoke.

10. Chishno vt nuktanlv̄t ish achunancha hi chim aṛesa li tok v̄m anumpa h̄a ish holitobli tuk oka, v̄no ak kia na palv̄m̄mi yvm̄vt yakni pakna aṣha puta ka imomaka pisa ch̄i mak osh yakni pakna onvtuyula hi oka, hv̄shi kanv̄lli yv̄mma fehna ka chi hlakofih̄inchi la he oke.

11. Yakeh! chekosi v̄la la ch̄i mak oke: nana ish ishi yvm̄mak atuk vt kv̄llochit ish iesa pulla na iachuka h̄a hatak nana kia ik chim esho kashke.

12. Kv̄na hosh nana ka imaiyachit a hlopulli hokv̄no mihi ȳo an Chihowa in tempel in tonik ̄o ikbi la he: yohmikma yvm̄mak atuk m̄vt nitak nana ik kohcho ka he mak oke: yohmikma an Chihowa hohchifo, mikm̄vt an Chihowa in tv̄maha chito hohchifo, yvm̄vt Chelusalem himona, an Chihowa ak ̄o minti hosh v̄ba yakni a a kohchv̄t v̄la hatuk a yv̄mma isht a holissochi la he, mikm̄vt, sa hohchifo himona ma yvm̄mak ash isht a holissochi la hi oke.

13. Kv̄na hosh haksobish vt i hinli hokv̄to, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

14. Mikm̄vt chv̄ch Laotisea a hikia nan isht im v̄tta ya pit ish i holissochashke: Amen, Nan atokowa anoli aḡhi, Chihowa nana ikbi tok a moma in Tikba mak osh ilv̄ppa puta ka achishke.

15. Nana ish a kaniohmi puta ma ithana li ka, chi kapv̄ssa, keyukm̄vt, anonti ik chi lv̄shposhke; yohmi ka chi kapv̄ssa hokm̄á, chi lv̄shpa hokm̄á, nana tuk okbano, ahni lishke.

16. Yohmi kv̄t chi kapv̄ssa keyukm̄vt, anonti ik chi lv̄shpo hosh peh chi libisha v̄mmona hatuk oka, hoitv̄t sa takha a kohchit chi kanchi la hi oke.

17. Nana kv̄t an laua kv̄t, i shahlit isht ia hatuk osh nana kia sa bv̄nna keyu, ish achi; yohmi cha na palv̄m̄mi pih̄isv̄t chilbv̄sha, micha nana ik chim iksho, chik hoponayo, nipi bano aiena ho kak osh chik ithano hokv̄t.

18. Nan chin laua ch̄i kv̄t, tv̄li holisso lakna luak isht imomaka pisv̄t vl̄htaha ȳo v̄no ak ̄o is san chumpa ch̄i, mikm̄vt na fohka ish fohka cha, nipi banot hofahya kv̄t ik chim

iksho ka chi kvt, vno ak o na fohka tohbi yo is san chumpa chi, micha nishkin ahama ma an chumpvt, chi nishkin a ish ahami cha, ish hoponaya chi ka, chi miha lishke.

19. K_vna ho vno vt i hullo li hokvto, nana ka im olvbbit kostininchli li chatuk: yohmi hoka nana ka amosholi hosh ish ile kostininchashke.

20. Yakeh! okhissa ya hiki_vt sukohoha lishke: K_vna hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mvt svbai impa chi mak oke.

21. K_vna hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitomp_a ya a binili li kvt, yvmmak inli ho chohmit vm ai o binili holitomp_a ya a binila chi ka, im apesa la he mak oke.

22. K_vna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kvt itikba, olvvl aiena ka nishkin vt alotowa ; 10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. NANA kvt a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma auet svt im anumpuli anumpa vmm_{ona} haklo li ka, isht pufa yo chiyuhmi hosh, Ilvppak o oiyá, mikma himak a pilla nana a kaniohma he puta ka chim otv_ninchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitomp_a kvt vba shutik a ai o hikia ma, ai o binili holitomp_a yvmmak ash achvfa kvt o binili tok.

3. Yohmi ka ai o binili holitomp_a o binili yvmmak okvt pisa ka tvli holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohliit folubli tok: yohmi ma hatak tikba pokoli tuklo akucha ushta kv̄t na fohka tohbi abehkv̄chi hosh t̄vli holisso lakna iachuka h̄o iachukoli hosh ai o binili yash o binohmaya tok.

5. Yohmi ma ai o binili holitompa yash malv̄tha, hiloha ola aiena hosh a kohoncha tok. Mihma ai o binili holitompa yash itikba ȳa p̄vla luak untuklo, yv̄mmv̄t Chihowa imi Shilombish untuklo mak osh hieli tok.

6. Yohmi ma ai o binili holitompa itikba ȳa okhv̄ta shohkoali hosh klistal ak o chiyuhmi hosh talaia tok; yohmi ma ai o binili holitompa ai ikl̄v̄nna, mikmv̄t auet a bilika fullota aiena ka nan okchaya ushta kv̄t itikba, micha im ashaka aiena ka nishkin biekv̄t alotowa hosh aiasha tok.

7. Yohmi ka nan okchaya v̄mmona kash ot koi chito ȳo holba ma, nan okchaya ont atukla kash ot wakushi ȳo holba ma, nan okchaya ont atuchina kash ot nashuka āsha kv̄t hatak nashuka ȳo holba ma, anonti nan okchaya ont aiusha kash ot ossi h̄ika h̄o holba tok.

8. Mihmv̄t nan okchaya ushta hash ot sanahchi v̄t i han-nali aiyuka ma, nishkin biekv̄t isht alotowa tok: mihmv̄t yv̄mmak ash ot, Holitopa, holitopa, holitopa, Chihowa Chitokaka nana moma imaiya, yv̄mmak osh okchayv̄t ahanta tok osh himak a okchayv̄t ahanta kv̄t, himak a pilla ka okchayv̄t ahanta hi oke, ahanchi kv̄t nitak, ninak aiena ka ik ai yokoposhke.

9. Nan okchaya v̄hleha yv̄mmak ash ot okchayv̄t ahantv̄t biliv̄t bilia yv̄t ai o binili holitompa o binili kash, yak oke im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh okchayv̄t ahantv̄t biliv̄t bilia yv̄t ai o binili holitompa o binili kash itikba ȳa ant hlipkv̄chit, aiokpahanchi mv̄t, im iachuka hash shoelit ai o binili holitopa itikba ȳa pit ashachi mv̄t,

11. Chishno ak osh nan okluha ka ish ikbi tok: micha

chishno nana ish ai ahni hō nana ai asha kv̄t toba tok oka, Chihowa ma! nan isht a holitopa, micha isht ahninchī, mikm̄vt isht chim ai ahli puta kv̄t a chimmi ha he vt chim v̄lhpesa hoke.

CHAPTA V.

Holisso hv̄t nan isht ashana untuklo hō isht ashana hō Chan vt pisa, 1; 9 yv̄mma chukf̄vlhpoba ushi yv̄mm̄vt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmak ash o aiokpahanchi; 9 ilap im issish o isht okchalinchī tuk a okla anohonli.

1. YUMOHMI ma a holisso yv̄t anukaka, mikm̄vt pakna aiena ka holisso hosh, isht ashana untuklo hō isht ashana hosh ai o binili holitopa o binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpohonli m̄vt, Kv̄ta hak osh isht ashana puta hatuk a mokohlichī cha, holisso hash tiwa hi vt im v̄lhpiesa cho? achi hō pisa li tok.

3. Yohmi ma vba shutik, micha yakni, mikm̄vt yakni nutaka aiena ai ahanta kv̄t kv̄na kia holisso yv̄mma tiwa he, mikm̄vt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk a tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh achv̄vt, Chi nishkin okchi vt minti ná; yakeh! Koi chito Chuta okla a minti, yv̄mm̄vt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chi kv̄t ont im ai ahli hatuk oke, vm achi tok.

6. Yohmi ma yakeh! ai o binili holitopa, micha nan okchaya ushta, mikm̄vt hatak tikba v̄hleha aiena ka ai itin takla ya Chukf̄vlhpobushi vt hikia kv̄t illi tuk a ahoba hosh, lapish vt untuklo cha, nishkin m̄vt untuklo, yv̄mm̄vt Chihowa imi shilombish untuklo yakni moyuma ai im aya mak o pisa li tok.

7. Mihmvt yvmmak ash ot minti mvt, ai o binili holi-
tompā o binili im ibbak isht impak imma holisso hvt foka
tuk ash ant kohchit ishi tok.

8. Mihma yvmmvt holisso hā ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vlhto yosh na balama
alotowa, yvmmvt vbanumpuli puta im anumpa ilbvsha mak
osh yohmi hō ishi banot, Chukfulhpobushi itikba ya okla
ont hlipkvchi tok.

9, 10. Micha taloa himona ka okla talohowa kv̄t, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba chī ka, chishno chim issish ak o isht ish pi chumpa
hatuk; yohmi hosh Chihowa hā na holitompā isht imv̄tta,
micha miko vhleha aiena ka ish pikbi tok: atuk o yakni
pakna ka a mikot il ai asha chī hoka, Chishno ak osh holisso
hash ish ishi cha, isht ashana yash ish tiwa he vt a chim
vlhpiesa hoke, ahanchi tok.

11. Yohmi ma pit pisa li ma, ai o binili holitompā bilika
fullota ka, enchil vhleha laua, mikmvt nan okchaya, micha
hatak tikba vhleha aiena ka itih ola bieka hō haklo li tok;
yohmi kv̄t yvmmvt holhtena kv̄t tahlepa sipokni pokoli
banot ia kv̄t tahlepa sipokni pokoli cha, anonti tahlepa
sipokni bano hosh tahlepa sipokni achvfa hosh,

12. Chitolit miha hosh, Chukfulhpobushi illi tok vt nan
isht im ai āhla he, micha nan uha in laua, mikmvt isht a
hopoyuksa, micha isht hlampko, mikmvt isht ahninchī,
micha isht aholitopa, mikmvt isht aiokpanchi aiena ka a
chimmi ha he vt chim vlhpiesa hoke, ahanchi hō haklo li
tok.

13. Yohmi ma vba, micha yakni pakna, mikmvt yakni
nutaka, mikmvt okhv̄ta anukaka, nan okchaya aiasha tuk,
mikmvt yvmma puta aiasha tuk vt momvt, Ai o binili holi-
tompā o binili, micha Chukfulhpobushi ita tuklo kv̄t isht ai
okpanchi, micha isht ahninchī, mikmvt isht a holitopa, mik-
mvt isht im ai āhli aiena kv̄t ai immi kv̄t bilivt biliashke,
ahanchi hō haklo li tok.

14. Yohmi ma nan okchaya ushta kash ot Amen, achi tok : mihma hatak tikba pokoli tuklo akucha ushta kash ot aka hlipkvchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli ; tiwakma nana hosh kaniohmi ; nana kv̄t ont ai v̄lhikma kaniohma he anoli.

1. **YOHMI** ma pisa li ho, Chukfvlhpobushi vt holisso isht ashana achvfa kash tiwi tok : mihma hiloha wimimpa ho chiyuhmi hosh nan okchaya ushta kash ot achvfv̄t, Minti cha, ant pisa, achi ho haklo li tok.

2. Mihma yakeh ! issuba tohbi yo pisa li tok : mihma iti tanampo ishi hosh yvm̄mak ash o o binili ; yohmi ma yvm̄mak ash o iachuka ima ma, yvm̄mak ash ot imaiyachit hlopulla chi kv̄t imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisa, achi ho haklo li tok.

4. Atuk o issuba inla yvm̄mv̄t humma yosh kohchvt ia tok : yohmi ma yvm̄ma o binili kv̄t nanaiya hatuk a yakni pakna ya a mokofit isha chi kv̄t im v̄lhpisa na okla hv̄t ilap bika ya itillicha he mak atok ; yohmi ma yvm̄mak ash o bv̄shpo falaia chinto ho ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisa, achi na haklo li tok ; mihma yakeh ! issuba lusa yo pisa li tok ; mihma yvm̄ma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintak'a ya ai anum-pa ola kv̄t, Iskvli achvfakma onush isht v̄lhpisa achvfa, mikma iskvli achvfa ka bale vt isht v̄lhpisa tuchinashke ; yohmi kia ahah ! ish ai ahni cha, alif vni, mikmv̄t oka paki aiena hokvno chik okpano kashke, achi ho haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miha mvt, Minti cha, ant písá, achi na haklo li tok.

8. Yohmi ma yakeh! issuba hatolakna yó pisa li tok: mihma Isht-ai-illi hohchifo hosh yummak ash o o binili ma, ai okpulo ka ai asha tuk vt pit iakaiya tok. Mihma yummak ash ot yakni itakashkoa ont isht ai ushta ka bushpo falaia, micha na hohchvfo, mikmvt nan-illi, micha nampoa nukshopa puta yakni pakna ai asha aiena kak o isht illichá chí kv̄t im v̄lhpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok v̄hleha shilombish vt alta nutaka yá ai asha na pisa li tok.

10. Mihma yummak ash ot, chitolit anumpulit miha mvt, Chitokaka ai ahli holitopa chia hv̄t pim issish a tok a atobvchi kv̄t yakni pakna ai asha ka chik im apeso hō, hopaki kv̄t katiohmi foka chí cho? ahanchi tok.

11. Yohmi ma yummak ash o ilefoka tohbi falaia holtompa aiyuka hō ima tok: mihma chekosi takla hokvno nukchintot fohvt maya na itibapishi v̄hleha tishu ilap ai itilauí puta kak kia, ilap ak atok ak inli hō chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto hō pisa li tok: mihma hv̄shi vt lusa kv̄t na pashi tv̄nna yó chiyuhmi ma, hv̄shinínak-aya yvt issish ak o chiyuhmi tok.

13. Yohmi ma vba fochik puta kv̄t chilofvt akakoha kv̄t, fik vpi yvt mahli kv̄llo fehna hō faiokahanchi na ik ai ono hō vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kv̄nia hō chohmit pit kv̄nia tok: mihma nv̄v̄ih chaha, micha tashaiyi puta kv̄t a taloha tuk a a kanv̄llit taha tok.

15. Mihma m̄iko v̄hleha yakni pakna ai asha tuk, micha hatak hochitokaka v̄hleha, mikma hatak nan in laua v̄hleha, kv̄pitvni hochito, hatak holtompa v̄hleha, mikmvt hatak yuka, micha hatak yuka keyu puyuta kv̄t nv̄v̄ih chaha

puta tvli hochito aiena ka chiluk ai asha tuk a a lumpoa tok.

16. Mihmvt nvnih chaha puta, micha tvli hochito aiena kash o, Auet hvsh pi o kinahli cha, ai o binili holitomp a o binili ka i nashuka, micha Chukfvlhpobushi nan isht i nukkilli aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kaniohmi hosh yakohmit nan isht ai in chuwa, 9 Oklushi inla mvt aholhtina iksho hosh in chuwa, ilvppak ashot na tohbi holitopa falaia isht fohkvv aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. ATUK o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chi ka, yakni auet a mahli ushta hatuk ma ieshi hosh, yakni achukbeli ushta ka hiel ho pisa li tok.

2. Mihma anonti enchil inla hosh Chihowa okchaya im isht in chuwa ishi hosh hvshi akochaka imma yo vttvt oiyvt minti ho pisa li tok; mihma yvmmak ash osh enchil ushta yakni, micha okhvta aiena okpvna chi im vlvpisa tuk ash o chitoli hosh pit in tahpvvt,

3. Yakni, mikmvt okhvta, micha iti puta aiena ka hvch ik okpano ho, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chuwa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chuwa tok.

5. Chuta isht ai unchululi hvv tahlepa sipokni auah tuklo hosh in chuwa tok. Luben isht ai unchululi hvv tahlepa sipokni auah tuklo hosh in chuwa tok: Kat isht ai unchululi hvv tahlepa sipokni auah tuklo hosh in chuwa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotehna kvt tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitomp a behkvchi hosh, pam vt ibbak a foyuka ho ai o binili holitomp, micha Chukfvlhpobushi ita tuklo itikba ya hieli ho pisa li tok.

10. Mihma chitolit miha hosh, Hvpin Chihowa ai o binili holitomp o binili kak osh, micha Chukfvlhpobushi ita tuklo kak osh pi okchalanchi tuk mak oke.

11. Mihma enchil vhleha ai o binili holitomp, micha hatak tikba vhleha, mikmvt nan okchaya ushta aiena kash a foluplit hieli tuk vt ai o binili holitomp itikba ya okla oka hlipkvchit Chihowa ha aiokpahanchi mvt,

12. Amen, hvpin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba vhleha hash ot achvvt auet anumpuli mvt, Ilefohka tohbi falaia abehkvchi yakohmi kvt kvta ho? micha katima yo okla minti tok oh cho? vm achi tok.

14. Mihma, A shahli ma! yvmmak okvno ish ithanvshke, im achi li tok. Mihma, Ilvppa yakohmi kak osh na palvm-

mi chinto h_o asht kohchvt aya hosh, im ilefoka yash Chuk-fulhpobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holi-tompa o binili kv_t yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mik-mvt ik itukshilo ka he, mikmvt hvshi vt ik onvtulo ka he, mikmvt kocha lvshpa mvt ik towulhkocho ka hi oke.

17. Chukfulhpobushi ai o binili holitompa iklvnna binili yvmmak osh impvchit, peblichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h_o enchil untuklo ka ima, 6 ushta kv_t olachi ma na palvmmi chinto kv_t otvni; 3 enchil achvfa kv_t vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. **ATUK** o holisso isht ashana ont isht untuklo kash ti-wi ma, hvshi kanvlli isht vlvpisa iklvnna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hieli tuk a pisa li tok: yohmi ma yvmmak ash o isht pufa untuklo h_o ima tok.

3. Mihma enchil inla hosh tvli holisso lakna na-balama ai-vlhto yo sholi kv_t, mintit alta ya ant a hikia tok: yohmi kv_t vbanumpuli vhleha moyuma kv_t vba pit anumpohonlik-ma ai atakla ma tvli holisso lakna alta toba yvt ai o binili holitompa itikba hikia tuk a ai o huhukma chi ka, na bala-ma laua h_o ima tok.

4. Atuk o na balama ya a shobulli kv_t, vbanumpuli vhle-ha vba pit anumpohonli ka ai itiba fokvt enchil ibbak a a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvt il ai atahli tok.

7. Mihma enchil vmmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kvt luvt taha ma, hvshuk okchaki mvt momvt luvt taha tok.

8. Mihma anonti enchil ont atukla kash ot olachi ma, nv-nih chito yosh luak o isht luhya chiyuhmi hosh okhvta ha pit okatula tok: mihma okhvta a kashapa ont isht atuchina kvt issish o toba tok.

9. Yohmi ma okhvta anyukaka nana toba tok puta im ill-fiopak asha tuk vt, kashapa ont isht atuchina kvt illi tok: mihma peni hochito yatuk vt kashapa ont isht atuchina kvt okpulot taha tok.

10. Mihma anonti enchil ont atuchina kash ot olachi ma, fochik chito yosh pva ho chiyuhmit luhya hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvt fochik yvmma hochifo kvt wumwut achi hatok; yohmi hatuk o oka moyuma ka kashapa ont isht atuchina kvt wumwut o toba tok: mihma oka ak osh takvvt kvnia hatuk oka, hatak vt oka yash o isht illi kvt laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvt koyufa ont isht atuchina hosh ai okpuloka tok; yohmi hatuk osh koyufa ont isht atuchina kvt im okhlili na nitak koyufa ont isht atuchina kvt ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvt ossi hika ho chiyuhmit vba shutik iklvna ya hlopullit aya mvt, chitolit tahpvlvt, enchil tuchina kash ot himak pillla isht pufa ola inla ka olacha chi kvt asha ka, yummak osh

ohonla hokvno, hatak yakni pakna asha hatuk vt i Palvmmi, palvmmi, palvmmi chinta chi mak oke, ahanchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ashochittuk hofobi ont ataha he iksho isht tiwa ya ima, 1: 2 chiluk ash o tiwi ma hawa puta halambia ho choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. YUMOHMI ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula ho pisa li tok; mihma yvmmak ash o chiluk hofobi ont ai vhli iksho isht tiwa ya ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito yo shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kvv isht okhlilit kvnia tok.

3. Yohmi ma hawa puta mvt shobohli ka asht kohchvt, yakni a ai itvnowa tok; yohmi ka yvmmak atuk mvt nan okpvna he im vllhpisa kvv, halambia yakni pakna ai asha kvv nan okpvna he im vllhpisa tok ak inli ho chiyuhmi tok.

4. Yohmi mvt yakni pakna hvshuk ai asha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vllhpisa tok.

5. Yohmi kia yvmmak oka ik illichu ka chi, amba ilvp-pak ash ot nan i palvmmi kvv hvshi tahlapi ka ona chi ho im vllhpisa tok; yohmikma hawa vt yvmmak ash o i palvmmichi kvv halambia hosh hatak a nvhlikmvt i palvmmichi chatuk a chiyuhmi tok.

6. Mikmvt nitak yvmma foyuka hokvno hatak vt illa hi a hohoyo kia, ik ahayucho ka he; micha illi ka ik bvna kia, nan illichu vt i kvnihiya hi oke.

7. Yohmi ma hawa yash osh issuba hosh tvnvp ia chi hosh im vltahvt kvnia chatuk a chiyuhmi tok: mihmvt tvli

holisso lakna holba h_o iachuka iachukoli ma, nashuka yvt hatak nashuka y_o chiyuhmi tok.

8. Mihmvt p_ashi vt ohoyo p_ashi ak o chiyuhmi ma, noti vt koi chito noti y_o chiyuhmi tok.

9. Yohmi mvt ikkishi alata puta kvt tvli ikkishi alata holba h_o okla i_{sh}i tok: mihmvt i sanahchi fopa kvt itichanvli issuba laua shali h_o tvnvp itibit ia hosh yihlepvt aya na winihvchi h_o chiyuhmi tok.

10. Mihmvt hasimbish vt halambia hasimbish o holba hosh a_{sh}a h_o, nan isht nvhli mvt a_{sh}a tok; yohmi hosh nan im v_hpisa kvt hvshi tahlapi h_o hatak a ilbvshala ch_i hatok.

11. Mihmvt i m_iko vt binili tok: yvmmvt chiluk hofobi ont ai v_hli iksho a im enchil mak a tok: yvmmvt Heblu anumpa hokma Abatton hohchifo ma, amba Klik anumpa hokvno hohchifo kvt Apolyon oke.

12. Nana palvmmi achvfa kash ot ant ivt kvnia ma, anonti na palvmmi tuklo hosh himmakma mihinta ch_i oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushta ka, anumpa ola hv_t a kohcha mvt, enchil ont isht hannali kash ot isht p_ufa i_{sh}i hosh hikia kash o,

14. Enchil ushta talakchi yosh okhina chito Euflates a oka a_{sh}a ka ont ish i hotofashke, im achi h_o haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka vba ch_i kvt, hvshi kanvlli achvfa, nitak achvfa, hvshi achvfa, afvmmi achvfa aiena ka im v_hltaha tok.

16. Mihma issuba o binilit tvnvp aya holhtina kvt tahlepa sipokni tahlepa tuklo bat tahlepa sipokni achvfa tok: mihma holhtina ka haklo li tok.

17. Mihma nan isht atokowa kvt yakohmi h_o pisa li tok; issuba o binili v_hleha ilvppak ash ot ikkishi alata yvmmvt humma, micha okchamali, micha lakna ai itaiyoma aiena h_o ieshi tok; mihma issuba noshkobo hv_t koi chito noshkobo h_o chiyuhmi ma, itakha y_a luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kvt itakha

ya a kohoncha tuchina ilvppa pulla kax o, hatak moma ka kashapa ont isht atuchina kvt isht illi tok.

19. Itakha, mikmvt hasimbish aiena ka nan isht i palvm-micha hi vt im vlhpisa hoke; mihmvt i hasimbish vt nosh-kobo asha kvt sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvli holisso lakna, tvli hvta, mikmvt tvli lakna, tvli, iti aiena naholbvt toba puta, yvmmvvt pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka chi kvt, hatak kanimi na palvmmi ilvppa isht ik illo ke tuk okvto yvmma i filvmmi ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmmi ik ile kostinincho ki tok oke

CHAPTA X.

Enchil hlampko kvt holisso tiwa yvt ibbak a foyuka ho haiaka, 1 6 okchaya bilia yvmmak atuk mak o himak ma nitak vt atakala chi keyu, achi tok: 9 holisso hosh ishi cha vpa chi kvt, Chan vt im vlhpisa.

1. YOHMI ma enchil chinto inla yosh hoshonti ho ibafoyuka hosh vba shutik a mintit aka vla na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik c chiyuhmi tok.

2. Mihmvt holisso iskvtnosi kvt wakama yo ibbak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afvbekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvmmak ash ot tahpvla ma, hiloha untuklo kvt hilohoha tok.

4. Atuk o hiloha untuklo kash ot hilohoha haya, holissochi la chi hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

ə chik holissocho hosh ish ashanichashke, ʋm achi na haklo li tok.

5. Yohmi ma enchil yummvt okhvta, micha yakni ita tuklo ka ɔ hikia na pisa li kash, yummak ash ot ibbak ə vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yumma nana kv̄t aiasha puta, mikmvt yakni, micha yumma nana kv̄t aiasha puta, mikmvt okhvta, micha yumma nana kv̄t aiasha puta aiena ka ikbi tok mih mak ɔ isht a mihvt anumpa kv̄llo isht il onochi kv̄t, nana kv̄t a yohma he tuk ont ia he keyu ka hi atok;

7. Amba enchil ont isht untuklo im anumpa chi nitak okvno yummak ash ot olachit isht iakma, Chihowa nana ai ahni tuk vt in tishu hopaii v̄hleha nan im otv̄ninch̄i tok mak osh ont v̄lhtaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auet ʋm anumpuli tok: mihmvt, Ia cha, holisso iskv̄tinosi yummvt tiwa yash enchil, yummvt okhvta, micha yakni ita tuklo ka ɔ hikia ka ibbak foka ka ont ishi, ʋm achi tok.

9. Mihma enchil ash im ona lish, Holisso iskv̄tinosi yash et ʋmá, im achi li tok: mihma, Ishi cha, v̄pvt tahlí; yohmikma chikfoka yə takbacha chi hoke, amba chitakha anukaka yano champuli kv̄t foi bila yə chohma chi hoke, ʋm achi tok.

10. Yohmi ma enchil ibbak ə a kohchit holisso iskv̄tinosi yash ishi lish, v̄pvt tahli li tok; mihma satakha anukaka yokvno champuli kv̄t foi bila yə chohmi tok: yohmi kia isht nanv̄bli li mak inli hɔ, sakfoka yash ot takv̄t kv̄nia tok.

11. Mihma yummak ash ot, Hatak oklushi, mikmvt im anumpa ilaiyuka, miko v̄hleha puta l̄awa ka itikba yə nana ka tikbanli ish ai otv̄nihincha chi pulla hoke, ʋm achi tok.

CHAPTER XI.

ʋlhtokowa anoli tuklo hosh nan anoh̄nli, 1; 5 ik umbo ka chi ka vba shutik akamala hi vt im v̄lh̄pisa; 7 nampo a nukshopa yvt i sanalit

Itihilit yummak ash vbi; 8 ik hollopo hosh kaha na, 4 nitak ont atuchina cha iklvnnvt aiena ma tanit okla; 15 isht pufa isht untuklo kashot oia.

1. YUMOHMI ma kushak osh fuli yo holba ho vma tok; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel a ai ibachvfa keyu hoka, yummak okvno Chentail okla ho immi hoka, chik apeso kashke; yohmi ka hvshi pokoli ushta cha tuklot aiena ka tmaha chito holitopa ya iyi pvtha okla isht a hvhlihinchachi hoke.

3. Mikma nan isht ai ghli ka nana vm atokowa ishi tuklo ka ima la chi; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnihincha chi hoke.

4. Ilvppak osh Alif iti tuklo, mikmvt pvla ai o hikia tuklo aiena kvv yakni pakna in Chihowa itikba hiel mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak a ik umbo ka chi ka, vba shutik a okshita hi vt ilvppak osh ai im vlhpesa mak oke; mikmvt oka puta ma imaiyvt yummak ash o issish o ikba hi vt ai im vlhpesa; mikmvt yvmmvt nana ka ik yohmi ahni hokmvt, na palvmi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampo a nukshopa chiluk hofobi ont ai vhli iksho a kohcha mak osh in tanampit, yummak ash imaiyachit vba hi oke.

8. Mihma tmaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklnna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvmohmikma yakni paknaka ai asha tok puta ka hopaii tuklo ilvppak ash osh i palvmmihinchii tuk oka, yakni paknaka ai asha ak inli kvt nan isht il im ai yukpvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklnna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kvt onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kvt hoshonti anukaka mahaya ma, in tenvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tvmaha chito kashapa ont isht pokoli kvt kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakanacha mvt, vba aholitopa in Chihowa ya holi-toblichii tok, achi tok.

14. Na palvmmi atukla kash ot ant a yohmi ka, anonti yakeh' na palvmmi atuchina kash ot chekosikma minta chi hoke.

15. Atuk o enchil isht untuklo kash ot olachi tok: mihma anumpa ola chinto kvt vba aholitopa ya auet takali kvt, Yakni ilvppa apehlichika puta kvt hvpin Chitokaka, mikmvt Ushi Klaist ita tuklo im apehlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

ma okchayvt ahanta he chia, yohmi kv̄t chishno nan isht chim ai aḡli chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kv̄t nan im ai vlv̄pisa chi, mikmvt chin tishu hopaii v̄hleha. mikmvt v̄banumpuli aḡli puta, mikmvt kv̄na hosh chi hoh-chifo ha i nukshohompa aiena hokvno nan isht vlv̄toba ma ish ai ima chi, mikmvt kv̄na hosh yakni ya okpvni hokma, yv̄mma ish ai okpvna chi nitak vt vlvshke.

19. Yohmi ma Chihowa in tempel vt v̄ba aholitopa ya a tiwa tok; mihma in tempel anukaka ya nan it im vlv̄pisa itombi holitopa kv̄t otvni tok; mihma malv̄lha, anumpa ola, hiloha, micha yakni winakvchi, mihmvt hatafo chito aiena kv̄t a takali tok.

CHAPTA XII.

Ohoyo hv̄t hv̄shi yo isht foyukv̄t v̄lla isha chi nan i palv̄mmi, 1; 4 sinti chilita humma yosh yvr̄mak ash itikba hikia kv̄t im v̄lla ya isht v̄pa chi kv̄t im vlv̄taiyaha; 6 v̄lla yvt in tola mvt, ohoyo hash ot yakni haiaka yo pit maleli; 7 Mikael, m̄cha im enchil aiena kv̄t nan okpulo sinti chilita yash itih̄bit imaiyachi; 13 sinti chilita yash ot v̄ba mintit aka itola cha, ohoyo hash i tv̄nahampi tok.

1. YOHMI ma na fehna chinto kv̄t v̄ba shutik a ai otaiyani kv̄t, ohoyo hosh hv̄shi yo foyuka ma, hv̄shi-ninak-aya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yv̄mmak ash ot chakali hatuk osh, v̄lla itola he nan isht i palv̄mmit na hotopa tuk vt itola hokbano ahnit, tahpahanla tok.

3. Mihma na fehna inla kv̄t v̄ba shutik a ai otvni kv̄t, yakeh! sinti chilita humma chinto hosh, noshkobo hv̄t im untuklo mvt, anonti in lapish vt pokoli ma, iachuka untuklo kv̄t noshkobo ha afoyua tok.

4. Mihma i hasimbish vt v̄ba fochik a kashapa ont isht atuchina ka halanlit aka auet fohopli tok; yohmi ma v̄lla yvt

in tola he ai ona hatuk o, vlla yvt itola mak inli ho isht im vpa chi kvt, ohoyo hash itikba sinti chilita yash ot hikia tok.

5. Atuk o yvmmak osh tvli fuli yo ieshi hosh okla moma ka imaiyachit nan im apesa chi mak o, ohoyo hash ot vlla nakni yo sholi tok; atuk o im vlla yash o Chihowa, mikmvt im ai o binili holitompa pilla a maya tok.

6. Yohmi ma yakni haiaka kanima yo ai vtta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achvfa tahlepa tuklo cha pokoli hannalit aiena ka yvmmak oka okla nan ai im atahanla chi hatok.

7. Mjhma vba ya ai it in tanampit ai asha tok: Mikael vt im enchil vhleha aiena kvt sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiachi keyu ki tok; mihmvt ai vtta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvma a kohchi tok, atuk o aka pilla ho yvmmak ash ot pit itola tok; mihma im enchil vhleha hash ot apehvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hvpin Chihowa im apehlichika, micha Ushi Klaist nan isht im ai ahli aiena hash ot vlvshke; hvv pitibapishi vhleha i nukkillit na-mihachi yvmmak osh nitak, ninak aiena ka hvpin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukfvlhpobushi im issish, mikmvt ilap im anumpa isht atokowa puta ho yvmmak ash okla isht imaiyachi tok; yohmi kia isht ai illa he kia, ilap im ilhfiopak a i hullo tok keyu.

12. Yvmohmi hoka vba aholitopa puta, micha yvma ai asha puta hvchia ma! ho yukpa, nan isht ahullo okpulo, yvmvt chekosi itintakla ho anta chi kvt ithana hosh, nan isht i nukkilli chinto ka il ai eshit hvchim vla hoka, yakni

pakna, micha okhvta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mvt, ohoyo yvmmak osh vlla nakni ishi kash, ilbv-shahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash q̄ssi chito sanahchi tuklo h̄q ima tok; yohmi ma yvmmak q̄ afvmmi tuchina iklvnnvt aiena ka sinti chilita yash q̄ itikba ai i filvmm̄it ai ilhpihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yvmmvt oka chito yosh yvmmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mvt yakni ash ot ilap itakha ya wakvmmi cha, oka chito yvmma sinti chilita yvt ilap itakha ya a kohchi kash isht nanvpli tok.

17. Yohmi ma sinti chilita yash ot ohoyo hash i nukkilli fehna mvt, ivt ohoyo hash isht ai unchululi kaniohmi maya, yvmmvt Chihowa im anumpa vlhpisa puta ka holitobli, mik-mvt Chisvs Klaist nan isht im atokowa aiena ka ieshi vhleha hash q̄ in tanampi tok.

CHAPTA XIII.

Nampoa nukshopa yvt noshkobo hv̄t untuklo, lapish mvt pokoli hosh okhvta h̄a akohcha tok; mihma yvmmak q̄ sinti chilita yash ot nan ai ahli ima tok, 1; 11 nampoa nukshopa inla yosh yakni a akohcha; 14 nampoa nukshopa tikba ya tuk toba ch̄i ka na holbv̄t toba ya im ahni; 15 yohmi na yvmmak ash q̄ hatak puta kv̄t aiok pahancha ch̄i; 16 mikmvt isht ai in chuwa ch̄i ha tok.

1. YUMOHMI ma okhvta shinuk pakna ya ai q̄ hikia li mvt, nampoa nukshopa achvfa kv̄t okhvta h̄a a koyucha h̄q pisa li ma, noshkobo hv̄t untuklo mvt, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai q̄ holisso tok.

2. Mihma nampoa nukshopa yvmma pisa li kash o koi chikehiki ho holba ma, iyi yvt nita iyi yo chiyuhmi ma, anonti itakha mvt koi chito itakha yo chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achvfa kamo nvhlvt isht illa hi o chiyuhmi tok; atuk ak osh nvhlvt isht illa he kash ot hlakofi tok; mihma nampoa nukshopa hash o yakni mo-ma kv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit, Kvta hosh nampoa nukshopa holba cho? kvta hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlpisa tok.

6. Yohmi ma yvmmak ash ot itakha ya wakvmmi, Chihowa ya ik ahobalot isht anumpulit, i hohchifo, micha im vlhtipo, mikmvt vba aholitopa aiasha puta ma ik ahobalot na mihachi tok.

7. Yohmi kv vbanumpuli ahli vhleha in tanampit yvm-mak ash o imaiyacha chi kv nan im vlpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohchifo hv yakni tobt a minti tok ai vhli ka vlhtobvt illi tok Chukvulpobushi i holisso ai-okchaya a holisso tok keyu kv, yakni pakna ai asha moma kv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haki.

10. Kvna hoh kia inla ya yuka ikbit isht aya hokvto, ilap mvt yuka tobt aya hi oke; kvna hoh kia inla ya bvshpo falaia vo isht vbi hokvto, ilap mvt bvshpo falaia yo isht

illa hi oke. Ilvppak o vbanumpuli vhleha hvt nukthanvt achunanchit na yimmi ka isht otaiyani hoke.

11. Yakohmi ma nampoa nukshopa inla kvt yakni a auet a kohcha na pisa li tok; yohmi ka yvmmak ash ot in lapish vt asha kvt Chukfvlhpobushi ak o holba mvt, anonti sinti chilita yak o chiyuhmit anumpuli tok.

12. Mikmvt yvmmak ash ot nampoa nukshopa vmmona isht im ai ghli ash yvmma itikba yo isht ahanta hoke; mikmvt yakni, micha yvmma ai asha pit aiena kvt nampoa vmmona, yvmmvt bahvt illit hlakofi tok ash aiokpahancha chi ka im ahni hoke.

13. Mikmvt yvmmak ash ot na fehna chinto ka yvmihchi; yohmi hatuk osh yvmmak ash ot luak vt vba mintit hatak puta itikba yakni a ant onvtuyula chi ka ahni hoke.

14. Yohmi hatuk osh yvmmak ash ot nan im ai ghlit nampoa nukshopa itikba ya na fehna puta ka a yvmihchi kak osh yakni pakna ai asha puta ka yoshublihinchit mvt; bvshpo falaia isht baha tok kia, anonti okchaya tok nampoa nukshopa yvmma na-holbachit okla im ikba chi ka, yakni pakna ai asha vhleha ha im ahanchi hoke.

15. Mihmvt nampoa nukshopa holba yash ot anumpuli, mikmvt laua kvt kaniohmi hosh nampoa nukshopa holba yash aiokprcha hi o keyukmvt, illa hi a aiena ka im ahna hi oka nampoa nukshopa holba yash ilhfiopak ima hi vt im vlpisa hoke.

16. Yohmi kvt hochitoka, mikmvt ik a lauwo, nan in laua, mikmvt ilbvsha, yuka keyu, mikmvt yuka a moyuma kvt ibbak isht impak imma, keyukmvt ibitakla ya in chuwa hi a yvmmak ash ot im apesa yoke.

17. Yohmikma hatak nana kia nanasi kia chumpa, keyukmvt kancha he keyu mak a tok: amba kvna hosh nampoa nukshopa isht in chuwa, yvmmak keyukmvt i hohchifo, yvmmak keyukmvt i hohchifo ha isht a holhtina kvt isht ai in chuwa ak a hi oke.

18. Ilvppak o nan isht ithana yoke. Kvna kia im anukfila isht akostininchi im ashakmvt, nampoa nukshopa isht im a holhtina ka ik hotchna, yvmma hatak vt a hotchna

yoka: yohmi ka yvmma isht im a holhtena kv̄t tahlepa hannali cha pokoli hannali akucha hannali hoke.

CHAPTA XIV

Chukfvlhpobushi vt ilap ai itapeha itapehvt Saion nv̄nih a hiohmaya,

1. 6 Enchil osh vbanumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht i nukkilli oka paki toba ya itahobi.

1. YAKOHMI ma hopokoyo li ma, anonti yakeh! Chukfvlhpobushi ash osh Saion nv̄nih ha o hikia ma, tahlepa sipokni bat tahlepa achvfa cha pokoli ushta akucha ushta kv̄t, yvmma Iki i hohchifo hv̄t ibitakla ai o holisso hosh yvmmak ash o apeha tok.

2. Yohmi ma vba aholitopa ya auet anumpuli ka oka laua fopa, mikmv̄t hiloha chinto ola chiyuhmi ho haklo li tok: mikma hap olachi vhleha hv̄t ilap i hap ai olahanchi na ola ka haklo li tok.

3. Yohmi ma ai o binili holitompa itikba, mikmv̄t nan okchaya ushta, micha hatak tikba vhleha aiena itikba taloa himona yo okla a talohowa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak o yakni a a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu ho chiyuhmi vhleha hoke. Ilvppak ash osh Chukfvlhpobushi, yvmmv̄t kanima yo ia hoh kia, iakaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfvlhpobushi ita tuklo ka immi nawaya vmona vhleha hoke.

5. Yohmi ka yvmma itakha ya na holabi kia ai otvni cha-tuk o keyu; Chihowa ai o binili holitompa itikba ya na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmv̄t hatak im anumpa ilaiyuka moma yakni pakna ai asha tok a

im anumpula chi hosh, enchil inla yvt vbanumpa ai ahlit bilia il ai eshi hosh vba shutik iklvna ya hikvt aya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvt, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kv iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tumaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kv yvmmak ash o pit iakaiya mvt, chitoli hosh mihvt, Hatak nana kia nampoa nukshopa, micha yvma holbvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukkilli oka paki yvm-mvt nan itaiyoma keyu hosh, yvmvt nan isht i nukhobela isht ishko ya a toshowa mak o ai ishka chi hoke; yohmik-mvt yvmmak ash ot enchil holitopa vhleha itikba, mikmvt Chukfvlpobushi itikba aiena ka luak, micha hituk lakna aiena ho isht ai ilbvsha hi oke, ahanchi tok.

11. Atuk o yvma isht ai ilbvsha shobohli hvt vba ai ihiya kv bilivt bilia hoke; yohmi ka kvna hosh nampoa nukshopa, micha yvma holbvt toba yash aiokpahanchi, mikma kvna hosh yvma i hohehifo isht in chuwa ya isht ai in chuwa hokvto nitak, nirak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlv achu-nanchi ka isht otaiyani hoke; ilvppak o Chihowa im anumpa vlvpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ahli yvmmak okvt nana ka isht ahantvt isht hoyvbi tok puta ka a mokovt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, vm achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mv, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mv, hoshonti o binili yvmmak ash chitolit in tahpvlvt, Nan isht chim vlmo ya fahvmmi na-waya ya vmó; nan ish ma he vlhpesa ka ai ona hoka; micha yakni pakna nan a waya kv a laknvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmmv luak o imaiya hosh alta ya ai vttvt kohchvt minti tok: mihmv nan isht vlmo halupa ishi yvmmak ash o chitoli hosh in tahpvlvt, Nan isht chim vlmo halupa yash ishi cha, yakni pakna pakvpi ai vnit pokospo ka tvptulit itahobi; paki vt nuna fehnvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mv, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tvmaha chito kochanli ak o oka paki atoba yash o a hvhlich tok: mihma issish osh oka paki atoba yash a kohoncha kv, kowi tahlepa tuklo a taiyakla ka cha-ha kv issuba tvli kapali itih ha kapanli ona hosh talaia tok.

CHAPTER XV.

Enchil untuklo kv na palvmmi untuklo ishtaiyopi ka il ai ishi, 1; 3 nampo nukshopa yash im aiyachi tok vhleha in taloa; 7 koto-bushi untuklo kv Chihowa nan isht i nukkilli alota.

1. **MIHMA** nan isht atokowa inla yvt isht anukhlakancha he a chinto hq vba aholitopa yo a pisa li ma, enchil untuklo kv̄t na-palvmmi untuklo ishtaiyopi yvm̄mak o Chihowa nan isht i nukkilli yvt isht ai aghli mak o ieshi tok.

2. **Yohmi** ma okhv̄ta shohkoali hosh luak it ieshit talaia chiyuhmi na pisa li tok; mihma nampo a nukshopa, micha yvm̄ma holbv̄t toba, mikmv̄t isht in chuwa, yvmohmikmv̄t yvm̄ma hohchifo isht aholhtina aiena ka imaiyachi tok v̄hleha a moyuma hokv̄to Chihowa i hap ieshi hosh, okhv̄ta shohkoali yash o hiohli tok.

3. **Mikmv̄t** Chihowa in tishu Moses im vlhtaloak, micha Chukfulhpobushi im vlhtaloak aiena ka okla talohowa kv̄t, Chitokaka Chihowa nana moma imaiya, vbanumpuli v̄hleha i Miko chia ma! nana ish a toksahanli puta ka isht a nukhlakancha he a chinto hoke: yohmi kv̄t ai vlhpiesa ai aghli yak osh a chim anukfila yoke.

4. **Chitokaka** ma! Chishno ak bano hosh chi holitopa hoka, kv̄ta hosh ik chi nukshohompot, chi hohchifo ha ik holitoblecho ka chi cho? ai vlhpiesa na palvmmi ish onochi hatuk a otv̄ni hoka, oklushi moma kv̄t chi tikba ya ai vlv̄t chi aiokpahancha hi oke, ahanchi tok.

5. **Yakohmi** ha ya anonti hopokoyo li tok; mihma yakeh! nan isht atokowa vlhtipo in tempel vt vba aholitopa ya a tiwa tok.

6. **Yohmi** ma enchil untuklo kv̄t na palvmmi untuklo kash ieshi hosh, linen kashofa tohbi yo foyuka mv̄t, anonti tv̄li holisso lakna isht vskofv̄chi toba hq chunuko ya isht vskofaiyachi hosh, tempel ash auet a kohcha tok.

7. **Yohmi** ma nan okchaya ushta kash ot achv̄fv̄t Chihowa, yvm̄mv̄t okchayvt anta kv̄t biliv̄t bilia nan isht i nukkilli ya tv̄li holisso lakna kotobushi untuklo alotowa hq enchil untuklo kash ima tok.

8. **Yohmi** ma Chihowa nan isht im aholitopa, mikmv̄t nan isht im ai aghli a minti shobohli hq tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai aghlo kisha hokv̄no hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1; 6 mih ma na palummi hosh aya; 15 hukopa yo chohmit Klaist vt vla chi; mikma kva hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vummona kash ot ia mvt, ilap i kotobushi vlhto kash yakni ont o fohopli tok; mihma kva hosh nampoa nukshopa isht in chuwa ya isht ai in chuwa tok, mikmvt kva hosh yvma holbvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlhto kash okhvta ont o fohopli tok; mihma hatak illi im issish o chohmit toba na nan okchaya okhvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma! nan ai vlhpiesa chia hoke.

6. Yvmmak okvt vbanumpuli vhleha, mikmvt hopaii vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihmushke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvhli, Chitokaka Chihowa nana moma imaiya ma! nan ai ahli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok: mihma hatak puta ka

tuak o isht towulhkocho chi ka yummak ash o nan isht ai ahli yosh im vlhpisa tok.

9. Atuk o hatak puta kash ot na lvshpa chinto ka isht towulhko mvt, Chihowa, yummak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok; mihmvt yummak ash o holitoblichia hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampoa nukshopa yash im ai o binili o fohopli tok; mihma yvmma im apelihchika ya ai okhlili kvv knia ma, nan anukhahvmi hokvt, isunlvsh atuk a okla ahampa tok.

11. Mihmvt hichi okchushbvt hotohompa hokvt, ilap nana a kaniohmi tok puta ka okla ai ile kostininchi keyu mvt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Eufates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvmma foyuka tuk vt shilvt taha tok.

13. Yvmohmi ma shilombish ik kashofo tuchina kvv ha tonlvbi ho holba hosh sinti chilita itakha, mikmvt nampoa nukshopa itakha, micha hopaii ilahobi itakha aiena kash akohcha na pisa li tok.

14. Yummak okvt nan isht ahullo okpulo imi shilombish vhleha hatuk osh, nafehna puta ka yvmihinchi mvt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a ko-fahya ka okla pisa hinla ka, nipi banot ik ayo ka chi kvv, kvna hosh okchvt ahah! ahnit ilap imi nafohka puta ka ilatomba hokvto nayukpvshke.

16. Yohmi ma Heblu anumpa hvv Amaketton achi yvm-mak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kvt ai o binili holitompa yak o a minti hosh vba aholitopa in tempel a auet a kohcha mvt, Ulktaiyahvshke, achi tok.

18. Yohmi ma nan ola, hiloha, mikmvt malvtha puta aiena kvt yvmmak ash o a takali tok: yohmi ma yakni winnakvchi chinto atampa, yvmma chohmi kvt hatak vt yakni pakna ai vtta tok taiyakla ka iksho chatuk vt, yakni winnakvchi chinto kvt ituyula tok.

19. Yohmi ma tmaha chito yash ot itakvshkovt kashapa tuchina ma, anonti oklushi in tmaha puta hatuk vt aiokpu-loka tok; yohmi ma Chihowa hvt ilap nan isht i nukkilli kvlllo chinto oka paki isht ishko vlhto ka ima chi kvt Babulon chito ash ithahana tok.

20. Mihma tishaiyi yvt momvt atoshowa tok osh iksho ma, anonti nvnih hochito puta hatuk mvt ik otaiyano ki tok.

21. Yvmohmi ma hatafo chinto kvt vba shutik a minti hosh, weki kvt talent achvfa foka aiyuka hosh hatak puta ka onvtuyula tok; yohmi ma hatafo nan isht palvmmi pulla hatuk mak o, hatak puta kvt Chihowa ha ik ahobalot namihahanchi tok, yvmma nan isht palvmmi kvt chinto hoka.

CHAPTER XVII.

Ohoyo hvt natishipa humma lapushki yo foyuka mvt, tvli hvta lakna isht ishko toba ho ieshi hosh nampoa nukshopa yash pakna, yvm mvt Babulon mak o o binili, 1; 5 noshkobo untuklo kvt nana ka anoli: 12 mikmvt lapish pokoli kvt nana hatuk aiena kvt annoa ohoyo haui yashot nan i palvmmi; 14 chukfvlhpobushi vt nan im aiyaichi.

1. YUMOHI ma enchil untuklo, yvmmvvt kotobushi untuklo ieshi tok vhleha hash achvft ant vm anumpuli mvt, olehma minti; haui chinto yvmmvvt oka lava pakna o binili;

2. Yvmmak o miko puta yakni pakna ai asha kvt isht itin lumaka tok; yohmi ma ilap nan itin lumaka oka paki a yakni pakna ai asha vhleha hvt ishkot ik haksí im ahni tok,

yummvt nan isht i palvmmi im vlpisa ka chim otvninchi la chi hoke, vm achi tok.

3. Yohmi ma shilombish si anukfoka ho yummak ash ot ishit yakni haiaka vsst ona tok: mihma nampoa nukshopa humma hosh nana ka ik ahobalot miha hohechifo ho isht alo-towa mvt, noshkobo untuklo cha, anonti lapish mvt pokoli ho ohoyo hosh o binili ho pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema ho foyuka mvt, ilap itiv lumaka isht a liteha na yuwalvchi puta kv tvli holisso lakna isht ishko yo alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKI, hohechifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi ho chi nukhlakancha tuk oh cho? ohoyo hash, micha nampoa nukshopa yash ot, yummvt ohoyo ha isht aya kv, noshkobo hv untuklo mvt, anonti lapish mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yummvt chiluk hofobi ai vpli iksho a auet a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kv, kvna hosh i hohechifo hv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yummvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfohka kak osh akostininchishke. Noshkobo untuklo kv nvni hohchito untuklo mak o yvmma pakna ya ohoyo hash ot o binili hoke.

10. Mikma miko untuklo kv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmvt kaniohmi hō yvmmvt vla hokmvt, chekosi ai itin takla hō anta chī hoke.

11. Anonti nampoa nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli hō ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvli achvfa ka nampoa nukshopa yash ibai achvft nan isht ai ahli yvt im vlhpisa hoke.

13. Ilvppak ash ot, im anukfila hvt achvfa cha, anonti ilap nan isht im ai ahli, mikmvt im ile hlampko ita tuklo ka nampoa nukshopa yash ima chī mak oke.

14. Mikmvt ilvppak ash ot Chukvllhpobushi ya itinta-nampa chī, mikma yvmmak okvt chitokaka vhleha in Chitokaka, micha miko vhleha i Miko yokvt Chukvllhpobushi yash ot yvmmak ash o imaiyacha chī hoke; yohmi ka kvna hosh yvmma ai ibachvfa hokvto vlhtoka, mikmvt ai ahli, micha holitopa mak oke, vm achi tok.

15. Mihmvt oka puta yvmma ish pisa tuk a, haui yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmvt lapish pokoli, yvmmvt nampoa nukshopa on talohmaya na ish pisa tuk, ilvppak okvto na haui yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni hō ai ahlichika chī ka im anukfila achvfa hosh ilap im apehlichika yatuk ma nampoa nukshopa yash ihima na Chihowa im anumpa puta kv ont ai ahlik mak a hi oke.

18. Yohmi ka ohoyo yvmma ish pisa tuk vt tmaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmma akocha chi kvt im vlhpisa; 11 yakni pakna a miko vhleha, mikmvt na chumpa, okhvta aya vlheha aiena kvt isht yahaya; 20 Chihowa nan im vlhpisa na palvmmi kvt onvtula hoka, vbanumpuli puta kvt na yukpa.

1. AIYAKOHMI ha ya, anonti enchil inla yvt nan isht ai ahli chinto ieszhi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpva mvt, Babulon na-chinto yash ot aiokpulo kvshke, aiokpuloka mak oke: yohini mvt nan isht ahullo okpulo puta im aboha kvllo, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka paki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlhpisa puta ka hvch ik ibai esho ka chi kvt, yvmma a kohchvt ho minti.

5. Yvmma nan im ai ashvchika puta kvt vba shutik a ont a bikeli hatuk o, Chihowa hvt, yvmmvt nan ik ai vlhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbita ho ape-svt oh im vlbitelichi; isht ishko yvmma alotoli ka, ilap ma vlbitelit oh im alotoli.

7. Ilap inli ile holitobliehi kvt, mihma nan ilimpa champuli isht il ai atahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imá; I hatak illi sia keyu, yohmi kv̄t na-nukh̄aklo pisa la ch̄i keyu, ohoyo m̄iko sia hosh binili li, ilap chukvsh anu-kaka achi hoka.

8. Yohmi hoka na palvmmi puta, nan illi, yaiya, mikmvt hohchvfo aiena kv̄t nitak achvfa ka im aya ch̄i; mikmvt yvmmak ash ot luak o isht hullukmit taiyaha ch̄i hoke; Chitokaka Chihowa hv̄t hlampko hokvt, yvmmak ash nan im apesvt i palvmmichishke.

9. Yohmikma m̄iko vhleha yakni pakna ai asha kv̄t yvma ai itin lumakvt, nan ilimpa champuli ai it atahlit impvt ai asha tuk vt, yvmmv̄t luhv̄vt shobulli ka okla pisa cha isht yahayvt, nishkin okchi mihinti mvt,

10. Yvmmv̄t nan isht i palvmmi ka nukshopa hatuk osh, auet i mishema h̄o hiohm̄ayvt Ikikkeh! ikikkeh! tv̄maha chito, Babulon tv̄maha chinto kv̄llo atampa, yvmmv̄t hv̄shi kanvlli achvfa mak inli h̄o nan isht palvmmi chim v̄lhpisa kv̄t chim ayvshke.

11. Nan itatoba yakni paknaka ai asha kv̄t yvmmak ash o nan isht nukh̄aklot nishkin okchi mihinti tok; ilap im v̄lh-poyak a himak a pilla ma kv̄na kia ik in chumpo hoka;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikmvt iti sitlon moma, mikmvt aifoli, nan ai v̄lh̄to ilaiyuka moma, mikmvt iti holitopa fehna nan ai v̄lh̄to ilaiyuka moma, micha tv̄li lakna, tv̄li, mav̄l aiena nan ai v̄lh̄to ilaiyuka moma atoba;

13. Mikmvt sinnamon, na balama, nan ahama, micha filakinsen, oka p̄aki, na bila, bota tohbi achukma, onush, mikmvt nampo a puta chukv̄lhpoba, issuba, micha itichanvli, yuka, hatak shilombish puta aiena kash o kv̄na kia ik in chumposhke.

14. Nan vnit waya puta yvmmak o chi chukvsh vt anushkunna tuk ash a chim afilevmmi; mihma nana moma na champonli, micha na shohwalvshli aiena tuk ash ot a chim okpulo; yohmi kv̄t himak a pilla ma yvmmak ash ish ahayucha ch̄i keyu kamohmi hoke.

15. Nana ilvppa puta kash nan itatoba, yvmmak okvt

yvmmak o nan isht ai in laua tok vt, yvmmt i palvmmi ka nukshopa hatuk osh, auet i mishemanchit biohmayat isht nukhaklot nishkin okchi mihintit,

16. Ikikkeh! ikikkeh! tmaha chito yvmmak amo! yvm-mak okvt linen lapushki, micha na-hummakbi, micha na ti-shepa aiena ka isht ai im ai vlhtaha, yohmi kvv tvli holisso lakna, micha tvli holitopa puta pvl aiena ho isht a shema tok amo!

17. Nan laua chinto yakohmi kash ot hvshi kanvlli achvfa ho ont aiokpulokvt kvnia hoka, ahanchi tok. Yohmi ma peni chito isht aya apesvchi aiyuka, micha peni chito ai asha yatuk moma, micha a toksvli aiena, mikmt okhvta nan ai itatoba yatuk vt momvt auet i mishemanchit biohmayvt,

18. Yvmmt luhvvt shobulli ka okla pisa mvt, tahpvlvt, Nanta hosh tmaha chito ilvppa chiyuhmi cho? ahanchi tok.

19. Mihmt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh! ikikkeh! tmaha chito yvmmak amo! yvmmt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kvmo! hvshi kanvlli achvfa ma yvmmak ash ot a chukillissvt kvnvishke, ahanchi tok.

20. Uba a holitopa chia ma! vbanumpeshi holitopa, micha hopaii holitopa hvchia ma! Chihowa yvt yvmmak ash nan im apesvt i palvmmi chihokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvli na-botoli tvli chito yo chohmi ka ishit, okhvta pit pila ma, yvma chiyuhmi hosh tmaha chito Babulon vt ai oklvht kinahla chi hoke; mikmt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana ho isht ai imponna yatuk kia himak a pilla ma a chi otaiyana he keyu; mikma tvli na botoli kia himak a pilla ma a chi a haiyakla he keyu kamohmi hoke.

23. Mikma pila tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka achi a haiyakla he keyu kamohmi hoke : na chin chumpa vhleha hvt yakni paknaka a hochito kvt maya tok oka ; ikhish isht yushpakvmmi isht ish ahanta hatuk mak o, oklushi moma kvt isht yushpakama hatok, ahanchi tok.

24. Yohmi ma hopaii vhleha, micha vbanumpuli ahli vhleha, mikmvt yakni paknaka ya ai vbi tok moma im issish vt yvmma ai otaiyani tok.

CHAPTA XIX.

Ilap im antia puta im issish hlatahampli tuk isht vlhtoba mak o haui chinto yash na palvmmi ka im apesa hoka, vba a holitopa ai asha yvt Chihowa ya aiokpahanchi, 1 ; 7 Chukfvlhpobushi nan im itauwaya ; 16 ilap okvno aiokpvcha hi a enchil vt ik im ahno ; 17 nan illi lawa ai asha ka ai vla chi kvt hushi puta kvt im annoa.

1. NANA ilvppvt ai yakohmi ha ya, hatak laua im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahninch, nan isht ai ahli aiena kvt Chitokaka hvpin Chihowa ya ai immi hoke.

2. Nan apesa kvt ai ahli, micha ai vhpiesa hoke ; yohmi kvt haui chinto yash, yvmmvt itin lumaka kak o yakni ya isht okpaiyani hatuk a, yvmmak ash ot nan im apesvt i palvmmichi tuk : mihmvt in tishu vhleha im issish yvmma ibak vt hlatahampli tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yvmma i shobohli hvt vba ya ihiya na bilivt bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkvchi mvt, Chihowa, yvmmvt ai o binili holitomp a binili tuk ash aiokpvchit, Amen ; Alleluia, ahanchi tok.

5. Mihma anumpa ola hvt ai o binili holitomp ya auet a kohchvt takali kvt, Pin Chihowa ya in tishu vhleha hvchia, micha kvna hosh yvmma i nukshohomp aiena kvt ik alauwo, i shahli, a moyuma kvt oh aiokpahanchi, ahanchi tok.

6. Yohmi ma okla chinto im anumpa ola ho chiyuhmi,

mihmvt oka lawa fopa hō chiyuhmi, mihmvt hiloha chinto ola hō chiyuhmi hō haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfvlhpobushi vt itauwaya chī nitak vt vla, yohmi ma tekchi ya chī mvt, il ai atahli tuk oka, nan ik hvpi yukpa cha, keho tullī, ahanchi tok.

8. Yohmi ma linen lapushki vt vbanumpuli ahli isht im ai vlhpiesa mak o, linen lapushki kashofa tohbi ka isht il ashemvcha chī kv̄t, tekchi vt im vlhpisa tok.

9. Yohmi ma, Holissochī, Chukfvlhpobushi im ai itauwaya opiaka impa aya chī kv̄t kuna hosh im annoa tuk mvt, mihi yosh na yukpa hoke, vm achishke. Mikmvt ilvppak osh Chihowa im anumpa ahli mak oke, vm achishke.

10. Mihma aiokpv̄chi la chī hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilaui, chitibapishi, Chisvs nan isht im atokowa ieshi vhleha ibai achvfa sia hoke; Chihowa hak o aiokpv̄chī; Shilombish Holitopa yvt hopaii anukfoykvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hō pisa li tok; mihma yvmma o binili kv̄t, Ai ahli, mi-cha Na miha tuk vt ai ahlichī mak o hohchifo hosh, yvmvt nan ai vlhpiesa bano hō nan apesvt, tv̄vp ikbi yoke.

12. Nishkin vt luak libbi hō chiyuhmi ma, anonti iachuka lawa kv̄t noshkobo ha afoyua hatok; mihma i hohchifo holisso kv̄t lapali kia, kuna kia ik ithano hō, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kv̄t, linen lapushki tohbi kashofa hō ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kv̄t tv̄li fuli yo yvmmak ash nan isht im apihisa hi oke; yohmi kv̄t oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlihinchī hoke.

16. Yohmi kut miko puta i Miko, mikmut chitokaka puta in chitokaka hohchifo hosh yvmma im anchi, mikmut iyubi ita tuklo ka ai o holisso hoke.

17. Yvmohmi ma enchil vt hvshi a ai o hikia na pisa li tok: mihma yvmmak ash ot chitolit tahpula mvt, hushi puyuta; yvmmt vba a helit itvnowa moma kut, Hvchishno inli hosh mintit Chihowa chinto im opiaka ai impa oh ai itvnahá.

18. Yohmi kut miko vhleha nipi, micha kvpitvni vhleha nipi, hatak ishtokaka nipi, issuba puyuta, mikmut kvna hosh yvmma o binili tuk puyuta nipi, hatak moyuma, yuka keyu, micha yuka, yohmikmut ik alauwo, i shahli aiena ka nipi ya hvsh pa chi hoke, im ahanchi tok.

19. Anonti nampoa nukshopa yash ot, mikmut yakni paknaka a miko vhleha, mikmut in tvshka chipota vhleha aiena kut itahobvt taiyaha cha, issuba o binili, micha in tvshka chipota aiena yvmmak ash in tanahampi na pisa li tok.

20. Yohmi ma nampoa nukshopa yash ot yuka tok; mihma hopaii ilahobi yash yvmmt na fehna puta ka yvmma itikba ai yvmihinchi kut, yvmmak o yvmihchi kak osh nampoa nukshopa isht in chuwa ieshi tuk vhleha, mikmut yvma holbvt toba ya kvna hosh aiokprvchi yatuk puta ka yoshuhumbli tok. Ilvppak ash ot ita tuklot okchaya na okhvta hituk lakna isht ita luhuwa ka pit a kanchi tok.

21. Yohmi ma inlaka yatuk vto issuba o binili yvmma i bvshpo falaia, yvmmak osh im itakha ya a kohcha tuk mak o isht ihinli tok; mihma hushi puyuta kash ot yvmma nipi yo isht a kaiya tok oke.

CHAPTA XX.

Setan vt talakchi na avvmmi tahlepa sipokni achvfa chi, 1; 6 illi yvt tani vmmona yvmma ai ib ahalaia hokvto na yukpa he; 7 chekosi takla ka Setan ashot i holhtofa he. 8 Kok micha Makok imma ho isht anumpuli. 10 Okhvta hituk lakna isht aluhvwa ho Setan amo pit itakanchi; 12 nan vlvpisa chinto isht aiyopi.

1. YOHMI ma enchil vt chiluk hofobi ont ai vhli iksho ash isht tiwa ieshi mvt, tvi itatakvi chito yosh ibbak a foyuka hosh vba ya a minti hō pisa li tok.

2. Mihma yvmmak ash ot sinti chilita chito yash, sinti sipokni, yvmvt nan isht ahullo, micha Setan mak o afvmmi tahlepa sipokni achvfa ka ona chī hō ishit yukachi tok.

3. Mihmvt yvmvt himmakma oklushi puta ik yoshublo hō afvmmi tahlepa sipokni achvfa he tuk vt ont ai ahli ha yō, misha pilla hō chekosi itintakla ka i hlitofa hi o, yvmmak ash chiluk hofobi ont ai vhli iksho ash pit pilt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvmma o binohmaya kv̄t nan ai apihisa he im v̄hpisa tok: yohmi ma nampo a nukshopa, mikmvt i holbvt toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh; Chisvs nan isht im atokowa, micha Chihowa im anumpa pulla hō noshobo hvt tahampa tok v̄hleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yō chohmit Klaist a ibai ahanta tok.

5. Amba illi inla maya tok okvto ik okchayo hō afvmmi tahlepa sipokni achvfa kv̄t tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kvna hosh ibahalaia hokvto, mihi yosh na yukv̄t holitopa: yohmi hokvno atukla illi vt nan isht i shahla he ik im iksho hoke; Chihowa, micha Klaist na holitompa isht im v̄tta v̄hleha ha chī, mikmvt miko yō chohmit ibai ahanta na afvmmi tahlepa sipokni achvfa chī hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kv̄llo a ik akohchá, im ai ahna hi oke.

8. Yohmikmak o oklushi puta, yvmmak okv̄t yakni pakna akvshkova ushta ka ai asha Kok, micha Makok okla yvmvt holhtina kv̄t okhv̄ta alaka shinuk ai asha kak o chiyuhmi hō yoshublihinchit itahobi cha, tanahampa chī hosh akohcha hi oke.

9. Mihmvt yvmmak ash ot, yakni pakna a mominchit ilhkoli mvt, yvmmv̄t vbanumpuli ahli v̄hleha i bina, mikmvt tvmaha chito holitopa aiena ka okla ai apakfokahanchi; mihma luak osh Chihowa a mintit v̄ba akohchvt v̄lvt, yvm-mak ash ishit v̄pa tok.

10. Yohmikma yv̄mma yoshublich̄i tuk nan isht ahullo yvt okhv̄ta hituk lakna isht ita luhuwa, yv̄mma nampoa nuk-shopa, micha hopaii ilahobi aiena kash ot pit itvtula tok: yohmi kv̄t nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitomp̄a tohbi chinto, micha yv̄mma o binili ita tuklo ka pisa li ma; yv̄mma nashuka ya i filv̄rimit yakni, mikmvt v̄ba shutik ita tuklo kv̄t tamoa kv̄t, kanima yo a taloha he kia ik im iksho ki tok.

12. Yohmi ma illi, ik alauwo, micha i shahli pit aiena kv̄t ai o binili holitopa itikba hiohm̄aya ka pisa li tok; yohmi ma holisso puta kv̄t wakama tok; anonti holisso inla, yvm-mak osh holisso ai okch̄aya mak osh wakama tok: mihma illi yash ot ilap nana a kaniohmi tuk puta, yvmmv̄t holisso h̄a a holih̄iso tok ilv̄ppa puta h̄o isht ai im v̄lhp̄ih̄isa tok.

13. Yohmi ma okhv̄ta hv̄t illi puta, yvmmv̄t im aiasha tuk vt il ai a kocha welikma, anonti nan-illich̄i, micha illi ai asha mvt illi puta, yvmmv̄t im ai asha tuk vt il ai a kohcha weli na yvmmak ash ot ilap nana a kaniohmi puyulla tuk mak o hatak moma kash ot nan isht im v̄lhp̄ih̄isa tok.

14. Mihma nan-illich̄i, micha illi ai asha yamo okhv̄ta luak o pit itokaha tok. Ilv̄ppak osh atukla illi mak oke.

15. Yohmi ka holisso ai okch̄aya ya a holisso tuk osh at̄v̄ni keyu hokv̄to okhv̄ta luak mak o pit a kv̄nia tok.

CHAPTA XXI.

V̄ba v̄mmona micha yakni v̄mmona ita tuklo ka Chan vt pisa, 1; 10

Chelusalēm v̄ba isht annoa ahli moma; 23 yvmmak oka hv̄shi vt a tomma he ahna he keyu, Chihowa im atohwikeli yak osh a tom-mi; 24 yakni pakna ai i m̄iko puta kv̄t yvmmak o im aholitopa ya isht im oh̄ona.

1. **Ū**BA vmmona, micha yakni vmmona ita tuklo kash ot ont ik ai iksho ma, anonti himak a pilla ma okhvta mvt iksho ka chī hō vba himona, micha yakni himona ita tuklo hō pisa li tok.

2. Mihma Chan sia hvt tmaha chito holitopa Chelusalem himona Chihowa yā a mintit vba yā auet a kohcha kv̄t, ohoyo himita hatak auwaya chī hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t vba aholitopa yā a kohcha na haklo li ma, yakeh ! Chihowa hvt im vlhtipo yvt hatak puta ka ibafoyuka hatuk o, yvmmak o ibai ahanta chī, mikma im okla tobakma, anonti Chihowa ilap mvt yvma in Chihowa hosh ibafoyukvt ahanta chī hoke.

4. Mikmvt Chihowa yvt yvma i nishkin okchi puyuta ma im a kasholichit kaiyancha chī ; mikma nana tīkba tuk vt ont taiyaha hoka, himak a pilla ma isht ai illi, micha nanukhāklo, micha yahaya aiena kv̄t ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitompā o binili yvmmak ash ot, Yakeh ! nana moma kv̄t himona hō ikbi lishke, achi mvt, yvmmak ash ot, Anumpa ilvppvt aīahli, micha na miha ka ont ai āhla chī hoka holissochī, vm achi tok.

6. Atuk osh yvmmak ash ot, Ūlhtaiyahvshke ; Alfa, micha Omeka, ai isht ia vmmona, micha ont ai vhli sia hosh, kv̄na hosh itukshila hokma, oka ai okchaya kv̄li hak o pilla ai ima la chī mak oke.

7. Kv̄na hosh nana ka imaiyachi tuk mak osh nana moma ka ai immi ha chī im ai vlhpiesa ; mikma in Chihowa sia hokma, anonti ilap vt svso ha chī hoke.

8. Amba na nukshopa, micha nan ik yimmo, i yuwala he vlhpesa kia yvmihchi, mikmvt hatak bīka vbi vhleha, havi vhleha, mikmvt ikhish isht yushpakv̄mmi vhleha, na holbvt toba aiokpv̄chi vhleha, holabi puta a moyuma hokvto atukla illi mak osh okhvta yvmmak okvt hituk lakna isht ita luhūwa hō isht ai i palvma chī hosh im vlhpisa he mak oke, vm achi tok.

9. Yvmohmi ma enchil untuklo kash ai ibai achvfa, yvm-

mak okvt kotobushi untuklo nan isht palvmmi ishtaiyopi untuklo kash isht alotowa h_o ieshi hosh, vltv svt im anumpuli mvt, Mintí, himona nan auwaya Chukvhlhpobushi tekchi ch_i haiakvchi la ch_i hoke, achi tok.

10. Mihma shilombish o si anukfoyuka h_o vsht ia ma, nvni chinto chaha y_o vsht ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auct a kohcha mak o a haia-kvchi tok :

11. Mihma in tohwikeli hv_t tvli holitopa fehna, tvli chaspa chohmi kak o hoyulba hosh, bvlancha kv_t klistal o chiyuhmi tok ;

12. Mihmvt tvli yosh isht a holihta kv_t chito, micha cha ha ma, anonti okhissa yvt im auah tuklo ma, enchil mvt okhissa ya vhlpisvt auah tuklo kv_t a hiel tok ; mihma yvmma ai o holisso hohchifo kv_t Islael okla it a kvshkowa auah tuklo i hohchifo hatok.

13. I hvshi akochak-imma ya okhissa tuchina ma, i falvmmi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukvhlhpobushi im anumpeshi auah tuklo hohchifo hosh a lapanli tok.

15. Yohmi ma svt im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa ch_i kv_t tvli holisso lakna nan isht vhlpisa y_o ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kv_t okhowataka ya itilau tok ; mihma tmaha chito yash yvmmak ash ot nan isht vhlpisa yash isht apesa ma, kowi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kv_t ai itilau bano tok.

17. Mihmvt aholihta kash o hatak i nan isht vhlpisa y_o yvmma enchil ash ot isht apesa ma, kubit tahlepa achvfa pokoli ushta akucha ushta tok.

18. Yohmi ma a holihta kv_t chaspa tvli yosh toba hatok ;

yohmi hoka tumaha chito yvt tvli holisso lakna bieka h_o chohmi kvt apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvli holitopa ilaiyuka puta h_o isht a shema hatok; in tolahpi vmmona kvt chaspa yatok; atukla kvt saffaia yatok; atuchina kvt kalsetoni yatok; ai ushta kvt emelal atok;

20. Isht tahlapi kvt salonik atok; isht hannali kvt sativs atok; isht untuklo kvt klisolait atok; isht untuchina kvt belil atok; isht chakkali kvt topas atok; isht pokoli kvt klisofasvs atok; isht auah achvfa kvt chasinlh atok; isht auah tuklo kvt amehlist atok.

21. Yohmi ma okhissa isht vllkvma auah tuklo kvt pvl auah tuklo tok; okhissa isht vllkvma achvfakma, pvl achvft ia tok; yohmi ma tumaha chito anukaka ya ai itvnova yvt tvli holisso lakna bieka h_o chohmit apisa shohkoali kak o chiyuhmi tok.

22. Yohmi ma yvmma anukaka ya tempel a ak peso ki tok: Chitokaka Chihowa nana moma imaiya, micha Chukfulhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma, anonti yvmma ai i pula hvt Chukfulhpobushi yak atuk o, hvshi, mikmvt hvshi-ninak-aya kia im a tomma hi a tumaha chito yash ot ik bvnno ki tok.

24. Yohmi ka oklushi puta yvmmak okvt okchaya mak osh a tohwikeli ka ya ai itvnohova he; mikma yakni pakna a miko vhleha atukmvt ilap im aholitopaka isht aiokpvchi hosh ai vlvshke.

25. Yvmmak oka ninak vt iksho ka chi hoka, nitak moma ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ahninchii aiena ma yvmma anukaka ya isht ai vlvv chukowa hi oke.

27. Mikma yvmmak oka nana kvt liteha, micha ai yuwala he kia ai yohmi, micha na holabichi a moyuma hokvto kaniohmi kia a chukowa himma keyu hoke; amba Chukfulhpobushi i holisso ai okchaya kvna hosh a holisso tok ak ba-na hi oke.

CAPTA XXII.

Oka ai okchaya okhina, 1; 2 ai okchaya iti. 5 Tvmaha chito i pvla hvrt Chihowa ilap fehna kak inli: 9 ilap a aiokpvcha hi a enchil vt ik im ahno. 14 Tvmaha chito ash anvkaka ai anta hokvto holitopa, amba kocha yo asha tuk okvto nan i palvmmi vlhtakshi: 16 anumpa ai okchaya ya nana ho isht achakvla he keyu, mikmvt kamihchit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukfulhpobushi ita tuklo im ai o binili holitompak ak o akohonchamak o, yvmmak ash ot a haiakvchi tok.

2. Okhina itahlakla ai itvnova, okhina ititakla, iti ai okchaya yvt a hiohli kvrt, auah tuklo ha nan-vnit waya beka kvrt, hvshi achvfa aiyyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvrt ik ai iksho ka he; amba Chihowa, micha Chukfulhpobushi ita tuklo im ai o binili holitompak yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; mikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pvla, mikmvt hvshi tommai aiena ka okla ik bvnno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvt ai ahli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvrt chekosi ont ai yvmohma chi yvmma in tishu vhleha im otvnihincha chi ka im enchil a auet chvffichi tok.

7. Yakeh! chekosikma vla lishke; holisso ilvppa tikbanli nan ai anohowa anumpa puta tuk a kvna hosh holitobli kak osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pīsvt haiyaklo li tok: yohmi mvt pīsvt haiyaklo li mvt, nana ilvppa puta ka vm otvninchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia hoke; Chihowa ak o ish aiokpvchashke, yvmmak ash ot vm achi tok.

20. Mihmvt nitak vt ai ona hosi hoka, holisso ilvppa tikbanli ai anohowa tuk anumpa puta ka chik ashvnicho kashke.

11. Kvna hosh nan ik ai vlhpieso hokvto, mihi yosh ik ai vlhpieso kvt ik imoyumá; mikma kvna hosh liteha hokvto, mihi yosh liteha kvt ik imoyumá; mikma kvna hosh ai vlhpieso hokvto, mihi yosh ai vlhpieso kvt ik imoyumá; mikma kvna hosh nan ai ashvchika ik im iksho hokvto, mihi yosh nan ai ashvchika ik im iksho kvt ik imoyumá, vm achi tok.

12. Atuk osh yakeh! chekosikma vla lishke: yohmi kvt hatak moma kvt ilap nana a kaniohmi yvt kaniohmi aiyukali ho nana ka isht im atobbi la chi kvt il ai ishi lishke.

13. Alfa, Omeka, ai isht ia vmmona, ont ai vhlī, vmmona, ont ishtaiyopi sia mak oke.

14. Kvna hosh im anumpa vlhpisa puta ka holitobli hokvto na yukpvshke: yohmi hok mak osh iti ai okchaya isht im ai vlhpieso hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, havi, hatak bika vbi, na holvut toba aiokpvchi; mikmvt kvna kia il imi holabichi kvt isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish filaminchi yosh anonti unchululi, mikmvt shohpakali onnahinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmvt, mihi yosh, Mintí, ik achí. Mikma kvna hosh itukshila hokmvt, mihi yosh ik mintí. Yohmi ka kvna hoh kia bvnnakmvt, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke : nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash o Chihowa hvt isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvnaha chito holitopa yash, mikmvt nana kvv holisso ilvppa yvmma isht a holisso tuk puyuta ka ahalaia hatuk a yvmmak ash Chihowa hvt isht kancha hi oke.

20. Ilvppa puyuta ka atokowvt otvninchi mak osh, Chikosikma vla lishke, achishke. Amen. Chitokaka Chisvs ma ! ik yvmohmí, ish lashke.

21. Pin Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

THE END.

SMITHSONIAN INSTITUTION LIBRARIES



3 9088 00558 6912